

S U M M A T H E O L O G I Æ

AD USUM SCHOLÆ ACCOMODATA

TOMUS QUINTUS,

QUI DUOS COMPLECTITUR TRACTATUS:

I. DE ACTIBUS HUMANIS.

II. DE LEGIBUS.

A U C T O R E

NICOLAO L' HERMINIER

SACRÆ FACULTATIS PARIENSIS DOCTORE,
INSIGNIS ECCLESIAE CENOMANENSIS CANONICO THEOLOGO,
ET IN EADEM ECCLESIA ARCHIDIACONO DE PASSAIO.

EDITIO PRIMA VENETA

AD POSTREMAM PARIENSEM

Ab innumeris mendis expurgata, ac Indicibus completissimis aucta.




V E N E T I I S

M D C C L X I.

TYPIS JO. BAPTISTÆ PASQUALI.
CUM APPROBATIONE ET PRIVILEGIO.

THE UNIVERSITY OF CHICAGO
LIBRARY



TRACTATUS

D E

ACTIBUS HUMANIS.

*Quid sit Actus humanus & quo-
tuplex.*

Actus humanus dicitur ille qui fit ab homine humano modo agente, id est, ex pravia ratione, ex mentis attentione & iudicio; unde ab actu hominis vulgo discernitur: Actus enim hominis est actio quæ fit ab homine quovis modo agente, vel etiam citra quamlibet mentis attentionem. Actus humanus dicitur moralis, quia subijcitur regulis morum, adeoque pertinet ad mores.

Ex actibus humanis alii sunt elicitii, alii imperati. Eliciti sunt ii qui a voluntate sola producuntur, eliciuntur, ut amor virtutis & odium peccati. Imperati dicuntur ii qui licet imperentur a voluntate, tamen ab aliis facultatibus exercentur, ut locutio, ambulatio.

Actus imperati, vel sunt interni, vel externi. Interni qui exercentur a potentia existente in organo interno, quales sunt actus qui procedunt ab intellectu & appetitu sensitivo. Externi sunt ii qui exercentur a potentia existente in organo externo, qualis est locutio, sive scriptio.

Præterea actus humani sunt duplicis generis. Alii enim spectant finem, alii spectant media: Tres numerantur qui spectant finem, videlicet amor, intentio & fructio: Tres itidem qui versantur circa media, nempe consensus, electio & usus: hæc divisio est S. Thomæ 1. 2. q. 8. & ratione, vel ipsa uniuscujusque nostrum experientia nititur.

Amor hic est actus voluntatis quod bonum aliquod diligit, in eoque sibi complacet sine ulla intentione inquirendi media quibus illud comparare possit; interdum enim placet voluntati obiecti alicujus bonitas, de cujus tamen adeptione non cogitamus, ejuscemodi est amor regis dignitatis in plebejo.

Intentio est actus voluntatis quo in in finem contendit per media universim spectata, & quæcunque tandem illa sint, quantumvis nondum definita sint illa media, quod non fit nisi per electionem; unde recte definitur, amor, finis cum cogitatione mediorum conjunctus.

Fructio est actus voluntatis in bono adepto & possessio conquescentis. Porro non est perfecta fructio quæ non est Dei ipsius possessio; in eo enim tota perficitur virtus moralis, quod scilicet homo uti utendis nempe rebus, & frui fruendis nempe Deo, quod ultimus est finis ultimus noster, ut mox demonstraturi sumus. Et hi quidem sunt actus voluntatis circa finem.

Consensus est actus voluntatis medium aliquod tanquam finis consecutioni idoneum approbantis; medium porro dicitur quod inter intentionem & finis ipsius possessionem medio veluti loco positum est.

Electio est actus voluntatis unum medium præ alio assumentis; electio & consensus inter se differunt in eo quod possit esse consensus quo plurima probentur media ad finem adipiscendum idonea, unum tamen determinat eligatur, unde medium placet voluntati

A 2 per

per consensum, alteri præfertur per electionem.

Usus est actio voluntatis seipsam aliasque sibi subjectas facultates applicantis ad utendum mediis jam in ordine ad finem consequendum assumptis; usus & electio inter se differunt, electio enim fit præsepe rei futuræ & longe ante usum.

His tribus voluntatis actibus quæ spectant media, antequam dicitur deliberatio seu consultatio, quæ scilicet est mediorum inquisitio & ad quam actionem pertinet aliqua mediorum eum fine & eorundem inter se collatio; an ejusmodi actio sit intellectus an voluntatis, acrius disputare animus non est nec otium; ad utramque facultatem satius dicitur pertinere: ad intellectum quidem quatenus illa media percipiuntur, ad voluntatem vero quatenus expendantur.

Horum omnium actuum existentiam, seriem & ordinem fatebitur & animadvertet, quisquis supra seipsum paulo attentius reflectere voluerit; ut primum enim objectum quoddam ut bonum ab intellectu proponitur voluntati, nascitur illico in voluntate quidam amor, quædam complacentia: tum voluntas vehementius in illud bonum contendit, efficacius illud prosequitur, & est intentio: deinde inquit media ad ejusmodi propositum finem conducentia, eaque inter se comparat vel cum ipso fine, idque per deliberationem & consultationem; hæc media quæ fini consequendo videntur maxime idonea, approbat per consensum: ex iis vero quæ utiliora sunt præ aliis assumit per electionem; tum postea facultates sibi subditas adhibet ad illa media assumenda & applicanda, & est usus: denique in adepto semel fine conqueſcit, & est fruitio; ista constabunt in quovis exemplo.

Atque his velut jactis fundamentis, ut perfecte & cum ordine omnia per-

tractentur quæ ad actus humanos universim spectatos attinent, duo potissimum examinabuntur, videlicet principia actuum humanorum & illorum naturam seu regulas, ex quibus suam mutantur bonitatem vel malitiam.

De principiis Actuum humanorum.

Prin cipia actuum humanorum ea dicuntur omnia, quæ quovis modo concurrunt ad actus humanos efficiendos; eaque sunt duplicis generis, scilicet externa & interna. Principia externa ea dicuntur quæ posita sunt extra hominem, ut finis; interna quæ sunt in ipso homine, ut facultates & habitus.

Principia interna sunt duplicis generis, videlicet congenita & acquisita. Congenita dicuntur ea quæ a natura sunt in homine nec pendent a labore & industria, ejusmodi sunt intellectus & voluntas. Acquisita dicuntur, quæ studio, labore & vigiliis comparantur, quales sunt habitus qui resident in potentiis. De his omnibus actuum humanorum principiis agendum est; prius vero de externis quæ tria numerari solent, videlicet bonum, finis & beatitudo; siquidem actus omnis humanus fit propter aliquem finem, finis omnis est bonus, & si est simpliciter ultimus, est etiam summum bonum & beatitudo. Sed quoniam in iis quæ pertinent ad finem & bonum pertractandis, & peram sufficientem navare solent Philosophi Morales, his prætermisſis, susus pro officio nostro agimus de beatitudine.

De Beatitudine hominis.

Beatitudo satis intelligitur id quod nos reddit beatos, describitur a Cicerone 3. Tuscul. quæst. Bonorum omnium secretis malis omnibus cumulata complexio. Idemque plane est ac felicitas

tas & summum bonum. Duplex distinguitur, nempe naturalis & supernaturalis: beatitudo naturalis est ea quæ solis naturæ viribus potest comparari; qualem admittebant Philosophi Gentiles, & qualis etiam foret cognitio Dei ut auctoris naturæ, in mente eorum qui statum naturæ puræ possibilem esse arbitrantur; beatitudo supernaturalis est ea quæ sine auxilio supernaturali comparari non potest, qualis est beatitudo Christianorum pro altera vita, de qua quidem beatitudine nunc differere ratio instanti postulat.

Hæc beatitudo supernaturalis alia est objectiva, alia est formalis: objectiva est objectum quod hominis appetitum satiare potest; formalis vero est actio per quam possidetur hoc summum bonum: de utraque agendum est.

De Beatitudine objectiva.

Cum experientia compertum haberent Philosophi Gentiles nulla boni creati possessione expleri unquam posse appetitum humanum, innumeras variasque pro variis affectibus de objecto beatitudinis opiniones commenti sunt: siquidem avari homines summum bonum in divitiis positum esse dixerunt, libidinosi in voluptatibus corporis, quidam in honoribus, alii in sola virtute, *ridenda & miseranda*, inquit S. Augustinus, *superborum hominum felicitas*. De beatitudine naturali, qua donari posset homo hac in mortali vita, discrebant illi Philosophi.

Nos vero contendimus & neminem in terris degentem posse ex omni parte esse beatum, & solum Deum esse perfectæ beatitudinis objectum; in hunc finem sit

CONCLUSIO.

Solus Deus est objectum nostræ beatitudinis. Siquidem objectum beatitu-

dinis est summum bonum plene & perfecte satians appetitum hominis: atqui solus Deus plene & perfecte satiare potest appetitum hominis. Tunc enim plene & perfecte non satiatur appetitus hominis, cum ipsi aliquid amplius optandum superest: atqui solus Deus ita potest satiare appetitum hominis, ut ei nihil amplius optandum relinquatur; quocunque enim bono creato posset appetitus seu voluntas hominis expetere potest bonum increatum: atqui solus Deus bonum omne, bonum infinitum, bonum increatum complectitur; ergo solus Deus plene & perfecte sui possessione explere potest appetitum hominis; adeoque solus Deus est beatitudo objectiva hominis.

Quamobrem Deus in Scripturis passim dicitur beatitudo nostra. Genes. 15. *Ego protector tuus sum & merces tua magna nimis*. ubi nomine mercedis intelligitur vita æterna & suprema beatitudo, ut explicare solent Interpretes. Psal. 15. *Dominus pars hereditatis meæ*. & Psal. 72. *Quid enim mihi est in cæto? & a te quid volui super terram? defecit caro mea & cor meum, Deus cordis mei, & pars mea Deus in æternum mihi autem adhaerere Deo bonum est, ponere in Domino meo spem meam*. Apocalyp. 21. *Qui vicerit, possidebis me, & ero illi Deus*. Quibus accedunt alia Scripturæ testimonia, quibus mox ostendetur in visione & amore Dei positam esse beatitudinem formalem. Joan. 17. *Hæc est vitæ æterna ut cognoscant te Deum verum & quem misisti Jesum Christum*. 1. Joan. 5. *Hic est verus Deus & vitæ æterna*.

Idemque docent SS. Patres quorum modo referemus testimonia, ut ostendamus positam esse beatitudinem formalem in visione intuitiva Dei; egregie vero inter cæteros August. lib. 12. de Civitate Dei cap. 1. *Dicimus itaque*, inquit, *incommutabile bonum non esse, nisi unum verum Deum, ea vero qua fecit,*

fecit, bona quidem esse quod ab illo, verumtamen mutabilia, quod non de illo, sed de nihilo facta sunt. . . . quod cum ita sit huic naturæ quæ in tantâ excellentia creata est, ut licet ipsa sit mutabilis, inherendo tamen incommutabili bono, id est summo Deo, beatitudinem consequatur, nec expleat indigentiam suam, nisi utique beata sit, eique explende non sufficit nisi Deus, profecto non illi adhaerere vitium est. Paulo antea dixerat: Non est creatura rationalis vel intellectualis bonum quo beata sit nisi Deus.

Rursus vero id ostenditur, quia vel solus Deus est beatitudo objectiva hominis, vel illa dici potest consistere in aliquo bono creato: atqui nullum est bonum creatum quod dici possit beatitudo objectiva hominis: id enim caderet vel maxime in divitias & bona fortunæ, vel in voluptates corporeas, vel in dignitates & honores, vel in virtutem ipsam, vel denique in illorum omnium simul complexionem: ad hæc enim capita revocari possunt singulæ Philosophorum Gentilium, etsi prope innumera, opiniones: atqui nemo rectus & sapiens dixerit in aliquo ex istis præfatis bonis positam esse hominis beatitudinem.

Ac primo quidem non consistit in divitiis & bonis fortunæ: siquidem objectum beatitudinis debet esse præstantissimum quo nihil melius & majus desiderari possit, aliter plene & perfecte non satiaret appetitum; præterea debet esse proprium bonis, non commune bonis & malis; constat enim malos nunquam posse felices esse; denique debet esse constans & non caducum, aliter enim homo non erit ab omni anxietate & sollicitudine immunis: atqui opes & bona fortunæ non sunt ejusmodi; sunt enim divitiis alia bona longe meliora, scilicet bona spiritalia quæ ad animum non ad corpus pertinent; insuper bonis & malis hominibus sunt communia, quin potius

a viris malis & facilius obtinentur & abundantius possidentur; ac demum fluxa sunt & caduca, quandoquidem pendent ab incerta causâ, ita ut nobis etiam invitis & sine culpa amittantur; ergo non consistit beatitudo objectiva hominis in opibus & bonis fortunæ.

Quamobrem id frequenter prædicant sacre Scripturæ. Proverb. 22. *Melius est bonum nomen quam divitiæ multæ, supra argentum & aurum gratia bona.* Ecclesiastici 31. *Beatus dives qui inventus est sine macula, & qui post aurum non abiit, nec speravit in pecunia thesauris.* Matth. 5. & Lucæ 6. *Beati pauperes spiritu, quoniam ipsorum est Regnum Cælorum.* Matth. 19. *Si vis perfectus esse, vade, vende quæ habes & da pauperibus, & sequere me.*

Secundo, nec in voluptatibus corporis & sensibilibus collocari potest hominis beatitudo; quia similiter non sunt bonum præstantissimum, non spectant enim partem hominis nobilissimam, cum ei convenient secundum partem sensitivam, quæ quidem rationali est longe inferior. Deinde vero voluptas corporis & sensuum communis est bonis & malis, quin potius convenit & animantibus brutis. Ac demum non est bonum constans & firmum, sed facile turbatur & evanescit; pendet enim ab operationibus corporis, quod cum multis obnoxium sit infirmitatibus persæpe læditur; adeoque in voluptate corporis & sensuum non consistit objectiva hominis beatitudo.

Quocirca id ingulcant passim Scripturæ, quæ non modo invehuntur adversus libidinosos qui hac in mortali vita sectantur corporeas voluptates, sed & putidum profligant Cerinthi & Mahometanorum errorem, qui vitæ futuræ beatitudinem in voluptatibus tam cibi & potus quam veneris collocabant. Joan. 6. *Operamini non cibum qui peris, sed qui permanet in vitam æternam.*

si au-

si autem iste cibus periturus est, profecto non poterit in eo consistere patriæ beatitudo, sed in alio longe excellentiori. Matth. 22. sic loquitur Christus: *In resurrectione nec nubent, nec nubentur, sed erunt homines sicut Angeli Dei.* Id est puri & liberi ab omni hujus vitæ carnali voluptate, ut & ipsi Angeli. Unde Apostolus ad Rom. 14. *Non est enim Regnum Dei esca & potus, sed justitia & pax & gaudium in Spiritu sancto.* Ubi per Regnum Dei supremam intelligit beatitudinem, per escam vero & potum, carnales epulas & corporis delicias omnes. Quod idem docet 1. ad Corinth. 15. his verbis: *Caro & sanguis Regnum Dei possidere non possunt.* Ubi nomine sanguinis & carnis intelligit carnis opera & delicias.

Tercio, non est posita hominis beatitudo in honoribus & dignitatibus mundanis propter rationes superius allatas; non sunt enim bonum optimum & præstantissimum, cum virtus ipsa sit longe excellentior: honor quippe est solummodo virtutis & excellentiæ testimonium, honor non propter se expetit, sed propter virtutem. Deinde viris probis pariter ac improbis honores attribuuntur, quin potius viri magi & sapientes persepe honores contemnunt, quos vident sæpius delatos qualibet honoratione indignis. Sunt denique bonum quoddam maxime caducum & labile, honor enim non est in nostra potestate, est in honorante, non in honorato, difficile acquiritur, facile amittitur, pendet enim ab hominum levitate & inconstantia; igitur dici non potest summum hominis bonum, suprema beatitudo.

Quo fit ut hancce vanam hominum gloriam aperte reprober Scriptura, Matth. 6. & Joan. 12. de hypocritis gloriam hominum querentibus sic loquitur Christus: *Qui dilexerunt magis gloriam hominum quam Dei; & de Pha-*

risæis, Joan. 5. Quomodo potestis credere gloriam ab invicem expectantes & gloriam que a Deo est non querentes. Matth. 6. ait Christus: *Attendite ne justitiam vestram faciatis coram hominibus ut videamini ab eis,* & cap. 16. verba faciens de iis qui vanam de suis operibus captant gloriam, ait: *Amen dico vobis receperunt mercedem suam.* Unde passim in iisdem Scripturis posita esse dicitur beatitudo in contumeliis & persecutionibus. Matth. 5. *Beati qui persecutionem patiuntur propter justitiam, quoniam ipsorum est Regnum Cælorum. beati estis cum maledixerint vobis, & persecuti vos fuerint, & dixerint omne malum adversus vos mentientes propter me. Gaudete & exultate, quoniam merces vestra copiosa est in Cælis.* Et in Epistola Jacobi cap. 5. *Eccce beatificamus vos qui sustinuerunt.*

Quarto, nec in ipsa virtute consistit beatitudo objectiva hominis; siquidem beatitudo objectiva est summum bonum propter se expetibile, in quo debemus conquiescere tanquam sine simpliciter ultimo: atqui virtus, vel etiam christiana non est ejusmodi; est enim expetibilis propter Deum, ad quem tendere debet homo & evehī per virtutum exercitationem: omnis enim habitus est propter actionem, & omnis actio debet esse propter Deum, cujus est finis & præmium; igitur beatitudo objectiva hominis posita non est in ipsa virtute. His adde quod virtus moralis hominem non reddit a morbis, doloribus, egestate, cæterisque vitæ miseriis immunem, ut docet experientia: sed hominem qui sit ejusmodi miseriis & calamitatibus obnoxius, beatum tamen esse solus sibi persuadebit Stoicus, cujus omnino ridenda est hac in parte animi vanitas & superbia, ut egregie scribit S. Augustinus Epist. 155. c. 1. *O nimium superba jactantia, si beata vita est in cruciatibus corporis, cur non in ea manet sapiens ut fruatur? si au-*

*rem. misera est, quid obsecro te, nisi-
plus impedit, ne fateatur, ne orat Deum,
ne iusto & misericordie supplicet, qui po-
tens est & vitæ huius mala vel avertere
vel mitigare, vel ad ea toleranda
fortitudine armare, vel ab eis omni mo-
do liberare, & post hæc vere beatam
vitam dare, quo nullum malum admit-
tatur, & ubi summum bonum nunquam
amittatur.*

Quinto denique nec in illorum o-
mnia bonorum creatorum vel cumu-
latissima complexione posita est homi-
nis beatitudo propter rationes mox ad-
ductas; nec enim & illa omnia simul
congregata hominis appetitum explere
possunt; quod quidem expertus olim
docebat nos Ecclesiastes, cum omnia
bona creata vanissima esse toties pro-
nuntiat, *Vanitas vanitatum & omnia
vanitas*. Accedit quod illa omnia bo-
na non sint in nostra potestate, diffi-
cile possint acquiri, facile vero vel no-
bis invidis amitti, cum fortunæ & le-
vitati hominum subjaceant, non sint
bonum optimum & præstantissimum,
quibus nempe Deus longe melior &
præstantior, quo solo satiari queat ap-
petitus hominis, quippe qui solus re-
plet in bonis desiderium nostrum, merces
nostra magna nimis; igitur illa bona
vel etiam cumulate in eodem homine
collecta, non possunt æstimari iudicio
viri prudentis objectum nostræ beatitu-
dinis. Unde superest ut in solo Deo
omnem nostram colloceamus beatitudi-
nem, ad eumque solum tanquam fi-
nem simpliciter ultimum tendamus.

Obijcies: Illud non est objectiva ho-
minis beatitudo, quod non potest ab
homine possideri: atqui Deus non po-
test ab homine possideri, quia in Deum
jus & dominium habere non potest ho-
mo; ergo.

Distinguo min. Deus non potest ab
homine possideri possessione civili &
iuridica, C. possessione objectiva, quo-
modo objectum possidetur a facultate,

N. Non eget ista responsio majori ex-
plicatione, cum enim dicimus Deum
possideri ab homine, id intelligimus de
ea possessione, qua objectum possidetur
ab aliqua facultate quæ ipsum attin-
git, quomodo Deus a creatura ratio-
nali possidetur, per cognitionem scilicet
& amorem fructivum.

Instabis: Ut Deus possideatur ab ho-
mine per cognitionem & amorem, in-
ter facultates hominis & Deum debet
esse aliqua proportio: atqui inter facul-
tates hominis & Deum nulla omnino
est proportio; siquidem inter objectum
infinite & facultatem finitam nulla
est proportio, ut per se patet; ergo
nequidem possessione objectiva Deus ab
homine possideri potest.

Dist. maj. Inter facultates hominis
& Deum debet esse aliqua proportio
habitudinis, C. proportio entitatis,
subdistinguo; proportio generica & im-
perfecta, C. proportio perfecta & speci-
fica, N. Proportio idem est ac conveni-
entia & similitudo; unde verum est
facultatem debere cum objecto habere
aliquam proportionem, debent enim
objectum & facultas convenire in ali-
quo communi attributo. Hæc propor-
tio seu convenientia est entitatis, est
enim penes aliqua attributa quæ sunt
in entitate tum objecti tum facultatis.
Unde non parum hallucinantur omnes
fere Theologi recentiores, quando isti
dudum in Scholis tritæ objectioni re-
spondenti; ajunt enim inter Deum &
intellectum humanum non reperiri pro-
portionem entitatis, quod manifeste fal-
sum est, Deus enim & intellectus hu-
manus conveniunt in aliquo sue enti-
tatis attributo, puta in immaterialita-
te; quo fit ut dici debeat solum non
reperiri Deum inter & intellectum hu-
manum proportionem entitatis perfe-
ctam, quia non conveniunt in omni-
bus & singulis suis attributis.

Scilicet proportio entitatis duplex di-
stinguitur, generica nimirum & speci-
fica.

fica: proportio entitatis generica ea est quæ in generica quadam similitudine entitatis, id est quorundam genericorum attributorum communione, posita est; est v. gr. inter hominem & lapidem proportio generica, quia in nonnullis perfectionibus genericis conveniunt; proportio entitatis specifica ea est quæ in perfecta similitudine entitatis quoad omnes perfectiones vel etiam specificas consistit, qualis est proportio inter Petrum & Paulum qui sunt ejusdem naturæ specificæ. Revera inter facultatem & objectum debet esse proportio habitudinis, vel etiam debet esse proportio entitatis (siquidem proportio habitudinis fundatur in proportionem entitatis eamque requirit) debet, inquam, esse proportio entitatis generica; non autem debet esse proportio entitatis specifica; satis est enim quod in aliquo convenient, ratione cujus se habere possint ut facultas & objectum.

Porro Deus & homo non habent quidem proportionem entitatis specificam, habent vero proportionem genericam: utrinque enim substantiæ sunt immateriales, quo fit ut Deus ex una parte sit intelligibilis, homo vero quoad animam spiritualis quoque & immaterialis sit intellectivus; quæ proportio & convenientia saltem generica & imperfecta sufficit ad fundandam proportionem habitudinis, hoc est, potentia & objecti.

Instabis: Atqui non sufficit proportio generica entitatis ad fundandam proportionem habitudinis, videlicet potentia & objecti. Siquidem si proportio generica entitatis sufficeret ad fundandam proportionem habitudinis, inter lapidem & Deum videndum foret proportio habitudinis, est enim inter Deum & lapidem proportio generica; quandoquidem lapis est ens & substantia, sicut Deus est ens & substantia: atqui sine absurditate dici non potest esse pro-

portionem habitudinis Deum inter & lapidem: ergo non sufficit proportio generica entitatis ad fundandam proportionem habitudinis.

Nego subsumptum. Ad probationem dist. maj. Si proportio generica entitatis quæcunque vel etiam remota sufficeret ad fundandam proportionem habitudinis, C. si proportio generica entitatis proxima tantum, N. Cum ergo dicimus proportionem genericam entitatis sufficere ad fundandam proportionem habitudinis, id intelligimus non de qualicunque proportionem generica entitatis; aliter quæcunque facultas posset attingere, quodlibet objectum; inter duo enim, quæcunque sint, reperitur saltem proportio generica entis; verum id intelligimus de certa quadam proportionem entitatis non remotissima sed proxima, & quæ sit convenientia in attributo, vi cujus habeat facultas ut illud objectum attingere possit. Quamobrem quod lapis sit ens & substantia, sicut Deus est ens & substantia, cum ejusmodi proportio sit nimis remota, non sufficit ad fundandam proportionem habitudinis inter lapidem & Deum cognoscendum; sed cum homo quoad animam sit spiritualis ut Deus spiritualis est, ejusmodi proportio entitatis generica sufficit ad fundandam proportionem habitudinis inter Deum cognoscendum & hominem; quia spiritualitas est attributum vi cujus homo est intellectivus, adeoque potest attingere Deum intelligibilem.

Instabis: Est inter oculum corporeum & Angelum proportio generica proxima, proportio quæ est potentia & objecti; oculus enim corporeus cognoscitivus est, & Angelus est cognoscibilis: atqui tamen id non sufficit ad fundandam proportionem habitudinis oculum inter & Angelum; ergo non sufficit proportio generica entitatis etiam proxima inter facultatem & ob-

Etum ad fundandam proportionem habitudinis.

Distinguo maj. Proportio generica maxima, talis quæ non sit apta ad fundandam proportionem habitudinis, C. talis quæ sit apta ad fundandam proportionem habitudinis, N. scilicet posita etiam majori proportionem entitatis inter oculum corporeum & Angelum, quam quæ sit Deum inter & lapidem, tamen non ea reperitur quæ sufficiat ad fundandam proportionem habitudinis; non est enim in oculo corporeo virtus cognoscitiva spiritalis, qualis in intellectu creato reperitur, qui proinde Deum per cognitionem attingere potest.

Instabis: Non potest dici quid sit illa proportio entitatis generica, quæ sufficiat ad fundandam proportionem habitudinis inter facultatem & objectum; neque enim posita est in eo quod facultas sit corporea sicut objectum est corporeum, quia per auditum percipi non possunt colores; neque in eo quod facultas sit finita sicut objectum est finitum, quia oculus corporeus non potest attingere Angelum; nec denique in eo quod facultas sit cognoscitiva sicut objectum est cognoscibile, quia visus non potest percipere sonum; ergo dici non potest quid sit illa proportio entitatis sufficiens ad dandam proportionem habitudinis; adeoque gratis & sine fundamento affirmatur occurrere ejuscemodii proportionem entitatis Deum inter & intellectum creatum.

Nego ant. & dico ejuscemodii proportionem entitatis aliud nihil esse quam convenientiam & similitudinem in certo quodam attributo, vi cuius facultas attingere possit objectum; atque adeo v. g. proportio quam dicimus intercedere Deum inter & hominem, posita est in convenientia immaterialitatis, vi cuius habet homo quod sit intellectivus, sicut Deus est intelligibilis.

Instabis: Objectum infinitum attingi non potest nisi per actionem infinitam,

actio enim specificatur ab objecto: sed intellectus hominis non est capax actionis infinitæ; ergo non potest attingere Deum infinitum.

Nego majorem: actio enim sequitur conditionem agentis; juxta illud axioma receptissimum in Scholis, modus operandi sequitur modum essendi; quapropter actioe finita Deum cognoscimus nunc in terris, ut nemo dissitetur. Quod vero dicitur actionem specificari a termino, id intelligitur de specificatione secundum quid spectata & quoad aliqua; siquidem actio quandam accipit ab objecto denominationem, non autem simpliciter & quoad omnia, quasi actio debeat esse infinita, supernaturalis, sancta, &c. quia versatur circa objectum infinitum, supernaturale, sanctum, &c. vel, ut aiunt, actio specificatur ab objecto extrinsece, terminate, & ratione objecti, non autem intrinsece.

Obicies: Illud est objectiva beatitudo hominis quod illius appetitum satiare potest: atqui bonum creatum satiare potest appetitum hominis; nam appetitus creatus & finitus satiari potest bono creato & finito: atqui appetitus hominis creatus est & finitus; ergo.

Nego min. contrarium enim docet experientia. Ad probat. dist. min. Appetitus hominis est finitus intrinsece & ontitative, C. extrinsece & objective, N. Siquidem appetitus hominis & versari potest circa objectum infinitum, & ad ejuscemodii bonum infinitum, nempe Deum, ordinatus est in ipsa creatione; ut ex eo maxime liquet, quod nullius boni creati possessione expleri possit, sed nova semper inquirat donec ad Deum pervenerit. Upde ait præclarissime S. Augustinus Epist. 55. cap. 10. *Anima, inquit, ad ea que amant propere nituntur, ut perveniendo requiescant. Et multa quidem per corpus delectantur, sed non est in eis æterna requies; nec saltem diuturna, & propterea magis sordidant animam, & aggravant potius,*
ut

ne sincerum ejus pondus, quo in superna ferretur, impediatur. Cum ergo anima seipsa delectatur non tam se incommutabili delectatur; & ideo adhuc superba est, quia se pro summo habet, cum superior sit Deus, & lib. 1. Confess. cap. 1. hæc verba dirigit ad Deum: *Fecisti nos ad te, & iniquitum est cor nostrum donec requiescat in te.*

Inlabis: Facultas finita intrinsece est etiam finita extrinsece, nec enim habere potest capacitatem vel habitudinem infinitam; ergo.

Nego maj. Facultas enim dicitur finita extrinsece, eo præcise quod occupatur circa objectum infinitum; nil vero impedit quominus facultas finita intrinsece occupetur circa objectum infinitum. Quod autem aiunt facultatem finitam non habere habitudinem infinitam, id intelligitur eo sensu quod facultatis finitæ modus agendi esse non possit infinitus: non autem eo sensu quod attingere non possit objectum infinitum.

De Beatitudine formali.

Observandum est primo questionem hic agitari solummodo de beatitudine patrie quæ sola vera est & perfecta beatitudo; certum est enim neminem hæc in mortali vita posse omni ex parte esse beatum nisi in spe, juxta illud Apostoli ad Rom. 8. *Spe salvi facti sumus.* Ex quo testimonio Divus Thomas hanc solum beatitudinem in hac vita agnovit. 1. p. q. 69. art. 1. Unde cum in scripturis qui iuste vivunt, simpliciter vocantur beati; Psal. 1. *Beatus vir qui non abiit in consilio impiorum.* Psal. 118. *Beati immaculati in via.* & Matth. 5. *Beati qui esuriunt & sitiunt iustitiam,* &c. ejusmodi loca explicari debent in sensu casuali, quasi nempe bona illa opera sint causa futuræ beatitudinis, ut satis aperte indicant ista Christi verba Matth. 5. *Beati mundo corde, quoniam ipsi Deum videbunt.*

Nec moror quod & a nonnullis SS. Patribus, & a multis Theologis iusti hæc in vita degentes absolute & simpliciter dicantur beati; id enim solum intelligitur de beatitudine quadam inchoata & imperfecta, quæ nimirum spe futuræ beatitudinis erecti pacate & tranquille vivunt, ut aiebat S. Augustinus lib. 11. de Civit. Dei cap. 12. *Cum beatitudo, inquit, non imprudenter beatos vocemus, quos videmus iuste & pie cum spe futura immortalitatis hanc vitam ducere sine crimine.*

Supponendum est secundo beatitudinem formalem positam esse in aliqua operatione; id constat. 1. ex ipsis Philosophis; Aristoteles enim ubique beatitudinem hominis posuit in operatione; 2. ex sacris Scripturis & SS. Patribus, qui quidem, ut mox ostendetur, ubi de beatitudine patrie verba faciunt, eam collocant vel in visione Dei, vel in amore, vel in delectatione & gaudio; 3. demum, quia beatitudo formalis est apprehensio, affectio, & possessio summi boni, quod est beatitudo obiectiva; sed summum bonum non videtur aliter apprehendi & possideri quam per operationem: quod fit ut res insensibiles & inanimatæ quæ non sunt operationis capaces, non censeantur apprehendere, possidere & frui.

Queritur in qua operatione posita sit beatitudo formalis qua Deum possidebit homo in altera vita; sunt autem super ea re varæ Theologorum opiniones.

Prima est Hugonis a S. Victoris, qui tom. 3. de sapientia animæ Christi, ait animas Sanctorum esse beatas formaliter per actionem increatam, quippe quæ ipsa Dei increata cognitione Deum cognoscunt, sic enim de Deo loquitur: *Ipsæ est sapientia qua cognoscimus, ipsæ amor quo diligimus, ipsa gaudium quo exultamus.* Hoc commentum jam confutavimus in Tractatu nostro de Incarnatione Verbi divini, quoad expresse affirmat iste Theologus animam Christi

si non esse sapientem, nisi sapientia divina & increata. Est etiam hæc sententia cujusdam Joannis de Ripa, qui beatos censuit non alia visione Deum videre quam visione qua Deus seipsum videt, communicata nempe & unita intellectui cujuscunque beati, quam opinionem Parisiis fuisse publice propugnatam testatur Gregorius in 2. d. 7. q. 2.

Secunda opinio tribuitur Henrico Gandavensi, qui affirmare videtur beatitudinem hominis consistere in quodam Dei illapsu in essentiam animæ beatæ, eo fere modo quo ignis illabitur in substantiam ferri candentis; an revera ejusmodi illapsus existimaverit Henricus esse beatitudinem formalem, vel solum objectivam, sibi examinare non vacat.

Tertia est eorum, qui beatitudinem formalem in aliqua operatione animæ reponunt, iterum variæ sunt & diversæ. Volunt enim Thomistæ eam positam esse in solo actu intellectus, visionis scilicet essentiae divinæ; ita ut amor fructivus Dei sit duntaxat illius proprietatis ab ea inseparabilis. E contra vero docent Scotistæ beatitudinem formalem consistere in solo actu amoris, quo diligitur Deus propter se; ita ut non nisi præsuppositivè se habeat visio. Cæteri demum Theologi censent in utroque actu cognitionis simul & amoris fructivi positam esse beatitudinem, quam quidem sententiam nos amplectimur.

PRIMA CONCLUSIO.

Beatitudo formalis non est posita in actione increata. Siquidem beatitudo formalis est affectio seu possessio objecti beatifici, videlicet Dei: sed possessio Dei, hoc est, actio per quam consideratur Deus a beato non est increata, non est actio ipsius Dei, quia universim loquendo, ut aliquis attingat objectum, debet id efficere per actum sibi proprium quo possit denominari formaliter agens, formaliter possidens: sed actus increatus, quo Deus videt seip-

sum, non est ulla ratione proprius ipsius hominis beati, per illum beatus non potest denominari nec reddi formaliter agens, formaliter possidens Deum; actus enim proprius alicujus agentis effectivè ab eo elici debet, cognitio est a cognoscente, amor ab amante, ut per se patet; ergo beati non possunt dici videre Deum per visionem increatam. Quemadmodum enim homo hac in mortali vita non est justus formaliter per justitiam Christi, sed per justitiam propriam sibi inhærentem, ut diximus in Tractatu de Justificatione, & offendimus autoritate Concilii Tridentini; ita similiter sine absurditate dici non potest justos in altera vita formaliter esse beatos per actionem divinam & increatam.

His accedit quod ejusmodi opinio, ut ab omni ratione aliena est, ita manifeste adversatur sacris litteris quæ testantur homines eatenus esse beatos, quatenus Deum intuitive vident, Matth. 5. *Beati mundo corde, quoniam ipsi Deum videbunt.* Sed qui Deum videt, perfectò videt per visionem a se productam, videre in creatura rationali est producere intellectionem. Deinde id ipsum aperte supponit Concilium Viennense, cum definit in Clementina, Ad nostrum, *Beatum non posse videre Deum, nisi ipse intellectu lumine gloriæ roboretur.* Si enim visione increata beati viderent Deum, frustra necessarium esse diceretur lumen gloriæ. Quod enim dicunt nonnulli lumen gloriæ non requiri, ut intellectus visionem intuitivam Dei eliciat, sed ut supernaturaliter evahatur ad ordinem divinum, quo fiat capax ut divina essentia illi uniatur per modum speciei intelligibilis, plane frivolum est, & doctrinæ Concilii Viennensis maxime laudati manifeste contrarium.

At, inquit, beatitudo formalis hominis est ejus unio cum Deo: sed ejusmodi unio recte intelligitur sine ulla operatione ex parte hominis per solam Dei præsentiam; ergo.

Distin-

Distinguo maj. Unio vitalis quæ fit per cognitionem Dei & amorem, C. unio localis quæ fit per solam substantiæ præsentiam, N. ut enim diximus, beatitudo essentialiter posita est in aliqua operatione, est actus animi ratione utentis, inquit Aristoteles; quo fit ut in dormientibus, amentibus & infantibus nulla plane sit beatitudo. Quamobrem Deus intime quidem unitur eumanima & intellectu hominis beati, unione quodam generali secundum essentiam vel immensitatem, qua intime præsens est rebus omnibus, sed eo præcise homo non redditur beatus; requiritur præterea unio quæ fiat per operationem, videlicet per cognitionem & amorem fructivum.

SECUNDA CONCLUSIO.

Beatitudo formalis non consistit in speciali quodam illapsu Dei in animam beati. Siquidem id intelligit Henricus Gandavensis, quem hic impugnamus, de fictio quodam & commentitio illapsu: Et ratio est quia non loquitur de illapsu qui Deo convenit ratione suæ immensitatis; ex ea enim habet ut secundum suam substantiam in eodem loco præsens sit cuicunque creaturæ, malis sicut & bonis; per quem proinde illabendi modum creaturam non efficit formaliter beatam. Secundo non loquitur Henricus de illapsu qui fiat mediante aliquo effectu producto in anima beati; quia ejusmodi illapsus est quidem possibilis, sed in eo posita non est beatitudo formalis; per idem beatus non est formaliter beatus per quod non est formaliter agens, beatitudo enim formalis, ut supra ostensum est, posita est in actione, beatitudo formalis est fructio, est possessio per modum actus ex parte possidentis: atqui beatus non est formaliter agens per effectum a Deo productum; nisi ejusmodi effectus Dei intelligatur esse cognitio & amor frui-

tivus beatorum ad quem concurrit Deus, quod profecto non sensit Henricus, qui fictitium suum illapsum distinguit ab operatione intellectus & voluntatis beatorum; unde superest, ut talem illapsum fieri dicat per divinam essentiam quæ se ipsa immediate & formaliter beatam reddat animam, quod quidem sine absurditate dici non potest; essentia enim divina non est forma per quam aliquid creatum tale sit formaliter; igitur beatitudo formalis non consistit in speciali quodam illapsu Dei in animam beati.

Dices: non modo ad essentiam beatitudinis attinet, ut facultates animæ Deum possideant per suas operationes, quod quidem fit per visionem intuitivam & amorem fructivum, sed & Deo ipso tota impleri debet animæ substantia: atqui per solum divinitatis illapsum in animam, tota impletur beatorum anima, quo scilicet divinæ sunt consortes naturæ; ergo beatitudo formalis consistit in quodam illapsu divinitatis beatorum.

Nego maj. Sufficit enim ad essentiam beatitudinis utraque operatio intellectus & voluntatis visio intuitiva & amor fructivus; hinc enim ex una parte Deus plene & perfecte possidetur ab homine, quo plane modo possideri potest possessione scilicet vitali & objectiva; siquidem possidetur quatenus summe ve us per operationem intellectus, & possidetur quatenus summe bonus per operationem voluntatis. Hinc vero ex altera parte omnis hominum sistitur motus, omnis appetitus; est quippe duplex tantum appetitus hominis pro duplici facultate, unus nimirum qui tendit ad cognitionem veri, alter ad amorem boni. Quid præterea requiratur ad essentiam beatitudinis, & quid sit præfatus divinitatis illapsus in ipsius animæ substantiam, quæ supponit Deum videre intuitive & diligere amore fructivo, ego quidem plane non video.

TERTIA CONCLUSIO.

Beatitudo formalis essentialiter posita est in visione Dei intuitiva simul & in amore fructivo.

Probatur 1. ex Scripturis quæ beatitudinem modo reponunt in cognitione, modo in amore & gaudio. In cognitione quidem Matth. 5. *Beati mundo corde, quoniam ipsi Deum videbunt*, Gal. 3. *idoli dicat, ideo beati, quia videbunt Deum*. Joan. 14. *Si quis diligit me, manifestabo ei me ipsum, quæ verba de beatitudine patriæ intelliguntur; hæc enim tanquam præmium diligenti promittitur*. Cap. 17. *Pater, quos dedisti mihi, volo, ut ubi sum ego, & illi sint mecum, ut videant claritatem meam quam dedisti mihi, quibus verbis Christus Dominus, apprecatur suis Electis beatitudinem patriæ, ut nempe videant claritatem suam, hoc est, divinitatem; mitto alia verba ejusdem capituli: Hæc est vita æterna, ut cognoscant te solum Deum verum: quæ a multis Patribus explicantur de cognitione viæ per fidem, quanquam & ab aliis interdum de beatitudine patriæ intelligantur, ut videre est apud S. Augustinum Tractat. 3. in Joan.* Idem vero aperte declarat S. Paulus 1. Corint. capit. 13. his verbis: *Videmus nunc per speculum in enigmate, tunc autem facie ad faciem, & rursus: Tunc autem cognoscemus, sicut & cogniti sumus: ubi Apostolus beatitudinem patriæ distinguit a beatitudine viæ penes cognitionem claræ & obscuræ*. Item 2. ad Corinth. 5. *Dam sumus, inquit, in corpore peregrinamur a Domino, per fidem enim ambulamus & non per speciem: id est, per claræ Dei visionem & manifestationem, ut & habetur*. 1. Joan. 3. *Nunc sumus filii Dei, sed nondum apparuit quod erimus, cum autem apparuerit, similes ei erimus, quia videbimus eum sicuti est: ubi promittitur visio Dei*

tanquam præmium, merces & beatitudo. Idem vero passim affirmatur in Scripturis de amore fructivo seu gaudio. Psalm. 16. *Satiabor cum apparueris gloria tua*. Psalm. 35. *De torrente voluptatis tue potabis eos; quoniam apud te est fons vite, & in lumine tuo videbimus lumen: ubi nempe uterque commemoratur actus*. Matth. 25. *Euge serve bone & fidelis, intra in gaudium Domini tui*. Joan. 16. *Gaudium nostrum nemo tollit a nobis*. Ad Rom. 14. *Regnum Dei iustitia, pax & gaudium*.

Probatur 2. ex SS. Patribus, qui similiter in visione Dei intuitiva ejusque amore fructivo nostram beatitudinem uno ore collocant. Ita quidem & Irenæus lib. 4. cap. 37. *Potens est enim, inquit, in omnibus Deus, visus quidem tunc per spiritum Prophetis, visus est autem & per Filium adoptivum, videbitur autem & in Regno Cælorum paternaliter, Spiritu quidem præparante hominem in Filium Dei, Filio autem adducente ad Patrem, Patre autem incorruptelam donante in æternam vitam, quæ unicuique evenit ex eo quod videat Deum*.

Idem & clarius docet S. Gregorius Nazianz. Orat. 15. p. 230. ubi loquens de statu Iustorum in altera vita: *Atque illos quidem, inquit, lux omni sermone præstantior excipiet, & sanctæ regique Trinitatis purius jam & clarius illuminantis, totamque se cum tota mente miscentis contemplatio: (in qua ego vel sola Regnum Cælorum maxima ex parte positum esse censeo) hos autem, &c. & Orat. 10. has preces coram Deo fundit: Utinam ad ipsum fontem postea perveniamus, pura mente, puram veritatem intuentes, atque hanc laboris in virtutis studio exhausti mercedem inveniamus, ut perfectius illic summi boni consortio & contemplatione fruamur*.

Accedit S. Basilii: qui manifeste supponit positam esse beatitudinem in visione Dei, lib. de Spiritu sancto c. 16. ubi.

ubi probat Spiritum sanctum in rerum omnium dispensatione nusquam separari a Patre & Filio : Throni vero & Dominationes, inquit, Principatus & Potestates, quomodo beatam traducere videntur, nisi semper viderent vultum Patris qui in Caelis est ? At visio non est absque Spiritu.

S. Ambrosius lib. 2. de Officiis Militorum cap. 2. Itaque Philosophi, inquit, vitam beatam alii in non dolenda posuerunt, ut Hieronymus : alii in rerum scientia, ut Herillus Scriptura autem divina vitam eternam in cognitione posuit divinitatis & fructu bonae operationis, & libro de Isaac cap. 8. De quo Propheta ait (Dixi Domino, Deus meus es tu, quoniam bonorum meorum non eges.) Hoc solum videre desideravit, sicut ipse alibi ait : (Unam petii a Domino, hanc requiram, ut inhabitem in domo Domini omnes dies vite mee, & videam delectationem Domini & considerem Templum ejus.) Si quis igitur putum illud & incorporeum summum illud videre meruerit, quid habet aliud quod desideret ? Denique Petrus in monte gloriam resurrectionis Christi vidit & volebat descendere, dicens (Domine, bonum est nos hic esse.) Et quanto incomparabilior est illa divinitatis gloria & lux inaccessibilis, quam si quis viderit, quid aliud concupiscat ? non regna, non facultates, honores, gloriam, potestates.

Et longe expressius, si fieri potest, S. Augustinus Tractatu 3. in Joann. Nobis quid promittitur ? inquit, vita eterna. Hae est autem via eterna, ut cognoscant te unum verum Deum & quem misisti Jesum Christum ; cognitio Dei promittitur, ipsa est gratia pro gratia. Fratres, modo credimus, non videmus ; pro ista fide premium erit, videre quod credimus. Lib. de Spiritu & littera cap. 33. Jam vero, inquit, cum sinistri ierint in combustionem eternam. Quia (Hae est, inquit, vita eterna,

ut cognoscant te unum verum Deum & quem misisti Jesum Christum) illa cognitio, illa visio, illa contemplatione satiabitur in bonis animae desiderium. Hoc enim solum bonum ei sat est, ultra non habet quod appetat, quod inhiat, quod requirat, quod idem fuisse admodum docet lib. 1. de Trinitate.

Idem porro S. Doctor aliis in locis indiscriminatim beatitudinem reponit in gaudio, sic lib. 10. Confess. cap. 23. Beata quippe vita est, inquit, gaudium de veritate. Hoc est enim gaudium de te qui veritas es, Deus illuminatio mea, salus faciei meae, Deus meus. Hanc vitam beatam omnes volunt, hanc vitam quae sola beata est omnes volunt, gaudium de veritate omnes volunt, & lib. 1. de doctrina Christi cap. 38. Sed, inquit, fidei succedit species quam videbimus, & spei succedit beatitudo ipsa, ad quam perventuri sumus : chrystus autem etiam istis decedentibus auxilium potius. Si enim credendo diligimus quod nondum videmus, quanto magis cum videre experimus ? Et si sperando diligimus, quo nondum pervenimus, quanto magis cum pervenerimus ?

Demum & haec fuit sententia S. Bernardi, sic enim habet sermone 4. in sollemnitate omnium Sanctorum : Tripliciter enim, Fratres, inquit, in aeterna illa & perfecta beatitudine fruamur Deo, videntes enim in omnibus creaturis, habentes eum in nobis ipsis, & quod his omnibus ineffabiliter iucundius sit atque beatius, ipsam quoque cognoscentes in semetipsa Trinitatem & gloriam illam sine ullo admixto mundo cordis oculo contemplantes, & Serm. 5. in vigilia Nativitatis Domini : Sanctificamini hodie, inquit, & esset parati, crastina die videbitis Deum & gaudebitis, & gaudium vestrum implebitur. Quid enim majestas illa non impleat ? etiam super implebit & superesset, quam mensuram bonam & conferiam & congruam & superessentem dabunt in finis

finis vestros. Cui sententiæ ascripti sunt Theologi veteres pene singuli.

Favet Constitutio Benedicti XII. quæ definiit animas Sanctorum ante diem iudicii videre Deum & eo frui: *Nec non definimus, inquit, quod ex tali visione, O' fruitione eorum animæ sunt vere beate.* Cui affine est quod paulo antea pronuntiaverat Concilium Viennense, cum Beguardos damnavit qui affirmabant animam non indigere lumine gloriæ ad videndum Deum, scribit enim in Clement. Ad nostrum, *anima indigere lumine gloria ad videndum Deum, coque beate perfruendum.* Quali manifeste supponatur positam esse beatitudinem in utraque illa operatione.

Id vero rursus probatur ratione. Scilicet beatitudo formalis est actio possessiva Dei, qui solus est beatitudo. objectiva, ut ostendimus: atqui visio intuitiva & amor fructivus sunt actiones possessivæ Dei, quia per illas actiones possidemus Deum, possessione scilicet vitali, ut diximus, per quas Deo intime conjungimur & jucunde adherescimus: atqui cognitio & amor Dei sunt actiones quibus Deo intime conjungimur & jucunde adherescimus, per cognitionem quidem Deo tanquam summo vero intime conjungimur; per amorem vero Deo tanquam summo bono adherescimus; ergo beatitudo formalis consistit in cognitione simul & amore Dei.

Et certe illæ actiones ad essentiam beatitudinis pertinent, sine quibus nec esse, nec concipi potest beatitudo formalis: atqui sine visione intuitiva & amore Dei fructivo nec esse nec concipi potest beatitudo formalis; & quidem sine visione intuitiva, is enim beatus non est qui non videt quod amat; neque etiam sine amore, cum nemo etiam beatus sit qui non amat quod videt, quando est summe bonum & amabile.

Præterea in ea operatione consistit beatitudo formalis, quæ omnem sistit hominis motum, omnem appetitum,

ita ut nihil amplius desiderare possit; aliter non esset ex omni parte beatus; sed ejusmodi sunt visio intuitiva & amor Dei fructivus; cum enim agente rationali duplex sit facultas, intellectus videlicet & voluntas; duplex est etiam appetitus, quorum alter tendit ad summum verum, alter ad summum bonum; unde fit ut plene & perfecte satiari non possit anima rationalis, sicut nec Angelus, nisi per cognitionem simul & amorem; proindeque illæ ambæ operationes ad essentiam beatitudinis formalis pertinent.

Obijcies cum Scotistis beatitudinem formalem non consistere in cognitione Dei. In ea quippe operatione non consistit beatitudo formalis, quæ non est possessiva summi boni: atqui visio Dei intuitiva non est possessiva summi boni, non enim habet pro objecto summum bonum, quod est solummodo objectum voluntatis per amorem; ergo.

Dist. min. Non est possessiva summi boni, quatenus amandum est, C. quatenus cognoscendum, N. itaque cognitio seu operatio intellectus non versatur quidem circa summum bonum quatenus amandum, sed versatur circa ipsum quatenus cognoscendum, ambæ enim facultates, videlicet, intellectus & voluntas, per suam propriam agendi rationem versantur circa idem objectum; unde fit ut per utriusque operationem possideatur Deus qui solus est summum bonum.

Inlabis: Beatitudo formalis nihil aliud est quam fructio objecti beatifici: atqui fructio pertinet ad voluntatem, neutiquam vero ad intellectum; ergo.

Dist. min. Fructio pertinet ad voluntatem, non ad intellectum, si fructio sumatur stricte, C. si sumatur latius & minus proprie, N. Fructio stricte sumpta est amor complacentiæ in bono possessio: fructio vero latius spectata est quævis adhesio facultatis objecto proprio per actionem sibi propriam; quo sensu auris dicitur frui concentibus musicis, oculus colo-

coloribus. *Revera* ad solam voluntatem pertinet fructio stricte sumpta, utpote quæ sit amor complacentiæ in objecto posseto, verum ad aliam quamlibet facultatem pertinet fructio latius spectata; quælibet enim solum proprium attingit objectum per propriam operationem, adeoque Deo etiam fruitor intellectus per cognitionem.

Instabis: Beatitudo formalis est merces & præmium virtutis; atqui merces ad solam pertinet voluntatem; solius enim voluntatis mereri mercedem; ergo.

Nego min. Namque merces proprie loquendo ad aliquam facultatem non pertinet, sed ad personam; hominis voluntas proprie non dicitur mereri, sed homo per voluntatem; unde homo qui per actionem intellectus & voluntatis meruit in hac vita, in actionibus quoque intellectus & voluntatis, visione scilicet & amore coronabitur.

Obijcies cum Thomistis beatitudinem formalem consistere in sola cognitione Dei. Id enim aperte legitur in Scripturis sacris, quæ in sola visione Dei beatitudinem reponunt, Joan. 14. Christo dixit Philippus Apostolus, *Ostende nobis Patrem & sufficit nobis*, & c. 17. *Hæc est vita æterna ne cognoscant Deum verum*. ergo.

Nego ant. Ex illis enim & similibus Scripturæ testimoniis nihil omnino colligitur; siquidem & nonnunquam solus amoris & solius gaudii mentionem faciunt iidem sacri Codices, ut constat ex locis superius adductis, quæ profecto dicta non sunt cum exclusivæ visionis intuitivæ, quin potius ex illis simul collectis inferri debet positam esse beatitudinem in utraque operatione, videlicet in visione intuitiva Dei, ejusque amore fructivo, quo plane modo judicandum est de mente & doctrina sanctorum Patrum.

Instabis: In eo solum posita est beatitudo formalis, quod est quid primum in ea; atqui sola cognitio est quid primum in beatitudine; cognitio enim est

prior amore, amor ex cognitione proficiscitur, quia prius debemus objectum cognoscere quam amare; ergo.

Dist. maj. Quod est quid primum ut tota essentia rei, C. ut pars essentiae tantum, N. scilicet essentia rei cum sit composita ex multis partibus seu physicis, seu metaphysicis, una semper est altera prior aliquo prioritatis genere; quemadmodum genus est prius differentia secundum essendi consecutionem, quia est pars communior, quod sane non impedit quominus differentia sit pars essentiae vere pertinens ad rei essentiam. Quamobrem cum essentia dicitur quid primum in re, id intelligitur de tota essentia respectu proprietatum. Unde licet aliquo sensu cognitio prior sit amore, amor tamen est pars ad essentiam beatitudinis pertinens, quia non sinit amor a cognitione ut proprietas ab essentia.

Instabis: In illa operatione consistit beatitudo formalis quæ reddit objectum præsens; atqui amor non reddit objectum præsens, amantur enim absentes; ergo in amore posita non est beatitudo formalis.

Nego maj. quia beatitudo formalis non reddit objectum præsens, sed supponit; est enim possessio fructiva objecti præsentis; unde cum Deus beatis exhibeat se præsentem, eatenus illi beati sunt quatenus Deo fruuntur per visionem & amorem.

Instabis: Si Deus per amorem possideretur ea possessione quæ esset beatitudo, sequeretur homines posse hac in mortali vita esse beatos, Deum enim vere amant; absurdum consequens; ergo & ant.

Dist. maj. Si possideretur per amorem qualemcumque, C. si possideretur per amorem fructivum duntaxat, N. amor enim fructivus supponit objectum intime præsens & intuitive cognitum; unde a viatoribus non possideret Deus nisi imperfecte, quatenus nimirum spe salvæ facti sunt Deo jucunde non adherentes,

donec evacuatum fuerit quod imperfectum est, quod in altera demum vita continget, cum videbimus Deum sicuti est.

Instabis: Beatitudo formalis consistit in operatione præstantissima: atqui sola operatio intellectus est præstantissima, est enim præstantior amore; seu operatione voluntatis; ergo.

Disting. maj. In operatione præstantissima in genere beatitudinis, C. in alio quovis genere, N. nihil itaque attinet hac in controversia, an operatio intellectus sit præstantior operatione voluntatis in genere scilicet operationis; vel in genere entis, vel in alio genere, nisi sit præstantior in genere beatitudinis: potro operatio intellectus non est præstantior operatione voluntatis in genere beatitudinis; utraque enim in suo genere est præstantissima, per utramque suo modo Deus possidetur possessione fructiva, per utramque Deo jucunde adherescit homo, neutra est altera præstantior in hoc genere, adeoque in utraque simul posita est nostra beatitudo.

Instabis: Quæ beatitudo posita est in gaudio, nec consistit in visione, nec in amore: atqui beatitudo formalis posita est in gaudio; nemo quippe beatus dici potest nisi gaudio & voluptate afficiatur; adeo ut si possit Deum videre intuitivè & amare, nec ullum inde voluptatis & lætitiæ sensum haberet, profecto non foret beatus; ergo.

Solent respondere duplex esse gaudium, aliud videlicet directum & aliud reflexum: gaudium directum illud appellant quod est de Deo immediate; gaudium vero reflexum quod est de possessione Dei; seu quidam delectationis sensus ortus ex cognitione reflexa supra beatitudinem formalem, de qua aliquis cogitans gaudet se beatitudinem possidere. Porro, inquirunt, beatitudo formalis consistit quidem in gaudio directo, quia ipse est amor, sed non consistit in gaudio reflexo.

Verum hæc responsio mihi non arridet, tametsi non parum communis sit apud Theologos; gaudium enim etiam directum confundi non potest cum amore, siquidem amor est propensio voluntatis in objectum, & gaudium est delectatio orta ex illa propensione, quæ duo magnopere differunt; unde contendunt nonnulli Christum Dominum semper fuisse beatum per visionem & amorem fructivum divinitatis, & tamen aliquando tristem fuisse & sine gaudio.

Respondeo igitur negando minorem, scilicet beatitudinem formalem positam esse in gaudio. Revera nemo beatus dici potest nisi gaudio & voluptate afficiatur; sed inde sequitur tantummodo gaudium esse proprietatem beatitudinis formalis, non autem esse ipsam beatitudinem formalem; siquidem beatitudo formalis est possessio Dei, quæ sit per visionem intuitivam & amorem fructivum, ex quibus sequitur semper gaudium, quia voluntas amare non potest quin sibi placeat in amore & gaudeat, sed illa cum ipso gaudio confundi non debent.

De Beatitudine corporis.

Quamquam beatitudo ad ea proprie non pertineat quæ omni ratione careat, sua tamen eripit, ut speramus, humano corpori felicitas; oportet enim ut homo sit beatus secundum se totum & quoad ambas partes essentielles ex quibus componitur; deetque ut quæ pars focia fuit laborum, sit & præmii & coronæ particeps; quod quidem ut tanquam certum habeatur, operæ pretium esse puto hic dogma catholicum de resurrectione corporum stabilire, eamque lubentius de resurrectione carnis disquisitionem data occasione aggredimur, quod firma hujusce dogmatis persuasio multa complectitur capita fidei christianæ, quæ quidem e diverso ruerent plane omnia, si nulla futura sit carnis

nostræ resurrectionis ; Si enim , inquit S. Paulus 1. ad Corint. 15. mortui non resurrexerunt ; neque Christus resurrexit : quid si Christus non resurrexit , vana est fides . Scilicet si non resurrexit Christus , nec vere mortuus est , alioquin morte detineretur ; si non vere mortuus , id dicitur potissimum , quia non habuit veram , sed phantasticam carnem ; quibus accedit quod non parum affine sit illud dogma cum immortalitate animæ & summa Dei providentia , qua plenam piis hominibus mercedem & debita improbis supplicia retribuere debet ; quocirca sit

De resurrectione corporum .

Futuram corporum resurrectionem negarunt olim inter Judæos Sadducæi , qui nullos spiritus esse credebant , & resurrectionem mortuorum rejiciebant , ut constat ex Act. cap. 23. Hos secuti sunt Marcion , Basilides & nonnulli alii veteres Hæretici , quibus ultro stipulantur quotquot sunt impii & Athei , in quos sit

CONCLUSIO.

Certum est atque indubitatum corpora nostra aliquando resurrectura ; id aperte legitur in utroque Testamento : in veteri quidem ; Job enim confidenter ait cap. 19. Scio , inquit , quod Redemptor meus vivit , & in novissimo die de terra surrecturus sum . Et rursus circumdabo pelle mea , & in carne mea videbo Deum . Quem visurus sum ego ipse , & oculi mei conspiciuntur sunt ; & non alius reposita est hæc spes mea in sinu meo . Psal. 15. aiebat David : Propter hoc letatum est cor meum , & exultavit lingua mea , in super & caro mea requiescet in spe : quoniam non derelinques animam meam in inferno , hoc est , non relinques me in sepulchro , nec dabis sanctum meum videre corruptionem . Quasi dixisset , maximam apud concepti lætitiâ ,

quod sperem me a mortuis excitandum ad vitam , eamque felicem , addicem enim : Adimplebis me lætitiâ cum vultu tuo . Quæ quidem verba , tamen si a Petro & Paulo in Actis adducta fuerint , ut quæ pertinerent ad Christi resurrectionem , ipsi tamen Davidi jure adaptari possunt ; quibus nempe de sua resurrectione futura se bene sperare ita significavit , ut fidem ac mentem suam in Christum extulerit , sciens ejus typum se fuisse datum Ecclesiæ .

Carnis resurrectionem præcinnuerunt & alii pene singuli Prophetæ . Sic Ilayas cap. 26. *Vivens mortui tui , interfecti mei resurgent , expurgabimini & laudate qui habitatis in pulvere . . . Ecce enim Dominus egredietur de loco suo , ut visites iniquitatem habitatoris terra contra eum , & revelabit terra sanguinem suum , &c.* Daniel cap. 12. *In tempore autem illo consurget Michael Princeps magnus , qui stat pro filiis populi tui , & veniet tempus quale non fuit ab eo ex quo Gentes esse ceperunt usque ad tempus illud . Et in tempore illo salvabuntur populus tuus , omnes qui inventi fuerint scripti in libro . Et multi de his qui dormiunt in terra pulvere evigilabunt , alii in vitam æternam , & alii in opprobrium . Similiter Osee cap. 13. *De manu mortis liberabo eos , de morte redimam eos : ero mors tua , o mors , morsus tuus ero , inferne , consolatio abscondita est ab oculis meis . Quo testimonio usus est Apostolus 1. ad Corint. cap. 15. hæc porro plurima e veteri Testamento adducere placuit , quod nonnulli hodie sunt qui contendunt in Scriptura veteri nihil haberi de resurrectione mortuorum , atque incognitum & plane inauditum fuisse Judæis alterius vitæ statum , quasi solis bonorum temporalium promissionibus inescata fuerit rudis illa Gens & impetrata .**

Futuram corporum resurrectionem ostendit ipse Christus Sadducæos sic alloquens Matth. cap. 22. *Erratis , nescientes*

Scripturas neque virtutem Dei. In resurrectione enim neque nubent, neque nubentur: sed sunt sicut Angeli Dei in Cælo. De resurrectione autem mortuorum non legistis quod dictum est a Deo dicente vobis: Ego sum Deus Abraham, & Deus Isaac, & Deus Jacob: non est Deus mortuorum, sed viventium.

Idem expresse docuit Apostolus 1. ad Corinth. cap. 15. Si autem Christus predicatur, inquit, quod surrexit a mortuis: quomodo quidam dicunt in vobis, quoniam resurrectio mortuorum non est? si autem resurrectio mortuorum non est, neque Christus surrexit. Si autem Christus non surrexit, inanis est ergo predicatio nostra, inanis est & fides vestra.... Ecce mysterium vobis dico: Omnes quidem resuregemus, sed non omnes immutabimur. In momento, in illu oculi, in novissima tuba (canet enim tuba) & mortui resurgent incorrupti. Quæ quidem doctrina fuit similiter aliorum Apostolorum, ut constat ex Symbolo, cuius quidem unus est iste articulus, carnis resurrectionem.

In id vero consenserunt omnes & Græci & Latini Patres. Luculentum est quod legitur in Oratione S. Polycarpi apud Eusebium lib. 4. hist. c. 23. sic enim suprema vota coram Deo fundit vir iste plane Apostolicus: Pater, inquit, unigeniti & benedicti Filii tui J. C. per quem tui notitiam accepimus, Deus Angelorum, & potestatum, & universæ creaturæ, omniumque iustorum qui vivunt in conspectu tuo: Benedico te qui me in hunc diem & ad horam hanc perducere dignatus es, ut partem caperem in consortium Martyrum & in Calice Christi tui, in resurrectionem vitæ æternæ, animæ simul & corporis in incorruptione Spiritus Sancti.

S. Iulianus sic de Christo loquitur Apolog. 2. Duplicem siquidem ejus adventum & præsentiam prænuntiatione sancti Patris, unam quidem jam exhibitam, ut despecti & passionibus subiecti hominis;

secundam autem, quando e Cælis cum gloria & angelica militia sua adveniet, aderitque: cum omnium etiam qui unquam extiterunt mortalium corpora suscitabit, atque dignos quidem induet natura incorruptibilitatis universæ experte, injustos autem in perpetuo sensu una cum malis gentis in ignem mittet sempiternum.

Sic Athenagoras, lib. de resurrectione mortuorum, quosdam impugnat dicentes ejusmodi corporum resurrectionem Deo esse impossibile: Cui enim, inquit, ante cujusquam rei procreationem ignota non erat futurorum elementorum natura? ex quibus corpora suum ortum traxerunt, neque partes elementorum incognita fuerunt, ex quibus decerpitur erat quod placeret ad humani corporis constitutionem; abunde manifestum est neque eum ignoraturum, quo singula recedant quæ ad perfectionem corporis assumptis, ubi integritas illa dissipata fuerit... atque vires Dei sufficere ad corporum restitutionem indicat vel ipsorum procreatio: si enim hominum corpora, cum non essent, condidit, eorumque principia, unde origines trahunt, procreavit, etiam quomodocunque dissoluta cum eadem facilitate instaurabit; id enim illi æque possibile est.

Idem fuse & multis momentis demonstrat S. Irenæus, l. 5. advers. hæres. Quomodo, inquit cap. 2. carnem negant capacem esse donationis Dei, quæ est vitæ æternæ, quæ sanguine & corpore Christi nutritur, & est membrum ejus? Et quemadmodum lignum vitis depositum in terra suo fructificat tempore, & granum tritici decedens in terram & dissolutum multiplex surgit per Spiritum Dei qui continet omnia, quæ deinde per sapientiam in usum hominibus veniant, & percipientia Verbum Dei Eucharistia fiant, quod est Corpus & Sanguis Christi; sic & nostra corpora ex ea nutrita & reposita in terram, & resoluta in ea resurgent in suo tempore, verbo Dei resurrectionem eis donante in gloriam Dei Patris. Idem cap. 6. 7. 8. 12. & 14.

Omniū

Omnium vero disertissime Tertullianus, qui dedita opera scripsit librum de Resurrectione carnis adversus nonnullos hæreticos, qui infanum Sadduceorum errorem imberbant: Nunc autem, inquit cap. 2. ad alios Sadduceos præparatur, partitios sententia illorum. Ita dimidiam agnoscunt resurrectionem, solius scilicet animæ, aspernati carnem, sicut & ipsum Dominum carnis. Ubi non modo in illos hæreticos auctoritate Scripturarum insurgit Tertullianus, sed & Gentiles aggreditur docens Philosophis etiam ignotam non fuisse resurrectionem corporum; tum vulgus irridet existimans nihil superesse post mortem. Et tamen, inquit initio libri, defunctis parentant, & quidem impensissimo officio pro moribus eorum & pro temporibus esculentorum, ut quos negant sentire quicquam, escam desiderare præsumant.

Egregie vero S. Augustinus lib. 20. de Civit. Dei cap. 20. Resurrectionem quippe mortuorum, inquit, futuram esse in carne, quando Christus venturus est vivos judicaturus & mortuos, oportet, si Christiani esse volumus, ut credamus. Sed non ideo de hac re inanis est fides nostra, si quemadmodum futura sit, perfecte comprehendere non valeamus. & in Enchiridion cap. 84. Resurrecturum carnem omnium, quicunque nati sunt hominum atque nascentur, & mortui sunt atque morientur, nullo modo dubitare debet Christianus.

Cæteri vero Patres stipulati sunt in asserendo hoc fundatissimo Religionis nostre dogmate, quorum testimonia huc adducere nihil necesse est; abunde enim, ut puto, id confectum est ex adductis Scripturæ & Veterum testimoniis; consulat tamen qui plura voluerit, S. Cyrillum Jerosolymitanum Catechesi 18. Origenem contra Celsum lib. 5. p. 245. S. Basilium moral. Regul. 1. cap. 2. S. Greg. Nyssenum dialogo de anima & resurrectione; S. Ambros. toto lib. 2. de fide reprobis; S. Hieron. Epist.

61. ad Pammachium; Theodoretum lib. 5. hæret. fab. c. 19. S. Greg. M. lib. 14. Moral. in Job cap. 27. &c.

His accedunt nonnullæ rationes luculentissimæ quibus & ipsa revincatur Philosophorum infania.

Prima ratio petitur ex summa Dei iustitia, quæ quidem postulat ut defunctorum corpora vitæ restituat; plerumque enim videmus hoc in sæculo improbos ex una parte florere potentia & honoribus, affluere divitiis, & molliter tractari eorum corpora; ex altera vero parte pios & probos variis & gravissimis incommodis laborare, tum & durius accipi singulis vitæ suæ momentis, sed ista videntur omnino divinæ iustitiæ adversari, nisi futura sit aliquando corporum resurrectio; par est enim ut corpus quod animæ confociatum fuit in edendis tam rectis quam pravis actionibus, una cum illa vel gaudia vel pœnas experiatur; quantumvis enim stupidum sit corpus, nec de se quicquam sapere possit, quia tamen idoneum est instrumentum ad opera externa, quæ sine ipso obire non potest anima, postular iustitia ut post mortem conjungantur denuo ad perferendas pœnas vel reportanda præmia. Quod argumentum eleganter usurpat Tertullianus lib. de Resurr. carnis cap. 7. Artes per carnem, inquit, studia, ingenia per carnem, opera, negotia, officia per carnem, atque adeo totum vivere anima carnis est ut non vivere, anima nihil aliud sit, quam a carne devertere: sic etiam ipsum mori carnis est, cuius & vivere. Porro si universa per carnem subjacent animæ, carni quoque subjacent, per quod utaris, cum eo utaris necesse est; ita ergo dum ministra & famula animæ deputatur, consors & coheres invenitur; si temporalium, cur non & æternorum?

Secunda ratio est, quia si qua ex causa negaretur futura corporum resurrectio, maxime quia Deo videtur impossibilis, quo argumento usi sunt olim Philosophi Gentiles Celsus & Porphyrius, cum istud

fidei

fidei nostræ dogma impugnant: at qui resurrectio mortuorum nequaquam Deo impossibilis est: qui cum hominem fecit, potest & reficere, inquit Tertullianus libro citato cap. 11. Ex nihilo, inquit, Deus melius est cunctis, poterit carnem in nihilum parvulam exprimere de nihilo; sive de materia molatulus est alia, poterit & carnem quoque dehaustam evocare de alia: Et atque idoneus est reficere qui fecit, quanto plus est fecisse quam refecisse, initium dedisse quam reddidisse. Quia potius scribit S. Greg. M. in 6. Moral. id omnibus debere consistere, longe difficilius esse creare quæ non fuerunt, quam ea reparare quæ fuerant.

Sunt & alia ejusmodi momenta quæ legi. possunt apud citatos Auctores, & a quibus referendis abstinemus, ne in immensum crescat hæc dissertatio.

Obijciæ: Multa sunt loca in Scripturis quæ corporum resurrectioni manifeste adversantur. Psalm. 77. legitur Deum utcumque castigasse Judæos in deserto, sed noluisse iram suam omnino in eos effundere, quia recordatus est quia caro sunt. & Spiritus vadens. & non rediens. Si vero non redeunt animi, profecto nulla est corporum resurrectio. Psalm. 113. Non mortui laudabunt te Domine, neque omnes qui descendunt in infernum; hoc est, in sepulchrum. Ecclesiasticus cap. 3. Idcirco unus interior est hominis. & jumensorum, & aqua utriusque conditio, sicut moritur homo, sic & illa moriuntur. & quis novit si Spiritus filiorum Adam ascendat sursum, & si Spiritus jumensorum descendat deorsum? Job cap. 14. testatur non eandem esse rationem hominis & arborum seu herbarum: Lignum habet spem, inquit, si præcisum fuerit rursus reviviscit, & rami ejus pullulant. Si senuerit in terra radix ejus, & in pulvere emortuus fuerit truncus illius, radorem aquæ germinabit, & faciet comam, quasi enim primum plantatum est. Homo

vero cum mortuus fuerit & nudatus atque consumptus, ubi, quæso, est? Quibus adde quædam alia loca in quibus universalis saltem omnium negatur resurrectio, Psalm. 1. Ideo non resurgent impij; & multis non omnibus communem fore carnis resurrectionem testatur Daniel cap. 12. Et multi de his qui dormiunt in terra pulvere evigilabunt. Frustra igitur spernabimus mortuos aliquando reviviscuros.

Respondet ex his atque similibus Scripturas locis nihil quicquam inferri posse adversus resurrectionem corporum.

Ad primum quidem dico his verbis Psalm. 77. Spiritus vadens & non rediens, animum intelligi Judæorum. leviem atque instabilem: scilicet cum rebus adversis premebantur admodum Israelitæ in deserto, & a Deo iustis de causis puniebantur, clamabant ad eum ut liberarentur, qui tamen paulo post, ut erant ingenio fluxo & versatili, iterum in idololatriam recidebant; quo fit ut in resurrectionem corporum obijci non possint præfata verba.

Deinde quod secundo loco proponitur testimonium e Psalm. 113. Non mortui laudabunt te, &c. mentem exprimit orantis ut parcat pijs hominibus, ne illis assumptis desint qui Deum celebrent. Non mortui laudabunt te, &c. Scilicet in orbe terrarum, in Cælis quidem nunquam desunt qui eum laudent; sed, vult Deus non tantum in alio sæculo prædicari & laudari, sed etiam in his terris, quod fieri non potest si pii ab impijs consumantur, Adde quod ex illis verbis probaretur animam non esse immortalem; si enim anima corpore cuncta superstes sit, poterit ipsa sine corpore Deum laudare.

Atque nihilo plus virum habet locus Ecclesiasticus, tum quia, ut multi volunt interpretes, verba hæc sunt impij; & voluptarii, qui ut in carnalibus & terrenis deliciis se se liberius ingur-

ingurgisset, ait in corde suo, aut saltem sibi fingere amat pacem futuram hominum & iumentorum in morte conditionem, quemadmodum ait apud Apostolum 1. ad Corinth. 15. *Mundumus & bibimus, etas enim moriemur.* Tum quia si hæc verba non sunt impii simpliciter loquentis, profecto intelligi debent de quibusdam attributis quæ contraria sunt hominibus & brutis; scilicet ut iumenta pereant in morte, ita & homines quoad corpus quod similiter corrumpitur & abit in pulverem; unde eatenus nihil habet homo iumento amplius. Quod vero addit Salomon, *Quis novit si spiritus filiorum Adam ascenderit sursum?* Non ideo negat animam hominum ut & iumentorum fore superstitem, sed difficultatem indigitat detegende animarum immortalitatis solo ratiocinio.

Quarto, inepte meo quidem iudicio objicitur locus capitis 14. Job; quia ipse circumscribit tempus quo mortuus homo ad vitam non revertetur; scribit enim hominem non revertitur donec attingatur Cælum. Et postea, *Quis mihi hoc tribuat ut in inferno protegas me & abscondas me, donec pertranseat furor tuus & constituas mihi tempus in quo revertaris mei?* Non ergo inficiatur Jobus, immo affirmat, postquam Cælum prætorierit, homines resurrecturos. Quibus merito addideris quæ ex libro Job adduximus ad istud dogma demonstrandum exquisitissima.

Denique nec oblat quod dicitur in Psalmo 3. *impios non resurrecturos, ideo non resurgent impii.* Addit enim Psalter Regius, *in iudicio.* Quasi dixisset, non stabunt, sed cadent causa impii, quoniam ad Tribunal Dei non absolventur, sed condemnabuntur; unde Christus Dominus impiorum ut & iustorum resurrectionem annuntiat Joan. 5. his verbis: *Nolite mirari hoc, quia venit hora, in qua omnes qui in monumentis sunt, audient vocem ejus, &*

procedent qui bona fecerunt, in resurrectionem vitæ; qui vero mala egerunt, in resurrectionem iudicii. Quod autem sacre Litteræ crebrius mentionem faciant Sanctorum resurrectionis quam impiorum, vel etiam istorum resurrectionem negare videantur, ex eo maxime fit quod illa sit potius æterna infelicitas & mors, quam vitæ alienigenæ renovatio; atque ita nullus ex Danielis testimonio remaneat scrupulus.

*De affectionibus, seu proprietatibus
Beatitude.*

EX illis beatitudinis nostræ proprietatibus, quæ nempe sequuntur plenam illam atque integram Dei possessionem quæ donantur Beati in Cælis, aliæ sunt quæ ad totum hominem, hoc est, ad corpus peræque ac animam pertinent, qualis est beatitudinis semel adeptæ perennitas; aliæ quæ ad solam animam attineant, qualis est impeccabilitas; aliæ denique quæ sola non spectant corpus, quales sunt impassibilitas, claritas, subtilitas & agilitas, quæ corporis gloriosi dotes appellari solent; de quibus singulis nunc agendum est, prout nempe insignes illas beatitudinis proprietates reperiemus confirmatas in divinis Litteris; video enim paulo intemperantius hac in materia differere nonnullos Theologos; cum beatis assignant dotes, de quibus nulla vel in Scripturis, vel apud SS. Patres injicitur mentio. Quamquam nec omnes & singulas me assecutum facile crediderim; ut enim ait S. Paulus 1. ad Corinth. 2. *Oculus non vidit, nec auris audivit, nec in cor hominis ascendit, quæ præparavit Deus iis qui diligunt illum.*

An perennis futura sit Sanctorum
beatitudo

Sanctorum & hominum & Angelorum beatitudinem sicut damnationem non fore perpetuam docuit Origenes, si fides habeatur testimonio Sancti Hieronymi, Epistola 59. ad Avitum id expresse referentis ex libro primo *apst. apst.* ejusdem Origenis. Quomodo autem ab illo errore vindicetur ejus fides, quod tentarunt nonnulli recentiores Critici, ut Sixtus Senensis lib. 5. Bibl. annot. 126. & Sotus in 4. dist. 50. quest. 1. art. 4. vetat diserte S. Augustinus lib. de hæresibus c. 43. ubi cum circa nonnulla capita defendisset Origenem, sic loquitur. *Sed sunt hæc dogmata quæ Catholica Ecclesia omnino non recipit, in quibus nec ipsam falso arguit, nec potest ab ejus defensoribus salvi, maxime de purgatione & liberatione, ac rursus post longum tempus ad eandem malam ævolutionem rationalis universe creaturæ.*

Ut ut sit, docet catholica fides Sanctorum beatitudinem fore perpetuam nullique vicissitudini obnoxiam. Id aperte indicant Scripturæ, Sapientiæ 5. *Iusti autem in perpetuum vivent.* Matth. 6. hæc ait Christus: *Thesaurizate vobis thesauros in Cælo, ubi nec arugo nec tinea demolitur.* Cap. 25. *Sic ibunt isti in supplicium æternum, iusti autem in vitam æternam,* & S. Paulus 1. ad Corint. cap. 15. totius citato: *Oportet, inquit, corruptibile hoc induere incorruptionem, & mortale hoc induere immortalitatem. Cum autem mortale hoc induerit immortalitatem, tunc fiet sermo qui scriptus est, Absorpta est mors in victoria.* Ubi est, mors, victoria tua? ubi est, mors, stimulus tuus? quo testimonio in eam rem luculentius esse potest nihil.

Tum vero altipulantur omnes SS. Patres, qui quoties agunt de futura vi-

ta, eam prædicant vel æternam, vel incorruptibilem, vel immortalem. Sanctus Iustinus loco superius citato Apolog. 2. Cum omnium, inquit, etiam qui unquam existerent, mortalium corpora suscitabit, atque dignos quidem induet naturæ incorruptibilitatis.

Idem docet Athenagoras legatione pro Christianis: *Persuasimus, inquit, nos in hac mortali defunctos vita, alteram hac terrestri vita meliorem nempe cælestem victuros, ut apud Deum & cum ipso jam immutabilis & impassibilis anima.* Ibi non tuam opinionem, sed universam & catholicam fidem proficitur vetus ille Scriptor. Cui subnectere possumus quod cum refert Eusebius lib. 4. hist. cap. 15. Martyrium S. Polycarpi, ait sanctissimum Martyrem immortalitatis corona fuisse redimitum.

Insignis vero est locus S. Cypriani lib. de exhort. Martyrum in fine hæc scribentis: *Clauduntur oculi perfectionibus terræ sed patet Cælum; minatur Antichristus, sed Christus tuetur; mors inferitur sed immortalitas sequitur; occiso mundus eripitur sed restituito Paradisus exhibetur; vita temporalis extinguitur sed æterna reparatur. Quanta est dignitas, & quanta securitas exire hinc laicum! &c.* Igitur gloria per Martyrium reportata erit secunda, erit immortalis, erit æterna.

Idem reperias apud S. Ambros. de fide resur. lib. 2. nam si per se ipsa, inquit, vita fugienda est, ut molestiarum fuga, requies arduum, quanto magis tu requies est expetenda, cui futura resurrectionis voluptas perpetua succedet, & postea in fine: *Quid enim mihi superest solatii quam quod me citius ad te, frater, spero venturum, nec digressus tui inter nos longa divortia fore, suisque intercessionibus mihi hoc posse confecti, ut citius desiderantem tui advoce.* Quis enim est qui non sibi debet istud optare præ cæteris, ut corrupti-

pti-

possibile hoc induat incorruptelam, & mortalitate hoc induat immortalitatem, ut, qui nunc morti corporis fragilitate succumbimus, supra naturam sit, ut mortem jam timere nequeamus.

Omnium vero subtilissime tractat S. Augustinus, integro nempe libro 22. de Civit. Dei, quem sic orditur: Sicut, inquit, in primo libro superiore promissimus, iste hujus totius operis ultimus dissertationem de Civitatis Dei aeterna beatitudine continebit. Qua non propter aetatis per multa secula longitudinem, tamquam quondocumque finem, aternitatis nomen accepit, sed quemadmodum scriptum est in Evangelio (Regni ejus non erit finis.) & cap. ultimo ejusdem libri: Quanta eris, inquit, illa felicitas, ubi nullum erit malum, nullum latebit bonum; vocabitur Dei laudibus qui erit omnia in omnibus. Nam quid aliud agatur, ubi neque ulla desidia cessabit, neque ulla indigentia laborabitur, nescio. Admonet etiam sancto Cantico: ubi deo vel audit: Beati qui habitant in domo tua, Domine, in secula seculorum laudabunt te. Omnia membra & viscera incorruptibilis corporis, qua nunc videmus per usus necessitatis varios distributa, quoniam tunc non erit ipsa necessitas, sed plena, certa, secuta, sempiterna felicitas, proficiant in laudibus Dei. Cui doctrinae stipulantur ceteri Patres nullo excepto, tum ea Concilia in quibus proscripti fuerunt Origenis errores, ac demum christiana fidei Symbolum, quo profitemur nos expectare vitam aeternam.

Accedit & ratio. Siquidem ad veram & perfectam beatitudinem requiratur, ut beati desiderium omne satietur & expleatur; atqui nisi perennis futura sit beatitudo, sed vicissitudini obnoxia; immo nisi qui beatus est certo sciat eternam fore suam beatitudinem, dubio procul non erit ille perfecte beatus, non omne illius satiabitur desiderium; legitima enim ex causa

Lomo V.

securitatem suae beatitudinis desiderabit, simulque in perpetua versabitur sollicitudine & anxietate amittendi eam qua fruatur felicitate; igitur Sanctorum beatitudo, cum sit vera & perfecta, perennis sit & in aeternum duratura, omnino necesse est.

An Beati peccare possint.

Beatos non posse jam peccare docet inter sanctos Patres Augustinus Enchiridio c. 57. his verbis: Templum Dei hoc est totius summa Trinitatis, sancta est Ecclesia scilicet universa in Caelo & in Terra. Sed de illa qua in Caelo est, affirmare quid possumus, nisi quod nullus in ea malus est, nec quicquam deinceps inde cecidit, aut casurus est, ex quo Deus Angelis peccantibus non pepercit? & cap. 111. Post resurrectionem, inquit, factis universo complectoque judicio suos fines habebunt Civitates duae, una scilicet Christi, altera diaboli, una bonorum, altera malorum, utraque tamien & Angelorum & hominum; istis voluntas, illi facultas non poterit ulla esse peccandi. Quod idem docet lib. 13. de Civit. Dei cap. 24. & lib. 22. cap. 30.

Ad solam terrestrem naturam peccatum pertinere scribit quoque S. Greg. Nazian. Orat. 40. p. 640. Quoniam, inquit, omni peccati labe carens Dei est, primeque & incomposita natura (simplicitas enim pacata est, atque ab omni dissidio remota) audacter etiam addam & Angelica, qua aut prius extra peccandi aleam est; aut ad id certe ob eam propinquitatem, quam ad Deum habet, proxime accedens, peccare autem humana ac terrena compositionis. Unde manifeste sequitur animas beatorum, ut & ipsos Angelos ab omni peccato vel peccandi facultate esse immunes.

Dixerat: pridem S. Irenaeus lib. 3. cap. 37. peccati finem inferri carnis resolutione: Prohibuit Deus, inquit, ejus

D trans-

transgressionem interponens mortem, & cessare faciens peccatum, finem inferens ei per carnis resolutionem, quæ fieret interit, uti cessans aliquando homo vivere peccato, & moriens ei inciperet vivere Deo.

Sanctis Angelis perennem ejusmodi justitiam, qui ita sint in bono confirmati ut non possint in deterius commutari, tribuit S. Fulgentius lib. de fide ad Petrum, cap. 23. *Firmissime tene, inquit, & nullatenus dubites omnem creaturam naturaliter immutabilem a Deo incommutabili factam, nec tamen jam posse quemlibet sanctorum Angelorum in deterius commutari, quia sic acceperunt eternam beatitudinem qua Deo stabiliter perficiuntur, ut ea carere non possint.* Quæ ratio cum sit communis hominibus & Angelis, probat etiam homines a statu suo per peccatum nunquam casuros.

Et ratio est, quia ille est impeccabilis qui Deo indivulse adhæret & conjungitur; in eo enim præcise positum est creaturæ rationalis peccatum, quod a Deo, qui rerum omnium finis est debitus, & omnis virtutis regula, desectatur: atqui iustorum animæ quæ visione intuitiva Dei ejusque amore fructivo semel donatæ sunt, Deo per visionem & amorem possessio indivulse adhærent & conjunguntur: tunc enim anima immobiliter & indivulse conjungitur alicui objecto, cum per illius objecti possessionem ita expletur & satiatur, ut ab ea nihil amplius desiderari possit: atqui per visionem Dei ejusque amorem fructivum ita expletur & satiatur beatorum appetitus, ut ab illis aliud quidquam desiderari non possit; siquidem, ut diximus, per visionem summi veri & amorem summi boni plene & perfecte sinitur omnis motus intellectus & voluntatis; ergo beati Deo indivulse & immobiliter adhærent, proindeque sunt omnino impeccabiles.

Deinde in peccare non potest qui Deum necessario diligit, aliter peccatum una cum perfecta Dei dilectione in eo-

dem subjecto reperiretur: atqui beati necessario Deum diligunt; ita ut ab illo amando abstinere non possint: Deus quippe est summum bonum: atqui voluntas ita diligit summum bonum, ut ab eo amando nunquam abstinere possit; etenim voluntas se habet ad summum bonum clare cognitum, ut intellectus se habet ad prima principia clare cognita: atqui intellectus necessario præbet assensum primis principiis clare cognitis; ergo pariter voluntas amat necessario summum bonum & finem ultimum clare cognitum, proindeque non concipitur voluntatem beatorum posse unquam ab amore Dei divelli, adeoque peccare non potest.

His adde rationem quam asserit S. Thomas lib. 4. contra Gentes cap. 92. *Voluntas creata, inquit, peccare non potest quin præcesserit in intellectu error & incogitantia;* ut enim legitur Proverb. 14. cap. *Errant qui operantur malum,* atqui error & incogitantia non videtur posse irrepere in eum qui clare & intuitive videt Deum: ejusmodi enim incogitantia, quæ vel esset peccatum vel causa peccati, in eo posita esset quod non attenderet homo ad ea quæ a peccato avocare solent; efficacius autem ea consideraret quæ ad peccatum alliciunt: atqui id omnino accidere non potest beatis quod supponimus visionem & amorem Dei donatos; siquidem tantæ virtutis est visio divinæ essentiae, ut beatus non possit amplius bona creata considerare & ad ea se convertere; igitur beati semel Deum possidentes peccare non possunt.

An vero hæc impeccantia ab intrinseco, ut aiunt, vel solum ab extrinseco, competat beatis? an præterea de potentia Dei absoluta possit cum visione aut amore beatifico peccatum actuale vel saltem habituale reperiri? ejusmodi sunt quæstiones frivole quas consulto prætermittere solemus, ne in vanas subtilitates metaphysicas evagari videatur Theologia nostra.

Quæ.

Quenam sint dotes corporis gloriosi :

SIC dicuntur quædam dignitates, quædam ornamenta quæ in corpora ipsa beatorum derivabuntur post eorum resurrectionem.

Quatuor numerari solent a Theologis, videlicet impassibilitas, claritas, agilitas & subtilitas, quas ex hoc uno S. Pauli loco I. ad Corint. 13. deprecantur : *Seminatur*, inquit Apostolus, *in corruptione, surget in incorruptione. Seminatur in ignobilitate, surget in gloria. Seminatur in infirmitate, surget in virtute. Seminatur corpus animale, surget corpus spiritale* : Impassibilitatem quidem ex his verbis : *Seminatur in corruptione, surget in incorruptione* ; Claritatem ex istis : *Seminatur in ignobilitate, surget in gloria* ; Agilitatem ex sequentibus : *Seminatur in infirmitate, surget in virtute* ; denique subtilitatem ex aliis, *Seminatur corpus animale, surget corpus spiritale*.

Ac prima quidem beatorum conditio erit *impassibilitas*, ut enim ait ibidem Apostolus, *In momento, in ictu oculi, in novissima tuba (curret enim tuba) & mortui resurgent incorrupti, & nos immutabimur. Oportet enim corruptibile hoc induere incorruptionem, & mortale hoc induere immortalitatem*. Porro corpus quod est incorruptibile, sit quoque impassibile necesse est, quatenus enim corpus patitur aut suarum partium solutionem, aut certe nonnullum dolorem, ut famem, sitim, morbum, eatenus imminuitur, atteritur, corrumpitur. Id porro intelligi debet, ut puto, de illis vel similibus affectionibus quibus liberabuntur Sancti ; sunt enim aliæ passionēs, quæ subjectum potius delectant & perficiunt, quam lædant : pulchris enim coloribus non læditur oculus, neque auditus grata quædam harmonia, & sonis bene compositis.

Secunda corporis post resurrectionem gloriosi dos est *claritas* seu fulgor, cujus

expressa passim mentio habetur in Scripturis, Sapient. 3. *Fulgebunt iusti & tanquam scintilla in arundine discursant*. Daniel. 12. *Qui docti fuerint, fulgebunt quasi splendor firmamenti ; & qui ad justitiam erudiunt multos quasi stella in perpetuas æternitates*. Quod & ipse docet Christus Matth. 13. his verbis : *Tunc iusti fulgebunt sicut Sol in Regno Patris eorum*. & postea Apostolus loco citato : *Alia est, inquit, claritas solis, alia claritas luna, & alia claritas stellarum. Stella enim a stella differt in claritate, sic & resurrectio mortuorum*. Hunc porro fulgorem qui ut præmium beatis rependetur, & quidem dispar pro disparitate meritum, ut aperte indicat præfatum Apostoli testimonium, in corpora beatorum non immerito derivatum putant Theologi ab intuitiva Dei visione, ex qua tantam concipiunt iucunditatem & lætitiā, ut inde ad corpus redundet ; animi enim lætitia solet exhilarare frontem & corpus floridum reddere. Hujus corporum beatorum conditionis speciem dedit Christus in sua Transfiguratione super montem Thabor, ubi facies ejus instar solis resplenduit.

Tertia assignatur beatitudinis affectio, nempe *agilitas* in beatis corporibus, quæ in eo sita est ut corpus facile possit ab uno loco transire in alium, ita ut ei gravitas & pondus carnis minime obstat, non tamen, ut nugantur nonnulli Scholastici, impertransito medio, quod omnino impossibile est. Hæc porro corporum beatorum alacritas colligitur ex nonnullis Scripturæ testimoniis. *Fulgebunt iusti*, ait Auctor sacer Sapient. 3. *& tanquam scintilla in arundine discursant*, id est, current per acra ut scintillæ ignis per arundines seu per stipulam. I. ad Thessalon. cap. 4. sic loquitur Apostolus : *Quoniam ipse Dominus in iusto & in voce Archangeli & in tuba Dei descendet de Cælo, & mortui qui in Christo sunt resurgent primi. Deinde nos qui vivimus, qui relinquimus, simul*

mul rapiemur cum illis in nubibus obviam Christo in aëra, & sic semper cum Domino erimus. Id certe supponit magnam fore beatorum corporum agilitatem, ut super aëra nempe ad Christum ascendant. Hac excellenti facultate pollebat Christi corpus, cum ambulabat super aquas, cumque e terris in Caelos evolavit.

Quarta demum corporum beatorum dos & conditio erit subtilitas: nam, ut ait S. Paulus, *seminatur corpus animale, surgit spiritale*. Scilicet corpus est animale hao in mortali vita, egeat ut cætera animalia cibo, potu & somno, item durum est, crassum & impenetrabile; at *surgit spiritale* in resurrectione, id est spiritui sere in omnibus conformatum; ita ut cibo & potu non egeat, non laboret, non fatigetur, carens crassitie illa & mole repletiva, ita ut instar spiritus omnia alia corpora penetrare possit & pervadere. Id egregie, ut prioris est, explicat S. Augustinus lib. de Fide & Symbolo cap. 6. ubi loquens de Philosophis qui vix intelligere poterant quod credimus assumptum Christi terrenum corpus in Cælum, sic habet: *Nostras enim Scripturas, inquit, non movent, nec sciunt quomodo dictum sit: Seminatur corpus animale, surgit corpus spiritale; non ita dictum est, quasi corpus vertatur in spiritum & spiritus fiat, quia & nunc corpus nostrum, quod animale dicitur, non in animam versum est & anima factum. Sed spiritale corpus intelligitur, quod ita spiritui subditum est, ut celesti habitationi conveniat, omni fragilitate ac labe terrena in caelestem puritatem & stabilitatem mutata atque conversa. Hujus subtilitatis nonnulla dedit argumenta Christus Dominus post suam resurrectionem, cum videlicet ad Apostolos ingressus est foribus clausis.*

Nonnulla de resurrectione proponuntur quæstiones.

HIS quatuor corporis gloriosi dotibus abunde, in puto, expolitis, non abs re erit impræsentiarum nonnullas proponere quæstiones, quarum solutio ad plenam hujus rei intelligentiam nonnihil afferet lucis atque utilitatis.

Queritur 1. utrum corpora resurgentium futura sint eadem quæ fuerunt in terris.

Respondeo affirmative; id aperte testatur Job cap. 19. *Sic, inquit, quod Redemptor meus vivit & in novissimo die de terra surrecturus sum. Et rursus circumdabor pelle mea, & in carne mea videbo Deum.* Item S. Paulus I. ad Corinth. cap. 15. *Oportet, inquit, corruptibile hoc induere incorruptionem, & mortale hoc induere immortalitatem.* ubi nomen hoc demonstrat illum existimasse hoc suum corpus futurum aliquando incorruptibile & immortale per resurrectionem. Id insuper confirmatur ex ipsius Christi Domini exemplo, qui cum a mortuis resurrexisset suam ipsam assumfit carnem, cicatrices vulgerum secum reducens: *Infer dignum tuum huc, inquit Thomas; Joan. 20. & hile manus meas, & offer manum tuam, & mitte in latus meum, & noli esse incredulus, velut sibi decorum atque honorificum esse duceret si ea servaret vulnera, per quæ genus humanum redemerat; quocirca pulchre & ingeniose Augustinus lib. 22. de Civit. Dei cap. 19. Nescio quæ autem modo, inquit, sic afficiuntur amore Martyrum beatorum, ut velimus in illo Regno in eorum corporibus videre vulnere cicatrices, quæ pro Christi nomine pertulerunt, & forasse videbimus. Non enim deformitas in eis, sed dignitas est, & quadam, quomodo in corpore, non corporis, sed virtutis pulchritudo sublebit. Nec ideo tamen si aliqua Martyribus amputata & ablata sunt membra,*

sine.

fine ipsis membris erunt in resurrectione mortuorum, quibus dictum est: Capillus capitis vestri non peribit. Sed si hoc decebit in illo novo seculo, ut indicia glorioforum vulnorum in illa immortali carne cernantur, ubi membra, ut praeciderentur percussa vel secta sunt, ibi cicatrices, sed tamen eisdem membris redditae, non perditae apparebunt.

Quamobrem audiendus non est Origenes qui homines in corpore quidem, sed absque carne resurrecturos esse docuit lib. 2. *epist. ad rom.* cap. 3. si enim resurget idem corpus, reddentur etiam eadem carnes & membra. Christo certe potius est credendum, qui paulo post suam resurrectionem aiebat: *Palpate & videte quoniam spiritus carnem & ossa non habet, sicuti me videtis habere.* Quibus adde quod nos resurrecturos in eadem carne in qua vivimus, definit Concilium Toletanum IV. cap. 1. in confessione fidei, & Lateranense magnum, cap. *Firmiter*. Idemque aperte pronuntiatur in Symbolo, ubi non dicimur credere corporis, sed carnis resurrectionem.

Quin & manifesta est ratio; si enim tempore iudicii ultimi qualibet animam suum proprium corpus suamque carnem non assumeret, sed alienam de novo a Deo creatam & productam, jam tum nulla foret resurrectio, sed nova aliorum corporum, & consequenter aliorum hominum productio; cum enim essentialiter componatur homo ex corpore & anima; ut sit idem homo, debet esse eadem anima, debet esse idem corpus: sed in resurrectione debet idem homo reviviscere, ut per se patet; igitur corpora resurgentium eadem plane futura sunt quae fuerunt in terris.

Unica est porro super ea re difficultas, quam sibi velut ab Ethnicis objectam proponit S. Augustinus lib. 22. de Civit. Dei cap. 12. *De ipsis etiam corruptionibus, inquit, & dilapsionibus*

corporum mortuorum, cum aliud vertatur in pulverem, in auras aliud exhaletur; fuit quos bestiae devorant, sint quos ignis absorbat, naufragio vel quibuscunque aquis ita quidam pereant, ut eorum carnes in humorem putredo dissolvatur, non mediciter permoverentur, atque omnia ista recolligi in carnem & redintegrari posse non credunt. Consecrantur etiam quasque seditates & vitia, sive accedant, sive nascentur, ubi monstratim partium cum, horrore atque irrisione commemorantur & requirunt, quamnam cuiusque deformitatis resurrectio sit futura. Si enim nihil tale redire in corpus hominis dixerimus, responsum nostrum de locis vulnorum, cum quibus Dominum Christum resurrexisse predicamus, se confuturos esse praesumunt. Sed inter hac omnia questio difficillima illa proponitur, in cuius carnem reditura sit caro, qua corpus alterius vescens, humana viscera fame compellente, nutriatur. In carnem quippe conversa est ejus, qui talibus vixit alimentis, & ea quae macies ostenderat derelicta, supplevit. Cui difficultati respondet cap. 20. his verbis: Absit autem, inquit, ut ad resuscitanda corpora vitaeque reddenda non possit omnipotentia Creatoris omnia renovare quae vel bestiae, vel ignis consumpsit, vel in pulverem cineremve collapsum, vel in humorem solum, vel in auras exhalatum. Absit ut sinus ullus secretumque natura ita recipiat aliquid subtrahum sensibus nostris, ut omnium Creatoris aut lateat cognitionem, aut effugiat potestatem.... Quicquid enim carnum exhauserit fames, utique in auras exhalatum, unde diximus omnipotentem Deum posse revocare quod fugit. sua vero illi quam fames exinanierat, ab eo qui potest etiam exhalata revocare, reddatur.

Quaerens 2. an singula corpora resurrectura sint in proprio sexu.

Resp. 1. teste S. Augustino lib. 22. de Civit. Dei cap. 17. credidisse nonnullos in sexu foemineo resurrecturos: non,

non esse fœminas, ex hoc scilicet loco Apostoli ad Ephes. cap. 4. *Donce occurramus omnes in unitatem fidei & agnitionem Filii Dei in virum perfectum, in mensuram atatis plenitudinis Christi.* Quæ quidem opinio & nonnullis tribuitur S. Hilario can. 23. in Matth. S. Basilio in Psal. 144. & S. Athanasio regulis de virginitate. Injuria tamen meo quidem iudicio, ut cuiuspiam hæc loca perlegendi patebit.

Resp. 2. affirmative. Siquidem, ut supra ostensum est, tempore resurrectionis idem numero corpus resurget; aliter vera non esset resurrectio: atqui non resurgeret idem numero corpus, si fœminæ non in proprio sexu, sed in virili resurgerent; quæ enim intercedit inter homines differentia penes sexum haud dubie insignis est; igitur quilibet corpora resurgent in proprio sexu. Sic vero id aperte tradit S. Augustinus loco mox citato: *Sed mihi melius, inquit, sapere videntur qui utrumque sexum resurrecturum esse non dubitant... corporibus ergo illis vitia derivabuntur, natura servabitur; non est autem vitium sexus fœmineus, sed natura... Qui ergo utrumque sexum instituit, utrumque restituet. Denique & ipse Jesus interrogatus a Sadducæis qui negabant resurrectionem, cujus septem fratrum eris uxor quam singuli habuerunt, dum quisque eorum velles defuncti semen, sicut lex praeceperat, excitare; erratis, inquit, nescientes Scripturas neque virtutem Dei. Et cum locus esset ut diceret, de qua enim me interrogatis, vir eris etiam ipsa, non mulier, non hoc dixit, sed dixit: In resurrectione enim neque nubent, neque uxores ducent, sed sunt sicut Angeli Dei in Cælo. Aequales utique Angelis immortalitate ac felicitate, non carne, sicut nec resurrectione qua non indignerunt Angeli, quoniam nec mori potuerunt. Nuptias ergo Dominus futuras negavit esse in resurrectione, non faminas. Quod idem scribit Hieronymus Epist. 72. ad Pammachium,*

tum & antea docuerat Tertullianus lib. de resur. carnis cap. 6.

Quod autem præfatum obijciunt Apostoli testimonium ex cap. 4. Epist. ad Ephes. petendum, in eo sane neutiquam promoveant; siquidem Apostolus eo loci non agit de resurrectione corporum, sed de spiritali restauratione animorum quæ fit in hac vita per fidem & charitatem, quasi nempe dixisset S. Paulus, hic hierarchicus ordo, ut alii sint Apostoli, alii Prophetæ, alii Evangelistæ, &c. manebit durabitque, donec omnes in unitatem fidei & amoris Christi occurramus, *in virum perfectum*, hoc est, in fide & charitate simus viri, non infantes, perfecti & constantes, non autem fluctuantes: *Ubi jam, inquit, non sumus parvuli fluctuantes, & circumferamur omni vento doctrinæ in nequitia hominum, in astutia ad circumventionem erroris; veritatem autem facientes in charitate, crescimus in illo per omnia qui est Christus.* Ubi manifestum est Apostolum non loqui de viro perfecto in altera vita post resurrectionem, non est enim timendi locus, ne quis post resurrectionem circumferatur omni vento doctrinæ.

Ex quibus perspicuum est immerito etiam ex eodem Apostoli loco nonnullos inferre corpora beatorum omnium resurrectura in ætate virili, matura & robusta; quandoquidem ibi non agitur de corporum resurrectione.

Si quis tamen curiosius percontaretur in qua ætate resurrectura sint omnium hominum vel etiam infantium corpora, ab eis non valde recederem qui opinantur perfectæ & robustæ corporum statura donandos esse beatos, quæ quidem fuit S. Augustini sententia lib. 22. de Civit. Dei cap. 14. *Quid ergo de infantibus dicturi sumus, inquit, nisi quia non in ea resurrecturi sunt corporis exiguitate qua mortui, sed quod eis tardius accessurum erat tempore, hoc sunt illo Dei opere miro atque celerissima recepturi. In sententiam*

quis

quippe Domini, ubi ait, (*Capillus capitis vestri non peribit*) dictum est non defuturum esse quod fuit, non autem negatum est adfuturum esse quod fuit, non autem negatum est adfuturum esse quod defuit; defuit autem infanti mortuo perfecta quantitas sui corporis, perfectio quippe infanti deest utique perfectio magnitudinis corporalis.

Quæres 3. an simus omnes simul resurrecturi, vel alii prius, alii posterius; hoc enim postremum indicare videtur Apostolus I. ad Thessalonicenses cap. 4. his verbis: *Quoniam ipse Dominus in jussu & in voce Archangeli & in tuba Dei descendet de caelo, & mortui qui in Christo sunt, resurgent primi*; deinde nos qui vivimus, qui relinquimur, simul rapiemur cum illis in nubibus obviam Christo in aera.

Respondeo ex illo Apostoli testimonio colligi non debere ex hominibus quosdam prius, alios posterius resurrecturos: nusquam enim vult determinare quo ordine resurrecturi sint mortui, sed tantum observare nos qui nunc vivimus resurrecturos ut & cæteros qui pridem mortui sunt; unde ait, *simul rapiemur cum illis*. Quæ quidem verba nullum relinquunt hac in parte scrupulum: aperte, enim significant nos omnes & singulos simul resurrecturos.

Quæres quarto utrum homines qui vivi reperientur in die iudicii, non morituri sint, sed cum cæteris resurgentibus accensendi: hæc porro dubitatio suboriri potest ex eo quod dicatur Christus in Symbolo *venurus iudicare vivos & mortuos*.

Respondeo morituros esse omnes & singulos homines antequam resurgant: cum enim communis pro omnibus lata fuerit moriendi necessitas atque lex, in penam videlicet peccati originalis; nulla ex causa videntur ab illa communi lege eximi posse ulli homines: id quidem primum affirmaverat S. Augustinus

lib. 2. de peccatorum meritis cap. 31. quosdam scilicet mortem tunc temporis non experturos; sed illam sententiam corrigere videtur lib. 2. Retract. cap. 33. longe vero apertius Epist. 193. ad Mercatorem his verbis: *Sed vellem, inquit, hinc potius audire doctores, ne illis etiam, qui putant aliquos morte non precedente usufructos, ad vitam perpetuam transiuros, dicere inveniantur Apostolus, (stulte tu quod seminas non vivificatur, nisi prius moriatur); Nam & illud quod in plerisque Codicibus legitur (omnes resurgemus), unde fieri poterit, nisi omnes moriamur? Resurrectio quippe, nisi mors præcesserit, nulla est. Et quod nonnulli Codices habent, (omnes dormiemus), multo facilius & apertius id cogit intelligi; & si quid aliud tale in sanctis Litteris invenitur, ad id videtur impellere, ut nullus hominum existimetur immortalitatem nisi mors præcesserit adepturus. Proinde ubi dixit Apostolus (Et nos viventes qui sumus in adventum Domini, non præveniemus eos qui ante dormierunt; ipse enim Dominus in jussu, in voce Archangeli, & in tuba Dei descendet de Cælo, & mortui in Christo resurgent primi; deinde nos viventes, qui reliqui sumus, simul cum illis rapiemur in nubibus obviam Christo in aera, & ita semper cum Domino erimus.) Vellem, sicut dixi de his audire doctores, & si modo potuerint, hæc ita exponi, ut in eis possit intelligi, omnes homines qui vivunt vel post nos victuri sunt, esse morituros, corrigere quod hinc aliquando aliter sensi. Ubi licet doctiorum sententiam postulare videatur S. Augustinus, quasi hæc in parte maneat dubius & anceps, probat tamen ex Apostolo nos omnes, & quotquot in die iudicii reperientur vivi, vere morituros antequam resurgant: *Legitur enim, inquit, omnes resurgemus, & unde fieri poterit, nisi omnes moriamur?**

Quamobrem vivi illi quos Christus dici-

dicitur in Symbolo iudicaturus, sunt si qui vivi & superstites erunt in die iudicii, qui quoniam per brevissimum duntaxat tempus erunt mortui; non tam mortui quam vivi censebuntur; siquidem eorum mors non videbitur esse mors, sed transitus ad meliorem vitam; quemadmodum Lazarum dicebat Christus non mortuum esse, sed vivere & dormire, quem videlicet mox ad vitam rediturum sciebat.

Quæres demum quid sit sentiendum de resurrectione impiorum, & quænam futura sit illorum conditio.

Respondeo 1. certo futuram esse resurrectionem impiorum ut & Sanctorum, ut supra dictum est cum explicuimus illud Psalmi primi, *Non resurgent impij*. 2. Quod spectat ad dotes resurrectionis, habebunt sane immortalitatem, ut perpetua afficiantur ignominia perpetuisque doloribus, ut fufius ostendetur in Tractatu de Peccatis; cæteras vero dotes priorum non obtinebunt. Non erunt quidem impassibiles, quandoquidem immensis cruciatibus afficiantur: *Ibi eris fletus & stridor dentium*, inquit Christus Luc. 13. Neque etiam luce atque claritate donabuntur, quin potius ejicientur in tenebras exteriores, Matth. 8. cap. alacres item & agiles non erunt, quod *ligatis manibus ac pedibus mittendi sint in tenebras exteriores*, Matthæi 22. denique nec subtilitas ipsis continget, ea saltem quæ sit acuta & exquisita sensuum perceptio, siquidem affectibus crassissimis turbabuntur, ne quid desit eorum miseræ.

De principiis congenitis Actuum humanorum.

INterna actuum humanorum principia duplicis sunt generis, ut jam observatum est: alia nempe sunt congenita, alia vero acquisita. De acquisitis quales sunt habitus, præsentī loco

dicere nihil necesse est, ista quippe factis superque tractata habentur apud Philosophos. Congenita actionum humanarum principia sunt facultates a natura concessæ quæ ad actus humanos bonos vel malos moraliter concurunt, quæ quidem facultates sunt intellectus, voluntas & libertas, de quibus sigillatim nobis dicendum est.

De Intellectu morali.

INtellectus moralis est facultas cognoscitiva spiritalis directrix actionum humanarum ad honestatem: quo sensu practicus est intellectus non mere speculativus; spectat enim objectum quatenus operabile. Ad mentem moralem duo potissimum pertinent, nempe synderesis & conscientia, vel ut loquuntur alii, intellectus moralis voluntatem dirigit per synderesim & conscientiam.

Synderesis est cognitio primorum bene vivendi principiorum, quælia sunt ista, *Fac bonum, declina a malo, alteri ne feceris quod tibi fieri non vis*; & se habet in moralibus & practicis ut in metaphysicis & speculativis intelligentia.

Conscientia quæ secundum etymologiam nominis idem est ac cum alio scientia, quia importat ordinem scientiæ ad aliquid, vulgo definitur iudicium practicum intellectus dicantis hoc & illud in particulari esse agendum vel non agendum; & se habet in practicis ut scientia in speculativis, applicans synderesim ad facta particularia, sicut scientia applicat intelligentiam ad conclusiones particulares. Ubi notandum est synderesim nunquam ex omni parte deleri, in quovis enim homine vel perditissimo manet notitia primorum principiorum; conscientia vero per inveteratam peccandi consuetudinem omnino extinguī potest, quos enim Deus tradidit in reprobum sensum, eo usque corde & animo obdurerat, ut nullos interdu[m] conscientiæ stimulos experiantur.

Con-

Conscientia insuper distinguitur a recta ratione, a lege naturali & prudentia. A recta quidem ratione, in eo quod recta ratio versatur circa speculabilia & operabilia, seu sint universalialia seu particularia; conscientia vero non fit nisi de practicis & quidem particularibus. Differt a lege naturali, quod lex naturalis precise sit dictamen rectæ rationis nullum importans secum voluntatis pondus, nullam propensionem, sed velut objective posita in intellectu hominis regula sit agendorum respectu conscientie; unde duplex morum distinguitur regula: una remota quæ lex est, altera proxima quæ nimirum conscientia est. Denique conscientia differt a prudentia, quod hæc sit in intellectu tantum; est enim habitus cognoscitivus conclusionum quæ eruntur ex generalibus bene vivendi principiis; at vero conscientia quandam propensionem voluntatis in veritates practicas secum importat.

Ex variis conscientie officiis precipuum est mores nostros instar regulæ dirigere, quod sit examinando utrum legi congruant; ea propriè obligat sub pena peccati, ut enim ait Apostolus ad Rom. 14. *Quod non est ex fide*, hoc est, quod sit contra conscientiam, peccatum est, tamen non adversetur legi.

Conscientia tamen pertinet ad intellectum simul & ad voluntatem, nonnulli enim actus qui conscientie tribui solent, ad intellectum pertinent, ut judicare & testificari; nonnulli vero ad voluntatem, ut pungi & remordere, instigare: quo pacto facile conciliantur Theologi plus æquo hac in parte diffidentes.

Conscientia ut & synderesis duplex distingui debet, habitualis nimirum & actualis. Synderesis habitualis est habitus cognoscendi prima bene vivendi principia; actualis vero est assensus quem primis illis principiis practicis actu præbemus: certum est enim per ejusmodi assensus actualis repetitionem acquiri

habitum quo postea facilius & promptius eliciantur illi actus. Quamquam, ut fæceor habens, synderesis pro habitu, & conscientia pro actu frequentius soleat accipi. Utraque dividitur in congenitam & acquisitam, de acquisita potissimum agimus.

Conscientia tam habitualis quam actualis duplex est, scilicet vera & erronea: conscientia vera quæ conformis est cum recta ratione agendorum, ut quæ præcipit Deum esse colendum; erronea quæ non est conformis rectæ rationi agendorum, ut quæ judicat esse mentendum.

Conscientia erronea duplex est, scilicet vincibilis & invincibilis: vincibilis est ea cujus error superari & removeri non potest. Invincibilis dicitur excusare a peccato, non autem vincibilis, quia omne peccatum debet esse voluntarium, quod autem sit ex ignorantia invincibili, voluntarium non est; secus vero quod sit ex ignorantia vincibili, ut falsius postea dicitur.

Conscientia erronea iterum duplex est, videlicet scrupulosa & laxa seu remissa: Scrupulosa, quando mens supra modum ex levissimis ratiunculis timens aberrat, ex quo fonte apud scrupulosos seu timoratos homines innumera scaturiunt peccata; conscientia laxa est seu remissa quando mens errat soluta ab omni peccandi metu vel ex ignorantia vel ex pravo affectu: utramque conscientiam egregie describit Aristoteles: *Qui omnia timet*, inquit, *stultus est*; *qui vero nihil timet, stolidus*.

Denique & conscientia dividi solet in certam, dubiam & probabilem: Certa est tunc temporis conscientia, cum mens nostra certum & definitum de bonitate aut malitia alicujus actus fert judicium. Dubia est, cum nutat & vacillat animus, suum suspendens judicium: quo quidem in casu nulla est proprie loquendo, conscientia, quandoquidem nomine conscientie intelligitur definitum quoddam animi judicium; Denique tunc

E pro-

probabilis est conscientia, cum quis verisimilia sequitur, & e duabus oppositis opinionibus unam aut alteram cum aliqua formidine amplectitur. Quoniam vero hanc materiam (de conscientia nimirum probabili) constat omnium longe creberrimis & contentiosissimis implicatam quæstionibus, in ea plenius atque uberius expoenda præsentī loco diutius immorabimur.

De opinionum probabilitate.

Gravissima profecto hæc controversia est quæ non semel Theologos cum Theologis & Juristas cum Juristis commisit: ex ea quippe religata pendet fere omnis doctrina morum; sed quoniam plurimæ hoc in negotio occurrunt difficultates, ut clare & nitide singulas enucleare possimus, placet insigne hoc argumentum variis quoque titulis explicare.

Ac primo ab accurata nominum idea & notione auspicabimur, quo nempe omnis auferatur vocum ambiguitas, omnis æquivocatio; & videbimus quid sit opinio, quidve opinio probabilis.

Secundo omnium difficillima hac in re quæstionem pertractabimus, an scilicet aliquis possit tuta conscientia sequi opinionem minus probabilem relicta probabiliori.

Tertio demum examinabimus utrum operans ad usum licitum sententiæ quam eligit & amplectitur, judicium omnino certum habere debeat de bonitate actionis, absolutam & metaphysicam certitudinem; vel sufficiat moralis quædam certitudo, judicium moraliter certum.

Quid sit opinio probabilis.

Opinio primum est assensus datus alicui propositioni propter rationem probabilem & incertam, vel, ut dicunt alii, est assensus ex motivo fallibili. *Opinio*, inquit S. Bernardus lib.

5. de Consider. cap. 2. est quasi pro vero habere aliquid quod falsum esse nescias. ex S. Thoma 1. p. q. 9. art. 9. ad 4. *Opinio significat actum intellectus qui fertur in unam partem contradictionis cum formidine alterius*. Eo nempe quod innitatur motivo fallibili, quod non videtur infallibilem habere connexionem cum veritate proposita.

Probabile, si spectetur etymologia nominis, idem plane sonat quam quod probari potest: ut enim ait sanctus Augustinus libro de utilitate credendi cap. 11. *Quomodo est illud quod sequuntur, si non probatur, probabile?* An vero prudenter probari vel potius approbari possit una pars, cum opposita magis, ut ita dicam, approbatur, eadem plane quæstio est quam mox examinaturi sumus, an remaneat opinio probabilis in concursu probabilioris.

Probabile autem hic accipitur pro eo quod vero simile est, quantumvis non cognoscatur certo ut verum. Scilicet inter propositiones quæ menti obijciuntur, & de quibus determinatur fertur iudicium, aliæ certo cognoscuntur ut veræ, aliæ certo cognoscuntur ut falsæ, aliæ demum sunt quarum nec veritas nec falsitas certo percipitur; sed quæ tantum verisimiliter creduntur veræ vel falsæ, quod cognoscitur certo ut verum non est mere probabile, sed plusquam probabile; quod cognoscitur certo ut falsum non est probabile, sed improbabile; quapropter probabile idem est ac verisimile, quod nempe apparet esse verum.

Opinio igitur probabilis est iudicium mentis quo creditur aliquid esse tale sub motivo tamen fallibili, & cum formidine partis oppositæ.

Duplicem probabilitatem distinguunt Theologi; scilicet intrinsecam & extrinsecam. Probabilitas seu apparentia veritatis intrinseca est ea quæ nititur momentis, ut aiunt, intrinsecis, rationibus nempe validissimis quæ opinantem

tem vehementer impellant ad amplectendam illam opinionem. Probabilitas extrinseca nititur auctoritate & testimonio Doctorum qui in eandem sententiam conspirasse videntur, & in quorum fidem aliquid iudicatur verum. Quid vero sentiendum sit de illa probabilitate extrinseca, quæ unius tantum vel alterius Doctoris suffragio fulcitur, paulo inferius examinabitur.

Est autem insuper observandum probabilitatem esse respectivam ad opinantem: ita ut quod probabile est uni, non sit probabile alteri; nam motum opinionis urgere dicitur per ordinem ad intellectum viri docti vel probi; unde aliqua per se opinio alicui videtur certa quæ alteri nequidem apparet. probabilis est nam hæreticis fundamenta suarum opinionum apparent non modo fidei catholicae articulis probabiliora, sed & longe certiora, quæ tamen, ut nos ipsi recte contendimus, doctrinam continent manifeste falsam. Et sæpe fit ut quæ opinio Theologo sit aliquando probabilis, eidem reddatur absolute improbabilis post accuratam veritatis inquisitionem. Scilicet non alia est opinionum varietatis causa præter veritatis ignorantiam, ideo aliquid probabile est tamen falsum, quia ignoratur esse falsum, & rursus probabile licet verum, quia certo non cognoscitur esse verum.

Deinde opinio dupliciter dicitur probabilis, nimirum subjective & objective. Opinio probabilis est subjective, cum propria est ipsius operantis & in eius mente subjective existens, qui nempe fixo & determinato iudicio, probabilis tamen, iudicat ipse aliquid esse licitum: ut si quis post diligentem & accuratam veritatis inquisitionem ex propria sententia iudicet, v. g. hunc vel illum contractum non esse usurarium, sed maxime licitum. Opinio probabilis objective est ea quæ probabilis est prout in mente aliorum, & ideo in men-

te operantis objective tantum versatur: ut si quis contractum propria scientia credens usurarium & illicitum, videret gravissimos Auctores iudicare opinione probabilis ejusmodi contractum esse licitum.

Denique observandum est, aliud esse opinionem aliquam esse tutiorem altera, aliud vero eam esse probabiliorem: per se enim contingit ut opinio aliqua sit tutior in praxi quam opposita, & tamen non sit probabilior, qualis est sententia nonnullorum qui docuerunt hominem statim post commissum peccatum teneri sub præcepto illud confiteri Sacerdoti: nemo enim non videt ejusmodi opinionem esse tutiorem opposita, quantumvis sit longe minus probabilis. Et ratio est quia probabilitas major vel minor est, prout opinio magis vel minus accedit ad veritatem, prout majorem vel minorem præ se fert veritatis speciem & apparentiam; est autem tutior in praxi, eo præcise quod magis a peccato & peccati periculo hominem amoveret; his autem consulto præmissis nunc inquirendum est,

An licitum sit sequi opinionem minus probabilem relicta probabiliori.

UT in fronte hujus celeberrimæ disputationis certa sejungamus ab incertis, observabimus primo quæestionem istam agitari totam inter Theologos de opinionibus quæ fidem vel mores spectant, non autem quæ in mera speculatione sistunt: neque enim diffitemur posse quempiam inter disputandum in Scholis opinionem defendere hoc in genere opposita minus probabilem, ut si quis, v. g. contendat astra esse parvis magnitudinis, terram non esse rotundam, & cætera id genus, ut aperte declarat S. Thomas quodlibeto 3. art. 10. dicens hoc in casu locum habere quod Apostolus scribit ad Rom. 14. *Unusquisque in suo sensu abundat*, sed

E 2 quæ-

quæstio est an possit quis in rebus ad praxim & mores pertinentibus, tuta conscientia sequi opinionem minus probabilem in conflictu probabilioris, eaque relicta probabiliori.

Supponimus secundo quæstionem istam non agitari de consiliis, sed de præceptis; cum enim de consiliis agitur, nec tutiorem nec probabiliorē partem amplecti tenemur; satis sit si utraque pars sit tuta & probabilis; quare non omnes teneantur vel coelibatum vel religiosam vitam eligere, tametsi hæc conditio statu matrimonii sit in negotio salutis tutior: unde præsens quæstio proponitur his verbis: An liceat sequi opinionem minus probabilem quæ legi adversetur, faveatque libertati, relicta nimirum probabiliori quæ libertati adversetur faveatque legi; agitur itaque de opinionibus quæ versentur circa res præceptas, non autem circa consilia.

Supponimus tertio non teneri semper hominem e duabus oppositis opinionibus tutiorem amplecti, sed posse illam conscientia sequi minus tutam, si nempe ista quæ minus tuta est, sit aliunde altera tutiori probabilior: siquidem e duabus opinionibus quarum una judicat licite non posse Clericum simul possidere plura Beneficia Ecclesiastica etiam sine cura animarum & cum dispensatione; altera vero judicat id licite fieri posse in præfatis circumstantiis, dubio procul prior opinio est posteriori tutior; sed quia posterior est probabilior altera utroque probabilitatis genere, quatenus nempe validioribus est obfirmata momentis, & longe plures & gravissimos habet fautores; nemo certe dixerit Clericum non posse tuta conscientia possidere simul plura beneficia, ut ajunt, simplicia cum dispensatione summi Pontificis.

Atque innumera proferri possunt ejusmodi exempla, quibus ostenditur e duabus opinionibus oppositis tutiorem in praxi non esse semper sequendam, in

conflictu nempe probabilioris, ut aperte declarat S. Antoninus 1. p. Summæ tit. 3. cap. 10. *Quod sint*, inquit, *contrarie opiniones inter Doctores sanctitate & scientia maximos in materia morali, aliquando etiam ad salutem necessarias, patet per exempla. Nam B. Thomas in 4. tenet, quod post lapsum in mortale, non oportet aliquem statim confiteri sub præcepto habita copia Confessoris, nisi in paucissimis casibus qui ibi ponentur dist. 17. & cum eo tenet Ricardus. Sed Hugo de S. Victore & B. Bonaventura sunt in hoc contrarie opinionis, &c. Neutra opinio illorum reprobat, etsi B. Thomas opinio communius teneatur, quæ tamen minus tuta videtur. Raymundus Decretista & Sanctus in Summa tenet, quod participare cum excommunicatis majori excommunicatione in laqueum, cibo & hujusmodi in casu non concessio sit mortale universaliter: sed B. Thomas in 4. & Joannes Andreas & Archieidia tenent contrarium; & sic innumera exempla possunt poni. Unde cum vulgo dicitur, in dubiis seligendum essetutius, id intelligitur quando utraque opinio est æque probabilis, ut aperte indicant axiomatis verba, quibus supponitur hominem esse in dubio positum.*

Observandum insuper ex illa compactione, qua quidem in proposita quæstione conferuntur inter se duæ opiniones, quarum una dicitur probabilior, altera minus probabilis, colligi non debere hanc quæ dicitur minus probabilis, esse propterea absolute, vere & proprie loquendo probabilem in conflictu scilicet oppositæ probabilioris; quia nempe si hoc supponeretur, eo præcisè certum esset posse quemlibet licite sequi opinionem minus probabilem relicta probabiliori; potest enim quisvis sequi in praxi & tuta conscientia opinionem vere & absolute probabilem; si modo probabile dicatur quod nittitur gravi & prudenti fundamento; quare
mox.

mox ostendemus adversus eos qui opinionis minus probabilis in concursu probabilioris licitum esse ufum docent, opinionem aliquam non remanere absolute, vere & proprie loquendo probabilem, quando ejus contradictoria apparet operantur probabilior.

Atque hinc fit, ut plerumque in mente illorum Probabilistarum opinio aliqua in concursu probabilioris, reputetur solummodo, probabilis probabilitate extrinseca; ita ut ejusmodi probabilitas non pendeat ab intellectu qui hujus propositionis tanquam probabilis veritati assentiat, sed ab electione voluntatis, cui liberum est eligere in praxi illam sententiam quæ apparet minus probabilis, quia ab abactoribus propugnatur ut probabilis. Rem ita explicat unus. ex illis benignis Doctoribus, qui fultus auctoritate Caramuelis famosi Probabilistarum notesignant docet, *Potentiam physicam intellectus ad assentiendum parti quæ minus efficacibus fundamentis nititur, non esse necessariam ad electionem opinionis; quia, ut ait Caramuel, aliud est gubernare mentem, & voluntatem. Non est homini liberum judicare esse minus verisimile, quod majorum rationum efficacia suadet, aut quod plerumque in Academicis a viris eruditis defenditur: ac est homini liberum eligere in praxi illam sententiam quæ est minus verisimilis, atque ideo dicitur minus probabilis. Electio hæc actus voluntatis est, & non efficit ut intellectus aliter judicet quam judicabat. Nam potest & solet homo prudens eam sententiam eligere quam cognoscit esse minus probabilem. Sicut intellectum, ut p. nequire ex principiis directis judicare, licitum esse pungere in die festo, quia motiva suadentia esse opus servile præponderant; ita ut nequeat huic parti assentire, & tamen reflexe cognoscat esse inter Doctores bonæ notæ diversas opiniones, alteram altera probabiliorē circa idemmet objectum, & rursus etiam esse inter Doctores*

controverfiam, an liceat eligere quam minus probabilem ex duobus quis judicet, recte, inquam, stat judicare quid sit probabilis, licere eligere opinionem minus probabilem propter efficaciora motiva sibi propofita. Quibus pofitis probabilis censet licitum sibi eligere opinionem tuentem licitum esse pungere in die festo ob auctoritatem Doctorum ita existimantium, cum tamen ex principiis directe probaturis, ut dixi, judicium suspendit. Ita P. Moya tom. 2. in append. ad tract. 1. de opinione probabili q. 7. num. 38.

Porro tradi primum incepisse videtur probabilistarum isthæc opinio ad finem sæculi decimi sexti, nam Antonius Cordubensis insignis e Franciscanorum familia Theologus in suo Questionario Theologico in lucem edito anno 1571. cum in prima assertionē dixisset partem tutiorem esse tenendam, quando illa est probabilior opposita, statim addit, *Et in hoc omnes Theologi consentiunt. Ita autem intra exiguum temporis spatium crevit illa opinandæ licentiæ, ut anno 1597. cum opus suum de restitutione typis mandasset Petrus de Navarra libi 3. cap. 1. num. 137. affirmet juxta communiorē sententiam Theologorum suffuere ad securitatem conscientie probabiliori se conformare, etiamsi sit minus probabilis. Quo anno 1597. nondum aliquis Scriptor e Societate Jesu opinionem illam benigniorem amplexus fuerat, inquit P. Thyrsus Gonzales ejusdem Societatis Præpositus generalis in suo Tractatu Theologico de recto usu opinionum probabilium.*

Scriptori huic si fides habeatur, Falsa aliqui sententiam benignam de usu licito opinionis minus probabilis & minus tutæ in concursu probabilioris & tutioris appellant sententiam Jesuitarum & Casuistarum, quasi soli Jesuitæ & Casuistæ hanc sententiam tenuerint: Falso enim, inquit nostris Theologis tribuitur sententia quæ jam erat communis anno 1598. quando illi.

illi hanc questionem versare caperunt: falso eisdem solis tribuitur sententia illa quam amplexi sunt ex omni religiosa familia: falso dicitur Casuistarum doctrina ea pro qua P. Stephanus Dechamps in erudito Opusculo, cui titulus. Quæstio facti, extra Societatis Auctores erat Episcopos decem, Doctores Sorbonici: quatuor, & ex aliis orbis Christiani Doctoribus citati viginti duos. Quomodo vere dici potest sententia Casuistarum illa, quam præter primos Theologos Societatis, nimirum Gabrielem Vasquez, Franciscum Suarez, Gregorium de Valencia, Leonardum Lessium; & sacra Predicatorum familia tenuerunt etiam primi Theologi Scholastici hujus seculi, nimirum Bartholomæus de Medina 1. 2. q. 19. art. 6. Dominicus Bannez 2. 2. q. 10. art. 1. Didacus Alvarez in suis Commentariis ad 1. 2. q. 18. disput. 12. art. 3. & Joannes a S. Thoma tom. 2. in 1. 2. q. 18. disp. 12. art. 3. Ut sit hac omnia contentione de ortu & historia Probabilismi, in id solummodo incumbemus, ut quo poterimus studio doctrinam eorum plus æquo laxam & benignam radicibus evellamus.

Non desunt tamen inter illos probabilistæ præcones, qui doceant licitum esse solummodo opinionem minus tutam & minus probabilis usum, quando excessus probabilistæ in opinione probabiliori non est manifestus & evidens, sed dubius, eo quod non sit magnus, & qui proinde loquuntur de opinione probabili minus tuta quæ sit fere æqualis probabilitatis cum tutiore, quando dicunt licitum esse sequi opinionem minus probabilem relicta probabiliori; ita Martinus de Esparza in appendice de usu licito opinionis probabilis art. 112. Fieri non potest, inquit, ut opiniones invicem contradicentes maneant ambo probabiles apud eum qui est evidens & manifestum & indubitabile alteram opinionem nisi motivo absolute & simpliciter, omnibusque hinc inde consideratis majori; quia ad proba-

bilitatem opinionis requiritur, ut nitatur opinio fundamento & absolute & comparative magno, id est fundamento quod non solum seorsim & secundum se sit difficile, solubile, & valide porrahatur ad assensum; sed quod comparative etiam, cum fundamento opposita partis retineat etiam vim magnam porrahendi ad assensum.

Verum licet isti paulo rigidiores Probabilistæ viam non ita latam sternerent laxitatibus ac ceteri; docent tamen in rei veritate licitum esse sequi sententiam minus probabilem in concursu probabilioris, quos proinde iisdem plane momentis una cum aliis debellabimus.

CONCLUSIO.

Non licet tuta conscientia sequi in praxi opinionem minus probabilem relicta probabiliori.

Id primum invictè ostenditur ex plurimis Scripturæ sacre testimoniis. 1. enim Auctor sacre sapienter nos admonet, ne salutis nostræ periculo nos exponamus, Ecclesiast. cap. 3. *Qui amat periculum, peribit in illo*; sed qui sequitur in praxi opinionem minus probabilem in concursu probabilioris, peccato manifeste se exponit: tunc enim ipsi timendi locus est, ne peccet opinionem probabiliorem deserens.

2. Et ex Sapientum consilio semper agendum esse passim ibidem præcipitur, Prov. 12. *Via stulti recta in oculis ejus; qui autem sapiens est, audit consilia*. Et cap. 13. *Qui agunt omnia cum consilio, reguntur sapientia*. Cap. 15. *Discrepantur cogitationes; ubi non est consilium: ubi vero sunt plures consiliarii, confirmatur*. Cap. 19. *Audi consilium & suscipe disciplinam*. Ecclesiastici 25. *Quam speciosum cunctis iudicium & Presbyteris cognoscere consilium*. Quam speciosa veteranis sapientia & gloriosus intellectus & consilium? Et cap. 33. *Ante omnia opera verbum verax præcedat*.

dat te, & ante omnem actum consilium stabile. Hoc est, firmitas rationum, ut explicant Interpretes. At non consulto, sed temere agunt hodieque Probabilistæ; non ex consilio sapientum & veterum, sed juniorum; siquidem ante centum annos aut circiter plane inaudita fuit effrenis illa opinandi licentia, ut mox ostendetur: quod consilium sequuntur juniorum est, videlicet recentiorum hujus sæculi Casuistarum, via quam tenent non est recta, nisi in oculis eorum, adeoque via stultorum est.

Huc accedit quod nos passim admo-
nent Scripturæ, ut cum timore opere-
mur nostram salutem, ad Rom. cap. 11.
Noli alium sapere, sed time, ad Philip. 2.
Cum metu & tremore salutem vestram
operemur. Sed qui e duabus oppositis
paribus eam seligit in praxi que mi-
nus est probabilis relicta probabiliori,
neutiquam operatur salutem cum tre-
more, sed cum falsa securitate, igno-
rans num tutius non esset lequi alteram
partem probabiliorē; in hoc certe
agendi modo nullus timor, nulla solli-
citus.

Favet aperte quod dicit Christus Do-
minus. Math. 7. Quam arcta via &
angusta est qua ducit ad vitam, &
pauci sunt qui inveniunt eam! Quo ar-
gumento vultus est clarissimus Meclini-
ensis Archiepiscopus in decreto quo cen-
sura notavit libros Caramuelis an. 1655.
Quod nempe faciat, inquit, plurima
licita que habentur estimantur esse pec-
cata, & sic viam Cæli in dies latiorē
& faciliorem reddat. Quasi vero possit
ad inventionibus suis mendacem facere ser-
monem Evangelicum Domini nostri J. C.
dicentis: Intrate per angustam portam,
quia lata est porta & spatiosa qua ducit
ad perditionem, & multi sunt qui in-
trant per eam. Quam angusta porta &
arcta via est qua ducit ad vitam, &
pauci sunt qui inveniunt eam! Hæc vero
seipso scribere ausus fuerat Caramuel.

Ecclesia Catholica, inquit, felicior debet
dici, quod exuberet sanctissimis & doctis-
simis viris qui introduxerunt benignas
opinionēs; quia damnarentur plurimi quos
sententia probabilibus saluat, nec inde
Ecclesia infelix, quod Doctores opinentur
passim, sed & inde felicior quod beni-
gnus & facilius suos possit ad lauream
empyream promovere. Quibus certe da-
mnosius proferri potest nihil.

Eodem spectant que scribit Apostolus
ad Rom. cap. 14. Quod non est ex fide
peccatum est. Hoc est, ut exponunt
Interpretes, quod non est secundum
conscientiam, quod sit contra propriam
conscientiam, peccatum est: sed qui
sequitur in praxi opinionem minus pro-
babilem relicta probabiliori, non agit
secundum rectam conscientiam, quin
potius agit contra propriam conscien-
tiam, ut fufius mox demonstrabitur.

Quibus & adjungere possumus ubique
passim præcipi strictam & accuratam
mandatorum Dei observationem; ita
ut vel latum unguem ab ea discedere
nunquam liceat, Deuter. 26. Hodie
Dominus Deus præcepit tibi, ut facias
mandata hæc atque judicia, ut custodias
& impleas ex toto corde tuo & tota
anima tua. Et Psal. 118. Tu mandasti
mandata tua custodiri nimis, id est,
valde. Math. 5. Amen dico vobis do-
nec transeat cælum & terra, jota unius
aut unus apex non præteribit a lege,
donec omnia fiant. Qui ergo solverit
unum de mandatis istis minimis, &c.
Sed qui sequitur opinionem minus pro-
babilem faventem libertati adversus le-
gem præta probabiliori, non multum
solicitus est de mandatorum Dei obser-
vatione, quin potius Dei voluntati non
mundo non obtemperat, sed expresse
resistit; suam propriam opinionem legi
æternæ anteposit; tamen enim proba-
bilis ei videatur Deum hoc vel illud
velle & præcipere, tamen idipsum non
sequitur, non seligit.

De-

Denique & istud invictè demonstratur ex iis Scripturæ testimoniis, in quibus admonemur omnem probare doctrinam, & ab ipsa mali specie abstinere, sic Apostolus 1. ad Thesal. 5. *Omnia autem probate, quod bonum est tenete, ab omni specie mala abstinere vos*. Et ut ait S. Thomas hunc locum exponens, *Omnia probare, scilicet quæ sunt dubia, manifesta enim examinatione non indigent. Quam nempe non est omnino comperta doctrinæ veritas vel falsitas, prudenterque cimetur ne quid veneni lateat*.

Quo pertinent istæ preces quas quotidie & singulis horis coram Deo fundimus: *Da mihi intellectum ut sciam testimonia tua. Doce me justificationes tuas, doce me facere voluntatem tuam. Da mihi intellectum ut vivam. Super fenes intellexi, quia mandata tua quaesivi. Vias tuas, Domine, demonstra mihi*. Sed in systemate Probabilistarum nemo tenetur suam probare doctrinam & veritatem inquirere; quin potius cum dubitatur an res sit licita vel non, & tametsi urgentiora sint momenta quæ persuadeant rem esse illicitam; tamen tuta conscientia potest quis opinionem illam sequi, non tenetur eniti ad veritatem, quasi falso id oneris imponatur hominibus, sed ex unius aut alterius Doctoris suffragio iudicat rem illam esse licitam, quod quidem agendi modo nihil est in praxi periculosius.

Probatur 2. ex SS. Patribus qui præfatas Scripturæ sententias uno ore confirmarunt, e quibus videlicet nullus est qui aperte non doceat sedulo & diligenter fugiendum esse erroris periculum, & in dubiis consilio Sapientum esse adhærendum; monent nos ut cum tremore salutem nostram operemur; arctam esse & angustam viam quæ ducit ad vitam; nemini licitum esse agere contra propriam fidem & conscientiam; ac demum nos passim hortantur ad accuratam Dei mandatorum observationem

& sinceram veritatis inquisitionem: quibus omnibus subtrahi penitus probabilitatis commentum nemo non videt.

His porro addiderim nonnulla selectiora Patrum testimonia quæ ad materiam istam specialius pertinere videntur.

Sic egregie Tertullianus lib. de Spectaculis cap. 20. Erramus, inquit, *nasquam & nunquam excusatur quod Deus damnat. Nusquam & nunquam tices, quod semper & ubique non licet. Hæc est veritatis integritas, & quæ ei debetur disciplina plenitudo & æqualitas timoris & fides obsequii, non mutare sententiam, nec variare iudicium. Non potest aliud esse, quod vere quidem est bonum seu malum. Omnia autem penes veritatem Dei fixa sunt. Ethnicus quos penes nulla est veritatis plenitudo, quin nec Doctor veritatis Deus, malum ac bonum pro arbitrio ac libidine interpretantur: alibi bonum quod alibi malum, & alibi malum quod alibi bonum. Ibi Ethnicos insectatur Tertullianus, quod bonum vel malum pro arbitrio ac libidine definire solebant, & apud quos nulla esset veritatis inquisitio; quid vero tandem aliud prædicant Probabilistæ qui opinionem sequuntur ut veram, & ut ajunt, probabilem, pro arbitrio & libidine unius aut alterius Doctoris illam propugnantis, qui alibi bonum quod alibi malum, & alibi malum quod alibi bonum approbant; quandoquidem tuta conscientia nemo non potest quamlibet amplecti sententiam, ubi vel minima affulget probabilitas; quod enim ut licitum permittit unus ex illis Doctoribus ex quorum suffragio aliqua opinio redditur probabilis, id ipsum condemnat alter ut illicitum, quo fit ut idem sit bonum & malum probabiliter.*

Mox vero docet S. Greg. Nazianz. Orat. 27. ad securitatem conscientie non satis esse scire quod multis verum appareat, nisi & ipsi operanti comperta

fit veritas: At plerisque, ait, secus videtur, inquit. Quid vero mea interest, qui rei veritatem magis curo? hoc enim vel me condemnaverit vel absolverit, hoc miserum vel beatum reddiderit. At quid aliis videatur, nihil ad nos, quemadmodum neque alienum somnium.

Similiter & S. Basilus testatur non debere nos sine diligenti examine amplecti doctrinas hominum, quin prius prudenter judicaverimus illas esse veras, videlicet in ista verba Psal. 61. Mendaces filii hominum in stateris, sic habet: En tibi datur libra quæ sufficiens discrimen boni & mali demonstrat, corpora namque pondera in libra lancibus comprobamus; quæ vero ad instituendam vitam eligenda veniunt, per liberum arbitrium, ratione scilicet regularum, discernimus quod & stateram nominamus, quod momentum æquale ad utraque libes partem capere possit.

Proferimus & S. Chrysostomum qui Homil. 13. in Epist. II. ad Corint. sic habet: Ne igitur multorum opiniones habeamus, sed res ipsas inquiremus, quomodo autem non absurdum propter paucitatem aliis non credere & ipsa numerare & supputare, pro rebus autem amplioribus aliorum sententiam sequi simpliciter, præsertim cum habeamus omnium exactissimam trutinam & quoniam ac regulam divinarum, inquam legum assertionem. Ideo obsecro & oro omnes vos, ut relinquatis quidnam huic vel illi videatur, deque his a Scripturis hæc omnia inquire, & veras divitias discite eas sectari, ut æternam bonam æsequamur. Ex quo patet postulare hominis prudentiam, ut quoties in materia morum occurrat aliqua dubitatio an aliquid sit licitum vel illicitum, debeat sedulo & diligenter inquirere veritatem, scrutari Scripturas quibus compertum habeat quid sit divina lege prohibitum. Et quavis veritatem evidenter assequi non posset, quia ex utraque parte urgent momenta & auctoritas & rationis; postulant ejusdem

Tom. V.

prudentiæ leges, ut quod verisimilius est & legi conforme, amplectatur potius quam quod minus verisimile est, & aliunde adversus legem favet libertati.

Idem eleganter tradit Auctor Homil. 44. in Matth. apud eundem S. Chrysost. Si vestimenta capturus, inquit, gyras unum negotiatorem & alterum, ut ubi meliores vestes inveneris & pretio viliori ab illo compares; quomodo non oportet populum circuire Doctores & inquirere ubi sincera veritas Christi vendatur, & ubi corrupta, & omnium confessiones cognoscere & veriorum eligere plusquam vestimentum. Quo testimonio nihil ad rem illam illustrius esse potest.

Audiat & S. August. lib. 22. de Civit. Dei. cap. 23. ubi ait vigilis continuis excubandum esse, ne opinio verisimilis fallat, ne decipiat sermo versutus, ne se tenebra alicujus erroris effundant, ne quod bonum est malum, aut quod malum est bonum esse credatur, ne ab his quæ agenda sunt metus revocet, ne in ea quæ agenda non sunt cupido præcipiet, &c. Quia autem dixerit se opinionem verisimilem non esse deceptum, cum illam oppositæ verisimiliori anteposit? Sane methodum hæc dirigendi conscientias ope probabilitatis, ita ut in veram securitatem adducantur sine alia veritatis indagatione, manifeste reprobavit sanctus Doctor in Academicis. Scilicet communis erat apud Academicos regula hæc: Cum agis quisque quod ei probabile videtur, nec peccat nec errat: in eam sic insurgit Augustinus lib. 3. contra Academ. c. 16. Id igitur audiens adolescens insidiabitur pudicitia uxoris aliene: te te confuso, M. Tulli, de adolescentium moribus vitæque præstamus, cui educanda atque instituenda omnes ille litteræ tuæ vigilaverunt. Quid aliud dicturus es, quam non tibi esse probabile ut id facias adolescens? an illi probabile est: nam si ex alieno probabili vivimus, nec tu debuisti administrare Rempublicam, quia Epicuro visum est non esse faciendum...

F

Ta-

Taceo de homicidiis, parricidiis, sacrilegiis; omnibusque omnino quæ fieri aut cogitari possunt flagitiis aut facinoribus quæ paucis verbis, & quod est gravius, apud sapientissimos Iudices defenduntur: nihil consensu, & ideo non erravi; quomodo autem non facerem quod probabile visum est? Qui autem non putant ista probabiliter posse persuaderi, legant Orationem Catilina, quæ patriæ parricidium, quo uno continentur omnia scelera, persuasit, jam illud quis non ridet? Ipsi dicunt nihil se in agendo sequi nisi probabile, & querunt magnopere veritatem, cum eis sit probabile non posse inveniri. illud est capitale, illud formidolosum, illud optimo cuique metuumdum, quod nefas omne, si hæc ratio probabilis erit, cum probabile cuiquam visum fuerit esse faciendum, tantum nulli quasi vero assentiatur, non solum sine sceleris, sed etiam sine erroris vituperatione committat. Ubi manifeste docet Augustinus nefarium esse facere quod videtur probabile in materia morum, id censet capitale, formidolosum & optimo cuique metuumdum: nihilominus tamen si audiantur Probabilistæ, nefas non est facere quod est probabile, tamen si oppositum sit probabilius; tamen si verisimilius sit, inquit, hunc vel illum contractum esse illicitum & lege divina prohibitum; quia tamen cum esse licitum censent nonnulli Doctores, vel id etiam unus docuit Caramuel, eo præcise probabile est licitum esse contractum, qui proinde tuta conscientia iniri potest; hac securitate quid perniciosius?

Huc accedit quod docet passim idem sanctus Doctor, nobis omnibus, quoad fieri potest, ad detegendam veritatem semper evitandum; ita ut ignorantia non excuset a peccato, si nempe sit vincibilis, qualis est in iis qui probabilitatis methodum sectantur. Si quis, inquit, bonum putaverit esse quod malum est, & fecerit, hoc putando atque peccat. Et ea sunt omnia peccata igno-

vantia, quando quisque bene fieri putat, quod male fit. Sed & longe clarius cum disputat adversus Donatistas, nam l. 1. de Baptismo c. 3. hoc proposito casu: Quid Donatista ad Catholicam Ecclesiam redire meditatur? jam satetur se certum esse baptismum in Ecclesia Catholica recte suscipi, sed dubitat an recte apud Donatistas suscipiatur, sic respondet: Si dubium haberet non illic recte accipi, quod in Catholica recte accipi certum haberet, graviter peccaret in rebus ad salutem animæ pertinentibus; vel eo solo quod certis incertis præponeret. Et cap. 5. Accipere itaque in parte Donati, si incertum est esse peccatum, quis dubitet certum esse peccatum, non ibi potius accipere, ubi certum est, non esse peccatum? Quæ cum ita sint, nemo potest sine peccato partem minus verisimilem eligere in praxi, relicta probabiliori; tunc enim dubitat, num sequendo hanc partem minus probabilem, agat adversus legem; cum e contra certus sit se posse sine peccato sequi opinionem probabilioris quæ legi divinæ conformis est, nec favet libertati.

Eandem doctrinam aperte tradit S. Bernardus lib. de præcepto & dispensatione cap. 14. Ceterum, inquit, sicut oculum simplicem unum ista faciunt bona, amor boni & cognitio veri, sic nequam oculum duo e regione mala constituunt, cæcitas quæ fit ut veritatem non agnoscat, & perversitas quæ fit ut diligat iniquitatem. Porro inter duo hæc bona quæ nec fallere nec falli sinunt, & duo illa mala quæ tam falli quam fallere faciunt, duo sunt media unum quidem bonum, per quod oculus interior, etsi falli queat ignorantia veri, zelo tamen boni fallere penitus non consentit, alterum vero malum, quod licet veri notitiam non impediat, amorem tamen boni præ malitia minime sentit. Tum vero sub finem capituli: Attamen sine malo quocunque non erit decepta simplicitas, cur inquis? nunquid non ex fide? prorsus ex fide, sed

sed falsa, vel certe potius non ex fide, quia fides falsa fides non est. Denique de fide vera non falsa puto dixisse Apostolum (Omne quod non est ex fide peccatum est.) Non autem ex fide vera bonum creditur quod malum est: est enim falsum, peccatum igitur est. Utrumque proinde complectitur præsens capitulum, (Omne quod non est ex fide peccatum est) & caecam videlicet malitiam, & deceptam innocentiam; quia quod a nesciente fit, & bonum prorsus condemnat intentio prava, & malum non penitus excusat recta. Sive itaque malum putes bonum quod forte agis, sive bonum malum quod operaris, utrumque peccatum est, quia neutrum ex fide; licet sane levius admodum peccetur, ubi sana intentione sola reprehensibilis actio foris appareret, quam ubi maligna latet etiam in bona actione intentio. Verum quod absque vel minimo peccato non est purum, bonum minime est. Ubi discrete pronuntiat S. Bernardus vitiosam esse actionem quæ sit ex ignorantia veritatis, ut quæ sit ex dilectione iniquitatis, peccatum esse id omne quod non sit ex fide, vel quod sit ex fide falsa; quibus profecto principiis omnem funditus dissicit probabilissimum; qui enim ad normam probabilitatis mores dirigit suos, eatenus agit contra legem: ex ignorantia veritatis & quidem vincibilis, sciens enim & volens non sequitur partem probabiliorē quæ legi magis favere videtur, partem vero amplectitur minus probabilem probabiliter legi contrariam; tum vero contra propriam fidem conscientiam agit, quod utrumque vehementer improbat S. Bernardus, vitioque accenset non vulgari.

Quin & S. Thomas apertissime his suffragatur, insignis est locus qui legitur quodlibet. 8. art. 13. Respondeo, inquit, dicendum quod duobus modis aliquis ad peccatum obligatur: uno modo faciendo contra legem, ut cum aliquis fornicatur; alio modo faciendo contra conscientiam,

etiam si non sit contra legem, ut si conscientia dicat alicui quod levare festucam de terra sit peccatum mortale. Ex conscientia autem obligatur aliquis ad peccatum, sive habeat certam fidem de contrario ejus quod agit, sive etiam habeat opinionem cum aliqua dubitatione. Illud autem quod agitur contra legem, semper est malum, nec excusatur per hoc quod est secundum conscientiam, & similiter quod est contra conscientiam, est malum, quamvis non sit contra legem. Quod autem nec contra conscientiam, nec contra legem est, non potest esse peccatum. Dicendum est ergo, quod quando duas sunt opiniones contrariae de eodem, oportet esse alteram veram, & alteram falsam. Aut ergo ille qui facit contra opinionem Magistrorum, utpote habendo plures Prabendas, facit contra veram opinionem, & sic cum faciat contra legem Dei, non excusatur a peccato; quamvis non faciat contra conscientiam, sic enim contra legem Dei facit. Aut illa opinio non est vera, sed magis contraria quam ille sequitur; ita quod vere licet habere plures Prabendas, & tunc distinguendum est, quia aut talis habet conscientiam de contrario, sed certitudinem sibi nempe licitum esse habere simul plures Prabendas; sed tamen in quandam dubitationem inducitur contrarietate opinionum, & sic si manente dubitatione plures Prabendas habet, periculo se committit; & sic procul dubio peccat, utpote magis amans beneficium temporale quam propriam salutem; aut ex contrariis opinionibus in nullam dubitationem adducitur, & sic non committit se discrimini, nec peccat. Quod idem repetit quodlibet. 9. art. 15. his verbis: Respondeo dicendum quod omnis questio in qua de peccato mortali quaeritur, nisi expresse veritas habeatur, periculose determinatur; quia error quod non creditur esse peccatum mor-

rale quod est peccatum mortale, conscientiam non excusat a toto, licet forte a tanto. Error vero quo creditur esse mortale quod non est mortale, ex conscientia ligat ad peccatum mortale. Præcipue autem periculosum est, ubi veritas ambigua est, quod in hac questione accidit. Quæ quidem divi Thomæ verba nulla plane indigent explicatione; aperte enim definit cum peccare qui e duabus partibus contrariis unam legit dubius & acceps an bene vel male agat; tunc enim, inquit, committit se periculo peccandi, & peccat; sed qui opinionem minus probabilem sequitur sprete probabiliori, agit incertus an bene vel male agat; nam vider quidem ex una parte momenta seu rationis seu auctoritatis, quæ innuunt actionem esse licitam; sed urgentiora videt & majora quæ persuadent illam esse illicitam, proindeque, &c.

His vero consentiens fuit veterum omnium Theologorum sententia, quorum testimonia & hic singula attexerem, in immensum crederet ista dissertatio: Non omiserim tamen verba Gersonii antiqui juxta & clarissimi Doctoris & Cancellarii Parisiensis, quem super isto negotio in suas partes trahere non dubitarunt multi Probabilistæ; sic loquitur in Tractatu de præparatione ad Missam, Considerat. 3. *Nam omnis scrupulus aut dubitatio de peccato mortali impediunt celebrantis dignitatem. Patet, quia certitudo moralis, qualem diximus Confid. 2. sufficere, compatiatur secum vacillationem quandam animi, aut hesitationem quandam, vel suspensionem vel scrupulos, quod homo non sit sufficienter dispositus, aut quod aliquo impedimento ligatus est...* Si quis opposuerit quod dubitans de aliquo, an sit illicitum, & stante dubio illud agens peccat, qui discrimini se scienter objicit. Respondeo cum Altiſſiodorensi regulam hanc magistralem intelligendam esse de dubio tali, quod est vehemens & magis aut saltem æque inducit mentem

credere quod est mortaliter illicitum, si-
cut quod est licitum. Secus est ubi mens
plus inclinatur & judicat quod est lici-
tum quam illicitum, quamvis non habeat
usquequaque certitudinem evidentem aut
fixam, quia nec hoc ipsum requiritur.

Idem vel expressius docet in Regulis
moralibus, hanc enim inter alias tradit
Regulam: Exponere se periculo peccati
mortalis est peccatum mortale, vel sic
agere incertum & dimittere certum in ma-
teria morali, est peccatum mortale, si ta-
le sit incertum quod sit mortale non so-
lum per conjecturas leves, aut ex suspi-
cione trepida & scrupulosa proveniente ex
nimio timore cadendi in via Dei: sed in-
telligitur, dum tale est vehementer & pro-
babiliter incertum, æque sicut oppositum
vel magis; tunc enim illud quod agitur
non carebit mortali culpa, aliter non opor-
tet. Ubi licet ad actionem moraliter
bonam & licitam non exigat Gersonius
certitudinem de honestate objecti usque-
quaque evidentem & indubitaram (quod
nos suo postea loco demonstrabimus ad-
versus rigorosiores Casuistas); tamen
requirit certitudinem moralem, qualis
certe non reperitur in eo qui opinionem
sequitur minus probabilem sprete proba-
biliori, is quippe in eo casu certus
est e contra certitudine morali actionem
suam esse illicitam; nisi falsa gau-
deat securitate. Idem docet lib. de vita
spirituali lect. 4. coroll. 8.

Atque huic doctrinæ ultro astipulati
sunt ceteri Theologi pene singuli: Sco-
tus in 4. dist. 11. q. 6. Joan. Major in
4. Sentent. q. 2. Prolog. 3. & 5. Ga-
briel in 4. dist. 15. q. 8. art. 13. Hen-
ricus Gandavensis quodlib. 4. qu. 33.
S. Antoninus 3. parte Tract. 5. cap. 2.
Antonius Cordubensis lib. 2. questiona-
rii quest. 13. ubi citat Adrianum in 4.
de res. Sylvester verbo dubium num. 4.
Navarrus in cap. Si quis autem. Do-
minicus Soto lib. 3. de just. & jure q.
6. art. 5. & alii pene innumeri qui
scripserunt ante hunc sæculi decimi
sexti.

Ubi.

Ubi & observatione dignissimum est, in effrenem & solutam probabilitatis licentiam quando coepit vulgari centum abhinc annis, aeriter insurrexisse Theologos omnes melioris notæ: inter illos citari possunt Comitulus & Blancus e Societate Jesu Presbyteri, uterque Italus; e Dominicanis ex professo scripserunt in Italia Julius Mercotus Inquisitor Mantuanus; in Hispania, Joannes Martinez de Prado multis voluminibus, & in Gallia Joannes-Baptista Gonet, Vincentius Contenson & plures alii. Tum vero Joannes Sinnichius Doctor Lovaniensis meritissimus in libro quem inscripsit *Saul Exrex*. Ex Doctoribus jurisperitis Antonius Merenda eminens Professor paulo hac in materia severior; & Prosper Fagnanus utriusque Juris Canonici & Civilis peritissimus, qui Commentariis in librum primum Decretalium ad caput *ne innotatis* quam fusc tam erudite benigniorem Probabilistarum sententiam impugnavit. Quibus & merito accensere possumus iussragium P. Thyrri Gonzalez Theologix Professoris Salmanticensis, & Societatis Jesu Præpositi Generalis, qui paucis abhinc annis copiosum edidit Tractatum de recto usu opinionum probabilium, in quo latissime ostendit licitum non esse sequi opinionem minus probabilem relicta probabiliori.

Observat insuper doctissimus Fagnanus etiam ex Theologis nostri temporis non multos esse qui generaliter & indistincte in omni casu affirmant licere in concursu probabilium opinionum eligere minus probabilem & minus tutam, cum plerumque sentiant oppositum in Judice, in Medico, in Rege & in Ministro Sacramentorum.

Ac primo non licere Judici fere sententiam pro parte minus probabili, tenet Sanchez in Decalog. tom. 1. lib. 1. c. 92. num. 31. item Villalob. in Summa tom. 1. Tract. 1. diff. 25. Banez in 2. 2. q. 63 art. 4. Layman in

Theolog. Morali lib. 1. Tract. 1. c. 5. Malderus in 1. 2. q. 19. art. 5. Filliucius tom. 2. Tract. 21. c. 4. Becanus in Summa tom. 2. Tract. 1. c. 4. q. 9. Tannerus in 2. 2. Disp. 4. q. 4.

Similiter nec Medico licere uti opinione probabili absque reatu mortalis peccati, scripserunt Sotus lib. 3. de just. & jure quæst. 6. art. 6. Suarez tom. 4. in 3. p. Disput. 26. sect. 6. Villalob. in Summa tom. 1. Tract. 1. Vasquez in 1. 2. tom. 1. Disput. 54. c. 4. Sanchez in Decalog. t. 1. lib. 1. c. 9. Becanus in Summa tom. 1. cap. 4.

Tertio. Nec Regem posse bellum indicere, si pro utraque parte sint opiniones probabiles, & longe minus si contradicat opinio probabilior, censent Vasquez in 1. 2. tom. 1. Disput. 29. q. 5. Villalob. in Summa tom. 1. Tract. 1. difficult. 17. & alii nonnulli.

Denique nec licitum esse uti opinione probabili in administratione Sacramentorum scripserunt Medina in 1. 2. q. 19. art. 6. Henriquez de Sacramentis in genere cap. 9. Bartholomæus a Ledesma de Sacramentis in genere, dubio quinto; Sanchez de Matrimonio lib. 3. Disput. 20.

Ex quibus manifeste colligitur hanc nostram sententiam quæ docet licitum non esse usum opinionis minus probabilis in conspectu probabilioris semper & a majori & a saniori Theologorum parte fuisse propugnatam, quæ vero purus purusque probabilismus est, non nisi a paucioribus nec melioris notæ Theologis traditam.

Probat insuper conclusio auctoritate summorum Pontificum, qui vel in suis responsis, cum de eadem re duas sententias oppositas explicarunt, tutiorem semper & probabiliorē amplexi fuerunt; vel interdum Probabilistarum sententiam censura notarunt. In Clementina de verborum significatione, capite *Exivi*, cum Fratres Minores interrogassent Clementem V. an tenerentur ex vi præcepti ad

ad nonnulla quæ continebantur in Regula sub verbo imperativi modi, Pontifex respondit: *Nos itaque qui in sinceris bonorum conscientis delectamur, attendentes quod in iis quæ ad animæ salutem respiciunt, ad vitandos graves remorsus conscientia, pars securior est tenenda: Dicimus, quod, licet Fratres non ad omnium quæ verbis imperativi modi ponuntur in Regula, sicut ad præceptorum, seu præceptis æquipollentium observantiam teneantur; expedit tamen ipsis Fratribus, ad observandam puritatem Regule, & rigorem, quod ad ea sicut ad æquipollentia, præceptis se noverint obligatos, quæ hic inferius notantur. Porro si in mente summi Pontificis pars securior est tenenda, a fortiori pars probabilior in conflictu minus probabilis. Item in Clementina unica de summa Trinitate ex fide Catholica dicitur, opinionem secundam tanquam probabiliorē, &c. duximus eligendam.*

Insuper Alexander VII. qui magno & diligenti reformandæ Theologiæ Moralis studio incubuit, quinque supra quadraginta propositiones tanquam scandalosas in praxi perniciosas damnavit, hæc porro propositiones, quippe quæ in variis capitibus sanctitatem morum impetebant, nec alio fundamento ab illis benignioribus Casuistis prolatae fuerant, quam quia probabiles, adeoque securæ in conscientia ipsis videbantur.

Tum vero anno 1679. Innocentius XI. solemne decretum emisit adversus sexaginta quinque propositiones, partim ex Libris Casuistarum, partim ex The-sibus excerptas, quas quidem damnavit tanquam scandalosas & in praxi perniciosas; ex illis autem hæc ordine secunda est, *Probabiliter existimo judicem posse judicare juxta opinionem etiam probabilem.* Quæ vero numeratur tertia sic concepta est, *Generatim dum probabilitate sive intrinseca, sive extrinseca quatuorvis tenui, modo a probabilitatis finibus non exeat, consili ali-quid-*

agimus; semper prudenter agimus. Tum quarta quæ hæc est, *Ab infidelitate excusabitur infidelis non credens, ductus opinionis minus probabilis.*

Atque in hujusce veritatis confirmationem merito subungere possumus quæ paucis ab hinc annis gesta sunt in Galliis occasione cujusdam Libri gallico idiomate scripti, & inscripti, *Apologie pour les Casuistes*, scilicet in hunc libellum, qui sub finem anni 1657. lucem con-spexit, pro sua pastoralis vigilantia acriter insurrexerunt Parochi fere omnes ac singuli totius Regni; nec ullus pene fuit similiter inter Episcopos qui censura librorum non confixerit, eo potissimum nomine quod Probabilismi Doctrinam velut cæterarum in Morali Christiana corruptelarum radicem continebant; sic inter alios. loquitur Archiepiscopus Senonensis suæ censuræ art. 2. *Hæc doctrina, quæ auctor fas esse censet neglecta probabiliorē & tutiorē sequi opinionem minus probabilem & minus tutam (id est, amplecti & exequi quod illicitum esse quam licitum probabilis putes, atque ad probabilitatem opinionis unius scriptoris auctoritatem suffragari affirmat), falsa & periculosa est, innumeris corruptelis viam aperit, bonam conscientiam, quæ secunda est humanarum actionum regula, prorsus extinguit: Ac proinde erronea est, ac B. Paulo contraria, & Christianos ad certam salutis perniciem inducit.*

Adde & censuram sacræ Facultatis Parisiensis quæ lata fuit 3. Febr. anno 1665. in librum cui titulus, *Amadei Guimenii Lomarenensis olim primarii sacræ Facultatis Professoris opusculum*, ubi cum auctor totis viribus effrenem probabilitatis licentiam tradat, hanc doctrinam confixit sacer Ordo, ut falsam, temerariam, quæ innumeris novitatibus & corruptelis viam aperiat, & conscientia regulas evertat.

Probatur demum hæc nostra sententia ex nonnullis validissimis momentis & ratione petitis.

Pri-

Prima est, quia in praxi & in rebus moralibus nunquam licet agere imprudenter: Sed qui tenet licitum esse sequi opinionem minus probabilem relicta probabiliori, manifeste docet aliquem posse in praxi agere imprudenter: Nam ad hoc satis est, quod revera is agat imprudenter, cum judicio valde imprudenti, qui partem minus probabilem eligit relicta probabiliori: Sed ille valde imprudenter se gerit qui partem eligit minus probabilem relicta probabiliori; prudentia quippe est habitus qui dicat vera cum ratione quid homini bonum sit, ut illud prosequatur; quid vero malum, ut illud fugiat, inquit Aristoteles 6. Ethic. c. 3. sed vera ratio non dicat homini aliquid esse bonum & licitum, quod verisimilius ipse cognoscit esse malum & illicitum, nisi vel de industria excutiat ejus ratio: cum enim aliquis perpendat an hic vel ille contractus, v. g. sit licitus aut illicitus; si secundum opinionem minus probabilem licitus est, & secundum opinionem magis probabilem illicitus est. Tunc certe homini stanti inter duas illas opiniones ratio dicat contractum esse illicitum, nec prudenter judicare potest contractum esse licitum; judicium enim practicum est illud quo operans sibi firmiter persuadet sibi hic & nunc aliquid esse licitum: atqui tunc homo sibi firmiter persuadet talem contractum hic & nunc sibi non esse licitum; id enim persuadent ut verisimilius major auctoritas, plures longe Doctores, & graviora momenta; igitur valde imprudens ille sit necesse est qui quidem in illis circumstantiis talem celebravit contractum: Adeoque & valde imprudens & temerarius qui in praxi partem eligit minus probabilem relicta probabiliori.

Atque utrum in hoc agendi modo imprudentia occurrat necne, colligere mento possumus ex nonnullis rerum humanarum exemplis; certum est, v. g.

cum contra leges amicitie peccaturum, cui suppeterent validissima momenta ad credendum actione aliqua graviter offensum iri amicum suum, ab illa tamen non abstineret, ductus ratione longe minus verisimili, quod ejusmodi actio non sit amico injuriosa.

Aliud exemplum. Sint quatuor peritissimi Medici qui testentur aegrotanti forberi non posse aliquam potionem circa manifestum mortis periculum, aegrotus tamen velit pertinaciter hanc sumere potionem, eo quod unus ex adverso Medicus affirmat hac in re nihil esse periculi; insuper sincere expendat infirmus ille utriusque opinionis fundamenta, & ei urgentiora longe videantur & verisimiliora quæ ab quatuor Medicis proferuntur, quam opposita; nonne imprudentissime se geret aegrotus & moriendi manifestum adibit periculum, si in illis circumstantiis sumat potionem?

Hic autem ita res se habet, decem Doctores probatissime fidei mihi testantur aliquem contractum esse manifeste usurarium, adeoque illicitum, & simul momenta quibus innititur eorum opinio mihi apparent graviora, quam quæ proferuntur a quinque tantum Doctoribus id negantibus, unde probabilius est utroque probabilitatis genere hunc contractum esse legi contrarium, certe omnium judicio imprudens sim & temerarius, si velim in illis circumstantiis hunc inire contractum, prudenter enim judico hos quinque Doctores errare ob oppositam aliorum auctoritatem eorumque graviora momenta.

Secunda ratio est, quia implicat ut qui judicat actionem esse malam, possit licite illam actionem exercere in sensu composito illius judicii, nemini enim licet unquam agere contra propriam conscientiam, ut vel ipsi fatentur benigniores Probabilistæ: Sed qui sequitur sententiam minus probabilem relicta probabiliori, judicat in rei veritate illam actio-

actionem esse intrinsece malam & lege prohibitam : Is quippe judicat actionem esse malam qui judicat opinionem minus probabilem qua existimatur licita , esse falsam : Sed in illa hypothefi qui sequitur opinionem minus probabilem , cum oppositam videt probabiliorum , judicat eam quæ minus probabilis est , esse falsam ; siquidem non potest judicare eam quæ probabilior ipsi apparet esse veram , quin statim judicet minus probabilem esse falsam ; non potest quis , v. g. judicare istam propositionem , *contractus est usurarius* , esse veram , quin simul judicet istam , *contractus non est usurarius* , esse falsam ; & duabus enim propositionibus sibi contradicentibus de uno & eodem enuntiatis una est vera & altera falsa : Sed qui sibi repræsentat duas propositiones , quarum una est longe probabilior altera , is profecto judicat illam propositionem quæ ei verisimilior apparet , esse veram ; sunt enim ex parte illius propositionis ea omnia quæ solent intellectum trahere ad assensum , puta major Doctorum auctoritas & graviora momenta ; Igitur judicat sincere opinionem verisimiliorem esse veram ; adeoque quando sequitur opinionem minus probabilem , eo ipso amplectitur opinionem sibi cognitam ut falsam , quod nunquam licitum esse potest .

Tertia ratio hæc . Nemo potest licite aliquam exercere actionem , quin prius judicio moraliter certo judicaverit illam actionem esse bonam & honestam , quia , ut ait S. Thomas 2. 2. qu. 17. art. 2. *Homo in iis qua ad propriam personam pertinent , debet formare conscientia ex propria scientia* . Propria enim cujuslibet conscientia est ei primaria in agendis regula legem cognitam applicans : Sed qui sequitur opinionem minus probabilem in conflictu probabilioris propria scientia & juxta dictamen propriæ conscientia , certus non est illam actionem , quæ juxta opinionem minus probabilem

æstimatur licita , esse bonam & honestam ; nec homo certus est se non peccare sequendo opinionem hanc minus probabilem ; cum enim , v. g. dute concurrunt opiniones contrariæ , quarum una affirmat contractum aliquem esse contrarium legi divinæ , eaque est longe probabilior altera quæ affirmat eundem contractum non esse contrarium legi divinæ ; certe non possum esse certus me non peccare celebrando illum contractum ; dum scilicet mihi verisimilior apparet celebrationem illius contractus esse contrariam legi Dei ; hæc enim secum pugnant judicia , quæquidem in eo casu simul formare teneretur homo ; primum quidem quo diceret , *rebus attente & diligenter pensatis mihi verisimilior apparet hunc contractum esse illicitum & contrarium legi divinæ* ; alterum vero illud , *Certus sum me non agere contra legem Dei celebrando talem contractum* . Quæ quidem duo judicia , ut videre est , simul de una eademque re ab eodem formari non possunt ; Unde sequitur hominem , si juxta propriæ conscientia dictamen agat , securum semper opinionem probabilioris relicta minus probabili .

Quarta ratio hæc asserri potest . Si licitum esset sequi opinionem quæcumque probabilem in conflictu probabilioris , jam inutile omnino redderetur studium Theologiæ moralis ; oleum & operam perdunt tot sapientes viri , cum in evolvendis Patrum & Casuistarum scriptis assidue laborant , unus ipsius sufficit consulendus auctor pure historicus qui in omnibus morum controversiis catalogum opinionum probabilium contexuerit ; scilicet eo tendi solummodo hæc nostra Theologia Moralis , ut nobis aperiat quinam actus humani sint moraliter boni & honesti , quinam vero sint turpes & illiciti , ut scilicet quod bonum est faciamus , quod malum fugiamus : Sed si quælibet opinio probabilis etiam in concursu probabilioris assu-

assumi potest ut regula ad recte operandum, facile innotescet aliqua actio nem esse licitam & honestam, non opus erit acuto ingenio, magno studio & labore; satis erit ad operandum confiderent & in securitate conscientie nosse talem opinionem approbati ut licitam ab aliquo Doctore; quin potius satis erit vel initium disputationis legisse, aut etiam sine ulla lectione ab amico accepisse ejusmodi opinionem ab aliquo Doctore fuisse propugnatam; hoc enim pacto apud Probabilistas aliqua opinio redditur probabilis quam proinde sequi possumus in praxi & tuta conscientia; Igitur in illo systemate otiosum plane erit atque inutile ad agendum tuta conscientia & aliquid secure operandum ut licitum, tot libros evolvere, tot Casuistas & Scripturarum Interpretes consulere, satis erit vel indices librorum legere vel titulos; satis erit unum legere Dianam, qui in suis controversiis moralibus ultra tres mille recenset quaestiones, in quibus ait dari opinionem probabilem pro una aut altera parte. Tum vero frustra nos scribemus denuo circa quaestiones morales inter Theologos dudum ventilatas; frustra hi novi eduntur Libri & Tractatus morales, vel ut ex animis evellantur scrupuli, vel ut certis finibus coerceatur licentia, quo omnis dirigitur doctrina morum; ad id enim sufficit historica cognitio opinionum probabilium, qua poterit quisvis cognoscere quinam actus sint boni vel mali moraliter.

Quin immo hac praesupposita Probabilistarum sententia non solum inutile erit controversias morales in deliberationem mittere, & ad majorem conscientie securitatem viros doctos, quorum judicium est extra omnem suspicionem positum, consulere; verum etiam id videbitur plane illicitum; siquidem nefas erit impugnare opiniones minus probabiles, & hanc Probabilistarum doctrinam evertere; nam ubi supponitur

Tom. V.

licitum esse sequi opinionem quaecunque probabilem, ea statim opinio propugnatur ut tuta & secuta in conscientia: Atqui nefas est improbare ut falsam, iniquam & damnosam doctrinam quam aperte intelligimus esse sanam & tutam; quemadmodum iniquum esset Medico, si vellet pharmacum aliquod evertere, quod nosset ipse nonnihil profuturum, licet aliud supponeretur melius atque utilius; igitur in sententia Probabilistarum, quae supponit licitum esse sequi opinionem minus probabilem relicta probabiliori, nefas est impugnare vel solutissimam opinandi licentiam; ubi scilicet vel minima affulgebit probabilitas ex unius Doctoris, qualiscunque tandem ille sit, suffragio petita.

Quinta ratio est, quia haec benignior Probabilistarum doctrina aperte viam sternit ad affirmandum legem non obligare cum certa, & indubitata non est ejus obligatio; si quis enim hanc semel imberit sententiam, se non debere sequi opinionem stantem pro praeccepto, tamen si probabiliorum; quia nempe satis est, si sequatur opinionem minus probabilem, utpote cum probabilior sibi non proponatur ut certa, in hunc modum ratiocinari poterit; si nempe dux, v. g. occurrant opiniones quarum una longe probabilior altera teneat aliquem contractum esse lege divina prohibitum; altera vero minus probabilis affirmet contractum non esse prohibitum; tunc, inquam, homo stans inter duas illas opiniones poterit sic discutere: Sententia quae non nititur fundamento certo & indubitato, relinquit oppositam sententiam ut probabilem; sola enim certitudo unius partis excludit probabilitatem alterius oppositae; unde Caramuel in sua Theologia fundamentali num. 275. *Omnis omnino actus humanus licitus est, qui non impingit evidenter in aliquam legem obligatoriam evidenter*: Atqui sententia quae affirmat contractum illum esse divina lege prohibitum, non nititur fundamen-

G. damen-

damento certo & infallibili; hoc, est, non est omnino certum divina lege prohibitum esse id quod opinione probabiliori affirmatur esse prohibitum; opposita enim opinio, ut supponitur, est probabilis, & doctrina Probabilistarum, quando in concursu duarum opinionum una pars est probabilis, altera quoque est probabilis; Ergo sententia quæ docet contractum esse licitum & non esse divina lege prohibitum, est probabilis, eo quod non sit omnino certa obligatio legis talem contractum prohibentis; quo fit ut probabiliter iniuri possit citra ultimum peccandi periculum.

Quod autem sine absurditate dici non possit legem non obligare, statim atque certo non creditur obligare & quandam probabilitatis speciem habere videtur sententia legi opposita; ex eo maxime colligitur, quod ex consensu omnium Theologorum possit quis graviter peccare, tamen non sit ei certa & evidens præcepti notitia; aliter id omne licitum erit quod in controversiam cadit inter Theologos; cum illi, v. gr. disputant utrum aliquis contractus sit usurarius necne, an aliqua resignatio Beneficii Ecclesiastici sit simoniaca vel non, poterit quisvis in illa hypothese absque ullo conscientie scrupulo facere quod voluerit, quia hoc ipso quod sciat id esse controversum inter Casuistas, inferre poterit illud non esse certo prohibitum & legi contrarium; qua quidem, ut puto, doctrina nihil esse potest in praxi periculosus; nemo enim nescit ea solum in controversiis moralibus mitti in deliberationem, de quibus certo non constat an sint licita vel illicita, eam ob rem consuluntur viri sapientes & peritissimi quique Doctores; ita ut quod malum & illicitum esse post maturam deliberationem definierint, revera ut illicitum & prohibitum existimetur; sic certe se geret quisquis in tuto esse amabit.

Hinc Iudæi & alii Tyranni qui per-

sequebantur Apostolos, non modo id sibi licitum esse putabant, sed etiam exillimabant se obsequium præstare Deo in hoc opere, remque ei gratissimam exhibere, ut prædixerat ipse Christus, Joan. 16. his verbis: *Venit hora, ut omnis qui interfecit vos, arbitretur obsequium se præstare Deo*. Quis vero propterea ejusmodi homines ab omni crimine excusatos haberi voluerit?

Similiter certum est Hæreticos peccare quod Fidei Catholicæ dissentiantur; nemo enim negaverit hæresim esse peccatum: Atqui tamen non habent illi certam & indubitatam veræ fidei notitiam; quin potius certo & firmo iudicio absque ulla dubitatione suis adhærent opinionibus; quas putant Fide Catholicæ longe certiores, ex ignorantia scilicet & errore culpabili; Ergo non requiritur ad obligationem præcepti ejus certa & indubitata notitia, proindeque falsa est Probabilistarum doctrina, ex qua manifeste sequitur legem non obligare, cum operanti certa & indubitata non fuerit ejus obligatio.

Sexta ratio ex nonnullis erui potest exemplis. Certum est, v. g. debere Medicum in applicandis medicamentis sequi opinionem probabiliorē relicta minus probabilis; adeo ut si dubitaverit an medicamentum calidum sit frigido utitur ad valetudinem ægrotanti restituentem, & rebus sedulo & diligenter pensatis videat probabiliorē stare sententiam pro applicatione medicamenti calidi, non possit tuta conscientia applicare medicamentum frigidum, quamvis pro eo stet sententia probabilis.

Item certum est, quando opiniones versantur circa jus, teneri iudicem in conscientia judicare secundum sententiam probabiliorē: 1. Quia unicuique iudicis munus est jus suum unicuique tribuere; quocirca debet iudex diligenter inquirere apud quem sit jus verum, adeoque semoto omni præiudicio Titigantium rationes & momenta pondera-

re;

re; quod utique non præstaret, ut per le patet, si judicaret secundum sententiam minus probabilem relicta probabiliori: 2. Quia si iudex in ferenda sententia sequi potest quamcunque opinionem probabilem (preta probabiliori, jam non iudex & arbiter erit, sed summus honorum & prædiorum uniuscujusque dominus, rem scilicet de qua lis movebitur cui maluerit ad libitum poterit adjudicare: 3. Quia in illa sententia nec Principes tenentur ad justitiæ administrationem procurandam eligere viros sapientiores & legum peritissimos; tum nec ipsi iudices debent operam impendere in libris Jurisconsultorum evolvendis, ut inde doctiores evadant; nullo enim negotio deregitur aliquam opinionem esse probabilem, quandoquidem unius Jurisconsulti opinio sufficit. Denique illa sententia viam sternit iudicibus, ut inique admodum omnia judicent, ut muneribus corruptantur, ut potentibus, amicis & consanguineis favent etiam tuta conscientia, si nempe in gratiam illorum judicare possint vel minima affluente probabilitate.

Quamobrem id aperte improbat Scriptura sacra non uno in loco, postulat enim peripse ut Judices judicent in veritate, Exod. 18. *Provide autem de omni plebe viros sapientes & timentes Deum, in quibus sit veritas & qui odierint avaritiam.* Deuter. 16. *Venies ad Sacerdotes Levitici generis & ad iudicem qui fuerit illo tempore, quaresque ab eis qui judicabunt tibi iudicis veritatem.* Psal. 2. *Erudimini qui iudicatis terram.* Ecclesiast. 20. *Judex sapiens judicabit populum.* Quibus adde quod præscribunt leges, ut iudices sententiam proferant juxta probabiliora ex regula 41. juris in 6. *Inspiciendum in obscuris quod est verisimilius, vel quod plerumque fieri consuevit.*

Ex iis porro exemplis & hominum usibus in ipsa æquitate & prudentia fundatis, manifeste sequitur in præsentia

materia non aliter esse agendum, adeoque probabiliorē semper amplectendam esse partem relicta minus probabili; videtur quippe absurdissimum esse majorem adhibere cautionem, quando agitur de rebus temporalibus, ac si de conscientia atque æterna animæ salutē agatur. *Quomodo*, inquit S. Chrysostomus loco supra citato, *non absurdum propter pecunias alius non credere, sed ipsas numerare & supputare, pro rebus autem amplioribus aliorum sententiam sequi simpliciter.*

Nec moror quod dicant adversarii, non idcirco posse Medicum vel Judicem sequi opinionem minus probabilem relicta probabiliori, quia tunc eorum error cadit in damnum proximi; cum e contra, si quis opinionem minus probabilem sequetur in præsentia materia, nullum inde præjudicium redundet in proximum; hæc, inquam, responsio nullius plane est roboris, quia non magis licet sibi quam alteri damnum inferre; estque rationi naturali valde consentaneum, ut quæ cautio ad fugiendum temporale damnum adhibetur, ea ipsa ad conservandam æternam salutem non omittatur.

Septima est ratio; quia si liceat unicuique in foro conscientię ex duabus opinionibus oppositis, cui voluerit, adherere, & minus probabilem tenere in praxi, relicta probabiliori, innumeræ propugnari poterunt sententiæ, quibus tota penitus Moralis Christiana perturbabitur ac confunderetur, vix ullum admittetur peccatum, vix ulla actio humana quæ sit turpis & inhonesta, vix quicquam illicitum & veritum, vix denique ullum erit præceptum quod illa benigniori doctrina eludi non possit; siquidem in rebus moralibus vix datur casus, in quo non concurrant duæ opiniones contradictoriæ & probabiles; seu probabilitate intrinseca, ut ajunt, quæ aliquo nititur ratiocinio, seu probabilitate extrinseca quæ ex unius scriptori

auctoritate & testimonio petitur; quamobrem tutum erit in foro conscientiae & maxime licitum sequi in praxi quod famulos olim docuit Caramuel inter Casuistas si quis unquam mitissimus; id enim in eorum principiis licitum quod probabile; illud probabile quod unus tenuit gravissimus Doctor: hujus inter alios si vel nonnullas hic recensamus laxitates in materia morum & excessus; horrorem profecto auribus incutient, adeo monstruosa scripsit recentior iste Casuista.

Lib. 4. Theolog. Moral. num. 1559. ait: *Deorum plurimam stando puris principiis naturalibus defendi & propugnari posse.* Unde manifestum est opinionem quae docet plures esse Deos, esse probabilem; quod supinam redolet ignorantiam, nec parum faveat Polytheismo: istud porro è Caramuele exemplum producimur, tametsi materiam morum non spectet, ut inde cuilibet innotescat quanti aestimari debeat in ceteris ejusce hominis doctrina, & quam damnosum sit in praxi unius Magistri suffragio cæteris reclamantibus adhaerere.

In Theologia Morali lib. 2. nu. 799. usuram manifeste approbat his verbis: *Cum numerata pecunia pretiosior sit numeranda, & nullus sit qui non majoris faciat pecuniam presentem quam futuram, potest creditor aliquid ultra sortem amutuario exigere, & eo titulo ab usura excusari.*

Ejusdem libri num. 864. sic loquitur de simonia, quam velut infamem & flagitiosam nundinationem. in Clericis semper damnavit Ecclesia: *Si scriptor, inquit, scrupulosus sit, nulla erit circumstantia ab hoc contagio libera; si autem audientior, ipsius simonia conceptus erit idea Platonica, ut dicitur, quæ non reperitur in rebus, quia nempe in doctrina recentiorum Casuistarum, satis est ut quis ab omni simoniæ labe purgetur, quod pecuniam non dederit tanquam pretium & sub illo pretii mo-*
uuo.

Lib. 3. num. 1470. *Si aëlor, inquit, velit nolit advocatus, accusare vult, vel etiam de sacro accusat; tametsi nullum jus videatur habere, potest illi advocatus patrocinari; Nimirum quantum per leges liceat, examinando testes, eorum responsa cnsferendo & notando; saepe enim contingit causas bene fundatas male cedere, & saepe male fundatas bene succedere.*

In Theologia fundamentali num. 1142. Doctrinam P. Amici qua docet licere Clerico vel Religioso calumniatorem gravia crimina de se vel de sua Religione spargere minantem occidere, quando aliis defendendi modus non suppetit, ut veram approbas his verbis, doctrinam Amici solam esse veram & oppositam improbabilem censemus omnes docti.

De rebus divinis sic nugatur epistola preliminaris ad Dianam, Navarrus, inquit, & quotquot internam attentionem requirunt in officio divino, considerata urvacitate humani ingenii, concludunt vix aut ne vix quidem posse hominem satisfacere sine aliqua distractione veniali; sic de preceptis aliis pariformiter philosophantur. At nos qui contra generose sentimus, & sensum nostrum armato ratiocinio firmamus, non solum milites, sed & virgines sumus; possumus enim ita horis aut aliis Ecclesie preceptis satisfacere, ut ne in levem culpam labamur, prolatio enim & quacunque alia extrinseca operatio est facillima, & humana Principum Leges Ecclesiasticae aut seculares sint, non precipiunt interna.

In Theolog. fundam. num. 44. sic suam. ipse describit devotionem, *Uno momento, inquit, cælum verso, altero ad subterranea transito, nulla in Oratorio moveretur musca quæ mihi non sit impedimento; attendere lectioni desidero, sed distractiones non evito involuntarias, milites interdum etiam voluntarias, & nihilominus nullo crucior scrupulo; nullo dubio angor; quia prudenter suppono me*
ad.

ad attentionem internam non teneri; eam habere bonum esse, & ea carere nequidem levem esse culpam.

Ridenda plane quæ scribit in Theolog. fundam. p. 139. Petrus, inquit, die sabbathi sub mediam noctem, ut primum audiret duodecimam, comedit carnes, & postquam satur excessit e mensa audiret aliud horologium significans horam duodecimam. Die sequenti communicare vult, & sic discursit: Horologia habent opinionum probabilitatem virtutem: at ego comederam antequam tale horologium sonaverit; ergo probabile est quod comedi ante duodecimam; ergo probabile est quod sine jejuniis: at opinioni probabili conformare conscientiam possum; ergo potero communicare. Quibus positis beneficium plurium horologiorum, quoniam & ea probabilitatis privilegio gaudent, poterit quis eadem die jejunii præcepto satisfacere & carnes etiam ad saturitatem usque confedere.

Pudet referre quæ de mollitie ceterisque infandis obscenitatibus scribit, instar speciminis est quod legitur in Theologia Morali num. 1603. molliorem jure naturæ non esse prohibitam, quæ sublato Dei præcepto per quod vetita est, sæpe esset bona & aliquando obligatoria sub peccato mortali, num. 1605. comparat eam cum usu pomi vetici de se indifferenti, si nullum a Deo latum fuisset mandatum.

Atque quod in hac doctrina horribilius mihi videtur, hæc omnia & alia similia consuetaria recte & legitime ex probabilismo illata vidit Caramuel, qui tamen ab illo nunquam discedere religioni duxit; id manifeste colligitur ex Theolog. fundam. pag. 549. ubi sic habet: Dices ex hac doctrina multa suboriri inconvenientia & ideo rejicienda esse. Et respondeo hanc, ex tali aut tali assertione magna pericula & damna suboriantur; ergo est falsa, non esse bonam consequentiam. . . . hinc est quod ego judicem summa inconvenientia sequi

ex multis opinionibus quæ hodie circumscribuntur, nec tamen ideo illas improbabiles esse. Multa enim suboriantur ex reflectionibus mentalibus, multa ex occultis compensationibus, multa ex licentia occidendi injustum judicem aut regem, quam nonnulli concedunt; multa etiam ex illa opinione quæ docet de occultis non judicare Ecclesiam; multa ex aliis quibus tamen non obstantibus inconvenientibus illa sententia in terminis quibus hodie in Scholis traduntur, sunt ut minimum probabilissima & minime damnari possunt.

Ex quibus manifeste colligitur nihil esse in Morali doctrina perniciosius quam istud Probabilistarum systema, quandoquidem latissimum ad omnia laxitatum portenta aditum pandit; unde sequitur nullam esse in moribus corruptionem quæ non sit secunda, innoxia & in praxi usurpanda, ac demum ex quo fit ut vix ullum super sit præceptum quod eludi non possit, vixque ulla omnino sit actio mala moraliter & illicita; quocirca recentioribus Casuistis gratulabatur Caramuel, quod opæ probabilitatis viam salutis reddiderit faciliorem, & peccatorum numerum feliciter imminuerint, Si jam autem, inquit, sunt probabiles quæ antea non erant, jam non peccant homines, eum antea peccarent, cum omne probabile a peccato excuset.

Ostava demum ratio peti potest adversus probabilitatis doctrinam, ex eo quod poterit quisque quam voluerit prout & sine peccato amplecti & retinere Religionem, Judei Judaismum, Mahometani Alcoranum, Ethnici Ethnicismum, suus est enim cuique error probabilis non in moribus modo, sed in fide; nullus est hæreticus qui non affirmaverit sibi suam sectam vitam esse non modo probabilem, sed fide catholica probabiliorē, qui propterea sine peccato in sua hæresi permanere poterit, cui consecrationi, quoniam

nam cum Probabilismo indivulſe cohereret tacite conſenſit Caramuel, cum ejusmodi difficultatem proponit & inſolutam relinquit in Theolog. fundam. pag. 472. cujuſdam Lutherani ratiocinium proferens his verbis : Quia Baſanomenus Lutheranorum filius & in Lutherana urbe natus inter Lutheranos nutritus, magiſtros habuit & pradicantes Lutheranos, ſic ubi primum P. Valerianum magnum Capucinorum decus & alios audivit inculcantes, vel eſſe redeundum ad Romanam Eccleſiam, vel recedendum a Chriſto, ſervide inſurrexerit & dixit : Chriſtianismus probabiliffima religio eſt, & ſub ipſo dantur ſecta antiquiores, juniores, ſeveriores, benigniores, univerſaliores, minus univerſales, & praeſcipue Romana, Lutheranæ, Calvinianæ quæ vere probabiles ; ergo mihi, Lutheranæ, non eſt neceſſario redeundum ad Romanam Eccleſiam, aut ſecedendum a Chriſto. Nam præter Romanam Religionem cui probabiliter non nego, etiam Lutheranæ eſt Chriſtiana & probabilis & multo Romana benignior. Vm rationis jam penetras : jam vides quo reſpicias hæreticus. Tenes primo eſſe probabile quod Deus mentiri nequeat : ſecundo probabile quod revelaviſſiſſam Paginam, & ſi velis, ut ſis loquar, diſclaveris : tertio eſſe probabile quod eandem Romanam Eccleſiam bene exponat : & tamen addit iis non obſtantibus harum antiheſes eſſe probabiles. Reſolutionem hanc ſic ille confirmat & dilucidat : Doctrina Ariſtotelis, inquit, prout hodie tradiſur in Academiis Italicis, Hiſpanicis, Gallicis, probabiliffima eſt : nec contra hanc ipſam probabiliter militat mundi æternitas & animæ rationalis mortalitas ; nam iſti & ſimiles errores ſunt expunſi nec jam traduntur a Chriſtianiſ Philoſophis. Hæc ipſa doctrina & ſchola Ariſtotelis in tres ſectas dividitur, Thomiſticam, Scoticam & Nominalem, omnes probabiles, omnes cèlebres, omnes plauſibiles. Dicant Dominicani, Noſtra Scho-

la Ariſtotelica eſt & antiquior Nominali & Scotica ; ergo redeundum ad ipſam vel ſecedendum eſt ab Ariſtotele, quid inde ? Nam a Franciſcanis videbuntur qui æquo jure reponent, vel admittendam eſſe Scoti Scholam vel relinquendum Peripatetiſmum ; tunc enim argumentatio urgetur cum vel una ſub Chriſto religio, vel una ſub Ariſtotele Schola demonſtrationes produceret. Nam ſi una ſecta demonſtratur eſſe vera, reliqua demonſtrarentur eſſe falſa, & in noſtro caſu, ait Baſanomenus, omnes hæc Religiones Romanam, Lutheranam, Calvinianam eſſe Chriſtianas & probabiles judico, & omnes hæc Scholas, Thomiſticam, Scotiſticam & Nominalem eſſe Ariſtotelicas & probabiles cenſeo : & hanc ob rem ratiocinium illo diſjunctivo, vel redeundum eſt ad Romanam Eccleſiam vel ſecedendum eſt a Chriſto, convinci aut urgeri non poſſunt. Nec antiquitatem ipſe & Concilia generalia morabitur, hæc enim, ut ait, probabiliter argumenta & non evidentia miniſtrant, quoniam Schola Ariſtotelis Chriſti religione multo antiquior, & Academia Peripatetica multo numeroſiores Magiſtros habent quam Generalia Concilia ; & ſi licet P. Magno doctrinam Peripateticorum de errore & tyrannide arguere ; cur non licebit Baſanomeno eſſe & cautiore ? cur non dicere Romanam quidem Eccleſiam eſſe probabiliffimam, adeoque in foro interno eſſe ſecuriſſimam ; & tamen hoc ipſo non obſtante Lutheranam quam ipſe proſeſetur, eſſe etiam probabilem, atque æque Chriſtianam ac ſecutam imo ſecuriorem omnino ; quoniam minus probabilis ſententia, ſi benignior etiam ſecurior eſt ; cur non licebit addere ſe eſſe in quietâ conſcientia apud Lutherum, adeoque non teneri redire ad Eccleſiam Romanam, nec a Chriſti religione ſecedere ? Hanc doctrinam quantumvis impiam cum Probabilismo eſſe conjunctam iterum conſtitetur Caramuel, cum obſervat pleroſque alios Caſuiſtas ejusmodi

modi consequentiam non admittere, hæcque addit: *Vel omnia debent transgredire, vel a principali opinione discedere*, qua nempe id omne licitum affirmant quod probabile est, tamen falsum.

Atque ne videamur immerito nefarium hoc confectarium Probabilismo tribuere, alterius Calvistiæ verba ipsissima referemus: Erardus scilicet Billius tract. 3. de fide cap. 1. sic habet: *Sic etiam puer baptizatus, quia fides quam suscepit in Baptismo, satis non est ad proficiendam fidem, nisi & proponantur mysteria fidei & explicentur, non peccabit credendo hæresi sibi proposita & quam a parentibus edoctus est, nisi habeat argumenta convincentia & probabilitatem excludentia sue sectæ. Quandiu enim probabilis est, non peccat eam sequendo. Quo fit ut multa puella usque ad vigesimum annum vix censeri possint hereticæ. Quis enim dices eas non habere argumenta probabilia sue sectæ: at nemo peccat sequens opinionem probabilem quantumcumque ad eam, ut appellant, accedant. Quibus, ut puto, in tota re Christiana horribilius & damnosius fingi potest nihil.*

Solvuntur Objectiones.

Objicies nonnulla Scripturæ loca quæ doctrinæ Probabilistarum nonnihil favere videntur, nempe Christus Dominus dicit Math. 11. *Jugum meum suave est, & onus meum leve*, & S. Joan. Epist. 1. cap. 3. *Mandata ejus gravia non sunt*, Si enim, inquit, satis non sit inter agendum in Moralibus sequi opinionem probabilem, quæ scilicet cognoscitur ab operante non adversari Scripturis, sanctis Patribus, & Canonibus Conciliorum; aliunde vero vel gravissimorum Doctorum suffragio, vel validissima ratione innitur; profecto jugum Christi non

erit suave sed asperum, onus legis similiter non erit leve, & mandata non modo observata difficilia, sed & impossibilia; aut quia sententia probabilior nunquam indulget liberrati, aut quia ut plurimum inter duas opiniones quæ concurrunt, vix intelligitur quænam sit altera probabilior.

Responderi posset primum retorquendo argumentum; si enim ex una parte legitur in Scripturis jugum Christi suave esse, legitur ex alia quod dicit ipse Christus Math. 7. *Intrate per angustam portam; quia lata porta & spatiosa via est quæ ducit ad perditionem, & multi sunt qui intrant per eam: quam angusta porta & arcta via est quæ ducit ad vitam*? Sed qui docent licitum esse in praxi sequi opinionem probabilem relicta probabiliori, latam portam & spatiosam viam aperiunt hominibus: hinc enim sequitur, ut dictum est, omnia fere esse licita. E contra vero qui docent teneri unumquemque sequi opinionem probabiliorē relicta minus probabili, arctam viam & angustam portam monstrant hominibus. Quin & hæc leguntur alia in Scripturis. Math. 11. *Regnum Cælorum vim patitur, & violenti rapiunt illud*. Cap. 12. *De omni verbo otioso quod locuti fuerint homines reddent rationem de eo in die judicii*. Legimus semper orandum, Lucæ 18. *Faciendos fructus dignos poenitentia*. Lucæ 3. *Inimicos diligendos*, Math. 5. *Corpus suum castigandum & in servitutem redigendum*, 1. ad Corint. cap. 9. & alia ejusmodi, quæ manifeste ostendunt fucum facere Probabilitas, cum præfata Christi verba in præsidium suæ causæ adducunt.

Respondeo 2. ex illis & similibus Scripturæ locis nihil posse colligi in gramam opinionem probabilem; cum enim jugum Christi dicitur suave, non desinit esse jugum; cum onus dicitur leve, non cessat esse onus; unde ver-

bis

bis & proposito Christi vim faciunt benigniores Probabilistæ, cum adeo perniciosam tradiderunt hominibus doctrinam, quæ tot laxitatum in moribus principium est & radix, sic enim jugum Christi non reddunt levius, quod omnino confringunt & ab hominum cervice penitus excutiant hoc suo ætatis nostræ commento, Patribus antiquis & sacræ Scripturæ Interpretibus plane inaudito; adeo ut cum magno Guigone Carthusianorum Generali merito exclamare possimus, *Apostolorum tempora infelicitissima, o Viros illos ignorantis tenebris involutos & omni miseratione dignissimos, qui ut ad vitam pertingerent, propter verba labiorum Dei tam duras vias custodiebant & hæc nostra compendia nesciebant.*

Consulamur igitur, ut Theologum decet, veteres Patres super illis Scripturæ testimoniis; & profecto videbimus suavitatem Evangelicæ Legis ex doctrina probabilistis non pendere, sed ex gratia & charitate per quam onus Christi longe levius redditur, ejusque mandata observatu multo faciliora, ut eleganter docet Augustinus Sermone 96. cap. 1. *Durum videtur, inquit, & grave quod Dominus imperavit, ut si quis eum vult sequi abneget seipsum. Sed non est durum nec grave quod ille imperat, qui adiuvat ut fiat quod imperat. Nam & illud verum est quod ei dicitur in Psalmo, (Propter verba labiorum tuorum ego custodivi vias duras.) Et illud verum est quod ipse dixit (Jugum meum leve est & onus meum leve est.) Quicquid enim durum est præceptis, ut sis lenis charitas facit, & in Plal. 118. super illa verba, Quomodo dilexi legem tuam, Domine, sic habet, Sepe admonimus laudabilem latitudinem, in qua nullas, cum mandata Dei facimus, patimur angustias, intelligendam esse charitatem. Propter quod etiam in magno isto Psalmo cum superius dixisset, latum mandatum tuum*

valde, in hoc sequenti versu ostendit, unde sit latum, dicens, Quomodo dilexi legem tuam, Domine; dilectio ergo est latitudo mandati.

Atque id expresse docet S. Joannes I. epil. cap. 5. ubi eatenus gravia non esse mandata Dei significat, quatenus ex charitate custodiuntur, *In hoc cognoscimus, inquit, quoniam diligimus natos Dei, cum Deum diligamus & mandata ejus faciamus. Hæc est enim charitas Dei, ut mandata ejus custodiamus & mandata ejus gravia non sunt. Quo plane modo suavitatem Legis Evangelicæ explicat Concil. Trident. sess. 6. cap. 11. his verbis: Deus impossibilia non jubet, sed jubendo monet facere quod possis, & petere quod non possis, & adjuvat ut possis, cujus mandata gravia non sunt, cujus jugum suave est & onus leve. Qui enim sunt filii Dei, Christum diligunt; qui autem diligunt eum, ut ipsemet soletur, servant sermones ejus, quod utique cum divino auxilio præstare possunt.*

Volunt alii plerique Interpretes Legem Evangelicam appellari jugum suave & onus leve per comparisonem ad Legem Mosaicam; quatenus nempe in Lege Moysi infinita prope erat præceptorum multitudo, quibus obreuebatur Judæi ut ait S. Petrus Act. 15. *Quid tentatis Deum imponere jugum super cervices Discipulorum, quod nec Patres nostri neque nos portare posuimus?* Evangelium vero Christi nonnisi pauciora continet mandata, quibus nonnisi necessaria ad salutem præcipiuntur.

Addè quod, inquit Maldonatus, super citatum Matthæi locum, sublata sunt in Evangelio supplicia illa gravissima quæ lex comminabatur, *Denitens pro dente, oculum pro oculo, Exodi 20. Lex enim iram operabatur. Rom. 4. Spiritus legis spiritus erat timoris & servitutis; non enim accepistis spiritum servitutis iterum in timore, sed accepistis spiritum adoptionis filiorum Dei. Rom. 8.*

Spi-

Spiritus autem Evangelii spiritus est charitatis; unde volentes aliquando Discipulos ignem de Caelo evocare, ut Samaritanos, qui Christum recipere noluerant, ablumeret, Dominus increpavit, dicens: *Nescitis cujus spiritus estis*, Lucæ 9.

At nullus unquam ex Interpretibus Scripturæ, nullus ex sanctis Patribus ejusmodi Scripturæ loca, in quibus jugum suum suave esse pronuntiat Christus Dominus, ad istam probabiliter doctrinam revocavit, hac enim arte in potestate & arbitrio hominis esset addere quicquam vel imminuere de mandatis Domini, posset ea quisvis pro nutu vel dilatare vel coarctare, quod quidem ne vel facere tentemus, districte prohibet Jus Canonicum 24. qu. 1. ex Augustino, *Non asseramus stateras dolosas, ubi appendamus quod volumus & quomodo volumus, pro arbitrio nostro dicentes, Hoc grave, hoc leve est; sed asseramus divinam stateram de Scripturis sanctis tanquam de thesauris dominicis, & in illa quid sit gravius, quod levius appendamus; immo non appendamus, sed a Domino appensa recognoscamus.*

Obijciunt nonnulli ex Probabilistis auctoritatem sancti Augustini, qui satis aperte, inquit, Probabilismi Patronum se exhibuit; cum dixit se aliquando persuaderi ratione probabilis ad credendum quod a vero non abhorreat; id autem scribit Epistola 82. c. 1. quæ est ad S. Hieronymum; ubi, cum inquirat utrum Apostolus vere an fiste solum Antiochie divum Petrum representerit, eorumque refellit rationes & momenta qui Petrum non nisi simulate reprehensum a Paulo exilimabant, sic habet: *Alios ita lego, inquit, ut quantalibet sanctitate doctrinæ præpollent; non ideo veram putem, quia ipsi ita senserunt; sed quia mihi vel per Auctores Canonicos, vel probabilis ratione, quod a vero non abhorreat, mihi persuadere potuerunt.*

Tomo V.

Verum ob id Probabilismi perperam accusatur S. Augustinus, quasi crediderit licitum esse sequi opinionem minus probabilem præcisa probabiliori; quia nempe ideo testatur S. Doctor se aliquando moveri probabilis ratione ad id credendum quod a vero non abhorreat; quando nec ulla aliunde contraria occurrit dubitandi ratio, nec pro viribus certitudinem & veritatem assequi potest, quem certe agendi modum, quoniam recte rationi maxime consensaneus est, nemo rerum æquus æstimator unquam increpaverit: hanc porro mentem fuisse Augustini constat.

Primo, quia neutiquam eo loci comparat Augustinus rationem minus probabilem cum probabiliori, loquitur solum de probabili ratione quæ persuadere possit aliquam sententiam a vero non abhorretere; testatur enim se aliis scriptoribus præter sacros fidem adhibere, non præcise propter illorum testimonium, quia falli possunt quantalibet doctrina & sanctitate præpollent, sed quia ratione probabilis suam sententiam confirmant; ubi per rationem probabilem non intelligit opinionem minus probabilem stantem in concursu probabilioris; sed rationem quæ sit fortior & probabilior; tum quia eam equiparat auctoritati Librorum Canonicorum ad veritatem assequendam, vel per auctores Canonicos vel probabilis ratione. Tum quia supponit hac probabilis ratione veritatem attingi, quod a vero non abhorreat. Sed veritatem profecto non assequitur quin potius a vero abhorret, quisquis opinionem sequitur minus probabilem relicta probabiliori; ergo S. Augustinus eo loci hanc non approbat Probabilistarum methodum, qua opinionem minus probabilem ut tutam in praxi sequuntur in conflictu probabilioris.

Secundo, quia non uno in loco, ut superius a nobis ostensum est, absurdam illam probabiliter doctrinam re-

Hic

jicit S. Augustinus lib. 22. de Civit. Dei cap. 23. affirmat necessarium esse hominibus, si suæ salutis velint consulere, ne continuis excubent vigiliis, ne eos fallat verisimilis opinio. Lib. 2. de Moribus Ecclesiæ c. 3. ait *Oportere omnem hominem quod optimum est, sequi*. Lib. 1. contra Donatistas cap. 3. eum damoat peccati mortalis qui dubium Baptismum apud Donatistas recipit eo neglecto quem in Ecclesia certum confecti novit; idque ex eo solo quod certis incerta proponis. Denique id aperte conficit libris contra Academicos Probabilitatis veros defensores. Scilicet exultabant ad vitam rite peragendam sufficere, si sapiens sequeretur quod ei verisimile videretur. *Et veritatem vel obrutam latere, vel confusam non eminare, siue id eveniret propter naturæ tenebras, siue propter rerum similitudinem, unde cum agit quisque quod ei videtur probabile, nec pascit nec errat.* Quæ quidem ridet refellitque Sanctus Doctor ut absurdissima, quia, ut ait lib. 3. cap. 16. *Optimo cuique metuendum, quod nescis omne, si hæc ratio probabilis erit, cum probabile aliquam visum fuerit, esse faciendum, tantum nulli quasi vero assentiatur, non solum sine sceleris, sed etiam sine erroris vituperatione committat.* Perperam igitur adducitur S. Augustinus tanquam opinionum probabilitum defensor & patronus.

Obijciunt insuper hæc verba S. Leonis M. de prompta ex ejus Epistola secunda quæ est ad Rusticum, *Sicut quædam sunt, inquit, quæ nulla possunt ratione convelli, ita multa sunt, quæ aut pro consideratione atatum, aut pro necessitate rerum oporteat temperari: illa semper conditione servata, ut in his quæ vel dubia fuerint, aut obscura, id non verimus sequendum quod nec præceptis Evangelicis contrariuntur, nec Decretis sanctorum Patrum inveniantur adversum.* Sed qui sequuntur opinionem minus

probabilem in dubiis & obscuris, id sequuntur quod nec Evangelio, nec sanctis Patribus adversatur; ergo.

Dist. maj. in his quæ vel dubia sunt vel obscura sequendum est quod nec Scripturis nec Patribus est adversum, & aliunde verisimilius & probabilius, C. si non sit pars verisimilior, N. hæc profecto regula morum quam præscribit S. Leo nequaquam favet Probabilitatum doctrinæ; fatemur enim ultro in dubiis & obscuris id sequendum esse quod nec Scripturis nec SS. Patribus, ut ait S. Leo, invenitur adversum, adhibita scilicet matura deliberatione, & postquam summa ope contendimus, ut certitudinem explosa omni formidine habeamus & veritatem assequamur: sed non ideo sequitur licitum esse in dubiis amplecti opinionem minus probabilem relicta probabiliori: qui enim hanc merodum usurpant in controversiis moralibus, hanc suam partem quam sequuntur, non inveniunt Scripturis & SS. Patribus non esse contrariam, id enim examini non submitunt; aut potius non dubitant saltem citra culpam, quin illa partem quam sequuntur sit præceptis evangelicis & Patribus adversa; sequuntur enim opinionem faventem libertati contra præceptum.

Quod autem perperam & immerito inter benignioris istius doctrinæ fautores accensatur Leo Magnus, manifeste ostenditur ex illius scriptis; sic enim loquitur Serm. 5. de Nativit. cap. 1. *Non in solo apere virtutum, aut in sola observantia mandatorum, sed etiam in tramine fidei angusta & ardua via est quæ ducit ad vitam. Et magni laboris est magnique discriminis, inter dubias imperitorum opiniones, & verisimiles salutes per unam sanæ doctrinæ semitam inoffensis gressibus ambulare; Et cum undique se laquei erroris opponant, omne periculum deceptionis evadere.* Ubi supponit in exercendis virtutum operibus & in observantia mandatorum arduam & an-

& angustam viam esse; sed in systemate Probabilissimi angusta non est via, sed lata & spatiosa; & Sermone 11. de Quadragesima cap. 4. ait in operibus nostris pensandum esse quid indicatur, quidve præcipiatur a lege: *Quis fidelium nesciat, quibus virtutibus studere & quibus debeat vitis repugnare? Quis conscientia sua aut tam gratus, aut tam imperitus est arbitri, qui ignoret, quid a se auferri, aut quid in se oporteat augeri? Nemo quippe rationis est alienus, qui aut conversationis suae non intelligat qualitatem, aut cordis sui secreta non noverit. Non ergo per omnia sibi placeat, nec se secundum carnis oblectamenta dijudicet, sed omnem consuetudinem suam in divinarum praeceptorum lance constituat, ubi cum alia jubeantur ut fiant, alia interdiciantur ut non fiant, iusto se trutinabit examine, qui vita sua mores ex utriusque ponderis comparatione pensaverit.*

Obijciunt præterea auctoritatem S. Antonini Archiepiscopi Florentini qui septuagenarius obiit an. 1459. & parte 1. Summæ tit. 3. cap. 10. sic habet: *Qui agis sciens id de quo dubitas esse mortale permanente dubitatione peccat mortaliter, etiamsi illud in se non esset mortale sumendo & proprie & stricte dubitationem. Sed si dubitat leviter quis per modum scrupuli, sicut dubitat, seu formidat habens opinionem de aliquo quia ita inheret ipsi sententia, ut formides de opposito sic agendo contra tale dubium non peccatur, dum adhæret opinioni alicujus Doctoris & habet rationes probabiles pro ipsa magis quam pro opposita opinione; etiamsi ipsa opinio quam tenes non esset vera. Et hoc nisi opinio sumpta esset contra manifestam testimonium Scripturæ, vel determinationem Ecclesiæ: talis enim non operatur in dubio mortaliter, sed secundum opinionem probabilem. Ubi testatur S. Antoninus licitum esse sequi opinionem probabilem, vel etiam unius Doctoris, tametsi esset falsa,*

modo non adversetur Scripturis sacris, vel determinationi Ecclesiæ. Unde sententiam divi Thomæ qui docet illud universim esse malum quod agitur contra legem, mirum in modum emollet ibidem: *Quod autem, inquit, dicit B. Thomas in quodlibeto 8. art. 13. quando sunt due opiniones contrariæ de eodem, oportet alteram esse veram, & alteram falsam. Si ergo ille qui facit contra opinionem Magistrorum, ut puta in habendo plures Prabendas, facit contra veram opinionem, non excusatur a peccato cum faciat contra legem Dei, quamvis non faciat contra conscientiam. Hec enim verba B. Thomæ non possunt intelligi de his, ubi manifeste patet ex Scriptura vel Ecclesiæ determinatione, quod sit contra legem Dei, & non de illis intelligi, ubi non apparet, alias sibi contradiceret in eodem libro, quod non esset credendum.*

Sed frivole omnino & perperam nobis obijciuntur hæc S. Antonini verba; ut enim satis clare suam ipse mentem aperit, loquitur de opinione quæ non modo sit probabilis, sed quæ opposita probabilior visa sit operanti post accuratam & diligentem veritatis inquisitionem; vult enim ad vitandos errores, *Ut quis se ad gratiam præparet quantum potest, ut sapientiam invocet per orationem, ut Scripturas diligenter investiget, ut quærat eam quasi pecuniam, ut adhibeat diligentiam in inquirendo; hunc vero clarissimum Casuistam non nisi de opinione probabiliori locutum manifeste indicant hæc verba: Sic agendo, inquit, contra tale dubium non peccatur dum adhæret opinioni alicujus Doctoris & habet rationes probabiles pro ipsa magis quam pro opposita opinione. Et postea: Notandum, inquit, quod cum bona conscientia potest quis tenere unam partem alicujus opinionis & secundum eam operari, excluso saltem scandalo, quæ scilicet pars habeat pro se notabiles Doctores, dummodo talis opinio non sit contra auctori-*

ratem expressam Sacra Scriptura nos contra determinationem Ecclesie Catholicae, & quod etiam ex consuetudine talium opinionum non inducatur ad dubitandum; sed bonam sibi conscientiam & credulitatem foris de eo quod credit, tanquam de probabiliori parte. Quae quidem adeo clara sunt, adeo liquida, ut mirum sit quibusdam eratis nostrae Probabilistis ita hoc placuisse commentum, ut in partes suas invitum plane ac reluctantem traherent S. Antoninum.

Obiecit Caramuel in Apologemate de probabilitatibus contra Fagnanum Ep. 4. resolut. 11. num. 136. hac nostra sententia sceleris aequali prope innumeras summorum Pontificum dispensationes, in quibus secuti sunt opinionem minus probabilem relictam probabiliori. Nam, inquit, ea opinio probabilior est, quae docet summum Pontificem non posse dispensare in voto solemnium castitatis, ut tenet S. Thomas 2. 2. q. 88. art. 11. & nihilominus fertur dispensasse Alexander III. cum Justiniano Monacho professio, ut a Religioso statu transiret ad nuptias. Rursus opinio probabilior tenet non posse summos Pontifices dispensare a vinculo matrimonii rati; & nihilominus constat in hoc saepe eos dispensasse; quia, ut refert auctor additionum ad Manuale Navarri cap. 28. Pius V. dispensavit quater aut amplius, & Gregorius XIII. tredecim ejusmodi dispensationes una die concessit. Non potest igitur citra magnam summorum Pontificum injuriam ea propugnari sententia, quae docet non esse licitum sequi opinionem minus probabilem relictam probabiliori.

Respondeo hanc esse summorum Pontificum mentem & praxim, ut in illa dispensationum concessione opinionem sequantur probabiliorum & nunquam minus probabilem; quatenus nempe secundum opinionem probabiliorum judicant se posse valide concedere ejusmodi dispensationes, seu quia hoc debitum est

Sedi Apostolicae, seu quia ab Ecclesia in Concilio generali haec ipsis data fuit potestas. Revera id ipsum quod permittunt, ut, v. g. rati matrimonii dissolutio, licitum esse non potest ante dispensationem secundum opinionem & communiorum, & tutiorum, & probabiliorum; sed quia contendunt summi Pontifices sibi devolutam esse dispensandi potestatem in praefato casu, idque secundum opinionem probabiliorum. Inde fit ut in illa praxi dispensationum suo exemplo non doceant licitum esse & tutum in conscientia sequi opinionem minus probabilem relictam probabiliori.

Hic porro sapienter monet P. Gonzalez fidem non esse adhibendam omnibus declarationibus & responsis quae sub nominibus summorum Pontificum circumferuntur, quae videbuntur ab historicis leviter interdum ex solo auditu referuntur & falsi suspitione non careant, qualis est declaratio Gregorii XIII. circa potionem cholicam, quasi expressse responderit summus Pontifex licitam esse potionem cholicam in die jejunii, ut refert Augustinus de Padilla Archiepiscopus Hispaniae in India Lib. 2. Historiae Regni Mexicani cap. 84. quod tamen responsum a Gregorio fuisse emissum negant Leander & Murcia.

Obijcies: Cum opinio probabilis ea sit quae nititur fundamento gravi & prudenti; qui operatur secundum opinionem probabilem, operatur prudenter: Sed qui operatur prudenter, hoc est prudenter judicans actionem suam esse bonam & laudabilem, eo praeiis non peccat; cum enim prudentia sit certa & proxima actuum humanorum regula, nemo potest peccare sequendo illius dictamen. Ergo qui operatur secundum opinionem probabilem, non peccat. Sed qui eligit in praxi opinionem minus probabilem relictam probabiliori, tunc operatur secundum opinionem probabilem; tamen enim opinio sit minus prob-

probabilis, est tamen absolute probabilis; quemadmodum homo minus doctus altero, non desinit esse absolute doctus: quia, ut ajunt dialectici, comparativum arguit positivum, minus doctum arguit doctum, minus probabile arguit probabile; ergo is non peccat qui sequitur opinionem minus probabilem in concursu probabilioris.

Huic argumento ut clare ac nitide respondeamus, supponi debet opinionem probabilem sic accipi & dici probabilem proprie & omni sublata verborum equivocatione, pro ea opinione quæ nititur fundamento gravi & prudenti; sicut accipitur in hac prima objectionis propositione: *cum opinio probabilis ea sit quæ nititur fundamento gravi & prudenti, &c.* Ex eo enim potissimum occurrit difficultas in præsentī controversiā, quod non satis inter se consentiunt auctores circa definitionem opinionis probabilis; hac vero præsupposita notione opinionis probabilis, quam usurpant ipsi adversarii in hac objectione, dico id omne verissimum esse quod continetur in priori syllogismo; verum est nempe eum operari prudenter qui operatur secundum opinionem probabilem, hoc est opinionem quæ nititur fundamento gravi & prudenti; verum est etiam eum non peccare qui agit prudenter propter rationes in objectione adductas. Sed: quod spectat sequentem syllogismum, dico majorem esse manifeste falsam; falsum est videlicet eum operari secundum opinionem probabilem, qui agit secundum minus probabilem relicta probabiliori.

Et ratio est, quia fatentibus adversariis, ut mox dictum est, opinio probabilis est ea quæ nititur fundamento gravi & prudenti: Sed implicat opinionem minus probabilem in conspectu probabilioris: nisi fundamento gravi & prudenti, debet homo prudenter seu judicio prudenti judicare ejusmodi opinionem esse veram. Sed nemo potest judicio

prudenter judicare opinionem minus probabilem in conspectu probabilioris esse veram; qui enim judicat prudenter opinionem oppositam, quæ videlicet probabilior est, esse veram, profecto non judicat prudenter opinionem minus probabilem esse veram; cum enim in præsentī casu concurrant duæ opiniones contradictoriæ, quarum una est vera, si altera sit falsa, utpote cum una affirmet aliquid esse licitum, altera verò illud ipsum non esse licitum; qui judicat unam opinionem esse veram, judicat necesse est alteram esse falsam: sed cum homo stat inter duas propositiones contradictorias, quarum una censetur minus probabilis & altera probabilior; tunc prudenter judicat opinionem probabiliorē esse veram: videt enim fortiora & urgentiora momenta militare pro illa opinione quæ eatenus ab operante cognoscitur ut probabilior; igitur qui judicat prudenter opinionem probabiliorē esse veram, non judicat consequenter opinionem minus probabilem esse veram; adeoque remanere absolute probabilem.

Nec dicas operantem in illō casu prudenter judicare posse, utramque sententiam esse veram; quatenus nempe utraque opinio habere potest momenta quæ impellant ad assensum prudentem, tametsi quæ stant ex parte probabilioris sint fortiora & validiora; ubi enim quis multas opiniones propugnatur ut veras, non semper quælibet mixtur æquali momentorum pondere. Istud, inquam, responderi non potest ad argumentum propositum: Siquidem id solummodo verum est quando duæ opiniones non sunt inter se oppositæ; ita ut veritas unius non importet falsitatem alterius: Porro in ista hypothesi duæ concurrunt opiniones ita invicem oppositæ, ut veritas unius importet falsitatem alterius; quod enim una affirmat esse licitum, altera affirmat esse illicitum; Igitur homo stans inter ejusmodi opiniones invicem oppo-

oppositas, prudenter judicare non potest utramque esse veram; adeoque opinio quæ minus probabilis vulgo censetur in concursu probabilioris, non remanet in illo conflictu absolute probabilis.

Hinc facile intelligitur nihil plane difficultatis superesse ex comparatione adducta; idcirco enim homo minus doctus altero, est absolute doctus, quia nempe esse doctum & esse minus doctum non opponuntur contradictorie, quemadmodum opponuntur ista duo, contractus est licitus, quorum scilicet unum sit verum, alterum falsum omnino necesse est. Quamobrem comparativum tunc arguit solummodo positivum, quando extrema quæ comparantur non sunt opposita, secus vero si sint opposita.

Atque id ingeniose observabat olim S. Augustinus, ut videre est Lib. 3. contra Cresconium cap. 73. ubi nempe hocce in hæretico idem carpit ratiocinium, hæc dixerat Cresconius Donatista adversus Catholicos: *Si enim vos probabilis, nos ergo probabiliter, quia sic est probabiliter & probabilis, ut si dicas vere & verius; & quia gradus iste quod ante positum est augeat, non quod ante dictum est, improbat.* Unde colligebat Cresconius doctrinam Donatistarum esse veram & probabilem, eo quod suam ut veriorē & probabiliorem propugnabant Catholici; cui objectioni sic respondet Augustinus cap. 74. *Considera diligentius ne forte invenias in Latina locutionis auctoribus, quibus Grammaticorum artificialia serviunt, non semper istum gradum quod ante positum est augere, sed aliquando contrario superferri; cujus locutionis exemplum interim mihi ex Apostoli Epistola occurrit quam scripsit ad Hebræos; cum enim loqueretur de benedictione terræ quæ accepta pluvia fructum reddit, deinde subjecit, (Proferens autem spinas & tribulos, reproba & maledictioni proxima est, cujus finis in usionem.) Quod ne illis quidem loque-*

batur optasse videretur, (confissi sumus autem, inquit, de vobis, Erantes charissimi, meliora & bærentia saluti.) Attendis certe, quomodo hic dixerit, meliora, non quia bona erant quæ supra dixerat, proferre spinas & tribulos & usionem mereri; sed magis quia mala erant, ut illis devotiis meliora eligerent. Quid si & ego tanquam dicerem probabiliter comparativum propositivo ponens, non quia vos probabiliter, sed magis quia improbabilius; sicut ille meliora, non quia illa erant bona, sed magis quia mala; tu quare tam temere concludis, ex hoc confirmasse me vos probabiliter, quia dixi nos probabilis. Ex quibus patet opinionem non ideo esse probabilem absolute quod dicitur minus probabilis respectu alterius.

Instabis: Illa opinio remanet absolute probabilis, quæ manifeste videtur innixa testimonio & approbatione multorum Sapientum & Doctorum magni nominis: Atqui plerumque opinio minus probabilis manifeste videtur ab operante innixa suffragio & approbatione multorum Sapientum & Doctorum magni nominis in Ecclesia; Igitur illa opinio remanet absolute & simpliciter probabilis.

Dist. maj. Si alia & opposita opinio non propugnetur ab aliis Doctoribus, vel numero pluribus, vel auctoritate majoribus, C. secus, N. porro hæc quidem opinio, quæ dicitur minus probabilis, nititur suffragio multorum Sapientum & Doctorum (esto enim quod non dicatur probabilis ob unius tantum Doctoris suffragium, quod etiamnum pauci docent inter Casuistas), sed & altera sit opinio e diametro opposita, quæ vel a pluribus longe Doctoribus, vel auctoritate majoribus propugnatur, quæ vel etiam validioribus nititur momentis; ita ut inde sit altera probabilior, id enim supponitur in præfata controversia. Quod autem in illo casu opinio non maneat absolute & simpliciter probabili.

babilis, tamen si fulta nonnullorum Sapientum iudicio jam abunde a nobis demonstratum est; ut enim opinio sit probabilis, niti debet fundamento gravi & prudenti: Sed opinio minus probabilis in concursu probabilioris non nititur fundamento gravi & prudenti, nemo enim prudenter iudicare potest licitum esse aliquem contractum, eo quod eum ut licitum approbant nonnulli Casuistae, quando eundem illicitum esse tradunt alii plures & maioris auctoritatis validioribus innixi momentis, & quae ut validiora innocentur operanti; Igitur opinio multorum licet Sapientum suffragio innixa, non remanet absolute & simpliciter probabilis in concursu probabilioris.

Instabis: Illa opinio remanet absolute probabilis, quae ab operante certo cognoscitur non esse falsa: Atqui istaec opinio quae dicitur minus probabilis in concursu probabilioris certo cognoscitur ab operante non esse falsa; siquidem ea opinio certo cognoscitur non esse falsa, quae manifeste intelligitur non adversari Scripturis sacris, traditioni Sanctorum Patrum & Decretis Conciliorum: Atqui haec opinio quae dicitur a Casuistis Probabilissimum propugnantibus minus probabilis intelligitur ab operante non adversari Scripturis sacris, Doctrinae SS. Patrum & Decretis Conciliorum, ut supponitur in praesenti controversia; neque enim ullus ex Probabilistis docuit unquam opinionem esse probabilem, quae ab operante vel minimum cognoscitur contraria aut Scripturis, aut SS. Patribus, aut Conciliis Decretis; Ergo.

Nego min. & ad probat. dist. min. Intelligitur ab operante non adversari Scripturis sacris, Doctrinae SS. Patrum & Decretis Conciliorum; intelligitur, inquam, ex conscientia imprudenti & consequenter erronea, C. ex conscientia prudenti & vera, N. Cum enim nonnulli auctores affirmant eam opinionem quae dicitur minus probabilis non

adversari Scripturis & Traditioni, contrarium vero doceant alii longe plures validioribus innixi momentis & rationibus, ratio prudentiae postulat ut illud ipsum reputetur Scripturis & Traditioni adversum, quod tenet opinio minus probabilis. Siquidem imprudens, nec dicam, temeraria est conscientia, quae dicat aliquid esse licitum, quod quidem illicitum esse longe plura & validiora persuadent momenta, quin potius impossibilis est ejusmodi conscientia quae dicat, v. g. contractum aliquem esse licitum, quando ab ipso operante cognoscuntur maiora urgere momenta seu intrinseca, ut aiunt, seu extrinseca quae persuadent eundem contractum esse licitum & Legi divinae contrarium; non enim possum formare iudicium prudens de honestate actus, quando mihi compertum fuerit post accuratam & diligentem veritatis inquisitionem adesse maiora & urgentiora momenta, quae persuadeant illum actum esse turpem & inhonestum: Atqui in ista hypothese operans videt post accuratam & diligentem veritatis inquisitionem urgentiora momenta ad iudicandum actionem esse illicitam, ut supponimus; Ergo prudenter iudicare non potest ejusmodi esse licitam; vel id si iudicat, caecutiatur necesse est, & agat ex conscientia imprudenti & erronea.

Instabis, tamen si verisimiliter sit hunc contractum esse illicitum, & Legi divinae vel Traditioni contrarium; quia nempe plures auctores docent illum esse illicitum, quem pauciores affirmant esse licitum; tamen istud non est evidens & manifestum; adeoque non est certum: Atqui opinio remanet absolute & simpliciter probabilis, eamque potest quis prudenter sequi ut tutam & licitam, quando non est evidens & manifestum, adeoque non est certum illam esse falsam; Ergo licet verisimiliter sit contractum esse illicitum, potest tamen quis prudenter & licite illum celebrare.

Ne-

Nego min. siquidem opinio probabilis ea est quæ nititur fundamento gravi & prudenti (neque enim ab illa definitione, quæ fundatissima est hac in disputatione, vel latum unguem discedere liceat) atqui licet opinio non cognoscatur evidenter & manifeste ut falsa, non ideo ea nititur fundamento gravi & prudenti, præsertim quando opposita est verisimilior, tunc enim, ut sussistit a nobis jam ostensum est, imprudenter judicatur ut vera, quæ verisimilior est falsa; igitur opinio non remanet absolute probabilis, licet non cognoscatur certo & evidenter esse falsa. Quamobrem cum passim docent adversarii in humanis actionibus nonnisi probabilitatem necessario requiri; id ultro fateamur, modo addit vera & proprie dicta probabilitas: neque enim, ut mox dicitur, exigimus perfectam certitudinem, qua quis sciat suam actionem esse rationi & legi conformem; sed requiritur ea probabilitas quæ sit conspicua & sincera post accuratam veritatis inquisitionem, & probabilitati partis oppositæ absolute præponderet, qualis certe non reperitur in opinione minus probabilis, quando concurrat cum alia probabiliori.

At, inquit, ejusmodi responsio a scopo & præsentis questionis statu longe aberrare videtur: constat enim opinionem non esse probabilem eo præcise quod vel minimum Legi divinæ, aut SS. Patribus, aut Conciliorum Decretis, aut etiam rationi adversatur, id fatentur omnes Probabilistæ; id solum, inquit, materia est opinionum probabilium, quod nec verum nec falsum certo & evidenter cognoscitur, quod nec in Scripturis, nec in Decretis Conciliorum definitum manifeste legitur; sed in utramque partem agitari solet inter Casuistas: quo fit ut operans cognoscat clare & evidenter, judicetque conscientia vera & prudenti, eam partem quam sequitur secundum opinionem mi-

nus probabilem tuta conscientia retinere posse in praxi.

Respondeo nequaquam nos a proposito questionis statu aberrare, cum dicimus opinionem minus probabilem in conflictu probabilioris non esse absolute probabilem; quin potius a veritate vehementer alieni sunt adversarii, qui tenent opinionem minus probabilem in conflictu probabilioris esse probabilem; quæ tamen in rei veritate non est absolute & simpliciter probabilis. Scilicet non sufficit ad fundandam veram alicujus opinionis probabilitatem, quod ejusmodi opinio non cognoscatur manifeste falsa, & Legi divinæ contraria; debet enim præterea, ut supra dictum est, inniti fundamento gravi & prudenti; quod sane non competit opinioni minus probabilis in conflictu probabilioris. Quamobrem argumentum quod proponunt adversarii, verum quidem esset de opinione quæ oppositam non haberet probabiliorē, quia nempe in ea hypothesis quod cognoscere non adversari Scripturis, Patribus & Conciliis, tunc esset probabilis nulla nimirum stante alia opinione probabiliori; sed locum habere non potest, ubi opinio dicitur probabilis in conflictu probabilioris, siquidem id manifeste implicat.

Instabis: Ille non peccat qui ignorat ignorantia inculpabili quid sit eligendum, quid sit agendum: sed qui sequitur opinionem minus probabilem relicta probabiliori, tunc ignorat ignorantia inculpabili quænam pars sit verior altera, quid sit eligendum, quid sit agendum: siquidem ex S. Thoma quæst. 17. de verit. art. 3. ad 4. *Quando error est circa ea quæ quis non tenetur scire, ex sua conscientia absolvitur.* Sed qui sibi proponens duas opiniones oppositas, evidenter cognoscens neutram esse legi contrariam & prohibitam, si errat, certe errat circa ea quæ non tenetur scire; cum enim semel judicaverit utramque opinionem esse legi & recte rationi con-

conformem, non debet ulterius quicquam inquirere; ergo qui sequitur opinionem minus probabilem, perspicue ignorat & quidem ignorantia inculpabili, quænam sit pars potior & verior, & consequenter eatenus non peccat.

Nego min. Siquidem ea ignorantia culpabilis est, quæ facili negotio superari potest: sed ignorantia qua laborat quisquis opinionem sequitur minus probabilem relicta probabiliori, nesciens quænam pars sit altera verior, quænam potius eligenda, facili negotio superari potest, si nempe sincere velit attendere ad momenta quæ pro utraque parte militant; si velit sincero animo veritatem inquirere, prout recta ratio postulat & prudentia; quia profecto tunc videbit eam potius eligendam esse partem, quæ verisimilior est, quæ validioribus nititur momentis, adeoque probabiliorem sequendam relicta minus probabili.

Quod autem dicunt adverteri hominem in illa hypothese errare circa ea quæ scire non tenetur, tam falsum est quam quod falsissimum; quæ enim ex causa homo tenetur ab omni peccato abstinere, & omne peccandi periculum fugere, eadem sane & tenetur sincere veritatem inquirere & ad regulas morum respicere, ut quod licitum vel illicitum, bonum vel malum, tandem judicare possit; ut enim ait doctissimus noster Gersonius in Regul. Morál. Reg. 1. *Ea quæ tibi præcepit Deus cogita semper, quilibet obligatur scire illud absque cujus notitia non potest evitare peccatum.* Quid porro pertinet in materia morum ad ignorantiam, an & quatenus excuset a peccato, paulo uberius infra discutietur.

Obijciat: Si quid virum haberent præfata superius argumenta, ut evinceretur teneri hominem sequi opinionem probabiliorem relicta minus probabili, eadem sane probarent teneri hominem sequi in praxi partem tutiorem relicta minus tuta; quia in uno perque ac

in altero casu nimirum & cum sequitur opinionem minus probabilem, & cum sequitur minus tutam, exponitur periculo peccandi & agendi contra legem Dei: atqui tamen, ut supra dictum est, nemo tenetur sequi opinionem tutiorem relicta minus tuta, sed homo sequi potest licite opinionem minus tutam & rigidam, modo altera pars sit probabilior; ergo.

Nego maj. quia ratio potissima propter quam deum non esse licitum sequi opinionem minus probabilem relicta probabiliori, est, quia id summam arguit in operante imprudentiam & temeritatem: unde sequitur cum non satis caute & provide fugere peccandi periculum, veritatem sedulo & diligenter non inquirere, salutis suæ non satis invigilare, & cætera id genus quæ ex primaria illa ratione veluti derivata pendunt. Quibus positis manifesta est disparitas inter utrumque casum: qui enim sequitur opinionem benignam & minus tutam relicta tutiori & rigidiori, quando post adhibitam sufficientem diligentiam ad inquirendam veritatem, opinio benigna & minus tuta ab eo judicata est probabilior; tunc sane prudenter agere censetur, adeoque & licite; unicuique enim licet exequi quod prudenter judicat sibi licitum esse, unde in illa hypothese neuriquam exponit se peccandi periculo: sed qui sequitur opinionem minus probabilem relicta probabiliori, non modo prudenter non se gerit, sed omnino imprudenter & temere: eatenus enim veritatem non amat, legem contemnit, & manifesto peccandi periculo se exponit, ut centies a nobis dictum est; igitur non est par utrobique ratio inter præfatum utrumque casum.

Obijciat Caramuel in Apologemate num. 283. *Debo eligere probabiliorem; ergo possum eligere minus probabilem.* Probat consequentiam his verbis: *Debo sequi probabiliorem per se: sed pars quæ docet licere sequi minus probabilem, est*

probabilior, cum sit omnium fere Theologorum contra paucos; ergo debet illam sequi. Certe possum, quia possum id quod debet.

Cui argumentum respondemus negando minorem, scilicet negamus partem quæ docet licere sequi opinionem minus probabilem, esse probabiliorē; siquidem, ut manifeste constat ex probationibus superius adductis, hæc nostra sententia quæ docet non esse licitum sequi opinionem minus probabilem relicta probabiliori, est longe altera probabilior, utpote quæ pluribus & validioribus innitur fundamentis, tum ex ipsa ratione, tum ex auctoritate & Patrum & summorum Pontificum & Theologorum petitis.

Obijcies: Subditus & licite potest, & ex officio tenetur sequi opinionem minus probabilem, cum nempe Superiori obtemperat; per sepe enim contingit ut aliquid præcipiat Superior quod subdito ex probabiliori sententia appareat illicitum: sit enim, v.g. Religiosus qui ex propria scientia & opinione sibi probabiliori putet licitum non esse in die festo laborare per duas horas, tenetur tamen Superiori assensum præbere judicanti licitum esse laborare in die festo per duas horas, & revera ei obtemperare: Siquidem ea certa est in moribus atque indubitata regula teneri subditum obedire legitimo Superiori, in iis saltem rebus in quibus manifeste non præcipitur aliquid illicitum; id inter cæteros Patres aperte docet S. Bernardus lib. de præcepto & disp. cap. 9. *Sive enim Deus, inquit, sive homo Vicarius Dei mandatum quodcumque tradiderit; pari profecto obsequendum est cura, pari reverentia deferendum, ubi tamen Deo contraria non præcipiat homo...* Nam de præpositis certum ævenimus ipsius veritatis testimonium, sic loquentis ad ipsos, (*Qui vos spernit, me spernit*). Quamobrem quicquid vice Dei præcipit homo, quod non sit tamen certum displicere Deo, haud secus omni-

no accipiendum est, quam si præcipias Deus. Quid enim interest, utrum per se an per suos ministros, sive homines, sive Angelos hominibus innotescat suum placitum Deus? Sed homines, inquit, facile falli in Dei voluntate de rebus dubiis percipienda & in præcipienda fallere possunt. Sed enim quid hoc refert tua cui conscius non est? præsertim cum teneas de Scripturis (quia labia Sacerdotis custodiunt scientiam & legem ex ore ejus requirunt, quia Angelus Domini exercituum est) Requiritur, dixerim, legem, non quam vel authentica ulla Scriptura tradiderit, vel ratio manifesta probaverit (de hujusmodi quippe nec præceptor expectandus nec prohibitor auscultandus est) sed quod ita latere aut obscurum esse cognoscitur, ut in dubium venire possit, utrumnam Deus sic an aliter forte velit, si non de labiis custodientibus scientiam, & ex ore Angeli Domini exercituum certum reddatur. A quo denique alio divina consilia requiruntur quam ab illo cui credita est dispensatio mysteriorum Dei? Ipsum proinde quem pro Deo habemus, tanquam Deum in his quæ aperte non sunt contra Deum, audire debemus. Igitur interdum homo licite potest sequi opinionem minus probabilem relicta probabiliori.

Dist. ant. Subditus & licite potest, & ex officio tenetur sequi opinionem minus probabilem, cum Superiori obtemperat, in sensu diviso, hoc est, si opinio quæ visa est subdito minus probabilis, ipsi post acceptum a Superiore præceptum appareat probabilior, C. in sensu composito, si nempe hæc opinio etiam post præceptum Superioris adhuc judicetur a subdito minus probabilis, opposita vero probabilior, N. Scilicet contingit nec raro, ut quæ opinio erat minus probabilis subdito ante Superioris præceptum, fiat postea & consequenter ad illius præceptum probabilior, quia nimirum auctoritas Superioris qui vices Dei tenet erga subditum, sufficienter ipsum movet ex regulis obedientie

tiae ad iudicandum id esse licitum, quod antea iudicabatur illicitum; quo quidem in casu poterit subditus sequi opinionem minus probabilem, hoc est, quae erat minus probabilis ante praeceptum Superioris, sed inde neutiquam sequitur subditum sequi posse opinionem minus probabilem ex iudicio practico cognitam ut minus probabilem relicta probabiliori, hoc est, retinendo opinionem suam ac iudicium quo probabilius existimabat rem illam esse contra praeceptum divinum; sic enim certissime peccaret subditus agendo contra conscientiam propriam.

Quamobrem cum a Superiori aliquid praecipitur subdito, quod isti verisimilius apparet illicitum; vel istud illi certo & manifeste constat malum esse & legi contrarium, vel solummodo ex aliqua opinione id iudicat, ut vulgo accidit, cum in dubia quadam materia dissident inter se Doctores Catholici; si primum, profecto Superiori non tenetur obedire, ut fatentur omnes; si secundum, tenetur subditus obedire Superiori, sed & simul debet deponere iudicium quo iudicabat rem illam esse malam, idque propter auctoritatem Superioris, cuius sequi debet mentem & iudicium praesumens eum recta praecipere, qui nempe, ut ait S. Bernardus loco mox citato, vices Dei gerit in suo regimine. Unde sequitur subditum eatenus non sequi opinionem minus probabilem relicta probabiliori; quandoquidem opinio, quae ante praeceptum Superioris erat minus probabilis, evadit postea probabilior.

Atque adeo verum est istam objectionem ab adversariis perperam nobis obtrudi, ut contra in eorum sententiam manifeste labefactetur obedientia Superioribus debita; siquidem subditus hac Probabilistarum doctrina imbutus non tenebitur obedire Superiori praecipienti rem, de qua extant contrariae opiniones probabiles, quia nempe in

eorum principiis potest alterutram opinionem tuto sequi, utpote quae sit absolute & simpliciter probabilis.

Obijcies: Potest Confessarius contra propriam opinionem absolvere poenitentem detentum opinione probabiliori, quam ipse Confessarius minus probabilem iudicat; tunc, inquam, potest ac debet prudenter Confessarius propriam opinionem contemnere & conformare se opinioni poenitentis quam novit esse graviorum Doctorum sententiam; id aperte docent Adrianus Tract. de Confess. q. 5. dub. 7. Navarrus in Manuali cap. 26. Sotus in 4. dist. 18. q. 2. art. 5. Victoria in Summa de Confess. num. 177. & alii. Et ratio est quia injustum foret, v. g. in Confessario, si peculiari opinione credens aliquem contractum esse illicitum, poenitenti denegaret absolutionem, eo quod vellet ejusmodi contractum inire, quem ipse poenitens existimaret esse licitum secundum opinionem longe probabilioram, nimirum ob auctoritatem Doctorum manifeste praeponderantem auctoritati Confessarii, & propter rationes quae citra praecupatum iudicium ei vix sunt urgentiores. Adde quod si in illo casu poenitenti absolutionem denegat Confessarius, necesse erit ut poenitens agat secundum opinionem minus probabilem, videlicet secundum opinionem quae distat illicitum esse praefatum contractum; unde sequitur hominem posse licite sequi opinionem minus probabilem relicta probabiliori.

Respondeo negando majorem, & dico Confessarium nec licite posse nec debere poenitenti absolutionem dare contra propriam opinionem; tum quia generatim loquendo nemo potest agere propria reclamante conscientia; sed in illo casu ageret Confessarius propria reclamante conscientia, opinionem enim poenitentis suae contrariam sequeretur, tum quia Sacerdos tunc agit ut iudex, abso-

absolutio est ad instar actus judicialis quo a Sacerdote velut a Iudice sententia pronuntiatur: Atqui Iudex non debet proferre sententiam juxta opinionem minus probabilem relicta probabiliori; tunc enim ageret secundum opinionem quam judicaret esse falsam, ut ostendimus; igitur licite non potest Confessarius contra propriam opinionem absolvere poenitentem utentem opinione probabili, quam ipse Confessarius iudicat minus probabilem.

Ex iis porro omnibus abunde demonstratis nonnulla confessaria manifeste colligi possunt.

Ac primo quidem sequitur nunquam esse licitum homini sequi in praxi sententiam quantumvis censetur maxime probabilis, quatenus multis innititur rationibus & gravissimum Doctorum auctoritate, statim atque opposita probatior est, quia nempe huc recurrunt momenta omnia quae fusa a nobis deducta sunt; scilicet in illa hypothesis operans deliberate faceret rem malam & illicitam; in hoc suo operandi modo imprudenter omnino se gereret; manifeste ageret contra conscientiam & iudicium practicum evidenter dictans esse prohibitam; humano modo & quantum posse veritatem non inquireret, non sectaretur, & caetera id genus.

Colligitur secundo quid homini agendum sit, cum ipsi proponuntur duae opiniones contrariae aequae probabiles.

1. Enim certum est intellectum necessario manere dubium in eiusmodi occursum duarum opinionum inter se oppositarum aequae probabilium, ut aperte docet S. Thomas quaest. 14. de verit. art. 1. his verbis: *Quandoque intellectus noster non inclinatur magis ad unum quam ad aliud, vel propter defectum movensium, sicut in illis problematibus, de quibus rationes non habemus; propter apparentem aequalitatem eorum quae movent ad utramque partem, & ista est dubitantis dispositio qui fluctuat inter duas*

partes contradictionis. Et ratio est quia nequidem ex imperio voluntatis intellectus assentiri potest uni parti potius quam alteri, quando una pars non est verior altera; intellectus enim nullam habet aliam rationem sui assensus motivam quam veritatem ipsi apparentem: Sed quando proponuntur duae opiniones contrariae aequae probabiles, una non apparet verior altera, ut per se patet; necesse est igitur intellectum manere dubium in occursum duarum opinionum aequae probabilium.

2. Cum ex illis duabus opinionibus oppositis aequae probabilibus una est rigida, favens praecepto, & affirmans aliquid non esse licitum, altera vero benigna indulgens libertati, & affirmans aliquid esse licitum, dico intellectum tunc assentiri non posse opinioni benignae, quia nemo potest eligere opinionem in praxi, nisi formato prius iudicio practico quo iudicet licite se posse talem actionem exercere; ut enim ait Apostolus ad Rom. 8. *Quod non est in fide*, id est, quod non est secundum dictamen conscientiae, *peccatum est*: Atqui homo in occursum duarum opinionum aequae probabilium, sincere & iudicio practico iudicare non potest sibi licitum esse eiusmodi actionem exercere; ergo in occursum duarum opinionum aequae probabilium in praxi eligere non potest opinionem benignam.

Quapropter quivis saluti suae consulens in praefato casu constitutus debet in praxi agere secundum opinionem rigidam, quae affirmat rem esse illicitam, relicta benigniori. Siquidem juxta constantem Juris regulam traditam in cap. *Ad audientiam*, & cap. *Significasti* de homicidio, & cap. *Juvenis* de Sponsalibus, in dubiis tutior pars eligenda: atqui in concursu duarum opinionum aequae probabilium, in dubio proprie suspensus manet intellectus; aliunde vero pars rigidior quae favet praecepto contra libertatem, & quae affirmat rem esse

se illicitam, est longe turior altera benigniori quæ indulget libertati, & affirmat rem esse licitam; Igitur in concursu duarum opinionum æque probabilium homo tenetur sequi opinionem rigidam sæpta benigniori.

Colligitur tertio quam falsum & in moribus periculosum sit eorum systema, qui contendunt aliquam opinionem libertati faventem contra præceptum esse *probabilem*, adeoque tutam in praxi, statim atque unius tantum Doctōris suffragio innititur, quantumvis opposita longe plurium testimonio munita sit, præterquamquod enim homo in illo casu imprudenter & temere agit, sequendo opinionem nequaquam probabilem, ut non semel dictum est; insuper consequens est infinitas prope approbati & introduci laxitates tanquam licitas, quæ tamen vel nominari non possunt inter Christianos: id omne scilicet licitum erit & tutum in praxi, quod unus tenuit Casuista; poterit quisvis mortem patris exoptare ad pereipiendam ejus hæreditatem; poterit actor aut reus occidere Judicem si ab eo iniquamtimeat sententiam; poterit Judex in causa sibi dubia & accipiti ab uno ex litigantibus pecuniam accipere, & cætera id genus vel longe monitrosiora quæ ab uno aut altero e Casuistis tradita sunt. Atque non modo unius Doctōris suffragium non sufficit ad reddendam aliquam opinionem probabilem; sed nec satis est, si eadem opinio quatuor, sex, decem vel viginti Doctōrum calculo munita sit, quando opposita vel majori testium numero, vel urgentioribus stabilitur momentis; quia nempe in his nostris principiis opinio, quæcumque tandem illa sit, definit esse probabilis, cum alia concurrat opposita, quæ operanti apparet probabilior.

An liceat aliquando operari secundum opinionem probabilem.

HActenus atque, ut puto, invictè demonstratum est nemini licitum esse sequi in praxi opinionem minus probabilem in conflictu probabilioris; & in hæc falsa minorum Calculistarum seu Probabilistarum principia valde confutavimus; sed ne quis nos plus æquo rigide perperam sententiæ insimulet, ostendemus id non ita accipiendum esse, quasi non liceat aliquando operari secundum opinionem mere probabilem, & requiratur ut operans certo & firmo judicio omnem excludente formidinem judicet actionem esse honestam.

Extremam hanc sententiam & laxitatis in materia probabilitatis e diametro oppositam tradiderunt superiori sæculo nonnulli recentiores, qui quidem in mitiores Probabilistas crude nimis & acerbè invecti docuerunt ad securitatem conscientie non sufficere ullam opinionem probabilem; ita Joannes Sinnichius libro cui titulus *Saul ex-Rex*, ubi disertè scribit opinari nunquamnon vitiosum esse, nunquamnon inordinatum, nunquamnon nature rationali dissentaneum ac malum... Non licet, inquit, sequi opinionem vel inter probabiles probabilissimam.

Idem sensit Willelmus Wendrokus in notis ad Epistolam quintam e Provincialis, ubi generaliter pronuntiat eum certissime peccare qui contra veram opinionem agit, tamen eam probabilem & opposita probabiliorem existimet; hanc doctrinam duplici potissimum fulcit fundamento, scilicet quia quicquid contra legem Dei est, peccatum est, etiam si ignoretur esse contra legem, & quia ad honestatem actionis requiritur, ut operans judicio certo non probabili tantum judicet illam esse legi conformem. Sed quia primum istius severioris, ut puto, sententiæ fundamentum.

mentum paulo post examinaturi sumus, ubi de ignorantia invincibili & voluntaria instituemus controversiam; nunc paucis de posteriori dicemus, missa in deliberationem questione, an scilicet ad honestatem actionis sufficiat ut pars quæ eligitur ab operante, appareat ipsi probabiliter vera, & opposita probabilior, vel contra requiratur iudicium certum ab omni formidine liberum, & ut ajunt, mathematica & perfecta certitudo, qua sciat actionem esse honestam & legi conformem.

CONCLUSIO.

UT quis licite operetur & sine peccato non requiritur ut perfectam certitudinem habeat de veritate sententiæ quam sequitur; sufficit certitudo moralis, adeoque potest in securitate conscientie sequi opinionem mere probabilem, modo sit opposita probabilior, post accuratam & diligentem veritatis inquisitionem.

Id primum manifeste innuunt Scripturæ sacræ Deuteronomii 17. Judaico populo præcipit Deus, ut iudicium & Sacerdotum sententiam sequatur in dubiis & arduis: *Si difficile & ambiguum apud te iudicium esse perspexeris inter sanguinem & sanguinem, causam & causam, lepram & non lepram, & iudicium inter portas tuas videris verba variari; surge & ascende ad locum quem elegerit Dominus Deus tuus: Veniesque ad Sacerdotes Levitici generis, & ad iudicem qui fuerit illo tempore, quæresque ab eis qui iudicabunt tibi iudicii veritatem. Et facies quodcumque dixerint qui præsumt loco quem elegerit Dominus, & docuerint te juxta legem ejus, sequerisque sententiam eorum.* Porro certum non est hunc locum accipi debere de supremo Ecclesiæ Tribunali, sed intelligi facile potest de privatis Sacerdotibus quorum iudicium non est omnino infallibile; quod tamen quisvis non modo

potest, sed & ex mandato Dei tenetur sequi.

Favet præterea quod passim in iisdem Scripturis legitur aut parum aut nihil oneris esse in observacione legis Evangelicæ, Matth. 11. cap. *Jugum meum suave est, & onus meum leve*; & I. Joan. 5. *Mandata ejus gravia non sunt.* Sed si homo non posset operari secundum opinionem probabilem, nec sufficeret certitudo moralis de honestate actionis, profecto humeris hominum imponeretur onus quod portare non possent, quia non nisi raro occurrit inter agendum in moralibus ejusmodi certitudo mathematica; ergo licitum est sequi opinionem mere probabilem, si post diligentem veritatis inquisitionem appareat operanti verisimilior quam opposita.

Eandem sententiam ultro amplexi sunt celeberrimi Theologi & Casuistæ inhærentes hac in parte vestigiis Sanctorum Patrum, ita D. Thomas 2. 2. q. 70. art. 2. in corpore articuli probat duorum vel trium testimonium assertionem in omni iudicio sufficere: *Respondeo dicendum, inquit, quod secundum Philosophum in primo Ethicorum, certitudo non est similiter querenda in omni materia; in actibus enim humanis, super quibus constituuntur iudicia & exiguntur testimonia, non potest haberi certitudo demonstrativa eo quod sunt circa contingentia & variabilia: Et ideo sufficit probabilis certitudo, quæ ut in pluribus veritatem attingat, & si in paucioribus a veritate deficiat. Est autem probabile quod magis veritatem contineat dictum multorum quam dictum unius.* Idem quodlibeto 8. art. 13. *Si aliquis, inquit, adhibens diligentiam, inquirens an habere plures præbendas sit licitum, nec invenit aliquid quod ipsum moveat ad hoc quod sit illicitum, videtur quod sine peccato plures possit habere præbendas.* Quæ verba, quoniam apertissima sunt, nullæ egent explicatione.

Idem.

Idem docet illustrissimus Gersonius Academicæ Parisiensis Cancellarius Tra. Statu de Præparatione ad Missam, Confid. 3. his verbis: *Si quis opposuerit quod dubitans de aliquo an sit illicitum, & stante dubio illud agens peccat, quia discrimini se scienter obicit.* Respondeo cum Altissiodorensi regulam hanc magicalem intelligendam esse de dubio tali quod est vehemens, & magis aut saltem æque inducit mentem credere quod est mortaliter illicitum, sicut quod est licitum: Secus est, ubi mens plus inclinatur & iudicat quod est licitum quam illicitum; quamvis non habeat usquequaque certitudinem evidentem aut fixam, quia nec hoc ipsum requiritur. Ex quo loco perspicuum est idem sensisse Guillelmum Altissiodorensensem Episcopum.

Et rursus Gersonius idem part. 2. de Contrac. propos. 13. Probabilis certitudo, inquit, sufficit in moralibus, ut non exponat se quis periculo, ut dicunt Doctores de celebrante Missam & similibus, ubi requiritur status gratiæ, quod sufficit probabilis conjectura; quia certitudo alia sine revelatione non habetur, prout in moralibus dicit Aristoteles, sumendam esse certitudinem grosse & figuratim, quæ certitudo non remouet in una parte omnem probabilitatem, vel opinionem alterius partis, licet magis declinet ad istam vel ad aliam, quod sufficit. Ex quibus sequitur non requiri perfectam certitudinem, vel ut ait Cancellarius, usquequaque evidentem aut fixam, quæ cognoscatur quid liceat necne, sed in securitate conscientiæ sufficere certitudinem moralem.

Sequitur S. Antoninus Archiepiscopus Florentinus qui eadem pene verba Gersonii exscribit part. 1. Summæ tit. 3. cap. 10. Notandum, inquit, secundum Cancellarium quod certitudo quæ requiritur in materia morali, non est certitudo evidentiæ, sed probabilis conjectura. Et pro hujus declaratione sciendum quod triplex est certitudo, una supernaturalis,

alia naturalis, tertia civilis seu moralis. tertia certitudo scilicet moralis tangitur una cum precedenti in principio Ethicorum; ubi dicitur quod disciplinatus est in unaquaque re certitudinem querere juxta exigentiam materia: æque enim vitiosum est persuadentem querere mathematicum, & moralem demonstrantem. Non enim conjungitur certitudo moralis ex evidentia demonstrationis, sed ex probabilibus conjecturis grossis & figuratibus magis ad unam partem quam ad aliam se habentibus. Dicitur autem probabile quod pluribus & maxime sapientibus apparet verum. Ex his igitur sequitur quod in humanis agilibus quæ tantam habent varietatem, teste Aristotele & experientia, sufficit talis certitudo quæ non semper scrupulos omnes abiciat, sed sufficit ut contemnat seu superet eos. Ad quod etiam optime facit illud Leonis Papæ dicentis, in his quæ dubia fuerint aut obscura, id noverimus sequendum quod nec præceptis Evangelicis contrarium, nec Decretis Sanctorum Patrum invenitur adversum, dist. 14. cap. Sicut quadam. Ista autem certitudo moralis colligitur ex uno trium modorum, videlicet ex alterius auctoritate; quod pertinet ad incipientes, qui scilicet erudiuntur per alios in doctrinis; & addiscunt, & obediunt, juxta illud Deuter. 14. (Interroga patrem tuum & ammannabit.) Secundus modus est ex propria eruditione quod congruit proficientibus studendo in Scripturis, juxta illud Proverb. 27. (Stude sapientiæ, Fili mi) Tertius modus ex circumspectione circumstantiarum; & hoc quod perfectos. Quibus sane nihil ad rem nostram illustrius afferri potest. Mitto ceteros recentiores qui sententiæ divi Thomæ hac in parte ultro astipulati sunt.

Atque ad hujus veritatis confirmationem accedit indubitata hæc & inconcussa juris regula, Inspiciamus in obsecris quod est verisimilius, vel quod plerumque fieri consuevit. Inde enim manifeste sequitur id absolute permitti ut
lici-

licitum quod pro vero habetur, quod vero similis apparet omnibus mature consideratis & post diligentem veritatis inquisitionem in *obscuris*, adeoque quando perfecta certitudine omnem excludente formidinem non cognoscitur quid sit agendum, quid eligendum, ut scribit Fagnanus jam citatus in suo Tractatu de usu opinionum probabilium ad caput *Ne imitatis*.

Insuper Alexander VIII. Papa anno 1690. 7. Decembris in Congregatione generali sanctæ Romanæ & universalis Inquisitionis damnavit unam ac triginâ propositiones, *tangquam temerarias, scandalosas, & male sonantes, injurias, hæresi proximas, hæresim sapientes, erroneas, schismaticas & hæreticas respective*, quarum tertia ordine est ista: *Non licet sequi opinionem probabilem vel inter probabiles probabilissimam*. Unde sequitur manifeste ex Decreto Alexandri VIII. posse quemvis in praxi & in securitate conscientiæ sequi opinionem mere probabilem, modo sit opposita probabilior, adeoque non requiri perfectam certitudinem vel evidentiam veritatis, quæ sit extra omnem formidinem posita, ut volunt adversarii.

Nec est quod dicatur legitime non inferri ex illius propositionis condemnatione, posse hominem aliquando sequi sententiam faventem libertati adversus legem, quamvis non sit omnino certus de ipsius veritate; in quantum hæc propositio: *Non licet sequi opinionem probabilem vel inter probabiles probabilissimam*, damnata a summo Pontifice non exprimit opinionem minus tutam vel faventem libertati contra legem; proindeque fatis esse, si ex illa censura colligatur hæc affirmativa propositio, *licitum est sequi opinionem probabilissimam quando non pugnat contra legem*. Sed nihilominus ego quidem existimo ex illa summi Pontificis censura recte colligi licitum esse sequi omnem opinionem mere probabilem; quo sensu id

propugnamus, hoc est, licet certo perfecta certitudine non cognoscatur ejusmodi opinionem esse legi conformem; 1. Quia præfata propositio accipi debet in sensu obvio & naturali; sed sensus obviu & naturalis hujus propositionis condemnata, *Non licet sequi opinionem probabilem vel inter probabiles probabilissimam*, manifeste indicat requiri in omnibus actibus humanis certitudinem & evidentiam de honestate actionis, ut per se patet; ergo summus Pontifex hoc sensu censura notavit istam propositionem; 2. Nihil opus erat ut Alexander VIII. declararet licitum esse sequi opinionem probabilissimam, *quando non pugnat contra legem*. Siquidem istud nemo unquam revocavit in dubium; unde præfata censura fuisset omnino inutilis.

Denique & hæc nostra sententia nonnullis rationibus efficacissimis confirmari potest.

Prima ratio est, quia potest quisvis tuta conscientia facere quod prudenter judicat esse licitum; prudentia quippe in Moralibus est prima honestatis regula, quæ vera cum ratione dicat quid sit agendum, quidve fugiendum. Sed qui sequitur opinionem probabilem quam aperte videt opposita probabilior, tametsi certo perfecta certitudine non cognoscat illam esse veram & legi conformem, in illo tamen casu agit prudenter, & prudenter judicat actionem esse licitam; tunc enim prudenter judicat operans aliquam actionem esse licitam, quando post sinceram & accuratam veritatis inquisitionem fortiora & urgentiora ipsi suppetunt momenta ad judicandum illam esse licitam, quam ad judicandum esse illicitam: Atqui in ista hypothefi fortiora & urgentiora operanti suppetunt momenta ad judicandum actionem esse licitam, quam ad judicandum illam esse illicitam; ex hypothefi enim opinio quæ dicat rem esse licitam, est probabili-

babiliior opposita quæ minus est probabilis, & quam operans tunc prudenter contemnere potest, quia comparata cum probabiliori nullius est ponderis, & operans in iisdem videtur positus circumstantiis ac si unica ipsi proponeretur opinio probabilis; ergo prudenter judicare potest ejusmodi actionem esse licitam, adeoque licite sequi potest opinionem mere probabilem.

Secunda ratio est, quia, ut jam diximus, non tenetur homo semper sequi opinionem tutiorem, cum nempe opposita ipsi apparet probabilior, aliter enim qui commisit peccatum mortale, teneretur statim illud in Sacramento Pœnitentiæ confiteri, istud enim longe tutius est; similiter nemo poterit licite plura Beneficia Ecclesiastica simul possidere etiam cum dispensatione summi Pontificis, tutius est enim unicum retinere, & cætera id genus: Atqui, si non licet homini sequi opinionem mere probabilem, donec certus sit perfecta certitudine de veritate istius opinionis, profecto tenetur semper sequi partem tutiorem, nec potest sequi minus tutam, tamen si opposita probabiliorum; plerumque enim homo non est certus ejusmodi certitudine perfecta omnem excludente formidinem de veritate sententiæ benignioris & minus tutæ; ergo licite & tuto conscientia sequi possumus in praxi opinionem mere probabilem, modo sit opposita probabilior.

Tertia ratio est, quia sententia adversariorum scum affert onus nimis grave & supra hominum fragilitatem longe positum; in controversiis enim moralibus, in quibus plerumque dissident inter se Doctores, difficillimum est ac pene impossibile veritatem certo & evidenter cognoscere ea certitudine quæ nullam relinquit in mente formidinem, quia nempe pro utraque parte vicissim militat & validissimæ rationes & plurimorum Doctorum suffi-

gia; quo fit ut nisi liceat in illo ea eligere quod probabilius est, onus imponatur hominibus quod portare non possunt, nec unquam in tuto sit conscientia, certitudinem queritans & non inveniens, quod valde improbavit olim clarissimus noster Gersonius lib. 4. de Vita spirituali lect. 4. coroll. 10. ubi ait: *nimiam in opinionibus rigiditatem plus fidelium animabus nocere quam prodesse.*

Quarta denique ratio est, quia in illa sententia inutile omnino redditur studium Theologiæ moralis, frustra in legendis & examinandis cum Patrum tum recentiorum Caluistarum placitis insudant Doctores: raro enim argumenta poterunt asserre quæ omnibus videri possint certissima & demonstrativa; quapropter in usu positum est apud Caluistas, ut interrogati an aliquid sit licitum vel illicitum, respondeant non semper quod certissimum est, sed quod verissimum ipsis apparet post accuratam & diligentem veritatis inquisitionem. Unde persæpe definiunt licitum esse sequi sententiam minus tutam, quando auctoritate & ratione apparet probabilior, tamen si non sit certa perfecta certitudine omnem excludente formidinem. Præterea hoc ipso omnis consultatio de re controversa est plane inutilis; qui enim Doctores consultat, v. g. an contractus aliquis sit licitus, necne; novit plerumque dissidere super ea re Doctorum sententias, nec prudenter sperare potest fore ut certa sibi reddatur alterutra opinio; unde non querit quid absolute certum sit nullo superstitæ scrupulo, sed quid verissimilius sit; igitur in actibus humanis requiritur non ejusmodi certitudo perfecta, & ut aiunt, mathematica, sed sufficit certitudo moralis.

Obicies: S. Augustinus lib. 6. de Utilitate credendi cap. 11. docet omnem opinionem esse vitiosam: *Tria sunt, inquit, velut finitima sibi inter in animis boni.*

Tom. V.

K

boni.

hominum distinctione dignissima intelligere, credere, opinari: quæ si per se ipsa considerentur, primum semper sine vitio est, secundum aliquando cum vitio, tertium nunquam sine vitio, & paulo post: Quod intelligimus igitur, debemus rationi: quod credimus, auctoritati: quod opinamur, errori: Ergo nemini licet operari qui perfectam non habeat scientiam de veritate sententiarum quam sequitur, nec sufficit certitudo moralis quæ non nisi ad opinionem pertinet.

Dist. ant. Sanctus Augustinus docet omnem opinionem esse vitiosam, si opinio sumatur in malam partem pro errore, C. si sumatur in bonam partem, pro assensu probabili, N. scilicet aliquando apud Augustinum, ut & apud Academicos opinio fovebatur in malam partem, pro eo animi habitu quo quis fallacibus & probabilibus tantum rationibus firmum omnino & formidinis expertem assensum præbet & sic scire se putat quod revera nesciat, quo sensu constat opinionem ab Academicis accipi solitam. Atque non alio sensu vocem opinionis usurpam a Sancto Augustino perspicuum est ex eodem loco, opinari, inquit, duas ob res turpissimum est, quod & discere non potest, qui sibi jam se scire persuasit, si modo illud disci potest, & per se ipsa temeritas non bene affecti animi signum est. Ubi nempe opinari est cum te scire putas quod revera nescias. Paulo ante dixerat: Tria sunt hominum genera profecto improbanda ac detestanda: Unum est opinantium, id est, eorum qui se arbitrantur scire quod nesciunt. Quæ scilicet opinantium temeritas eo nomine culpari debet, quod ab inquirenda veritate homines certo retrahit. Verum in præfatis locis opinionem non accipit Augustinus ad sensum Scholasticorum pro assensu imbecillo seu minus firmo qui ortus sit ex probabilibus tantum momentis; is enim capite sequenti docet debere nos in humana so-

cietate credere quæ sciri non posse confitemur: Quæ enim, inquit, si quod nescitur credendum non est, quomodo serviant parentibus liberi, eosque mutua pietate diligant, quos parentes suos esse non credant, credimus tamen & sine ulla dubitatione credimus quod sciri non posse confitemur multa posunt asserri quibus ostendatur nihil omnino humanæ societatis incolumi remanere, si nihil credere statuerimus, quod non possumus tenere perceptum.

Obijcies: Ille peccat qui actionem suam regulæ ambigæ committit: In hæc enim exponitur periculo peccandi, inquit Cajctanus in summula sua, verbo, opinione uri, & si de peccato mortali agitur, constat esse peccatum mortale, scienter faciens operationem dubiam, an sit mortalis: Quoniam talis operans maluit implere voluntatem suam tali opere, etiamsi sit mortale, quam abstinere ab illo, ac proinde præfert divina amicitia opus illud non curando, si contingat perdere divinam amicitiam ex illo. Sed qui sequitur opinionem mere probabilem, non certus absolute de veritate hujus opinionis, actionem suam committit regulæ ambigæ, quia opinio semper admixtam habet aliquam dubitationem de malitia operis; ergo peccat qui sequitur opinionem mere probabilem; proindeque ad honestatem actionis perfecta & mathematica requiritur certitudo.

Dist. min. qui sequitur opinionem mere probabilem, quæ sit plane dubia & incerta, tunc actionem suam regulæ ambigæ committit, C. si ejusmodi opinio non sit omnino dubia & incerta, N. scilicet opinio quæ perfectæ certitudini opponitur, duplex esse intelligitur, alia quæ imperfecta est & hominem reddit valde dubium & incertum, ut quando vel nihil vel parum est opposita probabilior; tunc enim, ut supra diximus, intellectus manet dubius & anceps inter duas sen-

ten-

tentias, plane nescius examinatis utriusque partis rationibus & momentis quid sit agendum, quidve fugiendum; alia autem est opinio quæ longe magis est perfecta, quatenus assensum non quidem scientificum, sed tamen fixum & determinatum secum importat, ut quando est opposita longe probabilior. Cum porro dicimus hominem tuta conscientia sequi posse opinionem mere probabilem, id intelligimus de opinione posteriori sensu accepta, quæ nempe nulla ambiguitate, hæsitatione & dubitatione de malitia operis habet admixtam, quod quidem dubio procul evenit, quotiescunque operans videt momenta longe fortiora, & majorem stare auctoritatem pro una parte quam pro alia, quia propter hunc insignem probabilitatis excessum parti verisimiliori adhæret fixo quodam & determinato assensu, non scientifico quidem, sed proprie opinativo, non omnem excludente formidinem, sed omnem dubitationem & hæsitationem.

Sicilicet ut optime observat: Gabriel Valquez. 1. 2. disp. 62. cap. 5. dubitatio & formido confundi non debent: Dubitare enim, & hæsitare est perdere intellectum in utramque partem contradictionis, & nulli illarum determinate assensum præbere, quia in nulla illarum apparet convenientia prædicti cum objecto, cum hæc autem hæsitatio non licet operari. Formido vero unius partis non excludit assensum determinatum alterius, sed formido in eo tantum postea est, ut aliquis per actum reflexum judicet, rationes illius partis cuius habet assensum, non esse evidentes, sed tantum probabiles: & ideo puer fieri posse ut reipsa pars opposita vera sit, cum tamen rationes id non offendant. Cum igitur hæc formido etiam expressa unius partis non excludat assensum determinatum alterius partis, & cum quovis assensu probabilis, qui non attingit evidentiam, formido esse possit; sequitur cum hæc formi-

dine posse quemlibet operari. Ex quibus perspicuum est cum regulæ ambiguae suam actionem semper non committere qui secundum opinionem probabilem operatur, quia scilicet opinio nullam plerumque includit dubitationem de malitia operis; sed solummodo aliquam formidinem, hoc est actum quemdam mentis reflexum, quo judicet rationes quæ pro ejusmodi sententia militant, non esse invictas, nec perfectam ingenerare certitudinem, qualis obtinetur vel per fidem divinam, vel per demonstrationem; hic enim assensus quantumvis opinativus, est tamen fixus & determinatus.

Idem aperte sensit D. Thomas, ut colligitur ex loco jam citato ex quodlibet. 8. art. 13. ubi sic loquitur: *Tunc distinguendum est quia aut talis habet conscientiam de contrario, & sic iterum peccat contra conscientiam faciens, quatenus non contra legem; aut non habet conscientiam de contrario, sed certitudinem, sed tamen in quodam dubitationem inducitur contrarietate opinionum; & sic si manente dubitatione plures Præbendas habet, periculo se committit; & sic procul dubio peccat, utpote magis amans Beneficium temporale quam propriam solutem; aut ex contrariis opinionibus in nulla dubitationem adducitur, & sic non committit se discrimini nec peccat. Ubi manifeste scribit S. Doctor hominem aliquando ex contrarietate opinionum in dubitationem induci, aliquando vero non induci, & peccare quando agit dubitando, non peccare autem quando citra ullam dubitationem operatur.*

Atque in hunc plane sensum intelligi debere Cajetanum satis ipse indicat verbis sequentibus: Et hoc, inquit, intellige de opinione proprie dicta quæ est cum formidine alterius partis; non enim propterea aliquid opinione tenetur, quia diversi auctores contraria sentiunt; quoniam cum hujusmodi contrarietate fiat,

quod una pars sit ratione sufficiente ad moralem certitudinem fulta, & jam non est opinio apud capientes rationem illam. Sed quia nesciunt multi discernere inter certitudinem moralem & mathematicam, omnia quodammodo locant sub opinionibus. Ubi Cajetanus postulat tantum ad honestatem actionis certitudinem moralem, non mathematicam; adeoque excludit solum opinionem quæ ambiguitatem & dubitationem de malitia operis admixtam habeat; siquidem altera species opinionis quæ probabilissima est, aut saltem opposita longe probabilior, certitudinem moralem secum importat.

Cajetano consentiunt Doctor Navarrus in Comment. ad cap. Si quis ausum, de Pœnit. dist. 7. coroll. 10 his verbis: *Inferimus eum non peccare ratione dubietatis qui de duabus opinionibus alteram eligit, eo quod bona fide credis esse veram, hujusmodi enim homini res illa non dubia est. Nam dubitare dicitur ille, cujus animus se applicat ad diversa & neutrum eligit.* S. Antoninus loco superius citato; Gabriel in 4. dist. 16. qu. 3. art. 1. ubi refert verba Gersonii a nobis jam adducta; item Fagnanus plerisque alios hac in parte secutus Canonistas, quos laudat in hoc suo Tractatu de opinionum probabilitate, & ceteri pene omnes Theologi & Canonistæ.

Initabis: Tunc homo interagendum vere dubitat & fluctuat, quando adjunctam habet suspensionem partis oppositæ: sed qui sequitur unam partem faventem libertati contra præceptum, operans ex judicio mere opinativo, tunc adjunctam habet suspensionem partis oppositæ; qui judicat, v. g. judicio mere opinativo aliquem contractum esse licitum, quando illicitum esse innuere videtur lex ipsa, & docent multi gravissimi Doctores; tunc certe patitur aliquem scrupulum & suspensionem partis oppositæ; quantumvis enim ju-

dicet secundum opinionem probabilioris contractum esse licitum, simul tamen judicat illum *forſitan* esse illicitum, quod est dubitantis & fluctuantis. Neminem porro licite operari posse in tali circumstantia constat inter omnes; qui enim ejusmodi scrupulosa & formidolosa conscientia laborat, prudenter judicare non potest rem illam esse licitam, quæ nempe gravibus fundamentis existimatur illicita, unde prius deponere debet scrupulum, ut certus sit de honestate actionis; ergo qui sequitur opinionem mere probabilem, vere dubitat de honestate suæ actionis.

Nego min. Si nempe id intelligatur de opinione quæ sit opposita probabilior, ejusque momenta sint oppositæ momentis urgentiora, ut movere possit virum prudentem, quemadmodum contingit in præſenti casu, quo nempe exulat omnis dubitatio, omnis partis oppositæ suspicio, quia dubitatio propriè solum reperitur quandiu intellectus plane anceps nescit quam partem eligat; dubitatio enim importat suspensionem judicii: *Dubitare*, inquit Navarrus, *dicitur ille cujus animus se applicat ad diversa & neutrum eligit.* Sed in hoc casu qui sequitur opinionem mere probabilem, dubius non est quam partem amplectatur, neutram eligens; fixo enim & determinato judicio sequitur eam partem quæ ob momenta validiora ipsi apparet probabilior, idque judicat prudenter, non temere, ut a nobis ostensum est; Igitur, &c.

Quocirca qui sic operatur ex judicio opinativo, neutiquam dicit *forſitan* esse illicitum quod judicat ex opinione probabiliori esse licitum, hoc enim esset dubitantis; sed certo certitudine saltem morali affirmat rem esse licitam; ita ut apprehendat solum rationes quoddam leves quæ militent pro inhonestate actionis, quas rationes prudenter contemnit formans conscientiam rectam

de honestate actionis ; unde sequitur rem proprie non esse dubiam, adeoque licitam esse operari in tali circumstantia ; ut enim ait S. Antoninus loco jam citato : *Qui agit scienter id de quo dubitas esse mortale permanente dubitatione peccat mortaliter, etiamsi illud in se non esset mortale sumendo stricte & proprie dubitationem Sed si dubites leviter quis & per modum scrupuli, sicut dubitat vel formidat habens opinionem de aliquo, quia ita inheret ipsi sententia, ut formidet de opposito : sic agendo contra tale dubium non peccat, dum adhaeret opinioni alienius Doctoris, & habet rationes probabiles pro ipsa magis quam pro opposita opinione, etiamsi opinio quam tenet non esset vera.*

De voluntate morali :

Voluntas est facultas animæ rationalis per quam fertur in bonum vel malum ex prævia cognitione intellectus. Dicitur aliter appetitus rationalis seu spiritalis, quia pro objecto habet bonum spiritale, ut distinguatur ab appetitu materiali & sentiente qui habet duntaxat pro objecto bonum sensibile.

Voluntas hic dicitur moralis, quia est principium omnium actuum humanorum, in genere scilicet principii imperantis ; quemadmodum intellectus est principium eorumdem actuum per modum facultatis dirigentis ; sola enim voluntas movet alias facultates cum jure & dominio ; unde dicitur facultas principis sui & aliarum domina in supposito.

Quærent Philosophi utrum & quomodo in omnes hominis facultates imperium exercet voluntas.

Supponunt 1. imperium facultatis in facultatem, nihil aliud esse quam actionem per quam facultas movet facultatem ad agendum. Est autem imperium duplex, scilicet politicum seu civile, &

despoticum seu herile ; Imperium politicum seu civile illud est cui facultas potest obistere ; despoticum vero seu herile cui facultas resistere non potest. Utrumque illud imperium duplex, scilicet directum & indirectum : Directum illud est quod ab aliquo exercetur immediate in alium, quale est imperium quod herus exercet in servos ; indirectum vero illud est quod in aliquem exercetur mediante alio, quale est imperium quod exercet aliquis in servos amicos.

Supponunt 2. voluntatem comparari posse cum facultatibus triplicis generis, nempe cum facultatibus animæ rationalis, intellectus & voluntate ipsa, cum facultatibus animæ sentientis, quæ sunt imaginatio, appetitus sensitivus & vis motrix, & cum facultatibus animæ vegetativæ, quæ quidem tres distinguuntur, nempe nutritiva, augmentativa & generativa : Quibus positis sic præstare questioni respondent.

Primo, voluntas imperat intellectui directe, sed politice tantum : directe quidem, quia illi per se proxime & immediate imperat ; politice vero, quia intellectus sæpe resistit voluntatis imperio, quando nempe propriis cogitationibus ita occupatur, ut ab iis avocanti voluntati non obsequatur ; ergo voluntas imperat intellectui directe & politice.

Secundo, voluntas sibi ipsi imperat despoticè ; siquidem imperium despoticum illud est cui non resistitur : Aequi voluntas sibi imperanti non resistit, quando, v. g. elicit actus amoris & odii ; ejusmodi enim actus sunt a voluntate quoties vult ipsa voluntas, & non sunt quoties non vult ; igitur voluntas sibi ipsi imperat despoticè.

Tertio, voluntas imperat politice tantum imaginationi & appetitui sensitivo ; imaginationi quidem, quia per sæpe voluntati resistit imaginatio ; quando nimirum contra ejus imperium quorundam objectorum cogitatione patiuntur ; tum vero & appetitui sensitivo qui volun-

voluntati nonnunquam resistit, ut docet experientia; aliquando enim ejus motus coercemus, aliquando non coercemus; sunt illi motus in nobis vel invitis, ut testatur Apostolus: *Sentio, inquit, legem in membris repugnantem legi mentis*; ergo voluntas imperat politice tantum imaginationi & appetitui sensitivo.

Quarto, si sermo sit de vi motrice, loquendum est cum distinctione; est enim aliqua vis motrix cui voluntas imperat despoticè, qualis est vis motrix lingue vel manus; est alia vis motrix cui voluntas nullo modo imperat, qualis est vix motrix cordis & arteriarum; denique est alia vis motrix quæ voluntati partim obsequitur, partim non obsequitur, ut vis motrix pulmonum.

Denique voluntas non imperat facultatibus animæ vegetativæ; non est enim in nostra potestate positum, ut mediante cibo partes corporis crescant & nutriantur, nisi indirecte, quatenus potest voluntas beneficio virtutis motricis alimenta subtrahere vel ministrare; igitur, &c.

Porro voluntas quæ, ut mox dictum est, movet intellectum, movetur & ipsa ab eodem intellectu; ea quippe facultas movetur ab intellectu, quæ in omnibus suis actibus dirigitur ab intellectu: Sed voluntas in omnibus suis actibus dirigitur ab intellectu; est enim per se facultas omnino cæca, &c. ut aiunt, ignoti nulla cupido; Igitur voluntas movetur ab intellectu.

Atque id intelligendum est de motione quæ sit tum ad speciem tum ad exercitium. Ac primo intellectus movet voluntatem quoad speciem; siquidem movere voluntatem quoad speciem, est voluntatem excitare ad actum hujus speciei potius quam alterius; atqui intellectus excitat voluntatem ad actum unius speciei potius quam alterius, ad actum amoris potius quam odii, excitat enim ad actum amoris proposita ratione boni jucundi aut honesti, excitat vero ad actum odii

proposita ratione mali; ergo intellectus movet voluntatem quoad speciem. Secundo, intellectus movet voluntatem quoad exercitium; quia movere voluntatem quoad exercitium, est voluntatem excitare ad agendum hic & nunc, vel non agendum. Atqui intellectus voluntatem excitat ad agendum hic & nunc, vel non agendum, scilicet per representationem objecti, quia determinatur voluntas ad amandum hic & nunc, vel odio habendum; ergo intellectus movet voluntatem etiam quoad exercitium.

Quod si quaeratur per quam actionem intellectus seu mens moralis moveat voluntatem.

Respondeo 1. multiplicem distingui posse actionem intellectus. Prima est simplex objecti apprehensio sine ulla ratione boni & mali ipsi affecta, ut si quis apprehendat Deum præcise. Secunda est apprehensio complexa objecti, sub aliqua nemperatione boni aut mali, ut, v.g. si quis apprehendat Deum ut summum hominis bonum. Tertia est judicium speculativum, quo mens affirmat vel negat aliquid esse bonum vel malum sine ordine ad praxim, ut si quis judicet Deum esse summum hominis bonum sine ulla intentione illum colendi. Quarta est judicium practicum generale, quo intellectus judicat in communi aliquid esse agendum, ut si quis, v.g. judicet Deum esse colendum. Quinta est judicium practicum particulare, sed hypotheticum, quo mens judicat hic & nunc aliquid esse agendum vel non agendum habita ratione hujus vel illius finis, ut si quis, v.g. judicet Deum hic & nunc esse colendum, ex eo quod sit vita æterna. Sexta denum est judicium practice practicum, quo mens judicat hic & nunc absolute & simpliciter aliquid esse agendum vel non agendum; quibus præmissis.

Respondeo 2. mentem moralem non movere voluntatem per simplicem apprehensionem, sed per alias præfatas actio-

actiones: non quidem per simplicem apprehensionem, siquidem illa actio non movet voluntatem, quæ non repræsentat objectum motivum voluntatis: Atqui simplex apprehensio non repræsentat objectum motivum voluntatis, nempe rationem boni & mali; ergo simplex apprehensio rei non movet voluntatem ad agendum. Sed ceteri actus mentis morales movere possunt voluntatem; siquidem proprium voluntatis motivum objectum ipsi repræsentant.

Atque id præsertim verum est de ultimo judicio præctice practico quod voluntas semper sequitur; sic enim ultimum dicitur; quia nullum aliud subsequitur per quod voluntas sese ad agendum vel non agendum determinet; dicitur vero practice practicum, quia semper executioni demandatur; unde qui videt meliora & deteriora sequitur eatenus non agit secundum suum judicium speculativum, sed agit secundum suum ultimum judicium præctice practicum. An porro judicium sit actus intellectus vel voluntatis, hic solum inquirere nostri non est instituti; id remittimus ad Philosophos.

De voluntario & involuntario.

Voluntarium est illud quod fit a principio interno cognoscente singula in quibus est actio. Dicitur a principio interno, id est, a voluntate, in quo voluntarium differt a violento quod fit a principio externo; dicitur cognoscente singula in quibus est actio, hoc est, objectum, finem & circumstantias; in quo voluntarium differt a spontaneo, quia spontaneum etiam belluis ratione destitutis tribui solet, non autem voluntarium.

Voluntarium duplex est, scilicet imperans & imperatum: imperans illud est quod a voluntate immediate elicitur, qualis est actus amoris vel odii; voluntarium imperatum illud est quod per aliam facultatem

exercetur, qualis est deambulatio, quæ fit inclinatione voluntatis.

Voluntarium iterum duplex, scilicet voluntarium simpliciter seu purum, & voluntarium secundum quid seu mixtum: Voluntarium simpliciter illud est quod fit ex plena & perfecta inclinatione voluntatis, ita ut nullam admixtam habeat repugnantiam; Voluntarium secundum quid seu mixtum, est illud quod fit quidem ex voluntatis inclinatione, sed cum aliqua repugnantia, qualis est projectio mercium in mare facta metu naufragii.

Voluntario opponitur involuntarium, & tale est negative vel positive: Involuntarium negative, quod non fit secundum voluntatis inclinationem, quod positive non est volitum, ut locutio hominis dormientis; involuntarium positive est id quod fit a principio externo contra inclinationem voluntatis, ut conjectio hominis renitentis in carcerem. Involuntarium invitum & coactum idem plane sunt: involuntarium vero & violentum in eo differunt quod involuntarium non tribuatur nisi agentibus cognitione præditis, violentum autem tribuatur & agentibus inanimatis; unde motus lapidis sursum projecti dicitur violentus.

Cum porro aliquid sit involuntarium quatuor ex causis, per vim scilicet, ex metu, per concupiscentiam, & per ignorantiam, de his singulis agendum breviter; ita ut tamen de ignorantia quoad postulat institutum nostrum & pro more Theologorum solum a nobis dicatur.

De involuntario per vim.

Questio hic primum proponitur, utrum vis inferri possit voluntati, seu utrum voluntas cogi possit.

Certum est primo voluntatem cogi posse ad actus imperatos, hoc est, ad actus

actus qui exercentur immediate ab alia facultate quam a voluntate, qualis est motio pedis & manus: experientia enim constat vim inferri posse brachio, v.g. ut contra inclinationem voluntatis feratur in hanc vel illam partem, quo sensu quæ sunt per vim dicuntur involuntaria.

Certum est secundo actus imperantes, hoc est elicitos ab ipsa voluntate & ipsi interiores cogi posse secundum quid & sub aliqua ratione; illud quippe coactum est secundum quid, quod est contra aliquam voluntatis inclinationem: Sed per sepe actus imperantes sunt contra aliquam voluntatis inclinationem, qualis est, v. g. actus voluntatis quo vult mercator projicere mores in mare metu naufragii; ergo voluntas cogi potest secundum quid ad actus imperantes.

Verum dicimus voluntatem cogi non posse simpliciter ad actus elicitos & imperantes. Ratio est quia illud non potest esse coactum simpliciter, quod non potest esse contra omnem voluntatis inclinationem: Arqui actus imperantes voluntatis non possunt esse contra omnem voluntatis inclinationem: actus enim elicitus & imperans eo ipso quod fit est secundum voluntatis inclinationem, saltem magis præcipuam & efficacem, est enim volitus; ergo voluntas cogi non potest simpliciter quoad actus sibi proprios, interiores, & elicitos.

Nec est quod dicatur Deum utpote rerum omnium adeoque & voluntatis nostræ Dominum potentissimum movere posse voluntatem nolentem & invitam, ut contra suam inclinationem magis præcipuam agat; sicut contigit S. Paulo, cum ex inimico Ecclesiæ Christi factus est repente ejusdem Doctor. In eo quippe actus voluntatis non dicitur proprie coactus, quia per gratiam Dei ita immutata fuit voluntas divi Pauli, ut volens non invitatus pergeret ad prædicationem Evangelii; Deus potro tametsi

potentissimus nunquam efficiet quod impossibile est, id enim implicat; sed cogere voluntatem quoad actus elicitos & imperantes manifestam involvit repugnantiam; tunc enim voluntas vellet & non vellet, vellet nolens.

De involuntario ex metu.

Quæ sunt ex metu sunt partim voluntaria & partim involuntaria: illud quippe est partim voluntarium & partim involuntarium, quod simul est juxta voluntatis inclinationem, & cum aliqua voluntatis repugnantia: Sed quæ sunt ex metu simul sunt juxta voluntatis inclinationem, & cum aliqua ejusdem voluntatis repugnantia: mercator enim, v. g. vult projicere merces in mare, ut viæ sue consulat; adeoque juxta inclinationem voluntatis & quidem magis præcipuam fit ejusmodi projectio, sed tamen cum repugnantia: vellet enim si posset merces non projicere; igitur quæ sunt ex metu sunt partim voluntaria & partim involuntaria.

Sed meo quidem judicio quæ sunt ex metu gravi, absolute & simpliciter censerentur involuntaria; quæ enim sunt ex metu gravi, sunt reluctante voluntate; ita ut non fierent sublato metu; unde contractus ex gravi metu initii non sunt validi, sed per Principum Edicta & Canones Ecclesiæ irritantur.

De involuntario per concupiscentiam.

Nomine concupiscentiæ hic intelligitur vehementior motus appetitus sensitivi circa bonum vel malum sensibile: & duplex distinguitur videlicet antecedens & consequens. Concupiscentia antecedens ea est quæ antecedit liberum voluntatis consensum, & dicitur motus primo primus; concupiscentia consequens ea est quæ sequitur liberum & de-

& deliberatum voluntatis consensum. Deinde concupiscentia antecedens non solum aliquando voluntatis consensum, sed ipsum etiam rationis ulum ita advertit, ut advertentiam rationis impediatur; aliquando vero non impediatur: quibus positis,

Dico primo ea omnino voluntaria esse quæ sunt ex concupiscentia consequente: illud quippe voluntarium est quod fit ex cognitione mentis & inclinatione voluntatis; sed quæ sunt ex concupiscentia consequente, sunt ex cognitione mentis & inclinatione voluntatis: concupiscentia enim ejusmodi nec tollit, nec minuit, sed augeat voluntarium.

Dico secundo quæ sunt ex concupiscentia etiam antecedente esse voluntaria: nam illud est voluntarium quod fit a principio interno cognoscente singula in quibus est actio: Sed quæ sunt ex concupiscentia etiam antecedente, sunt a principio interno cognoscente singula in quibus est actio: sunt enim ab ipsa voluntate eliciente actum sine ulla repugnantia, & a principio cognoscente singula; concupiscentia enim non tollit cognitionem, attentionem, modo non sit concupiscentia antecedens illius generis, quæ ut diximus, advertentiam rationis impedit; Ergo.

De involuntario per ignorantiam.

Ignorantia proprie confundi non debet cum simplici nescientia rei quam scire non tenemur, qualis est ignorantia Jurisprudentiæ in puero vel in rustico; sed accipi debet solum pro ignorantia rei quam scire debemus, qualis est ignorantia Juris in Judice; de hac utraque sic loquitur S. Thomas in 2. dist. 44. art. 6. in corp. Ignorantia aliquo modo in natura integra inveniri potest, non secundum quod ignorantia dicitur privative, sed secundum quod dicitur negative.

Tom. V.

Alia porro est ignorantia facti, alia ignorantia Juris: prior est quando ignoratur factum, posterior quando quis ignorat legem: hæc diversa est pro diversitate legum; alia etenim est ignorantia juris naturalis, hoc est in corde cujuslibet a natura inscripti; alia vero juris positivi, hoc est ab aliquo legislatore latæ.

Ignorantia facti dividitur in antecedentem, concomitantem & subsequentem. Antecedens ea est quæ nec directe nec indirecte volita est, estque causa facti, qualis est ignorantia ejus qui amicum occidit putans se occidere feram. Concomitans ea est quæ nec volita est nec causa facti, talis est ignorantia in eo qui occidit inimicum putans se occidere feram; quæ quidem ignorantia est causa facti, si enim cognovisset inimicum ibi delitescere, ipsum adhuc occidisset, ut supponitur. Ignorantia subsequens vel consequens ea est quæ volita est directe & explicitè in se, vel implicitè & indirectè in alio; estque aliquando causa facti, & aliquando non est; quia cum quispiam vult ignorare quod potest & tenetur scire, ita est aliquando affectus, ut sublata ignorantia facturus non fuisset quod fecit; aliquando vero ita affectus est, ut sublata ignorantia adhuc fecisset quod fecit; ubi notatu dignum est ignorantiam quæ dicitur antecedens esse antecedentem, tum respectu voluntatis quia præcedit omnem voluntatis actum, tum respectu operis, quia causa est cur opus sequatur: Ignorantiam vero nullam dici concomitantem respectu voluntatis, sed tantum respectu operis, quia concomitatur tantum opus, nec directe vel indirectè volita est: denique ignorantiam quæ consequens dicitur esse consequentem respectu voluntatis, quia volita est directe vel indirectè, & non esse consequentem respectu operis; est enim causa operis: quibus positis.

Dico 1. ea non esse voluntaria quæ
L. sunt

sunt ex ignorantia antecedente & concomitante: siquidem illud non est voluntarium, quod non sit a principio interno cognoscente singula in quibus est actio: Sed quæ sunt ex ignorantia antecedente & concomitante, non sunt a principio interno cognoscente singula in quibus est actio, ut per se patet; igitur ea non sunt voluntaria quæ sunt ex ignorantia antecedente & concomitante. Atque hinc patet ejusmodi ignorantiam excusare a peccato: nam illa ignorantia excusat a peccato quæ tollit in actione rationem voluntatis: Sed ignorantia tum antecedens tum concomitans tollit in actione rationem voluntatis; ergo excusat a peccato.

Dico 2. ea voluntaria esse quæ sunt ex ignorantia consequente: nam illud censetur voluntarium quod sit a principio interno cognoscente singula in quibus est actio: Atqui factum ex ignorantia consequente proficitur a principio cognoscente singula in quibus est actio; sit enim actio cum cognitione intellectus, ubi ignorantia est voluntaria & vincibilis: sed ignorantia consequens est voluntaria & vincibilis; igitur quæ sunt ex ignorantia consequente, sunt voluntaria. De his autem plura apud Philosophos.

Insuper ignorantia dividitur in vincibilem & invincibilem: Vincibilis ea est quæ adhibita morali diligentia superari potuit; invincibilis contra quæ morali diligentia superari non potuit. Ignorantia vincibilis duplex est, nimirum affectata quæ est expresse & directe volita, qualis est in eo qui noluit intelligere ne bene intelligeret, sed voluit expresse non cognoscere legem; & minime affectata quæ non nisi indirecte & in alio volita est, qualis est in eo qui ex sola discendi negligentia legem ignorat.

Hic porro nonnullæ veniunt pertractandæ quæstiones maximi ponderis, quæque non ita pridem summo cum

æstu a Theologis agitatae fuerint. Quæritur 1. utrum ignorantia invincibilis, si sit juris naturalis, excuset a peccato; 2. utrum detur ejusmodi ignorantia juris naturalis, quæ merito dici possit invincibilis; 3. utrum ignorantia juris positivi, si sit invincibilis, excuset a peccato; 4. utrum ignorantia per se formaliter sit peccatum.

Utrum juris naturalis ignorantia invincibilis excuset a peccato.

Certum est ignorantiam quæ vel in se vel in causa sua voluntaria est voluntate scilicet propria agentis, quæ proinde est vincibilis, non excusare a peccato: legitur enim per sæpe in Scripturis actiones humanas ex ignorantia factas, esse peccata, ob id passim redarguuntur, vel etiam nonnunquam plebuntur, statuntur sacrificia pro illis qui ex oblivione & ignorantia peccaverunt, offerenda; tum vero SS. Patres identidem in eos insurgunt qui in suorum delictorum excusationem adducebant ignorantiam: *Quiescant*, inquit S. August. lib. 3. de lib. arbit. c. 19. *Q' adversus Deum murmurare desistant, recte enim fortasse querrentur, si erroris & libidinis nullus hominum victor existeret...* Quæstio itaque est solummodo de iis quæ sunt ex ignorantia omnino invincibili.

Dari quandam ignorantiam invincibilem, quæ tamen operantem non eximat a peccato, docet aperte Jansenius lib. 2. de statu naturæ lapsæ, cap. 2. ubi præmissa divisione ignorantie in vincibilem & invincibilem sic habet: *Hic igitur primo queri potest, utrum aliqua sit ignorantia invincibilis juxta doctrinam Augustini, quæ tamen non excuset actum qui inde sequitur a peccato; generale namque videtur Scholasticorum promissum esse, quod quicquid ex invincibili sit ignorantia, hoc ipso culpa vacat. Quæ sane doctrina quamvis* bu-

humana rationi qua nititur, valde plausibilis esse videatur, difficile tamen est eam cum Augustini doctrina conciliare, quam contra Pelagianos constanter asseruit.

Id porro non nisi de ignorantia juris naturalis intelligere Janlenium, satis ipse ibidem declarat, confiteretur enim ignorantiam invincibilem juris positivi hominem eximere a peccato.

Nos vero qui proxime sequenti disputatione cum S. Thoma & aliis fere omnibus Theologis dicturi sumus, non dari ignorantiam invincibilem juris naturalis, nisi quoad nonnullas remotissimas conclusiones; quia nempe jus naturale & quoad prima principia & quoad conclusiones ex iis proxime sequentes, intimis conscientiae penetralibus nullo humano magisterio, sed ipsius Dei creatis beneficio insculpitur, in antecessum ostendimus omnem ignorantiam, modo sit invincibilis, & eo quod est invincibilis, excusare a peccato.

CONCLUSIO.

Quaecunque ignorantia invincibilis vel etiam juris naturalis hominem eximit a culpa.

Id primum ostendi potest ex Scripturis. Apostolus ad Rom. 1. expresse docet, Eos esse inexcusabiles, quia cum cognovissent Deum, non sicut Deum glorificaverunt, aut gratias egerunt, sed evanuerunt in cogitationibus suis, & obscuratum est insipiens cor eorum. Propter quod tradidit illos Deus in desideria cordis eorum, in immunditiam ut contumeliis afficiant corpora sua in semetipsis, &c. Ubi Apostolus ait ea ex causa Gentiles fuisse inexcusabiles, quando Deum non glorificaverunt, quod illi prius cognoverant, manifeste supponens peccaturos non fuisse, si Deum ignorasset, saltem ignorantia invincibili; unde merito colligitur principium Apostoli cum ab omni peccato immu-

nem esse, qui ex praecedente ignorantia operatur, si ea saltem ignorantia sit invincibilis, ut egregie observat Sanctus Thomas in hunc divi Pauli locum lect. 7. Considerandum est, inquit, quod tunc ignorantia culpam excusat, quando sic & praecedit & causat culpam quod non causatur a culpa; sicut cum aliquis adhibita diligentia debita, dum credis percutere hostem, percutis patrem. Si vero ignorantia causetur ex culpa, non potest subsequentem culpam ignorantia excusare. Unde si quis per ebrietatem homicidium committit, non excusatur a culpa, quia peccavit se inebriando. Unde secundum Philosophum meretur duplices multationes. Primo igitur proponit quod intendit dicens, ita quod est Dei, notum est eis, ut sint inexcusabiles, id est ut per ignorantiam excusari non possint, Jacobi 4. scienti bonum & non operanti, peccatum est illi.

Probat utique & nostram conclusionem locus iste ex Epistola Jacobi de promptus quem in medium adducit divus Thomas: si enim peccatum esse dicatur illi qui sciens bonum non operatur, is contra videtur ab omni peccato immunis, qui agit ex ignorantia quam nulla depellere potuit diligentia, nullo studio.

Favent nonnulla Scripturae loca, in quibus jugum Christianum suave dicitur, & mandata levia, Matthaei 11. Jugum meum suave est, & onus meum leve, inquit Christus Dominus; & Jo. Epist. 1. c. 5. Mandata ejus gravia non sunt. Quibus consonat quod decernit Concil. Trident. Sess. 6. Can. 18. his verbis: Si quis dixerit Dei praecepta homini etiam justificato & sub gratia constituto, esse ad observandum impossibilia, anathema sit. Paulo antea hujus decreti rationem reddiderat: Nam Deus, inquit cap. 11. impossibilia non jubet, sed jubendo monet & facere quod possis, & petere quod non possis, & adjuvas ut possis.

Si autem in culpam imputaretur quod quis agat contra jus naturale, quando laborat ignorantia invincibili, observatio præcepti divini prohibentis ne quid fiat intrinsece malum & contra jus naturale, foret omnino impossibilis, quia ejusmodi legis obligatio nec cognoscitur, nec adhibita quamvis diligentia cognosci potest; Igitur.

Atque hæc doctrina apertissime legitur apud S. Augustinum, quem proinde suæ sententiæ patronum falso jactitat Jansenius; lib. 3. de libero arbitrio cap. 19. profert hoc principium in moralibus toties decantatum: *Non tibi deputatur ad culpam quod invitus ignoras, sed quod negligis querere quod ignoras.* Quibus verbis nihil expressius scribere potuit, ut significaret ignorantiam invincibilem excusare a peccato; quapropter ibidem monet ejusmodi ignorantiam, si quando peccatum appellatur, non nisi peccatum esse improprie dictum: *Nam illud, inquit, quod ignorans quisque non recte facit, & quod recte volens facere non potest, itæo dicuntur peccata, quia de peccato illo libere voluntatis originem ducunt; illud enim præcedens meruit ista sequentia.* Nam sicut linguam dicimus non solum membrum, quod movemus in ore dum loquimur, sed etiam illud quod hujus membri motum consequitur, id est, formam tenoremque verborum, secundum quem modum dicitur alia lingua græca, alia latina: Sic non solum peccatum illud dicimus quod proprie vocatur peccatum, libera enim voluntate & ab sciente committitur, sed etiam illud quod jam de hujus supplicio consequitur necesse est. Ubi non modo ait sanctus Doctor ignorantiam non esse peccatum nisi improprie dictum, sicut concupiscentia peccatum est, sicut locutio lingue dicitur lingua; sed & manifeste ut certum quid & indubitatum supponit, illud solummodo vocari debere peccatum proprie dictum, quod libera voluntate & ab sciente committi-

tur. Unde sequitur id neutiquam esse peccatum quod fit ex ignorantia invincibili, etiam juris naturalis; eatenus enim a libera voluntate & ab sciente non committitur.

Idem docuerat paulo supra, sic enim habet cap. 17. *Aut igitur, inquit, ipsa voluntas est prima causa peccandi, aut nullum peccatum est prima causa peccandi. Nec est cui recte imputetur peccatum nisi peccanti; non est ergo cui recte imputetur nisi volenti, & c. 18. Quæcumque ista causa est voluntatis, si non ei potest resisti, sine peccato ei ceditur; si autem potest, non ei cedatur, & non peccabitur. An forte falli incertum? ergo caveat ne fallatur. An tanta fallacia est, ut caveri omnino non possit? Si ita est, nulla peccata sunt; quis enim peccat in eo quod nullo modo caveri potest? Ubi ait S. Augustinus recte non imputari peccatum nisi volenti, sed qui agit cum ignorantia invincibili, non peccat volens, in quaerenda enim veritate omnem adhibuit diligentiam, & in ea versatur animi dispositione, ut si vel leviter suspicaretur rem illam esse prohibitam, ab illa protinus abstineret: dum vero addit sanctus Doctor neminem peccare in eo quod nullo modo caveri potest; sed quod fit ab homine qui laborat ignorantia plane invincibili idipsum caveri non potest; quandoquidem in ejus potestate non est, ut cognoscat quid sit agendum, quidve fugiendum, quid sit licitum, quid illicitum. Quid porro intelligat Augustinus per ista verba quæ immediate sequuntur: *Et tamen etiam per ignorantiam facta quædam improbantur, & corrigenda judicantur, sicut in divinis auctoritatibus legimus, &c.* mox dicemus solvendo objectiones.*

Sic vero non esse peccatum nisi sit voluntarium, & eatenus solum in culpam aliquid imputari quatenus voluntarium est, a voluntate est, liberam est,

est, non uno in loco tradit idem Sanctus Augustinus lib. de vera Religione cap. 14. *Defectus autem est, inquit, quod peccatum vocatur, si tanquam febris vitium occuparet, recte injusta pena videretur, quæ peccantem consequitur & quæ damnatio nuncupatur.* Nunc vero usque adeo peccatum voluntarium est malum, ut nullo modo sit peccatum, si non sit voluntarium, & hoc quidem ita manifestum est, ut nulla hinc Doctorum paucitas, nulla indoctorum turba dissensiat. Quare aut negandum est peccatum committi, aut fatendum est voluntate committi. Non autem recte negat peccasse animam, qui & penitendo eam corrigi facit & veniam petenti dari, & perseverantem in peccatis iuxta legem Dei damnari. Postremo si non voluntate male facimus, nemo oburgandus est omnino aut monendus, quibus sublatâ Christiana lex & disciplina omnis Religionis auferatur necesse est; voluntate ergo peccatur. Libro de duabus animabus contra Manichæos cap. 10. Quibus concessis, inquit, colligerem nusquam scilicet nisi in voluntate esse peccatum: cum mihi auxiliaretur etiam illud quod iustitia peccantes tenet sola voluntate, quamvis quod voluerint implere nequiverint. Et c. 11. sic definit peccatum. Peccatum, inquit, est voluntas retinendi vel consequendi quod iustitia vetat, & unde liberum est abstinere. Additque, quamquam si liberum non sit, non est voluntas. Sed malui grossius quam scrupulosius. Etiamne huius libri obscuri mihi scrutandi erant, unde dicerem neminem vituperatione suppliciove dignum, qui aut id velit, quod iustitia velle non prohibet, aut id non faciat quod facere non potest. Quod idem habet lib. 1. Retract. cap. 9. his verbis: *Voluntas quippe est qua & peccatur & recte vivitur.*

Hac definitione peccati abutentibus Pelagianis, qui exinde conabantur ostendere, fictitium esse dogma peccati originalis, respondet quidem S. Augusti-

nus eam solum intelligendam esse de peccato primi parentis, ut apparet ex libro 1. operis imperf. cap. 47. ubi sic habet: *Ipse est Adam quem nostra illa definitio quæ tibi placuit intuebatur, cum dicerem, Peccatum est voluntas retinendi vel consequendi quod iustitia vetat, & unde liberum est abstinere.* Adam quippe omnino, quando peccavit, nihil in se habebat mali, quo nolens ureretur ad operandum malum, & propter quod diceret, Non quod volo facio bonum, &c. Nihilominus tamen inde non colligit peccata quæ committuntur a cæteris hominibus, ab iis non fieri libere & voluntarie, sed tantum minus libere quam ad Adam eum prima vice peccavit: Multa quippe sunt, inquit ibidem, quæ agunt homines mala, a quibus eis liberum est abstinere, sed nulli tam liberum est, quam illi fuit, qui Deo suo a quo erat conditus rectus, nullo profus vitio depravatus astabat. Unde sequitur existimasse S. Augustinum, nihil posse in peccatum imputari, quod non sit libere-voluntum; adeoque peccatum non esse id omne quod sit ex ignorantia invincibili, utpote quod non sit voluntate factum, & a quo non sit liberum abstinere.

Quibus merito subungere possumus sic de ignorantia passim disserere S. Augustinum, ut eam in illis duntaxat putet esse peccatum qui nolderunt intelligere, Epistola 194. num. 27. *Ac per hoc, inquit, inexcusabilis est omnis peccator vel reatu originis, vel additamento etiam propria voluntatis, sive qui novit, sive qui ignorat, sive qui iudicat, sive qui non iudicat.* Quia & ipsa ignorantia in eis qui intelligere noluerunt, sine dubitatione peccatum est. Cum autem observat culpabilem esse ignorantiam, eam vincibilis est & in eis qui nolunt intelligere, aperte docet illam non posse in peccatum imputari, quæ absolute & simpliciter invincibilis est, quæ est in eis qui volunt intelligere, qui sine

ecro affectu & quavis adhibita diligentia quaesierunt veritatem, qui inviti ignorant, & non negligunt quaerere quod ignorant.

Eodem plane modo loquitur lib. de Gratia & libero Arbitrio cap. 3. ubi cum probat ex Scripturis ignorantiam a peccato non excusare; observat similiter id esse intelligendum de iis qui scire nolunt, adducto enim hoc testimonio Lucae 12. Servus qui nescit voluntatem Domini sui & facit digna plagis, vapulabit pauca; servus autem qui scit voluntatem Domini sui, & facit digna plagis, vapulabit multa. Sic habet: Ecce ubi ostendit gravius peccare hominem scientem quam nescientem. Nec tamen ideo confugiendum est ad ignorantiam tenebras, ut in eis quisque requirat excusationem. Aliud est enim nescisse, aliud scire noluisse. Voluntas quippe in eo arguitur, de quo dicitur, Nolit intelligere ut bene ageret, ubi licet subdat illico, sed & illa ignorantia quae non est eorum qui scire nolunt, sed eorum qui tanquam simpliciter nesciunt, nominem sic excusat, ut sempiterno igne non ardeat. His tamen non aliam intelligit ignorantiam quam vincibilem, ut mox dicemus.

Probatur insuper conclusio ex divo Thoma qui expressis verbis docet ignorantiam invincibilem excusare a peccato, 1. 2. q. 76. art. 3. in corpore articuli sic habet: Ignorantia quae est causa actus quia causat involuntarium, de se habet quod excuset a peccato, eo quod voluntarium est de ratione peccati. Sed quod aliquando non totaliter excuset a peccato; potest contingere ex duobus, uno modo ex parte rei ipsius ignoratae; in tantum enim ignorantia excusat a peccato, in quantum ignoratur aliquid esse peccatum; potest autem contingere, quod aliquis ignoret quidem aliquam circumstantiam peccati, quam si scires, retraheretur a peccando, sive illa circumstantia faciat ad rationem peccati, sive non; & tamen adhuc remanet in ejus scientia

aliquid per quod cognoscit illud esse actum peccati. Alio modo potest hoc contingere ex parte ipsius ignorantiae, quia scilicet ipsa ignorantia est voluntaria vel directe, sicut cum aliquis studiosè vult nescire aliqua ut liberior peccet; vel indirecte, sicut cum aliquis propter laborem vel propter alias occupationes negligit addiscere id per quod a peccato retraheretur; talis enim ignorantia facit ignorantiam ipsam esse voluntariam & peccatum, dummodo sit eorum quae quis scire tenetur & potest. & ideo talis ignorantia non totaliter excusat a peccato. Si vero sit talis ignorantia, quae omnino sit involuntaria, sive quia est invincibilis, sive quia est ejus quod quis scire non tenetur, talis ignorantia omnino excusat a peccato. Ubi primum affirmat S. Thomas ignorantiam excusare a peccato, eo quod voluntarium est de ratione peccati, sed quod sit ex ignorantia invincibili, perfectio non est voluntarium, non sit enim, ut per se patet, ex principio cognoscente singula in quibus est actio. Secundo ait in tantum ignorantiam excusare a peccato, in quantum ignoratur aliquid esse peccatum, cujusmodi est sane is qui nonnullas veritates ad jus naturale pertinentes ignorat, ut si quis ignoret, v. g. an aliquis contractus sit usurarius necne. Tertio demum cum observasset aliam esse ignorantiam voluntariam, quae dupliciter voluntaria est directe vel indirecte; aliam vero involuntariam, qualis ea censetur quae invincibilis est; statuit ejusmodi ignorantiam invincibilem omnino excusare a peccato.

Atque id mirum in modum consentit cum ejus principiis quae passim leguntur, ubi de Actibus humanis, de Peccatis & de Legibus Tractat. 1. 2. q. 1. art. 1. docet ad omnem actum humanum pertinere ut sit voluntarius & deliberatus. Illa actiones, inquit in corpore articuli, proprie humans dicuntur, quae ex voluntate deliberata procedunt.

dunt. Si quæ autem aliæ actiones homini convenient, possunt dici quidem hominis actiones, sed non proprie humane, cum non sint hominis in quantum est homo. Et ad tertium: Dicendum, inquit, quod huiusmodi actiones non sunt proprie humane, quia non procedunt ex deliberatione rationis. Quis vero dixerit actionem quæ sit ex ignorantia invincibili etiam juris naturalis procedere ex deliberata voluntate? non est autem peccatum si non sit actio proprie humane, ut fateatur omnes.

Quæst. 74. art. 1. in corp. docet solum voluntatem, sicut peccati principium, ita & ejusdem subjectum esse: Oportet, inquit, quod proprium subjectum actus peccati sit potentia quæ est principium actus. Cum autem proprium sit actuum moralium, quod sunt voluntarii, (ut supra habitum est) sequitur quod voluntas quæ est principium actuum voluntariorum, sive bonorum, sive malorum quæ sunt peccata, sit principium peccatorum. Ubi statuit id solummodo peccatum esse quod voluntarium est: Unde sequitur id quod sit ex ignorantia invincibili non esse peccatum, utpote quod non sit voluntarium; quod quidem & ipse verbis expressissimis affirmat ibidem in responsione ad secundum. Quod si desit, inquit, apprehensio virtutis nullo modo subiaceret voluntati, non esset peccatum, nec in voluntate, nec in apprehensa virtute, sicut patet in his qui habent ignorantiam invincibilem. Quæ verba nullum super hoc negotio relinquunt scrupulum.

Quæst. 90. art. 4. in corpore: Dicendum, inquit, quod lex imponitur aliis per modum regulæ & mensuræ; regulæ autem & mensuræ imponitur per hoc quod applicatur his quæ regulantur & mensurantur. Unde ad hoc quod lex virtutem obligandi obtineat, quod est proprium legis, oportet quod applicetur hominibus qui secundum eam regulari debent: talis

applicatio fit per hoc quod in notitiam eorum deducitur ex ipsa promulgatione. In his divi Thomæ principiis lex nulla vim habere potest, quin applicetur hominibus & in eorum notitiam veniat: sed cum invincibiliter ignorant nonnulla legis naturalis præcepta, in illo casu lex naturalis ipsis non applicatur, hæcque præcepta non veniunt in eorum notitiam; Igitur.

Quibus addideris quæ scribit quæst. de potentia art. 7. ad 3. his verbis: Dicendum quod ignorantia quæ est omnino involuntaria, non est peccatum, & hoc est quod Augustinus dicit, Non tibi imputatur ad culpam si invitus ignores; per hoc autem quod addit, sed si scire neglexeris, dat intelligere quod ignorantia habet quod sit peccatum. Ex quibus perspicuum est S. Thomam existimasse quamcunque ignorantiam invincibilem omnino excusare a peccato.

Paulo ante idem docuerat Magister Sententiarum lib. 2. dist. 22. Ad quod dicimus, inquit, quia licet Eva in hoc per ignorantiam deliquerit quod putavit verum esse quod diabolus suadebat; non tamen in hoc quin noverit illud Dei esse mandatum, & peccatum esse contra agere. Et ideo excusari a peccato per ignorantiam non potuit. Est enim ignorantia quæ excusat peccantem, & est ignorantia talis quæ non excusat. Est autem ignorantia vincibilis & ignorantia invincibilis. Excusatio omnis tollitur, ubi mandatum non ignoratur. Est autem ignorantia triplex: eorum scilicet qui scire volunt cum possint, quæ non excusat, quia & ipsa peccatum est; & eorum qui volunt, sed non possunt, quæ excusat, & est poena peccati, non peccatum; & eorum qui quasi simpliciter nesciunt, non renuentes vel proponentes scire, quæ neminem plene excusat, sed fortasse ut minus puniatur; unde Augustinus ad Valentinum, eis auferitur excusatio... Non igitur mulier excusationem habuit de ignorantia, cum & mandatum noverit, peccatum esse se-

ius agere non ignoraverit. Ubi Petrus Lombardus contendit eatenus Evam excusari a peccato non posse propter ignorantiam, quod ipsa mandatum novius & peccatum esse secus agere non ignoraverit. Quæ quidem & de ignorantia juris naturalis intelligi debent, tamen si loquatur eo loci de præcepto juris positivi, quia nempe par est utrobique ratio, ut mox ostendemus, si spectentur principia quibus dicitur ignorantia invincibilis excusare a peccato. Ita Durandus in 2. dist. 22. q. 4.

Et hæc est communis sententia omnium fere Theologorum & Schola, qui unanimi consensu docent omne peccatum esse voluntarium, liberum & deliberatum, & aliunde id non esse voluntarium & liberum quod sit ex ignorantia invincibili, quare quidem clara & liquida sunt in illorum scriptis ex genuina ipsius Jansenii confessione, qui ultro concedit generale Scholasticorum pronuntiatum esse, quod quicquid ex invincibili sit ignorantia, hoc ipso culpa vacat.

His adde inter Baianas propositiones istam fuisse proscriptam a summis Pontificibus Pio V. & Greg. XIII. *Ad rationem & definitionem peccati non pertinet voluntarium*. Ex qua Constitutione sequitur oppositam haberi ut certam & definitam, quia nempe dicatur, ad rationem peccati pertinere voluntarium; adeoque id non esse peccatum proprie dictum quod sit ex ignorantia invincibili, utpote cum non sit voluntarium.

Ubi nec omiserim anno 1690. die 7. Septembris inter triginta supra unam propositiones, hanc quæ secunda recensetur, damnatam ab Alexandro VIII. *Tamen si detur ignorantia invincibilis juris natura, hæc in statu natura lapsa operantem ex ipsa non excusat a peccato formali*.

Probat denique hæc nostra conclusio nonnullis validissimis momentis.

Primum est, quia id solum habet rationem peccati proprie dicti quod voluntarium est, vel etiam liberum: pec-

catum enim est actus humanus, hoc est, ex voluntate deliberata proficiens: Sed quod sit ex ignorantia invincibili nec liberum nec voluntarium est; non est quidem liberum si non sit voluntarium, quandoquidem voluntarium pertinet ad liberum, ut genus ad speciem; non est autem voluntarium, siquidem voluntarium est id quod sit a principio interno cognoscente singula in quibus est actio: Sed quod sit ex ignorantia invincibili non fit a principio interno cognoscente singula in quibus est actio; qui enim, v. g. ex ignorantia invincibili usurarium celebrat contractum, ignorans scilicet post sinceram & accuratam veritatis inquisitionem illum esse usurarium; profecto non cognoscit singula quæ ad ejusmodi contractum pertinent, non cognoscit enim nec cognoscere potest legem qua vetitus est tanquam illicitus: ut enim supponimus, laborat ille ignorantia plane invincibili; Igitur quod sit ex ignorantia invincibili non est voluntarium, adeoque ejusmodi ignorantia excusat a peccato.

Secundum momentum ex eo petitur quod in præcedenti disputatione ostendimus satis esse, ut aliquis agat ex judicio prudenti, adeoque tuta conscientia quod sequatur opinionem probabiliorum relicta minus probabili, certus certitudine morali eam partem quam amplectitur esse veram: ex quo principio abunde a nobis stabilito sic juvat argumentari, Is non peccat qui agit ex judicio prudenti; prudentia enim est certa agendorum regula: Sed homo agit ex judicio prudenti, cum transgreditur aliquod præceptum legis naturalis hac in parte laborans ignorantia invincibili; nam ille censetur agere ex judicio prudenti qui ex duabus opinionibus sequitur probabiliorum relicta minus probabili; nemo enim prudentius se gerere potest, quam si e duabus partibus oppositis eam eligat, quæ post sinceram & diligensem veritatis inquisitionem

con-

consultis sapientissimis Doctoribus, & cæteris demum ad illud negotium pertinentibus sedulo inspectis, verior & probabilior ipsi apparet: Sed cum homo sequitur falsum & ex ignorantia invincibili transgreditur præceptum legis naturalis, tunc e duabus opinionibus oppositis sequitur probabiliorē relicta minus probabili, & quæ sita diligenter veritate eam amplectitur partem quam putat iudicio sincero esse veram; ergo agit ex iudicio prudenti, adeoque errat inculpabiliter.

Tertium momentum ex eo sumitur quod ignorantia invincibilis juris positivi omnino excusat a peccato, ut fufius ostendetur infra, & vel ipsi consentitur adversarii: sed quibus principiis certum est apud Theologos ignorantiam invincibilem juris positivi omnino excusare a peccato, iisdem merito & invicte colligitur ignorantiam invincibilem juris naturalis similiter ab omni culpa operantem eximere, vanaque sunt penitus & commentitia utriusque juris discrimina, quæ super hoc negotio excogitarunt adversarii.

Primo quidem iisdem principiis ignorantia juris naturalis excusat a peccato ac ignorantia juris positivi; ideo enim ignorantia juris positivi excusat a peccato (si fides adhibeatur S. Augustino; cuius potissimum auctoritate nititur Jansenius, ut ostendat inexcusabilem esse ignorantiam juris divini in iis qui Christo non crediderunt,) quia citra contemptum legis vixerunt, & dicere poterunt, Non vidimus, non audivimus; id manifeste colligitur ex Tractatu 89. in Joan. Sed quod adjunxit, inquit, nunc autem excusationem non habent de peccato suo, potest movere quærentes, utrum hi ad quos non venit Christus, nec locutus est eis, habeant excusationem de peccato suo.... respondeo habere illos excusationem non de omni peccato suo, sed de hoc peccato, quod in Christum non crediderunt, ad quos non venit & quibus

non est locutus... Sed utrum hi qui eum audirent contempserunt, vel etiam resistunt, nec tantum contradicendo, sed eos a quibus audierunt odiis persequendo, in eis deputandi sunt, &c. Et postea: Isti certe ad quos venit & quibus locutus est Christus non habent de magno infidelitatis peccato illam excusationem qua possunt dicere, Non vidimus, non audivimus. Ubi profecto S. Augustinus docet ideo Iudæos qui Christo non crediderunt, excusationem non habere, quia eum contempserunt, & ei resisterunt, nec possunt dicere, Non vidimus, non audivimus; unde sequitur alios qui de Christo nihil quicquam audierunt, ideo excusabiles esse quod Christum non contempserunt, ei non resisterunt, & merito dicere possunt, Non vidimus, non audivimus.

Quapropter eo nomine ignorantia invincibilis juris positivi excusat a peccato, quod qui jus positivum ignorant, nec legem contemnunt, nec legi resistunt, sed sincere respondere possunt se legem non didisse, non audivisse: Atqui similiter qui errant ex ignorantia invincibili juris naturalis, legem nunquam contempserunt; in ea enim animi dispositione versantur, ut si existimarent rem illam de qua agitur, legi naturali esse dissentaneam, ab ea plane abstinerent; tum vero legi nunquam resisterunt, quandoquidem post accuratum & diligens studium inquirendæ veritatis nondum in eorum venit notitiam quid esset licitum, quidve illicitum; unde & isti merito dicere possunt, Non vidimus, non audivimus; ergo qua ratione & quibus principiis ignorantia juris positivi excusat a peccato iisdem plane & excusat ignorantia juris naturalis.

Omissio quod in communi Theologorum mente & doctrina hic dici solet, ideo ignorantiam invincibilem juris positivi excusare a peccato, quia quod sit ex ejusmodi ignorantia non est voluntarium & liberum, quia nemo peccat in

eo quod invitus ignorat, quia nemo tenetur ad impossibile, &c. Argui pariter quod sit ex ignorantia invincibili juris naturalis, non est voluntarium & liberum, ut mox ostendimus, nec minus hoc in negotio verum est neminem peccare in eo quod invitus ignorat, & neminem teneri ad impossibile; ergo iisdem principiis ignorantia invincibilis juris naturalis excusat a peccato, ac ignorantia juris positivi.

Secundo nullius plane roboris est quod in discrimen utriusque juris, naturalis scilicet & positivi proferunt adversarii. Ejusmodi est quod docet Jansenius lib. 2. de statu naturæ lapsæ cap. 6. ideo ignorantiam juris positivi excusare a peccato, *Quia scientia juris positivi vel etiam divini non est homini connaturalis, neque naturaliter medullis ejus vi creationis insita, sicut veritatum illarum æternarum prædictarum, in quibus jus seu lex naturæ constituta est.* Quæ quidem Jansenii ratio est omnino frivola: ad summum enim ex ea colligeretur nullam dari juris naturalis ignorantiam invincibilem, quod & ipsi nos confitebimur sequenti disputatione quoad nempe præcepta generaliora, non quoad remotissimas conclusiones; sed inde non sequitur ignorantiam invincibilem juris naturalis esse vitiosam, & consequenter peccatum esse deputandum id quod ex ea fit. Quamobrem, ut dicemus, scientia juris naturalis est quidem omnibus & singulis hominibus congenita, quoad communia quedam & universalia præcepta, quæ citra culpam nemo ignorare potest; quorum proinde nulla datur ignorantia invincibilis, secus vero si sermo sit de aliis veritatibus prædictis particularibus, quæ a multis ignorantur post accuratum & diligens studium inquirendæ veritatis.

Neque plus virium habet quod addit ibidem Jansenius, ideo ignorantiam invincibilem juris positivi excusare a peccato, quia non est in poenam peccati inflicta; cum e contra ignorantia juris

naturalis ita vitiosa sit, ut sine peccato infligi nullo modo queat: *Ad naturam enim hominis, inquit, quodammodo pertinet istarum naturalium veritatum ad justitiam pertinentium notitia, & ideo tolli nisi per peccata non potuit, Deo non subtrahente quod naturali humane nature relictudini & honestati congruit, nisi præcedente aliqua iniquitate provocetur.*

Quæ ratio manifestæ falsitatis arguitur; tum quia non id omne rationem peccati habet, quod poena est præcedentis peccati, concupiscentia enim poena peccati est, ipsa tamen per se & secundum se non est peccatum proprie dictum, sicut nec cæteræ humane naturæ calamitates; tum quia ignorantia invincibilis juris positivi est similiter poena peccati, vel latente ipso Jansenio, qui lib. 3. de statu naturæ puræ cap. 10. & 11. docet nullum qualecunque malum inferri a Deo posse creaturæ rationali sine culpa præcedente; unde sequitur ignorantiam juris positivi, quæ profecto malum est & miseria, poenam esse peccati originalis; quapropter cum S. Augustinus adversus Pelagianos contendit ignorantiam malam esse, plurima ignorantie juris positivi exempla producit.

Denique nec firmior est aliorum ratio, quæ docent ideo ignorantiam juris positivi excusare a peccato, quia actus jure positivo prohibitus non est intrinsece malus, sed tantum illicitus, quia prohibitus: unde, si ignoretur prohibitio, sitque involuntaria talis ignorantia, ejusmodi actus peccatum non est. At vero, inquirunt, actus lege naturali prohibitus, est intrinsece & essentialiter malus, adeoque a culpa inseparabilis, non modo independentem a cognitione prohibitionis, sed & ab ipsa prohibitionis facta. Verum & isti graviter hallucinantur, nihil enim est intrinsece malum, & vitio vesti potest nisi quod voluntarium est & liberum; nihil autem voluntarium & liberum quod non sit

ab agente rationali præcognitum; tum vero lex omnis vel etiam naturalis, ut obligare censetur, debet sua modo intimari & manifestari; cuius conditionis defectu ut contingit in iis qui ignorantia invincibili juris naturalis laborant, nulla est legis transgressio, nullum peccatum, nulla iniquitas; quæquidem immota manere debent in moralibus principiis. Quapropter cum dicuntur nonnulli actus essentialiter & in se inlece mali, qualia sunt peccata quæ fiunt adversus legem naturalem, ut mendacium & furtum, id intelligitur eo sensu quod sint mali independentes ab ulla lege positiva ejusmodi actus prohibente; non autem quasi mali sint & in peccatum imputentur independentes a cognitione legis perquam prohibentur, quæ cognitio legis vel sit in homine, vel saltem poterit esse.

Quantum denique momentum ad asserendam hanc nostram conclusionem petitur ex incommotis pene innumeris, quæ ex doctrina adversariorum manifeste sequuntur.

1. enim inde sequitur hominem non modo posse, sed etiam debere agere contra propriam conscientiam, potest enim & tenetur in illa sententia agere secundum legem naturalem, sed fieri potest, ut quod revera secundum legem naturalem illicitum est & malum, id ipsum aliquis putet esse licitum, laborans scilicet ignorantia invincibili; igitur poterit quis in illa sententia vel etiam tenebitur agere contra propriam conscientiam.

2. Hac doctrina inducitur incredibilis conscientie perplexitas; nemo enim absoluta & perfecta certitudine novit omnia & singula legis naturalis præcepta; rustici & indocti multa ignorant e primis & universalissimis juris naturalis principiis; docti vero quamplurimi non raro fluctuant circa conclusiones & alias veritates quæ ad jus naturale pertinent; in quibus scilicet vident plerum-

que dissidere inter se Doctores & Cavillos; quo fit ut nunquam in tuto futura sit conscientia, nisi præsupponatur satis esse ad securitatem conscientie sincerum & accuratum adhibere studium ad querendam veritatem, & proinde ignorantiam invincibilem excusare a peccato.

3. Quia ejusmodi adversariorum sententia onus imponit hominibus gravissimum, & supra eorum vires omnino positum, est enim plane impossibile, ut in incognitum serantur homines; sed in illa hypothese in incognitum ferri tenerentur homines, nempe in id quod fuisset præceptum lege naturali, & tamen ignorant ignorantia invincibili; ergo plerumque mandatum imponeretur hominibus impossibile. Hæc porro & alia similia consuetaria hujus sententie esse valde absurda, nemo facile non intelligit.

Obijcies: Multa leguntur in Scripturis, quæ manifeste indicant res factas ex ignorantia invincibili esse peccata.

1. Genes. 20. cap. actio Regis Abimelech volentis Saram in uxorem accipere, quam invincibiliter ignorabat esse conjugem Abraham: *Venit autem Deus ad Abimelech per somnium nocte, & ait illi: En morieris propter mulierem quam tulisti, habet enim virum. Abimelech vero non tetigerat eam, & ait: Domine, num gentem ignorantem & justam interficias?*

2. Levitici cap. 5. Statuuntur sacrificia pro illis qui peccaverint ex errore, oblivione & ignorantia, offerenda, Versu 17. *Anima si peccaverit per ignorantiam, secaritque unum ex his quæ Domini lege prohibentur, & peccati rea intellexerit iniquitatem suam.* Versu 19. *Quis orabit pro eo, quia nesciens fecerit; & dimittetur ei, quia per errorem deliquit in Dominum.*

3. Eliphaz Themanites ignorabat ignorantia plane invincibili innocentiam Jobi cum eum reprehendebat; quis enim

gravissimi criminis hominem non arguisset, quem audiebat impie murmurantem adversus Dei providentiam? Eliphaz tamen id in culpam imputavit Deus, ut constat ex lib. Job cap. 42. ubi sic habetur: *Postquam autem locutus est Dominus verba hæc ad Job, dixit ad Eliphaz Themanitem: Iratus est furor meus in te & in duos amicos tuos, quoniam non estis locuti coram me rectum, sicut servus meus Job.*

4. Crimen Saul fuit crimen ignorantie; is enim deletio Amalech, interfecitque omnibus a fene ad parvulum, oves & boves Deo in gratiarum actionem immolandas servaverat; quis autem id pietati ac religioni non vertisset? quis illum saltem ob ignorantie causam non excusaret? & tamen teste Scriptura I. Reg. c. 15. rejectus est a Deo; ne regnaret amplius, nec ejus ignorantie paritum est.

5. Jonathas I. Reg. 14. morte damnatur, eo quod mel gustasset contra patris imperium sibi ignotum.

6. David Psalmo 24. inter peccata sua commemorat ignorantias juventutis; sic enim Deum affatur: *Delicta juventutis meæ & ignorantias meas ne memineris.*

7. Cum Judæi negligebant parentibus opitulari sub vano pietatis erga Deum cultu & præcepto, profecto agebant contra legem naturalem, & quidem ex ignorantia invincibili & bona fide: Atqui tamen acriter eos increpat Christus Dominus, quod nempe mandatum Dei irritum facerent, ut constat ex Matth. 23. cap.

8. Lucæ 12. servus ignorans voluntatem domini, tamen dicitur fecisse digna plagis, quapropter paucis vulpatur.

Ex quibus aperte colligitur peccata ignorantie esse vera peccata, adeoque ignorantiam non excusare a peccato.

Respondeo ex illis & similibus Scripturæ testimoniis sententiam adversariorum neutiquam roborari; cum in illis

singulis vel agatur de ignorantia vincibili quam ultro confitemur esse culpabilem, vel de ignorantia aut facti aut juris positivi, quam, si invincibilis est, fatentur illi excusare a peccato.

Ad primum quidem quod spectat, ignorantia qua laboravit Abimelech fuit ignorantia facti, ut per se patet, ignoravit enim Saram esse Abrahæ uxorem; quocirca si peccavit proprie dicto peccato, dicatur necesse est ejus ignorantiam fuisse vincibilem, ut cum nonnullis Interpretibus docet Henricus Gandavensis quodlib. 12. quest. 25. *Abimelech*, inquit, revera peccasset si cognovisset Saram, etiam ipsa accepta in uxorem, quia non sufficienter inquisivit an fuisset uxor Abrahæ; excusatus tamen fuisse in aliquo propter quod etiam Dominus eum custodivit, quia Sara requisita quæ esset, respondit se esse sororem Abrahæ; quod si credidisset, nequaquam eam cognoscere voluisset, in quo Augustinus commendat ejus justitiam in lege natura.

Neque aliud inferri potest ex eo quod secundo loco proponitur, quia nempe illa ignorantia quæ in lege sacrificiis purgabatur, facti erat ut plurimum, aut juris positivi, quæ proinde vincibilis esse debuit ut in culpam imputaretur, ut expresse docet S. Augustinus lib. de Natura & Gratia cap. 17. *Aliud est*, inquit, non curasse scire quæ negligentia peccata etiam per sacrificia legis videbantur expiari; aliud intelligere velle nos posse, &c.

Ad tertium dico per comparisonem exponendum esse id quod Deus dixit Eliphaz & aliis Jobi amicis, *quoniam non estis locuti coram me rectum*, quasi nempe significet meliora locutum esse Job; siquidem contra virum justum improvidè suffragia sua tulerant, eumque intemperantius redarguerant, Dei causæ hac in parte patrocinari se existimantes, in quo quidem graviter hallucinabantur, nemini enim licitum est ejusmodi injuriis & obreccationibus alium im-

petere;

tere, quia, ut ait Regius Pfalter Psal. 63. *Sagitta parvulorum facta sunt plaga eorum, & infirmata sunt contra eos lingua eorum.*

Plus virium non habet quod postea obijciat de Saule; siquidem ejus peccatum non fuit ignorantie, sed inobedientie, eo quod nempe contra expressum Dei mandatum pepererit Agagi & optimis gregibus ovium & armentorum, ut ea Deo immolaret, quemadmodum testatur Samuel his verbis: *Nunquid vult Dominus holocausta & victimas, & non potius ut obediat voci Domini? melior est enim obedientia quam victimæ.*

In quinto respondens Scripturæ interpretes illam Jonathanæ condemnationem non fuisse justam; sed potius peccasse Saullem, cum indiscretum illud præceptum tam severi jejunii statuit sub poena capitis, & postea Jonathanæ morti addixit cum juramento, eo quod in gravi necessitate paululum mellis gustasset; quibus adde nimis, ut aiunt, probare illud argumentum; hæc enim ignorantia qua laborabat Jonathanæ fuit ignorantia juris positivi, qua nempe præceptum sui patris nesciebat, non autem ignorantia juris naturalis, de qua solum hic quaestio agitur.

Ad sextum dico similiter Davidem locutum esse vel de ignorantia vincibilibus, quas nempe superare neglexerat, vel de ignorantia facti; ad utrumque illud ignorantie genus verba Prophetæ revocat Augustinus, & primo quidem ad ignorantiam vincibilem; libro enim de gestis Pelagii cap. 18. cum hanc Celsii propositionem recitasset, *oblivionem & ignorantiam non subjacere peccato*, ad eam confutandam hunc Davidis locum producit his verbis: *Cum David dicat, Delicta juventutis meæ ne memineris & ignorantias, & cum in lege sacrificia pro ignorantia, sicut pro peccato offerantur.* Ubi certe loquitur de ignorantia vincibili, de qua nempe interpretatus est posteriorem locum quem

adducit e capite quinto Levitici, ut supra monuimus in responsione ad secundum. Deinde & eadem verba Psalmistæ interpretatur S. Augustinus de ignorantia facti; sic enim habet lib. 3. de libero arbit. cap. 18. *Et tamen etiam per ignorantiam facta quædam improbantur & corrigenda judicantur, sicut in divinis auctoritatibus legimus. At enim Apostolus, Misericordiam consecutus sum, quia ignorans feci. Ait & Propheta, Delicta juventutis meæ & ignorantias meas ne memineris. Quæ quidem repetit lib. 1. Retract. cap. 9.*

Ad septimum respondeo invincibilem non fuisse ignorantiam Phariseorum, qua nempe laborabant, cum sub Religionis specie omnia bona sua se Templo offerre coram populo gloriabantur; ut inde, si quid postea parentes peterent, nihil plane ipsis se dare posse responderent; tunc, inquam, ignorare non potuerunt Judæi urgere præceptum divinum vel etiam legem naturalem, qua quisvis tenetur honorare parentes; atque, ut scribit Hieronymus, istum honorem non tam in salutationibus & officiis deferendis quam elemosynis impertiendis positum esse, quo fit ut merito reprehendantur a Christo Domino.

Denique quod Lucæ 12. cap. dicitur servus scisse digna plagis, tamen si voluntatem Domini penitus ignoraverit, profecto nihil continet difficultatis; tum quia agitur eo loci de ignorantia vincibili, qua nempe servus defectu vigilantie ignorat adventum Domini, admonet enim Christus omnes debere omni tempore & singulis horis esse paratos; tum quia hæc eadem ignorantia est facti vel juris positivi, ut per se patet, unde argumentum ex illo testimonio pettum nimis probaret.

Objicies cum Janenio: Solemne fuit Pelagianorum dogma, *oblivionem & ignorantiam non subjacere peccato*, ut patet ex S. Augustino lib. de gestis Pelagii c. 18. quod quidem de ignorantia invincibili

cibili intelligebant isti Hæretici, ut aperte colligitur ex eadem propositione, quæ ex septimo Cælestii capitulo eruta sic ibidem legitur: *oblivionem & ignorantiam non subiacere peccato, quoniam non secundum voluntatem eveniunt, sed secundum necessitatem*. Siquidem ignorantia illa quæ secundum necessitatem, non secundum voluntatem, hoc est, cujus causa non est voluntas, sed necessitas, est plane invincibilis: Atqui hoc Pelagianorum dogma acriter oppugnatum fuit ab omnibus Catholicis Scriptoribus, præsertim vero a Synodo Diospolitana apud Palestinam, a S. Augustino & S. Hieronymo.

1. Quidem Synodo Diospolitana, ubi Pelagius præfens adfuit; cum enim illa sententia, quæ docet ignorantiam quæ evenit secundum necessitatem non voluntatem, non subiacere peccato, cum nonnullis aliis ex doctrina Cælestii fuisset objecta, ita Catholicos commovit Episcopos, ut non expectata ejus responsione dixerint, *Quid ad hæc quæ lecta sunt capitula dicis præfens Pelagius Monachus?* Hoc enim reprobant sancta Synodus & sancta Dei Catholica Ecclesia; & Pelagius ipse non audens iudicio refragari, *Quæ dixi*, inquit, *non esse mea, inter quæ illud unum fuit, secundum iudicium sanctæ Ecclesiæ reprobare, anathema dicens omni contravenienti & contradicenti sanctæ Catholice Ecclesiæ doctrinæ*. Hæc leguntur apud Augustinum libro citato de gestis Pelagii cap. 19.

2. Idem constat ex eodem S. Doctore, qui quidem, inquit Iansenius, in illo libro quem ex professo de Pelagii in illa Synodo gestis exaravit, cum ad illud caput de experte peccati invincibili ignorantia pervenisset: Jam, inquit cap. 17. ea quæ resstant novissima ita iudices commoverunt, ut ante responsionem Pelagii damnanda censerent; & cap. 21. addit se iudicium non arguere vel negligentiam vel convenientiam, vel quod ab eis longe abhorrevit certissimum

est, impiorum dogmatum conscientiam, sed eorum iudicium pro merito approbare atque laudare; & cap. 25. At nunc si Pelagius Deum cogitat, si non est ingratus ejus misericordie, qui cum ad Episcoporum iudicium propterea perduxit, ut hæc anathemata defendere postea non auderet, jamque detestanda & abjicienda cognosceret, gratius acciperet litoras nostras, &c. Ubi anathemata non defendenda in posterum, detestanda & abjicienda vocat Augustinus ea quæ iudices proscriperunt; adeoque hæc Cælestii propositionem quæ dixerat *oblivionem & ignorantiam non subiacere peccato*, unde cap. ultimo articulorum Pelagianæ hæreseos catalogum pertexens, non infimum locum tenet iste; quod *oblivio & ignorantia non subiacent peccato, quoniam non eveniunt secundum voluntatem, sed secundum necessitatem*.

Demum & illam Pelagianorum sententiam acriter oppugnavit S. Hieronymus in dialogis, quos sub nominibus Attici & Critobuli scripsit post Synodum Palestinam; dialogo enim primo prope sub finem cum dixisset Critobulus qui Pelagiani personam agit: *Rogo quæ est ista iustitia, ut in peccato teneatur erroris, ejus reatum non habet conscientia? nescio me peccasse; & ejus rei quam nescio peccavi luo?* & quid plus facio si sponte peccaverim? Respondit Catholicus sub nomine Attici: Respondet sultus interroganti tuæ liber Sapientia: *Altiora te me quaesieris, & fortiora te me scrutatus fueris*, & alibi: *Noli esse sapiens multum, & noli argumentari plusquam oporteat*. Quod idem & longe fusius prosequitur initio dialogi secundi; Igitur a Synodo Diospolitana, S. Augustino & S. Hieronymo acriter oppugnatum est hoc Pelagianorum dogma quod *oblivio & ignorantia non subiacent peccato, quando non secundum voluntatem eveniunt, sed secundum necessitatem*. Unde manifeste sequitur Catholicam Ecclesiam constanter docuisse, igno-

ignorantiam invincibilem non excusare a peccato.

Dist. min. Hoc Pelagianorum dogma, quo dicebant oblivioni & ignorantiam non subjacere peccato, acriter oppugnatum fuit & damnatum a Synodo Diospolitana, a S. Augustino & S. Hieronymo; eo quod nempe hanc propositionem universaliter & sine ulla restrictione efferebant Pelagiani, C. quasi damnata fuerit intellecta eum restrictione de sola ignorantia invincibili, N. Hanc igitur præfatam propositionem condemnant Synodus Diospolitana, S. Augustinus & S. Hieronymus locis citatis; quia nempe tradi solebat a Pelagianis sine ulla penitus restrictione, quasi vellet nullam penitus ignorantiam, quæcunque tandem illa sit, in culpam imputari posse, quod profecto falsum est & acri censura dignum: Siquidem ignorantias culpabiles manifeste declarant Scripturæ sacræ, seu sint facti, seu juris positivi, seu juris naturalis; sed non condemnatur ista Pelagianorum propositio intellecta peculiariter de ignorantia invincibili juris naturalis; quo fit ut nihil quicquam colligi possit adversus nostram sententiam, ex eo quod in Pelagianos insurrexerint citati Scriptores.

Atque hanc propositionem Pelagianorum fuisse revera universaliter velut de omni ignorantia ab ipso enuntiatam, & quatenus talem seu universaliter intellectam de omni ignorantia, vel facti, vel juris positivi, vel juris naturalis, condemnatam tum a Synodo Diospolitana, tum a Sancto Augustino, tum denique a S. Hieronymo, manifeste constabit penitus attendenti ad eorum verba.

Ac primo quidem id ostenditur ex eo quod in rei veritate propositio Celestii damnata in Synodo Palestina, generalis erat nullis circumscripta limitibus, adeoque videbatur in ejus mente comprehendi omnem ignorantiam, oblivio & ignorantia non subjacent peccato, quod

intelligi potest de ignorantia vincibili & de invincibili; tum vero de ignorantia facti & juris positivi, sicut & de ignorantia juris naturalis. Adde quod Pelagius sine dubio de ea ignorantia hanc Celestii propositionem interpretatus est, de qua & eam intellexerunt acutissimi hujusce factionis Pelagianæ indagatores Augustinus & Hieronymus: Atqui certum est Augustinum & Hieronymum impugnare id quod dixerat Celestius, quasi locus fuisse de ignorantia facti vel juris positivi, ut mox ostensuri sumus; ergo & ipse Pelagius hanc discipuli sui propositionem tanquam generaliter veram propugnabat.

Secundo & idem aperte declarat Palestina Synodus, quæ quoniam hanc Celestii propositionem statim atque audita fuit, non expectata illius responsione damnavit, ut testatur S. Augustinus lib. de gestis Pelagii cap. 17. eam profecto damnavit in sensu obvio: Sed sensus obvius quem præ se fert illa propositio, est sensus in quo accipitur universaliter de qualibet ignorantia; Hanc igitur Pelagianorum propositionem condemnavit Synodus ut generalem & absolute intellectam de qualibet ignorantia.

Tertio id colligitur ex S. Augustino qui libro de gestis Pelagii cap. 18. eo nomine refellit Celestii propositionem quod David dicit, *Delicta juventutis meæ ne memineris & ignorantia mea, & cum in lege sacrificia pro ignorantia sicut pro peccato offerantur.* Quæ loca Scripturæ, ut supra diximus, intelligenda sunt & de ignorantia vincibili & de ignorantia facti, aut juris positivi, unde sequitur S. Augustinum impugnasse propositionem illam Pelagianorum acceptam generaliter de omni ignorantia.

Quo plane modo se gerit passim sanctus Doctor in aliis suis operibus contra Pelagianos; ubi a cum de ignorantie peccatis dispositionem instituit, ea promiscue usurpat exempla vel Scripturæ testimonia, quæ intelliguntur de ignorantia

rantia

rancia facti, vel de ignorantia juris positivi; lib. 3. contra Jul. cap. 19. proferat exemplum Regis Abimelech qui ex ignorantia facti & quidem vincibili peccaverat: *Non attendisti*, inquit, homo qui non vis divino iudicio quemquam non suis sed alienis plebii posse peccatis, quomodo fieri poterit ut Abimelech peccaret, quantum nec ipse adulterino corde peccaverit; & Deus quantumcumque peccatum ejus in mulieribus ad eum pertinens vindicaret. Lib. 1. de peccatorum merit. & remiss. cap. 36. *Annullum est*, inquit, ignorantia malum & ideo nec purgandum? *Et quid agit illa voce*, Delicta juventutis & ignorantie mee ne memineris, quod idem habet lib. 1. operis imperf. contra Julianum cap. 105. his verbis: *Necesse est enim ut peccet qui nesciendo qui facere debeat, quod non debet, facit*. De quo genere malorum Deus rogatur, ubi dicitur, *Delicta juventutis & ignorantie mee ne memineris*. Quæ verba Psal. 24. explicat alibi S. Augustinus vel de ignorantia vincibili, vel de ignorantia facti, ut superius a nobis observatum est.

Quibus adde S. Augustinum, cum in libro de gestis Pelagii fraudes omnes exponit, quibus Hæreticus iste Synodo Palæstinæ illudit, nequiquam monet propositionem Celestii admitti posse ut veram & Catholicam, si de ignorantia facti aut juris positivi locutus fuerit Celestius; unde manifeste sequitur ab eo impugnatam fuisse hanc propositionem, prout generalis erat & a Pelagianis accipi videbatur de omni plane ignorantia.

Quarto demum & idem ostenditur ex S. Hieronymo, qui in dialogis adversus Pelagianos scribens in propositionem Celestii & multis Scripturæ testimoniis Synodi Palæstinæ censuram confirmandis, ea solum usurpat, quæ loquuntur de ignorantia facti aut juris positivi, sic enim habet dialogo primo: *Audi ergo*, inquit, *testimonia Scripturarum*, ut stulta imo

impia sciscitatio tua in perpetuum conticescat, loquitur Deus in Genesi, non adiciam ultra maledicere terra propter opera hominum, quia opposita est mens hominis diligenter ad mala a pueritia. Abraham & Sara audi: a repromissione filii Isaac vident in corde suo, & tacita cogitatio non latet scientiam Dei. Arguuntur in risu, & ipsa cogitatio quasi pars infidelitatis reprehenditur. Attamen non ex eo quod risere, diffidentie condemnantur, sed ex eo quod postea crediderunt, iustitia palmam acceperunt. Loth nescit in concubitu filiarum quid fecerit, & inebriatus ab eis non habet crimen conscientie, & tamen error in vitio est. Argue sanctum virum Jacob, quare Rachel formosam dilexerit, pro qua & servavit multo tempore; & in Lia primo concubitu fuerit contristatus, & acquiesce tandem humane fragilitati, qua etiam pulebra corpora diligit, & desormia detestatur, Luges Jacob mortem filii sui Joseph & multo tempore consolationem non recipit filiorum, respondetque lugens ac gemens, *Vadam ad infernum*, & probet se hominem, dum justus ignorat quid actum sit de justo filio Joseph. In Exodo scriptum est, *Si percussit aliquis quempiam & mortuum fuerit*, morte moriatur; *sin autem non volens*, sed Deus tradidit eum in manibus ejus. dabo tibi decem, ad quem confugiat qui occiderit. In quo notandum est, quod Deus tradidit hominem in manus ejus & ille qui occidit per ignorantiam exilio condemnatur. In Levitico lex ponitur, *Anima si peccaverit in conspectu Domini non sponte ex omnibus præceptis Domini...* Statimque in sequentibus, *si tetigerit aliquid immundum quod non liceat tangere & fecerit per ignorantiam*, &c. Sicque rem subtilissime prosequitur & innumera propemodum refert Scripturæ testimonia ex Levitici 5. 8. 9. 12. 13. 15. 22. ex Num. 6. 14. 15. 28. 29. ex Deuteronomio cap. 12. ex 1. Reg. 15. 2. Reg. 24. ex Ezechiele 46. Jerem. 10. & aliis ejusdemodi, in quibus peccata ignorantie redar-

redarguuntur, sed quæ sunt fere singula ignorantia facti aut juris positivi; unde manifeste colligitur id a S. Hieronymo oppugnatum fuisse in Pelagianis, quod dicerent ignorantiam quamcumque universaliter excusare a peccato.

Instabis : Seu Pelagiani in hac sua propositione qua dicebant ignorantiam non subjacere peccato, locuti fuerint de ignorantia generaliter accepta, prout ignorantiam facti aut juris positivi complectitur, vel solummodo de ignorantia juris naturalis; id unum certum est eos verba fecisse de ignorantia invincibili; & ita voluisse tantum ignorantiam non subjacere peccato, quando invincibilis est : Atqui tamen ob id damnati sunt & a Synodo Palestina & a S. Augustino, & a S. Hieronymo; constans igitur fuisse Ecclesiae doctrinam ignorantiam tamen invincibilem subjacere peccato.

Major porro propositio, nempe id de invincibili ignorantia intellexisse Pelagianis, invicissimis ostenditur momentis.

Primo quidem quia non semel docuerunt illam ignorantiam, quæ ex negligentia veritatis nascitur, esse culpabilem, ut manifeste constat ex ipsius Pelagii Epistola ad Demetriadem, quæ extat apud S. August. in appendice tom. 2. Prima virginis cura, inquit cap. 9. primumque studium sit scire voluntatem Domini sui, & quid ei placeat, quidve displiceat diligenter inquirere : ut secundum Apostolum rationabile Deo reddat obsequium, totumque vita sue cursum ex ejus possit ordinare sententia. Impossibile est enim ei quomquam placere, cui quid placeat ignorat, ferique potest, ut etiam obsequendi voto offendant, qui quomodo obsequi debeat, ante non didicist : & ut majus est voluntatem Domini facere quam nosse, ita prius est nosse quam facere. Illud enim merito præcedit hoc ordine; unde Præfata dicit, Et tu Israel noli ignorare; & B. Paulus, Qui autem ignorat, ignorabitur. Idem.

Tom. V.

que alibi : Propterea nolite fieri imprudentes, sed intelligentes quæ sit voluntas Domini. Initium obedientia est, quid præcipiatur velle cognoscere, & pars est obsequii didicisse quid facias. Idem evincunt hæc Pelagii verba quæ referuntur a S. Augustino lib. de natura & gratia cap. 17. Tractat etiam iste Pelagius de peccatis ignorantia & dicit, hominem prævigilare debere ne ignoret; ideoque esse culpandam ignorantiam, quia id homo nescit negligentia, quod adhibita diligentia sua scire debuisset. Unde & ad inquit magistri Julianus graviter culpabar sciendi negligentiam teste eodem S. Aug. lib. 6. c. Jul. c. 1. Ecce, ait August. merito reprehendisti eos qui supersederunt scienda cognoscere, vel non formidant ignorata culpæ.

Secundo, quia revera id expresse enuntiatur in præfata Celestii propositione quam proscripsit Palestina Synodus, in ea enim legitur, oblivionem & ignorantiam non subjacere peccato, quoniam non secundum voluntatem eveniunt, sed secundum necessitatem. Hoc est, si talis sit illa ignorantia, ut ejus causa sit necessitas non voluntas, quæ videlicet vinciri potuerit. Quod ipsum exprimit Augustinus tum cap. 18. de gestis Pelagii, tum capite ultimo, ubi totius hæresis Pelagianæ dogmata recapitulando pertexens sic habet, quod oblitio & ignorantia non subjacent peccato, quoniam non eveniunt secundum voluntatem, sed secundum necessitatem.

Denique id manifeste declarant gravissimæ Pelagianorum querimonie apud Hieronymum, qui ut jam a nobis observatum est, post illam Synodum dialogos Atrici & Critobuli exaravit : His cunctis testimoniis, inquit Critobulus initio dialogi secundi, videtis hominum excusare naturam, ac per hoc invidiam referre in Deum, si tales homines condidit, ut oblivione & ignorantia peccato carere non possint; ex quo perspicuum est hominem posse, si volueris, non peccare; id

N

enim

enim fecit quod vitare non potuit, ubi autem aufertur possibilitas, aufertur & vitium, nemo enim condemnatur quod facere non potuit. & postea: Nunquid & de Evangelio poteris hoc approbare, ut puniatur quispiam pro eo quod nesciat, & ante penas luat, quam sit reus conscientia? Dixerat Dialogo primo: Rogo qua est ista iustitia ut in peccato teneat erroris, cujus reatum non habet conscientia? nescio me peccasse, & ejus rei quam nescio, penas luo? Et quid plus faciam, si sponte peccavero? Ex quibus perspicuum est Pelagianos id unum voluisse ignorantiam non subiacere peccato quando invincibilis est, Critobulus enim Pelagianos accusat Atticum, quod hac sua doctrina peccata referebat in Deum, quasi hominem condemnaret in eo quod cavere non poterat: *Qua est, inquit, ista iustitia, ut in peccato teneat erroris, cujus reatum non habet conscientia?* Quod profecto intelligi non potest nisi de ignorantia plane invincibili, vel ipsis consentientibus Catholicis adversus Pelagianos dimicantibus; quapropter nunquam Hieronymus id voluntatis ineratam, vel dicendi negligentiam confugit, cui ignorantiae reatum tribuat; sed potius ad profunditatem iudiciorum Dei; nam adductis illis Pelagianorum querimoniis sic respondet, *Anno scientia & dispositionis Dei causas requiris? Respondet stultus interrogationi tua liber Sapientia; Altiore te ne quaesieris... O altitudo divitiarum sapientiae & scientiae Dei, quam inscrutabilia sunt iudicia ejus, & inuestigabiles viae ejus, &c.* Quis non videt, inquit Iansenius, & respondiones istas Doctoris Catholici ineptissimas esse & stultissimas Pelagianorum querimoniae, si de ignorantia cujus voluntas causam & culpam dedit, controversia verteretur? Nam neque tyrones primis principiis Theologiae tincti, neque mulierculae de foro, neque de stiva rustici diffidentur non minus jure plecti discendi a peritis quam docendi imperi-

tos negligentiam. Quis enim nesciat omnem neglectum officii esse culpabilem?

Respondeo disting. maj. Certum est Pelagianos, ubi docuerunt ignorantiam non subiacere peccato, locutos fuisse de ignorantia invincibili, sic dicta invincibili in eorum principiis, & in sensu haeretico, C. sic dicta invincibili ad sensum Catholicorum, N. revera Pelagiani in hac controversia cum Catholicis locuti sunt de ignorantia invincibili; & voluerunt solummodo ignorantiam non subiacere peccato quando invincibilis est, facti aliunde ignorantiam vincibilem non excusare a peccato, quam doctrinam condemnarunt PP. Diospolitani & alii passim Scriptores Catholici; sed suo sensu plane haeretico ignorantiam vincibilem & invincibilem accipiebant isti haeretici. Scilicet duplici in capite errantes pessime explicabant quid sit ignorantia vincibilis, quid sit invincibilis; & quia nempe omnem rejiciebant gratiam ad agendum necessariam, & quia nullam in homine lapsam admittebant concupiscentiam.

Ac primo quidem quia gratiae divinae necessitatem rejiciebant Pelagiani, eam solum ignorantiam appellabant vincibilem quae solis naturae viribus superari potest, docentes eo ipso quo divinae gratiae auxilio ad bene agendum indigemus, immunes nos esse ab omni peccato, si bonum non faciamus; atque inde eam solum culpandam existimabant ignorantiam quam propria adhibita diligentia, propriis viribus sine ulla gratia depellere possumus. Id constat tum ex eo quod hic modus accipiendi ignorantiam vincibilem necessario sequitur ex illo dogmate, quo nempe gratiae actualis necessitatem rejiciebant; tum ex luculento S. Augustini testimonio quod legitur lib. de nat. & grat. cap. 17. ubi loquens de Pelagio sic habet: *Traslat ista de peccatis ignorantia & dicit (hominem) praevidere debere ne ignores, ideo-*

ideoque esse culpandam ignorantiam, quia id homo nescit negligentia sua, quod adhibita diligentia scire debuisset:) Dum tamen omnia potius dispices, quam ut ores & dicas, Da mihi intellectum, ut discam mandata tua. Psalm. 118. aliud est enim non curasse scire quæ negligentie peccata etiam per sacrificia quadam legis videbantur expiari; aliud intelligere velle nec posse, & facere contra legem, non intelligendo quid fieri velis. Unde admonemur a Deo petere sapientiam (qui dat omnibus affluent.) Utique his omnibus qui sic petunt & tantum petunt, quomodo & quantum res tanta petenda est. Ubi cum Pelagio probet S. Augustinus ignorantiam superari posse per gratiam Dei, nosque admoneri ut a Deo petamus ejusmodi gratiam, manifeste indicat Pelagii mentem fuisse, ignorantiam eatenus solum esse culpandam, quod propriis naturæ viribus sine gratiæ auxilio vinci potest; quorum enim ad refutanda hæc Pelagii verba gratiam Dei petendam admoneret S. Doctor? unde consequenter eam omnem ignorantiam volebant esse invincibilem; ad quam vincendam requiritur divini gratiæ auxilium.

Secundo & errabant Pelagiani in assignanda notione ignorantie vincibilis, quia nullam in homine lapso admittebant concupiscentiam; nullam agendi difficultatem; ea enim ex causa ignorantiam appellabant invincibilem quando non erat facile vincibilis, rejecta scilicet omni inter agendum difficultate, id manifeste colligitur ex dialogo secundo S. Hieronymi jam citato: totus est Atticus seu Catholicus, ut ostendat neminem in hac vita sine ullo prorsus peccato vivere posse, & Dei mandata facile custodire; ad illud evincendum inter alia usurpans, quæ præcedenti dialogo in medium protulerat, exempla nempe factorum per ignorantiam; sic enim habet sub initio, *Taque tibi videar qui tantis exemplis do-*

cere te volui, peccare hominem per ignorantiam, & pro peccato, ut in lege hostias, ita & in Evangelio offerendam paenitentiam? ad hæc vero Critobulus seu Pelagianus, Da testimonium ubi error & ignorantia & impossibilitas mandati teneatur in crimine. Atticus vero: Non necesse est multa proferre, unum proferam, cui certe contradicere non poteris. Vas electionis perspicue loquitur: Consensio enim legi Dei juxta interiorem hominem. Video autem aliam legem in membris meis repugnantem legi mentis mee, & captivantem me in lege peccati quæ est in membris meis, & postea adducto hoc testimonio Job 25. Quis enim erit mundus a sorde, sic prolequitur, quod si dixeris pronomen, quis, non pro impossibili, sed interdum pro difficili accipi, respondebo tibi. Et ubi est illud quod temere protulisti? facilia esse Dei mandata & ea facile compleri... Jacobus Apostolus scribit: Si judicas legem, non es factor legis, sed judex. Ille judicat legem qui dicit aliquid non juxta præceptum, & ignorantiam non habere peccatum, & frustra offerri victimas pro errore quod peccati non habet conscientiam.

Ex cujus concertationis Atticum inter & Critobulum serie & decursu perspicuum est, eatenus Pelagianis sibi objecta a Catholicis Scripturæ loca interpretatos esse de ignorantia invincibili, quam proinde inculpabilem contendeant; quatenus videbant Catholicos quandam admittere difficultatem inter agendum vel etiam necessitatem moralem; unde in illorum sensu, qui plane hæreticus est, ignorantia erat tantum vincibilis, adeoque culpanda, quando facile & nullo negotio superari poterat.

His porro factis duobus firmissimis ad præfatam difficultatem enucleandam fundamentis, jam nullus omnino remanere debet super ista re scrupulus; cum enim dicitur Pelagianos docentes ignorantiam non subjacere peccato, lo-

cutos fuisse de ignorantia invincibili; id intelligitur de ignorantia quæ invincibilis sit eorum sensu; quasi nempe ignorantia sit invincibilis, vel quod vinci non potest solis naturæ viribus & ad eam superandam requiritur gratia; vel quod facile non sit vincibilis propter aliquam inter agendum difficultatem ex concupiscentia ortam; quo certe præsupposito sensu falsum est ignorantiam invincibilem excusare a peccato; apud Catholicos enim in culpam imputatur homini, quod ignorantiam non vincat; tamen nonnisi difficile sit vincibilis, & quidem per solum divinæ gratiæ auxilium. Quocirca mirum videri non debet, si hanc Pelagianorum propositionem qua dicebant *oblivionem & ignorantiam non subjacere peccato*, tam acriter condemnaverint Patres Diospolitani, ceterique Scriptores Catholici cum SS. Augustino & Hieronymo.

At iniquiunt adversarii, secundum Pelagianos tunc solum oblitio & ignorantia non subjacent peccato, quando non secundum voluntatem eveniant, sed secundum necessitatem: Sed ignorantia est plane invincibilis quæ est secundum necessitatem; ergo loquebantur Pelagiani de ignorantia plane invincibili.

Dist. maj. secundum necessitatem ad sensum ipsorum Pelagianorum intellectam, C. ad sensum Catholicorum, N. Solutio patet ex dictis, in illa scilicet propositione, Pelagiani appellabant ignorantiam secundum necessitatem, quæ nonnisi difficile & per gratiam vinci poterat; unde consequenter errabant docentes ejusmodi ignorantiam non subjacere peccato.

Instabis: Sed ultro fatebatur Pelagius culpandam esse ignorantiam, quando evenit secundum voluntatem, quando vincibilis est, ut constat ex ipsius Epistola ad Demetriadem superius citata; igitur cum dicebat ignorantiam non subjacere peccato, id intelligebat de ignorantia penitus invincibili.

Dist. ant. Quando vincibilis est facile, sine ulla difficultate, & per solas liberi arbitrii vires, C. quando vincibilis est cum studio, & labore, & quidem beneficio divinæ gratiæ adjuvantis, N. hunc esse sensum Pelagii apertissimum est ex eadem Epistola: quoniam enim monet hominem prævigilare debere, ut cognoscat quid præceperit Deus, *Quia inquit, initium inobediencie est, quid præcipiatur velle cognoscere, & pars est obsequii didicisse quid facias*. Id intelligit eo sensu, quod penes hominem sit, ut sine gratiæ divinæ auxilio per propriam induitiam & diligentiam vigilare possit, & per solam Scripturarum lectionem mandata Dei cognoscere; addit enim verbis immediate sequentibus, *Scio itaque in Scripturis divinis, per quas solas potes plenam Dei intelligere voluntatem, prohiberi quædam, præcepti quædam, concedi aliqua, nonnulla suaderi*. Quocirca non minus propterea confutatus est Pelagius ab Catholicis Scriptoribus; licet enim fateatur culpandam esse ignorantiam quando vincibilis est, id tamen intelligebat perverso & hæretico sensu; appellans ignorantiam vincibilem tantum quando vincitur facile & sine gratia.

Urget demum Jansenius gravissimis Pelagianorum querimoniis apud Hieronymum in Dialogo secundo, quibus ostendebant nullam esse Dei justitiam, si quis in peccato remeatur erroris, cuius reatum non habet conscientia, respondens Hieronymus, ad voluntatis inertiam vel discendi negligentiam nunquam fugit, cui ignorantie reatum tribuat, sed potius ad profunditatem iudiciorum Dei; quæ tamen responsio in promptu & ad manum erat, si existimasset Hieronymus solam ignorantiam vincibilem subjacere peccato; Igitur nec ipsam ignorantiam invincibilem a peccato eximebant Catholici in illa disputatione cum Pelagianis.

Respondeo mirum non esse, si S. Hierony-

ronymus ad compescendas Pelagianorum querimonias, ad ignorantiam invincibilem non confugiat, sed ad profunditatem judiciorum Dei; quia nempe id unum difficultatem facebat Pelagianis, quod ignorantia diceretur a Catholicis subjacere peccato, tametsi vinci non posset solis naturæ viribus & sine divinæ gratiæ auxilio; quo posito, inquebant Pelagiani; non est in potestate hominis vincere illam ignorantiam, mandata Dei sunt impossibilia, nemo erit iustus, nec quisquam poterit esse sine peccato, &c. Quod quidem in Deum ipsum refundi nemo non videt, quia nullus peccat in eo quod vitare non potuit; ubi aufertur possibilitas, aufertur & vitium. Quibus Pelagianorum rationibus sane respondere non debuit Hieronymus sermonem esse solummodo de ignorantia vincibili, quia quam ignorantiam vincibilem per gratiæ scilicet adiutorium dicebant Catholici, eandem invincibilem contendebant Pelagiani: quapropter eo tandem redibat illa quaestio, qua ratione poterat Deus plectere homines propter ignorantiam, ad quam superandam vires non habent sufficientes, sed gratiæ divinæ auxilio indigent, quam difficultatem ubique passim proposuerunt Pelagiani, quoties gratiæ necessitatem ad quodcumque bonum opus astruxerunt Catholici. Unde mirum non est, si in præsentī casu ad profunditatem judiciorum Dei confugiat Hieronymus.

Si vero hanc objectionem Pelagianorum respexisse Hieronymum, quod nempe summam cum gratiæ efficaci ad superandam ignorantiam necessaria conjunctionem habeat, quod quidem causæ fuit cur ad inscrutabilia Dei judicia confugerit, aperte colligitur ex istis Hieronymi verbis, quæ reponit illico post objectionem Pelagianorum, & nonnulla Scripturæ loca quibus altitudinem scientiæ Dei commendat. *A me quaerit; inquit, quare signus aliud vos se-*

cerit in honorem, aliud in contumeliam, & non vis acquiescere Paulo pro suo Domino respondenti: O homo, tu quis es qui respondeas Deo? Quasi dixisset in culpam hominibus imputari ignorantiam, ut ostendunt innumera Scripturæ loca, tametsi ejusmodi ignorantiam nunquam vincant sine gratiæ efficaci quæ datur secundum Dei propositum, nec omnibus & singulis; cui Catholice veritati nihil est quod respondeatur præter id quod reponit Hieronymus: Audi ergo, inquit, testimonia Scripturarum, ut stulta immo impia seiscitatio tua in perpetuum conticescat.

Obijcit Janfenius nonnulla alia S. Augustini loca; in quibus expresse docet ignorantiam tametsi invincibilem subjacere peccato. Libro de Nat. & Grat. c. 17. postquam distinguit duplicem ignorantiam, aliam vincibilem quæ oritur ex hominis negligentia; aliam invincibilem quæ conjunctionem habet impotentiam, utramque ait peccato esse obnoxiam: *Aliud est, inquit, non curasse scire, quæ negligentia peccata etiam per sacrificia quadam legis videbantur expiari; aliud intelligere velle nec posse & facere contra legem, non intelligendo quid fieri velit.* Unde sic argumentor: Ea ignorantia est invincibilis, quæ laborantibus qui intelligere volunt, nec possunt: Atqui tamen ex S. Augustino ejusmodi homines peccant, agunt enim contra legem; ergo ignorantia invincibilis a peccato non excusat.

Dist. maj. Nec possunt etiam adjuvi gratiæ auxilio, C. sublato gratiæ auxilio, N. revera supponit S. Augustinus quosdam esse qui volentes intelligere, tamen non possunt, & addit eos nihilominus agere contra legem; sed supponit ejusmodi homines ideo non posse intelligere, quia gratiam non petunt quæ possint intelligere; addit enim immediate: *Unde admonemur a Deo perire sapientiam (qui dat omnibus affluentem Jac. 1.) Usque his omnibus qui se-*
petunt

petunt & tantum petunt; quomodo & quantum res tanta petenda est. Qua de causa non loquitur S. Aug. de hominibus qui laborant ignorantia plane invincibili.

Obijcit hæc verba ejusdem S. Augustini e Comment. in Psal. 35. *Non unum hominem, inquit, sed genus hominum iniquorum dicit qui sibi adversantur, non intelligendo ut bene vivant, non quia non possunt, sed quia nolunt. Aliud est enim quando quisque conatur aliquid intelligere, & per infirmitatem carnis non potest, sicut dicit quodam in loco Scriptura, quia corpus quod corrumpitur, aggravat animam, & deprimit terrena inhabitatio sensum multa cogitantem. Aliud autem quando perniciosus agit adversus seipsum cor humanum, ut quod possit intelligere, si bona voluntas accederet, non intelligat, non quia difficile est, sed quia voluntas adversa est. Hoc autem fit, dum amat peccata sua & oderunt præcepta Dei. Ex quibus sic conficitur argumentum, ex S. Augustino: qui nolunt intelligere, hoc est, qui laborant ignorantia vincibili perniciosius agunt, quam qui non possunt intelligere, hoc est, qui laborant ignorantia invincibili; ergo qui laborant ignorantia invincibili saltem perniciose agunt, etsi minus, proindeque peccant.*

Nego consequ. Ibi enim S. Augustinus non loquitur de ignorantia invincibili, his nimirum verbis, in quibus occurrere videtur aliqua difficultas, *Aliud est enim quando quisque conatur aliquid intelligere & per infirmitatem carnis non potest, sicut dicit quodam loco Scriptura, quia corpus quod corrumpitur, &c.* Is enim qui conatur aliquid intelligere, hoc est, aliquid pertinens ad ejus salutem, nec tamen id potest propter infirmitatem carnis, quia corpus quod corrumpitur aggravat animam; is, inquam, propterea non laborat ignorantia invincibili; aliter omnia peccata carnis & quæ fiunt per concupiscentiam carnalem, essent effectus ignorantie in-

vincibilis, quod nemo dixerit. Quapropter id unum eo loci observat S. Augustinus hominem perniciosius agere, cum supina & affectata ignorantia non vult intelligere quod posset intelligere; ac si absque malitia & per infirmitatem carnis scientia salutis in eo retunderetur; quod quidem verissimum est, & perperam nobis obijcitur hac in controversia; siquidem id neutiquam spectat quæ fiunt ex ignorantia invincibili juris naturalis.

Obijcit insuper id quod docet idem Sanctus Augustinus Epistola 194. quæ est ad Sixtum, ubi postquam hæc præmisit, *Humana quippe superbia tanquam præsumens de viribus liberi arbitrii, excusatam se putat, quando ignorantia, non voluntatis videtur esse quod peccat. Tandem de ignorantia sive voluntaria sive necessaria, hoc est, sive vincibili sive invincibili sic concludit: Ac per hoc inexcusabilis est omnis peccator, vel reatu originis, vel additamento etiam propria voluntatis, sive qui novit, sive qui ignorat, sive qui judicat, sive qui non judicat. Quia & ipsa ignorantia in eis qui intelligere noluerunt, sine dubitatione peccatum est: in eis autem qui non potuerunt, pena peccati. Ergo in utrisque non est iusta exasatio, sed iusta damnatio. Ex quibus sic licet argumentari. Docet S. Augustinus inexcusabilem esse omnem peccatorem iustamque esse damnationem ejus, sive peccaverit, quia scire quid lex jubeat, noluit; sive quia scire non potuit; ergo existimabat ignorantiam invincibilem jura naturalis subjacere peccato.*

Nego consequ. quia nempe & S. Aug. non agit eo loci de ignorantia juris naturalis, & neutiquam affirmat ignorantiam illam de qua loquitur esse peccatum; quæ duo si verissima esse ostendero, ut mox constabit, mirum plane videri debet, quod hunc S. Augustini locum aliaque similia tanto cum studio hæc in controversia obijcerit Jansenius.

Pri-

Primo itaque dico S. Augustinum eo loci non agere de ignorantia juris naturalis, sed solum de ignorantia juris positivi, puta Evangelii; id patet cuius ad seriem & verba hujus Epistolæ propius attendenti; tum enim profunditate judiciorum Dei in negotio prædestinationis commendasset his verbis: *Cur autem illum potius quam illum liberet aut non liberet, scrutetur qui potest judiciorum ejus tam magnum profundum, veruntamen caveat præcipitum.* Duo genera hominum distinguit quos putat omnino inexcusabiles, alios qui noluerunt intelligere ut bene agerent; & alios, quod gravius est, qui intellexerunt & non crediderunt; sic vero illorum qui non cognoverunt, exprimit ignorantiam, dicit etiam ipse Dominus in Evangelio, (Joan. 15.) *Si non venissem & locutus eis fuisset, peccatum non haberent: nunc autem excusationem non habent de peccato suo.* Non utique peccatum nullum haberent qui pleni erant aliis magnis multisque peccatis, sed hoc peccatum vult intelligi non eos habituros fuisse, si non venisset; quo, cum audissent eum, non crediderunt in eum. Ubi certe agitur de ignorantia Evangelii, qua laborant ii quibus annuntiatum non fuit Christi Evangelium; ac proinde agit de ignorantia juris positivi.

Secundo nec tam de qua loquitur ignorantiam culpandam, & verum esse peccatum docet S. Augustinus; cum enim ait etiam inexcusabiles esse eos qui ignorant, id unum contendit eos qui Evangelium non audiverunt, non posse idcirco justum Dei iudicium effugere, quis licet propter ipsam ignorantiam damnationem æternam non incurrant, manet semper in iis reatus originis: *Ac per hoc, inquit, inexcusabilis est omnis peccator vel reatu originis, vel additamento etiam propriæ voluntatis, &c.* Quapropter nullius momenti esse ait excusationem illam qua dicunt, *Non audivimus, ideo non credidimus.* Sed non dicit ejusmodi

ignorantiam in peccatum imputandam, quandoquidem contrarium docet discrete his verbis mox citatis: *Non utique nullum peccatum haberent, qui pleni erant aliis magnis multisque peccatis, sed hoc peccatum vult intelligi non eos habituros fuisse si non venisset, quo, cum audissent eum, non crediderunt in eum.* Ubi eam ignorantiam Evangelii, de qua agit, discrete ab omni peccato eximit.

Objicit postea Janfenius alia S. Augustini testimonia, in quibus docet ignorantiam non modo in Infidelibus, sed & in Christianis vinci non posse sine efficaci Dei gratia, quæ non datur omnibus, nec in cujusquam potestate est, quandoeunque voluerit; sed tamen ex illa ignorantia vere peccare homines, nemo unquam Catholicus negavit, & aperte tradit S. August. ut colligitur ex lib. 2. de peccat. merit. cap. 17. ubi sic habetur: *Nolunt homines facere quod justum est, siue quia latet an justum sis, siue quia non delectat.* Tanto enim quidque vehementius volumus, quanto certius quam bonum sit novimus, eoque delectamur ardentius. Ignorantia igitur & infirmitas vitia sunt quæ impediunt voluntatem, ne moveatur ad faciendum opus bonum, vel ab opere malo abstinendum. *Ue autem innotescat quod latebat, & surse fiat quod non delectabat, gratia Dei est, quæ hominum abjurat voluntates, quæ ut non adjuventur, in ipsis iidem causa est, non in Deo.*

Verum meo quidem iudicio hæc & alia similia ad præsentem controversiam nequaquam atinent, rectius vero ad illam disputationem quam olim institui-
mus, ubi de gratia efficaci & sufficiente: ibi enim docuimus iusto Dei iudicio plerumque culpam hominem, cum agit ex ignorantia vel concupiscentia, tametsi careat gratia efficaci ad bene agendum necessaria; quia nimirum habuit aliunde gratiam sufficientem, qua posset vel ejusmodi ignorantiam depellere, vel concupiscentiam vincere: Id habemus

benius discretissime in loco mox citato, ubi ait S. Augustinus unam ignorantiae nostrae causam, qua nempe nobis non innotescit quod sciebat, esse quia nolumus; quo fit ut ignorantia sit voluntaria, & unde etiam sequitur ignorantiam eo praecise non censi absolute invincibilem, quod Deus non tribuat lucem gratiae efficacis qua tollitur ignorantia; quemadmodum concupiscentia non censetur physicam & absolutam peccandi necessitatem imponere, tamen si eam videlicet gratiam non infuderit Deus, qua haec vincitur infirmitas & libido.

Obijcit insuper Janenius: Celebris est & perquam usitata apud S. Augustinum illa divisio peccatorum, qua docet peccata omnia partim ex ignorantia, partim ex infirmitate contingere; sic lib. 1. de peccat. merit. c. ultimo: *Fit ut per ignorantiam vel infirmitatem non exsertis adversus eam concupiscentiam totis viribus voluntatis, eidem ad illicita etiam nonnulla cedamus*. Lib. 2. cap. 2. Unde fit consequens, inquit, ut nec orare debeamus ne intremus in tentationem, hoc est, ne in tentatione vincamur, vel cum fallit & praecipit nescientes, vel cum premit atque urget infirmos. Lib. 1. ad Bonifacium cap. 3. *Neque enim, inquit, agit in eis etiam qui suadet & decipit, nisi ut peccatum voluntate committant, vel ignorantia veritatis, vel delectatione iniquitatis, vel utroque malo & cecitatis & infirmitatis*. Haec porro & similia quae crebro in scriptis Augustini obvia sunt, non loquuntur de illa ignorantia, quae ex hominum negligentia vel torpore, sed de illa quae cum omni homine profunda nascitur & primi peccati poena est. Nam illa peccata quae ex torpida voluntate nascuntur, qua negligit ea discere quae ad justitiam agendam pertinent, verius negligentiae quam ignorantiae peccata ab Augustino dici solent. Unde & ignorantiam plerumque simplicem nescientiam vocat, ut ab ea distinguat quae voluntatem conjunctam ha-

bet, *Aliud est, inquit lib. de Grat. & lib. Arb. c. 3. nescisse, aliud nescire noluisse. Voluntas quippe in eo arguitur de quo dicitur, Noluit intelligere ut bene ageret. Sed & illa ignorantia qua non est eorum qui scire nolunt, sed eorum qui tanquam simpliciter nesciunt, neminem sic excusat, ut sempiterno igne non ardeat, si propterea non credidit, quia non audivit omnino quid crederet, sed fortasse ut minus ardeat. Igitur ex S. Augustino ea quae sunt ex ignorantia vel etiam invincibili, & ubi nulla ex parte hominis reperitur negligentia, vera peccata sunt.*

Dist. ant. Docet S. Augustinus peccata omnia partim ex infirmitate contingere, partim ex ignorantia, quae mala sit non bona, C. quae ipsa sit peccatum, subdist. quae peccatum sit, si sit vincibilis, C. si sit invincibilis, N. revera solemne est S. Augustino, ut dicat duplicem esse scelus omnium quae committuntur ab hominibus radicem & causam, nimirum ignorantiam & concupiscentiam; sed iis omnibus in locis vult solum ignorantiam esse malam, non bonam; vel si eam putet aliquando in peccatum imputari; tunc loquitur de ignorantia voluntaria & vincibili, ut manifeste liquet.

Primo ex ipsius S. Augustini proposito: Scilicet agit ibi adversus Pelagianos qui concupiscentiam & ignorantiam quibuscumque nascimur, contenebant non esse mala aut peccati poenas, sed naturales defectus, ut videre est passim apud eundem S. Augustinum, lib. 3. c. Jul. cap. 19. sic loquitur Julianus: *Ex hoc intelligi debet perfectam ignorantiam justitiam nominari; quia dixit Deus ad Abimelech qui cum Sara fuerat concubitus, ignorans quod uxor esset aliena; & ego sciebam quia in corde mundo fecisti hoc*. Ad quae verba Augustinus: *Cum ergo eas non nominas justos, si perfecta ignorantia justitia nomine nuncupanda est?* Et lib. de dono persever. cap. 11. *Dicunt Pela-*

Pelagiani ignorantiam & difficultatem, sine quibus nullus homo nascitur, primordia non supplicia esse nata. Tum vero eo proruperant insanire, ut cum S. Aug. argumentis premerentur, quibus ostendebat ignorantiam vel in pueris malam esse, pueros affirmarent negligentia sua has sibi tenebras accersere, quod refellit lib. 1. de peccat. mer. cap. 36. Illas, inquit, consideremus tenebras mentis utique rationalis, in quibus & Deum prorsus ignorant, cujus Sacramentis etiam cum baptizantur obsistunt: In has quæro unde & quando submersi sunt: Itane vero eas his contraxerunt, & in hac vita sua jam propria per nimiam negligentiam obliti sunt Deum, prudentes vero & religiosi vixerunt vel in utero matrum? Quam Pelagianorum doctrinam ubique cum impugnat S. Doctor, docet ignorantiam & in pueris & in adultis esse malam, hoc est, peccati originalis pœnam & per se aliorum peccatorum causam, quando scilicet voluntaria est & vincibilis; sic enim loco mox citato: An nullum est ignorantie malum, & ideo nec purgandum, & quid agat illa vox, Delicta juvenutis & ignorantia mea ne memineris.... In illas igitur ignorantia densissimas tenebras, ubi anima infantis recentis ab utero, utique anima hominis, utique anima rationalis non solum indocta, verum etiam indocilis jacet, quare aut quando aut unde contrita est? Si natura est hominis sic incipere & non jam vitiosa est ista natura, cur non talis creatus est Adam? Ubi totus est Augustinus ut ignorantiam dicat esse malam & vitiosam, quod ipsum & longe disertius scribit lib. 6. c. Jul. cap. 16. ubi loquens de homine baptizato sic habet: *Omni enim peccato caret, non omni malo, quod plantus ita dicitur, omni reatu omnium malorum caret, non omnibus malis... Nunquid caret ignorantia malo, per quod a nescientibus innumerabilia perpetrantur mala? An parvum malum est per quod homo non percipit quæ sunt Spiritus Dei? ... Non*

Tam. V.

igitur caruerunt tanto ignorantia malo in lavacro regenerationis, ubi tamen omnibus caruerant sine dubitatione peccatis. Quibus verbis manifeste docet ignorantiam esse malam etiam in baptizatis qui omni peccato carent; quapropter cum passim adversus Pelagianos scribit peccata omnia partim ex infirmitate contingere, partim ex ignorantia, id unum vult ignorantiam esse malam, non autem ipsam esse peccatum, puta si non sit vincibilis & voluntaria, tum vero nec ea quæ sunt ex ignorantia non esse peccata, nisi pariter sint voluntaria.

Secundo mens S. Augustini ex eo satis superque declaratur, quod de ignorantia loquitur ut & de concupiscentia, ut patet ex verbis in ipsa objectione citatis; Atqui constans est S. Augustini doctrina concupiscentiam appellari tantum malam eo sensu quod ipsa sit scelerum causa, utpote quæ remanet in baptizatis, non autem ipsa sit peccatum: ait enim lib. 1. de nupt. cap. 23. *Dimitti concupiscentiam carnis in baptismo, non ut non sit, sed ut in peccatum non imputetur, quamvis autem reatu suo jam soluto, manet tamen.* Et lib. 6. c. Jul. c. 16. *Nos autem, inquit, qui eam concupiscentiam, malam dicimus. Et manere tamen in baptizatis, quamvis reatus ejus non quo ipsa erat rea, neque enim aliqua persona est, sed quo reum hominem originaliter faciebat, fuerit remissus atque vacuatus; Ergo id unum his locis contendit ignorantiam malam esse peccati pœnam & malorum causam, non autem culpæ rationem habere.*

Quod vero idem in locis dicat Augustinus ex ejusmodi ignorantia quam ex peccato primi parentis nascendo contraximus, peccata plerumque ab adultis committi, causam adversariorum neutiquam juvat; tum quia, eatenus tantum peccatum committitur, quatenus ignorantia sit voluntaria & vincibilis; quemadmodum vicio vertitur concupiscentia,

O

cum

eum ejus deliberatis moribus homo voluntarie consentit; tum quia ibi non magis agitur de ignorantia juris naturalis quam facti aut juris positivi: unde argumentum istud ex ignorantia peti- tum nimis probaret, si in rigore acci- peretur.

Objicies præterea id quod scribit S. Augustinus ad Publicolam Epist. nunc 47. olim 154. *Si quis autem, inquit, bonum putaveris esse quod malum est, & feceris hoc putando utique peccat, & ea sunt omnia peccata ignorantia, quod quisque bene fieri putat, quod male fit. Unde sequitur ignorantiam non excusare a pec- cato.*

Respondeo nullo plane fundamento affirmari posse eo loci sermonem esse de ignorantia invincibili & aliunde cer- tum esse ibi mentionem fieri de igno- rantia facti, qua nimirum dubitat quis an aliqua caro sit immolatoria necne, ut manifeste ostendunt hæc verba im- mediate præcedentia: *Si quis dubitas de aliqua carne, utrum immolatoria sit & non est immolatoria, si eam cognitionem tenueris, quod immolatoria non sit & ea vescatur, non utique peccat. Si quis au- tem, &c. Quocirca perperam objicitur iste locus.*

Hic porro & alia nonnulla S. Augu- stini loca nobis objiciuntur, quæ, quo- niam id unum innuere videntur, ea quæ fiunt ex ignorantia invincibili esse pec- cata, tametsi non sint voluntaria, adeo- que libertatem hominis potissimum im- petere, satius erit ea paulo infra ex- plicare, ubi de libero hominis arbitrio tractabimus.

Objicies nonnulla S. Thomæ testi- monia. Quodlib. 3. art. 10. quaerit, *An discipuli sequentes diversas opiniones Ma- gistrorum excusentur a peccato erroris, & respondet in rebus ad fidem & mores pertinentibus non excusari, si sequantur opinionem erroneam: Alioquin, inquit, immunes a peccato fuissent qui secuti sunt opinionem Ariti, Nestorii, & aliorum*

Heresiarcharum. Quodlibeto 8. art. 13. quem locum integrum superius descri- ptissimus, docet eum a peccato excusari non posse, qui sequitur opinionem fal- sam, cum faciat contra legem Dei, quam- vis non faciat contra conscientiam. De- nique quodlibeto 9. art. 15. affirmat quemlibet errorem, quo non creditur esse peccatum mortale quod est peccatum mortale, conscientiam non excusare a to- to. Quæ professio S. Thomæ loca ma- nifeste ostendunt eum existimasse igno- rantiam invincibilem non excusare a peccato; tunc enim ignorantia invinci- bilis non excusat a peccato, cum pec- cat quisquis sequitur opinionem falsam & erroneam, eo præcise quod agit con- tra legem Dei: Atqui ex illis locis pec- cat quisquis sequitur opinionem falsam & erroneam, eo præcise quod agit con- tra legem Dei; ergo.

Dist. min. Ex illis S. Thomæ locis peccat quisquis sequitur opinionem fal- sam, non laborans scilicet nisi ignoran- tia vincibili, C. laborans ignorantia in- vincibili, N. Dum igitur D. Thomas universim pronuntiat, illud quod agitur contra legem, semper esse malum & peccatum, quamvis sit juxta conscien- tiam, supponit ignorantiam juris natu- ralis vel legis non esse invincibilem, sed potius vincibilem & voluntariam, quia tam certum est, quam quod certissimum, S. Doctorem existimasse ignorantiam in- vincibilem ab omni excusare peccato, ut constat ex ejus testimoniis superius adductis: quod quidem etiam & aperte colligitur ex iis locis quæ objiciuntur; nam post verba & quodlibeto tercio ci- tata, statim subjungit: *Qui ergo assentis opinioni alicujus Magistri contra mani- festum Scriptura testimonium, siue contra id quod publice tenetur secundum Ecce- lesia auctoritatem, non potest ab erroris vi- tio excusari. Ubi affirmat tunc solum- modo errare discipulum qui Magistri fal- sam opinionem sequitur; & a peccato eatenus excusari non posse, cum ejus- modi*

modi opinio pugnat contra manifestum Scripturæ sacræ testimonium atque Ecclesiæ doctrinam, quæ verba designant ignorantiam vincibilem. Et similiter quodlib. 8. loquitur de errore quo quis agit contra legem non adhibita sufficienti diligentia, ut constet ex argumento, sed contra: *Potest esse, inquit, quod in tali casu aliquis adhibeat diligentiam, inquirens an licitum sit habere plures Præbendas, &c.*

Neque est quod obijciatur nonnullorum aliorum actoris, qui univèrsum pronuntiarunt ignorantiam peccato semper esse obnoxiam, si sit eorum quæ ad salutem necessaria sunt, ut agnoscere videntur Guillelmus Altiss. lib. 3. c. 3. q. 3. Alexander Alenfis q. 112. memb. 8. & q. 153. memb. 3. Guillelmus Paris. Tract. de Legibus cap. 21. S. Bonaventura in 2. dist. 22. q. 2. Gersonius initio libri cui titulus est, *Regula moralis*. Henricus Gandav. quodlibeto 12. q. 25. & quidam alii. Tum vero & aliorum qui aperte docent quamlibet ignorantiam juris naturalis esse culpandam, ut Durandus in 3. distinct. 25. quæst. 1. ad 1. Paludanus in 4. distinct. 25. S. Antoninus 2. parte Summæ lib. 6. cap. 9. & Cajetanus in 1. 2. quæst. 76. *Hæc, inquam, Theologorum testimonia nihil quicquam efficiunt adversus nostram sententiam; siquidem manifestum est cuiuslibet attendenti ea intelligi debere de ignorantia vincibili, eo enim potissimum nomine docent ejusmodi ignorantiam excusari non posse a peccato, quia facienti quod in se est Deus non denegat gratiam in necessariis, adeoque ad depellendas ejusmodi ignorantie tenebras.*

Quapropter ultro fatetur ipse Jansenius, ut jam a nobis observatum est, sibi hoc in negotio adversari totam atque integram Scholasticorum turbam.

Obijcies: Inter regulas juris hæc legitur num. 13. *Ignorantia facti, non juris excusat*; quæ regula locum non ha-

bebit, si quælibet ignorantia invincibilis excuset a peccato, par enim erit ratio cujuslibet ignorantie, seu sit juris seu facti; quælibet excusabit a peccato, si sit invincibilis: nulla excusabit, si sit vincibilis & voluntaria; Igitur.

Respondeo locum habere istam juris regulam, si res spectetur in foro externo, non autem si in foro interno; quia revera cum agitur de judicio ab hominibus ferendo, plerumque Judices ignorantiam facti excusant, non autem ignorantiam legis; sic v. g. excusaretur homo qui loco terræ occidisset hominem, laborans ignorantia facti; sed idem non excusaretur, qui juris ignorantiam obtenderet, dicent se ignorasse homicidium esse illicitum. Quibus adde nimis probare argumentum quod petitur ex illa juris regula; inde enim colligeretur nullam ignorantiam juris vel etiam si sit juris positivi, excusare a peccato, quod nec ipsi volunt adversarii.

Obijcies: Si qua ex causa ignorantia invincibilis excusaret a peccato, maxime quia non est libera & voluntaria: Atqui ignorantia invincibilis juris naturalis sufficienter est voluntaria, ut & ipsa vitio vertatur, & quæ ex illa fiant contra legem; siquidem voluntaria est in Adamo, voluntate Adami, utpote quæ originalis peccati poena est, quod sufficit; quandoquidem peccatum originale non aliter voluntarium est, quod tamen in omnibus & singulis hominibus veri & proprie dicti peccati rationem habet; Igitur ignorantia invincibilis non excusat a peccato, si sit eorum quæ scire tenentur homines.

Nego min. est quippe constans hæc & unanimis omnium Theologorum doctrina, præter peccatum originale quod in nobis voluntarium est duntaxat voluntate Adami, nihil aliud rationem habere peccati proprie dicti, quam quod volitum est voluntate operantis: unde præter peccatum originale, quodcumque aliud peccatum dicitur actuale; quia nem-

pefit per actum deliberatum & liberum voluntaris.

Et herele si ignorantia invincibilis in nobis conferetur esse voluntaria, indeque vitio verteretur ipsa & quæcunque ex illa sunt, sequeretur motus concupiscentiæ primo primos, ut aiunt, qui nempe ante deliberatum voluntatis consensum subito erumpunt, item quæ ex amentia, phræncsi & cæcitate corporali prodirent, & ipsam demum infidelitatem negativam esse peccata proprie dicta; sunt enim isthæ omnia totidem peccati originalis poenæ, ex consensu omnium & ipsius Jansenii confessione; sed nemo dixerit motus primo primos concupiscentiæ; quicquid contra legem agunt amentes, phrænetici & cæci a nativitate, ac demum infidelitatem negativam esse peccata proprie dicta; Igitur ignorantia invincibilis usque adeo non est voluntaria, ut censeri possit esse peccatum.

Instabis: Non excusatur a peccato homicidium ab homine ebrio perpetratum, tamen si homicidium in se & ratione sui non sit voluntarium: quia nempe, quod sufficit, voluntarium est in causa, puta in ebrietate quæ voluntaria fuit; ergo similiter ignorantia invincibilis non est quidem voluntaria in se, sed in sua causa, nempe in peccato originali, adeoque a peccato excusari non potest.

Nego conseq. & par. Disparitas est quia homicidium ab homine ebrio perpetratum ideo voluntarium censetur, & inter peccata actualia reponitur, quia revera voluntarium est per propriam hominis voluntatem saltem in sua causa, puta in ebrietate quæ voluntaria fuit per actum proprium voluntatis ipsius hominis; at vero ignorantia invincibilis non est voluntaria per modum peccati actualis, neque in se, neque in sua causa, ex ipsis enim adversariis est tantum voluntaria in peccato originali cujus effectus est; at peccatum originale non est in nobis voluntarium propria nostra

voluntate, sed tantum voluntate aliena; voluntate Adam; adeoque par non est utrobique ratio. Quibus addideris negare multos Theologos ignorantiam in posteris Adæ esse voluntariam, vel etiam voluntate primi parentis, licet sit poena peccati & Adamo & cæteris hominibus inflicta; quia, inquirunt, poena propter peccatum inflicta non est voluntaria; est quippe præter peccantis intentionem a Deo inflicta.

Objicies: Si ignorantia invincibilis juris naturalis excusaret a peccato, optanda foret ejusmodi ignorantia, & longe melior esset ignorantium conditio quam aliorum qui legem cognoscunt: absurdum consequens; ergo & antecedens.

Nego ant. Siquidem hoc argumento probaretur quamcunque ignorantiam juris etiam positivi fore optandam, ejusmodi enim ignorantia, fatentibus adversariis, excusatur ab omni peccato; quis vero dixerit meliorem esse conditionem eorum quibus nunquam annuntiatum fuit Christi Evangelium, quam aliorum quibus per prædicationem Evangelii affulsit Christianæ fidei lux & veritas?

An detur ignorantia juris naturalis quæ sit invincibilis.

Nonnulli sunt inter Theologos, qui quidem super præcedenti disputatione nobiscum consentire videntur; præfentes ignorantiam invincibilem juris naturalis ab omni prorsus peccato eximere: sed tamen in rei veritate ab ipso Jansenio, quem modo consultavimus, aut parum aut nihil hac in parte recedunt; quia totis viribus contendunt nullam dari ejusmodi ignorantiam juris naturalis quæ sit omnino invincibilis, quam doctrinam ut cum aliqua specie veri propugnare possint, adducunt supra Jansenii principia unice nituntur, si quod enim ipsis objiciatur excem-

exemplum ignorantie, quæ fuerit omnino invincibilis & involuntaria, respondent ejusmodi ignorantiam fuisse saltem vincibilem & voluntariam in Adamo, quod sufficit ut vitio imputetur, & omnia quæ ex illa contra legem committuntur.

Volunt alii omne jus naturale universum sumptum invincibiliter ignorari posse, si nonnulla tantum excipiantur prima morum principia, quale est illud, *Quod tibi non vis fieri, alteri ne feceris*.

Qua ex causa apud Germanos furtum olim reputabatur licitum, teste Julio Cæsare lib. 6. de bello Gallico, ut & adulterium apud Lacedæmones, ut refert Plutarchus in vita Lyncurgi.

Nos vero cum S. Thoma & cæteris fere omnibus Theologis prima juris naturalis principia distinguimus a conclusionibus, quæ ex iisdem principiis eruantur; & iterum duplex genus conclusionum admittimus; aliæ sunt enim proximæ sequentes ex primis principiis, & quæ ex iis facillime & sine multo labore colliguntur; aliæ vero sunt valde remotæ a primis principiis & quæ sciri non possunt nisi post diligens studium; quæ præmissa distinctione dicimus ex una parte prima juris naturalis principia, v. g. Deum esse colendum, parentes esse honorandos; & conclusiones ex illis principiis proximè erutas, invincibiliter ignorari non posse; ex altera vero invincibiliter adeoque inculpate ignorari nonnunquam quasdam conclusiones remotiores: quocirca sit

PRIMA CONCLUSIO.

Nec prima principia juris naturalis, nec conclusiones proximæ ex eo sequentes invincibiliter ignorari possunt.

Id aperte docet S. Paulus ad Rom. cap. 2. h. s. verbes: *Cum enim gentes quæ legem non habent, naturaliter ea quæ leges sunt faciunt, ejusmodi legem non ha-*

bentes, ipsi sibi sunt lex: qui ostendunt opus legis scriptum in cordibus suis, testimonium reddente illis conscientia ipsorum, & inter se invicem cogitationum accusantium, aut etiam defendentium; & ut alii legunt, cogitationibus accusantibus, aut etiam defendentibus in die, cum judicabit Deus occulta hominum; ubi docet Apostolus gentes ipsas, quibus nondum affulsit lux Evangelii, habere legem menti inditam, quæ possint bonum a malo discernere, & pleraque opera legis naturalis perficere naturaliter, hoc est, ductu & virtute legis naturalis; quæ quidem continet prima saltem principia, & conclusiones proximæ sequentes, quæ proinde ignorari non possunt invincibiliter. Unde in hunc plane sensum de omnibus & singulis hominibus verba faciens Psalmista, dixerat Psal. 4. *signatum est super nos lumen vultus tui, Domine*. Quo lumine saltem notissima quæque in moribus cognoscere possunt homines, nisi de industria cæcitate velint.

Hanc porro doctrinam unanimi consensu tradiderunt omnes sancti Patres, Tertullianus lib. de Corona militis cap. 5. S. Ambros. Epist. 73. S. August. Comment. in Psal. 57. sub initio. S. Cyrillus Alex. lib. 3. c. Jul. S. Greg. M. lib. 27. Mor. cap. 16. & alii quorum testimonia huc adducere in re tam facili & omnibus comperta necessarium esse non videtur.

Sed & istud longe disertius docent communiter Scholastici. Unus præ cæteris citabitur S. Thomas, qui 1. 2. q. 94. art. 6. statuit in conclusione non posse legem naturæ quoad ejus communia & universalia omnibus nota principia ex cordibus hominum aboleri, sed quoad particularia quædam, & ut in paucioribus; ubi eum dicit legem naturalem quoad particularia quædam & in paucioribus aboleri in cordibus hominum, manifeste supponit in cæteris, hoc est, quoad prima principia & conclusiones ex illis prin-

principiis proxime erutas, illam non deleri, adeoque invincibiliter ignorari non posse. Quocirca in corpore articuli facetur quidem ejusmodi conclusiones, seu praecepta secundaria nonnquam de cordibus hominum deleri; verum id refundit in culpam hominum, adeoque hæc putat nonnisi vincibiliter ignorari: *Quantum vero, inquit, ad alia praecepta secundaria, potest lex naturalis deleri de cordibus hominum, vel propter malas persuasiones, vel etiam propter pravas consuetudines, & habitus corruptos; sicut apud quosdam non reputantur introitus peccata, vel etiam contra naturam, ut etiam Apostolus dicit ad Rom. 1.*

Faver demum ratio, quia illud non ignoratur invincibiliter, cujus cognitio facilis est cuilibet sincere volenti & attendenti: sed cognitio primorum principiorum juris naturalis, ut & conclusionem quæ ex illis principiis proxime sequuntur, cuivis sincere volenti est facilissima: id quippe facile & sine multo labore innotescit quod est evidentissimum; id porro evidentissimum quod universale, quod non est particulare & particularibus circumstantiis implicitum, qualis est v.g. hæc propositio, *omne furtum est malum*; quæ conclusio dici potest eruta proxime ex isto primo principio, *Quod tibi fieri non vis, alteri ne feceris*: non possunt igitur invincibiliter ignorari conclusiones proxime sequentes ex primis morum principiis.

Obijcies: S. Paulus ad Rom. 7. docet homines ante legem Moïsi non cognovisse peccata, quæ proinde tunc ignorabantur invincibiliter: *Quid ergo dicemus?* inquit, *lex peccatum est?* absit. *Sed peccatum non cognovi nisi per legem. Nam concupiscentiam nesciebam, nisi lex diceret, Non concupisces.* Atque id non solum esse intelligendum de peccatis desiderii, seu de appetitu interiori qui fertur ad illicitum, quasi ante legem datum a Moïse cognita non fue-

rint ejusmodi peccata, sed & illud etiam accipi debere de quolibet peccato exteriorius procedente, aperte colligitur ex interpretatione S. Augustini lib. de spiritu & littera c. 4. hæc scribentis: *Nam hoc ideo elegit Apostolus generale quoddam, quo cuncta complexus est, tanquam hæc esset vox legis ab omni peccato prohibentis quod ait, Non concupisces. Neque enim ullum peccatum nisi concupiscentia committitur.* Quod idem docet Sanctus Hieronimus Epist. 151. ad Algasiam, quæst. 8. *Præ quæramus, inquit, quæ sit ista concupiscentia, de qua lex dicit, Non concupisces.* Alii putant illud esse mandatum quod in Decalogo scriptum est, *Non concupisces rem proximi tui.* Nos autem per concupiscentiam omnes perturbationes anime significatas putamus, quibus maremus & gaudemus, timemus & concupisimus. Ergo & ignorantur etiam non ignorantia invincibiliter peccata omnia scilicet ab iis qui legem divinam non cognoverunt.

Dist. maj. Non cognovisse peccata quæ sunt voluntatis & desiderii, C. peccata quælibet universim loquendo, N. id unum igitur eo loci docet Apostolus homines ante legem scriptam non cognovisse peccata quæ sunt tantum desiderii, quia nempe tunc homines sub lege naturæ & una duce natura viventes id solum peccatum esse noverant, quod injustum & alteri nocumento futurum ratio naturalis distirabat; ejusmodi profecto non sunt peccata voluntatis & desiderii, ut manifeste indicant ipsius Apostoli verba; cum enim dixisset, *Peccatum non cognovi nisi per legem*, subdit illico, *nam concupiscentiam nesciebam, nisi lex diceret, Non concupisces.* Ubi concupiscentiam explicat per hoc verbum, *non concupisces*, juxta illud quod in Decalogo scriptum est, *Non concupisces rem proximi tui.*

Nec moror quod in præfato Apostoli testimonio vocem *concupiscentiam* ad omne peccatum extendant S. Augustinus & Hic-

& Hieronymus; inde enim solum colligi debet aliquem Scripturæ locum posse interdum apud SS. Patres multiplicem habere sensum, prout nempe ratio eorum instituti postulat; id unum certum est neutrum ex illis Scripturibus sic divi Pauli verba interpretatum fuisse, ut inde inferret nulla peccata ante legis Moisaicæ promulgationem ab hominibus cognita fuisse, qui nimirum aperte contrarium docent; discretus est super ea te S. Hieronymus loco citato, ubi loquens de lege naturali sic habet: *Ista lex quæ in corde scribitur, omnes continet nationes, & nullus hominum est qui hanc legem nesciat; unde omnis mundus sub peccato, & universi homines pravaricatores legis sunt; & ideo justum iudicium Dei est scribentis in corde humani generis, Quod tibi fieri volueris, alteri ne feceris. Quis enim ignoret homicidium, adulterium, furtum, & omnes concupiscentiam esse malum, ex eo quod sibi ea nolit fieri? Si enim mala esse nescires, nequaquam doleret sibi esse illata: per hanc naturalem legem & Cain cognovit peccatum suum dicens, Major est causa mea quato ut dimittat.*

Idem porro & docet passim S. Augustinus lib. 2. Confess. cap. 4. *Fortum certe, inquit, punis lex tua, Domine, & lex scripta in cordibus hominum, quam ne ipsa quidem deus iniquitas. Comment. in Plal. 57. In initio: Cui iniquo, inquit, non facile est loqui iustitiam? aut quis de iustitia interrogatus, quando non habet causam, non facile respondens, quid sis iustus? quandoquidem manu formatoris nostri in ipsis cordibus nostris veritas scripta. Quod tibi non vis fieri ne facias alteri; hoc & antiquam lex docet, nemo ignorare permissus est, ut esset unde iudicarentur, & quibus lex non esset data.... propterea scripta lex quid clamat eis qui deseruerunt legem scriptam in cordibus suis, Redite pravaricationis ad cor. Qui enim te docuit nolle accedi ab altero ad uxorem tuam? quis*

te docuit nolle tibi furtum fieri? quis te docuit.... iudicas enim malum esse in eo quod pati non vis, & hoc te cogit nolle lex intima in ipso tuo corde conscripta.

Obici solent in hanc nostram conclusionem nonnulla S. Ambrosii testimonia, sed quæ vel etiam in eo piget describere, quod nullam continent difficultatem, ejusmodi est quod legitur lib. de fuga sæculi cap. 3. his verbis: *Lex autem gemina est, naturalis, & scripta. Naturalis in corde, scripta in tabulis. Omnes ergo sub lege, sed naturali, sed non est omnium ut unusquisque sibi sit lex. Ubi, inquit, affirmat non esse omnium ut quisque sibi sit lex. Verum meo quidem iudicio nihil plane colligi potest ex illis verbis, cum præsertim subjungat illico, primum natura ipsa boni operis magistra est. Scis non furandum, & servum tuum, si furtum tibi fecerit, verberas; & si quis ad uxorem tuam accesserit, persequendum putas.*

Plus virum non habent hæc e. lib. 2. de Abraham cap. 4. Unde videmus eam, Saram, Ægyptii, qui non possent discernere, nec virtutis formam consoscere vulgari estimantes iudicio induxerunt ad tyrannum. Quasi Ægyptii ex S. Ambrosio non cognoverint fornicationem esse prohibitam lege naturali. Siquidem ad summum inde sequeretur Ægyptios existimasse polygamiam lege naturali non esse vetitam, quæ sententia quorundam Theologorum est.

Denique nec opponi debet quod scribit Ambrosius lib. de Paradiso c. 8. his verbis: *Non enim consistent peccatum si interdictio non fuisset.... quid est enim peccatum nisi pravaricatio legis divine, & celestium inobedientia præceptorum? Totus est enim eo loci, ut doceat opinionem boni & mali humanis mentibus a Deo impressam: Dei autem præceptum, inquit, non quasi in tabulis lapideis atramento legimus inscriptum, sed cordibus nostris tenemus impressum Spiritus*

tu Dei vivi. Ergo opinio nostra ipsa sibi legem facit. Si enim gentes quae legem non habent naturaliter, ea quae legis sunt faciunt, ejusmodi legem non habentes ipsi sibi sunt lex, qui ostendunt opus legis scriptum in cordibus suis.

Obijci etiam solet id quod scribit S. Augustinus Serm. 153. de verbis Apostoli. num. 6. ubi sic de homine ante legem scriptam spectato loquitur: *Quis fuit antea nescius malorum suorum, factus est doctus, & pejus est victus, caput esse non solum peccator, sed etiam pravivicator, peccator enim & antea erat, sed antequam legem audiret peccatorem se esse nesciebat; legem audivit, peccatum vidit, conatus est vincere, superatus atque prostratus est, factus est & legis pravivicator, qui fuit antea nescius peccator.*

Sed nec illa similiter S. Augustini verba ullam facessere possunt difficultatem; cum enim affirmat homines non fuisse pravivitatores nisi post legis Moisaicae promulgationem, id manifeste intelligit quoad praecepta ejusdem legis scriptae, non quoad praecepta legis naturalis. Neque contrarium docuerat paulo supra his verbis: *Quis enim aliquando ad iudicem ductus est, quia meretricis lupanar intravit? quis aliquando in publicis tribunalibus accusatus est, quia persuas lyristrias lascivus immundusque defluxit? Ubi non ait ejusmodi crimina in foro interiori reputata fuisse ut licita ante legem scriptam, sed tantum in foro exteriori non fuisse punita, addit enim, sed in foro, non in caelo; in lege mundi, non in lege Creatoris mundi.*

Nec impeat quod nonnulli obijciunt eundem S. Augustinum dubitare lib. 22. contra Faustum cap. 37. utrum Sara perpetrasset adulterium, si de consensu Abrahae suam violari pudicitiam utique passa esset: *Quaquam, inquit, scrupulosus disputari possit, utrum illius mulieris pudicitia violaretur, etiamsi quisquam carni ejus commixtus foret; cum id in se fieri pro mariti vita nec illo*

nesciente, sed jubente permitteret, nequaquam fidem deserens conjugalem. Ex qua profecto S. Augustini dubitatione, tametsi sincera fuisset, quod non crediderim, quis ubique adulterium condemnat S. Doctor, ut videre est lib. de fide & oper. c. 7. lib. 2. de adult. conjug. c. 4. & alibi, neutiquam probari potest illum ignorasse ignorantia invincibili aliquod praeceptum legis naturalis.

Denique & opponi solet quod denarrat S. Hieronymus lib. 2. advers. Jovin. cap. 6. plures perverfas consuetudines nonnullarum gentium, quae supponunt ab illis hominibus ignorata fuisse secundaria saltem praecepta legis naturalis: *Quid loquar, inquit, de ceteris nationibus, cum ipse adolescentulus in Gallia viderim Scotos gentem Britannicam humanis vesci carnibus, & cum per silvas porcorum greges & armentorum pecudumque reperiant, pastorum nates & faminarum papillas solere abscindere & has solas ciborum delicias arbitrari? Scotorum natio uxores proprias non habet, & quasi Platonis politiam legerit, & Catonis sectetur exemplum, nulla apud eos conjux propria est: sed ut culque libitum fuerit, pecudum more lascivunt. Persa, Medii, Indi & Aethiopes Regna non modica & Romano Imperio patia, cum matribus & avitis, cum filiabus & nepotibus copulantur. Massageta & Derbices miserrimos putant, qui agrotatione moriantur, & parentes, cognatos, propinquos, cum ad senectam venerint, jugulatos devorant, &c. Quibus narratis sic concludit Hieronymus: *Pervides quod non solum in usu, sed in sepulchris & in connubiis, & in omni conversatione unaqueque gens suo ritu & proprietatibus vivit, & hoc eam natura legem putare quod didicit.**

Verum nec ex istis colligi potest in mente Sancti Hieronymi gentes illas tot detestanda facinora perpetrasse ex ignorantia invincibili legis naturalis; tum quia id nullibi vel leviter insinuat S. Hie-

S. Hieronymus ; tum quia inter varia illa recenset etiam crimen idololatriæ . *Pene singula*, inquit, *in Ægypto civitates singulas bestias & monstra venerantur, & quodcumque coluerint, hoc inviolabile & sacrum putant.* Quis vero dixerit existimasse S. Hieronymum populos illos ignorantia invincibili hac in parte laborasse?

SECUNDA CONCLUSIO.

Jus naturale invincibiliter ignorari potest quoad certas conclusiones a primis principiis longe remotiores .

Ea siquidem merito censentur ignorari invincibiliter quæ plerumque ignorantur, vel sciri non possunt, etiam post diligens studium & multo labore adhibito : Atqui nonnullæ conclusiones a primis principiis juris naturalis valde remotæ, interdum sciri non possunt etiam post diligens studium & multo labore adhibito ; contingit enim nec raro admodum, ut Doctores ipsi vel peritissimi & sagacissimi, quando disputant an aliquid sit licitum jure naturæ vel illicitum, in varias abeant opiniones & quidem contradictorie oppositas ; adeo ut v. g. quem contractum unus tenet illicitum & lege naturali prohibitum, licitum & legi naturali neutiquam contrarium contendat alter ; nullo enim, quod quidem sciam, fundamento, alicui Doctori quantumvis piissimo tribueretur privilegium nunquam errandi in iis quæ pertinent remote solum ad jus naturale : Atqui hoc posito nihil vetat quominus viri de plebe & in controversiis moralibus plane indocti, etiam post diligens studium & accuratam veritatis inquisitionem, ignorent pariter an aliquis contractus sit licitus vel illicitus, sit usurarius necne, sit prohibitus lege naturali vel non prohibitus ; possunt enim citra quamlibet culpam & servatis prudentiæ regulis sequi sententiam gravissimorum Doctorum, quia tunc se-

Tom. V.

quantur id quod ipsis probabilius est, quod sufficit, ut agent prudenter & tuta conscientia ; nec juxta methodum in Ecclesia receptissimam est alia via qua tandem indocti veritatem assequi possint, quam si bona fide consulant Doctores gravissimos ; ergo plerumque possunt indocti jus naturale invincibiliter ignorare, atque etiamnum ignorant quoad conclusiones saltem a primis principiis remotiores .

Quamobrem sicut Doctor citra culpam errare potest etiam circa jus naturale, quando nempe falsam tradit doctrinam circa bonos mores post diligens studium & susas ad Deum preces ad inveniendam veritatem, nullaque penitus obrepit negligentia ; ita poterit quis e plebe sine ulla culpa hanc opinionem tametsi falsam sequi in praxi, ita ut ejusmodi error non imputetur, si nempe laboret ignorantia invincibili, & ad inveniendam veritatem omne adhibuerit studium, omnem diligentiam .

Id porro & rursus ex iis momentis evincitur, quibus supra docuimus posse quempiam tuta conscientia sequi opinionem mere probabilem, modo nempe opposita probabilior appareat operanti post accuratam & diligentem veritatis inquisitionem ; nec requiri perfectam certitudinem de veritate sententiæ quam sequitur in praxi, ut nimirum licite agat & citra omnem culpam ; illa enim doctrina, ut per se patet, summam habet conjunctionem cum ista, qua dicimus jus naturale plerumque ignorari invincibiliter, saltem quoad nonnullas conclusiones a primis principiis remotiores .

Atque hæc fuit omnium pene Theologorum doctrina, quorum nonnulla solum testimonia huc adducam ex innumeris illustriora .

Ita nimirum divus Thomas 1. 2. q. 100. art. 1. in corp. art. *Quadam sunt, inquit, in humanis actibus adeo explicita, quod statim cum modica consideratione pos-*

P

pos-

possunt approbari vel reprobari per illa communia & prima principia. Quadam vero sunt ad quorum iudicium requiritur multa consideratio diversarum circumstantiarum, quas considerare diligenter non est cujuslibet, sed sapientium; sicut considerare particulares conclusiones scientiarum non pertinet ad omnes, sed ad solos Philosophos... Quadam sunt quae statim per se ratio naturalis cujuslibet hominis adjudicat esse faciendam vel non faciendam, sicut (Honora patrem tuum & matrem,) & (Non occides, Non furtum facies) & hujusmodi sunt absolute de lege naturae. Quadam vero sunt quae subtiliori consideratione rationis a sapientibus judicantur esse observanda; & ista sic sunt de lege naturae, ut tamen indigeant disciplina qua minores a sapientibus instruuntur, sicut illud, (Coramcano capite conjurge) & alia hujusmodi.

Albertus M. in 2. Sent. dist. 22. art. 10. Quodam est, inquit, jus universale quod omnibus imponitur ad sciendum, & quoddam est particulare quod non scitur nisi per studium. Prima, id est, primi ignorantia, est crassa & non excusans; secunda vero excusat vel a tanto, vel etiam a toto, si est casus multum difficilis.

Item Almainus Tract. Mor. cap. 4. ubi sermonem habet de ignorantia quatenus tollit voluntarium: Non potest, inquit, reperiri ignorantia invincibilis in iis quae sunt juris pure naturalis universalis in aliquo mente ratione. Ubi cum addat istam vocem universalis, profecto supponit reperiri ignorantiam invincibilem in iis quae sunt juris naturalis particularis, hoc est, conclusionum saltem a primis principiis remotiorum.

Et clarissimus Gersonius lib. de potestate Ecclesiastica Confid. 13. Diligenter attendendum est, inquit, quod sicut in speculabilibus sunt primo principia naturaliter nota, sunt secundo conclusiones evidenter ab illis principiis demonstratae, sunt consequenter conclusiones tantummodo

probabiliter deducta ex praedictis veritatibus circa quas est solum opinio; tandem quarto sunt aliae propositiones sic elongatae a primis veritatibus quod non apparet... Proportionabiliter suo modo dicendum est de veritatibus moralibus, &c.

His antiquioribus Scholasticis facile astipulantur recentiores; sic Bartholomaeus de Medina celeberrimus in Academia Salmanticensi Theologus 1. 2. q. 76. art. 2. Circa alia praecepta naturalia quae eliciuntur ex praeceptis Decalogi per consequentiam & argumentationem non valde evidentem, sed multo labore & inquisitione, potest esse ignorantia invincibilis per multum tempus, nisi de ejusmodi veritatibus ab alio erudiamur & illuminemur, v. g. an sit licitum habere plures uxores, an fornicatio simplex sit licita, an sit licitum vindicare proprias injurias... Ratio hujus propositionis est, quia ex errore & consuetudine vulgi, insuper ex ingenii tarditate non potest homo cito advertere inordinationem in hujusmodi actibus. Quod idem docet Soto lib. 2. de just. q. 4. art. 4.

Et Sylvius insignis Doctor Duacensis in 1. 2. quest. 76. q. 2. conclus. 4. Quadam sunt, inquit, juris naturae praecepta obscuriora quae saltem ab infidelibus possunt tota vita ignorari invincibiliter, quia non solum Ethnici nec solum indocti, sed etiam Christiani & docti de quibusdam eorum opinati sunt, quod non sint juris naturae prohibita.

Sicilicet merito contendunt illi cum ceteris communiter Theologis, posse interdum hominibus multis, ac praesertim indoctis, contingere ignorantiam invincibilem juris naturalis ad unumquemque pertinentis, quoad conclusiones valde remotas a primis principiis, & quoad certos casus difficiles & abstrusos, de quibus controversia est vel inter ipsos Theologos.

Cum porro dicimus jus naturale invincibiliter, adeoque citra culpam a nonnullis rudioribus ignorari posse quoad

certainas conclusiones a primis principiis remotiores; eos tamen omnes propterea excusandos non putamus, uti apparent homines qui in negotio suae salutis adeo hebetes sunt, ut vix communissima bene vivendi principia calleant; ejusmodi enim ingenii tarditatem & hebetudinem in illis rudioribus plerumque culpabilem esse, ex eo manifeste colligitur, quod in suis alioquin temporali-
bus negotiis tractandis oculatissimos se & sagacissimos ubique exhibeant; quo fit ut merito conijcere liceat illos, cum propria forsitan industria erudiri nequeunt, saltem ab aliis & fidem & mores edoceri posse. Quibus adde divum Thomam 2. 2. q. 15. art. 2. hebetudinem sensus reponere inter peccata, quae ex affectu circa carnalia, aut ex gula ortum du-
cunt, quatenus nempe homo sic affectus non percipit ea quae sunt Dei, eaque addiscere plane negligit; quo posito eos interdum culpa vacare non putamus.

Obijcies: Ex illa sententia manifeste colligitur Dei mandata esse interdum impossibilia; sic enim liceat argumen-
tari. Ea mandata adimpleri non possunt, adeoque sunt impossibilia, quae cognosci non possunt: Atqui praecepta legis naturae, quae spectant conclusiones a primis principiis remotiores, cognosci non possunt ab homine; quandoquidem ab eo ignorantur ignorantia plane invincibili ergo ex illa sententia manifeste sequitur mandata Dei plerumque fore impossibilia; quod quidem, quoniam divinae providentiae repugnat, falsissimum esse docuimus in tractatu nostro de Gratia Dei; proindeque non datur ignorantia invincibilis etiam conclusionum a primis principiis juris naturalis remotiorum.

Confirmatur quia si praeceptum legis naturalis ignoraretur invincibiliter; cum ignorantia invincibilis excuset a peccato, ut mox dictum est, citra culpam posset aliquid fieri de se & ex natura

sua malum & illicitum; id nimirum quod ageretur contra praeceptum negativum legis naturae: absurdum consequens, ut per se patet; ergo & antecedens.

Dist. an. Ex illa sententia manifeste colligitur Dei mandata esse interdum impossibilia iis hominibus qui nec illa cognoscunt nec cognoscere possunt, C. ceteris hominibus qui vel ea cognoscunt vel cognoscere possunt, N. Porro cum dicitur mandata Dei esse possibilia, seu Deum impossibilia non jubere, id intelligitur respectu eorum qui secundum legem ordinariam & citra ullum miraculum aut ea cognoscunt aut cognoscere possunt; sed non ita demum id intelligi debet, quasi etiam iis hominibus sint possibilia, qui ejusmodi mandata ignorant ignorantia invincibili.

Primo, quia mandata Dei eatenus dicuntur possibilia, quatenus Deus facienti quod in se est non denegat gratiam: nam Deus, inquit Concil. Trid. Sess. 6. cap. 11. *impossibilia non jubet, sed jubendo monet & facere quod possis, & petere quod non possis, & adjuvat ut possis*. Sed ei qui ignorat ignorantia invincibili praeceptum aliquod particulare legis naturae, seu conclusiones a primis principiis remotissimas, censetur facere aut fecisse quod in se est: supponitur enim omnem adhibuisse diligentiam, ut veritatem & singula Dei mandata cognosceret, alioquin non laboraret ignorantia plane invincibili; igitur mandata Dei minime censentur possibilia respectu eorum qui ejusmodi mandata ignorant ignorantia prorsus invincibili, quod videlicet nec ea cognoscunt nec cognoscere potuerunt.

Secundo, quia generalis est & indubitata haec juris regula, nullam legem, quaecunque tandem illa sit, obligare posse, quin prius innotuerit, aut saltem innotescere potuerit, ut docet divus Thomas 1. 2. q. 90. art. 4. his verbis:

Ad hoc ut lex virtutem obligandi obtineat, quod est proprium legis, oportet quod applicetur hominibus qui secundum eam regulari debent: talis autem applicatio fit per hoc quod in eorum notitiam deducitur ex ipsa promulgatione. Unde cum dicitur quaedam actio esse contra legem, & eatenus in culpam imputari, id intelligitur de lege quæ venerit in notitiam, aut saltem venire poterit; aliter ejusmodi legis præceptorum observatio non censetur possibilis.

Tertio demum & id ostenditur exemplo ignorantæ facti, ex qua idem argumentum licet colligere; ex eo quod enim detur ignorantia invincibilis facti per quam fiat transgressio legis, non ideo Deus censetur jubere impossibilia, licet, v.g. Jacob ex errore invincibili accesserit ad Liam nondum suam, tamen illud mandatum non censetur impossibile, quo vetitum est, ne quis accedat ad non suam; Deus enim simul prohibet ne quis accedat ad non suam, & permittit ut Jacob ex errore invincibili accedat ad non suam; similiter non sequitur Deum impossibilia jubere, ex eo quod homo nonnunquam laboret ignorantia invincibilis juris naturæ quoad conclusiones scilicet remotissimas.

Ad confirmationem vero nego in illa hypothefi citra culpam aliquid fieri per se & ex natura sua malum & illicitum, illud quippe duntaxat per se & ex natura sua malum est quod semper & in omni casu malum est, ita ut culpæ imputetur: Sed quod fit ex ignorantia invincibili, non est in omni casu & respectu cujuslibet malum, nimirum respectu ejus qui laborat ignorantia invincibili & involuntaria. Quamobrem quod prohibitum est lege naturali, vulgo dicitur per se, ex natura sua & intrinsecus malum: eo sensu quod malum est & illicitum; tamen aliunde

nulla lege positiva, nullo præcepto prohibeatur, non autem eo sensu quod semper & in omni casu, vel etiam respectu eorum qui laborant ignorantia invincibili, vitio vertatur; quia in moralibus firma & inconcussa manere debet hæc regula, qua statuimus id solum rationem habere peccati, quod voluntarium est.

At, inquires, ejusmodi ignorantia male dicitur invincibilis; siquidem vincibilis est in causa, nempe in Adamo.

Huic argumento satis superque, ut opinor, fecimus satis, ubi diximus id solum culpæ nobis imputari posse, quod veri & proprie dicti peccati rationem habeat (præter peccatum originale) quod voluntarium est propria peccandi voluntate.

Utrum juris positivi ignorantia invincibilis excuset a peccato.

Hic supponimus aliquam dari ignorantiam invincibilem juris positivi, qualis est in infidelibus apud quos Christianæ fidei lumen nunquam affulsit, & qui propterea jus divinum invincibiliter ignorant, quod ipsum fufus longe & uberius ostendetur in Tractatu nostro de Fide, ubi nimirum agetur de infidelitate negativa, & examinabimus utrum ab infidelibus ignoretur invincibiliter Christi fides.

Nunc obiter & occasione data, cum disputationem instituerimus de ignorantia invincibili, querimus an posito quod detur ejusmodi ignorantia invincibilis juris positivi divini, ea penitus excuset a peccato.

CONCLUSIO.

Ignorantia juris divini, modo sit omnino invincibilis, excuset a peccato.

Id.

Id manifeste liquet ex his Christi verbis Joan. 15. *Si non venissem, inquit, & locutus fuisset eis, peccatum non haberent, nunc autem excusationem non habent de peccato suo... si opera non fecissem in eis, qua nemo alius fecit, peccatum non haberent.* Illud scilicet cuius rei facti sunt, quod in Christum non crediderunt, ut eleganter observat S. Augustinus Tract. 89. in Joan. his verbis: *Hoc est autem quia non crediderunt in Christum, qui propterea venit ut credatur in eum. Hoc peccatum, si non venisset, non utique haberent.* Et postea: *Respondet autem habere illos excusationem non de omni peccato suo, sed de hoc peccato quo in Christum non crediderunt, ad quos non venit, & quibus non est locutus, quod porro in gratiam Judæorum idipsum pro Gentilibus ibidem docet: Resat inquirere, inquit, utrum hi qui priusquam Christus in Ecclesia veniret ad Gentes, & priusquam Evangelium ejus audirent, vitæ hæc sine præventi sunt, seu perveniunt, possint habere excusationem: possunt plane, sed non ideo possunt effugere damnationem.* Sic ultro loquitur Epistol. 194. *Dicit etiam ipse Dominus in Evangelio: Si non venissem & locutus eis fuisset, peccatum non haberent, nunc autem excusationem non habent de peccato suo. Non utique peccatum nullum haberent, qui pleni erant aliis magnis multisque peccatis, sed hoc peccatum vult intelligi non eos habituros fuisse, si non venisset, quo cum audissent eum, non crediderunt in eum. Quæ verba, quoniam manifestissima sunt, nulla prorsus indigent explicatione.*

His accedit Apostolum ad Rom. cap. 10. eos a parte a peccato infidelitatis eximere quibus non fuit annuntiatus Christi Evangelium, eo potissimum nomine quod penes ipsos non fuit credere: *Quomodo, inquit, invocabunt in quem non crediderunt? aut quomodo credent ei quem non audierunt? quomodo autem audient*

sine predicante? quomodo vero prædicabunt nisi mittantur? Quibus sane verbis nihil expressius ad hanc rem nostram desiderari potest, ait enim Apostolus infideles, quibus non datum affuit Evangelii lumen, Christum non posse invocare, quia non credunt in eum; credere vero non posse, quia de eo quidquam non audierunt, *fides ex auditu, auditus autem per verbum Christi.*

Nec movere debent hæc verba quæ immediate sequuntur: *Sed dico, numquid non audierunt? Et quidem in omnem terram exiit sonus eorum, & in fines orbis terra verba eorum.* Quasi dicat Apostolus excusari quidem posse Gentiles qui in Christum non crediderunt ante prædicationem Evangelii, sed neminem amplius posse citra culpam & invincibiliter Christi fidem ignorare, adeoque nullam penitus dari ignorantiam invincibilem juris positivi. Non sunt enim hæc Apostoli verba strictè & literaliter accipienda, quasi doceat Evangelii notitiam ad omnes & quascunque universi orbis gentes pervenisse; ita ut nemo amplius Christi fidem invincibiliter ignorare possit; id enim aperte falsum erat quo tempore scribebat divus Paulus; sed eo sensu accipi debet quod in varias mundi partes jam annuntiatum fuerat Dei nomen, ut interpretatur S. Augustinus lib. de Nat. & Grat. cap. 2. his verbis: *Quomodo enim crederent, inquit, quod non audierunt, aut quomodo audirent sine predicante? Fides enim ex auditu, sicut scriptum est, auditus autem per verbum Christi. Sed dico, inquit, numquid non audierunt? In omnem terram exiit sonus eorum, & in fines orbis terra verba eorum. Sed antequam hoc inciperet fieri, antequam denique usque ad fines totius orbis terra prædicatio ipsa perveniat, quoniam non desunt adhuc ultima gentes, licet, ut perhibetur, paucissima, quibus hoc nondum fuerit prædicatum.*

Sed

Sed esto quod Apostolus dixisset in omnem terram publicatum fuisse Christi Evangelium, profecto non inde sequitur in ejus mente ignorantiam invincibilem non excusare a peccato: ad summum colligeretur neminem post sufficientem legis promulgationem laborare posse ignorantia plane invincibili.

Quamobrem & hæc nostra conclusio ipsa nititur experientia, quæ docet, testibus divo Paulo & Augustino, multos invincibiliter & inculpate ignorare fidem Christi, quæ proprie jus divinum positivum est, nec alio pacto cuicunque innotescere potest, quam per revelationem seu promulgationem externam, humano quodam magisterio: quo fit ut ii legitimam de sua infidelitate excusationem habeant, quibus ejusmodi jus positivum non fuit revelatum.

Quod porro mox diximus de ignorantia juris positivi, idem plane sentiendum est de ignorantia facti quæ sit invincibilis, eam nimirum a peccato similiter excusare; huc enim pertinent eadem omnino principia quæ superius a nobis adducta sunt, idque insuper confirmatur auctoritate S. Augustini, qui passim docet adversus Donatistas ab omni peccato eximere ignorantiam facti. *Quomodo*, inquit Epist. 113. *fideles toto orbe diffusi crimen traditorum cognoscere poterant, quod accusatores etiam si moverant, tamen eis ostendere non valebant? hoc ergo ab hoc crimine innocentibus esse, nempe ipsa ignorantia, facillime ostendis. Cur ergo innocentes falsis criminibus accusantur, quia crimina aliena seu falsa seu vera nescierunt? quis locus innocentie reservatur si crimen alienum?* porro si tot gentium populos ipsa ignorantia, sicut dictum est, innocentibus ostendit, quam magnum crimen est ab istorum innocentium communione separari? Quod idem habet lib. 2. contra Cresconium cap. 26.

Utrum ignorantia sit peccatum formaliter.

Questio est utrum ignorantia præctica, seu rerum agendarum sit per se & secundum se aliquod speciale peccatum ab illis distinctum quæ ex ejusmodi ignorantia committuntur; ita ut præcise legem & præcepta ignorare, peccatum deputeretur, & rursus qui ex ignorantia aliud committit peccatum, v. g. homicidium, duplicis peccati reus sit, nimirum homicidii & ignorantie.

Varie sunt super ea re Theologorum & Schola sententiæ. Quidam enim contendunt ignorantiam esse veluti statum in quo constituitur homo, sed non esse per se formaliter peccatum; quemadmodum mors est quidem effectus peccati & veluti aliquis status, sed ipsa peccatum non est. Alii vero ignorantiam docent per se & secundum se peccatum esse; omissionis quidem, cum voluntas sola omissione adhibendi diligentiam ad cognoscendum præceptum peccat, commissionis vero, cum voluntas actus deliberato legem ignorare vult, quorum sententiæ lubenter subscribimus.

CONCLUSIO.

Ignorantia eorum quæ quis scire debet, speciale quoddam peccatum est, si nempe sit voluntaria & invincibilis.

Id primum suadetur auctoritate Scripturarum, in quibus non modo affirmatur ignorantiam esse causam peccati, ut cum legitur Levit. 4. *Si anima peccaverit per ignorantiam*, &c. & Numer. 15. *Quoniam culpa est omnis populi per ignorantiam*, &c. Sed & ipsa ignorantia dicitur peccatum; ait enim David Psal. 24. *Delicta juventutis meæ & ignorantias meas non memineris*. Itaque 5. *Propterea captivus ductus est populus*

pulus meus, quia non habuit scientiam. Id specialiter de Sacerdotibus annuntiat Oleeas cap. 4. *Quia tu scientiam repulisti, repellam te, ne Sacerdotio fungaris mihi, & oblata es legis Dei tui, oblitiscar filiorum suorum & ego.* Unde Apostolus scribit I. ad Corinth. cap. 14. *Si quis ignorat ignorabitur, & ad Hebræos cap. 9. Semel in anno solus Pontifex, non sine sanguine quem offert pro sua & populi ignorantia.* Quæ satis aperte significant ignorantiam quandoque esse per se & secundum se peccatum. Unde S. Augustinus lib. 1. oper. imperf. cap. 105. *Necesse est, inquit, ut peccet qui nesciendo quid facere debet, quod non debet facit, de quo genere malorum Deus rogatur, ubi dicitur: Delicta juventutis & ignorantias meas ne memineris.*

Quibus accedit auctoritas divi Thomæ rem istam declarantis 2. 2. qu. 76. art. 2. ubi cum questionem instituisse, anrum ignorantia sit peccatum, respondet his verbis: *Dicendum quod ignorantia in hoc a nescientia differt, quod nescientia dicit simplicem scientia negationem ignorantia vero importat scientia privationem, dum scilicet alicui desit scientia eorum quæ apertus natus est scire . . . horum autem quædam aliquis scire tenetur, illa scilicet sine quorum scientia non potest debitum actum recte exercere; unde omnes tenentur scire communiter ea quæ sunt fidei & universalis juris præcepta, singuli autem ea quæ ad eorum statum vel officium spectant. Quædam vero sunt quæ etsi aliquis natus est scire, non tamen ea scire tenentur, sicut theorematia geometria & contingentia particularia, nisi in casu. Manifestum est autem quod quicumque negligit habere, vel facere id quod tenetur facere vel habere, peccat peccato omissionis. Unde propter negligentiam ignorantia eorum quæ aliquis scire tenetur, est peccatum. . . . Ex quo patet quod nulla ignorantia invincibilis est pec-*

catum, ignorantia autem vincibilis, si sit eorum quæ aliquis scire tenetur; non autem si sit eorum quæ quis scire non tenetur. Cui sententiæ ceteri vulgo subscripserunt Theologi, Alexander 2. p. qu. 112. memb. 1. S. Bonav. in 2. dist. 22. Rich. 9. 2. art. 2. Marf. in 2. q. 15. art. 2. Almain. s. Tract. 1. Moral. c. 4. Gerfon Alphab. 31. Lit. D. &c.

Et ratio est, quia illud per se, secundum se & formaliter peccatum est, quod secundum se est contra præceptum: atqui ignorantia est contra præceptum, scilicet contra illud præceptum quo quis tenetur adhibere diligentiam sciendi ea quæ scire tenetur; ergo ignorantia per se peccatum est formaliter.

Deinde si quid obstarat quominus ignorantia per se formaliter peccatum esset, maxime quia non est opposita virtuti morali, sed tantum virtuti intellectuali, nimirum scientiæ: atqui hæc ratio propterea nulla est; siquidem hæc est peccatum est, quæ tamen opponitur virtuti intellectuali, scilicet fidei; ergo.

Ceterum subtilius quam par est, meo quidem iudicio, hic differunt nonnulli Theologi, cum ignorantiam distinguunt a negligentia sciendi, & quaerunt: utrum ignorantia sit peccatum non ratione negligentiae, sed per se & secundum se, aut solum effectus & poena peccati; satis est enim si ignorantia spectetur ut distincta a ceteris peccatis quorum ipsa est causa, quo sensu hanc questionem proposuit diremitque S. Thomas loco mox citato.

Obicit sibi S. Doctor ibidem hæc Augustini verba, quæ habentur lib. 22. contra Faustum cap. 27. *Peccatum est dictum, factum, vel concupitum contra legem divinam:* Sed ignorantia non est dictum, neque factum, neque concupitum contra legem Dei, quia non importat ullum actum interiore vel exteriori; ergo.

Huic

Huic objectioni respondet S. Thomas his verbis: *Ad primum dicendum, in hoc quod peccatum dicitur dictum, vel factum, vel concupitum, sunt intelligenda etiam negationes opposita, secundum quod amissio habet rationem peccati, & ita negligentia secundum quam ignorantia est peccatum, continetur sub predicta definitione peccati; in quantum pratermittit aliquid quod debuit dici, vel fieri, vel concupisci ad scientiam acquirendam.*

Brevius autem responderi potest accuratato non esse præfatam distributionem peccati in suas species; liquidem eo loci nec de originali nec de peccato omissionis loquitur Augustinus.

Obicit sibi insuper S. Thomas: Privatio gratiæ non est peccatum, sed magis pœna consequens peccatum; ergo ignorantia quæ est privatio scientiæ, non est peccatum.

Respondet autem his verbis: *Ad secundum dicendum quod privatio gratiæ, etsi secundum se non sit peccatum, tamen ratione negligentie præparandi se ad gratiam, potest habere rationem peccati, sicut & ignorantia; & tamen quantum ad hoc est dissimile, quia homo potest aliquam scientiam acquirere per suos actus, gratia vero non acquiritur ex nostris actibus, sed ex Dei munere. Vel aliter dici potest in eo versari discrimen, quod privatio gratiæ non opponitur præcepto; neque enim præcipitur homini habere Dei gratiam: at vero privatio scientiæ eorum quæ homo scire tenetur, ut per se patet, opponitur; quo fit ut ejusmodi ignorantia peccatum deputetur, si voluntaria sit.*

Obicit, tertio: Si ignorantia est peccatum, ea debet esse voluntaria: sed si ignorantia sit peccatum in quantum est voluntaria, videtur peccatum in ipso actu voluntatis consistere magis quam in ignorantia; ergo ignorantia per se non erit peccatum, sed magis consequens ad peccatum.

Respondet S. Thomas his verbis: *Ad tertium dicendum quod sicut in peccato transgressionis peccatum non consistit in solo actu voluntatis: sed etiam in actu volitionis qui est imperatus a voluntate; ita in peccato omissionis non solum actus voluntatis sed etiam ipsa omissio in quantum est equaliter voluntaria, & hoc modo ipsa negligentia sciendi, vel etiam ipsa inconsideratio est peccatum. Ostendit hæc responsio ignorantiam eatenus conjunctam habet negligentiam sciendi ea quæ scire tenemur, quo sensu hanc nostram thesiam propugnamus.*

Obicit sibi quarto loco S. Thomas, omne peccatum per poenitentiam tollitur, nec aliquod peccatum transiens reatu remanet actu, nisi solum originale: ignorantia autem non tollitur per poenitentiam, sed adhuc remanet actu, omni reatu per poenitentiam remoto; ergo ignorantia non est peccatum.

Cui objectioni in hunc modum respondet: *Ad quartum dicendum quod licet transiente reatu per poenitentiam remaneat ignorantia secundum quod est privatio scientiæ, non tamen remaneat negligentia secundum quam ignorantia peccatum dicitur. Scilicet cum ignorantia peccatum sit, non quatenus est præcise scientiæ privatio, sed quatenus est voluntaria cognitionis eorum quæ scire tenemur privatio, facile intelligitur per poenitentiam illud tolli ignorantie genus quæ peccatum est.*

Obicit demum sibi S. Doctor, si ipsa ignorantia sit peccatum, sequitur hominem durante ignorantia continuo peccare: per sepe autem manet continuo ignorantia; ergo ignorans continuo peccabit, quod patet esse falsum.

Sic vero respondet: *Ad quintum dicendum quod sicut in aliis peccatis omissionis solo illo tempore homo actu peccat pro quo præceptum affirmativum obligat; ita est etiam de peccato ignorantie: non*

enim continuo ignorans actum peccat, sed solum quando est tempus acquirendi scientiam quam habere tenetur.

Obijcies insuper: Omne peccatum est in voluntate: Atqui ignorantia non est in voluntate, sed in intellectu; quemadmodum ejus oppositum, nempe scientia, est in intellectu, non in voluntate; ergo.

Dist. maj. Omne peccatum est in voluntate tanquam in causa, C. tanquam in subiecto, N. revera omne peccatum est in voluntate tanquam in causa, quia nullus actus peccatum deputari potest, quin libere admittatur; ita ut cavere & vitari possit a voluntate quæ omnium & singulorum suorum actuum est domina; sed omne peccatum non est in voluntate tanquam in subiecto; ceteræ quippe facultates sua habent peccata, aliquod enim est in appetitu concupiscibili, & aliquod in irascibili & cæteris facultatibus; quas propter ignorantia quæ est in intellectu tanquam in subiecto, & in voluntate tanquam in causa, ut supponimus, quia eam spectamus ut conjunctam cum negligentia addiscendi, vere peccatum est.

Instabis: Nihil volitum quin præcognitum, igitur, ut ajunt, nulla cupiditas: Sed ignorantia non fuit præcognita, ipsa enim ignorantia, ut per se patet, cognitionem excludit: ergo non est volita, non est in voluntate tanquam in causa.

Nego min. Is enim qui sua culpa & negligentia legem ignorat & ea quæ scire & facere tenetur, cognovit suam ignorantiam; quæ proinde voluntaria & volita recte dicitur. Quod autem, ut ajunt, ignorantia cognitionem excludit, id intelligas de cognitione rei quæ sciri debet, non autem de cognitione sui ipsius: *non enim*

Obijcies et Omne peccatum opponitur alicui virtuti morali: Atqui ignorantia non opponitur virtuti morali.

rali, sed scientiæ quæ non est virtus moralis, sed intellectualis; ergo ignorantia non est peccatum: hæc objectio est Cajetani.

Nego min. Ignorantia quippe, de qua loquitur, qua quis ignorat ea quæ scire tenetur, opponitur virtuti quæ dicitur studiositas, cuique virtus moralis qua homo inclinatur ad cognitionem eorum, quæ scire tenetur, acquirendam.

Obijcies: Quod minuit peccatum, peccatum esse non potest: Sed ignorantia minuit peccatum, qui enim ex ignorantia peccat, levius peccat quam si ex plena & perfecta cognitione peccet, ut fatentur omnes; ergo ignorantia non est peccatum.

Nego maj. Nihil enim vetat quominus ignorantia minuat peccatum, & tamen ipsa sit peccatum; ex eo enim quod opponitur præcepto peccatum est; quod autem minuit voluntarium, eatenus minuit peccatum, quæ quidem duo simul conjungi possunt; scilicet sub uno respectu ignorantia minuit peccatum quod ex illa proficiscitur; & sub alio ipsa peccatum est.

Obijcies: Si ignorantia per se & secundum se peccatum esset, qui peccaret ex ignorantia, duplex specie distinctum peccatum committeret: qui, v. g. ex ignorantia furaretur, peccatum ignorantia simul & peccatum furti committeret: Absurdum consequens, quia & ignorantia legis furtum prohibentis & furtum ipsum ad idem præceptum ordinantur; sed quoties duo ad idem præceptum ordinantur, tunc duplicem peccati speciem non constituunt; idem enim peccatum est quod quis velit hominem interficere & actu interficiat; ergo ignorantia per se peccatum non est formaliter.

Nego min. Tunc enim duplex est peccatum, ubi est transgressio duplicis præcepti: Atqui in præfato & simili casu occurrit transgressio duplicis præcepti:

cepti: nimirum illius præcepti quo quis scire tenetur furtum esse prohibitum, & alterius quo furtum est veritum; ergo duplex est specie peccatum. Ad probationem dico duplex & distinctum occurrere peccati genus in duobus articulis, quoties unum per se & nullo habito ordine ad aliud præcipi potest, tamen aliunde ad idem præceptum ordinari videantur: Porro cognitio præcepti furtum prohibentis sine ullo ordine ad ipsum furtum, hoc est, secluso quolibet furandi periculo, præcipi posset, eo nimirum præcepto, quo unusquisque tenetur legis naturalis mandata cognoscere; unde illius præcepti ignorantia peccatum est specie distinctum ab ipso furto.

Quæres utrum ignorantia poenæ in transgressores legis lætæ hominem eximat ab ejusmodi poena.

Respondeo negative, si nempe agatur de iis qui jus naturale vel divinum violant. Et ratio est quia poenæ in transgressores legis alicujus irrogatæ eo ipso se subijcit, quisquis sciens & volens legem violat, quantumvis poenæ gravitatem aliunde ignoret; quamobrem nemo dubitat inter Theologos quin Ethnici æternis plectendis sint suppliciiis, tamen si ignoraverint poenas adeo graves sibi debitas; neque enim poenæ jure irrogatæ ab acceptatione subditorum pendere debent. Quid vero de poenarum canonicarum seu censurarum ignorantia sit sentiendum, alibi dicendi locus erit.

De libertate hominis.

His suse pertractatis quæ ad voluntatem moralem attinent, sequitur de alio actu humanorum principio, nimirum de libertate, nunc disputationem instituamus; quod ut fiat majori cum perspicuitate, libet prius hic adnotare libertatem quæ generatim

loquendo, est immunitas a subjectione, quadruplicem esse potissimum, scilicet libertatem a miseria, a peccato, a coactione, & a necessitate. Libertas a miseria reddit hominem beatum: Libertas a peccato facit hominem sanctum: Libertas a coactione efficit ut actio sit voluntaria: denique libertas a necessitate facit agens perfecte liberum, ea nimirum libertate quæ ad meritum desideratur.

Sic sere libertatem dividit S. Bernardus lib. de Grat. & lib. Arb. c. 3. his verbis: *Triplex nobis proposita est libertas, a peccato, a miseria, a necessitate; hanc ultimo loco positam contulit nobis in conditione natura; in primum restauramur a gratia; media nobis reservatur in patria; dicatur igitur prima libertas nature, secunda gratie, tertia vita vel glorie.*

Hic porro agitur de postrema libertatis specie quæ est immunitas, ut ostendemus, non modo a coactione, sed & ab omni prosus necessitate, quæ dicitur libertas moralis, quia in moribus est veluti radix & principium boni & mali, meriti & demeriti, laudis & vituperii: Dicitur etiam libertas nature, ut mox legebatur apud Bernardum, quia est facultas per naturam concessa omni agenti intellectuali; denique dicitur libertas arbitrii, liberum arbitrium, quia est facultas qua potest agens pro nutu & arbitratu operari vel non operari.

Duo vero hic potissimum & quæ maximi sunt ponderis, veniunt in controversiam: primum videlicet utrum in homine, post Adæ peccatum spectato, superstes sit ejusmodi libertas nativa, liberum arbitrium. Secundo & gravissimam instituimus questionem de natura & essentia hujus libertatis, an cum necessitate agendi saltem simplici consociari possit; an vero posita sit essentialiter in indifferentia ad agendum vel non-agendum plane immuni;

Don

non modo a coactione, sed & a necessitate.

An detur in homine liberum arbitrium.

His sunt potissimum qui in tota retro antiquitate ad nostra usque tempora libertatem hominis penitus evertunt. Stoici primum qui teste S. Augustino lib. 5. de Civit. Dei cap. 92. humanis voluntatibus per divinam præscientiam necessitatem imponi contendebant: *In his angustias*, inquit de Tullio, *coarctat animum religiosum, ut unum eligat e duobus, aut esse aliquid in nostra voluntate, aut esse præscientiam futurorum; quoniam utrumque arbitratu esse non posse; sed si alterum confirmabitur, alterum tollit; si elegerimus præscientiam futurorum, tollit voluntatis arbitrium; si elegerimus voluntatis arbitrium, tollit præscientiam futurorum. . . . Atque ita dum vult facere liberos, fecit sacrilegos.*

Tum vero & Mathematici seu Astrologi judiciarii, qui ab aliis dicti sunt Planetarii, ab aliis Genethiaci, fatalem a syderibus necessitatem humane voluntati imprimi putaverunt, ut testantur veteres qui adversus illa Astrologorum deliria scripserunt. Unum ex illis sic loquentem eleganter inducit Eusebius lib. 6. de Prep. cap. 6. *Fiet illud omnino; si fatum meum ita tuleris, quorsum autem frustra molestus mihi sis? hunc si officii sui admoneas, referet utique monitori suo, quemadmodum nonnullis qui superiori memoria vivere, contigit. Ad quid hæc tua mihi monita, bone vir? nec enim integrum mihi est mentem hanc constituamque mutare, quando jam fatum occupavit. Quid me porro juvet contendere, ubi ne optandi quidem facultas arbitrii relinquatur? nisi optare fatum quoque mihi sit: optabo vero si fatum erit, licet nihil precipias ipsamet sati necessitate adductus.*

Idem docuerunt famosi & capitales humane libertatis hostes Manichæi, qui cum statuerent duas esse in nobis animas, bonam alteram, alteram malam, eas in perpetuo conflictu versari putabant, ita ut si vinceret bona, ad virtutem necessario determinaretur; si mala, etiam pari necessitate in vitium præcipitaret; scilicet bonam hominis animam divinæ naturæ particulam, malam vero mali principii velut fragmentum delirabatur; unde illa ad bonum, illa ad malum invicte & necessario ferebatur: illa constant ex S. Augustino passim in scriptis adversus Manichæos, & ex lib. 1. Retract. c. 15.

His annumeramus & Priscillianum, ut aperte colligitur ex Concilio Bracaren. II. hæc pronuntians cap. 3. *Si quis animas & corpora fatalibus stellis credit astringi, sicut Pagani & Priscillianus dixerunt, anathema sit.*

Post Wicleffum qui in Concilio Constantiensi damnatus est, quod liberum homini arbitrium sustulisset, eandem plane doctrinam tradidit Lutherus, ut patet ex Concilio Senonensi, quo nata recens Lutheri hæresis attrita est decreto 15. *Et si nulla, inquit, pene sit tam aperta Catholica veritas, nullus tam manifestus Scriptura locus quem non Hæretici suis cavillis & tergiversationibus eludant, nulla tamen in re tam prudenter, tantaque rei Christianæ jactura debacchati sunt, quam in exterminando profligandoque libero arbitrio.*

His atpulpatus est Calvinus, qui lib. 2. Instit. cap. 2. reprehendit illam sententiam Philosophorum, qui dicunt virtutes & vitia esse in nostra potestate, itemque agere & non agere esse nostræ electionis; atque peccatores ex una parte in vitia necessario abripi, & iustos pari necessitate per divinam gratiam virtutes amplecti, qua ex causa in illum anathema pronuntiavit Tridentini Patres Sess. 6. Can. 5. his verbis: *Si quis liberum hominis arbitrium.*

trium post Adæ peccatum amissum & extinctum esse dixerit, anathema sit.

An vero Janfenius Iprensis hujusce Calviniani erroris a Concil. Trident. profligati suspicionem procul a se merito removeat; cum multum distare se a Calvino profitetur, qui fronte retecta, inquit, docet non esse in homine liberum arbitrium, ipsumque nomen inane & exterminandum esse. Tamen si passim affirmet ipse Janfenius nomine libertatis intelligi tantum debere facultatem ab interna coactione solutam, eamque necessitatem qua voluntas ad unum astringitur; nihil omnino libertatem lædere, ex infra dicendis sequenti disputatione judicaveris.

CONCLUSIO.

Est in homine etiam post Adæ peccatum libertas arbitrii, libertas naturæ, liberum arbitrium.

Id primum probatur ex Scripturis quæ libertatem arbitrii, seu liberam ad bonum & malum potestatem passim commendant, Genes. 4. Cainum sic alloquitur Deus: *Quare iratus es, & cur cecidit facies? Nonne si bene egeris, recipies; sin autem male, statim in foribus peccatum tuum aderis? Sed sub te erit appetitus ejus, & tu dominaberis illius.* Ubi duo potissimum notare est quæ liberum arbitrium homini asserunt; primum quidem bonis Caini operibus alligari mercedem, si bene egeris, recipies, mercedem scilicet; malis vero consequentem poenam, sin autem male, &c. Quod sane supponit liberam ad utrumlibet potestatem; libertas enim est principium boni & mali, meriti & demeriti, laudis & vituperii. Secundo & illa verba, *sub te erit appetitus ejus, &c.* manifeste libertatem asserunt, quasi nimirum dixisset Deus, appetitus ad peccatum provocans erit subditus, penes te erit illum moderari vel etiam coercere, & tu dominaberis illius, nem-

pe peccati, quia, inquit Hieronymus in quaestione Hebraicis; non te invitum subjacere poteris illius cupiditas. Unde sequitur falso contendere adversarios per peccatum primi parentis hominibus inductam esse agendi necessitatem.

Idem vero vel expressius docet Moses Deuter. 3. ubi populo mandata Dei proponens, ait posse unumquemque eligere vitam aut mortem, ea servare posse vel non servare: *Considera, inquit, quod hodie posuerim in conspectu tuo vitam & bonum, & e contrario mortem & malum. Testes invoco hodie caelum & terram quod proposuerim vobis vitam & bonum, benedictionem & maledictionem. Elige ergo vitam, ut & tu vivas & semen tuum, & diligas Dominum Deum tuum, atque obedias voci ejus & illi adhaereas.* Siccine vero loqueretur Moses, si per peccatum Adæ ita labefactata fuisset hominis libertas, ut rebellante concupiscentia ad malum necessario determinaretur, & ad bonum per victricem gratiam similiter ex necessitate traheretur, essetne in potestate hominis eligere bonum aut malum, vitam aut mortem? ad quandoquidem cum determinatione ad unum stare nequit electio, ut docet S. Thomas 1. 2. qu. 13. art. 2. Cum electio, inquit, sit praeceptio unius respectu alterius, necesse est quod electio sit respectu plurium quæ eligi possunt. Et ideo in his quæ sunt penitus determinata ad unum, electio locum non habet.

Insignis est præ cæteris locus e capite 15. Ecclesiastici, ubi sic legitur: *Deus ab initio constituit hominem, & reliquit illum in manu consilii sui, adjecit mandata & praecepta sua, si volueris mandata servare, conservabunt te & in perpetuum fidem placitam facere. Apposuit tibi aquam & ignem, ad quod volueris, porrige manum tuam. Ante hominem vita & mors, bonum & malum, quod placuerit ei, dabitur illi.* Ecce aptissime videmus expressum liberum

rum

nam humanæ voluntatis arbitrium, inquit S. August. lib. de Grat. & lib. Arb. c. 2. est enim homo maxime liber inter agendum suarumque actionum dominus, si relictus sit in manu consilii sui, id est, pro nutu & arbitrio propria seque possit consilia, propria desideria; si prout voluerit, Dei mandata servare possit vel non servare; denique si possit, ad quod voluerit, seu malum seu bonum, manum potrigere; hi sunt enim veri & genuini libertatis arbitrii characteres, hæc vera & genuina libertatis notio, ut omnes agnoscunt Philosophi. Neque est quod dicant adversarii, id nonnisi de primo homine in statu naturæ innocentis considerato dictum fuisse, ut indicare videntur priora hujus loci verba; siquidem ita hominem testatur auctor facer prædium fuisse libero arbitrio, cum primum adeo conditus est, ut & in posteris Adæ veram remansisse libertatem aperte significet his verbis quæ immediate sequuntur: Si volueris mandata servare, &c. Apposuit tibi aquam, &c.

Huc pertinent quæ ibidem leguntur cap. 31. ubi de homine juxta sic habetur: Qui potuit transgredi & non est transgressus, & facere mala & non fecit; ideo stabilita sunt bona illius in Domino, & elemosynas illius enarrabit omnis Ecclesia Sanctorum. Hic iterum in homine post Adæ lapsum supponitur esse libertas arbitrii, ea nimirum quæ est radix & principium meriti.

Eandem doctrinam non uno in loco tradit Apostolus, 1. ad Corint. cap. 7. sic habet: Nam qui statuit in corde suo firmus non habens necessitatem, potestatem autem habens sue voluntatis, & hoc judicavit in corde suo servare virginem suam, bene facit. Quibus verbis aperte significatur libertas quæ nihil est aliud quam potestas voluntatis siue necessitate, hoc est, par in utramque partem arbitrii potestas. Idem docet in secun-

da Epistola cap. 9. ubi similiter supponit hominem non agere ex necessitate: Unusquisque, inquit, prout destinavit in corde suo, non ex tristitia aut ex necessitate. Et ad Philemonem vers. 14. Si ne consilio autem tuo nihil volui facere, uti ne velut ex necessitate bonum tuum esset, sed voluntarium. Quibus Scripturæ verbis nihil est expressius.

Quid quod tam multis locis omnia mandata sua custodiri & fieri jubet Deus, quomodo jubet si non est liberum arbitrium? quid beatus ille de quo Psalmus dicit quod (in lege Domini sunt voluntas ejus) nonne satis indicat voluntate sua hominem in lege Dei consistere? Deinde tam multa mandata quæ ipsam quodam modo nominatim convenient voluntatem, sicut est, (Noli vinci a malo.) Et alia similia, sicut sunt, (Nolite fieri sicut equus & mulus quibus non est intellectus.) Et (Noli repellere consilia matris tue,) & (noli esse sapiens apud te ipsum.) & (noli deficere a disciplina Domini;) & (noli negligere legem) & (Noli abstinere bene facere egenti.) Et (Noli intendere fallaci mulieri.) Et (Noluit intelligere ut bene ageret.) Et (Noluerunt accipere disciplinam,) & innumerabilia talia in veteribus libris divinatorum eloquiorum, quid ostendunt nisi liberum arbitrium voluntatis humana? In libris etiam novis Evangelicis & Apostolicis quid aliud ostenditur, ubi dicitur, Nolite vobis condere thesauros in terra. Et (Nolite timere eos qui occidunt corpus) nempe ubi dicitur, Noli hoc, & Noli illud, & ubi aliquid faciendum vel non faciendum in divinis monitis opus voluntatis exigitur, satis liberum demonstratur arbitrium; ita divus Augustinus libro de Grat. & lib. arbit. cap. 21.

Consentiunt autem in id omnes Græci Latineque Patres. Justinus martyr in Apologia ad Antonium. Nisi libero arbitrio, inquit, genus humanum & res turpes fugere potest & pulchras ac bonas se.

sequi, extra causam culpamque eorum quæ quoquo modo aguntur, sed ipsum libero arbitrio liberaque voluntate & recte facere & peccare docemus... Neque ille remuneratione aut laude dignus esset, si per se ipsum bonum non eligeret.

Item sanctus Irenæus lib. 4. cap. 71. Aliud autem, inquit, quod ait, Quoties volui congregare filios tuos & noluiisti, veterem legem libertatis hominis manifestavit, quia liberum enim Deus fecit ab initio habentem suam potestatem, sicut & suam animam ad utendum sententia Dei voluntarie & non coactum a Deo. Vis enim a Deo non fit, sed bona sententia adest illi semper. Et propter hoc consilium quidem bonum dat omnibus. Posuit autem in homine potestatem electionis, quam eligendi potestatem, in qua sitam esse arbitrii libertatem Adamus primitus, etiamnum in hominibus superstitem esse putat Irenæus, sic enim de eadem libertate verba faciens orationem profequitur. Dedit ergo Deus bonum, & qui operantur quidem illud, & gloriam & honorem percipient, quoniam operati sunt bonum, cum possint non operari illud. Hi autem qui illud non operantur iudicium iustum recipient Dei, quoniam non sunt operati bonum, cum possint operari illud.

Tertullianus non minus perspicue loquitur lib. 2. advers. Marc. cap. 3. Liberum, inquit, & sui arbitrii & suæ potestatis invenio hominem a Deo institutum... hunc statum ejus confirmavi etiam ipsa lex tunc a Deo posita; non enim poneretur lex ei qui non haberet obsequium debitum legi in sua potestate; nec rursus comminatio mortis transgressioni ascriberetur, si non & contemptus legis in arbitrii libertatem homini deputaretur. Sic & in posteris legibus Creatoris invenias proponens ante hominem bonum & malum, vitam & mortem; sed nec alias totum ordinem disciplinae per præcepta dispositum, advocante Deo, & minante & exhortante, nisi & ad obsequium & ad

contemptum libero & voluntario hominis. Ubi non modo hominem creatum fuisse liberum docet Tertullianus, sed & post peccatum in eo remansisse libertatem.

Idem scribit Clemens Alexand. lib. 2. Stromat. p. 363. his verbis: Nos autem qui libera & absoluta potestate eligere & vitare a Domino datum esse hominibus, a Scripturis accepimus, iudicio quod transmoreti & excidere non potest, fidei acquiescamus, alacrem ostendendo spiritum, quoniam vitam elegimus.

Tum Origenes ejus discipulus, Homilia 4. in Cantica: Per arbitrii libertatem, inquit, possibile est unumquemque ex parte alterius transire, vel ad partem Dei, si melius ipso juvante Deo elegeris; vel si nequius, ad demonum portionem. Et Homil. 20. in Num. expressissima sunt ejus verba; ait enim sui arbitrii esse animam, & in quam voluerit partem ei esse liberam declinare.

Deinde S. Cyprianus lib. 3. ad Quirinum num. 32. ait: Credendi vel non credendi libertatem in arbitrio positam in Deuteronomio; (Ecce dedi ante faciem tuam vitam & mortem, bonum & malum; elipe vitam tibi ut vivas.) Item apud Esaiam, (Et si volueritis & audieritis me, bona terre edetis. Si autem volueritis & non audieritis me, gladius vos consumet: os enim Domini locutum est ita.) Item in Evangelio iuxta Lucam, (Regnum Dei intra vos est.)

Laëtantius lib. 4. Insl. cap. 24. Quod, inquit, præcepta vivendi amputare debet omnium excusationum vias, ut imponat hominibus parendi necessitatem, non vi aliqua, sed pudore, & tamen libertatem relinquas, ut & præmium sit constitutum parentibus, quia poterant non parere, si vellent, & non parentibus pena, quia poterant parere si vellent.

S. Hilarius in Psal. 118. sic loquitur: Aliis gloriam sæculi diligentibus, aliis venerationem elementorum ac demonum capessentibus, aliis terrenas opes expetenti-

bus; Sanctus iste mandata Dei elegit. Elegit autem non naturali necessitate, sed voluntate pietatis, quia unicuique ad id quod vult, via est proposita, vivendi & appetendi atque agendi permessa libertas: & ob id unicuique aut poena aut praemium efficietur electio.

Tum S. Athanasius Oratione contra Idola prope initium; ubi explicans quo pacto voluptatibus irretita sit hominum mens, id potissimum tribuit libertati qua pollet. Nam quum mobilis, inquit, agilisque natura sis, eisi sese a bono averteris, a motu tamen non conquiescis; movetur igitur, sed jam non secundum veritatem neque Deum spectas, sed res nihili, easque veras ac solidas arbitrata essentias vires suas occupat, iisque ad eas quas commenta est voluptates abutitur, ideo quod libera sit & sui arbitrii; potest enim ut ad bona se inclinare, ita bona quoque averfari.

Idipsum plane docent SS. Basilus, Gregorius Nyssenus, Nazianzenus & Chrysostomus. Basilus quidem Homil. Quod Deus non est auctor mali; sic habet pag. 362. Principium namque ac radix peccati ea est qua nobis potestas est, & arbitrii libertas. Et pag. 368. loquens de anima hominis, Unde autem, inquit, omnino mali copax est? quoniam libero facta est arbitrio, quod creature rationis participi maxime conveniebat. Soluta enim haec omni necessitate & vitam in sua potestate constitutam ex Deo accipiens, propterea quod ad imaginem ejus creata est, bonum quidem intelligit, & jucunditatem illius novit, potestatemque habet ac facultatem in boni contemplatione & spirituum fructu manendi, ac vitam sibi connaturalem conservandi, habet autem & a bono descedendi quandoque facultatem.

Gregorius vero Nyssenus Orat. Catech. cap. 31. Sed neque ad haec, inquit, iniquiosa egeat contradictione. Dicit enim Deum posse, si velis, eos etiam qui resistunt, necessario compellendo

attrahere ad suscipiendam predicationem? Ubi est ergo in his liberum arbitrium? Ubi autem est virtus? Ubi est laus eorum qui se recte gerunt? Est enim solum inanimatorum aut eorum quae sunt expertia rationis aliena voluntate ad id quod videtur adduci. Rationis autem particeps & intelligens natura si liberum deposuerit arbitrium, simul etiam perdit gratiam intelligentiae: & ad quid enim sua utitur mente ac cogitatione, si potestas ejus eligendi quod suo arbitratu constituit, sita est in alio? Si manet autem inefficax & nullius usus liberum animi instrumentum & electio, necessario etiam abolita est virtus impedita immobilitate liberi arbitrii.

Tum Nazianzenus Orat. 31. pag. 308. Alii, inquit, natura indolens ad virtutem tendunt, naturam porro cum dico liberam voluntatem haud quaquam sperno, sed utramque statuo, nimirum & naturam ad bonum facilitatem atque aptitudinem, & animi voluntatem naturalem aptitudinem ad bonum ducentem. Et paulo post: Non docuit te mater quid officii esset, non docuit te pater, non Presbyter, non Episcopus non alius quispiam ex iis quibus docendi cura commissa est? At tu rationem tibi insuam movens, ac virtutis igniculum per arbitrii libertatem exfusseans, teipsum exercuisti, radicem excidisti, vitri instrumenta depulisti, &c.

Et Chrysostomus Homil. 22. in Genesim. Nonne manifestum est, inquit, sua quemque voluntate vel virtutem vel malitiam eligere? Nec nisi ita esset, & naturae nostrae potestas eligendi inest: esset, neque illos panis, neque illos virtutum retributiones accipere oportebat. Verum quia in nostra voluntate eorum post gratiam Dei relictum est, ideo precantibus supplicia proposita sunt, & bene operantibus retributiones. Quod idem docet Sermone in illud Isaiae: Si volueritis & audieritis me, &c. si velle aut nolle nostrum non esset, hoc est, si vivendi recte, an secus libertas adempta nobis fuisset, nec bonus nequam iustos.

gne perciperet, nec malus supplicium competent inveniret.

Simillimum est quod sub idem tempus scripserunt clarissimi Ecclesiae Latine Doctores, Ambrosius, Hieronymus & Augustinus.

Ambrosius quidem lib. 1. de Jacob & vita beata cap. 1. Non enim, inquit, servili ad obediendum constringimur necessitate, sed voluntate arbitria, sive ad virtutem propendimus, sive ad culpam inclinamur. Et ideo nos aut liber affectus ad errorem trahit, aut voluntas revocat rationem secuta. Et lib. 4. de interpellatione David cap. 2. Deus, inquit, volentes curat, non astringit invitos. Lib. 6. Hexameron cap. 8. Non ergo caro, inquit, potest esse ad imaginem Dei, sed anima nostra quae libera est & diffusis cogitationibus atque consiliis huc atque illuc vagatur, quae considerando spectat omnia.

Et S. Hieronymus Dialogo 3. contra Pelagianos. Hoc est, inquit Orthodoxus, quod tibi in principio dixeram in nostra esse positum potestate vel peccare vel non peccare, & vel ad bonum vel ad malum extendere manum, ut liberum servetur arbitrium. Lib. 2. adversi. Jovinianum cap. 2. Liberi arbitrii, inquit, nos condidit Deus, nec ad virtutes nec ad vitia necessitate trahimur: aliquin ubi necessitas est, nec damnatio, nec corona est. Et Epist. 146. aperte docet homines a Deo accepisse veram arbitrii libertatem: Dedit eis, inquit, liberum arbitrium, dedit mentis propriae libertatem, & ut viveret unusquisque non ex imperio Dei, sed obsequio suo, id est, non ex necessitate, sed ex voluntate; ut virtus haberet locum, ut a ceteris animantibus distarem, dum ad exemplum Dei permissum est nobis facere quod velimus.

Ac demum S. Augustinus infinitis propemodum in locis, id potissimum habet in tribus libris de libero arbitrio inscriptis, ubi fuscè adversus Manichaeos probat inesse homini libertatem ad bo-

num & ad malum, sic v. g. loquitur lib. 2. c. 1. Si homo aliquod bonum est, & non posset nisi cum vellet recte facere, debuit habere liberam voluntatem sine qua recte facere non posset... Nunc vero Deus cum peccantem punit, quid videtur tibi aliud dicere nisi, Cur non ad eam rem usus es libera voluntate, ad quam tibi eam dedi, hoc est, ad recte faciendum? Deinde illud bonum quo commendatur ipsa justitia in damnandis peccatis recteque factis honorandis quomodo esset, si homo careret libero voluntatis arbitrio? Non enim aut peccatum esset, aut recte factum quod non fieret voluntate. Ac per hoc & pana injusta esset & premium, si homo voluntatem non haberet liberam. Et lib. 3. c. 18. Reminiscere superiorum quae a nobis tam multa de peccato & voluntate libera dicta sunt. Sed si laboriosum est omnia mandare memoria, hoc brevissimum iene. Quaecunque ista est causa voluntatis, si non ei potest resisti, sine peccato ei ceditur: Si autem potest, non ei ceditur & non peccabitur, an forte fallit incautum? ergo caveat ne salatur. An tanta fallacia est, ut caveri omnino non possit? Si ita est, nulla peccata sunt, quis enim peccat in eo quod nullo modo caveri possit? Idem docet lib. 2. contra Faustum cap. 5. Et nos, inquit, sub fato stellarum nullius hominis genesim ponimus, ut liberum arbitrium voluntatis, quo vel bene vel male vivitur propter justum iudicium Dei ab omni necessitate vinculo vindicemus. Hic ea astringitur libertas quae est ab omni necessitate immunis.

Neque ab illis fundatissimis principiis vel latum unguem discessit unquam Augustinus, cum in decursu temporis Pelagianos impugnavit; nam lib. de Natura & Grat. cap. 65. his relictis divi Hieronymi verbis quae supra citavimus ex lib. 2. contra Jovin. Liberi arbitrii nos condidit Deus, nec ad virtutem, nec ad vitia necessitate trahimur, aliquin ubi necessitas, nec corona est. Statim subjun-

git,

git, *Quis non agnoscat? Quis, non toto corde suscipiat, quis aliter conditam humanam neget esse naturam? sed in recte faciendo ideo nullum est vinculum necessitatis, quia libertas est charitatis.*

Libro de spiritu & littera cap. 34. conatur Augustinus explicare quo pacto conciliari possit libertas cum gratia vitæ; sed supponit semper intactum remanere ejusmodi liberum arbitrium quod cum createmur accepimus; & cujus natura in eo sita sit quod voluntas humana gratiæ consentire vel dissentire possit; nusquam vero affirmat hominem per peccatum Adæ hanc suam amisisse libertatem, qua responsione difficultatis propositæ nodum facile refecisset. Si autem, inquit, respondetur cavendum esse ne quisquam Deo tribuendum putet peccatum quod admittitur per liberum arbitrium, si in eo quod dicitur, *Quid habes quod non accepisti?* Propterea etiam voluntas qua credimus dono Dei tribuitur, quia de libero existis arbitrio quod cum createmur accepimus. Attendit & videtur, non tantum ipsam voluntatem divino muneri tribuendam, quia ex libero arbitrio est quod nobis naturaliter creatum est; verum etiam quod visorum passionibus agit Deus ut velimus & ut credamus, sive extrinsecus per Evangelicas exhortationes, ubi & mandata legis aliquid agunt; si ad hoc admonent hominem infirmitatis suæ, ut ad gratiam justificantem credendo confugiat; sive intrinsecus, ubi nemo habet in potestate quid ei veniat in mentem, sed consentire vel dissentire propria voluntatis est. In qua profecto anticipi ad consentiendum vel dissentiendum potestatem sita est libertas humana. Quocirca librum de Grat. & lib. Arbitr. dedica opera exaravit S. Doctor adversus nonnullos, qui sic gratiam Dei defendebant, ut liberum arbitrium negarent; quemadmodum ipse monet initio libri his verbis: *Quoniam sunt quidam qui sic gratiam Dei defendunt, ut neget hominis*

Tom. V.

liberum arbitrium, aut quando gratia defenditur, negari existimant liberum arbitrium, hinc aliquid scribere ad vestram charitatem curavi.

Quibus accedunt quæ passim scribitur accusatus a Pelagianis, quod admissa gratia negare videretur liberum arbitrium; sic enim fidem suam super ea vindicat, ut aperte declaret hoc suo gratiæ systemate nequaquam labefactari libertatem, lib. 2. de nuptiis & concup. c. 3. ubi cum hæc Juliani verba sibi proposuisset: *Nam si quis aut liberum in hominibus arbitrium, aut Deum esse nascentium conditorem dixerit, Caestianus & Pelagianus vocatur?* Sic respondet: *Liberum, inquit, in hominibus esse arbitrium, & Deum esse nascentium conditorem utrique dicimus, non hinc estis Caestiani & Pelagiani; liberum autem quemquam ad agendum bonum sine adjutorio Dei, &c.*

Eodem plane modo loquitur lib. 2. contra duas Epist. Pelag. cap. 2. *Quis nostrum dicat, inquit, quod primi hominis peccato perierit liberum arbitrium de humano genere? Libertas quidem perierit per peccatum, sed illa qua in paradiso fuit, habendi plenam cum immortalitate justitiam, propter quod natura humana divina indiget gratia, dicente Domino (Si vos Felices liberaverit, tunc tunc vere liberi eritis,) utique liberi ad bene jusque vivendum. Nam liberum arbitrium usque adeo in peccatore non perierit, ut per illud non peccent, maxime omnes qui cum delectatione peccant, & amore peccati hoc eis placet quod eos libet. Ubi cum distinxisset Aug. duplex libertatis genus, nimirum libertatis a peccato & quadam servitutis peccati, & libertatis arbitrii quæ potestas sit ad agendum libera, hoc secundum libertatis genus per peccatum non periisse totis viribus demonstrat.*

Atque hæc quidem fuit plane eadem aliorum Patrum doctrina.

S. Cyrillus Alex. lib. 2. in Joan. c.

R

54.

34. *Libertatem hominis arbitrium ad ultimum secundum animi sui iudicium potest proficisci.*

Auctor libri de vocat. Gent. lib. 1. c. 8. *Neque putandum est, inquit, hominem quando Spiritu Dei agitur, liberum arbitrium non habere, quod nec tunc quidem perdidit, quando diabolo voluntate se dedie.*

S. Fulgentius lib. de Incarn. & Grat. cap. 19. *Ex quo, inquit, primus homo naturam suam voluntarie vitiauit, atque oppressit infirmitas, nisi divina gratie medicamento praevenit in unoquoque homine sanetur atque adjuvetur liberum indefinenter arbitrium, est quidem liberum, non tamen bonum; est liberum non tamen iustum.*

S. Damascenus lib. 2. de fide c. 26. *Hec igitur, inquit, arbitraria ac nobis libera sunt quae peraeque in utramque partem contingere possunt, ut moveri & non moveri, impetum facere vel non facere; appetere quae minime necessaria sunt & non appetere, mentiri & non mentiri, erogare & non erogare, gaudere in quibus par est, aut in quibus minime decet, vel non gaudere, & quaecunque sunt huiusmodi, in quibus virtutis & vitii munus versatur: Horum enim libera penes nos est potestas.*

S. Anselmus lib. de concordia libertatis cum praedest. cap. 1. *Sola voluntas, inquit, determinat ibi quod teneat, nec aliquid facit vis necessitatis, ubi operatur sola electio voluntatis; & in cap. 6. Matth. In Paulo tamen, inquit, videtur copens voluntas Dei, sed non est, quia licet sit percussus, tamen voluntas erat libera ut resisteret si vellet.*

Ac denique S. Bernardus qui lib. de lib. Arbit. circa initium ait; *rationem datam esse voluntati ut instruat illam, non destruat. Destrueret autem si necessitatem ei ullam imponeret, quominus libere pro arbitrio sese volueret, sive in malum consentiens appetitui aut nequam spiritui; sive ad bonum gratiam sequens.*

Plura vero ex sanctis Patribus ad asserendum homini liberum arbitrium hic congerere nihil necesse est, tum quia in re adeo clara, & omnibus & singulis obvia inutilis debere esse auctoritas; tum quia ita sensit omnes Patres Ecclesiae Graecae & Latinae ulro fatentur ipsi Novatores, quos potissimum oppugnamus hac in controversia; sic enim de utroque loquitur Calvinus lib. 2. Instit. cap. 2. num. 4. *Nam, inquit, quasi adhuc integer flaret homo, semper apud Latinos liberi arbitrii nomen extitit. Graecis vero non puduit multo arrogantius usurpare vocabulum; siquidem aetate prior dixerunt, ac si potestas sui ipsius penes hominem fuisset. Quoniam ergo ad vulgus etiam ipsius omnes hoc principio imbuti sunt, prae dictum esse libero arbitrio hominem, nonnulli autem eorum qui eximii volunt videri, quousque id extendatur, nesciunt.* Et cap. 3. num. 10. *Ac voluntatem movet Deus, non qualiter multis saeculis traditum est & creditum, ut nostra postea sit electionis morioni obtemperare aut refragari.* Ubi vel ipsum libertatis vocabulum refugit Calvinus, tamen ab omnibus Scriptoris Ecclesiasticis usurpatum fuisse agnoscat.

His porro SS. Patribus consentaneum est quod uno ore tradunt omnes ac singuli e Schola Theologi, quorum testimonia si vel breviter referre animus sit, infinitum esse me oporteat; satis erit nonnulla antiquorum placita commemorare, quod disputatione proxime sequenti praestabimus, ubi nempe ostendimus neminem eorum extitisse qui libertatem arbitrii in indifferentia ad agendum & non agendum non collocaverit.

Omitto etiam hic referre nonnullas summorum Pontificum & Conciliorum Sanctiones, quibus abunde evincitur existentia liberi arbitrii, quandoquidem, ut mox dicturi sumus, satis habens virium ad demonstrandum inesse homini etiam post peccatum Adae non qualemcunque libertatem, sed eam cujus natura

posita sit in indifferentia, & quæ non sola coactione, sed vel simpliciter necessitate violatur; ubi etiam objectiones quæ in ipsam libertatis existentiam proponi solent, abunde, ut spero, diluimus.

De Natura & essentia libertatis humane.

MISSIS quibusdam de essentia libertatis opinionibus, quæstio est duntaxat an libertas arbitrii, quæ nempe ad meritum morale desideratur, in sola immunitate a coactione posita sit, ita ut liberum idem plane sit ac voluntarium cui non obstat simplex, ut aiunt, necessitas & determinatio, vel utrum ad ejusmodi libertatem requiratur indifferentia activa seu facultas agendi & non agendi, cui noxia censetur quæcunque agendi necessitas, quæcunque determinatio ad unum.

Libertas itaque duplex distinguitur, alia scilicet quæ est a coactione, alia vero quæ insuper est ab omni necessitate. Libertas a coactione est immunitas ab omni violentia, quo sensu liber est quicumque non est coactioni & violentiæ obnoxius, tamen agat necessario; quomodo Patet in divinis liber est ad Filium generandum; ejusmodi liberum idem est ac voluntarium. Libertas a necessitate est immunitas non solum a coactione, sed & ab omni prorsus necessitate & determinatione, quo sensu liber est quicumque nullam inter agendum paritur necessitatem, seu ad unum determinationem; quomodo quilibet nostrum se in agendo liberum esse experitur, quatenus potest agere vel non agere, loqui vel non loqui, quæ quidem libertas idem plane est in agente libero ac indifferentia seu vis activa sese determinandi ad hoc aut illud positis omnibus ad agendum prærequisitis.

Hujus duplicis necessitatis distinctione adducta & late probata ex multis

Augustini locis docet Janfenius lib. 6. de Grat. Salvat. Cap. 6. solam necessitatem coactionis quæ, inquit, operatur effectum suum, nisi nolis, seu quantumcunque renitatis, adimere libertatem, eam vero necessitatem simplicem seu voluntariam, qua simpliciter necesse est aliquid fieri sine sensu voluntatis, nihil quicquam officere libertati: *Doctrina Augustini est*, inquit, *necessitatem illam primam, prout etiam naturam sic explicatam complectitur (nec aliud est respectu voluntatis quam quædam vis aut violentia aut coactio, qua operatur id quod potest etiam nolente voluntate) capitaliter repugnare libertati, eamque funditus perimere; non autem illam necessitatem quæ est simul voluntaria, qua scilicet simpliciter necesse est aliquid fieri non repugnante, sed immutabiliter volente voluntate.* Dixerat cap. 5. voluntarium idem esse ac liberum: *Voluntas, inquit, seu volitio & libera voluntas idem sunt, sicut velle & libere velle, & impossibile sit ut velle non sit liberum.* Quo fit ut idem Janfenius ex una parte profiteatur hominem per peccatum Adæ non amisisse liberum arbitrium, ubique tamen ex altera confidenter pronuntiet hominis voluntatem in hoc præsentis statu naturæ lapsæ necessitari ad agendum; nullum actum moraliter bonum fieri nisi necessitante gratia, nullum malum nisi necessitante concupiscentia, per peccatum Adæ periisse indifferentiam ad faciendum bonum, & inductum male agendi necessitatem, ejusmodi propositiones in ejus scriptis passim reperias, lib. 4. de statu naturæ lapsæ cap. 18. *Memnisse lætorem velim*, inquit, *nos doctrinam Augustini velut certam indubitatamque protulisse, quæ docebat naturam humanam peccato primi hominis ita violatam esse, & arbitrium voluntatis sub terrenarum rerum cupiditate deprossum, ut libertas ad faciendum bonum & ad abstinendum a malo interierit, & loco libertatis peccandi necessitas consecuta sit.*

Et tom. 3. lib. 7. c. 10. cum dixisset conditum primus fuisse hominem cum arbitrio in utramque partem libero & flexibili, sic de statu naturæ lapſæ dixisset: *Ex hac spontanea creatura rationalis in utraque partem liberrime discretionē, illa æquabilis libertatis indifferentia velut bilancis æquilibrum perit.* Consuli possunt quæ scribit tom. 2. lib. 3. de statu naturæ lapſæ, ubi totis viribus probare contendit libertatem indifferentiæ ad faciendum bonum, & ad abstinendum a peccato perisse per peccatum Adæ, & loco illius libertatis inductam esse peccandi necessitatem.

Addit Janſenius non uno in loco hanc doctrinam, quæ in indifferentia libertatem arbitrii constituit, non esse Christianam & Augustinianam, sed mere Philosophicam &, ut ait, Aristotelem; quin potius Pelagianam & hæreseos Pelagianæ fundamentum. Porro licet ista quæstio ad Philosophos potius quam ad Theologos pertinere videatur, quandoquidem agitur de ascendenda notione & natura alicujus facultatis nativæ, cuius rei sibi quisque conscius esse potest, nos tamen vestigiis ipsius Janſenii in hærentes Theologicam hac de re instituimus dissertationem, & quantum poscit patiturque materia, ostendemus ex Scripturis sacris, sanctis Patribus, Conciliis & cunctis Doctoribus Scholasticis eam libertatem, quæ ad meritum morale desideratur, & quæ in unoquoque hominum est principium boni vel mali operis, in indifferentia activa agendi vel non agendi positam esse; ita ut ad ejusmodi libertatem meriti non sufficiat voluntarii: quocirca sit.

CONCLUSIO.

Libertas quæ ad meritum desideratur, consistit in indifferentia activa cujuslibet necessitatis & ad unum determinationis experte.

Probatur primo ex Scripturis quæ pro-

fecto locis superius adductis ad asserendam libertatis existentiam, sic illam commendant, ut ejus naturam in indifferentia ad agendum vel non agendum positam esse perspicue significant; ibi enim verbis expressissimis testantur auctores sacri hominem posse bene vel male agere, & sibi subditum habere suum appetitum, Genes. 4. cap. unumquemque eligere posse bonum & malum, vitam & mortem, ut habetur Deuter. 30. posse ad quod voluerint, manum porrigere, & pro nutu & arbitrio Dei mandata servare vel transgredi, Ecclesiastici c. 30. & 31. tum vero hominem suæ voluntatis habere potestatem, non habere necessitatem, ut ait Apostolus I. ad Corint. 7. & 2. cap. 9. Quibus & adjunximus innumera earumdem Scripturarum loca, in quibus mandata sua custodiri iubet Deus quæ hanc nostram, inesse homini ancipitem & indifferenter ad utrumlibet arbitrii potestatem manifeste supponunt.

Neque minus id colligitur ex adductis Sanctorum Patrum testimoniis, qui libertatem ubique prædicant velut liberam & indifferentem agendi & non agendi potestatem, quam vel minima & simplex necessitas evertit. Ex *Justino Martyre*, constat in libera voluntate homini positum esse, recte facere & peccare. Ex *S. Irenæo*, homini datam fuisse potestatem electionis. Ex *Tertulliano*, Deum proposuisse homini bonum & malum, vitam & mortem. Ex *Clemente Alexandrino*, potestas eligendi & vitandi a Domino data est hominibus. Ex *Origene*, anima hominis est sui arbitrii, & in quam voluerit partem ei est liberum declinare. Ex *S. Cypriano*, in arbitrio nostro posita est libertas credendi vel non credendi, eligendi vitam vel mortem. Ex *Laſſanio*, ea inest hominibus libertas respectu præceptorum Dei, ut iis parere possint vel non parere. Ex *S. Hilario*, unicuique ad id quod vult via est proposita vivendi & appetendi.

tendi, atque agendi permissa libertas. Ex *S. Anastasio*, hoc pacto libera est voluntas & sui arbitrii, quod ut potest ad bona se inclinare, ita bona quoque adversari. Ex *S. Basilio*, habet homo facultatem in boni contemplatione manendi, vel si velit, a bono deflectendi. Ex *S. Gregorio Nysseno*, est in homine liberum arbitrium, hoc est, electio seu potestas eligendi. Ex *S. Chrysostomo*, naturæ nostræ insita est potestas eligendi, virtutem vel malitiam quisque potest eligere, Ex *S. Ambrosio*, donatur nos voluntate arbitria, sive ad virtutem propendimus, sive ad culpam inclinamur. Ex *S. Hieronymo*, positum est in nostra potestate vel peccare vel non peccare, vel ad bonum vel ad malum extendere manum. Ex *S. Augustino*, ea est hominum voluntas quæ resistere possit vel cedere; aliter non peccaret, quia nemo peccat in eo quod nullo modo evitari potest; ait insuper neminem revera habere in potestate quid ei veniat in mentem, sed consentire vel dissentire propriæ voluntatis esse. Ex *Cyrillo Alexandrino*, liberum hominis arbitrium ad alterutrum secundum animi sui iudicium potest proficisci. Ex *Damascono*, libera penes nos est potestas, quatenus omnia peræque in utramque partem contingere possunt ut mentiri & non mentiri, erogare & non erogare, gaudere & non gaudere. Ex *S. Anselmo*, libera fuit in Paulo voluntas, quia resistere poterat si voluisset. Denique ex *S. Bernardo*, ea est libertas in homine quæ possit pro arbitrio vel spiritui nequam consentire, vel divinæ gratiæ motus sequi. Ex quibus manifeste colligitur nullum extare inter SS. Patres qui diserte & expresse naturam liberi arbitrii non collocet in virtute electiva boni vel mali, aut saltem in facultate ad utrumvis indifferente.

Quibus aperte consentiunt omnes ac singuli Doctores Scholastici, quorum proinde verbis & auctoritate suam

hanc opinionem falso muniunt. Ipensis: vix enim, ut puto, ulla est sententia quæ apud Catholicos majori Theologorum omnium suffragio roborata sit, quam quæ libertatem in indifferentia ad agendum aut non agendum positam esse decernit.

Agmen ducet Hugo a S. Victore; in lib. 1. de Sacram. part. 5. cap. 21. liberum arbitrium sic definit: *Sed & ipsa potestas & habilitas voluntatis est libertas quæ movetur ad utrumque & liberum arbitrium dicitur voluntatis. Voluntarie autem moveri & ferri spontaneo appetitu, hoc est, libere eligere & libertate judicare, in quo constat liberum arbitrium. Et propter hoc facti sunt Angeli liberi arbitrii, ut voluntario appetitu moverentur, sed secundum electionem voluntatis & inclinationem desiderii, sed sine coactione.* Ubi statuit Hugo Victorinus consistere liberum arbitrium in electione seu ad utrumlibet potestate. Idem docet in *Somma sent. tract. 3. Cap. 8. ubi & cap. 9.* sic habet: *Sciendum est quod liberum arbitrium solummodo ad futura se habet, quia quod in presenti est, non est in potestate nostra ut tunc vel sit vel non sit; Sed utrum in futuro ita se habeat vel non, in potestate liberi arbitrii est; nec ad omnia futura se habet, sed ad ea tantum quæ possunt fieri & non fieri.*

Quibus verbis ad hanc rem nostram illustrius afferri potest nihil.

Sequitur Ricardus a S. Victore; qui tractat. 1. de statu interioris hominis cap. 13. non obscure docet in indifferentia ad agendum aut non agendum positam esse libertatem. *Arbitrium hominis, inquit, non ideo liberum dicimus, quia promptum habeat bonum vel malum facere, sed quia liberum habet bono vel malo non consentire. . . . Potest enim consentire vel non consentire aspirationi divinæ, similiter & suggestioni diabolicae. Utrumque quidem ex libertate, neutrum autem oportet ex necessitate liber.*

libertatis esse, quod ad aliquid volendum cogi non potest.

Tum vero Magister Sentent. lib. 2. dist. 25. c. 1. ait liberum arbitrium esse potestatem & habilitatem voluntatis & rationis quae libera est ad utrumlibet, quia libere potest moveri ad hoc vel ad illud. Cap. 2. idem scribit ac Hugo supra citatus, liberum scilicet arbitrium ad sola futura contingentia pertinere; quia id solummodo liberum censi debet quod potest fieri vel non fieri. Et paulo post explicans quo pacto per peccatum homo amisit liberum arbitrium & adducto hoc S. Augustini testimonio, libero arbitrio male utens homo & se perdidit & ipsum, sic habet: Ecce liberum arbitrium dicit hominem amisisse, non quia post peccatum non habuerit liberum arbitrium, sed quia libertatem arbitrii perdidit, non quidem omnem, sed libertatem a miseria & a peccato. Est namque libertas triplex, scilicet a necessitate, a peccato, a miseria; a necessitate & ante peccatum & post aequae liberum est arbitrium.

Et Alexander Halensis 2. p. q. 72. memb. 3. art. 4. Sic homini, inquit, in primo statu fuit flexibilitas vel vertibilitas secundum electionem; ita & in statu culpae & in statu gratiae. Sed in quo est vertibilitas secundum electionem communis, est in eo liberum arbitrium commune. Ubi liberi arbitrii naturam per eligendi potestatem explicat; idem docet 1. p. q. 26. memb. 4. art. 3. & 2. p. q. 29. memb. 1. art. 2.

Guillelmus quoque Parisiensis lib. de Poenit. cap. 2. Si vel natura intentio, inquit, vel vis invincibilis libertatem voluntatis hominum abstulisset, vana esset omnium legum institutio, nihil imputandum esset homini; cum vel necessitate naturae prohiberetur quominus faceret, aut in vinculum ratione, invitum ad faciendum traheretur. Quare nec male nec bene quicquam fieri posset ab homine. Supervacui namque essent Magistratus & Magistreria

eorum. Ex quibus argumentis si quid sane virum in iis sit, recte colligitur Guillelmum Paris. tam admisisse libertatem, quae est non modo a coactione, sed & ab omni necessitate; nihil enim quicquam imputari potest hominibus; si necessitate ad unum astringantur. Unde se hac in parte cum omnibus Philosophis consentire ibidem affirmat. Hoc, inquit, ex Ethnicorum & mundanorum Philosophorum, qui de moribus scribere attentaverunt testimoniis elucescere, qui sane non aliam liberi arbitrii notionem praedicant quam quae sita sit in indifferentia cujuscunque necessitatis experire, quam idcirco Philosophicam & Aristoteleam vocat Jansenius.

Favet & alter Guillelmus qui Alaisiodorensis fuit, nam lib. 2. Summae Tract. 11. q. 1. docet hominem posse pro libero arbitrio bene vel male agere, indeque hanc mereri laudem Ecclesiastici; Qui potuit transgredi & non est transgressus, facere mala & non fecit: ideo stabilita sunt bona illius in Domino. & quaestione secunda definit lib. arbitrium. Potentiam eligendi seu consentiendi in alterum deliberatorum vel consiliatorum. Hoc est, in eam partem de qua praecessit consultatio & deliberatio, quae profecto locum non habent in iis quae necessario eveniunt.

Omnium vero discretissime S. Thomas, qui passim docet propriam libertatis notionem, esse facultatem ad plura indifferentem, quae voluntas eligere possit unum praeter alio, agere vel non agere, velle vel non velle. 1. p. q. 19. art. 10. affirmat liberum arbitrium haberi respectu eorum quae non necessario volumus vel naturali instinctu. Unde infert Deum esse tantummodo liberum respectu eorum quae non ex necessitate vult. Qu. 83. art. 3. in corp. Proprium, inquit, liberi arbitrii est electio: ex hoc enim liberi arbitrii esse dicimus, quod possumus unum recipere alio recusato, quod est eligere; & ideo naturam liberi arbitrii

ex electione considerare oportet. Quibus subiungi possunt quæ de electione dis-
ferit 1. 2. q. art. 2. in corp. Cum electio,
inquit, sit præceptio unius respectu
alterius, necesse est quod electio sit respec-
tu plurium quæ eligi possunt; & ideo
in his quæ sunt penitus determinata ad
unum, electio locum non habet. Qu. 2.
de Potentia art. 3. Voluntas, inquit,
in quantum voluntas eum sit libera, ad
utrumlibet se habet. Potest enim voluntas
agere vel non agere, sic vel sic facere,
velle & non velle. In 2. dist. 25. q. 1.
art. 1. ad 2. Ad libertatem arbitrii per-
tinet ut actionem aliquam facere vel non
facere possit, & hoc Deo carvenis; bona
enim quæ facit potest non facere. Sic vero
in electione & indifferentia certo po-
ssum esse liberum arbitrium. censuit
S. Doctor, ut contrariam sententiam
diserte pronuntiet hæreticam, quæst. 6.
de Malo, ubi proposita questione,
utrum homo habeat liberam electionem
suorum actuum, nec ex necessitate eligat,
respondet in corpore art. quoddam exi-
stimasse voluntatem hominis ex necessitate
moveri ad aliquid eligendum, ita tamen
ut non cogatur, quæ mera est adver-
siorum doctrina: Hæc autem opinio,
inquit S. Thomas, est hæretica, tollit
enim rationem meriti & demeriti in hu-
manis actibus. Non enim videtur esse
demeritorium vel meritorium, quod ali-
quis sit ex necessitate agit, ut vitare
non possit. Est etiam annuenda inter
extraneas Philosophiæ opiniones, quia non
solum contrariatur fidei, sed subvertit
omnia principia Philosophiæ moralis.
Si enim non sit aliquid liberum in nobis,
sed ex necessitate moveamur ad volendum,
tollitur deliberatio, exhortatio, præceptum
& puniatio, & laus & vituperium.
Quæ cum ita sint, quo tandem pacto
D. Thomas auctoritatem in lux causæ
subditiu adfiscere possint adversarii,
plane non video. *Idem.*
Videri potest & subtilis Scotus, qui
in 1. dist. 39. q. unica affirmat, volun-

tatem libere operantem; consideratam
in illo instanti in quo est prior natura-
liter actus secundum, ita ponere illum
actum in esse tanquam effectum suum
contingenter, quod ut prior naturaliter
posset æque ponere aliud oppositum in esse.
Et in 2. dist. 25. q. unica fufle probat
hominis voluntatem de se indifferentem
esse ad opposita; ita ut cum se deter-
minat ad unum, possit semper se deter-
minare ad aliud, quod idem scribit
dist. 37. q. 2. & in 3. dist. 18. q. unica.

Tum S. Bonaventura qui in 1. dist.
38. art. 2. q. 1. liberum arbitrium cum
necessitate stare non posse significat his
verbis: Quidam dixerunt quod præscientia
necessario eum sit infallibilis, impositis
necessitatem, & ideo absolverunt liberum
arbitrium. Et in 2. dist. 41. art. 2. q. 1.
affirmat neminem vel venialiter peccare,
nisi censetur posse peccare vel non pec-
care: Nemo, inquit, etiam venialiter
peccat in eo quod nullo modo potest pro-
hibere, nec etiam potuit prævenire.
Et ad 4. Ex hoc potest quod si venialis
variationem culpæ habent; hoc est, quia a
voluntate in particulari & divisim vitari
& præveniri possunt.

Quibus profecto ceteri facile consen-
tiunt antiquiores Theologi, quorum
loca indicare sat erit, ne in immensum
crescat hæc dissertatio; consuli possunt
præter citatos, Paludanus in 3. dist. 18.
art. 3. Durandus in 2. dist. 24. p. 1. q. 2.
Ochamus in 1. dist. 38. q. unica. Gre-
gorius Ariminensis in 1. dist. 10. q. uni-
ca art. 2. Ricardus de Media-Villa dist.
38. lib. 2. Sent. art. 2. q. 1. in corp.
& ad 2. Thomas de Argentina dist. 25.
art. 1. in solutione quarti argumenti &
art. 2. Dionysius Carthusianus in 2. dist.
25. q. 2. & in Summa lib. 2. art. 4.
Marsilius in 2. q. 16. art. 2. 3. 4. & 6.
Gabriel in 2. dist. 25. q. unica, art. 1.
& in 1. dist. 10. q. 2. art. 3. Joannes
Gerson p. 3. lib. 2. de Consol. philo-
Major in 2. dist. 25. Almainus Tract. 1.
moral. c. 1. Petrus de Alliaco in 3.

q. 11. art. 1. *Adrianus* Papa quodlib. 7. q. 1. & quodlib. 3. q. 1. *Capreolus* in 1. dist. 1. q. 3. art. 1. *Abulensis* in cap. 22. *Matth.* q. 229. & *Cajetanus* 1. p. q. 41. art. 2. & q. 22. art. 4.

His adjungimus nonnullos recentiores qui idiplum in *Luthero* ejusque sectariis reprehenderunt, quod liberum hominis negarent arbitrium; quatenus nimirum est potestas eligendi ab omni necessitate & ad unum determinatione immunis; certum est enim, ut mox dicemus, *Lutheranos* & *Calvinistas* ultro falsos fuisse hominem post *Adæ* culpam ab omni coactione liberum; id videre est apud *Ruardum Tapperum*, art. 2. contra *Lutherum*; *Rosscius* art. 36. contra eundem *Luther.* *Driedonem* lib. de redempt. Tract. 5. cap. 3. *Pighium* lib. 7. & 8. de lib. arbit. *Didacum Stunicam* *Salmanticensem Theologum* lib. 2. de vera Religione cap. 4. *Thomam Stapletonem Duacenum* lib. 4. de grat. & lib. arb. cap. 3. *Cochleum* duobus libris de lib. arbit. contra *Melancthonem*; *Latomum* adversus *Erasmum* de merito p. 1. 175. *Eckmium* in *Enchiridio* locorum communium loco 31. & alios ejusmodi, qui cum scriberent de libero arbitrio detecta tunc temporis æquivocatione coactionis & necessitatis juxta communem & receptissimam notionem, liberum arbitrium pro indifferentia agendi & non agendi acceptum defendebant.

Atque quod huic nostræ sententiæ majorem longe conciliat auctoritatem, eadem plane fuit doctrina Theologorum qui tum præsentēs interfuere Synodo Tridentinæ, cum de libero arbitrio edita sunt decreta; ex illorum operibus nonnulla idcirco exhibebimus testimonia.

Primo quidem erit *Dominicus Soto* & *Dominicanorum* familia nobilis Theologus, qui lib. 1. de nat. & grat. c. 15. de libero arbitrio sic disserit: *Neminem equalium Deo aut necessitate*

ad se trahit, sed in nostra est potestate gratiam ejus respicere, uti S. Trid. Syn. Sess. 6. cap. 5. & Can. 4. determinavit. Hujus rei argumentum ducit ex natura & conditione humana. *Est enim, inquit, homo suapte natura rationale animal: hoc nimirum brutis animantibus præstans, quod habeat intellectum ratiocinatorum in utramque partem, & eadem ratione voluntatem qua in neutram partem sit determinata, sed in alterutram libera.* Et paulo post definitionem libertatis affert in hunc modum: *Illā causa libera est qua positis omnibus ad agendum potest agere & non agere, quæ contraria ratio est causa naturalis.* Et subinde quæstione sibi proposita: *Nunquid Deus potens est voluntatem hominis seu cogere, seu ex necessitate movere?* Sic respondet: *Facilis est responsio, inquit, cogere enim voluntatem, repugnantiam involvit, &c. necessitati tamen voluntatem a Deo, qui auctor est natura, nihil vetat. Sed tunc auferret illi libertatem in tali actione movendo illam seu brutam precudem, quod tamen nunquam facit lege communi.*

Sequitur *Andreas Vega* qui Tridentino pariter Concilio interfuit; is l. 2. de Justificatione c. 13. illud homini liberum arbitrium asserit, quo utrumvis ex duobus eligimus, cap. 15. libertatem voluntatis inde colligit, quod facere possimus vel non facere: *Enimvero, inquit, unicuique potentia cognoscitiva suum Deus accommodat, ut ejusdem generis & naturæ appetitum.* Cum igitur intellectus noster natura sua ratiocinationis sit in utramque partem, ut ipsi in nobis experimur, erit & qui sibi respondet rationalis appetitus noster, hoc est, voluntas, liber ad utrumlibet, & natura sua in utramque partem contradictionis indeterminatus.

Tertio loco recentemus *Ambrosium Catharinum*, qui lib. 1. de Prædest. cap. ultimo sic habet; *Scimus ergo, inquit, quod liberum arbitrium in hac*

natura corrupta sibi dimissum non potest nisi in malum ferri; id quod saepe numero B. Augustinus docet. Et scimus quod etiam sante gratia communi qua non negatur ulli, nisi quis eam recuset, potest etiam in malum flecti, & saepe flectitur. Et in secundo libro: Quare secundum hanc Dei providentiam, inquit, pendet salus eorum a potestate lib. arbit. qua in non predestinatis potest deficere; quoniam etsi Deus velit omnes salvos fieri, non tamen ita vult ut hoc omnino futurum sit, nisi etiam ipsi velint. Ubi, cum dicat Catharinus in potestate hominis esse gratiam Dei pro nutu admittere vel reculare, docet profecto in ancipiti ad utrumlibet arbitrii potestate, quæ sit ab omni necessitate immunis, positam esse libertatem.

Hanc porro sententiam plane eandem tradunt & alii viri clarissimi qui Tridentinæ Synodo interfuerunt: Stanislaus quidem Hosius Cardinalis in eodem Concilio sanctæ Sedis Apostolicæ Legatus, libro de sectis & hæresibus sui temporis id tribuit & redarguit in Melancthone, quod hominibus omnia de necessitate absoluta evenire dixerit. Tum vero Didacus Covarruvias Episcopus Civitatis inter Concilii Patres annumeratus, in caput Alma mater de sententia excom. ait positum esse in nostra potestate Dei gratiam admittere vel respicere, cujus doctrinæ testes citat quum plurimos Catholicos auctores, ipsiusque Tridentinæ Synodi definitionem in Sess. 6. c. 3. contentam. Franciscus Horantius ex Ordine Minorum clarissimus, qui in Indice Concilii Tridentini inter Procuratores Episcoporum absentium adfuisse reperitur pro Episcopo Palentino; scripsit ille libros de locis Catholicis septem contra Calvinum, ubi liberi arbitrii naturam expresse nec semel collocat in pari ad utrumlibet potestate, quæ non modo coactionem, sed & omnem agendi necessitatem removet. Idem non uno in loco scribit Alphonsus

Tom. V.

Salmeron eximius in Concilio Trident. Theologus, & alii nonnulli quorum sententia de natura liberi arbitrii meram Patrum Tridentinorum doctrinam exhibet.

Tertio hæc nostra probatur conclusio auctoritate Conciliorum, quæ cum hæreticos humanæ libertatis eversores proscripserunt, non qualemcunque libertatem a sola coactione & violentia imnuerunt, sed indifferenter agendi potestatem suis decretis astruxerunt. Id apparet ex Canone nono Concil. Braccarenensis I. adversus Priscillianitas & judicarios Aitrologos qui fato regi omnia delirabant.

Præterea Concil. Constantiense Sess. 8. hanc Wiclefi vigesimum septimum proscripsit articulum, *omnia de necessitate absoluta eveniunt*, quo quidem decreto definivit Synodus inesse homini libertatem non modo a coactione, sed & a necessitate, seu indifferenter arbitrii potestatem; ubi enim non est necessitas & ad unum determinatio, ibi est indifferenter proprie dicta.

Idipsum & longe expressius adversus Lutherum definivit Concilium Synonense an. 1528. postquam enim dixit in Præfatione Lutherum eo nomine venire in suspicionem Manichæismi, quod aperte negat liberum arbitrium, in decretis fidei, cap. 15. sic pronuntiat: *Cum reliquerit Deus hominem in manu consilii sui, apposueritque coram eo ignem & aquam, bonum & malum, ut ad quocunque voluerit porrigat manum suam; nec absque beatus ille judicetur, qui potius transgredi & non est transgressus; facere mala & non fecit, quod sub eo sit appetitus ejus & dominetur illius; ac denique percurrenti Scripturam sacram, passum obviam sit quod liberum utramvis in partem hominis arbitrium assereret: suis esse visum est sacro Provinciali Concilio libertatis ejusmodi vires & metas exponere. Quid vero tandem est liberum in utramvis partem arbitrium, quam indiffe-*

S

ren-

rentia, seu vis electiva cujuslibet necessitatis expertis?

Anno 1536. celebrata est contra eundem Lutherum Synodus Colonienfis, cujus hæc sunt verba in Enchiridio doctrinæ christianæ: *Oculus solem videre non potest, nisi solis lumen oculum præveniat, ut videat, tamen sole lucente, qui super omnes oritur, libera est intuitio, hominique liberissimè oculos claudere ne solis lumen admittat, aut aperire ut recipiat. Haud secus impio liberum est præveniente se divina illustrationis gratia a peccato resurgendi eam accipere vel non accipere: Deo prævenienti & per bonum cogitatum ad penitentiam excitanti dare vel negare consensum, velle vel nolle penitere. Quibus verbis eatenus contendunt illi Patres per gratiam Dei non everti liberum hominis arbitrium, quatenus voluntas potest illam accipere vel non accipere, eique excitanti consentire vel non consentire, quod manifestè indicat indifferentiam ad agendum aut non agendum.*

Porro in eundem sensum intelligi debent Canones Conc. Trident. adversus eosdem Hæreticos editi, Sess. 6. Can. 4. *Si quis dixeris liberum hominis arbitrium a Deo motum & excitatum nihil cooperari assentiendo Deo excitanti atque vocanti, quo ad obtinendam justificationis gratiam se disponat ac præparet; neque posse dissentire, si velit &c. anathema sit.* Can. 5. *Si quis liberum hominis arbitrium post Ada peccatum, amissum & extinctum esse dixerit, aut rem esse de solo titulo, immo titulum sine re, &c. anathema sit.* Can. 6. *Si quis dixeris non esse in potestate hominis vias suas malas facere, &c. anathema sit.*

Atque in ejusmodi locis tum SS. Patrum, tum Conciliorum mox adductis nomine liberi arbitrii, quod adversus hæreticos assertum volunt intelligi debere immunitatem a necessitate, seu indifferentiam, non vero immunitatem

solum a coactione, inde certo & invictè ostenditur, quod illi omnes & Philosophi & Hæretici non eripiebant homini libertatem, a coactione, sed solum a necessitate; quo fit ut eatenus ab Ecclesia damnati fuerint, quod hanc nostram indifferentem agendi potestatem negarent.

Ac primo quidem citantur inter veteres & infideles & hæretici, qui docuerunt per divinam futurorum præscientiam everti liberum hominis arbitrium, ut videre est apud Tertull. l. 2. contra Marc. apud Eusebium lib. 6. Præpar. & S. Augustinum lib. 5. de Civit. Dei c. 9. Sed illi dubio procul non existimabant ita per præscientiam divinam tolli liberum arbitrium, ut induceretur coactio & violentia, sed solum agendi necessitas: Neque enim putabant homines agere invitos & renitentes, id unum volebant infallibiliter & necessario fieri quæcunque a Deo semel præcisa sunt; sic v. g. loquitur Evodius apud S. Augustinum, lib. 3. de lib. Arbitr. c. 2. *Ineffabiliter me movet quomodo fieri possit ut & Deus præsciens sit omnium futurorum, & nos nulla necessitate peccemus. Quisquis enim dixerit aliter evenire posse aliquid, quam Deus ante præscivit, præscientiam Dei destruere insauissima impietate molitur...* Sed hoc dico, necesse erat id fieri quod futurum esse præsciebat Deus. Quomodo igitur & voluntas libera, ubi tam inevitabilis apparet necessitas? Ubi nulla coactionis & violentiæ, sed tantum necessitatis mentio habetur, ut per se patet. Nec mirum tuquam videri debet; non enim ita despiebant illi Philosophi Gentiles, ut existimarent induci præscientia divina vim & coactionem voluntati hominum, quasi agant inviti ac renitentes, ducti a principio externo contra propriam inclinationem: cum enim id unum vellent in hoc suo systemate salvare infallibilitatem præscientiæ divinæ; satis erat si hominibus impo-

ne-

neretur agendi necessitas, tamen per vim non cogentur id facere quod a Deo prædictum est; id enim infallibiliter præcise Deus quod necessario quamvis non coacte futurum est.

Eodem plane modo locuti sunt quamplurimi Astrologi judicii qui per syderum influxum, fatalem quandam necessitatem hominibus imponi credebant, nec illi profecto eo usque venerunt insanie, ut coactionem & violentiam a syderibus illarum dicerent, quasi homines omnino inviti & reluctantes agant, eaque nolint quæ volunt. Sic enim eorum mentem unus inter ceteros exhibet Eusebius lib. 6. de Præparat. c. 9. *Non solum, inquit, Gentiles stellarum & conjunctione & aspectu, quæ in terris sunt, necessario accidere credunt, quam vim fatum appellant: verum etiam multi ex fidelibus conturbantur, impossibile aliter fieri credentes quam stellarum cursus effecerit. Unde sequitur nullam in nobis esse libertatem, nullam operationem nostram laudari aut vituperari posse. Scilicet affirmabant natos v.g. sub Jove esse superbos, sub Marte bellicosos, sub Venere libidinibus addictos, &c. non quod inviti & nolentes in ejusmodi vitia prorumperent, sed quod ingenta propensione ad ea necessario inclinarentur.*

Præterea in Manichæos quoque velut evertores liberi arbitrii acriter insurrexerunt scriptores Catholici; tamen dubio procul illi hæretici non coactionem & violentiam ab extrinseco humanæ voluntati indutam dicerent, sed quandam solummodo necessitatem & ad unum determinationem. Scilicet duas in quovis homine admittebant animas, unam bonam quæ necessario in bonum, alteram malam quæ necessario in malum ferebantur; ita tamen ut neutra moveretur ab extrinseco & ad agendum cogeretur; id aperte colligitur ex S. Augustino, qui in ejusmodi hæreticos sic disputat lib. de duabus animabus c. 12.

Dicere animas & esse malas: & nihil peccare plenum est dementia; dicere autem peccare sine voluntate, magnum deliramentum est, & peccati reum tenere quemquam, quia non fecit quod facere non potuit, summa iniquitatis est & insania. Quamobrem ille animus quicquid facit, si natura, non voluntate facit, id est, si libero & ad faciendum & ad non faciendum motu animi caret; si denique his abstinendi ab opere suo potestas nulla conceditur, peccatum eorum tenere non possumus.

Denique quando Patres Tridentini locis superius adductis, eo damnarunt Lutherum & Calvinum, quod libertatem hominibus adimerent, ignorare non potuerunt Novatores illos negare solum libertatem a necessitate, seu indifferentiam, non autem libertatem a coactione, ut manifeste liquet ex illorum verbis: sic enim loquitur Lutherus in lib. de servo arbitrio: *Sequitur non necessario operari. Necessario vero dicitur non coacte, necessitate immutabilitatis, non coactionis. Hoc est, homo cum vocat Spiritu Dei, non quidem violentia, velut raptus oborto collo nolens facit malum, sed sponte & libenti voluntate facit. Hoc vocamus modo necessitatem immutabilitatis, quod voluntas sese mutare &vertere alio non possit. Quibus postea omnes ac singuli consenserunt Lutherani.*

Par vero eademque est hac in parte doctrina Calvini lib. 2. cap. 2. num. 7. *Liberi arbitrii, inquit, hoc modo dicitur homo, non quia liberam habeat boni ac mali electionem, sed quia male voluntate agit, non coactione. Unde tamen Synodus Dordrechtana apud Calvinistas generalis id pronuntiavit p. 706. Libertas non pugnat cum omni necessitate & determinatione, sed cum determinatione violentia & coactionis.*

Ex quibus manifeste perspicuum est eam semper ab Ecclesia rejectam fuisse doctrinam, quæ negatur inelle ho-

mini libertatem arbitrii sumptam pro indifferentia, seu vi electiva quæ sit non modo a coactione, sed & ab omni necessitate immunis.

Id vero rursus confirmatur auctoritate summorum Pontificum Pii V. & Gregorii XIII. qui sua olim censura has Michaelis Baii propositiones damnarunt ut hæreticas, erroneas & temerarias; trigesima nona hæc est: *Quod voluntarie fit, etiamsi necessario fiat, libere tamen fit.* 66. *Sola violentia repugnat libertati hominis naturali.* Et 67. *homo peccat etiam damnabiliter in eo quod necessario facit.* Quam censuram eludere quidem conatur Janſenius, cum respondet a summis Pontificibus idcirco damnatas fuisse ejusmodi propositiones, quia his docuisse videtur Baius primos & indeliberatos concupiscentiæ motus qui rationem anteverrunt esse liberos, quod falsum & erroneum esse constituitur. Verum hanc vanam & futilem esse Janſenii responsionem, vel ex eo maxime constat, quod eadem censura alia separatiim notata & confixæ sunt Baii propositiones; quæ profecto hunc errorem de indeliberatis concupiscentiæ motibus continent, qualis est 30. his concepta terminis, *Prava desideria quibus vere non consentit, & quæ homo invitus patitur sunt prohibita præcepto, Non concupisces.* Duo autem errores divisi in diversis articulis separati pro uno & eodem haberi non possunt. Cum insuper præfatæ illæ propositiones damnantur in sensu generali quem præse ferunt, abque ulla restrictione ad hujusmodi motus indeliberatos, sed quatenus universim enuntiant solam violentiam, non autem necessitatem libertati hominis repugnare.

Paulo ante, nimirum anno 1560. hanc eandem adversariorum doctrinam condemnaverant Majores nostri in Collegio Sorbonæ congregati; nam inter octodecim sibi delatas propositiones hæc occurrit prima: *Librum arbitrium ho-*

minis non habet potentiam ad opposita, nec ei convenit ea potestas ex ipsius intrinsicæ & naturali ratione. Quam quidem propositionem hac censura confixit sacra Facultas: *Prima pars hujus propositionis est hæretica, secunda falsa & morali Philosophiæ adversa.* Secunda vero. *Libertas & necessitas eidem conveniunt respectu ejusdem, & sola violentia repugnat libertati naturali hominis.* Cujus propositionis priorem partem declarat hæreticam, posteriorem vero falsam. Octava propositio hæc est: *Librum arbitrium libere vult, quicquid sponte sua voluntarie vult; ita ut quod necessario vult, idem libere velit.* Censura vero, hujus propositionis secunda pars implicat contradictionem, & est hæretica.

Quibus adde, nota hæreseos tandem innotam fuisse a summis Pontificibus Innocentio X. & Alexandro VIII. hanc Janſenii propositionem, *Ad merendum & demerendum in statu nature lapsæ non requiritur in homine libertas a necessitate, sed sufficit libertas a coactione.* In illis scilicet celeberrimis Constitutionibus quas emisit adversus quatuordecim famosas propositiones Janſenii ex Augustino excerptas,

Probatur demum ratione, libertatem scilicet quæ ad meritum morale desideratur, positam esse in indifferentia activa, vi cujus positus omnibus ad agendum requisitis voluntas possit agere vel non agere; ad meritum quippe requiritur ea libertas, sine qua meritum & meriti appendices nec esse nec concipi possunt: Atqui sine indifferentia activa meritum & meriti appendices nec esse nec concipi possunt; nam meritum est jus ad præmium & debitum poenæ; meriti vero appendices sunt laus & vituperium, merces & supplicium: Atqui sine indifferentia activa non potest concipi jus ad præmium & debitum poenæ; tum vero laus & vituperium, merces & supplicium: nemo enim censetur

setur dignum se reddere aliqua mercede aut poena, nisi quatenus hoc facit quod potest non facere; vel non facit quod potest facere, hac scilicet indifferentia activa, seu potentia ad agendum aut non agendum indifferente: quia, ut ait S. Hieron. lib. 2. c. Jovin. c. 2. *Ubi necessitas est, nec damnatio, nec corona est*; Ergo essentia libertatis moralis consistit in indifferentia activa.

Præterea si ad libertatem meriti non requireretur indifferentia activa, & sufficeret voluntarium perfectum, ubi esset voluntarium perfectum ibi esset libertas ad meritum sufficiens: Atque non est libertas ad meritum sufficiens, ubiqueque est voluntarium perfectum: siquidem generatio Verbi & productio Spiritus sancti in divinis sunt operationes voluntariæ, nec tamen sunt libertate ea libertate quæ sit ad meritum sufficiens: & similiter amor beatificus quo Deum diligunt beati, est maxime voluntarius, nec tamen liber ea libertate quæ ad meritum desideratur; hoc enim suo amore non merentur, ut fatentur omnes Theologi; ergo ad libertatem meriti non sufficit voluntarium perfectum.

Quibus addas velim, si per peccatum Adæ perit illa indifferens ad agendum aut non agendum potestas, vanas esse omnino atque inutiles præceptiones & ad bonum exhortationes: quid enim juvat hominem exhortari ab bene operandum, qui datur necessitate compelli ad malum? certe nisi bene vel male agere positum esset in nostra potestate, homo nec laudandus foret nec culpandus, *Neque omnino monendus esset*, inquit S. August. lib. 3. de lib. Arbitr. cap. 1. *ut illis neglectis vellet æterna adipisci; neque ut male nollet vitare, vellet autem bene*. Quis vero sapienter aliquid præcepit non habenti potestatem faciendi id quod præcipitur? *Quis non clamat*, inquit idem S. Doctor lib. de fide contra Manich. c. 10.

stultum esse præcepta dare ei, cui liberum non est quod præcipitur facere? & iniquum esse damnare eum, cui non fuit potestas iussa complere? Ergo si per peccatum Adæ ea perit in homine indifferencia, qua possit agere vel non agere, vanæ sunt omnino exhortationes, omnia præcepta plane inutilia.

Hæc porro & similes alie rationes ubique passim resperse sunt non modo apud SS. Patres, ut videre est in locis superius adductis, sed & maxime familiares sunt omnibus profanis Auctoribus; nec ullus pene extitit Philosophus moralis qui non agnovit eatenus hominem esse liberum, adeoque laude vel vituperio, mercede vel supplicio dignum, quatenus sine necessitate operatur, idque facit a quo abstinere potest, ut egregie scribit S. Augustinus lib. de duabus animabus c. 17. his verbis: *Etiame- ne hi libri obscuri mihi scrutandi erant unde discerem, neminem vituperatione suppliciove dignum, qui ut id velit, quod iustitia velle non prohibet, aut id non faciat quod facere non potest? Nonne ista cantant & in montibus Pastores & in theatris Poeta, & indocti in circulis, & docti in bibliothecis, & magistri in scholis & Antistites in sacris locis, & in orbis terrarum genus humanum?*

Objicies cum Jansenio: Ex præfatis Scripturæ, SS. Patrum & Conciliorum testimoniis colligi non potest in indifferentia activa positam esse libertatem; siquidem in his homo dicitur tantum hypothetice non absolute posse agere vel non agere, consentire vel dissentire, si nempe velit; quo fit ut inde non sequatur hominem vere & absolute loquendo indifferentem esse ad agendum aut non agendum, quasi posset, v.g. gratiæ excitanti ad bonum absolute dissentire; sed quia cum velle dissentire gratiæ, & dissentire sunt idem, dissentire, si vellet dissentire; ideoque recte dicitur posse dissentire, si velit, id est, si dissentiat.

Id porro nec aliud quicquam contrari

meri in momentis superius adductis manifeste liquet ex insigni loco Ecclesiastici, ad cujus sensum loquuntur SS. Patres, qui hujus potissimum auctoritate nuntur, & ex Canone citato Conc. Tridentini. Ac primo quidem ex cap. 15. Ecclesiastici: hæc enim ibi leguntur, *Si volueris mandata servare, conservabunt te*: quibus verbis, inquit Lutherus lib. de servo arbit. liberum arbitrium probari non potest propter illam particulam conditionalem quæ efficit ut illud absolute non affirmetur in propositione, quemadmodum in illa non affirmatur diabolum merito adorari, *si diabolus est, Deus merito adoratur*. Deinde vero. ex Concilio Tridentino, quod quando definiit Sess. 6. Can. 4. hominem motum & excitatum a Deo posse dissentire, hanc exprimit conditionem, *si velit*.

Respondet ab adversariis perperam adduci hoc effugium, ut eludatur & Scripturæ & Concilii Tridentini auctoritas. Primo quia Scripturæ & Conciliorum verba intelligi debent in sensu obvio & maxime ubi. Atqui sensus obvius & ubi. tum Ecclesiastici, tum Concilii Tridentini est absolute loquendo hominem esse libetum quatenus est indifferens ad agendum aut non agendum, quatenus potest consentire vel dissentire; per ejusmodi enim propositiones conditionatas, *si volueris & si velis* id unum significatur in voluntate hominis possum esse servare mandata vel non servare, consentire gratiæ vel non consentire, ut eleganter scribit Erasmus in Diatriba de lib. arbit. his verbis: *Ecclesiasticus dicendo, si volueris servare, significat esse voluntatem homini ad servandum & non servandum; alioquin quid sonat dicere ad eum qui libertatem non habet, Si volueris? Nonne ridiculum est si quis ad eum dicat, si volueris videre, invenies abscurum? aut ad surdum si volueris audire, narrabo tibi bonam historiam?*

Secundo, quia sensus, quem præstat Scripturæ & Concilii Tridentini testimoniis assignant adversarii, est plane ineptus & frivolus; quid enim opus erat Scripturam nobis revelare, & postea Concilium definire, hominem posse mandata servare, si servet ea; posse dissentire, si dissentiat? Certe eadem plane ratione dici posset lapides videre posse, si nempe viderent; infantes loqui posse, si loquerentur; Deum peccare posse, si peccaret, seu si vellet; peccaret enim si vellet peccare; quas profecto propositiones omnino ridiculas esse nemo non videt. Scilicet quando propositio includit conditionem impossibilem, illud absolute impossibile censetur quod dicitur esse possibile sub tali conditione; unde contra illud absolute possibile censetur quod dicitur possibile sub conditione possibili, adeoque cum velle dissentire sit conditio homini possibilis, cum Scriptura & Concilio dicunt hominem posse dissentire gratiæ excitanti *si velit*, & servare mandata *si voluerit*, censetur absolute tribuere homini potestatem volendi & non volendi, consentiendi & dissentiendi. Unde S. Thomas quæst. 16. de malo art. 5. respondens huic argumento, *ista consequentia valet, Possum currere si volo; ergo possum currere: sed diabolus potest converti ad bonum, si vult; ergo diabolus potest converti ad bonum*. Dicit non valere ejusmodi consequentiam, nisi quando antecedens est possibile. Est autem impossibile diabolum velle converti ad bonum; ideoque dici non debet, potest converti.

Quibus adde Scripturam in aliis locis absolute & sine ulla conditione apposita declarare, ab homine servari posse Dei mandata. Deuteronom. cap. 30. supra citato, Matth. 11. & 1. Joan. 5. tum vero Concilium Trid. similiter pronuntiare absolute & sine ulla hypothefi hominem consentientem gratiæ excitanti posse illam abjicere, non addita nimi-

mm

rum hac conditione si velit, Sess. 6. cap. 5.

Neque profecto audiendus est Janfenius, cum ait Concilium Tridentinum his verbis, *posse dissentire & posse inspirationem abjicere*, nequaquam voluisse libertatem arbitrii explicare per indifferentiam activam, a qua nimirum voce prudenter abstinuerit Synodus, cum sciret controversi apud Philosophos, utrum indifferentia pertineat ad notionem libertatis; nec alia de causa dixisse liberum arbitrium posse dissentire, nisi ut reselleret Lutheranos & Calvinistas affirmantes voluntatem hominis nihil omnino agere, sed velut inanime quoddam mere passive se habere, quæ responsio merum est Janfenii effugium; cum enim, ut supra a nobis ostensum est, eo tantum sensu voluerint Lutherani & Calvinistæ hominem sua destitutum esse libertate, quod necessitetur ad agendum, sine ulla tamen violentia & coactione. Hinc manifeste sequitur Patrum Tridentinorum mentem fuisse, suam homini asserere libertatem, quatenus est non modo a coactione, sed & ab omni necessitate vel simplici immunitas.

Obijcit Janfenius in hanc nostram sententiam innumera prope S. Augustini testimonia, ex quibus colligi posse putat sublatam per peccatum Adæ indifferentiam ad bonum & malum.

Ecce primo quidem opponit lib. 3. de statu naturæ lapsæ c. 3. ea loca in quibus docet S. Doctor arbitrium voluntatis post peccatum ex libero factum esse peccati servum atque captivum; id, inquit, sexcentis suorum scriptorum locis Augustinus docet lib. 2. de nupt. cap. 3. *Hunc vos*, inquit, *invidetis liberatorem quibus captivus vanam tribuitis libertatem; a quo quis enim devotus est, hunc servus additus est.* Lib. 3. ad Bonif. c. 8. *Liberum arbitrium captivatum non nisi ad peccatum valet; ad justitiam vero nisi divinitus liberatum adiungitur*

non valet. Lib. de spiritu & littera c. 30. *Ut quid ergo*, inquit, *miseri homines aut de libero arbitrio audent superbiere, antequam liberentur; aut de suis viribus, si jam liberati sunt? Nec attendant in ipso nomine liberi arbitrii unquam libertatem sonare, ibi autem Spiritus Domini, ibi libertas.* Quibus similia leguntur in Enchir. cap. 3. & lib. 2. operis imperf. &c.

Respondet in his & similibus locis loqui S. Augustinum de libertate a peccato, non autem de libertate a necessitate. Scilicet duplex distinguitur libertas, ut initio hujus disputationis a nobis observatum est; alia quæ est a peccato, alia quæ est a necessitate; Libertas a peccato opponitur subjectioni & captivitati quæ contrahitur per peccatum, de qua loquitur Christus Dominus Joan. 8. *si filius vos liberaverit, vere liberi eritis.* Libertas a necessitate opponitur necessitati & determinationi ad unum. Porro etiam homo post Adæ peccatum non sit liber a peccato: sed immo teneatur captivus sub peccato & concupiscentia, cujus motus sine Dei gratia cohibere nequit; liber est tamen ea libertate quæ sit immunitas a necessitate agendi, indifferentia ad malum vitandum, si velit; quia ex una parte licet ejusmodi concupiscentia hominem veluti captivum undique premat & sollicitet; ejus tamen moribus beneficio gratiæ Dei resistere potest, neque ex altera hujus gratiæ donum libertatis indifferentiæ quicquam præjudicat; quia ut fassus in Tractatu nostro de Gratia explicuimus, gratia Dei efficax voluntatem humanam movet quidem insuperabiliter, sed illa ex libertate.

Jam vero nonnisi de libertate a peccato verba facere S. Augustinum, cum toties reperit arbitrium voluntatis post peccatum ex libero factum esse servum & captivum, ex eisdem locis manifeste liquet; loquitur enim de peccato, cum ait l. 2. de nuptiis mox citato, *A quo quis devi-*

devictus est, huic servus addictus est. Id aperte significant hæc verba liberum arbitrium captivatum, per gratiam Dei liberatum, & quæ passim leguntur in locis objectis a Jansenio. De illa libertate a peccato loquitur Aug. Epist. 157. his verbis: *Hæc voluntas libera tanto erit liberior quanto sanior: tanto autem sanior, quanto divina misericordie gratieque subsecutor.* Epist. 217. cap. 3. Si vere volumus, inquit, defendere liberum arbitrium, non oppugnemus unde fit liberum. Num qui oppugnat gratiam qua nostrum ad declinandum a malo & faciendum bonum, liberatur arbitrium, ipse arbitrium suum adhuc vult esse captivum. Unde Sanctos in altera vita fore perfectissime liberos ibidem ait: *Quid ergo operatur hæc potestas diaboli, in filiis dissidentia, nisi opera sua mala & in primis maximeque ipsam dissidentiam & infidelitatem qua sunt inimici fidei, per quam scit eos posse manderi, posse sanari, posse perfectissime liberos, quod eis vehementer invidei, in æternitate regnare.* Quod sane intelligi non potest nisi de libertate a peccato quæ perfectissima erit in Beatis. Quibus adjungi debent ea S. Augustini testimonia in quibus aliud ubique asseruit genus libertatis quæ est a necessitate, & ipsam est naturale arbitrium in indifferentia agendi & non agendi positum, ut videre est in probationibus.

Neque alio sensu intelligi debent alia loca S. Augustini quæ opponit Jansenius cap. 4. ejusdem libri, in quibus nimirum legitur ut hominem subiectum esse dominatui concupiscentiæ; ita post peccatum Adæ sub potestate & tyrannide diaboli positum; ut nihil omnino suæ libertatis retineat, sic Epist. 157. *Quomodo enim, voluntas, libera est, cui dominatur iniquitas? Ut ei autem non dominetur, vide ab illa quis invocetur.* Lib. 6. c. Jul. cap. 23. Non mihi videbatur Apostolus & de se ipso dicere potuisse: Ego autem carnalis sum, cum esset

spiritualis, & quod captivus duceretur sub lege peccati quæ in membris erat ejus. Ego enim putabam dici ista non posse, nisi de iis quos ita habere carnis concupiscentia subjugatos, ut facerent quicquid illa compelleret. Epist. 217. Responde, inquit, quomodo ad declinandum a malo & faciendum bonum, liberum habebamus arbitrium, quando erat sub potestate tenebrarum? Unde nos si, quemadmodum dicit Apostolus, Deus eruit, ipse utique liberum fecit. Quibus similia tradit Serm. 12. de verbis Apost. Enchir. c. 106. lib. 2. operis imperf. lib. 3. de lib. arbit. c. 10. in Plat. 26 & 34. lib. 8. de Civit. Dei cap. 22 & c. Siquidem in illis locis eatenus homo dicitur subiectus & captivus, quatenus carnis & diaboli tentationibus torpenter cedit, atque eo magis dicitur liber aut potius liberatus, quod uberiori Dei gratia juvatur ad bene agendum: quod profecto libertatem arbitrii, de qua nunc questio est, minime sonat; hæc enim libertatis genere non est homo eo liberior quo plus accipit gratiæ; quandoquidem vix illam cum gratia victrici conciliari posse non uno in loco confessus est ipse S. Augustinus.

Obijcit Jansenius cap. 5. quam plurima loca S. Augustini, in quibus expresse docere videtur arbitrium non esse amplius liberum, ut velit aut faciat bonum, sed libertatem ejus ex ruina perisse. Lib. de perfectione justitiæ cap. 4. *Victa vitio, inquit, in quod cecidit voluntate, caruit libertate natura.* Enchiridion cap. 3. *Liberio arbitrio male utens homo & se perdidit & ipsum.* Lib. de correptione & grat. cap. 12. Nunc vero, inquit, postea quam est illa magna peccati merito amissa libertas, etiam majoribus donis adjuvanda remansit infirmitas. Epist. 217. *Liberum arbitrium ad diligendum Deum primi peccati granditate perdidimus.* Lib. 14. de Civit. Dei, cap. 21. *Arbitrium voluntatis, inquit, tunc est vere liberum, cum vitis peccatis quo*
non

non servit. Tale datum est a Deo, quod amissum proprio viro, nisi a quo dari potuit, dari non potest. Lib. 3. de lib. arb. cap. 18. Nec mirandum est quod vel ignorando non habeat arbitrium liberum voluntatis ad eligendum, quod recte facis, vel resistente carnali consuetudine, videat quid recte faciendum sit, & velit, nec possit implere. Et lib. 2. c. Jul. c. 8. Hic vultis hominem perfici, atque eternam Dei dono & non libero vel potius servo propria voluntatis arbitrio. Ubi vides, inquit Janfenius, nomen servi arbitrii & servus voluntatis ab Augustino libentissime usurpatum ad illam arbitrii stragem exprimendam, qua non est amplius liberum ut bene vivat.

Respondeo in his & aliis similibus locis, quæ innumera prope reperias apud S. Augustinum, eo tantum sensu per Adæ culpam amissum dici liberum hominis arbitrium, quod in statu præsentis naturæ lapsæ non ita plenum, non ita perfectum, non ita expeditum ab impedimentis quæ illam indifferentiam quæ prius gaudebat, non parum imminuunt atque labefaciunt. Scilicet cum in statu naturæ innocentis nulla fuerit concupiscentia, nulla carnis libido, nulla pugna, sed plenissima pax; fuit homo liberrimus non modo quoad substantiam, ut aiunt, in quantum erat indifferens ad agendum vel non agendum; sed etiam quoad accidentaliam libertatis privilegia, quatenus nempe facillime poterat quodlibet operari bonum nullis retardatus impedimentis; tum & ab omni malo abstinere nullo pondere ad vitium impulsus. Unde cum in præsentis statu naturæ lapsæ ab illa libertatis integritate & perfectione desciverit, in quantum vulnerata est per peccatum natura, vires amissæ, aucta difficultas; mirum non est si toties repetat S. Augustinus periisse liberum hominis arbitrium; siquidem revera perierit quoad illam integritatem & perfectionem, non vero quoad rem & substantiam.

Tom. V.

Atque hanc ipsam esse S. Augustini doctrinam, non uno in loco apertissime declarat. Sic lib. 1. contra duas Epistolæ Pelagianorum cap. 2. ubi cum aculearetur a Pelagianis, quasi dixisset per peccatum Adæ periisse liberum hominis arbitrium sic mentem suam exponit: Quis autem nostrum dicat, quod primi hominis peccato perierit liberum arbitrium de humano genere? Libertas quidam perierit per peccatum; sed illa quæ in Paradiso fuit habendi plenam cum immortalitate iustitiam, propter quod natura humana divina indiget gratia, dicente Domino: si vos filius liberaveris, tunc vere liberi eritis, Utique liberi ad bene iusteque vivendum. Nam liberum arbitrium usque adeo in peccatore non perierit, ut per illud peccent, maxime omnes qui cum delectatione peccant & amore peccati, hoc eis placet quod eos libet. Unde & Apostolus: Cum essetis, inquit, servi peccati, liberi fuistis iustitia. Ecce ostenduntur etiam peccato minime potuisse, nisi alia libertate, servire. Liberi ergo a iustitia non sunt, nisi arbitrio voluntatis: Liberi autem a peccato non sunt nisi gratia Salvatoris. Quibus verbis ad profligandum Janfenii systema nihil expressius desiderari potest. 1. enim aperte docet Augustinus eam solum periisse libertatem quæ in Paradiso fuit, hoc est, quæ erat plena, integra, perfecta, & nullis difficultatibus impedita. 2. Libertatem arbitrii expresse distinguit a libertate a peccato, atque solum periisse libertatem Adæ periisse libertatem a peccato; eam vero remansisse in homine quæ peccare possit vel etiam cum amore & delectatione; at in principis S. Augustini, nemo peccat in eo quod caveri non potest. Unde sequitur hominem etiamnum ea instructum esse libertate, quæ peccare possit vel non peccare; & ideo quæ posita sit in indifferentia ad agendum aut non agendum, Hoc eis placet, inquit, quod eos libet.

Similia docet lib. de nat. & grat.

T

cap. 43.

cap. 43. *Quis enim, inquit, eum nescit sanum & inculpabilem factum, & libero arbitrio atque ad iuste vivendum potestate libera constitutum? Sed nunc de illo agitur quem semivirum latrones in via reliquerunt, qui gravibus saucius confossusque vulneribus, non ita potest ad iustitiae culmen ascendere sicut potuit inde descendere. Ubi statum naturae innocentis cum statu naturae lapsae conferens, ait in isto hominem non ita posse bene agere, quasi dixisset eum non ita facile atque expedite, utpote saucium confossisque vulneribus, posse iustitiam sibi comparare.*

Tum vero lib. de corrept. & grat. cap. 13. ubi loquens de hominibus in hoc praesenti statu spectatis, sic habet: *Per liberum arbitrium alia insuper addiderunt, arbitrium, inquam, liberum, sed non liberatum; liberum iustitiae, peccati autem servum, quo voluntur per diversas noxias cupiditates, alii magis, alii minus, sed omnes mali, & pro ipsa diversitate diversis suppliciis iudicandi. Aut gratiam Dei suscipiunt, sed temporales sunt, nec perseverant, deserunt & deferuntur. Dimissi enim sunt libero arbitrio non accepto perseverantiae dono. Ubi liberum & liberatum distinguens, ait arbitrium nunc esse liberum, tametsi non sit liberatum; ita ut homines per illud liberum arbitrium magis aut minus mali sint pro illa nempe indifferenti potestate, a quo unum vel aliud facere possunt.*

Obijcit insuper Janfenius cap. 6 ejusdem libri in doctrina S. Augustini quadruplicem esse humani generis statum, ante legem, sub lege, sub gratia & in pace; & in duobus primis non esse libertatem ad resistendum concupiscentiae & bonum faciendum, sic lib. 83. quest. 66. *Prima est actio ante legem, secunda sub lege, tertia sub gratia, quarta in pace. Ante legem actio est, cum peccatum ignoramus & sequimur carnales concupiscentias. Sub lege est actio, cum*

jam prohibemur a peccato, & tamen consuetudine ejus victi peccamus, quoniam nos nondum adjuravit fides. Tertia actio est, quando jam plenissime credimus liberatori nostro, nec meritis nostris aliquid tribuimus, sed ejus misericordiam diligendo, jam non vincimur delectatione consuetudinis male, &c. Quod idem in fine quaestionis brevius colligit his verbis: In prima ergo actione quae est ante legem, nulla pugna est cum voluptatibus hujus saeculi; in secunda quae sub lege est, pugnamus, sed vincimur; in tertia pugnamus & vincimus; in quarta non pugnamus, sed perfecta & aeterna pace requiescimus. Similia tradit in Enchiridion cap. 118. in expositione quarumdam propositionum ex Epist. ad Romanos. Lib. 6. c. Jul. cap. 23. lib. 1. ad Bonif. c. 8. & lib. 1. ad Simpl. q. 1. in quibus locis aperte docet ante legem & sub lege, quo scilicet tempore nondum est homo per gratiam a concupiscentiarum suarum dominatione liberatus, nullo modo voluntatem esse liberam, ut operetur bonum, sed sub concupiscentiae lege esse captivam.

Respondeo in hujusmodi locis id unum docere Augustinum ante legem & sub lege, hoc est, ante incarnationem Verbi sub concupiscentiae servitute magis captivum fuisse hominem, quam in hoc gratiae statu quatenus minor tunc temporis affluebat divinorum auxiliorum copia; unde minus resistebatur concupiscentiae; quae proinde voluntates hominum fortius ad malum propellebat; sed ista demum eo sensu intelligi non debeat, quod omnino haec perierit libertas quam potuerint homines bene vel male agere; is quippe docet passim, ut diximus, neminem peccare in eo quod vitare non potest: *Quis enim, inquit lib. 3. de lib. arbit. c. 18. peccat in eo quod nullo modo cavere potest? ... Non tibi deputatur ad culpam quod invitis ignoras: sed quod negligis quare quod ignoras. Neque illud quod vulnerata membra non colligis,*
sed

sed quod volentem sanare contemnis .
Noverat autem S. Doctor peccasse ple-
rumque homines & peccata ipsis im-
putata fuisse ante legem Evangelicam.

Neque plus virum habet quod in
eundem finem capite sequenti proponit
Janfenius, argumentum eruens ex na-
tura gratiæ liberatricis, ipsaque defini-
tione liberi : Scilicet, inquit, juxta
doctrinam Apostoli Rom. 8. hæc dicen-
tis : *Lex Spiritus vult in Christo Jesu
liberari me a lege peccati & mortis*.
Creberrime occurrit apud Augustinum,
gratiam liberantem esse hoc ipsum,
quod confert arbitrio libertatem ad bo-
num, & consequenter fieri nullo mo-
do potest, ut arbitrium in bono libe-
rum sit, antequam per gratiam libere-
tur, sic lib. 1. ad Bonif. cap. 3. *Nec
liberum in bono eris quod liberator non
liberaverit*. Lib. 4. cap. 3. *Non potest
captiva voluntas nisi Dei gratia respira-
re in salubrem libertatem*. In Enchir.
cap. 106. *Ipsum liberum arbitrium libe-
randum est a servitute, cui dominatur
cum morbo peccatum, nec omnino per se
ipsum, sed per solam Dei gratiam qua
in fide Christi posita est, liberatur*. Lib.
de Spiritu & littera cap. 30. *Ut quid
ergo miseri homines aut de libero arbi-
trio audent superbire, antequam libera-
tur, aut de suis viribus si jam liberati
sunt? nec attendunt in ipso homine li-
beri arbitrii utique libertatem sonare,
Ubi autem Spiritus Domini, ibi liber-
tas*. Siquidem huic objectioni facile re-
spondetur, id unum his locis docuisse
S. Augustinum se solo libero arbi-
trio non posse quicquam boni agere
propter inordinatos concupiscentiæ mo-
tus quæ ipsam ad malum fortiter im-
pellit; quò sit ut gratiæ liberatricis do-
no indigeat; quamquam aliunde eam
libertatem arbitrii, de qua nunc ser-
mo est, etiamnum retineat, qua
nempe posita ejusmodi concupiscentia
quæ ad peccandum propellit & data
Dei gratia quæ ad bonum voluntatem

flectit, possit agere vel non agere : in
quem certe sensum accipi debere Au-
gustinum abunde intelligitur ex ipsis lo-
cis quæ obijciuntur a Janfenio.

Instabis: Liberum arbitrium non es-
se in indifferentia agendi & non agen-
di positum, abunde ostendit confictus
Juliani cum Augustino de hac ipsa di-
ficultate; ille enim cum cæteris Pela-
gianis docuit in hoc sitam esse arbitrii
libertatem, ut in utramque partem
contrarietatis bonum videlicet ac ma-
lum, se posset arbitrium indifferenter
flectere, quod certe mordicus negat S.
Augustinus; ergo.

Nego aut. In eo enim positus non
fuit confictus Juliani cum Augustino,
quod Julianus admitteret libertatem in
indifferentia positam, id vero negaret
Augustinus; sed in eo quod ille doce-
ret per se sine gratiæ adjutorio suffice-
re liberum arbitrium, contra vero S.
Doctor, ut manifestum est ex innume-
ris ejusdem locis, sic enim v.g. statum
questionis aperit libro de gratia Chri-
sti cap. 47. *Si consenserit Pelagius, in-
quit, etiam ipsam voluntatem & actio-
nem divinitus adjuvare & sic adjuvare,
ut sine ullo adjutorio nihil bene velimus
& agamus, &c. nihil de adjutorio gra-
tiæ Dei, quantum arbitror, inter nos
controversia relinquatur*. Et cap. 29. re-
latis Pelagii verbis, quibus agebat so-
lum necessariam esse gratiam ad faci-
lius operandum, excipit Augustinus,
*Tolle facilius, & non solum plenus,
verum etiam sanus est sensus*.

Id insuper evincitur ex eo quod non
uno in loco affirmat S. Augustinus se
cum Pelagianis consentire in asserendo
hominis libero arbitrio, id, v.g. profi-
tetur lib. de Nupt. cap. 3. his verbis:
*Liberum in hominibus esse arbitrium,
& Deum esse omnium conditorem utri-
que dicimus. Non hinc estis Celestiani
& Pelagiani*. Ubi certe loquitur Au-
gustinus de Arbitrio non solum prout
libero a coactione, sed & ab omni ne-
cessi-

cessitate absoluta; aliter falso diceret se hac in parte cum Pelagianis consentire.

Obijcit postea Janseus ea S. Augustini testimonia, in quibus docet non solum perisse libertatem quæ est ad faciendum bonum, sed etiam quæ est ad abstinendum a malo. Scilicet, inquit Janseus c. 9. cum antea hanc peccati definitionem tradidisset: *Peccatum est voluntas retinendi vel consequendi quod justitia vetat, & unde liberum est abstinere*. Lib. nempe de duabus animabus cap. 11. quam definitionem ut Pelagianorum principiis congruentissimam laudibus cumulat Julianus, inferens inde homines non peccare sine potestate abstinendi a malo, illam definitionem restrinxit Augustinus ad solum Adami peccatum, quia cætera cum quadam peccandi necessitate committuntur, lib. 1. operis imperf. cap. 47. sic habet: *Ipse est Adam quævis nostra illa definitio, quæ tibi placuit, intuebatur; cum dicerem, Peccatum est voluntas retinendi vel consequendi quod justitia vetat, unde & liberum est abstinere. Adam quippe omnino, quando peccavit, nihil in se habebat mali, quo notensurgeretur ad operandum malum & propter quod diceret, Non quod volo facio bonum, sed quod nolo malum hoc ago; ac per hoc id egit peccando, quod justitia vetabat, & unde liberum illi fuerat abstinere*. Et cap. 104. *Ista definitio peccati ejus est quod peccatum tantummodo est, non quod etiam pœna peccati; quia perit libertas non peccandi. . . . multum erras qui vel necessitatem nullam putas esse peccandi, vel eam non intelligis illius peccati esse pœnam, quod nulla necessitate commissum est*. Idem docet lib. 1. Retr. cap. 15. ex quibus sic argumentor: S. Augustinus hanc peccati definitionem, *Peccatum est voluntas retinendi vel consequendi quod justitia vetat, & unde liberum est abstinere*, restrinxit ad solum Adami pec-

catum; ergo existimabat hominibus in statu naturæ lapæ non esse liberum abstinendi a peccato.

Dist. conf. non esse liberum ea libertate quæ sit perfecte expedita ab omni mala propensione, C. non esse liberum, quasi inducta sit absoluta ad peccandum necessitas, N. hanc esse S. Augustini mentem constat, quia his in locis non loquitur de statu naturæ corruptæ, nisi comparate ad statum primi hominis ante peccatum; ut nempe existentiam peccati originalis demonstret adversus Julianum, ait in isto statu naturæ lapæ & superstitem esse concupiscentiam quæ efficit, ut a peccato abstinere liberum non sit, hoc est, non tam sit liberum quam Adamo fuit liberum: *Multa quippe sunt*, inquit ibidem lib. 1. op. imperf. cap. 47. *quæ agunt homines mala, a quibus eis liberum est abstinere, sed nulli tam liberum est quam illi fuit, qui Deo suo, a quo erat conditus rectus, nullo profus vicio depravatus adstabat*. Hæc comparatio mentem S. Augustini aperte declarat, id unum scilicet eum docuisse, non tam liberum esse nunc hominibus abstinere a peccato propter concupiscentiam a peccato originali profectam, quam liberum fuit Adamo nondum per peccatum depravato; unde facile colligitur quæ ex causa definitionem peccati antea a se traditam, ad solum primi parentis peccatum restrinxerit.

Quaquam responderi potest Augustinum suam illam definitionem restrinxisse propter peccatum originale, quia Pelagiani ex illa inferebant parvulos, cum propria voluntate non peccaverint, non posse dici peccato originali infectos, ut constat ex verbis Juliani ibid. *Ostende ergo*, inquit ad Augustinum, *hec duo in parvulis posse constare, si nullum est sine voluntate peccatum, si nulla voluntas, ubi non est plena libertas, &c.* Unde ex illis Augustini verbis, quibus definitionem peccati

cati ad solum Adæ peccatum restringit; id unum infert peccatum originale in infantibus fuisse verum peccatum, tamen ipsi liberum non fuerit ab eo abstinere, per actum scilicet proprium suæ voluntatis: Proinde, inquit cap. 47. *originale peccatum nec ad illud quod primo loco posuimus, ubi est voluntas malum operandi; unde liberum est abstinere, alioquin non esset in parvulis qui nondum voluntatis utuntur arbitrio, quod tamen nihil quicquam nostræ libertati præjudicat.*

Obijcit iterum Jansenius multa Sancti Augustini loca in quibus affirmat inveciam esse peccato primi parentis peccandi necessitatem; quæ certe indifferentiam ad agendum aut non agendum capitaliter pugnat; operis imperf. cap. 105. jam citato: *Multum erras, inquit, qui vel necessitatem nullam putas esse peccandi, vel eam non intelligis illius peccati esse penam, quod nulla necessitate commissum est.* Et cap. 106. *Necesse est ut peccet a quo ignoratur iustitia; nunquid ideo cum iustitiam cognoverit, non sunt ei remittenda peccata quæ ignorantia necessitate commisit.* . . . Non est igitur impunitatis securitas in necessitate peccandi, sed ut non obsit ista necessitas, donat ille cui dicitur, *De necessitatibus meis erue me*, Lib. de natura & grat. cap. 66. Quod autem, inquit, ex vitiis natura, non ex conditione natura sit quadam peccandi necessitas; audiat homo, atque ut eadem necessitas non sit; discat Deo dicere, *De necessitatibus meis edue me*. Cap. 67. *Sunt etiam, inquit, necessitate facta improbanda, ubi vult homo recte facere & non potest.* Nam unde sunt illa voces, *Non enim quod volo facio bonum, sed quod odi malum, hoc ago?* Lib. 1. Ret. cap. 1. *Natura nostra dura necessitas merito præcedentis iniquitatis exorta est.* Quibus similia prope infinita e scripitis Augustini excribi possunt; unde sequitur illam negasse superstitem in homi-

ne post peccatum indifferentem agendi aut non agendi potestatem.

Dist. ant. Affirmat plerumque Augustinus per peccatum inductam esse peccandi necessitatem moralem, C. necessitatem physicam & absolutam, N. in his igitur & similibus locis loquitur Augustinus de morali necessitate, sumpta nempe pro quadam difficultate abstinendi a peccato, orta ex violentis atque importunis concupiscentiæ motibus qui tam vehementer ad peccatum inducunt ut diu nemo possit ab omni peccato abstinere, unde necessario committuntur peccata; quo sensu dicitur necessarium esse, ut eveniat id quod frequenter evenit: Sed non loquitur, de necessitate physica & absoluta quæ sit ineluctabilis & insuperabilis, adeoque indifferentiam seu potentiam ad oppositum evertat. Porro non aliam esse Augustini mentem duo evincunt momenta luculentissima.

Primo, quia exstimmavit S. Doctor hominem cum illa necessitate de qua loquitur, quæcunque tandem illa sit, culpabiliter agere, ut constet ex locis mox citatis in objectione. Sed docuit ex alia parte ea quæ fiunt ex necessitate physica, quæ nempe superari non potest; tanquam peccata deputari non posse, ut manifestum est ex lib. 3. de lib. arb. c. 18. ubi legimus nobis non imputari ad culpam quod inviti ignoramus aut facere non possumus; sed quod negligimus querere id quod ignoramus; ergo, &c.

Secundo, quia S. Augustinus parem videtur inducere necessitatem agendi ortam ex peccato originali, quam admitteret Julianus ortam ex affectibus & mala consuetudine; sic enim argumentum Juliani in eum retorquet l. 1. oper. imp. cap. 105. *Si enim, inquit, necessitas nulla peccandi est, quid patiebatur; quæso, qui secundum vestrum sensum tanta mole mala consuetudinis premebatur, ut diceret, Non quod volo facio*

facio bonum, sed quod nolo malum hoc ago? Et paulo post. Tu quoque ipse in libro novissimo tuo, eorum quos contra unum meum quatuor edidisti, ex affectionibus atque passionibus animi dicis (evenire hominibus affectionalem qualitatem, atque ita inhaerescere, ut aut magnis molitionibus, aut nullis separaretur omnino.). Quisquis ergo ea timiditate peccaverit qua ab illo non potest separari, quid aliud quam necessitate peccabit? ... Ac per hoc etiam secundum vos peccandi necessitas, unde abstinere liberum non est, illius peccati poena est, a quo abstinere liberum fuit, quando nullum pondus necessitatis urgebat.

Porro certum est Julianum non admisisse necessitatem peccandi physicam absolutam, sed tantum moralem, sumptam scilicet pro quadam propensione ad malum, quae tamen relinquebat potentiam indifferentem ad oppositum; ergo similiter non aliam necessitatem quam moralem homini lapsi tribuebat Augustinus; aliter ad hoc argumentum male omnino retortum respondisset Julianus dicens necessitatem peccandi ortam ex timidine & mala consuetudine esse tantummodo moralem; cum contra necessitas per peccatum originale induta physica sit & ineluctabilis.

Instabis: S. Augustinus illam peccandi necessitatem probat inesse hominibus, quam negabat Julianus: atqui Julianus minime negabat hominibus inesse necessitatem moralem; ergo S. Augustinus aliam probat necessitatem quam moralem.

Dist. min. Quae orta esset ex mala consuetudine, C. ex peccato originali, N. solutio abunde patet ex dictis.

Instabis: De ea peccandi necessitate loquitur Augustinus, qua contrahitur ab infantibus peccatum originale; in exemplum enim affert peccatum originale, ut ostendat nobis inesse peccandi necessitatem, ostendens peccatum originale veram peccati rationem ha-

bere, tamen si necessario contrahatur; Atqui peccatum originale necessario contrahitur necessitate physica & absoluta; ergo loquitur S. Augustinus de necessitate physica & absoluta.

Nego maj. siquidem par omnino & simile non est argumentum quod petit Augustinus a peccato originali, ut probet in nobis esse peccandi necessitatem, quasi sic ratiocinetur: Peccatum originale necessitate physica contrahitur; ergo & peccatum actuale. Sed utitur argumento, quod est a majori, ut adjunt, ad minus in hunc modum; peccatum originale vere peccatum imputatur, quamvis necessario contrahatur; ergo et si peccemus actualiter secundum necessitatem, tamen ejusmodi peccata vere nobis imputantur; ex quo ratiocinio, ut videre est, non sequitur parem esse necessitatem quae nos ad peccandum actualiter impellit, cum ea qua contrahitur peccatum originale; sed satis est, ut istud argumentum vim suam obtineat, si modo peccemus ex quadam necessitate; qualiscunque tandem illa sit, & tamen si sit moralis tantum necessitas.

Instabis: Nisi mens Augustini fuisset peccata actualia committi ab hominibus necessitate aequae physica, ac ea qua contrahitur ab infantibus peccatum originale, nullum prorsus fuisset ejus argumentum adversus Pelagianum; respondisset enim Julianus peccata actualia fieri quidem cum necessitate morali quae absolute non impellit ad peccandum; cum aliunde peccatum originale contrahi dicatur necessitate physica, adeoque non esse verum peccatum; ergo in systemate S. Augustini peccata actualia sunt cum necessitate physica & absoluta.

Nego ant. quia nempe mens Augustini non est probare peccatum originale veram peccati rationem habere, tamen si necessario contrahatur; unde neutiquam comparat eo loci necessitatem,

tem, qua contrahitur peccatum originale, cum ea necessitate qua homines in hoc statu impelluntur ad peccandum actualiter verum id unum conatur ostendere Juliano congenitam quandam peccandi necessitatem inesse hominibus quæ sit a peccato originali profecta; quin immo videtur contra S. Augustinum argumentum ex peccato originali petitum de industria præmittere, eo profecto quod peccatum originale negabat Julianus, ut aperte colligitur ex eodem cap. 105. Si enim nulla necessitas peccandi est (ut omissam vim mali ejus quod originaliter trahitur, hoc enim nullum esse vos vultis.) Quid patiebatur, quæso, qui secundum vestrum sensum tanta mole mala consuetudinis premebatur?

Instabis: De ea necessitate loquitur S. Augustinus qua existunt in nobis illi motus de quibus ait Apostolus: *Non quod volo bonum hoc ago, sed quod nolo malum hoc facio*; hunc enim locum Apostoli non semel urget adversus Julianum: Atqui illi motus, de quibus loquitur Apostolus, sunt necessariæ necessitate absoluta & physica: sunt enim motus ineliberati qui quidem in nobis vel invitis excitantur; ergo.

Nego min. Hi enim motus, de quibus sermonem habet S. Paulus, sunt concupiscentiæ quæ necessitatem solum moralem inferunt; adeoque liberum arbitrium non evertunt; id enim, ut puto, non est intelligendum de motibus ineliberatis; aut saltem ita non accipitur ab Augustino qui in hunc finem duntaxat hoc uritur loco, ut nobis congenitæ & continuo rebellantis concupiscentiæ existentiam demonstret.

Obijces iterum cum eodem Jansenio: S. Augustinus lib. de Civit. Dei cap. 10. duplicem distinguit necessitate, unam quæ non est in nostra potestate: Si necessitas nostra, inquit, illa dicenda est qua non est in nostra potestate, sed etiam si nolimus, efficit quod po-

test, sicut est necessitas mortis; manifestum est voluntates nostras, quibus recte vel perperam vivitur, sub tali necessitate non esse; multa enim facimus, qua si nollemus non utique faceremus. Quo primitus pertinet ipsum velle, nam si volumus, est; si nolimus, non est: non enim vellemus, si nollemus. Si autem illa definitur esse necessitas, secundum quam dicimus necesse esse, ut ita sit aliquid, vel ita fiat, nescio cur eam timeamus, ne nobis libertatem auferat voluntatis. Neque enim & vitam Dei & præscientiam Dei sub necessitate ponimus, si dicamus necesse esse Deum semper vivere & cuncta præscire, sicut nec potestas ejus minuitur, cum dicitur morti fallique non posse... sic etiam cum dicimus necesse esse, ut cum volumus, libero velimus arbitrio, & verum procul dubio dicimus, & non ideo ipsum liberum arbitrium necessitati subicimus, quæ admittit libertatem. Ergo existimavit simplicem necessitatem, qua necessarium est aliquid esse aut fieri, non repugnare libertati, sed tantum necessitatem quæ importat violentiam & coactionem, cujusmodi est necessitas mortis.

Dist. conf. S. Augustinus existimavit simplicem necessitatem non repugnare libertati, si ejusmodi necessitas sit consequens, C. si sit antecedens, N. Est igitur in mente Augustini aliqua necessitas, secundum quam dicimus necesse esse, ut ita sit aliquid, vel ita fiat, quæ neutiquam libertati officit, sed ejusmodi necessitas est consequens, quæ scilicet sequitur liberum voluntatis consensum, in quantum necessarium est, ut quando libere volumus, libero velimus arbitrio; quod sane non impedit quominus natura libertatis posita sit in indifferentia ad agendum & non agendum; siquidem voluntas antecederet ad determinationem suam liberam est indifferens ad utrumvis oppositum, & posita semel determinatione vult necessario id quod vult, quæ necessitas utpote

pote consequens nequaquam ex consensu omnium laedit libertatem. De hac autem necessitate consequente loqui S. August. constat.

Primo, quia cum duplicem illam distinguit necessitatem, priorem dicit non esse in nostra potestate, id est, in nostra libertate, in libera nostra voluntate, ut ejus verba aperte innunt; proindeque altera necessitas quæ est in nostra potestate recte censetur consequens liberum voluntatis consensum, quaquidem necesse est ut aliquid ita sit vel ita fiat, sed consequenter ad liberum voluntatis exercitium.

Secundo, quia id unum constat ostendere sanctus Augustinus non omnem necessitatem qua necesse est aliquid ita esse, vel ita fieri, pugnare semper cum libertate; vix enim intelligere poterat Tullius adversus quem disputat, quomodo libertas consistere poterat cum Dei præsentia, quæ cum sit infallibilis, ita rebus inferre videtur necessitatem, ut quæ simul a Deo præcisa sunt, necessario evenire debeant; huic porro Ciceronis difficultati abunde satisfaciit Augustinus, aliquam docens necessitatem conjungi posse cum libertate; est autem ejusmodi ea necessitas quæ dicitur consequens, quia consequenter ad liberam determinationem voluntatis sequitur id quod fuit determinatum, esse necessario simul & libere futurum, adeoque præcisci certo a Deo illa libertate.

Obijcit insuper Jansenius quam plurima aliorum Patrum testimonia, quos non dubitat suæ sententiæ patronos allicere, eo quod nonnunquam libertati arbitrii opponunt vim, violentiam, compulsionem & coactionem; unde sequitur, aut, illos existimasse necessitatem simplicem conjungi posse cum libertate, quæ proinde non consistit in indifferentia ad agendum aut non agendum. In hunc finem producit auctorem lib. de Cælesti Hierarc. qui c. 9.

ait *vitam hominum non esse illis datam vi vel necessitate coactam*, Clementem Romanum vel quemvis alium auctorem qui Epist. 3. sic habet, *jams vis erat quadam natura per quam liberum non esset ad aliam migrare sententiam. Aut si rursus ex audientibus nullus reciperet: & hoc natura vis erat qua unum aliquid fieri cogeret, & alteri parti non daret locum*. S. Irenæum lib. 4. c. 71. sic loquentem: *Liberum Deus fecit ab initio habentem suam potestatem, sicut & suam animam ad utendum sententia Dei voluntarie & non coactum a Deo*. Tertullianum qui passim docet in eo positum esse libertatem arbitrii quod homo, sponte, voluntarie, voluntarie, necessitate agit, ut lib. 2. contra Marc. S. Hilarium in Psal. 2. ubi sic ait, *Quid autem honoris ac præmii bonitatis necessitas mereretur, cum malos nos esse vis quadam nobis conferta non sineret*. Origensem in proœmio librorum Periar. hæc scribentem, unde & consequens est nos non necessitati esse subjectos, ut omni modo, *esli nolimus; vel bona vel mala agere cogamur*. S. Epiphanium hæres. 5. Sane quidem, inquit, *justius ab stellis quæ necessitatem parvi panis repetantur, quam ab eo qui quod agit, omnino coactus aggreditur*. Macarium qui Homil. 25. ait hominis naturam boni & mali esse capacem, sed non cogibilem. Basilium Seleuciæ Episcopum qui orat. 3. sic habet: *Arbitrii libertate refulgens consilii vim habet qua nulla tenetur servitute, intentionemque habeat sui dominam & inviolabili gloriatur agendo um electione*. Tum vero Eusebium lib. 6. Præp. Evang. & lib. contra Hieroclem perpetuo libertati opponit violentiam & coactionem, *Si voluntates nostra, inquit cap. 5. stellis cogerentur, jaceret omnis philosophia, jaceret omnis philosophia, jaceret pietas &c.* & S. Chryf. iisdem verbis utentem Homil. 62. ad pop. Antich. Homil. 21. in Joan. aliusque locis, quin & S. Cyrillum Alex. qui

qui lib. 8. contra Julianum sic habet : Itaque ut & nos quoque ad quodvis bonum sponte incederemus consilio, non coactile vivere super terram hominem permittit Deus.

Item docent, inquit Janfenius, alii Patres Augulino, posteriores. S. Prosper lib. c. collat. cap. 19. hæc scribit, *Libertum arbitrium est rei sibi placita spontaneus appetitus*. S. Fulgentius lib. de Incarn. & Grat. c. 12. *Primus homo creatus de terra terrenus, accepit quidem gratiam qua posset non peccare si peccare nollet. . . . Ut scilicet a bono iustoque Domino post esset illud munere largiendum, si voluntarie fuisset hoc a servo prius in opere custoditum*. Beda lib. variarum quæst. q. 13. ait arbitrium fuisse liberum, quandiu non potuit cogi: *Ita ut, inquit, nulla vi cogente nec Dei nec diaboli quod vellet bonum vel malum faceret*. Damascenus lib. 3. de fide sic habet: *Quippe patres liberum arbitrium voluntatem esse definierunt. & paulo post, enim vero cum voluntatem dicimus non eam coactam ac necessitate constrictam, sed liberam dicimus*. Accedit Anselmus qui lib. 2. cur Deus homo cap. 10. sic loquitur, *Improprie dicitur necessitas, ubi nec coactio ulla est nec prohibitio: id est, inquit Iprensus, vis cogens nolentem, & prohibens seu impediens volentem*. Denique S. Bernardus, qui lib. de lib. arbit. circa initium docet necessitatem illam, a qua liberum dicitur esse arbitrium, efficere ut non sit voluntarium: *Si horum, inquit, quodlibet prohibente ratione voluntas non posset, voluntas jam non esset. Ubi quippe necessitas, jam non voluntas*.

His omnibus sanctorum Patrum testimoniis quæ nonnisi summatis & simul collecta refero, quia, cum sint ejusdem generis simili quoque modo & quidem facile explicari possunt; his, inquam, respondeo totam Janfenii difficultatem statim in fumum evanescere si supponatur, quod verissimum est & cuilibet hæc

Tom. V.

Patrum loca attente consideranti patebit, vim, violentiam, coactionem, aut alia similia vocabula sumi a sanctis Patribus late & univèrsim pro quæcunque necessitate antecedente, sive ab extrinseco, sive ab intrinseco imposita, quæ dici potest coactio moralis, qualis est quælibet vehemens inductio seu impulsio ad agendum, vel etiam naturalis propensio ad unum determinata; unde non parum hallucinatur Janfenius, quando hoc nomen coactionis in scriptis SS. Patrum exponit de coactione physica quam solam putat pugnare cum libertate arbitrii.

Atque revera nomen coactionis plerumque apud SS. Patres sumi generaliter pro qualibet necessitate, ex eo manifeste colligitur, quod per hæc coactionem quam opponunt libertati adjungunt & necessitatem; quasi coactionem promissæ & necessitatem confundant, quibus adde nullum esse ex præfatis Scriptoris qui libertatem pro indifferentia ad agendum aut non agendum accepta aperte non defendat, ut constet ex probationibus adductis.

Urgent vero imprimis auctoritatem S. Bernardi, qui disertius quam quisvis alius e sanctis Patribus docere videtur libertati arbitrii non aliam repugnare necessitatem, quam quæ sit violentia, vis & coactio; idemque plane esse liberum quod voluntarium, lib. de Grat. & lib. Arb. cap. 1. eum dixisset consensum voluntarium homines discernere a bestiis, hunc consensum voluntarium significat esse ipsam libertatem: *Hunc ergo, inquit, communem habentes naturalem appetitum cum bestiis consensus voluntarius nos discernit. Est enim habitus animi liber sui, siquidem non cogitur, non extorquetur, est quippe voluntatis, non necessitatis, nec negat, nec præbet cuiquam nisi ex voluntate. Alioquin compelli valeret invitus, violentus est, non voluntarius. Ubi autem voluntas non est, nec consensus. Non enim est consensus nisi*

V

volunt.

voluntarius. Ubi ergo consensus, ibi voluntas. Porro ubi voluntas, ibi libertas. Et hoc est quod dici puto liberum arbitrium. & cap. 2. Si bonum quodlibet prohibente ratione voluntas non posset, voluntas jam non esset. Ubi quippe necessitas, jam non voluntas. Cap. 3. a libertate a peccato, & a libertate a miseria secernens liberum arbitrium sic illud designat. Est vero, quam magis ei congruere arbitror libertatem quam dicere possumus a necessitate, eo quod necessarium voluntario contrarium esse videatur; siquidem quod ex necessitate fit, jam non est ex voluntate, & e converso similiter. Cap. 4. Quomodo, inquit, ad bonum per gratiam conuersus humanus voluntatis consensus eo libere bonum & in bono liberum hominem facit, quo voluntarius efficitur; non inuitus pertrahitur? Sic sponte devolutus in malum, in malo nihilominus tam liberum quam spontaneum constituit, sua utique voluntate ductum, non aliunde coactum, ut malus fit.

Respondeo ex duobus illis capitibus, quæ obijciuntur ex præfatis locis S. Bernardi, neuiquam colligi posse hunc S. Doctorem existimasse, libertatem arbitrii cum simplici necessitate conjungi posse: Idcirco enim libertati per se opponit coactionem & violentiam, quia coactionem accipit late & universim pro necessitate; Quod autem præterea liberum passim dicat idem esse ac voluntarium, ex eo certe oritur, quod voluntatem non sumat late pro facultate volendi quomodocunque; sed strictius pro facultate volendi cum electione & indifferentia; quod utrumque manifeste liquet ex ipso S. Bernardi contextu.

Ac primo quidem in iisdem locis coactionem sumi late pro qualibet necessitate, hæc aperte demonstrant testimonia in quibus promissive & indifferenter utitur S. Bernardus nomine *necessitatis* & nomine *coactionis*, cap. 1. loquens de consensu voluntario sic habet: *Est enim habitus animi liber sui. Siquidem non eo-*

gitur, non extorquetur. Est quippe voluntatis, non necessitatis. Cap. 2. Est vero ratio data voluntati ut instruat illam, non destruat. Destrueret autem, si necessitatem ei ullam imponeret, quominus libere pro arbitrio se se volueret. Ubi libertas destrui dicitur, si qua imponatur humanæ voluntati necessitas, adeoque si non modo adhibeatur coactio & violentia, sed & quævis alia necessitas quæ impediat quominus gratia consentire possit vel non consentire, ut ipse addit Sanctus Doctor; quod idem plane ipsum pergit scribere verbis paulo post sequentibus. Porro, inquit, ubi necessitas est, libertas non est: ubi libertas non est, nec meritum, ac per hoc nec iudicium. & cap. 3. Sola ergo voluntas quoniam pro sui ingenua libertate aut dissentire sibi, aut præter se in aliquo consentire nulla vi, nulla cogitur necessitate. In quibus locis modo libertatem opponit coactioni, & modo necessitati, hæc duo promissive usurpans; quia nimirum coactionem sumebat universim & late pro qualibet necessitate antecedente consensum voluntatis.

Quin potius nomine coactionis plerumque apud Oratores, qui non ita accurate & minus scholastice loquuntur, non solum intelligitur vis externa, sed & omnis impulsio, omnis determinatio quæ fit ab alio quocunque tandem modo fiat, vel etiam libere & sine ulla necessitate: quo sensu dicitur aliquis cogi precibus, minis, metu & facundia; unde a fortiori potuit Divus Bernardus coactionem accipere pro necessitate.

Ad cuius veritatis confirmationem addi potest & plerumque nomen *coactionis*, ab eo usurpatum pro omni determinatione etiam quæ oritur a propria voluntate agentis liberi, sic c. 12. ait voluntatem quandoque seipsa cogi: *Quid ergo, inquit, forte dissoluta est tota superior assertio de libertate voluntatis; quia nimirum invenimus est cogi potuisse voluntas? Est plane, sed si cogi ab alio potuit*

potuit quam a se ipsa. Quod si se ipsa coegit compulsiva & compellens, ubi amittit ibi & recipere visa est libertatem. Vim quippe quam ipsa sibi intulit, a se petiit. Porro quod a se voluntas petiit, ex voluntate fuit. Quod ex voluntate fuit, jam non ex necessitate, sed voluntarium fuit.

Secundo & ibidem S. Bernardus librum confundit cum voluntario, sumens voluntatem strictius pro voluntate ad utrumlibet indifferente, non autem prout est voluntas præcise; quod enim dixerat cap. 2. *Ubi necessitas, jam non voluntas*. Idem paulo post exprimit eodem capite his verbis: *Ubi necessitas est, libertas non est*. Cum autem affirmat eo loci, non esse voluntatem ubi est necessitas, id se intelligere de voluntate ut libera est per indifferentiam, satis superque indicat his verbis: *Est veroratio data voluntati ubi instruat illam, non destruat; destrueret autem, si necessitatem ei ullam imponeret, quominus libere pro arbitrio sese volveret, sive in malum consentiens appetitui aut nequam spiritui, ut sit animalis non percipiens, vel certe & persequens ea qua sunt Spiritus Dei, sive ad bonum gratiam sequens fiat spiritualis*. Ubi certe homini tribuit Bernardus voluntatem qua potens est ad bonum vel malum se convertere pro arbitrio; consentire gratiæ, vel nequam spiritui. Atqui voluntas ejusmodi non est voluntas præcise ut natura est rationalis, qualis esset in eo qui ageret eum necessitate, sed voluntas ut libera per indifferentiam & quidem contrarietatis quæ est potentia ad bonum & malum; Igitur S. Bernardus voluntatem ibi sumit strictius pro voluntate ut indifferente.

Quapropter cum dicit cap. 2. ubi necessitas est jam non esse voluntatem, intellige non esse voluntatem prout liberam, prout vim electivam; nam initio capitis tertii liberum & voluntarium tanquam duo synonyma usurpat;

quapropter, inquit; hujusmodi voluntarium liberumque consensum, ex quo & omne sui constat pendere judicium.

Et ratio est quia vult ibi ostendere S. Bernardus, non vita, non sensu, non appetitu, sed voluntate hominem a bellis disserre, quia hæc alia nempe vita, sensus & appetitus naturalis communia sunt hominibus & bellis; cum autem per voluntatem prout judicio & ratione præditam, ab cæteris animantibus secernatur homo; inde fit, ut S. Bernardus de voluntate ut electiva & libera potius loquatur, quam de voluntate præcise ut natura.

Quibus accedit eundem S. Doctorem aperte tradere c. 7. ejusdem libri eandem in nobis esse libertatem arbitrii cum ea qua præditus fuit Adamus ante peccatum; Nunc locus est pervidendi, inquit, utrum scilicet totas tres illas, quas diximus, libertates, id est arbitrii, consilii, complaciti, vel aliis nominibus a necessitate, a peccato, a miseria primi hominis in Paradiso habuerint, an tantum duas, an unam solummodo. Et de prima quidem jam nulla questio est, si meminimus quam aperte & iustus eam & peccatoribus inesse aequaliter ratio superior eduxerit. De duabus reliquis quaeritur non immerito, an unquam eas Adam habuerit, aut ambas, aut vel unam. Nam si nullam habuit, quid amisit? arbitrii utique libertatem tam post peccatum quam ante semper tenuit inconcussam. Atqui certe existimavit S. Bernardus datam primitus fuisse Adamo libertatem quæ fuerit immunita ab omni necessitate; igitur & idem sensit de homine post peccatum considerato.

Instabis: Ex istis quæ scribit cap. 10. num. 35. Nemo providet, inquit, putet ideo dictum liberum arbitrium, quod æqua inter bonum & malum potestate aut facilitate versetur, cum cadere quidem per se potuerit, non autem resurgere nisi per Domini Spiritum. Alioquin nec Deus nec Angeli sancti, cum ita sint boni, ut non

Possint esse mali, nec pravificatores item Angeli cum ita sint mali, ut jam non valeant esse boni, liberi arbitrii esse dicuntur. Sed & nos illud post resurrectionem amissuri sumus, quando utique inseparabiliter alii bonis, alii malis admixti fuerimus. Ceterum nec Deus caret libero arbitrio, quoniam quod ille esse non potest malus, non infirma sibi necessitas, sed firma in bono voluntas & voluntaria firmitas; quodque is non valet in bonum respirare non aliena facit violentia oppressio, sed sua ipsius in malo obstinata voluntas, ac voluntaria obstinatio. Nunc igitur ex eo potius liberum arbitrium dicitur, quod sive in bono sive in malo aequae liberam faciat voluntatem; nec bonus quispiam, nec item malus dici debeat, aut esse valeat nisi volens. Tali jam ratione non incongrue dicitur ad bonum se & ad malum habere aequaliter, quod utrobique videlicet par sit ei non quidem in electione facilitas, sed in voluntate libertas. Ex quibus hoc eruitur argumentum: docet S. Bernardus libertatem arbitrii positam non esse in facilitate electionis, sed in voluntate, id est, positam non esse in potestate indifferenti ad opposita, ad bonum & ad malum; unde infert Deum & Angelos sanctos libero arbitrio praeditos esse, tametsi necessario operentur bonum; tum vero & liberum esse Diabolum, quantumvis ejus sit in malo obstinata voluntas; ergo existimavit libertatem arbitrii conjungi posse cum necessitate simpliciter, atque idem plane esse cum voluntario quod per vim externam coactum non est.

Dist. ant. Docet S. Bernardus libertatem arbitrii positam non esse in facilitate electionis, sed in voluntate, hoc est, ut paulo supra scribit, non in aequa inter bonum & malum potestate & facilitate quoad executionem, C. hoc est, non esse positam in facultate electiva & ad bonum vel malum versatili, N. id unum scilicet eo loci probat

S. Bernardus nunc liberum hominis arbitrium in aequa ad bonum & malum potestate, aut potius facilitate quoad executionem non versari; quia nempe, tametsi sit in homine libertas potentiae seu facultas electiva ad bonum & malum versatilis, boni tamen exercitium & executio ita pendet ex gratia, ut eatenus dici non possit aequam esse ad bonum & malum potestatem: Nemo putet, inquit, ideo dictum liberum arbitrium, quod aequa inter bonum & malum potestate aut facilitate versetur, cum cadere per se quidem poterit, non autem resurgere, nisi per Domini spiritum. Sed non ideo putat S. Bernardus cum necessitate conjungi posse libertatem, contrarium enim ibidem aperte docet. his verbis: Nunc igitur ex eo potius liberum arbitrium dicitur, quod sive in bono sive in malo aequae liberam faciat voluntatem; cum nec bonus quispiam, nec item malus dici debeat aut esse valeat, nisi volens.

Quod autem in exemplum adducit Deum, Angelos sanctos, & Diabolum, qui libero arbitrio praediti censentur, tametsi ad unum sint determinati, Deus quidem & sancti Angeli ad bonum, Diabolus vero ad malum, profecto nil moror; ex illis enim exemplis id unum colligit libertatem non esse positam in aequa ad bonum & malum potestate; unde putat aliter ratiocinandum esse de libertate Dei, Angelorum & Diaboli, ac de libertate hominis, in quo admittit voluntatem ad bonum & malum versatilem.

Quibus adde ad summum colligi posse ex verbis S. Bernardi, libertatem arbitrii positam non esse in indifferentia, ut ajunt, contrarietatis quae sit ad bonum & malum, quod nec nos ipsi volumus, sufficit enim indifferentia contradictionis, quia liberum est agere ad agendum vel non agendum.

Obijcit postea Janfenius infinita prope testimonia Scholasticorum, qui ad in-

flar SS. Patrum libero arbitrio plerumque opponunt coactionem, sic, v.g. Magister Sent. in 2. dist. 25. cap. 5. *Si diligenter respiciatur liberum videbitur dici arbitrium, quia sine coactione & necessitate valet appetere vel aligere quod ex ratione decreveris.* Sic Alexander Aletius 2. p. q. 72. Memb. 2. art. 2. *Respondeo quod liberum arbitrium tripliciter consideratur, non modo secundum quod non cogitur, & hoc modo dicitur liberum, &c.* Sic Altissiodorensis lib. 2. Summæ tract. 11. qu. 3. *Dicimus quod hæc facilitas, sive habilitas potentie libertas prædicta est, quæ est sine coactione in omni habente liberum arbitrium.* Sic S. Thomas in 2. dist. 21. art. 4. *Dicendum, inquit, quod liberum arbitrium dicitur ex eo quod cogi non potest.* Quæst. 24. de verit. art. 10. ad 7. *Liberum arbitrium, secundum quod dicitur liberum a coactione, non suscipit magis & minus.* Et 1. p. q. 83. art. 2. ad 3. ait, *hominem peccando liberum arbitrium perdidisse, non quantum ad libertatem naturalem quæ est a coactione, sed quantum ad libertatem quæ est a culpa & a miseria.* In quem plane modum loquuntur & cæteri Theologi, quorum loca singula hic exferbere videtur omnino inutile. Consuli possunt Securus quodlibet 16. S. Bonavent. in 2. dist. 25. Henricus a Gandavo quodlib. 3. q. 17. Ricardus de Mediavilla in 2. dist. 25. art. 2. q. 1. Thomas de Argentina in 2. dist. 25. art. 1. Dionysius Carthusianus in 2. dist. 25. art. 4. Marsilius in 2. q. 16. art. 2. Gabriel in 3. dist. 18. q. unica, art. 3. & cæteri recentiores.

Verum in illis Theologorum placitis explicandis nihil est quod diutius immoremur, est enim luce meridiana clarius, nomen coactionis apud illos scriptores sumi generaliter & promiscue pro necessitate quavis antecedente, non autem strictæ, ut contendit Janfenius, pro violentia propriè dicta. Idque colligitur: Primo, quia sæpe persæpe in iisdem

locis nomina coactionis & necessitatis tanquam synonyma & in eundem sensum usurpant; ita Magister Sent. loco mox citato, quia, inquit, *sine coactione & necessitate valet appetere vel eligere*; ita Ricardus de S. Victore tract. 1. de statu interioris hominis c. 13. *Potest, inquit, consentire vel non consentire aspirationi diuine, similiter suggestioni diabolice: Utrumque quidem ex libertate, neutrum oportet ex necessitate. Libertatis est quod ad aliquid volendum cogi non potest.* Secundo, quia nullus est ex illis Theologis, ut aperte indicant eorum testimonia superius adducta, qui libertatem in indifferentia positam esse non doceat, quin immo contrariam sententiam haberi vult Thomas ut hæreticam: *Hæc opinio, inquit, quæst. 6. de malo, est hæretica; tollit enim rationem meriti & demeriti in humanis actibus, qui tamen ad instar cæterorum, vel quovis alio expressius libertatem opponit coactioni.*

Objicies eum Janfenio, Deus est libere bonus, quamvis malus esse non possit, ut ait S. Augustinus l. 1. operis imperf. contra Julian. Item Deus libere iustus est, licet non possit velle peccare, ut idem S. Doctor affirmat lib. de natura & grat. c. 46. atqui hoc posito libertas non consistit in indifferentia, sed optime conjungitur cum necessitate; ergo.

Dist. min. Libertas non consistit in indifferentia contrarietatis, C. contradictionis, N. id unum itaque sequitur ex argumento proposito libertatem non consistere in indifferentia contrarietatis; unde S. Augustinus merito refutabat Julianum qui libertatem definiebat per potestatem faciendi bonum vel malum: *Si liberum non est, inquit, nisi quod duo potest velle, id est, bonum & malum, liber ergo Deus non est qui malum non potest velle.* Sed inde colligi non potest libertatem positam non esse in indifferentia contradictionis; quo sensu Deus

Deus est libere bonus & libere iustus, potest enim ab illis omnibus virtutum operibus abstinere, quæ circa homines aliasque creaturas exercet: *Cum Deus*, inquit S. Thomas 1. p. q. 19. art. 10. *ex necessitate suam bonitatem velit, alia vero non ex necessitate; respectu illorum quæ non necessitate vult, liberum arbitrium habet.*

Obijcies: Beati homines & Angeli liberi sunt, quamvis non possint peccare, ut expresse docet S. Augustinus lib. 22. de Civit. Dei cap. ultimo; igitur Deum vident amantque libere, tamen necessario & incommutabiliter; ergo liberas cum simplici necessitate conjungi potest.

Respondeo ad primum, Beatos, licet peccare non possint, in quibusdam tamen esse liberos; puta in iis quæ possunt facere vel non facere, possunt, v. g. pro aliquo Deum orare vel non orare, aut alia ejusmodi. Cum autem ait S. Augustinus eo liberius multo esse eorum arbitrium, quod nunquam a bono deficere possunt, vel illud intelligit de libertate a peccato, non de libertate arbitrii; vel sic loquitur, quia peccandi potentia proprie loquendo impotentia magis quam vera potentia dici debet.

Ad secundum dico actus beatificos cognitionis & amoris Dei in Beatis non esse liberos, a quibus nempe pro nutu & arbitrio abstinere non possunt, quos in sua potestate non habent, quorum non sunt Domini, eo præcise quod Deo clare viso immobiliter & necessario adherent eorum voluntas.

Quod porro argumentum repeti solet ab adversariis ex libertate Christi, dilutum habes in Tractatu nostro de Incarnatione Verbi divini.

Obijcies: Pater divinus libere generat Filium, Pater & Filius libere produunt Spiritum Sanctum: atqui tamen uterque procedit necessario; ergo sola

coactio, non autem necessitas pugnat cum libertate.

Neg. maj. Inde enim sequeretur Filium divinum esse sub dominio Patris, & Spiritum Sanctum sub dominio Patris & Filii, titulo nempe libertæ productionis; quod enim quis producit libere, idipsum in sua potestate habere suoque sub dominio constitutum: sed impium esset affirmare Filium esse in potestate & sub dominio Patris, & Spiritum Sanctum in potestate & sub dominio Patris & Filii, id enim maxime sonat dependentiam quæ soli creature competere potest, in quantum hoc posito & Filius & Spiritus Sanctus potuissent non produci; nequit igitur dici Filium libere produci a Patre, & Spiritum Sanctum a Patre & Filio. Quamobrem sedulo & diligenter cautum est a sanctis Patribus qui scripserunt adversus Arianos, ne Filius diceretur generari a Patre voluntate, quem dicebant genitum natura, ut videre est apud S. Augustin. l. 15. de Trin. c. 20. S. Epiph. hæres. 69. S. Athanas. or. 4. contra Arianos, quia nempe gignere voluntate, est gignere ex libero arbitrio, cum potestate & dominio in genitum.

Obijcies iterum: Deus fuit liber in creatione mundi, Psalmo enim 114. *Omnia quæcumque voluit fecit in celo & in terra*, & ad Ephes. c. 1. *Operatur omnia secundum consilium voluntatis suæ.* Atqui tamen Deus nunquam fuit indifferens ad hunc mundum produendum, sed ab æterno fuit ad id determinatus ac veluti necessitatus ratione immutabilitatis suorum consiliorum; igitur libertas non est posita in indifferentia ad agendum aut non agendum.

Nego min. Is enim recte dicitur indifferens: ad hunc mundum creandum qui potuit illum creare vel non creare, vel etiam velle aut non velle illum creare: sed Deus qui mundum creavit, potuit illum non creare, immo potuit

se determinare ad illud non creandum; ergo vere fuit indifferens ad hunc mundum creandum vel non creandum; ad id quidem ab æterno fuit determinatus, sed vi potestatis ad utrumlibet indifferens; unde sequitur libertatem Dei esse pariter positam in indifferentia ad agendum aut non agendum.

Objicies denique: Si libertas nostra posita esset in indifferentia ad agendum aut non agendum, non differret ab ea qua præditus erat Adamus in statu naturæ innocentis: atqui falsum consequens in principiis fidei nostræ, & ut expresse docet S. Augustinus passim adversus Pelagianos; igitur libertas arbitrii, si qua homini superest post peccatum originale, non consistit in indifferentia.

Dist. maj. Non differret essentialiter, C. accidentario, N. nostra igitur libertas differt quidem accidentario ab ea libertate, qua præditus erat Adamus in statu naturæ innocentis, quia jam non est in nobis perfectum æquilibrium circa bonum & malum quale fuit in Adamo innocente, quandoquidem remansit in voluntate nostra per peccatum originale vulnerata, continua ad malum propensio; sed ista tamen nostra libertas non differt essentialiter a libertate Adami; quatenus utraque consistit in indifferentia activa ad agendum aut non agendum; si enim potuit tunc temporis Adamus ad bonum vel ad malum extendere manum suam; eligere vitam aut mortem; servare Dei mandata vel ea transgredi; Dei gratiæ consentire vel dissentire &c. hæc omnia & nos possumus in presenti statu naturæ lapsæ, ut satis superque offendimus.

Quæres autem quænam indifferentia pertineat ad essentiam libertatis arbitrii.

Respondeo 1. duplicem esse, ut jam diximus, indifferentiam, aliam contradictionis, quæ scilicet est ad agendum vel non agendum, eo quod agere & non agere sunt duo contradictoria; aliam contrarietatis, quæ est ad hoc vel

illud, ad bene vel male agendum; eo quod bonum & malum sunt duo contraria.

Respondeo 2. indifferentiam contradictionis esse de essentia libertatis. Si quidem illud pertinet ad essentiam libertatis arbitrii, sine quo nec esse nec concipi potest liberum arbitrium: atqui sine indifferentia contradictionis nec esse nec concipi potest liberum arbitrium; is enim liber est qui dominus est suorum actuum, qui potestatem habet in suos actus; sed nemo concipitur dominus suorum actuum, potestatem habere in suos actus, quin concipiatur in eo indifferentia contradictionis, quæ nempe actus suos elicere possit vel non elicere, ut per se patet; ergo ad essentiam libertatis pertinet maxime indifferentia contradictionis.

Respondeo 3. indifferentiam contrarietatis non requiri ad essentiam libertatis. Si quidem illud non requiritur ad essentiam libertatis, sine quo esse potest & concipi liberum arbitrium: atqui sine indifferentia contrarietatis esse & concipi potest liberum arbitrium; quia & in Deo & in Christo est liberum arbitrium, tamen non reperitur indifferentia contrarietatis ad bene aut male agendum; ergo ad essentiam libertatis arbitrii non pertinet indifferentia contrarietatis. Quapropter S. Augustinus, ut jam a nobis observatum est, lib. 1. operis imperf. cap. 105. acriter insurgit in Julianum quod libertatis naturam explicaret per potestatem indifferentem ad bonum & malum: *Liberum non est, id est, nisi quod duo potest velle, id est, bonum & malum. Liber ergo Deus non est qui malum non potest velle, de quo etiam ipse dixisti, Deus nisi iustus esse non potest. Siccine Deum laudas ut ei asseras libertatem?*

Extat tamen in nobis viatoribus ejusmodi indifferentia contrarietatis, ad bene vel male agendum, seu, quod idem est, potentia peccandi, quæ licet non sit

fit pars essentialis pertinens ad rationem libertatis, ut libertas est, ad eam tamen pertinet, quatenus est in voluntate creata quæ ex natura sua defectibilis est, ut eleganter observat S. Hieronymus Epist. 146. his verbis: *Solus Deus est in quem peccatum non cadit, cetera cum sint liberi arbitrii in utramque partem suam possunt flectere voluntatem.*

De proprietatibus Actuum humanorum.

Postquam fusc satis a nobis dictum est de principiis actuum humanorum, nimirum de intellectu, de voluntate & de libertate, superest impræsentiarum ut eorundem proprietates & affectiones discutiamus, eæ sunt bonitas & malitia, de quibus hæc pertractanda nobis veniunt.

Primo. An omnis actus humanus sit bonus vel malus moraliter, num vero detur aliquis indifferens.

Secundo. Posito quod nullus detur actus indifferens, sed omnis actus sit bonus vel malus, a quo repeti debeat ejusmodi bonitas aut malitia.

Tertio. Præsupposito quod bonitas & malitia actuum humanorum repetatur ab objecto, sine & circumstantiis; iterum quarritur utrum advertentia ad legem & malitiam operis sit necessaria ad peccatum; ita ut ea sublata peccatum sit duntaxat Philosophicum.

An dentur actus indifferentes.

Agitur in proposita controversia de actibus humanis, hoc est, ex ratione & judio ab homine profectis; certum est enim multas nostras actiones, si sint, ut ajunt, indeliberatæ, in genere moris esse plane indifferentes ob defectum libertatis quæ ad bonitatem vel malitiam operis necessario requiritur.

Actus porro humanus dupliciter considerari potest, scilicet in specie, vel in individuo. Actus humanus in specie consideratus, est actus humanus in genere spectatus & comparate ad objectum duntaxat, præscindendo a fine & cæteris circumstantiis, ut colere parentes, furtum facere, deambulare: si enim hæc fumantur generatione & seorsim a fine quo fiunt & circumstantiis quæ ejusmodi actiones comitantur, sunt actus humani in specie considerati. Ratio est quia actus humanus speciem suam desumit ab objecto, ut mox dicturi sumus; ita ut in specie dicatur bonus, si objectum sit rectæ rationi consentiens, ut actus quo parentes coluntur, quia ejus objectum sunt parentes ut colendi; in specie dicatur malus, si objectum rectæ rationi adversetur, ut furtum facere; ac denique in specie appelletur indifferens, si objectum per se nihil includat regulis morum consentiens vel dissentiens, ut deambulare.

Actus humanus in individuo spectatus, est actus quidam singularis & individuus comparate ad objectum, finem & circumstantias consideratus, qualis est occisio Holofernis a Juditha, proditio Christi a Juda.

Hic porro quæstio non est de actibus humanis in specie consideratis, fatentur enim omnes dari actus humanos plane indifferentes in specie, qui nempe nec sint boni nec mali secundum speciem; ut levare festucam, fricare manum, & alia ejusmodi quæ per se & secundum se seorsim a fine quo fiunt spectata, nihil continent boni vel mali morales, quandoquidem eorum objectum de se non pertinet ad mores, in quem sensum hæc scribit S. Hieronymus Epist. 89. cap. 5. *Bonum est continentia, malum est luxuria, inter utrumque indifferens ambulare, digerere ulvi fletora, capitis naribus purgamenta projicere, spūs rheumata jacere, hoc nec bonum nec malum*

lum est. Unde questio est solummodo de actibus humanis in individuo spectatis, hoc est, prout versantur circa aliquod determinate objectum, ex certo quodam fine sunt, & in certis circumstantiis.

Sic vero quamplurimos dari actus indifferentes aperte docuerunt nonnulli Theologi, ut Scotus, Alexander, Gabriel, Gregorius Ariminensis, Almainus, & Valquezius, ceteris vulgo refragantibus, quorum sententiam nos vehementer amplectimur; quocirca sit

CONCLUSIO.

Omnis actus humanus in individuo spectatus vel bonus est vel malus moraliter, adeoque nullus datur plane indifferens.

Ratio est, quia actus humanus in individuo spectatus censetur quævis actio nostra quæ sit a nobis ex aliquo fine, propter aliquem finem: sed omnis actio quæ sit propter aliquem finem, est necessaria bona vel mala, nullaque datur indifferens: siquidem actio quæ sit propter bonum finem bona est moraliter; actio quæ sit propter malum finem mala est: sed omnis actio quæ sit propter aliquem finem, vel sit propter bonum vel propter malum; vel enim sit propter Deum, ita ut voluntas hominis conquiescat in Deo tanquam in fine ultimo; vel sit propter creaturam, ita ut proinde voluntas ultimo quiescat in creatura; neque enim videtur assignari posse medium inter utrumque illum finem: sed actio quæ sit propter Deum, sit propter bonum finem, adeoque bona est; ut fatentur adversarii; actio vero quæ sit propter creaturam tanquam finem ultimum, sit propter malum finem, adeoque mala est; siquidem nefas est aut saltem recte rationi minime consentiens creaturam suæ actionis ultimum finem & terminum constituere, ac proinde conquiescere in creatura, frui creatura; postulat enim

ordo naturalis verum in recta ratione fundatus, ut scilicet utamur utendis & fruamur fruendis, hoc est, ut creaturis utamur, Deo vero fruamur: nunquam vero fruamur utendis: sed si posset quis creaturam tanquam finem ultimum suæ actionis constituere, tunc frueretur utendis, nempe creatura; igitur omnis actio vel sit propter Deum tanquam finem ultimum in quo conquiescat, & ideo bona est; vel sit propter creaturam in qua quiescat voluntas, ideoque mala est; ac proinde nulla prorsus datur quæ sit plane indifferens.

Id porro vel manifeste confirmare videtur Christus Dominus, cum ait Matth. cap. 12. nos rationem reddituros de quolibet verbo otioso: Dico autem vobis, inquit, quoniam omne verbum otiosum quod locuti fuerint homines, reddent rationem de eo in die judicii. Ex quibus hic confici potest syllogismus; si qua daretur actio indifferens, maxime verbum otiosum: atqui verbum otiosum non est actio indifferens, sed mala: ea quippe actio mala est, de qua rationem sumus reddituri in die iudicii; tunc enim solummodo reddemus rationem, aut de bonis operibus ut præmium consequamur; aut de malis, ut puniamur; nemo autem, ut puto, dixerit verbum otiosum esse vel designari ut bonum in hoc Scripturæ testimonio; sequitur itaque verbum otiosum esse malum non indifferens; quod & ipsam docent omnes fere Patres, S. Irenæus lib. 4. cap. 31. Tertullianus lib. de Patientia cap. 4. S. Hilarius Can. 12. in Matth. S. Chrysost. Homil. 43. in Matth. S. Ambros. lib. 1. Offic. cap. 1. Cælius Homil. 30. Euthymius, Theophylactus, &c. Quod si autem verbum otiosum dici non potest indifferens, cum nempe attenditur ad finem in quo prolatum est qui bonus & honestus esse non solet, quia non refertur ad Deum, quoniam tandem actio existimari possit indifferens plane non videtur,

Hoc argumento usus est S. Thomas, cum & hanc suam, quæ nostra est, sententiam defendit 1. 2. q. 18. art. 9. his verbis: *Sed contra est quod Gregorius dicit in quadam Homilia, otiosum verbum est quod utilitate rectitudinis, aut ratione iuste necessitatis aut pie utilitatis caret; sed verbum otiosum est malum, quia deo reddent homines rationem in die iudicii, ut dicitur Matth. 12. Si autem non caret ratione iuste necessitatis aut pie utilitatis, est bonum aut malum; pari ergo ratione & quilibet alius actus vel est bonus vel malus; nullus ergo individualis actus est indifferens.*

Denique & eandem sententiam longe antea expresse tradiderat S. Augustinus lib. 2. de peccatorum meritis cap. 18. *Quaquam voluntas, inquit, mirum si potest in medio quodam ita consistere, ut nec bona nec mala sit. Aut enim iustitiam diligimus, & bona est; & si magis diligimus, magis bona; si minus, minus bona est; aut si omnino non diligimus, non bona est. Quis vero dubitet dicere voluntatem nullo modo iustitiam diligentem, non modo esse malam, sed etiam pessimam voluntatem? Si ergo voluntas aut bona est aut mala, & utique malam non habemus ex Deo, restat ut bonam voluntatem habeamus ex Deo, ubi cum nullum admittit medium inter bonam voluntatem & malam, aperte indicat se nullum admittere actum morale in individuo indifferentem.*

Objicies: Innumera prope ab hominibus fiunt opera, quæ profecto nec sunt bona nec sunt mala, qualia nempe in exemplum adduxit S. Hieronymus loco supra citato, ambulare, digerere alvi stercore, capitis purgamenta naribus projicere, sputis rheumata jaccere, quamvis fiant cum deliberatione & ex aliquo fine; ita tamen ut hæc opera solum velit homo gratia ipsorum quatenus naturæ commoda, ut frigus, rheumata & quid simile depellat, nec ullam rationem honestatis consideret; hæc, inquam, opera nec sunt bona nec

mala moraliter: primo non sunt bona, siquidem non fiunt ex motivo honestatis, sed propter solum naturæ commoditatem; unde non sunt laude digna & vitæ æternæ meritoria; nemo enim nescit opus laudabile & bonum in genere moris fieri debere propter ipsam honestatem virtutis. Secundo ejusmodi opera non sunt mala moraliter, tum quia non fiunt ex pravo fine, ut dictum est; tum quia si essent mala moraliter seu peccata, essent sufficiens materia confessionis, cui impendi posset absolutio sacramentalis: quis autem non rideret, inquit Vasquez, similem confessionem, si poenitens solum confiteretur se deambulasse aliquantulum ut depelleret frigus, & fricasse manus eadem de causa; se sputis rheumata projecisse, ut purgaret natutam quam aliquo modo oneratam sentiebat, & alia id genus. Restat igitur, inquit, ut hæc opera in individuo maneant indifferentia, siquidem nec mala nec bona esse possunt.

Dist. maj. Innumera citari possunt opera indifferentia, si considerentur in specie, C. si considerentur in individuo, N. esto igitur ejusmodi hominum actiones sint indifferentes in specie nimirum consideratæ, hoc est, cum attenditur solum in genere ad naturam illarum, & comparate solum ad objectum, seorsim a fine & circumstantiis, quia, ut supra jam a nobis expositum est, actiones sic spectatæ suam moralitatem nondum induerunt; adeoque nec bonitatem habent nec malitiam moralem: Sed amplius indifferentes dici non possunt, cum spectantur in individuo, hoc est, prout ex aliquo fine, & certis fiunt circumstantiis; quaeramus etenim an fiant propter bonum finem, aut propter malum; an propter Deum aut propter creaturam; si actio facta est propter Deum adeoque propter bonum finem, bona est (positis nempe ponendis); si facta est propter creaturam tanquam finem ultimum, mala est adeoque declaranda in confessione facta-

sacramentali : Id, inquam, liceat quæ-
rere, de qualibet actione hominis, quæ
vel maxime indifferens de se & ex ge-
nere suo esse videtur; quales nimirum
reputari possunt actiones quæ citantur
in exemplis adductis.

Atque hoc pacto responderi debet tes-
timonio S. Hieronymi, ex quo solum
sequitur esse aliqua opera indifferencia
in specie; hæc enim quæ appellat in
præfatis exemplis, non spectat in indi-
viduo, quatenus ex certo sine fierent
& in certis circumstantiis, sed solummo-
do comparate ad suum objectum : *Bo-
num est, inquit, continentia, malum lu-
xuria, nimirum secundum speciem, in-
ter utrumque indifferens est ambulare,*
scilicet in specie; quemadmodum enim
continentiam & luxuriam accipit Hieron.
in genere & quoad speciem; ita deam-
bulationem aliasque actiones quas appel-
lat indifferentes.

Nec obstat quod ait Hieronymus ver-
bis immediate sequentibus, *sive enim
feceris, sive non feceris, nec iustitiam ha-
bebis nec iniustitiam*, ex quibus colligit
Vasquez S. Hieronymum hæc opera spe-
ctare in individuo; siquidem solum probat
S. Doctor ejusmodi actiones non
esse præceptas & sine peccati omitti posse,
quod verissimum est.

Instabis : Supponatur actio bona in
genere suo & secundum speciem, actio,
v. g. qua quis vult dare eleemosynam,
si actu vel habitu non referatur in Deum,
ut revera accidere potest, non est actio
bona; nec etiam mala est, quia non est
de objecto prohibito; ergo dari potest
actio quæ nec sit bona nec mala, pro-
indeque indifferens; ita Gregorius Arim.
& Almainus.

Nego ant. & dico ejusmodi actionem
esse malam propter rationes superius al-
latas; siquidem est actio per quam ho-
mo conquiescit in creatura tanquam in
fine ultimo: est autem recto rerum or-
dini rectæque rationi contrarium, ut crea-
tura sit finis ultimus alicujus actionis

creaturæ, quia Deus omnia propter se-
metipsum operatus est; quocirca licet
illa actio non sit de objecto prohibito,
iis tamen induit circumstantiis quæ
actionem efficiunt malam & prohibitam
eo nempe nomine quod non refertur ad
Deum & per eam sistit in creatura.

Instabis : sequitur ex illa responsione
nos teneri omnes actus nostros ad Deum
referre : Atqui non tenemur omnes actus
nostros ad Deum referre : id enim si ita
esset, vel lege naturali vel aliquo legis
positivæ præcepto : sed neque lege na-
turali, neque ullo legis positivæ præcep-
to tenemur omnes & singulos actus
nostros ad Deum referre : non quidem
lege naturali, ejusmodi enim lex nemi-
ni foret ignorata, aut saltem a nullo
Theologo negaretur : Neque etiam præ-
cepto legis positivæ, nullum enim ex-
tat præceptum de omnibus ac singulis
actionibus nostris ad Deum referendis,
quod saltem fuerit vel etiam Christia-
nis sufficienter promulgatum; ergo.

Nego min. Ad eum quippe tenemur
omnes actus nostros referre qui est re-
rum omnium causa prima, a quo omnia
accepimus, & qui cuncta propter se-
metipsum operatus est : Atqui Deus est
prima rerum omnium causa, nos ipsi
ab eo omnia accepimus; is vero cum
ita propter semetipsum operatus est, al-
pha & omega, principium & finis, ut
testantur Scripturæ sacræ; ergo tenemur
omnes & singulos actus nostros referre ad
Deum.

Atque ad id tenemur & lege naturali
& lege positiva : 1. lege naturali; postulat
enim naturalis ordo, lex naturalis, recta ra-
tio, ut ad eum tanquam finem ultimum re-
feramus quæ ab eo accepimus : sed omnia
accepimus a Deo; ergo titulo justitiæ & le-
ge naturali tenemur omnes actus nos-
tros referre ad Deum, idque profecto
nemini homini ignotum esse potest, nisi
vel volens accurare velit; siquidem, ut
diximus, illud dicit ratio ipsa justitiæ
omnium cordibus insculpta. 2. Tene-

mur lege positiva, nempe hoc primo Decalogi præcepto, *Diligas Dominum Deum tuum ex toto corde tuo, &c.* Hoc enim mandato quod Deuteronomii cap. 6. legitur, renovatque Christus Dominus Matth. 12. tenemur Deum diligere super omnia; sed non possumus Deum diligere super omnia, quin illum constituamus finem ultimum omnium nostrarum actionum; ergo tenemur lege positiva divina omnes actiones nostras ad Deum referre.

His accedunt nec parum favent quæ scribit Apostolus I. ad Cor. c. 10. his verbis, *Sive ergo manducatis, sive bibitis, sive aliud quid facitis, omnia in gloriam Dei facite*; aliquis autem, inquit S. Basilii in brevior. Regula 196. manducat & bibit ad gloriam Dei, si comestionem & potum referat ad laudem Dei, non querens cibi voluptatem, sed ordinans eam & offerens ad Dei gloriam: Id porro præcepti esse non consilii putat S. Thomas 1. 2. q. 100. art. 10. ad 2.

Instabis: Ad id non tenemur præcepto legis naturalis, quod omni homini est plane impossibile: sed impossibile est omnes & singulos actus nostros ad Deum referre; est enim, inquit S. Bonaventura, impossibile in hoc statu distractionis de Deo cogitare in omnibus & singulis actibus; ergo ad id non tenemur præcepto legis naturalis.

Dist. min. Impossibile est omnes & singulos actus nostros referre ad Deum ex intentione actuali & expressa, C ex intentione virtuali, N. revera aut multum difficile, aut omnino impossibile foret omnes & singulas actiones nostras ad Deum referre actualiter & expresse, quia nec de Deo semper & quolibet instanti cogitare possumus; sed impossibile non est ut omnes & singulas actiones nostras referamus ad Deum ex intentione virtuali, hoc est, virtute prioris actus quo expresse ejusmodi actiones ad Deum tanquam finem ultimum semel direximus;

idque sedulo & accurate præstant Christiani, cum semel in die vitæ suæ summam Deo consecrant, suasque omnes & singulas cogitationes ipsi offerunt, quod non modo possibile, sed & facilitum est.

Instabis: Eo præcepto non tenemur omnes & singulas actiones nostras referre ad Deum quod non obligat semper & in omne tempus: Atqui præceptum illud de referendis actionibus nostris ad Deum, non obligat semper & in omne tempus; nam præceptum affirmativum non obligat semper & in omne tempus, pro quolibet instanti; in eo siquidem differt a præcepto negativo: Atqui præceptum de referendis singulis actionibus nostris ad Deum, est affirmativum, quandoquidem his exprimitur verbis: *Diligas Dominum Deum tuum ex toto corde tuo*; igitur, &c.

Nego minor. ad cujus probationem dist. Præceptum affirmativum non obligat semper & in omne tempus, absolute loquendo, C. hypothetice, N. revera præceptum affirmativum non obligat semper & pro quolibet instanti & absolute loquendo, quia non tenemur singulis vitæ nostræ momentis id facere quod illo mandato præcipitur; unde non tenemur, v. g. singulis momentis per actus explicitos & expressos Deum adorare, parentes nostros colere; cum contra præceptum negativum obligeat semper & in omne tempus, etiam absolute loquendo, qualia sunt ista, *Non furaberis, non occides*, quatenus nunquam & in nullo instanti licet furari vel occidere: Sed præceptum affirmativum obligat semper & in omne tempus hypothetice loquendo, hoc est ex facta hypothese quod agamus; tunc enim propter Deum tanquam propter finem ultimum, & ad ejus gloriam agere debemus.

Instabis: Durior prorsus videtur esse ea sententia, qua posita nemini unquam

quam liceat agere propter finem aliquem creatum; adeoque non liceat, v.g. manducare & bibere propter vitæ sustentationem, deambulare ad frigus depellendum, & alia hujusmodi; ergo non tenemur omnes & singulos actus nostros ad Deum referre.

Distin. ant. Propter finem aliquem creatum tanquam finem intermedium, C. tanquam finem ultimum, N. id unum itaque contendimus impræsentiarum nemini licitum esse agere propter finem aliquem creatum tanquam finem ultimum, quasi in ullo fine creato sistat. & conquiescat sine ullo ordine ad Deum; tunc enim violaretur iustitia Deo debita, cui nempe tolleretur ratio finis ultimi; creatura propter se expeteretur, consiliueretur finis ultimæ actionis creatæ. Neque profecto durior censeri debet. & in praxi difficilis isthæc sententia, quia per nos licet agere propter finem creatum tanquam finem intermedium, ambulare delectationis causa, manus fricare ad depellendum frigus, &c. modo ista fiant propter Deum tanquam propter finem ultimum; ut enim ait Apostolus, *Sive manducatis, sive bibitis, sive aliud quid facitis, omnia in gloriam Dei facite.*

Instabis: Si tenemur omnes & singulos actus nostros referre ad Deum, omnia opera infidelium essent mala moraliter, adeoque totidem peccata; nusquam enim possunt infideles suas actiones referre ad Deum, quem plegumque non norunt. Atqui tamen omnia infidelium opera non sunt mala, ut dictum est in *Tractatu de gratia Dei*; ergo non tenemur omnes & singulas actiones nostras ad Deum referre.

Dist. maj. Omnia opera infidelium esse mala moraliter, ut plurimum, & fere semper, C. semper absolute, N. fateamur itaque opera infidelium esse ut plurimum ac fere singula moraliter

mala; quia etsi ratione materiz & comparate ad objectum sint quid bonum & laudabile, ut si quis inter eos pauperibus subveniat, nudos operiat, colat parentes, & alia ejusmodi; cum tamen fere semper agant ex pravo fine, aut ad proprium commodum tanquam finem ultimum, aut ad vanagloriam, vel aliud quodcumque motivum illicitum; unde fit ut illorum opera moraliter sint mala, ut fule atque eleganter scribit S. Augustinus lib. 4. contra Jul. cap. 3. *Noveris, inquit, non officiis, sed finibus a vitiis discernendas esse virtutes. Officium est autem quod faciendum est, finis vero propter quod faciendum est; sunt itaque facit homo aliquid ubi peccare non videtur, si non propter hoc facit, propter quod facere debet, peccare convincitur. Quæ tu non attendens, fines ab officiis separasti, & virtutes veras, officia sine finibus appellandas esse dixisti. . . . Si quidem manus abstinere ab alieno, si officium cogites, potest videri esse iustitia, sed cum quaeritur quare fiat, & respondetur ne plus pecunia libitus peccet, quomodo jam hoc factum vers poterit esse iustitia, cum serviat avaritiæ? Et postea. Possunt ergo aliqua bona fieri non bene facientibus, a quibus fiunt. Bonum est enim ut subveniatur homini periclitanti, præsertim innocenti; sed ille qui hoc facit, si amando gloriam hominum magis quam Dei facit, non bene bonum facit, quia non bonus facit, quod non bona voluntate facit. Sed negamus omnia & singula infidelium opera semper & absolute loquendo esse mala; quia nil vetat quominus quidam ex infidelibus suas actiones quoad officium & materiam laudabiles quoquo modo ad Deum referant tanquam auctorem naturæ; quia ex causa docuimus in *Tractatu nostro de Gratia Dei* non omnia penitus ac singula infidelium opera esse peccata, innixi potissimum auctoritate S. Pauli *Ethnicos* quot-*

quosdam oburgantis ad Rom. cap. 1. quod Deum, quem ex hujus mundi conspectu noverant, honore debito non colerent, veramque justitiam non sentirentur; ubi proinde supponit Apostolus illos potuisse sola natura duce bene agere in ordine naturali; quocirca id unum ex hac nulla sententia colligi poterit quædam infidelium opera non esse peccata, adeoque bona in ordine naturali; sed inde non sequitur dari actus indifferentes qui nec sint boni nec mali.

Objicies: Tam datur actio indifferens in individuo, quam emissio indifferens: Atqui datur emissio indifferens, puta emissio actus minime imperati, emissio recitationis Breviarii a Laico; igitur dari potest actio indifferens.

Nego maj. & par. Ratio disparitatis est, quia pura emissio actus imperati nulla ex parte pugnat cum justitia, nullum violat jus, nemini facit injuriam; fit enim sine ullo voluntatis actu: At vero si admittatur actio indifferens in individuo ad sensum adversariorum, ejusmodi actio Deo facit injuriam, pugnatque cum justitia, quæ nimirum postulat ut Deus, qui est principium & causa rerum omnium, sit quoque & earum finis ultimus; homo per omissionem puram positive non fruatur creatura, nullum enim voluntatis actum exercet; sed per actum indifferentem qui ad Deum non referretur, positive frueretur creatura, quam scilicet lux actionis finem ultimum constitueret.

Dixi puram omissionem actus imperati, hoc est, omissionem quæ fit sine ullo voluntatis actu; si enim sermo sit de omissione quæ ab expressa voluntatis determinatione proficisceretur, sic nulla similiter daretur emissio indifferens in individuo; quicumque enim deliberate & cum expresso voluntatis exercitio vult aliquem actum tamen minime imperatum omittere, id præ-

stare debet propter bonum finem, cujus saltem Deus sit finis ultimus; quilibet enim voluntatis actus fieri debet propter Deum, ut satis superque ostensum est.

Objicies: Ex concessis datur actio humana indifferens in specie; ergo admitti debet indifferens in individuo. Patet consequentia; quia nimirum nulla est natura in specie, quæ non habeat aliquod individuum, in quo ratio ejus maneat & non destruat per contrariam; unde cum datur actio humana indifferens secundum suam naturam & speciem, habere debet aliquod individuum, ac proinde aliqua poterit esse actio individua & singularis quæ maneat indifferens.

Dist. ant. Nulla est natura in specie quæ non habeat aliquod individuum, in quo ratio ejus maneat, secundum quid & quoad aliqua, C. simpliciter & quoad omnia, N. Verum est igitur, ut docet dialectica, rationem speciem manere in individuo quoad aliqua attributa, non autem simpliciter quoad omnia; sic, verbi gratia, natura specifica hominis manet in Petro quoad aliqua, quoad nempe animalitatem & rationalitatem; sed non manet quoad omnia, puta quoad ejus universalitatem; natura enim humana non est universalis in Petro; quamobrem licet conveniat actioni humanæ in specie, ut sit indifferens ad bonitatem vel malitiam; tamen id non convenit actioni humanæ in individuo, sed quilibet in individuo bona est vel mala; quemadmodum numerus in genere nec est par nec impar; quilibet vero numerus in individuo est necessario par vel impar.

*Unde repetatur bonitas & malitia
actuum humanorum.*

Actiones humanæ dicuntur *morales*, quando considerantur comparate cum regulis morum, hoc est, cum lege & ratione humana seu conscientia; an vero ejusmodi moralitas cum libertate confundi debeat, actusque humani dici debeant *morales*, ex eo præcise quod a libera voluntate cum perfecto libertatis exercitio proficiuntur, ut nonnulli Theologi contendunt; an vero moralitas sit denominatio extrinseca quæ a lege, libertate, aut alia forma intrinseca petatur, ut docent alii; an denique positum quod sita sit in relatione actuum humanorum ad suam regulam, hæc relatio sit realis vel rationis tantum, prædicamentalis vel transcendentalis, questionculæ sunt, quas vel summariim tractare animus non est, nec orium.

Porro cum omnis actio humana moraliter sumpta, nimirum per respectum ad morum regulas, sit bona vel mala; quia si cum illis consentiat, bona est; si vero ab illis dissentiat, mala est. Queritur a quo hæc bonitas & malitia repeti debeat, an ab objecto, vel a *sine*, vel a circumstantiis, vel ab istis simul; cum regulis enim morum, lege nempe seu divina, seu humana & recta ratione conferri debet actus humanus, tum ratione objecti, tum ratione finis, tum ratione circumstantiarum.

CONCLUSIO.

Bonitas & malitia moralis actuum humanorum repeti debet ab objecto, sine & circumstantiis. Siquidem ab eo repeti debet actuum humanorum bonitas & malitia, a quo actus humani censentur & revera sunt boni & mali: Sed actus humani & censentur & revera sunt boni vel mali propter ob-

jectum circa quod versantur, propter finem qui intenditur ab operante & propter circumstantias quæ actionem committantur, ut patet inductione facta cujuslibet actus humani.

Ac primo quidem ab objecto non quidem physice, sed moraliter spectato; actus quippe speciem suam desumit ab objecto circa quod versatur; quia est ad objectum ut via ad terminum: Sed actus humanus speciem suam desumere non potest ab objecto, quin suam desumat bonitatem & malitiam, quæ sunt partes actibus humanis veluti essentielles; ergo actus humani speciem suam desumunt ab objecto, quia & nonnunquam suum ab eo nomen accipiunt: homicidium enim sic dicitur ab homine occiso. Unde sic de malitia actus humani loquitur S. Thomas q. 18. art. 2. *Sicut*, inquit, *in naturalibus primum malum est, si res genita non consequitur formam speciemque, puta si non generetur homo: ita primum malum in actionibus moralibus est quod est ex objecto.*

Diximus actum humanum speciem suam desumere ab objecto moraliter spectato, non physice; certum est enim duos actus humanos, quorum unus est moraliter bonus, alter vero malus, versari plerumque circa idem objectum physice consideratum; eadem enim pecunie summa potest esse objectum furti & restitutionis; quapropter objectum actus humani sumi debet moraliter, hoc est cum respectu ad mores humanos & ad eorum regulas.

Id porro intelligitur, ut per se patet, de objecto quod est de se bonum aut malum; quando enim objectum nec de se bonum est nec malum, sed indifferens, quod plerumque accidit, tunc necesse est, ut actus humanus vel a fine vel ab aliqua circumstantia bonitatem vel malitiam accipiat.

Secundo, actus humani suam bonitatem & malitiam desumunt a fine: actus

actus quippe moralis bonus est, si exercetur propter bonum finem; malus si propter malum finem; & præterea actus ex objecto bonus, eo præcise redditur moraliter malus, quod fit ex malo fine; si quis enim vel Deum oraret, vel inopi elemosinam erogaret propter vanam gloriam, vel alium quemcumque illicitum finem, tunc male ageret, quoniam scilicet actus humanus, qui cum fiat ab homine rationis compote, propter finem exerceri postulat, non specificatur ab objecto nisi propter finem.

Tertio demum actus humani suam bonitatem & malitiam desumunt a circumstantiis; adeo ut circumstantia plerumque mutet speciem actionis; unde furari aliquid de loco sacro non dicitur simplex furtum, sed sacrilegium: Ejusmodi circumstantiæ sunt locus, tempus & modus quo fit actio. Ubi notandum est quasdam esse circumstantias quæ ad bonitatem vel malitiam alicujus actionis neutiquam conferunt, ut si quis vel manu dextra vel sinistra percutiat hominem; alias vero quæ actionem vel reddunt laudabiliorem vel pejorem.

Est autem id discriminis inter bonum & malum, quod ad bonitatem alicujus actionis requiritur, ut hæc tria, scilicet objectum, finis & circumstantiæ, simul confluant; adeo ut actio non possit esse bona moraliter, nisi simul habeat objectum bonum, bonum finem & legitimas circumstantias; bonum enim ex recepto axiomate ex integra causa; ad malitiam vero actionis sufficiat, ut unum ex illis tribus sit malum, quia malum ex minimis defectu, ut fufius ostendemus in Tractatu de peccatis.

Utrum ad peccandum requiratur advertentia ad malitiam peccati, ubi
de peccato Philosophico.

Quandoquidem examinamus, prout res postulat, unde repeti debeat bonitas & malitia actuum humanorum, prætermittere non possumus celeberrimam hanc questionem, quæ paucis abhinc annis tanto cum ælu inter Theologos agitata est, an scilicet ad peccandum formaliter & Theologice, ut ajunt, hoc est peccato quod peccati imputetur, & mereatur, si mortale sit, poenam æternam, requiratur advertentia operantis ad malitiam peccati, vel etiam ad offensam Dei.

Observandum primo non omnino idem esse ignorantiam & inadvertentiam; ignorantia enim proprie loquendo est privatio omnis scientiæ etiam habitualis; inadvertentia autem reperiri potest cum scientia habituali, & actualem tantum scientiam, aut potius attentionem excludit, ut docet S. Thomas 1. 2. q. 77. art. 2. his verbis: *Nihil prohibet aliquid sciri in habitu, quod tamen actu non consideratur*. Quapropter etsi jam fule admodum & copiose a nobis ostensum est, ea quæ sunt contra legem ex ignorantia (vincibili nempe) esse vera peccata, vereque hominibus imputari; nihilominus tamen & idem prælabimus de iis quæ fiunt ex inadvertentia, quam, ut cordate fatebor, duo hæc in præsentī casu multum habeant affinitatis.

Observandum secundo advertentiam, quæ nihil est aliud quam intentio animi ad id quod agitur, duplicem vulgo distingui: alia est actualis seu expressa; alia est virtualis seu interpretativa. Advertentia actualis est & expressa, quando actu clare & distincte de eo cogitur quod agitur; advertentia autem virtualis & interpretativa, variè accipitur ab iis qui docent eam requiri ad pec-

peccandum formaliter : quidam enim dicunt ejusmodi advertentiam in eo consistere, quod dum peccatur, aliquis saltem suboriatur scrupulus vel dubium de malitia actionis; ita ut, si nullum contingat dubium, nullo modo censetur adverti peccati malitia: nequidem virtualiter, & ideo non peccetur formaliter : hæc advertentia melius, ut putato, diceretur actualis; quia nempe est verus dubitantis actus an actio sit mala necne. Volunt alii in eo positam esse advertentiam virtuales, quod aliqua saltem addit homini, cum peccat, notitia, non quidem rei illius quam ignorat, sed saltem principii ejusdem universalioris, ex cujus cognitione depellere posset ignorantiam qua tunc laborat.

Quid sit hæc advertentia virtualis posteriori sensu accepta fateor lubens me non intelligere; nam ex eo quod aliquis probe noverit generale aliquod principium, puta *bonum esse faciendum*; vel a malo declinandum, nihil propterea ei accedit notitiæ in aliqua particulari actione quam exercet, nisi ex illius generalioris principii notitia ei suppreat aliquod dubium vel suspicio de malitia actionis; quo posito, illa advertentia virtualis coincidit cum priori, & reapse est advertentia actualis: est enim actus dubitantis an actio sit mala necne: quod si dicatur ad ejusmodi advertentiam virtuales satis esse, si ex generali principio semel cognito possit homo devenire in notitiam bonitatis vel malitiæ suæ actionis, si nimirum attendere vellet, si accurate & diligenter veritatem inquireret, quantumvis actu & de facto non advertat; profecto nihil erit quod in illa sententia redarguere possimus; fatemur enim ad peccandum formaliter requiri ejusmodi advertentiam virtuales, in eo nempe sitam quod possit quis advertere, quamvis de facto non advertat; ita ut quod hic & nunc non advertat, ejus

culpa sit: verum aliam longe advertentiam, quæ nimirum sit actualis & expressa, aut saltem virtualis priori sensu max adducto, postulant quamplurimi Theologi quos hic impugnamus.

Atque ut nemini hoc in negotio quidquam videamur imponere, urque clare & nitide proponatur status præsentis quætionis, operæ pretium mihi facturus video, si verba ipsissima quorundam ex illis Theologis accurate hic referam.

Sic inter alios, v.g. loquitur Vasquez 1. 2. disp. 1071 cap. 3. *Omnes ergo quos statim allegabo in hoc unum conspirant, ut nullum sit mortale peccatum involuntatis consensu, nisi cogitatio aliqua præcesserit & consideratio expressa quam vocant actualem malitiæ moralis vel periculi, vel saltem expressa aliqua dubitatio seu scrupulus; itaque ut quis peccet mortaliter, debet considerare vel dubitare, vel opus illud esse malum, vel ibi esse periculum malitiæ illius vel scrupulum saltem aliquem habere: quod si nihil horum præcesserit, inconsiderantiam censeri omnino naturalem & consensum, quantumvis longo tempore dures, non esse mortale peccatum. Quam sententiam plurimus antiquiores Theologos tradidisse testatur.*

Sic Georgius de Rhodes tom. 1. disput. 1. de peccatis q. 1. sect. 1. par. 2. *Controversia, inquit, nascitur inter Theologos celeberrima, utrum peccatum mortale in materia gravi & mortali, v.g. furtum & adulterium esset peccatum mortale, dignum æterna pena & privatione gratiæ, in eo qui Deum & legem æternam ignoraret, vel certe qui actu illam non consideraret. Tunc enim haud dubie peccatum non haberet rationem offensæ Dei, haberet tamen rationem peccati, & postea: Peccatum mortale in iis qui Deum vel omnino ignorant, vel non actu considerant, vere nihilominus peccatum est grave, sed nullo tamen modo est Dei offensæ, neque peccatum mortale dissolvens*

Dei

De Thomae Comptonis Carleton Anglus tom. 1. Theol. Schol. disp. 104. sect. 4. *Nonne videndum, inquit, quod pars advertentia ad rationem peccati concurreat, & nam semper requiratur, praesertim cum dicitur peccatum inadvertentia. Docendum cum P. Vasquez hic disp. 107. Trajecto 4. 4. 2. 3. dub. 5. & communi sententia ad peccatum omne advertentiam aliquam etiam actusalem malitiae requiri, saltem per modum suspicionis aut dubii, & ad mortale quidem ejusmodi esse debet haec advertentia, ut sit plena & perfecta, seu expedita & deliberata, ob gravitatem scilicet rei; ejus veniale peccatum cum minore seu semiplena advertentia committi possit, cum cogitatione scilicet quadam imperfecta, qualis in semidormientibus reperiri solet.*

Sic & Cardinalis de Lugo tract. de Incarn. disp. 3. sect. 5. hac sibi proposita quaestione, *an si revera daretur tale peccatum philosophicum, cum illa inadvertentia offensionis divinae adhuc esset mortale, refert aliorum Theologorum sententiam existimantium ejusmodi peccatum fore mortale, suamque opponit his verbis: Contrariam sententiam docentem, illa hypothese data, peccatum illud non fore mortale secundum gravitatem illam Theologicam, quam peccatum mortale importat, existimo veriorum.* Et verba faciens de eo qui adulterium aut homicidium commisit non cogitans de Deo, sic habet: *Non ergo imputabitur operanti, quod offenderet Deum; sed quod occiderit vel machatus fuerit. Nec Deus indigneabitur quod ipsum offenderit, sed propter homicidium vel machinam qua potest dici offensa materialis, ut distinguatur ab illa alia qua potest dici formalis, quatenus contrahit formaliter malitiam offensionis divinae.*

Ex quibus perspicuum fit praesentem controversiam esse adversus recentiores Theologos de advertentia actuali, non

de virtuali, nisi, ut supra dictum est, virtualis intelligatur coincidere cum actuali; quandoquidem ad peccandum formaliter praefati Scriptores, ut & aliquamplurimi, exigunt advertentiam actusalem, expressam, plenam & perfectam qua respiciatur actionis malitia, vel de Deo actu cogitetur.

Observandum est super advertentiam ad malitiam actus dupliciter spectari posse: 1. Ita ut solum consideretur haec malitia prout praecise adversatur rectae rationi. 2. Ita ut etiam cogitetur malitiam pugnare cum lege divina, & ideo esse Dei offensam. Atque ex his quidem duobus respectibus malitiae actionis nata est tam celebris illa divisio peccati in *Philosophicum & Theologicum*. Peccatum enim Philosophicum appellantur illud quod committitur ab homine animo advertente solummodo ad rectam rationem, cujus consideratio Philosophorum est; peccatum vero Theologicum dixerunt illud quod committitur ab homine advertente ad Dei offensam, cujus nimirum consideratio ad Theologos pertinet. Peccatum, inquit, philosophice spectatum, est actus liber moraliter malus seu difforsis naturae rationali & rectae rationi; theologice spectatum, est actus malus quatenus opponitur legi divinae; sic inter ceteros Cardinales de Lugo docens loco citato peccatum non esse Dei offensam, nisi qui peccat, ad divinam offensam expresse animum advertat: *Objectionum adversarii, inquit, quia antea dicitur ad Dei prohibitionem, homicidium, v. g. vel adulterium est malum mortale grave. Respondeo, grave est gravitate Philosophica, non gravitate Theologica.*

Huic peccati divisioni, ut merito quidem suspicor, occasionem dedit S. Thomas, cum 1. 2. q. 71. art. 6. ad 3. haec scribit: *A Theologis consideratur peccatum praecipue secundum quod est offensa contra Deum: a Philosopho autem morali, secundum quod contrariatur rationi.*

ni. Sed non ideo doctrinæ peccati Philosophici patronus vel assertor haberi debet sanctus Doctor, quia nulpam, ut recentiores Theologi quos impugnamus, docuit esse Philosophicum, quod nimirum non sit Dei offensæ, nec poenam æternam mereatur, quando qui peccat vel Deum ignorat, vel de Deo actu peccans non cogitat; his autem præsuppositis sit

CONCLUSIO.

Ad peccandum formaliter & Theologice non requiritur advertentia actualis & expressa ad malitiam actionis & ad divinam offensam; immo nec requiritur virtualis, quæ posita sit in aliquo scrupulo vel dubitatione.

Id primum aperte declaratur in sacris Scripturis, quæ adeo non excusant a peccato ignorantiam Dei & legis, ut contra ipsam aliorum scelerum radicem & originem significant; Levitici 5. cap. statuuntur sacrificia pro illis qui peccaverint ex ignorantia: *Si peccaverit anima per ignorantiam*. Num. 15. *Quod si anima nesciens peccaverit, offeret capram amiculum pro peccato suo, & deprecabitur pro ea. Sacerdos quod inscia peccaverit Domino. Hanc precem coram Deo fundebat David: Delicta juventutis mea & ignorantias meas ne memineris*. Pl. 13. *Dixit insipiens in corde suo, Non est Deus; adeoque vel sincere putavit non esse Deum, vel saltem a Deo oculos avertit; inde autem pergit Psalmista: Corrupti sunt & abominabiles facti sunt in studiis suis, non est qui faciat bonum, non est usque ad unum*. Quibus similia plane sunt quæ leguntur Psalm. 9. *Exacerbavit Dominum peccator, secundum multitudinem ira sue non queret. Non est Deus in conspectu ejus, inquit sunt via illius in omni tempore, auferuntur judicia sua a facie ejus*.

Insuper I. ad Corinth. cap. 4. testatur Apostolus se nullius peccati esse con-

scium, *nihil mihi conficius sum*, quia nullam in suis actionibus putabat esse malitiam; subdit tamen illico, *sed non in hoc justificatus sum*, scilicet non existimabat se propterea ab omni culpa immunem & liberum.

Idem Apostolus ad Ephes. cap. 4. verbis facit de infidelibus Deum ignorantibus, & quorum tamen ignorantia fuit multorum scelerum causa: *Hoc igitur dico*, inquit, *& testificor in Domino, ut jam non ambuletis, sicut & Gentēs ambulantes in vanitate sensus sui, tenebris obscuratum habentes intellectum, alienati a vita Dei per ignorantiam quæ est in illis, propter cæcitiam cordis ipsorum, qui desperantes semetipsos tradiderunt impudicitie, in operationem immunditiae omnis, in aversionem*. Certe si ad peccandum formaliter, eo nempe peccato quod lædat Dei amicitiam, poenamque æternam mereatur, requiritur advertentia ad offensam divinam, non peccarunt formaliter isti Gentiles de quibus loquitur Apostolus, quamvis in omnem immunditiam semetipsos tradiderint; in iis enim nulla fuit consideratio, qui vel ipsum Deum propter cæcitatem cordis ignorarunt.

Possunt insuper ex iisdem Scripturis innumera proferri exempla sceleratissimorum hominum, qui tamen ex inconsiderantia, gravissime tamen peccaverunt. Impudicitie malitiam suæ profecto non considerabant senes qui exarserunt in concupiscentiam Susanna: *Nata everserunt sensum suum; & declinaverunt oculos suos, ut non viderent cælum, neque recordarentur judiciorum iustorum*, Daniel c. 1. 3. Idem merito dici potest de Judæis: qui Christum morti tradiderunt; neque enim sciebant quid faciebant: *Pascebat*, inquit Christus-Lucæ 23. *dimittite illis, quia nesciunt quid faciunt*. Scilicet nesciebant Christum esse Messiam, nesciebant se peccare, putabant illum esse morte dignum. Ad malitiam operis tam flagitiosi animum non advertebat divus

Paulus, cum Ecclesiam Christi persequeretur; ait enim ipse Act. 26. *Et quebatur; ait enim ipse Act. 26. Et ego quidem existimabam me adversus nomen Jesu Nazareni debere multa committere agere. Hec tamen atque similia tanquam atrocissima peccata detestantur Scripturae sanctae.*

Favet aperte in ejusdem sententiae confirmationem, quod frequenter legitur in iisdem Scripturis, cum male agimus, non bene agere, nos committere quae multisque delicta nos committere quae peccata esse non intelligimus, Eccl. 9. *Nescis homo utrum amore an odio dignus sit.* Proverb. 20. *Quis potest dicere, Mundum est cor meum? Job. 12. Si simplex fuero, hoc ipsum ignorabam anima mea, &c.* Ex quibus periculum fit hominem quandoque peccare, cum non putat se peccare, adeoque cum ad malitiam suae actionis animum non advertit.

Probatur 2. auctoritate S. Augustini, qui passim docet hominem peccare, & quidem eo peccato quod laedit amicitiam Dei, sitque vera Dei offensio poenis aeternis digna, tametsi nesciens, ignorans, non advertens peccet, lib. 1. de peccat. mer. cap. 36. *An nullum est, inquit, ignorantia malum, & ideo nec puniendum? & quid ait illa vox, Delicta juventutis & ignorantia mea ne meminervis? Etsi enim damnabilia peccata sunt quae ab scientibus committuntur; tamen si ignorantia peccata nulla essent, hoc non legeremus quod commemoravi, Delicta juventutis, &c.*

Libro de Grat. & lib. arb. cap. 3. hoc adducto Christi testimonio e Lucae cap. 12. *Servus qui nescit voluntatem domini sui, & facit digna plagis, vapulabit pauca, &c.* sic habet: *Ecce ubi ostendit gravior peccare hominem scientem quam nescientem. Nec tamen ideo consuegendum est ad ignorantia tenebras, ut in eis quisque requirat excusationem. Aliud est enim nescisse, aliud scire noluisse. Voluntas quippe in eo arguitur,*

de quo dicunt, Noluit intelligere ut bene ageret, sed & illa ignorantia quae non est eorum qui scire volunt, sed eorum qui tanquam simpliciter nesciunt, neminem sic excusat, ut sempiterno igne non ardeat; igitur in mente Augustini ii peccant qui simpliciter nesciunt, ut & qui scire volunt; adeoque non putat inconsiderantiam a peccato quemquam eximere.

Lib. 1. Retract. cap. 15. idem vel expressius tradit his verbis: *Qui nesciens peccavit, quia voluit fecit, etiamsi non quia voluit peccavit, nesciens peccatum esse quod fecit: ita nec tale peccatum sine voluntate esse potuit, sed voluntate facti, non voluntate peccati, quod tamen factum fuit, hoc enim factum est, quod fieri non debuit.* Quibus verbis ad evertendam adversariorum sententiam expressius considerari potest nihil; ait enim S. Aug. eum vere peccasse, qui nesciens peccavit, nesciens peccatum esse quod fecit. Sed quia hoc certum videtur & ab omnibus receptum in moralibus principium, sine voluntate peccatum esse non posse, hanc objectionem, quae principium est adversariorum fundamentum, praecupans S. Doctor, respondet peccatum revera sine voluntate esse non posse, sed voluntate facti, non voluntate peccati; unde aperte colligitur revera ad peccandum formaliter requiri ut operans agat ex cogitatione & voluntate, sed ex cognitione qua cognoscat peccati sui objectum & speciem, qua velit factum voluntate facti; hoc est, cognoscat & circumspectat hoc suum factum esse peccatum, esse Dei offensam, dissolvere amicitiam Dei: quia nempe, ut addit Augustinus, tunc aliquod factum censetur esse peccatum, cum hoc factum est quod fieri non debuit.

Sunt & alia prope innumera ejusdem Augustini testimonia, in quibus expresse docet homines plerumque peccare, tametsi nesciant, ignorent, non considerent actionum suarum malitiam, sed

his

his omnibus referendis superfedeo, ne operam in re non necessaria collocem. Epist. 47. olim 154. Si quis, inquit, bonum putaveris esse quod malum est, & feceris, hoc putando utique peccat, & ea sunt omnia peccata ignorantia; quando quisque bene fieri putat, quod male fit. Lib. 6. Jul. cap. 16. loquens de homine baptizato sic habet: Nunquid caret ignorantia malo, per quod a nescientibus innumerabilia perpetrantur mala? An parvum malum est per quod homo non percipit quæ sunt Spiritus Dei? Demum insigne est imprimis quod scribit ad Sixtum Epist. 193. Humani superbia, inquit, tanquam presumens de viribus liberi arbitrii excusatam se putat, quando ignorantia, non voluntatis videtur esse quod peccat. . . Ac per hoc inexcusabilis est omnis peccator vel reatu originis, vel additamento etiam propria voluntatis, siue qui novit, siue qui ignorat, siue qui non iudicat; quia & ipsa ignorantia in eis qui intelligere noluerunt, sine dubitatione peccatum est: in eis autem qui non potuerunt, parvi peccati; ergo in utrisque non est iusta excusatio, sed iusta damnatio.

Probatur 3. auctoritate S. Hieronymi qui similiter docet lib. 1. adversus Pelagianos prope finem, ubi legimus aliquem Pelagianum sub nomine Critobuli conquerentem quod reus censeatur peccati quod nesciens commisit: Rogo, inquit, quæ ista iustitia, ut in peccato teneat erroris, cuius reatum non habet conscientia? nescio me peccasse, & ejus rei quæ nescio penitus luo? Et quid plus faciam si sponte peccavero? Quæ ipsissima est adversariorum querela, cui primo respondet S. Hieronymus Italiam esse hinc Critobuli interrogationem: Respondet, inquit, stulte interrogationi tuæ liber Sapientia: Altiore te ne quaesieris, & fortiora te ne scrutatus fueris.) Et alibi (Noli esse sapiens multum, & noli argumentari plusquam oporteat.)

Ac deinde variis Scripturæ testimoniis

in reliqua Dialogi parte demonstrare conatur dari peccata ignorantia, hunc adducit locum Exodi 21. Si percuideris aliquis quempiam & mortuus fuerit, morte moriatur. Sin autem non volens, sed Deus trahidit eum in manibus ejus, dabo tibi locum ad quem confugias qui occideris. Hanc Levitici cap. 5. Si tegeris aliquem immundum, quod non liceat tangere & feceris per ignorantiam, & postea didiceris, siue promiseris aliquis & fueris oblitus, pronuntiabit peccatum suum in quo peccasse se perspicit, &c. In Proverbiis legimus, inquit sub finem, (Est via quæ videtur recta esse apud homines, & novissima ejus veniunt in profundum inferni. Ecce & hic manifeste ignorantia condemnatur cum aliud putat homo, & sub specie veritatis ad inferna delabitur. Unde sequitur manifeste in doctrina S. Hieronymi hominem etiam peccare, quando animum non advertit ad malitiam suæ actionis; quandoquidem peccat cum putat se non peccare, cum aliud putat homo; tunc vero & peccat Theologice peccato quod dissolvit amicitiam Dei, pena nque æternam meretur, quia sub specie veritatis ad inferna delabitur.

Idem docet S. Chrysostomus homil. in I. ad Corinth. c. 4. ubi super hæc Apostoli verba, Nihil mihi conscius sum, sed non in hoc justificatus sum, sic habet: Quamnam ob causam, inquit, si sibi nihil suis conscius, non fuit justificatus? quoniam contingebat, ut ab ipso quodam peccata essent admissa, neque tamen sciret esse peccata; hinc considera & reputa quam eris exactum & accuratum futurum judicium. Quia nempe, ut observare solent SS. Patres in hunc locum, putamus sæpe nos bene agere, cum male agimus. Unde S. Basiliius in Constant. Monast. cap. 1. Cum in multis rebus, inquit, offensa laus omnes, majorem tamen offensam patiemur ne intelligimus quidem. Idecirco Apostolus dicebat, Nihil mihi conscius sum, sed in hoc justificatus

mur lege positiva, nempe hoc primo Decalogi præcepto, *Diliges Dominum Deum tuum ex toto corde tuo, &c.* Hoc enim mandato quod Deuteronomii cap. 6. legitur, renovatque Christus Dominus Matth. 12. tenemur Deum diligere super omnia; sed non possumus Deum diligere super omnia, quin illum constituamus finem ultimum omnium nostrarum actionum; ergo tenemur lege positiva divina omnes actiones nostras ad Deum referre.

His accedunt nec parum favent quæ scribit Apostolus I. ad Cor. c. 10. his verbis, *Sive ergo manducatis, sive bibitis, sive aliud quid facitis, omnia in gloriam Dei facite*; aliquis autem, inquit S. Basilii in brevior. Regula 196. manducat & bibit ad gloriam Dei, si comestionem & potum referat ad laudem Dei, non querens cibi voluptatem, sed ordinans eam & offerens ad Dei gloriam: Id porro præcepti esse non consilii putat S. Thomas 1. 2. q. 100. art. 10. ad 2.

Instabis: Ad id non tenemur præcepto legis naturalis, quod omni homini est plane impossibile: sed impossibile est omnes & singulos actus nostros ad Deum referre; est enim, inquit S. Bonaventura, impossibile in hoc statu distractionis de Deo cogitare in omnibus & singulis actibus; ergo ad id non tenemur præcepto legis naturalis.

Dist. min. Impossibile est omnes & singulos actus nostros referre ad Deum ex intentione actuali & expressa, C ex intentione virtuali, N. revera aut multum difficile, aut omnino impossibile foret omnes & singulas actiones nostras ad Deum referre actualiter & expresse, quia nec de Deo semper & quolibet instanti cogitare possumus; sed impossibile non est ut omnes & singulas actiones nostras referamus ad Deum ex intentione virtuali, hoc est, virtute prioris actus quo expresse ejusmodi actiones ad Deum tanquam finem ultimum semel direximus;

idque sedulo & accurate præstant Christiani, cum semel in die vitæ suæ summam Deo consecrant, suasque omnes & singulas cogitationes ipsi offerunt, quod non modo possibile, sed & facilitum est.

Instabis: Eo præcepto non tenemur omnes & singulas actiones nostras referre ad Deum quod non obligat semper & in omne tempus: Atqui præceptum illud de referendis actionibus nostris ad Deum, non obligat semper & in omne tempus; nam præceptum affirmativum non obligat semper & in omne tempus, pro quolibet instanti; in eo siquidem differt a præcepto negativo: Atqui præceptum de referendis singulis actionibus nostris ad Deum, est affirmativum, quandoquidem his exprimitur verbis: *Diliges Dominum Deum tuum ex toto corde tuo*; igitur, &c.

Nego minor. ad cujus probationem dist. Præceptum affirmativum non obligat semper & in omne tempus, absolute loquendo, C. hypothetice, N. revera præceptum affirmativum non obligat semper & pro quolibet instanti & absolute loquendo, quia non tenemur singulis vitæ nostræ momentis id facere quod illo mandato præcipitur; unde non tenemur, v. g. singulis momentis per actus explicitos & expressos Deum adorare, parentes nostros colere; tum contra præceptum negativum obliget semper & in omne tempus, etiam absolute loquendo, qualia sunt ista, *Non furaberis, non occides*, quatenus nunquam & in nullo instanti licet furari vel occidere: Sed præceptum affirmativum obligat semper & in omne tempus hypothetice loquendo, hoc est ex facta hypothefi quod agamus; tunc enim propter Deum tanquam propter finem ultimum, & ad ejus gloriam agere debemus.

Instabis: Durior prorsus videtur esse ea sententia, qua posita nemini unquam

quam liceat agere propter finem aliquem creatum; adeoque non liceat, v. g. manducare & bibere propter vitæ sustentationem, decambulare ad frigus depellendum, & alia hujusmodi; ergo non tenemur omnes & singulos actus nostros ad Deum referre.

Distin. ant. Propter finem aliquem creatum tanquam finem intermedium, C. tanquam finem ultimum, N. id unum itaque contendimus impræsentiarum nemini licitum esse agere propter finem aliquem creatum tanquam finem ultimum, quasi in ullo fine creato sistat & conquiescat sine ullo ordine ad Deum; tunc enim violaretur iustitia Deo debita, cui nempe tolleretur ratio finis ultimi; creatura propter se exspectaretur, constitueretur finis ultimi actionis create. Neque profecto durior censeri debet & in praxi difficilis isthæc sententia, quia per nos licet agere propter finem creatum tanquam finem intermedium, ambulare delectationis causa, manus fricare ad depellendum frigus, &c. modo ista fiant propter Deum tanquam finem ultimum; ut enim ait Apostolus, *Sive manducatis, sive bibitis, sive aliud quid facitis, omnia in gloriam Dei facite.*

Initabis: Si tenemur omnes & singulos actus nostros referre ad Deum, omnia opera infidelium essent mala moraliter, adeoque totidem peccata; nusquam enim possunt infideles suas actiones referre ad Deum, quem plerumque non norunt. Atqui tamen omnia infidelium opera non sunt mala; ut dictum est in *Tractatu de gratia Dei*; ergo non tenemur omnes & singulas actiones nostras ad Deum referre.

Dist. maj. Omnia opera infidelium esse mala moraliter, ut plurimum & fere semper, C. semper absolute, N. fateamur itaque opera infidelium esse ut plurimum ac fere singula moraliter

mala; quia etsi ratione materiæ & comparate ad objectum sint quid bonum & laudabile, ut si quis inter eos pauperibus subveniat, nudos operiat, colat parentes, & alia ejusmodi; cum tamen fere semper agant ex pravo fine, aut ad proprium commodum tanquam finem ultimum, aut ad vanagloriam, vel aliud quodcumque motivum illicitum; unde fit ut illorum opera moraliter sint mala, ut felse aique eleganter scribit S. Augustinus lib. 4. contra Jul. cap. 3. *Noveris, inquit, non officiis, sed finibus a vitiis discernendas esse virtutes. Officium est autem quod faciendum est, finis vero propter quod faciendum est; cum itaque facis homo aliquid ubi peccare non videtur, si non propter hoc facis, propter quod facere debet, peccare convincitur. Quia tu non attendens, fines ab officiis separasti, & virtutes veras, officia sine finibus appellandas esse dixisti. . . . Siquidem manus abstinere ab alieno, si officium cogites, potest videri esse iustitia; sed cum quaritur quare fiat, & respondetur ne plus pecunia litibus pereat, quomodo jam hoc factum vere poterit esse iustitia, cum serviat avaritia?* Et postea, *Possunt ergo aliqua bona fieri non bene facientibus, a quibus fiunt. Bonum est enim ut subveniatur homini periclitanti, præsertim innocenti; sed ille qui hoc facit, si amando gloriam hominum magis quam Dei facit, non bene bonum facit, quia non bonus facit, quod non bonæ voluntate facit. Sed negamus omnia & singula infidelium opera semper & absolute loquendo esse mala; quia nil vetat quominus quidam ex infidelibus suas actiones quoad officium & materiam laudabiles quoquo modo ad Deum referant tanquam auctorem naturæ; quia ex causa docuimus in *Tractatu nostro de Gratia Dei* non omnia penitus ac singula infidelium opera esse peccata, inquit patissimum auctoritate S. Pauli Ethnicos quos-*

quosdam oburgantis ad Rom. cap. 1. quod Deum, quem ex hujus mundi conspectu noverant, honore debito non colerent, veramque justitiam non faterentur; ubi proinde supponit Apostolus illos potuisse sola natura duce bene agere in ordine naturali; quocirca id unum ex hac nostra sententia colligi poterit quorundam infidelium opera non esse peccata, adeoque bona in ordine naturali; sed inde non sequitur dari actus indifferentes qui nec sint boni nec mali.

Obijcies: Tam datur actio indifferens in individuo, quam ommissio indifferens: Atqui datur ommissio indifferens, puta ommissio actus minime imperati, ommissio recitationis Breviarii a Laico; igitur dari potest actio indifferens.

Nego maj. & par. Ratio disparitatis est, quia puta ommissio actus imperati nulla ex parte pugnat cum justitia, nullum violat jus, nemini facit injuriam; fit enim sine ullo voluntatis actu: At vero si admittatur actio indifferens in individuo ad sensum adversariorum, ejusmodi actio Deo facit injuriam, pugnatque cum justitia, quæ nimirum postulat ut Deus, qui est principium & causa rerum omnium, sit quoque & earum finis ultimus; homo per omissionem puram positive non fruatur creatura, nullum enim voluntatis actum exercet; sed per actum indifferenter qui ad Deum non referretur, positive frueretur creatura, quam scilicet suæ actionis finem ultimum constitueret.

Dixi puram omissionem actus imperati, hoc est, omissionem quæ fit sine ullo voluntatis actu; si enim sermo sit de omissione quæ ab expressa voluntatis determinatione proficeretur, sic nulla similiter daretur ommissio indifferens in individuo; quicumque enim deliberate & cum expresso voluntatis exercitio vult aliquem actum tametsi minime imperatum omittere, id præ-

stare debet propter bonum finem, ejus saltem Deus sit finis ultimus; quilibet enim voluntatis actus fieri debet propter Deum, ut satis superque ostensum est.

Obijcies: Ex concessis datur actio humana indifferens in specie; ergo admitti debet indifferens in individuo. Patet consequentia; quia nimirum nulla est natura in specie, quæ non habeat aliquod individuum, in quo ratio ejus maneat & non destruat per contrariam; unde cum datur actio humana indifferens secundum suam naturam & speciem, habere debet aliquod individuum, ac proinde aliqua poterit esse actio individua & singularis quæ maneat indifferens.

Dist. ant. Nulla est natura in specie quæ non habeat aliquod individuum, in quo ratio ejus maneat, secundum quid & quoad aliqua, C. simpliciter & quoad omnia, N. Verum est igitur, ut docet dialectica, rationem speciem manere in individuo quoad aliqua attributa, non autem simpliciter quoad omnia; sic, verbi gratia, natura specifica hominis manet in Petro quoad aliqua, quoad nempe animalitatem & rationalitatem; sed non manet quoad omnia, puta quoad ejus universalitatem; natura enim humana non est universalis in Petro; quamobrem licet conveniat actioni humanæ in specie, ut sit indifferens ad bonitatem vel malitiam; tamen id non convenit actioni humanæ in individuo, sed quælibet in individuo bona est vel mala; quemadmodum numerus in genere nec est par nec impar; quilibet vero numerus in individuo est necessario par vel impar.

*Unde repetatur bonitas & malitia
actuum humanorum.*

Actiones humanæ dicuntur *morales*, quando considerantur comparate cum regulis morum, hoc est, cum lege & ratione humana seu conscientia; an vero ejusmodi moralitas cum libertate confundi debeat, actusque humani dici debeant *morales*, ex eo præcise quod a libera voluntate cum perfecto libertatis exercitio proficiuntur, ut nonnulli Theologi contendunt; an vero moralitas sit denominatio extrinseca quæ a lege, libertate, aut alia forma intrinseca petatur, ut docent alii; an denique posito quod sita sit in relatione actuum humanorum ad suam regulam, hæc relatio sit realis vel rationalis tantum, prædicamentalis vel transcendentalis, quæstionculæ sunt, quas vel summam tractare animus non est, nec orium.

Porro cum omnis actio humana moraliter sumpta, nimirum per respectum ad morum regulas, sit bona vel mala; quia si cum illis consentiat, bona est; si vero ab illis dissentiat, mala est. Queritur a quo hæc bonitas & malitia repeti debeat, an ab objecto, vel a fine, vel a circumstantiis, vel ab istis simul; cum regulis enim morum, lege nempe seu divina, seu humana & recta ratione conferri debet actus humanus, tum ratione objecti, tum ratione finis, tum ratione circumstantiarum.

CONCLUSIO.

Bonitas & malitia moralis actuum humanorum repeti debet ab objecto, fine & circumstantiis. Siquidem ab eo repeti debet actuum humanorum bonitas & malitia, a quo actus humani censentur & revera sunt boni & mali. Sed actus humani & censentur & revera sunt boni vel mali propter ob-

jectum circa quod versantur, propter finem qui intenditur ab operante & propter circumstantias quæ actionem committantur, ut patet inductione facta cujuslibet actus humani.

Ac primo quidem ab objecto non quidem physice, sed moraliter spectato; actus quippe speciem suam desumit ab objecto circa quod versatur; quia est ad objectum ut via ad terminum: Sed actus humanus speciem suam desumere non potest ab objecto, quin suam desumat bonitatem & malitiam, quæ sunt partes actibus humanis veluti essentielles; ergo actus humani speciem suam desumunt ab objecto, quia & nonnunquam sunt ab eo nomen accipiant: homicidium enim sic dicitur ab homine occiso. Unde sic de malitia actus humani loquitur S. Thomas q. 18. art. 2. *Sicut*, inquit, *in naturalibus primum malum est, si res generata non consequitur formam specificam, puta si non generetur homo: ita primum malum in actionibus moralibus est quod est ex objecto.*

Diximus actum humanum speciem suam desumere ab objecto moraliter spectato, non physice; certum est enim duos actus humanos, quorum unus est moraliter bonus, alter vero malus, versari plerumque circa idem objectum physice consideratum; eadem enim pecunie summa potest esse objectum furti & restitutionis; quapropter objectum actus humani sumi debet moraliter, hoc est cum respectu ad mores humanos & ad eorum regulas.

Id porro intelligitur, ut per se patet, de objecto quod est de se bonum aut malum; quando enim objectum nec de se bonum est nec malum, sed indifferens, quod plerumque accidit, tunc necesse est, ut actus humanus vel a fine vel ab aliqua circumstantia bonitatem vel malitiam accipiat.

Secundo, actus humani suam bonitatem & malitiam desumunt a fine: actus

actus quippe moralis bonus est, si exercetur propter bonum finem; malus si propter malum finem; & præterea actus ex objecto bonus; eo præcise redditur moraliter malus, quod sit ex malo fine; si quis enim vel Deum oraret, vel inopi elemosynam erogaret propter vanam gloriam, vel alium quemcumque illicitum finem, tunc malegeret, quoniam scilicet actus humanus, qui, cum fiat ab homine rationis compote, propter finem exerceri postulat, non specificatur ab objecto nisi propter finem.

Tertio demum actus humani suam bonitatem & malitiam desumunt a circumstantiis; adeo ut circumstantia plurimque mutet speciem actionis; unde furari aliquid de loco sacro non dicitur simplex furtum, sed sacrilegium: Ejusmodi circumstantiæ sunt locus, tempus & modus quo fit actio. Ubi notandum est quoddam esse circumstantias quæ ad bonitatem vel malitiam alicujus actionis nequaquam conferunt, ut si quis vel manu dextra vel sinistra percutiat hominem; alias vero quæ actionem vel reddunt laudabiliorem vel pejorem.

Est autem id discriminis inter bonum & malum, quod ad bonitatem alicujus actionis requiritur, ut hæc tria, scilicet objectum, finis & circumstantiæ, simul confluant; adeo ut actio non possit esse bona moraliter, nisi simul habeat objectum bonum, bonum finem & legitimas circumstantias; *bonum enim ex recepto axiomate ex integra causa*; ad malitiam vero actionis sufficiat, ut unum ex illis tribus sit malum, quia *malum ex minimi defectu*, ut fusius ostendemus in Tractatu de peccatis.

*Utrum ad peccandum requiratur advertentia ad malitiam peccati, ubi
de peccato Philosophico.*

Quandoquidem examinamus, prout res postulat, unde repiti debeat bonitas & malitia actuum humanorum, prætermittere non possumus celeberrimam hanc questionem, quæ paucis abhinc annis tanto cum ætlu inter Theologos agitata est, an scilicet ad peccandum formaliter & Theologice, ut ajunt, hoc est peccato quod peccati imputetur, & mereatur, si mortale sit, poenam æternam, requiratur advertentia operantis ad malitiam peccati, vel etiam ad offensam Dei.

Observandum primo non omnino idem esse ignorantiam & inadvertentiam; ignorantia enim proprie loquendo est privatio omnis scientiæ etiam habitualis; inadvertentia autem reperiri potest cum scientia habituali, & actualem tantum scientiam, aut potius attentionem excludit, ut docet S. Thomas 1. 2. q. 77. art. 2. his verbis: *Nihil prohibet aliquid fieri in habitu, quod tamen actu non consideratur*. Quapropter etsi jam fuisse admodum & copiose a nobis ostensum est, ea quæ sunt contra legem ex ignorantia (vincibili nempe) esse vera peccata, vereque hominibus imputari; nihilominus tamen & idem prælabimur de iis quæ fiunt ex inadvertentia, quantum, ut cordate fatebor, duo hæc in præsentī casu multum habeant affinitatis.

Observandum secundo advertentiam, quæ nihil est aliud quam intentio animi ad id quod agitur, duplicem vulgo distinguī: alia est actualis seu expressa; alia est virtualis seu interpretativa. Advertentia actualis est & expressa, quando actu clare & distincte de eo cogitatur quod agitur; advertentia autem virtualis & interpretativa, variè accipitur ab iis qui docent, tam requiri ad pec-

peccandum formaliter : quidam enim dicunt ejusmodi advertentiam in eo consistere , quod dum peccatur , aliquis saltem suboriatur scrupulus vel dubium de malitia actionis ; ita ut , si nullum contingat dubium , nullo modo censetur adverti peccati malitia : nequidem virtualiter , & ideo non peccetur formaliter : hæc advertentia melius , ut puto , diceretur actualis ; quia nempe est verus dubitantis actus an actio sit mala necne . Volunt alii in eo positam esse advertentiam virtuales , quod aliqua saltem addit homini , cum peccat , notitia , non quidem rei illius quam ignorat , sed saltem principii cujusdam universalioris , ex cujus cognitione depellere posset ignorantiam qua tunc laborat .

Quid sit hæc advertentia virtualis posteriori sensu accepta fateor lubens tunc intelligere ; nam ex eo quod aliquis probe noverit generale aliquod principium , puta *bonum esse faciendum* ; vel *a malo declinandum* , nihil propterea ei accedit notitiæ in aliqua particulari actione quam exercet , nisi ex illius generalioris principii notitia ei suppleat aliquod dubium vel suspicio de malitia actionis ; quo posito , illa advertentia virtualis coincidit cum priori , & reapse est advertentia actualis : est enim actus dubitantis an actio sit mala necne : quod si dicatur ad ejusmodi advertentiam virtuales fati esse , si ex generationis principio semel cognito possit homo devenire in notitiam bonitatis vel malitiæ suæ actionis , si nimirum attendere vellet , si accurate & diligenter veritatem inquireret , quantumvis actu & de facto non advertat ; profecto nihil erit quod in illa sententia redarguere possimus ; fatemur enim ad peccandum formaliter requiri ejusmodi advertentiam virtuales , in eo nempe sitam quod possit quis advertere , quantumvis de facto non advertat ; ita ut quod hic & nunc non advertat , ejus

Tomo V.

culpa sit : verum aliam longe advertentiam , quæ nimirum sit actualis & expressa , aut saltem virtualis priori sensu max adducto , possulant quamplurimi Theologi quos hic impugnamus .

Atque ut nemini hoc in negotio quidquam videamus imponere , urque clare & nitide proponatur status præsentis quæstionis , operæ pretium mihi scetur video , si verba ipsissima quorundam ex illis Theologis accurate hic referam .

Sic inter alios , v. g. loquitur Vasquez 1. 2. disp. 1071 cap. 3. *Omnes ergo quos statim allegabo in hoc unum conspirant , ut nullum sit mortale peccatum involuntatis consensu , nisi cogitatio aliqua præcesserit & consideratio expressa quam vocant actuales malitiæ moralis vel periculi , vel saltem expressa aliqua dubitatio seu scrupulus ; itaque ut quis peccet mortaliter , debet considerare vel dubitare , vel opus illud esse malum , vel ibi esse periculum malitiæ illius vel scrupulum saltem aliquem habere : quod si nihil horum præcesserit , inconsiderantiam censeri omnino naturalem & consensum , quantumvis longo tempore duret , non esse mortale peccatum . Quam sententiam plurimus antiquiores Theologos tradidisse testatur .*

Sic Georgius de Rhodes tom. 1. disput. 1. de peccatis q. 1. sect. 1. parag. 2. *Controversia , inquit , nascitur inter Theologos celeberrima , utrum peccatum mortale in materia gravi & mortali , v. g. furtum & adulterium esset peccatum mortale , dignum æterna pena & privatione gratiæ , in eo qui Deum & legem æternam ignoraret , vel certe qui actu illam non consideraret . Tunc enim hæud dubie peccatum non haberet rationem offensæ Dei , haberet tamen rationem peccati . & postea : Peccatum mortale in iis qui Deum vel omnino ignorant , vel non actu considerant , vere nihilominus peccatum est grave , sed nullo tamen modo est Dei offensæ , neque peccatum mortale dissolvens Dei*

Dei amicitiam, neque dignum æternæ pænæ.

Sic Thomas Comptonus Carleton Anglicus tom. 1. Theol. Schol. disp. 104. sect. 4. *Nunc videndum*, inquit, quo pacto advertentia ad rationem peccati concurrat, & num semper requiratur, præsertim cum datur peccatum inadvertentiæ. Dicendum cum P. Vasquez hic disp. 107. Tannero d. 4. q. 5. dub. 5. & communis sententia ad peccatum omne advertentiam aliquam etiam actualem malitiæ requiri, saltem per modum suspicionis aut dubii, & ad mortale quidem ejusmodi esse debet hæc advertentia, ut sit plena & perfecta, seu expedita & deliberata, ob gravitatem scilicet rei; esto veniale peccatum cum minore seu semiplena advertentia committi possit, cum cogitatione scilicet quadam imperfecta, qualis in semidormientibus reperiri solet.

Sic & Cardinalis de Lugo tract. de Incarn. disp. 5. sect. 5. hac sibi propo- sita quæstione, *an si revera daretur tale peccatum philosophicum, cum illa inadvertentia offensionis divinæ adhuc esset mortale*, refert aliorum Theologorum sententiam existimantium ejusmodi peccatum fore mortale, suamque opponit his verbis: *Contrariam sententiam docentem, illa hypothesi data, peccatum illud non fore mortale secundum gravitatem illam Theologicam, quam peccatum mortale importat, existimo veriorē*. Et verba faciens de eo qui adulterium aut homicidium commisit non cogitans de Deo, sic habet: *Non ergo imputabitur operanti, quod offenderet Deum; sed quod occiderit vel machatus fuerit. Nec Deus indignabitur quod ipsum offenderit, sed propter homicidium vel machinam qua potest dici offensa materialis, ut distinguatur ab illa alia qua potest dici formalis, quatenus contrahit formaliter malitiam offensionis divinæ*.

Ex quibus perspicuum sit præsentem controversiam esse adversus recentiores Theologos de advertentia actuali, non

de virtuali, nisi, ut supra dictum est, virtualis intelligatur coincidere cum actuali; quandoquidem ad peccandum formaliter præfati Scriptores, ut & alii quamplurimi, exigunt advertentiam actualem, expressam, plenam & perfectam qua respiciatur actionis malitia, vel de Deo actu cogitur.

Observandum est super advertentiam ad malitiam actus dupliciter spectari posse: 1. Ita ut solum consideretur hæc malitia prout præcise adversatur rectæ rationi. 2. Ita ut etiam cogitetur malitiam pugnare cum lege divina, & ideo esse Dei offensam. Atque ex his quidem duobus respectibus malitiæ actionis nata est tam celebris illa divisio peccati in Philosophicum & Theologicum. Peccatum enim Philosophicum appellatur illud quod committitur ab homine animum advertente solummodo ad rectam rationem, cujus consideratio Philosophorum est; peccatum vero Theologicum dixerunt illud quod committitur ab homine advertente ad Dei offensam, cujus nimirum consideratio ad Theologos pertinet. Peccatum, inquit, philosophice spectatum, est actus liber moraliter malus seu disformis naturæ rationali & rectæ rationi; theologicè spectatum, est actus malus quatenus opponitur legi divinæ; sic inter cæteros Cardinales de Lugo docens loco citato peccatum non esse Dei offensam, nisi qui peccat, ad divinam offensam expresse animum advertat: *Obijciunt adversarii, inquit, quia antecederet ad Dei prohibitionem, homicidium, v. g. vel adulterium est malum mortale grave. Respondeo, grave est gravitate Philosophica, non gravitate Theologicam*.

Hic peccati divisioni, ut merito quidem suspicor, occasionem dedit S. Thomas, cum 1. 2. q. 71. art. 6. ad 5. hæc scribit; *A Theologis consideratur peccatum præcipue secundum quod est offensus contra Deum: a Philosopho autem morali, secundum quod contrariatur ratio-*

ni.

ni. Sed non ideo doctrinæ peccati Philosophici patronus vel assertor haberi debet sanctus Doctor, quia nuspam, ut recentiores Theologi quos impugnamus, docuit esse Philosophicum, quod nimirum non sit Dei offensæ, nec poenam æternam mereatur, quando qui peccat vel Deum ignorat, vel de Deo actu peccans non cogitat; his autem præsuppositis sit

CONCLUSIO.

Ad peccandum formaliter & Theologice non requiritur advertentia actualis & expressa ad malitiam actionis & ad divinam offensam; immo nec requiritur virtualis, quæ posita sit in aliquo scrupulo vel dubitatione.

Id primum aperte declaratur in sacris Scripturis, quæ adeo non excusant a peccato ignorantiam Dei & legis, ut contra ipsam aliorum scelerum radicem & originem significant; Levitici 5. cap. statuuntur sacrificia pro illis qui peccaverint ex ignorantia: *Si peccaverit anima per ignorantiam*. Num. 15. *Quod si anima nesciens peccaverit, offeret capram amniculam pro peccato suo, & deprecabitur pro ea Sacerdos quod inscia peccaverit Domino*. Hanc precem coram Deo fundebat David: *Delicta juventutis meæ & ignorantiam meam ne memineris*. Pl. 13. *Dixit insipiens in corde suo, Non est Deus*; adeoque vel sincere putavit non esse Deum, vel saltem a Deo oculos averit; inde autem pergit Psalmista: *Corrupti sunt & abominabiles facti sunt in studiis suis, non est qui faciat bonum, non est usque ad unum*. Quibus similia plane sunt quæ leguntur Plalm. 9. *Exacerbavit Dominum peccator, secundum multitudinem iræ suæ non quæret. Non est Deus in conspectu ejus, inquinata sunt viæ illius in omni tempore, auferuntur judicia tua a facie ejus*.

Insuper I. ad Corinth. cap. 4. testatur Apostolus se nullius peccati esse con-

scium, *nihil mihi conscius sum*, quia nullam in suis actionibus putabat esse malitiam; subdit tamen illico, *sed non in hoc iustificatus sum*, scilicet non existimabat se propterea ab omni culpa immunem & liberum.

Idem Apostolus ad Ephes. cap. 4. verba facit de infidelibus Deum ignorantibus, & quorum tamen ignorantia fuit multorum scelerum causa: *Hoc igitur dico*, inquit, *& testificor in Domino, ut jam non ambuletis, sicut & Gentēs ambulantes in vanitate sensus sui, tenebris obscuratum habentes intellectum, alienati a vita Dei per ignorantiam quæ est in illis, propter cæcitiam cordis ipsorum, qui desperantes semetipsos tradiderunt impudicitie, in operationem immunditiæ omnis, in aversionem*. Certe si ad peccandum formaliter, eo nempe peccato quod lædat Dei amicitiam, poenamque æternam mereatur, requiritur advertentia ad offensam divinam, non peccarunt formaliter isti Gentiles de quibus loquitur Apostolus, quamvis in omnem immunditiam semetipsos tradiderint; in iis enim nulla fuit consideratio, qui vel ipsum Deum propter cæcitatem cordis ignorarunt.

Possunt insuper ex iisdem Scripturis innumera proferri exempla sceleratissimorum hominum, qui tamen ex inconsiderantia, gravissime tamen peccaverunt. Impudicitie malitiam suæ profecto non considerabant senes qui exarserunt in concupiscentiam Susanna: *Nam exarserunt sensum suum; & designaverunt oculos suos, ut non viderent eulum, neque recordarentur judiciorum iustorum*, Daniel c. 1. 3. Idem merito dici potest de Judæis qui Christum morti tradiderunt; neque enim sciebant quid faciebant: *Pater*, inquit Christus Lucæ 23. *dimite illis, quia nesciunt quid faciunt*. Scilicet nesciebant Christum esse Messiam, nesciebant se peccare, putabant illum esse morte dignum. Ad malitiam operum flagitiosi animus non advertat divus

Paulus, eum Ecclesiam Christi persequatur; ait enim ipse Act. 26. Et ego quidem existimaveram me adversus nomen Jesu Nazareni debere multa contraria agere. Hæc tamen aliaque similia tanquam atrocissima peccata detestantur Scripturæ sacræ.

Favet aperte in ejusdem sententiæ confirmationem, quod frequenter legitur in iisdem Scripturis, plerumque putare nos bene agere, cum male agimus, multaque delicta nos committere quæ peccata esse non intelligimus, Eccl. 9. Nescit homo utrum amore an odio dignus sit. Proverb. 20. Quis potest dicere, Mundum est cor meum? Job. 12. Si simplex fuero, hoc ipsum ignorabit anima mea, &c. Ex quibus perspicuum fit hominem quandoque peccare, cum non putat se peccare, adeoque cum ad malitiam suæ actionis animum non advertit.

Probat 2. auctoritate S. Augustini, qui passim docet hominem peccare, & quidem eo peccato quod lædat amicitiam Dei, sique vera Dei offensa poenis æternis digna, tamen nesciens, ignorans, non advertens peccet, lib. 1. de peccat. mer. cap. 36. An nullum est, inquit, ignorantia malum, & ideo nec purgandum? & quid ait illa vox, Delicta juventutis & ignorantia mea ne memineris? Etsi enim damnabiliora peccata sunt quæ ab scientibus committuntur, tamen si ignorantia peccata nulla essent, hoc non legeremus quod commemoravi, Delicta juventutis, &c.

Libro de Grat. & lib. arb. cap. 3. hoc adducto Christi testimonio e Lucæ cap. 12. Servus qui nescit voluntatem domini sui, & facit digna plagis, vocabitur puer, &c. sic habet: Ecce ubi ostendit gravius peccare hominem scientem quam nescientem. Nec tamen ideo confugiendum est ad ignorantiam tenebras, ut in eis quisque requirat excusationem. Aliud est enim nescisse, aliud scire noluisse. Voluntas quippe in eo arguitur,

de quo dicitur, Noluit intelligere ut bene aperis, sed & illa ignorantia quæ non est eorum qui scire nolunt, sed eorum qui tanquam simpliciter nesciunt; neminem sic excusat, ut sempiterno igne non ardeat; igitur in mente Augustini ii peccant qui simpliciter nesciunt, ut & qui scire nolunt; adeoque non putat inconsiderantiam a peccato quemquam eximere.

Lib. 1. Retract. cap. 15. idem vel expressius tradit his verbis: Qui nesciens peccavit, quia voluit fecit, etiamsi non quia voluit peccavit, nesciens peccatum esse quod fecit: ita nec tale peccatum sine voluntate esse potuit, sed voluntate factum, non voluntate peccati, quod tamen factum fuit, hoc enim factum est, quod fieri non debuit. Quibus verbis ad evertendam adversariorum sententiam expressius considerari potest nihil; ait enim S. Aug. cum vere peccasse, qui nesciens peccavit, nesciens peccatum esse quod fecit. Sed quia hoc certum videtur & ab omnibus receptum in moralibus principium, sine voluntate peccatum esse non posse, hanc objectionem, quæ principium est adversariorum fundamentum, præoccupans S. Doctor, respondet peccatum revera sine voluntate esse non posse, sed voluntate factum, non voluntate peccati; unde aperte colligitur revera ad peccandum formaliter requiri ut operans agat ex cogitatione & voluntate, sed ex cognitione qua cognoscat peccati sui objectum & speciem, qua velit factum voluntate factum; hoc est, cognoscat & circumspectat hoc suum factum esse peccatum, esse Dei offensam, dissolvere amicitiam Dei: quia nempe, ut addit Augustinus, tunc aliquod factum censetur esse peccatum, cum hoc factum est, quod fieri non debuit.

Sunt & alia prope innumera ejusdem Augustini testimonia, in quibus expresse docet homines plerumque peccare, tamen nesciant, ignorent, non considerent actionum suarum malitiam, sed

his

his omnibus referendis supercedeo, ne operam in re non necessaria collocem. Epist. 47. olim 154. Si quis, inquit, bonum putaverit esse quod malum est, & fecerit, hoc putando utique peccat, & ea sunt omnia peccata ignorantia; quando quisque bene fieri putat, quod male sit. Lib. 6. Jul. cap. 16. loquens de homine baptizato sic habet: Nunquid carere ignorantia malo, per quod a nescientibus innumerabilia perpetrantur mala? An parvum malum est per quod homo non percipit quae sunt Spiritus Dei? Demum insigne est impii, quod scribit ad Sixtum Epist. 193. Humani superbia, inquit, tanquam presumens de viribus liberi arbitrii excusatam se putat, quando ignorantia, non voluntatis videtur esse quod peccat. . . Ac per hoc inexcusabilis est omnis peccator vel reatu originis, vel additamento etiam propriae voluntatis, sive qui novit, sive qui ignorat, sive qui non iudicat; quia & ipsa ignorantia in eis qui intelligere noluerunt, sine dubitatione peccatum est: in eis autem qui non potuerunt, parva peccata; ergo in utrisque non est iusta excusatio, sed iusta damnatio.

Probat 3. auctoritate S. Hieronymi qui simillima docet lib. 1. adversus Pelagianos prope finem, ubi legimus aliquem Pelagianum sub nomine Critobuli conquirentem quod reus censeatur peccati quod nesciens commisit: Rogo, inquit, quae ista iustitia, ut in peccato teneris erroris, cuius reatum non habes conscientia? nescio me peccasse, & ejus rei quum nescio poenas luo? Et quid plus faciam si sponte peccaverero? Quae ipsissima est adversariorum querela, cui primo respondet S. Hieronymus istam esse hanc Critobuli interrogationem: Respondet, inquit, sicut interrogationi tuae liber Sapientia (Altiora te ne quaesieris, & fortiora te ne scrutatus fueris.) Et alibi (Noli esse sapiens multum, & noli argumentari plusquam oporteat.)

Ac deinde variis Scripturae testimoniis

in reliqua Dialogi parte demonstrare conatur dari peccata ignorantiae, hunc adducit locum Exodi 21. Si percussit aliquis quempiam & mortuus fuerit, morte moriatur. Sin autem non volens, sed Deus tradidit eum in manus ejus, dabo tibi locum ad quem confugas qui occiderit. Hanc Levitici cap. 5. Si tetigerit aliquis immundum, quod non liceat tangere & fecerit per ignorantiam, & postea didicerit, sive promiserit aliquis & fuerit oblitus, pronuntiabit peccatum suum in quo peccasse se perspicit, &c. In Proverbiis legimus, inquit sub finem, (Est via qua videtur recta esse apud homines, & novissima ejus veniunt in profundum inferni. Ecce & hic manifeste ignorantia condemnatur cum aliud patat homo, & sub specie veritatis ad inferna delabitur. Unde sequitur manifeste in doctrina S. Hieronymi hominem etiam peccare, quando animum non advertit ad malitiam suae actionis; quandoquidem peccat cum putat se non peccare, cum aliud putat homo; tunc vero & peccat Theologice peccato quod dissolvit amicitiam Dei, poenaeque aeternam meretur, quia sub specie veritatis ad inferna delabitur.

Idem docet S. Chrysostomus homil. in 1. ad Corinth. c. 4. ubi super haec Apostoli verba, Nihil mihi conscius sum, sed non in hoc justificatus sum, sic habet: Quamnam ob causam, inquit, si sibi nihil fuit conscius, non fuit justificatus? quoniam coniegebatur, ut ab ipso quadam peccata essent admissa, neque tamen sciret esse peccata; hinc considera & reputa quam eris exaltatus & accuratus futurum iudicium. Quia nempe, ut observare solent SS. Patres in hunc locum, putamus saepe nos bene agere, cum male agimus. Unde S. Basilus in Constant. Monast. cap. 1. Cum in multis rebus, inquit, offendimus omnes, majorem scilicet offensarum partem ut intelligimus quidem. Idecirco Apostolus dicebat, Nihil mihi conscius sum, sed in hoc justificatus non

non sum; quod idem est ac si diceret, Multa delicta committo, quæ committere me non intelligo.

His adde S. Fulgentium qui lib. 1. de remissione peccat. cap. 13. vera peccata ignorantie admittit: Non desistunt, inquit, ad poscendam remissionem peccatorum currere, ad quorum perpetratiōem frue nescientes ignorantia impulsi, seu, quod est desertius, scientes contumacia illexit, propter quod Propheta orat Deum, Delicta iuventutis & ignorantias ne memineras. Psal. 24. Et Salvator noster ait, Servus nesciens voluntatem Domini sui & faciens indigni, vapulabit paucis, Luc. 12. Unde & Apostolus in ignorantia se peccasse confitetur his verbis, Gratias ago ei qui me confortavit Christo Jesu Domino nostro, quia fidelem me existimavit: ponens in ministerio, qui prius fui blasphemus & persecutor & contumeliosus, sed misericordiam consecutus sum, quia ignorans feci in incredulitate. I. Tim. 1. Ne quis ergo sibi de ignorantia blandiatur, attendendus est Apostoli sermo, qui se ignorantia, quidem fecisse pronuntiat, sed tamen se peccasse non negat.

Insigne vero est super ea re testimonium S. Bernardi, qui Epist. 77. ad Hugonem a S. Victore, dedita opera aliquem impugnat affirmantem non posse peccari per ignorantiam; hunc non esse Abelardum, ut visum est multis, conjicit Mabillonius: Si ignorantia, inquit, nunquam peccatum est, cur dictum est in Epistola ad Hebræos, quia in secundo Tabernaculo scilicet in anno solus Pontifex intraret, non sine sanguine quem offerret pro sui & populi ignorantia? Si peccatum ignorantia nullum est, non ergo peccavit Saulus, quod persecutus est Ecclesiam Dei, quoniam quidem ignorans hæc fecit manens in incredulitate. Bene itaque faciebat, quod erat blasphemus & persecutor & contumeliosus, quod erat spirans minarum & cadis in discipulos Jesu, & in hoc ipso quippe abundanter emulatur existens pa-

ternatum suarum traditionum. Non ergo debuit dicere, Misericordiam consecutus sum. Sed mercedem recepi, quippe quem ignorantia a peccato reddebat immunitem, insuper & amulatio remunerabilem iudicabat. Si, inquam, ignorantia nunquam peccatur, quid ergo causamur adversus occisores Apostolorum, quandoquidem non solum malum esse nescierunt interficiens illos, sed insuper quoque id faciendo arbitrati sunt obsequium se prestare Deo? sed & frustra in cruce Salvator pro suis orabat crucifixoribus, quippe nescientibus, ipso teste, quid facerent, & ita nequam peccantibus. Neque enim fas est ullatenus suspicari mentitum fuisse Dominum Jesum aperte perhibentem eos ignorare quid facerent; etsi forte de Apostolo dubites quis, quod carnem suam amulans, sicut homo mentiri poteris, ubi ait, Si enim cognovissent, nunquam Dominum glorie crucifixissent. Nunquid non ex his satis apparet in quantis jaceat ignorantia tenebris, qui ignorat peccari posse interdum per ignorantiam? Horum certe verborum pondere obrui adversarios necesse est; colligit enim Bernardus expressissima quæque Scripturarum loca, quæ & validissimis rationibus corroborat, ut nimirum ostendat peccari plerumque ex ignorantia, quatenus non modo qui peccat, nescit se peccare; sed & arbitratur nonnunquam obsequium se prestare Deo. Unde manifeste sequitur eam non requiri advertentiam peccantis qua videat malitiam actionis, cogitans illam dissolvere amicitiam Dei peccatumque æternam promereri.

Probatum etiam conclusio nostra auctoritate S. Thomæ, cujus sane doctrina est in hoc negotio apertissima, 1. 2. qu. 19. art. 6. ad 1. docet peccari posse formaliter, non solum quando simpliciter ignoratur peccati malitia, & peccari non putatur, sed etiam quando recte agi creditur: Ad primum, inquit, dicendum quod bonum causatur ex integra causa, malum autem ex sin-

gula.

gularibus defectibus ; & ideo ad hoc quod dicatur malum , id , in quod fertur voluntas , sufficit , sive quod secundum suam naturam sit malum , sive quod apprehendatur ut malum ; sed ad hoc quod sit bonum , requiritur quod utroque sit bonum . Qu. 74. art. 7. ad 2. Dicendum , inquit , quod ex hoc ipso quod ratio superior non dirigit actus humanos secundum legem divinam impediens actum peccati , dicitur ipsa consentire , sive cogitet de lege aeterna , sive non . Cum enim cogitat de lege Dei aeternae , eam contemnit ; dum veto non cogitat , eam negligit per modum emissionis ejusdem . Unde omnibus modis consensus in actum peccati procedit ex superiori ratione . Juxta D. Thomam is peccare & peccato consentire censetur , qui agit contra Dei legem , etiamsi nec de lege nec de Deo ipso cogitet ; unde sequitur inadvertentiam non excusare a peccato .

Huc pertinent fundatissima in Moralibus ejusdem S. Doctoris principia quae dudum in alio casu explicuimus ; eum nempe docet quodlibet . 3. art. 19. in rebus ad finem & mores pertinentibus non excusari , qui sequuntur opinionem erroneam , Quia , inquit , immunes a peccato fuissent , qui secuti sunt opinionem Ariti , Nestoris & aliorum Haereticorum . Cum docet quodlibet . 8. art. 13. excusari non posse qui sequitur opinionem falsam , quia facit contra legem Dei , quamvis non faciat contra conscientiam . Cum docet quodlibet . 9. art. 15. Quemlibet errorem quo non creditur esse peccatum mortale , quod est peccatum mortale , conscientiam non excusare a toto . Denique cum docet 3. Ethic. cap. 1. lect. 3. ignorantiam qua quis ignorat quid oporteat facere vel vitare , non causare involuntarium ; sed esse magis , ut ait , causam malitiae seu peccati , quia ignorantia hujusmodi non potest homini habenti usum rationis provenire nisi ex negligentia , quia quilibet

tentur adhibere sollicitudinem ad sciendum quid oporteat eum facere aut vitare . His quippe omnibus praesuppositis ut certissimis in doctrina S. Thomae , luce meridiana clarius est ad peccandum formaliter , non requiri in eo qui peccat , advertentiam , qua sciat vel etiam suspicetur hanc suam actionem esse Dei offensam poena aeterna dignam .

Probatur insuper auctoritate Concilii Diospolitani , ubi haec damnata fuit Pelagii & Caesarii propositio : Oblivio & ignorantia non subjacent peccato , quoniam non eveniunt secundum voluntatem , sed secundum necessitatem . Id porro reprehensum est potissimum in illa propositione , quod vitio vertebatur Pelagianis illam plerumque usurpantibus ; sed idcirco praesertim arguebantur Pelagiani , quod dicerent nunquam peccari ex ignorantia , ut constat ex Augustino & Hieronymo , qui cum insurgunt in illos haereticos , variis Scripturae testimoniis ostendunt peccari plerumque ex ignorantia , ut constat ex locis superius adductis . Quapropter cum sententia Theologorum quos impugnamus , id commune habeat cum praefata Pelagianorum propositione , non immerito colligimus eam fuisse pridem a Concilio Diospolitano condemnatam .

Probatur denique ex variis incommodis quae ex illa adversariorum doctrina manifeste sequuntur .

Primum est istud , & quidem in Morali Christiana gravissimum ; scilicet , si ad peccandum requiratur ejusmodi advertentia , jam sequitur horrenda quaeque flagitia in viris perditissimis & sceleratissimis non esse peccata Theologica , hoc est , poenam aeternam non mereri , nec dissolvere amicitiam Dei , quod ipsum dici poterit de homicidiis , adulteriis , fornicationibus , furis , usuris , blasphemis ; siquidem tertium est haec plerumque scelera ab hominibus committi , qui nec ad malitiam actionum

num suarum animorum advertunt, nec de Deo cogitant. Quin potius ex portentosa illa doctrina manifeste sequitur, eo certius ab omni peccato Theologico, seu offensa Dei poenis æternis digna quempiam eximi debere, quod perditior ipse est atque sceleratior; siquidem, quo magis peccantium animus corruptus est omniique flagitiorum generi assuefactus, eo minus peccati sui malitiam inspicit; ejusmodi homines vel inter media scelera nullum experiuntur conscientie stimulum; integram vitam transigunt line ullo pietatis motu, & nihil minus cogitantes quam se peccatores esse. Absit autem quod dicatur eo magis excusari debere peccatorem, quo magis corruptus est, assuetisque libidinibus abreptus; immo his omnibus flagitiis non peccare Theologice, hoc est, eo peccati genere quod sit Dei offensa, ejus amicitiam dissolvat & pœna æterna sit dignum; siquidem nihil absurdius, nec dicam horribilius, proferri potest.

Secundum incommodum, quod vel invitis adversariis sequitur ex illorum doctrina, est, Idololatrias & Atheos nunquam peccare Theologice, nec ullam Dei offensam committere; siquidem ad peccandum formaliter & Theologice requiritur, ut peccans malitiam actionis cognoscat tanquam Dei offensam: Sed qui nec de Deo cogitat, quem scilicet nunquam novit, profecto cum peccat, non cognoscit malitiam actionis suæ prout Dei offensam & quatenus Dei amicitiam dissolvit, ut pesse patet; igitur in isto damnofo syllemate nec Athei nec Idololatræ possunt peccare Theologice, quo quid absurdius ego quidem non video.

Non me latet adversarios respondere, Atheos & Idololatræ fere semper Theologice peccare, quia, inquit, inest illis saltem generalis quædam & obscura de Deo notitia, quareous aliquam agnoscunt divinitatem veram aut

falsam; unde sequitur ejusmodi homines committere posse Dei offensam, adeoque peccare Theologice. Sed vana est omnino & inutilis responsio, quia nimirum cum peccatum Theologicum inter Theologos hac in controversia diffidentes, definitur *offensa Dei*, amicitiam Dei dissolvens; profecto nomine *Dei* intelligi debet is Deus qui verus est & solus Deus, Creator cœli & terræ, quem colunt qui censentur Deum novisse, is Deus quem ignorant, rejiciuntque Athei quos impugnamus; quando existentiam Dei demonstramus; is Deus de quo loquitur Scriptura, cum insurgit in Atheos, Sapient. 13. *Vani sunt homines, quibus non subest scientia Dei*. De quo & Apostolus, cum dicit I. Thess. 4. *sicut gentes quæ ignorant Deum*, Ephel. *Dantis vindictam iis qui non noverunt Deum*: Sed Deus qui solus verus est Deus, Creator cœli & terræ, cujus existentiam demonstramus Atheis, de quo passim mentio habetur in Scripturis, non est aliquis Deus confuse & generatim spectatus pro quavis divinitate vera aut falsa, sed is solus Deus quem nos colimus ut singulare quoddam numen intelligentia præditum, orbis universi auctor & gubernator; Igitur Athei & quotquot Idololatræ falsos Deos colunt, censeri debent Deum ignorare, sicut gentes quæ ignorant Deum; adeoque cum peccant, animum non intendunt ad malitiam suarum actionum, ut Dei offensam.

Sequitur 3. Hæreticos omnes & Schismaticos nunquam peccare Theologice, neque divinam offensam incurtere, quando nempe suam Catholicam ejurant, fidelesque persequuntur; siquidem in sua hæresi vel schismate sic obfirmati sunt, ut ne minimum quidem super ea re sentiant scrupulum, & adeo non putant hæc in parte Dei maiestatem lædere, ut potius firmissime credant se obsequium præstare Deo,

ut

ut ipse Christus prædixerat Joan. 16. *Venit hora, ut omnis qui interficit vos, arbitretur obsequium se prestare Deo*, quod & ipsum testatur Apollolus, ut jam dictum est. Quis vero in ejusmodi hominibus nefanda hæc crimina eo excusari voluerit, ut dicat eos non peccare *Theologicè*, nec committere Dei offensam quæ sit æternis penis digna?

Quarto demum ex illa sententia sequitur longe pejorem esse conditionem eorum qui Dei notitiam habent, quam eorum qui *sicis gentes sine Deo in hoc mundo ambulantes in vanitate sensus sui, tenebris obscuratum habentes intellectum, alienati a vita Dei per ignorantiam quæ est in illis, propter cæcitatem cordis ipsorum*. Raro enim aut nunquam poterunt illi peccare *Theologicè*, seu peccato quod amicitiam Dei dissolvat. Hinc nulla Ecclesiæ Pastoribus cura esse debet, ut per orbem universum Dei notitiam promoveant, quæ scilicet hominibus magis erit noxia quam utilis; nam si non peccetur nisi philosophicè ab eo qui Dei notitiam non habet, valde timeandum est ne post instructionem peccetur *Theologicè*. Hinc & valde imprudens erit Patribus familiis & Magistris parvulos sibi commissos notitia Dei imbuiere; periculosum erit illos erudire beneficio catechismorum & concionum; quia nempe satius est, ut Deum non cognoscant; tunc enim non peccabunt nisi philosophicè, animi non advertentes ad malitiam suarum actionum. Hinc denique vana erunt, ne dicam damnosa, media quæ subministrari solent hominibus, ut notitiam Dei, fidei Catholicæ & mysteriorum, Decalogi & aliorum præceptorum, tum vero discriminis quod interest peccata inter & virtutes, inter peccata mortalia & venialia comparare possint; unde & ab omnibus concionibus, ab hominum piorum consilio, librorum, vel Scripturæ sacræ lectione sedulo arceci debent, ut si lux igna-

rantia dimittantur per totam vitam nonnisi philosophicè peccent; in hoc felices quod *Theologicè* peccare non possint.

Quibus instar coronidis adjungere possumus nonnullos esse calos in quibus vere, formaliter & *Theologicè* peccari solet, tamen sine attentione ad Deum, ad Dei legem, ad peccati malitiam.

Sine ulla ad peccati malitiam advertentia peccare censentur ii omnes qui prava & inveterata consuetudine ad malum trahuntur; certum est enim id ab hominibus ut licitum & innoxium reputari; quod venit apud omnes in consuetudinem, juxta quam scilicet omnem deinceps vitæ lux rationem componunt, qui, ut ait Sapiens c. 14. *interveniens tempore, convalescente iniqua consuetudine error tanquam lex custoditur*. Quemadmodum & Judæi qui falsa traditione & consuetudine apertentes, parentibus in necessitate constitutis non succurrebant, ut testatur ipse Christus, qui propterea eos redarguit Matth. 23. quod mandatum Dei irritum facerent propter traditionem suam. Scilicet, cum peccabant mortaliter, ex motivo peccati agere se putabant. Unde Augustinus Enchir. cap. 80. *Peccata*, inquit, *quævis magna & horrenda, cum in consuetudinem venerint, aut prava aut nulla esse creduntur; neque adeo ut non solum occultanda, verum etiam prædicanda, et diffamanda videantur, quando sic scriptum est. Laudatur peccator in desideriis animæ suæ, & qui iniqua gerit benedicitur*. Præterquam quod constat propter pravas consuetudines, ut testatur D. Thomas 2. 2. qu. 94. art. 6. apud quosdam litrocinia non reputari peccata vel etiam vitia contra naturam, ut etiam Apostolus dicit ad Rom. cap. 7. Quis vero ejusmodi homines longa peccandi consuetudine, dudum falsa pæce & conscientia quiescentes, qui peccare se non cogi-

cogitant, etiam cum furantur, cum fornicantur, cum pietatis motivo & recepto usu parentes senio confectos interficiunt, multa tandem cæteris hominibus horrenda perpetrant; quis, inquam, a peccato & offensa Dei qua penas æternas incurrant, eos liberaliter vindicet? Audiatur Concil. Turonense circa an. 1179. *Ne sub obtentu cuiusquam consuetudinis, inquit, reatum suum quis teneatur, quia diuturnitas temporis non minuit peccata, sed augeat.*

Sine ulla ad peccati malitiam advertentia peccare solent indocti multi & simplices, qui nati sunt infelicitate ad sua desideria magistros prurientes auribus, adeoque a veritate auditum advertunt, ad fabulas autem convertuntur. Tunc enim Magistrorum nomine & auctoritate sulti rudiores, ea gaudent conscientie tranquillitate, quam in illis vident, cum præsertim suis ipsi discipulis ejusmodi securitatem dare fatagant. *Pulvilloz conferentes sub omni cubito manus & facientes cervicalia sub capite universæ ætatis ad capiendas animas, inquit Ezechiel cap. 13.* Sed ejusmodi homines a peccato Theologico excusari non posse, quanquam bona fide & secunda conscientia, sine ulla ad peccati malitiam advertentia agere consueverint, sapienter nos admonet auctor sacer Exodi 23. *Non sequeris turbam ad faciendum malum, nec in iudicio plurimorum acquiesces sententia, ut a vero devies.* Unde Augustinus in Exod. q. 87. *Ne se inde, inquit, quispiam defendat, quia cum pluribus fecerit, aut ideo non putes non esse peccatum, & lib. contra Mendacium cap. 9. Non omnia quæ a Sanctis vel a viris iustis legimus facta, transferre debemus in mores, ne violemus præcepta, dum passim sectamur exempla.*

Sine ulla ad peccati malitiam advertentia peccare solent ii qui ex prædominante aliqua naturali passione peccant, quales sunt veluti a natura &

temperamento incontinentes, ebriosi, iracundi, &c. nam, ut ait S. Thomas in 2. Sent. dist. 33. qu. 3. art. 1. *Propter inclinationem habitus & impetum passionis non percipitur mente synderesis murmur, quia anima est quasi inebriata passione.* Unde etsi exterius contrarium proferas, non tamen interius ita tener, sicut ebrii dicunt verba sapientium exterius quæ tamen interius non intelligunt. An vero liceat ejusmodi peccatores ab omni peccato Theologico excusare?

Sine ulla demum ad peccati malitiam advertentia peccati obdurati quippe peccatores & excæcati, qui in penam precedentium scelerum ita a Deo jussu deferuntur, ut nullum conscientie stimulum experiantur. *Ambulavimus, inquit ejusmodi impii Sapientie 3. cap. vias difficiles, viam autem Domini ignoravimus. Erravimus a via veritatis, & iustitia lumen non luxit nobis, & sol intelligentia non est ortus nobis.* Quos certe ab omni peccato Theologico reatu citra impietatem eximere nemo potest.

Obijcies: Joan. 7. dixit Jesus Phariseis: *Si cæci essetis, non haberetis peccatum.* & cap. 15. *Si non venissem & locutus eis fuisset, peccatum non haberent.* In quibus locis ignorantiam a peccato excusat; ac proinde eos qui animum non advertunt ad malitiam suorum operum, eatenus enim sunt cæci & ignorantes.

Respondeo nullius plane momenti esse duo illa Christi testimonia, ut ostendatur ad peccandum formaliter requiri advertentiam ad malitiam actionis, quod quidem ne vel leviter in iis innuitur.

Ac prioris quidem testimonii hic est sensus. Scilicet postquam cæco nato visum restituit Christus Dominus, hæc verba protulit: *In iudicium ego in hunc mundum veni, ut qui non vident videant, & qui vident cæci fiant.* Quibus auditis quidam Pharisei dixerunt:

Nun-

Nunquid & nos cæci sumus? Quod nempe subridendo reponebant, ait Christus, si cæci essetis, non haberetis peccatum: hoc est, si cæci essetis iudicio vestro, unusquisque enim vestrum sapiens esse putat, peccatum non haberetis, incredulitatis nempe, quia cum vos humiliter cæcos fateremini, ad medicum recurreretis, nunc vero dicitis; quia videmus, peccatum vestrum manet; hoc est, ea incredulitas qua in me non creditis, qua me repellitis.

Posteriorem locum non semel explicuimus de peccato infidelitatis, a quo solum eos excusat Christus de quibus loquitur, disertum super ea re adduximus testimonium S. Augustini ex Epist. 194. Non utique peccatum nullum haberent, qui pleni erant aliis magnis multisque peccatis, sed hoc peccatum vult intelligi non eos habituros fuisse, si non venisset, quo, cum audissent eum, non crediderunt in eum. Idem docet Tract. 89. in Joan. Respondeo, inquit, habere illos excusationem non de omni peccato suo, sed de hoc peccato quo in Christum non crediderunt, ad quos non venit, & quibus non est locutus.

Obijcies ex Apostolo ad Rom. c. 5. *Usque ad legem peccatum in mundo erat, sed peccatum non imputabatur, cum lex non esset.* Unde sic licet argumentar: Ante legem, scriptam scilicet, erat aliquod peccatum quod non imputabatur; & ideo, ut exponunt fere omnes. Scripturæ Interpretes, tunc non imputabatur, quia non cognoscebatur, juxta mentem ejusdem S. Pauli cap. 7. dicentis se non cognovisse peccatum nisi per legem: Nam, inquit, concupiscentiam nesciebam nisi lex diceret: Non concupisces; ergo sublata peccati notitia, sublata ad peccatum advertentia peccari non potest.

Dist. conf. Sublata peccati notitia peccari non potest, quando ejusmodi notitia nec habetur, nec haberi potest; C. quando non habetur, sed haberi

potest, N. fatemur itaque neminem peccare quin habeat notitiam vel habere possit & Dei quem lædit, & legis quam transgreditur; & peccati quod committit; secus vero est notitiam illorum non habeat quam habere possit, quod idem dicimus de advertentia; nos enim supra docuimus ignorantiam invincibilem cujuscunque legis excusare a peccato. Porro cum dicit Apostolus præfato loco, ante legem peccatum non fuisse imputatum, quia non cognoscebatur, sermonem habet de peccato quod nec cognoscebatur, nec cognosci poterat; loquitur enim de peccatis desiderii, que nonnisi per legem positivam cognita fuerunt, per quam nempe & prohibita, ut patet ex verbis in objectione relatis: Nam concupiscentiam nesciebam, nisi lex diceret, Non concupisces. Qua posita interpretatione nihil omnino conficiunt adversarii ex illo Apostoli testimonio.

Hinc est quod idem Apostolus hæc scribit ad Hebræos cap. 10. *Voluntarie peccantibus nobis post acceptam notitiam veritatis, jam non relinquitur pro peccatis hostia.* Quem locum nobis obijciunt adversarii, quasi supponat aperte D. Paulus non peccari nisi voluntarie & post acceptam notitiam; quod utique fatemur, modo id intelligatur de notitia quæ vel habeatur vel haberi possit. In quem sensum hæc ait Sanctus Thomas in hunc locum, Lect. 3. *Post acceptam notitiam veritatis, id est, post acceptam gratiam, per quam habetur notitia peccati, quia ante notitiam peccati, peccatum nostrum a Deo nobis non imputatur; unde quasi dicitur ipsum ignorare, quia non imputat nobis.* Ubi loquitur de notitia legis novæ, quæ ante acceptam gratiam neque habetur, neque haberi potest.

Obijciunt adversarii hæc verba Sancti Augustini e lib. 3. de liber. arbit. cap. 19. *petita: Peccatum quod proprie vocatur peccatum, libera voluntate ab*

sciencie committitur. Hoc adverbio proprie satis indicat aliud quodcumque peccatum, quod non fit ex scientia & notitia, legis nempe & peccati, non esse nisi peccatum philosophicum.

Respondeo hæc similia passim reperiri apud S. Augustinum & alios Scriptores; qui nempe ad actionem moralem, ut peccati rationem habeat, possulant in agente cognitionem & libertatem, sed istud sine dubio intelligunt, vel de notitia actus, non de notitia legis & malitiæ, vel si de notitia legis & malitiæ operis, de notitia quæ haberi possit, non autem quæ habeatur; aliter omnem penitus ignorantiam a peccato excusarent, quod longe lateque distare ab eorum principiis supra ostendimus.

Obijcies auctoritatem R. Thomæ hæc scribentis quodlib. 3. art. 8. *Cum aliquis nescit fornicationem esse peccatum, voluntarie quidem facit fornicationem, sed non voluntarie facit peccatum*. Atqui voluntarium est de ratione peccati; ergo ad peccandum formaliter requiritur notitia peccati.

Dist. min. Voluntarium est de ratione peccati, hoc est, qui peccat debet intendere actum, C. debet intendere malitiam actus N. id unum itaque vult S. Thomas tunc hominem qui nescit fornicationem esse peccatum, voluntarie non facere peccatum, hoc est, non intendere rationem peccati & malitiam quæ reperitur in fornicatione; sed non ideo dotet ejusmodi fornicationem non esse peccatum: audiatur quodlib. 8. qu. 6. art. 15. *Quandocumque, inquit, error conscientie non habet vim absolvendi vel excusandi, quando scilicet ipse error peccatum est, ut cum procedit ex ignorantia ejus quod quis scire tenetur & potest; sicut si crederet fornicationem simplicem esse peccatum veniale, & tunc quamvis crederet se peccare venialiter, non tamen peccaret venialiter, sed mortaliter*.

Instabis in quæstionibus disputatis de veritate, quæst. 15. art. 4. ad 10. sic S. Thomas: *Antequam ratio delectationem perpendat vel nocumentum ipsius non habet interpretativum consensum, etiamsi non resistat; ergo ad peccatum quod non committitur sine interpretativo saltem consensu, requiritur advertentia ad delectationem & nocumentum ipsius seu malitiam*.

Nego consequ. Etenim S. Thomas non utitur particula copulativa, & quasi ante consensum exigit, ut ratio perpendat delectationem & nocumentum; sed utitur, ut videre est, particula disjunctiva, vel, ut scilicet innuat alterutrum sufficere ad consensum interpretativum. Nec obest quod utrumque copulat dicens, *Sed quando jam perpendit ratio de delectatione insurge te & de nocumento consequente, utpote cum percipit homo se totaliter per hujusmodi delectationem in peccatum incinari, &c.* Hæc enim posterior propositio vera est cum particula continua, prior vero intelligi debet, ut exprimitur cum particula disjunctiva.

Obijcies: Omne peccatum debet esse voluntarium; sed actus qui non fit ex notitia legis & advertentia malitiæ non est voluntarius: siquidem voluntarium est illud, quod fit a principio cognoscente singula in quibus est actio. Sed in illa hypothese actio non fieret a principio cognoscente singula, hoc est singulas circumstantias quæ ad actionem pertinent, ut per se patet; quandoquidem fieret & sine cognitione Dei & legis, & sine advertentia ad offensam Dei & malitiæ peccati; ergo ejusmodi actio non foret voluntaria, proindeque nec peccatum.

Dist. maj. Omne peccatum debet esse voluntarium directe, vel indirecte, C. directe semper, N. tunc aliquid est voluntarium, aut potius volitum directe, quando per se ipsum expresse & immediate intenditur a voluntate, tunc

vcto

vero aliquid est volitum indirecte, quando volitum censetur in alio, ut, v. g. in sua causa. Revera omne peccatum debet esse volitum saltem indirecte, in alio nempe quod fuit expresse volitum; sed non debet esse volitum directe, expresse & per se ipsum immediate. Porro quando non adest peccati notitia, seu ad peccati malitiam advertentia, peccatum non est quidem volitum actu directo & expresse voluntatis; quo voluntas velit committere illam actionem quatenus est Dei offensio, Dei amicitiam dissolvens; sed volitum est indirecte seu in negligentia quae causa est illius inconsiderantiae; quod sufficit, ut aperte docet S. Thomas 1. 2. q. 6. art. 8. *Alio modo*, inquit, dicitur ignorantia voluntaria ejus quod quis potest scire & debet, sic enim non agere & non velle voluntarium dicitur. Hoc igitur modo dicitur ignorantia, sive cum aliquis actu non considerat quod considerare potest & debet, quae est ignorantia male electionis, vel ex passione, vel ex habitu proveniens; sive cum aliquis notitiam quam debet habere, non curat acquirere; & secundum hunc modum ignorantia universalium juris, quae quis scire tenetur, voluntaria dicitur, quae super negligentiam proveniens. Clariora sunt haec quam ut ulla explanatione indigeant.

Quod autem voluntarium dicitur esse id quod fit a principio cognoscente singula in quibus est actio, similiter distinguimus, quod fit a principio cognoscente aut actualiter aut virtualiter & interpretative; Et cognoscente actualiter, N. nimirum sufficit ut actus censetur voluntarius, quod agens circumstantias aut saltem peccati malitiam advertere possit quando peccat, & neutriquam necesse est ut ad eum actum & de facto animum advertat; tunc autem actus erit voluntarius, non quidem in se & directe, sed in culpa & negligentia, propter quam ad id non advertit agens ad quod poterat advertere. Vel

dici potest istam definitionem voluntarii, quae trita est apud Philosophos, esse potissimum intelligendam de eo quod expresse & directe per actum formalem voluntatis intenditur.

Quoniam & cum nonnulla restrictione accipi debeat praefata voluntarii definitio; neque enim ut actus censetur voluntarius, requiritur semper ut agens cognoscat actum & expresse singula in quibus est actio; hoc est, ut cognoscat actualiter & simul objectum, finem & circumstantias; si quis enim, v. g. cibum aliquem minime prohibitum manducaret, quem putaret esse prohibitum & illicitum, sine dubio peccaret, & ejusmodi actio censetur esse voluntaria, tamen si agens non cognosceret singula in quibus est actio, siquidem non cognosceret objectum, putans se quidquam mali agere, quod tamen bonum est & licitum; unde sequitur istam definitionem, quam in praesenti controversum tanti faciunt adversarii, paulo latius accipi debere.

Instabis: Omne voluntarium vel etiam virtualiter tantum & interpretative, si non importet actum expresse voluntatis, saltem supponit actum cognitionis; nihil enim volitum quocunque modo, quin praecognitum; quia nempe eatenus aliquid volitum est virtualiter & interpretative, quatenus debuit esse volitum actu ab aliquo agente, ita ut ex ejus culpa solum & negligentia sit, quod non fuerit actu volitum; sed quod non fuit praecognitum non debuit esse volitum, nec culpa vertitur cuiquam homini quod non fuerit volitum, quia nempe nunquam potuit esse volitum; ergo nequidem voluntarium virtualiter & interpretative censetur quod non fuit praecognitum; adeoque nisi supponatur praecognita peccati malitia, peccatum censeri non potest voluntarium nequidem virtualiter & interpretative.

Dicitur maj. Saltem supponit actum cognitionis per quem cognoscatur actus & C. per

C. per quam cognoscitur malitia actus, N. revera voluntarium supponit cognitionem actus, quo sensu vulgo dicitur nihil volitum quin præcognitum, voluntarium enim fit a principio cognoscente, adeoque saltem cognoscente actum qui exercetur; sed non supponit cognitionem malitiæ; unde ex S. Augustino lib. 1. Retract. cap. 15. sufficit ad peccatum quod sit voluntarium voluntate facti, necesse non est ut sit voluntarium voluntate peccati.

Vel aliter respondeo: Omne voluntarium supponit actum cognitionis, quæ revera habeatur vel haberi possit, C. quæ actu semper habeatur, N. aliter nullum unquam committeretur peccatum omissionis; nullum fieret ex ignorantia & ex conscientia erronea; in illis enim casibus plerumque nulla præcessit cognitio, nullum dubium, nulla suspicio de malitia actionis; quamobrem ut aliquis actus sit voluntarius, sufficit quod in agentis potestate fuerit cognoscere singula in quibus est actio: *Dicendum*, inquit S. Thomas 1. 2. q. 6. art. ad 3. quod eo modo requiritur ad voluntarium actus cognitionis sicut & actus voluntatis: ut scilicet sit in potestate alienius considerare & velle & agere: sicut non velle & non agere, cum tempus fuerit, est voluntarium, ita etiam non considerare.

At, inquires, si malitia peccati non sit cognita a peccante, eatenus non erit volita, ut enim aiunt, ignoti nulla cupiditas; sed si non est volita inde sequitur eam non pertinere ad peccatum, totum enim peccatum in voluntate consummatur; igitur malitia peccati debet esse cognita.

Dist. maj. Eatenus non erit volita directe & expresse, C. indirecte saltem, N. nam peccans vult actum cui malitia conjuncta est, unde actus est voluntarius voluntate facti, non voluntate peccati; in illo autem casu voluntas non fertur ad ignotum simpliciter, quandoquidem movit actum, etiamsi minime

noverit peccatum. Ita S. Thomas quest. 76. art. 1. ad 3. *Dicendum*, inquit, quod in illud quod est quantum ad omnia ignotum, non potest ferri voluntas; sed si aliquid est secundum aliquid notum, & secundum aliquid ignotum, potest voluntas illud velle. Et hoc modo ignorantia est causa peccati, sicut cum aliquis scit hunc quem occidit esse hominem, sed nescit eum esse patrem: vel cum aliquis scit aliquem actum esse delectabilem, nescit tamen eum esse peccatum. Quamobrem ad peccandum vere formaliter & Theologice, necesse non est ut peccatum cognoscatur sub ratione peccati; sufficit quod cognoscatur sub ratione actus, quo quidem posito voluntas etiam fertur in peccatum saltem indirecte.

Instabis: Ex concessis ad peccandum formaliter requiritur advertentia ad actum; ergo similiter requiritur advertentia ad malitiam peccati.

Nego conf. & par. Ratio disp. est quia si non adesset saltem advertentia ad actum, ejusmodi actus non esset proprie humanus, cum aliquo scilicet iudicio & deliberatione elicitus: sed actus qui non esset proprie humanus & cum aliquo iudicio elicitus, non posset habere rationem peccati; unde infantes, amentes & dormientes peccati non redarguuntur, quando agunt quidpiam contra legem: sed actus erit humanus & cum iudicio sufficienter elicitus, quamvis non adsit advertentia ad malitiam peccati; erit enim voluntarius voluntate facti; igitur licet requiratur ad peccandum advertentia ad actum, neutiquam tamen requiritur advertentia ad malitiam peccati.

Est autem hic observatione dignissimum inadvertentiam ad actum non semper excusare ab omni peccato, quoties nempe voluntaria est saltem indirecte, neque enim quæcumque facti ignorantia est invincibilis, adeoque inculpabilis; si quis enim inter venandum loco feræ occidat amicum cum aliqua negligentia quam

quam depellere potuit, is profecto a culpa excusari non potest, quia si studiosius ad factum circumspexisset, amicum non occidisset; unde S. Thomas 2. 2. q. 19. art. 6. sic habet; *Si sit error qui causat involuntarium proveniens ex ignorantia alicujus circumstantie (absque omni negligentia.) Tunc talis error rationis vel conscientie excusatur, ut voluntas concordans rationi non sit mala.*

Sciri tamen debet tunc sufficientem in factis adhiberi diligentiam, quando moralis adhibita fuit, quamvis forte major adhiberi potuisset; unde culpandus non venit Jacob, cum ad Liam ingressus est, licet majori adhibita diligentia ad factum dignoscendum, sibi illud fuisse detexisset; quia nempe insolita fuisset ejusmodi disquisitio, quæ vel a piis & timoratis hominibus adhiberi non solet.

Instabis: Tunc peccatum non est sufficienter voluntarium, cum homo laborat ignorantia invincibili, nesciens an peccet necne: sed qui non cogitat de malitia suæ actionis, ita ut ne minimo quidem dubio vel suspitione pulsatur; tunc ignorat invincibiliter ejusmodi peccatum, nesciens an peccet necne: siquidem peccatum ignoratur invincibiliter, cum peccati notitia est omnino impossibilis: atqui peccati notitia est omnino impossibilis, ei scilicet qui de illa ne minimam habuit suspicionem, ne minimam cogitationem; quemadmodum enim docent Philosophi, rei alicujus notitia pendet a prima ejus cogitatione, quæ quidem cogitatio, vel casu contingit homini vel a Deo infunditur; ita ut in hominis potestate non sit eam habere: *Nemo habet*, inquit S. August. lib. de Spir. & Litt. cap. 33. *in potestate quid ei venit in mentem*; ergo.

Nego min. quia nempe qui non cogitat de malitia suæ actionis & circa illam nullo pulsatur scrupulo, nulla dubitatione, in hoc ipso culpa non vacat quod non cogitet, quod non advertat,

quod non dubitet; cogitaret enim vel saltem dubitaret, si perfecte legem cognosceret; legem vere cognosceret si veritatem studiosius inquireret. Quod autem dicunt primam cogitationem non esse in potestate hominis, respondemus non esse quidem nos sufficientes *quicquam cogitare a nobis quasi ex nobis*, ut ait Apostolus, hoc est, ex propriis viribus sine Dei gratia operantes; sed idem posse, si divinæ gratiæ illustranti & moventi non resistamus; *sufficientia enim nostra a Deo est.*

Instabis: Revera qui non cogitat de malitia suæ actionis ex negligentia culpabili, peccabit ratione hujus negligentiae, per quam contraxit præfatam impotentiam cognoscendi legem, sed saltem non peccabit deinceps peccato novo, formali & distincto ab illa negligentia; quemadmodum si famulus oculos sibi eruerit, ita ut non possit amplius imperio Heri obtemperare, culpam quidem debet quod sibi oculos eruerit, sed impotentia invincibili semel contracta Heri mandatis obtemperandi, profecto nemo est qui ei deinceps inobedientiam imputet ut culpabilem.

Nego ant. Ea quippe propositio hoc falso nititur principio, quod novo peccato & ab impotentia prius contracta distincto non peccet, quisquis necessitatem quandam peccandi; vel etiam voluntarie & libere contraxit; ita ut nullum imputetur novum peccatum, & sola imputetur negligentia quæ causa est impotentiae bene agendi. Inde enim sequeretur hominem qui vel ex prava peccandi consuetudine, vel integra legis oblivione, vel demum ex iterato Dei contemptu scelera quæque gravissima committeret, ab omni tamen formali & Theologico peccato excusatum iri; nec majores promeriturum poenas, quam si nulla penitus admisisset; sequeretur, v.g. obduratos ob cordis sui obdurnationem a cæteris deinceps peccatis excusandos esse; ita ut eis nihil imputaretur præ-

præter ipsam obdurationem; sed longe aliter sentit Christus Dominus; qui verba faciens de Judæis, qui propterea non poterant credere, quia excæcavit oculos eorum & induravit cor eorum, ut non viderent oculis & non intelligant corde, sic pronuntiat, *Nunc autem*, inquit Joann. 15. *excusationem non habent de peccato suo*. Quo fit ut non solum voluntaria excæcatio peccato deputetur, sed & quicquid iniquitatis ad illam coequequitur.

Hujus veritatis testem habemus Pharaonem, qui novo peccato excæcationem & obdurationem sequentem se peccasse facit Exod. 9. *Misit Pharaos & vocavit Moysen & Aaron dicens ad eos, Peccavi etiam nunc, Dominus iustus & Ego & populus meus impii*. Et paulo post: *Videns autem Pharaos quod cessasset pluvia & grando & tonitruum, auxit peccatum*. Et cap. 10. *Quia mox festinus Pharaos vocavit Moysen & Aaron, & dixit eis (peccavi) in Dominum Deum vestrum & in vos. Sed nunc dimittite peccatum mihi etiam (hæc vice.)*

Unde S. Aug. lib. 1. Retract. c. 15. præclare hæc scribit: *Qui cogenti cupiditati bona voluntate resistere non potest, & ideo facit contra præcepta iustitia, jam hoc ita peccatum est, ut sit etiam poena peccati*. Et docet S. Thomas 1. 2. q. 76. art. 4. ebrum quando peccat, duplici plerumque peccati reum, scilicet ebrietatis ipsius, & alterius quod in ebrietate committit. *Ebrius*, inquit, meretur duplices maledictiones propter duo peccata quæ committit, scilicet ebrietatem, & aliud peccatum quod ex ebrietate sequitur. Ex quibus aperte colligitur peccata quæ subsequuntur ex aliqua bene agendi impotentia voluntarie & libere contracta, esse vero nomine peccata quæ per se imputentur; adeoque non modo negligentiam animum advertendi ad malitiam actionis esse culpabilem, sed & nova ac distincta esse peccata,

quæcunque sunt contra legem ob præcedentem illam negligentiam.

Obijcies: Quo quis minorem adhibet advertentiam ad malitiam peccati, eo levius peccat; quo majorem vero, eo gravius peccatum committit; ergo inferri debet nullum prorsus esse peccatum, quando nulla prorsus adeit advertentia; quia nempe, ut ajunt Dialectici, se habet simpliciter ad simpliciter, sicut secundum quid ad secundum quid; unde cum uno diminuto alterum minuat, eodem penitus sublato & illud tolli omnino necesse est.

Nego cons. Ea quippe falsa est eo præcise quod advertentia, actualis scilicet de qua nunc agimus, est circumstantia minime essentialis, sed accidentalis peccato: scilicet quia advertentia ad malitiam peccati est circumstantia respectu peccati, sequitur inde ex illa adjuncta aut majori aut minori gravius aut levius esse peccatum, ex circumstantia enim vel etiam accidentali aggravatur aliquando peccatum, & in aliam speciem transferri potest; unde mirum videri non debet si eo levius aut gravius peccet quis, quo majorem vel minorem adhibet advertentiam ad malitiam peccati; sed quia ejusmodi advertentia ad malitiam peccati, est accidentalis, non essentialis, quod satis superque in hacce nostra dissertatione ostensum est, nequaquam sequitur cum qui nullam adhibet advertentiam, non peccare: ita enim ad peccandum requiritur, ut quamvis omnino desit veritas mentis & Theologicum admittatur peccatum. Id exemplo illustrari potest; certum est cum qui peccat, v. g. qui fornicatur, eo gravius vel levius peccare, quod majus vel minus inde oritur scandalum & offensivum; haud dubie tamen pessime argumentaretur, quilibet colligeret nullum esse peccatum, ubi nullum esset scandalum; quia nempe scandalum respectu fornicationis est circumstantia accidentalis, eo quod est circumstantia, aggra-

vat peccatum, sed quia est circumstantia accidentalis, si omainodefit, fornicatio non definit esse peccatum.

Atque hinc facile responderetur ad præfatum axioma, *se habet simpliciter ad simpliciter, sicut secundum quid ad secundum quid*; id enim locum habet tantum, quando illud quod se habet simpliciter, est essentialiter &c. necessarium absolute; hinc, v. g. quia exercitium virtutum essentialiter est sanctitati, sic liceat argumentari, Eo major est vel minor sanctitas in homine, quo majus est vel minus exercitium virtutum; ergo ubi nullum plane est virtutum exercitium, nulla quoque censetur esse sanctitas, per me, inquam, sic argumentari licet; quia nempe ad sanctitatem necessarium est absolute virtutum exercitium; secus vero si ejusmodi axioma essetur in materia contingenti, ut patet ex adductis superius exemplis.

Ex quibus perspicuum est, quid sit respondendum ad aliud simile argumentum quod proponunt adversarii: Aliqua peccata, inquit, sunt venialia ex imperfectione actus, veluti quando sub-

orientur motus vel actus de objecto moraliter malo, quibus vel in se, vel in sua causa precedente voluntas aliquo modo consentit, sed imperfecte, sive propter rationis advertentiam non satis plenam, sive propter imperfectum libertatis usum actualem, sicut accidit in semi-dormientibus, seu non plane excitatis a somno; ac etiam in iis qui perfecte vigilant, dum ex improbo, cum aliqua tamen negligentia inveniunt ad odium, ad invidiam aut ad alia peccata secundum se mortalia, sed quibus non omnino deliberare consentiunt; ergo ubi nulla prorsus adest advertentia ad malitiam peccati, nullum peccatum est.

Cui objectioni satisfit aperte, cum responderetur quod modo dictum est, majus quidem vel levius esse peccatum pro majori vel minori advertentia peccantis ad malitiam peccati, quia advertentia est circumstantia quæ vel mutare potest actus humani speciem, sed inde colligi non posse nullum omnino esse peccatum, ubi nulla adest advertentia, quia nempe ejusmodi advertentia non est circumstantia essentialis peccato.

TRACTATUS DE LEGIBUS.

NOMEN Legis derivatum videtur vel a legendo, quia nempe, ut nonnulli volunt, scripta legitur, ut testatur Isidorus lib. 2. Etymologiarum c. 10. & l. 5. c. 3 ubi hoc assignat discrimen inter jus & legem, quod lex sit constitutio tantum scripta, jus autem vel etiam humanum moribus receptum sit. Vel derivatur a delegendo, ut ait Cicero, 1. de Legibus: Legem, inquit, illi græco putant nomine vocare a suum cuique tribuendo appellatam, ego nostro a legendo; nam ut illi æquitatis, sic nos delectus vim inlege ponimus, & proprium tamen utrumque legis est. Vel denique sic dicitur a ligando, ut docet S. Thomas initio tract. de Legibus, hoc est 1. 2. q. 90. art. 1. dicitur Lex, inquit, a ligando, quia obligat ad agendum.

Trita est apud omnes hæc definitio legis qua definitur a S. Thoma art. 4. citatæ quæst. *Rationis ordinatio ad bonum commune ab eo qui curam communitatis habet, promulgata.*

Dicitur *ordinatio rationis*, quia, ut ait art. 1. Lex est aliquid pertinens ad rationem, est regula & mensura actuum: regula autem & mensura humanorum actuum est ratio, rationis quippe est ordinare ad finem qui est primum principium in agendis.

Additur *ad bonum commune*, quia, ut ait art. 2. cum ultimus finis humanæ vitæ sit felicitas seu beatitudo, oportet, ut lex maxime respiciat ordinem qui est in beatitudine; cum autem omnis pars ordinetur ad totum, unus autem homo sit pars communitatis perfectæ, necesse est, ut lex proprie ordinem habeat ad felicitatem communem, adeoque sit ad bonum commune.

Dicitur tertio, *ab eo qui curam communitatis habet*, quia ut explicat art. 3. lex proprie primo & principaliter respicit ordinem ad bonum commune; ordinare autem aliquid in bonum commune est vel totius multitudinis, vel alicujus gerentis vicem totius multitudinis; & ideo condere legem vel pertinet ad totam multitudinem, vel pertinet ad personam publicam quæ totius multitudinis curam habet; unde lex differt a præcepto, quale, v.g. filiis suis imponit paterfamilias.

Denique additur *promulgata*, quia, ut ait idem S. Thomas art. 4. ut lex virtutem obligandi obtineat, quod est proprium legis, oportet ut applicetur hominibus, qui secundum eam regulari debent; talis autem applicatio fit per hoc quod in notitiam eorum deducitur ex ipsa promulgatione: unde lex debet esse promulgata.

De ista definitione ut ingenue dicam quod sentio, non videtur omnino accurata ad explicandam legem in universum, nec quælibet illius pars omni legi convenire potest: 1. quia lex naturalis proprie non est ordinatio rationis, non est opus rationis, sed ipsa potius natura rationalis: 2. quia neque eadem lex naturalis non fit a multitudine, nec ab eo qui curam habet multitudinis: 3. quia nec legi æternæ, nec legi naturali convenit promulgatio; siquidem lex æterna promulgari non potest, cum sit ipsa Dei ratio suprema; lex vero naturalis promulgatione non eget: ex quibus sequitur hanc definitionem proprie non competere nisi legi positivæ.

Legem in universum sic aliter definiunt nonnulli cum eodem S. Thoma art. 1.

art. 1. ejusdem questionis: *Est regula quadam aut mensura actuum humanorum, per quam ad id quod rectum est, agendum, & quod primum est omittendum, dirigimur*. Quæ definitio eo nomine videtur alteri præferenda, quod omni & cuilibet legi applicari potest.

Dividitur primo lex in æternam, naturalem, & positivam. Positiva deinde alia est divina, alia vero humana. Humana iterum duplex, Ecclesiastica nempe, & civilis.

Lex æterna est summa ratio Dei: *qua iustum est*, inquit S. August. lib. 2. de lib. arb. c. 6. *ut omnia sint ordinatissima*: est ipsa Dei ratio, quæ quidem ei dicat quid sit bonum quidve malum, quid præcipiendum, quid vetandum.

Lex naturalis quæ & recta ratio, & lumen naturale vocatur, est dictamen quoddam rectæ rationis mentibus nostris a natura impressum, quo quis boni & mali discernendi sit capax.

Lex positiva est ordinatio rationis in bonum commune ab eo qui curam habet communis utilitatis promulgata, cujus definitionis singulas partes modo explicuimus. Divina dicitur si lata sit & promulgata a Deo: eaque duplex distinguitur, nempe vetus quæ data fuit *Judeis* ante Christum; & nova, quæ ab ætate Christi per orbem universum publicata fuit. Tum vero humana dicitur lex, quæ ab hominibus potestatem habentibus conditur: Ecclesiastica quidem si ab Ecclesiæ Pastoribus; civilis autem si ab iis præscribitur qui civili & politica auctoritate in Republica poliunt.

Præsumamus autem de unaquaque ex istis legibus sigillatim dicamus, nonnulla veniunt pertractanda, quæ ad legem in communi spectant.

Primo quidem inquirendum, an lex proprie sit actus intellectus, an voluntatis.

Secundo, utrum lex omnis necessario feratur ad bonum commune.

Tertio, cujus sit legem condere & præscribere.

Quarto, an ipsi essentialis sit promulgatio.

Quinto demum dicemus de interpretatione, tractaturi postea de acceptance legis, ubi de lege humana; certum est enim non requiri acceptance pro quacumque lege, sed tantum pro humana.

Utrum Lex sit actus intellectus, an voluntatis.

Q Uæstio est de lege prout actus quidam in Legislatore, certum est enim nomen legis aliquando spectari prout est in subdito obtemperante; estque regula & mensura ejus actionum. Lex insuper nonnunquam sumitur pro signo aliquo externo, qualis est Scriptura per quam lex nota sit hominibus. Denique lex sumitur pro vigore quodam seu vi obligandi subditos, quæ remanet per modum habitus post sufficientem legis promulgationem; unde fluxit hoc Jurisconsultorum effatum, *Lex semper loquitur*. Sed legem hic spectamus prout est actus Legislatoris legem præscribentis; & queritur an sit in eo actus intellectus vel voluntatis.

Certum est præterea legem pertinere simul ad intellectum & ad voluntatem, quod vel ipsæ declarant Scripturæ; ad intellectum quidem Psal. 18. *Præceptum Domini lucidum illuminans oculos*. Psal. 118. *Lucerna pedibus meis verbum tuum*. Ad voluntatem vero Psal. 39. *In capite libri scriptum est de me, ut faciam voluntatem tuam*, hoc est, legem. Et ratio est, quia duo potissimum occurrunt in lege, actus nempe rationis, quo videt & judicat Legislator quid sit præcipiendum, quid vetandum, & insuper imperium quo præcipit quæ sunt bona, & prohibet quæ sunt mala; qui quidem ambo actus, ut per se patet, pertinent ad intellectum & voluntatem; prior qui-

quidem ad intellectum, posterior vero ad voluntatem.

Sed quaritur an lex magis proprie pertineat ad intellectum quam ad voluntatem, aut e contra, an proprie ipsa sit actus intellectus habens adjunctum voluntatis imperium, vel sit magis proprie actus voluntatis præsupponens actum rationis dirigentem.

Volunt multi post S. Thomam, legem esse actum intellectus, non quidem prout est simplex iudicium quo iudicatur. aliquid esse bonum vel malum; nemo enim dixerit, inquit, ejusmodi iudicium Principis antequam velit subditos obligare, esse legem; sed illud intelligunt de actu iudicii quo proponitur & intimatur mandatum Legislatoris, qui quidem actus sequitur actum voluntatis. Docent alii legem magis proprie dici positam in actu voluntatis, quorum sententiam amplectimur.

CONCLUSIO.

Lex proprie est actus voluntatis. Lex quippe est ille Legislatoris actus quo potest obligare subditos ad agendum aut non agendum: atqui solus voluntatis actus obligare potest subditos ad agendum aut non agendum; eatenus enim Legislator obligat subditos ad agendum aut non agendum, quatenus vult, imperat, præcipit aliquid esse agendum vel non esse agendum; unde ab omnibus fere Theologis lex definitur. Ordinatio rationis imperantis honesta, & prohibentis contraria: atqui præcipere & prohibere sunt actus voluntatis, quia iusto præcipua est in imperio, imperium autem præcipuo jure voluntatis tribui debet; igitur lex magis proprie est actus voluntatis in Legislatore. Quamobrem cum subditi legibus obtemperant, dici solent conformare se voluntati Legislatoris; unde etiam Princeps statuens aliquam legem, actum volun-

tatis non actum intellectus arguit his verbis, Sic volo, sic jubeo, &c.

Id porro solum intelligimus de lege positiva, ut facile videre est; lex enim æterna nullum importat actum voluntatis hominibus intimatum, & eatenus Deus non dicitur Legislator; lex autem naturalis est potius natura ipsa rationalis, quam actus vel intellectus vel voluntatis; unde superest hanc nostram conclusionem intelligi debere de sola lege positiva.

Obijcies: Lex est regula agendi vel non agendi: atqui regula agendi vel non agendi est opus rationis, vel ipsa ratio; ergo lex est potius intellectus quam voluntatis.

Dist. maj. Lex est regula agendi & non agendi, remota, C. regula proxima, N. In subdito legem adimpleto duplex assignatur regula: remota quam illum remote & extra ipsum posita ad bonum finem dirigit; & proxima quam est ipsa ratio naturalis & conscientia ad cujus normam sibi legem applicat: equidem lex a Legislatore præscripta, est regula agendi & non agendi remota, sed non est regula proxima in subdito. Porro regula proxima agendi vel non agendi est quidem ratio naturalis in quolibet subdito, sed istud dici non potest de regula remota agendi vel non agendi; quandoquidem nihil aliud est quam imperium, & mandatum Legislatoris, adeoque in eo actus voluntatis.

Obijcies: Lex definitur ordinatio rationis: sed ordinatio rationis est actus intellectus non voluntatis; ergo.

Dist. maj. ordinatio rationis directive, C. formaliter, N. Scilicet lex dicitur ordinatio rationis, quatenus est imperium Legislatoris iustum & per rationem ordinatum; non autem quasi sit formaliter quoddam cognitio, vel etiam iudicium; cognoscere enim vel etiam iudicare quid sit bonum quidve malum, quid præcipiendum quidve prohibendum, non censetur idem esse ac ferre legem.

Utrum

*Utrum Lex omnis feratur in
bonum commune.*

Dico omnem legem in bonum commune institui debere, ita Sanctus Thomas loco supra citato. Siquidem se habet Princeps in regno, vel quivis alius in Republica cuius gerit curam, sicut Paterfamilias in sua domo: sed pro officio tenetur Paterfamilias publicæ tranquillitati suæ domus invigilare; ergo & Princeps in Regno suo. Sed non aliter quam legibus quas instituit, Princeps vel quivis alius potestatem habens publicam, tranquillitatem procurare potest; igitur lex omnis lata ab eo qui communitatis curam gerit, ferri debet in bonum commune.

Id rursus ostenditur enumeratione facta cujuscunque legis. Nam lex æterna, cum sit ipsa Dei ratio suprema, eundarumque legum veluti mater & radix, universa bona complecti videtur. Naturalis omne bonum præcipit, omne malum prohibet. Positiva, si sit divina, vetus est vel nova: vetus spectabat omnium Judæorum utilitatem; nova omnium Christianorum commodum: si sit humana, vel Ecclesiastica vel est Civilis, ut dictum est: Ecclesiastica ferri debet in ædificationem populi Christiani; Civilis demum in publicum totius regni commodum.

Quamobrem aperte significant Scripturæ Principes alioque publicam auctoritatem habentes, ideo tantum constitutos esse super cæteros homines, ut publicis rebus non suis commodis studeant. Deuter. cap. 17. sic loquitur Deus: Cum fueris constitutus Rex, non multiplicabis sibi equos, nec reducet populum in Ægyptum, equitatus numero sublevari; non habebit uxores plurimas, quæ alliciant animum ejus, neque argenti & auri immensa pondera.

I. Reg. cap. 8. cum populus Israeli-

ticus a Samuele Regem postulasset, jussu Dei declarat eis Samuel quo pacto sua auctoritate abuti solent plerique Reges, ut scilicet ab ejusmodi postulatione Israelitas deterreat; *Hoc erit jus Regis*, id est, id juris sibi arrogabit Rex, qui imperaturus est vobis; filios vestros tollet & ponet in curribus suis, facietque sibi equites & præcursores quadrigarum suarum, & constituet sibi tribunos & centuriones & aratores agrorum suorum, & messores segetum, & sabros armorum & currum suorum. Filias quoque vestras faciet sibi unguentarias & focarias & panificas. Agros quoque vestros & vineas & oliveta optima tollet & dabit servis suis &c.

Idem passim legitur de potestate Ecclesiastica, Ezechiel. cap. 34. *Ve Pastores Israel qui pascabant sanctos ipsos: nonne greges a Pastoribus pascuntur? Lac comedebatis & laus operiebamini, & quod crassum erat occidebatis, gregem autem meum non pascbatis. Quod infirmum fuit non consolidastis, & quod ægrotum non sanastis; quod confractum est non alligastis, & quod obiectum est non reduxistis, & quod perierat non quaesivistis, sed cum austeritate imperabatis eis & cum potentia.*

Unde Apostolus ad Hebræos cap. 13. *Obedite, inquit, præpositis vestris & subiacete eis; ipsi enim pervigilant, quasi rationem pro animabus vestris reddituri, ut cum gaudio hoc faciant & non gementes.* Quibus verbis significat munus præpositorum esse cæterorum hominum commodis invigilare, quæ etiam ex causa non tam Domini dicuntur in aliis Scripturæ locis, quam Dei ministri, Sapientiz 6. cap. *Cum essetis ministri Regni ejus, non recte judicastis; & Rom. 13. Ministri enim Dei sunt in hoc ipsi servantes.*

Quibus certe consentanea sunt quæ passim scribunt SS. Patres, quorum testimonia in re tam facili molestum esset huc afferre: consulantur S. Clemens, Alex.

Alex. lib. 3. Pædag. c. 4. S. Basil. homil. in principium Proverb. S. August. lib. 9. de Civit. Dei cap. 21. S. Gregor. M. in cap. 8. lib. I. Reg. Insigne est quod scribit S. Bernardus ad Eugenium Papam lib. 3. de consid. cap. 3. *Principem te constituerunt, inquit, sed sibi non tibi. Alioqui quo pacto te reputas superiorem his, a quibus beneficium mendicis? Audi Dominum: Qui potestatem habent super eos, beneficii vocantur. At illud de his qui foris sunt, quid ad nos? Tu id mendaciter dixeris, si non tam beneficiis esse quam beneficiis præesse intendas. Parvi despectuque animi est, de subditis non profectum querere subditorum, sed quæsum proprium.* & cap. 4. *Ubi etiam meminisse te volo parabola. Nathan de homine qui multas oves habens, unam quæ erat pauperis, concipivit. Huc quoque veniat factum, imo facinus Regis Achab, qui verum summam tenebat, & unam vineam affectavit. Avertat Deus a te, quod ille audivit, Occidisti & possedisti.* Legi potest quæ in eundem finem scribit S. Thomas lib. 3. de eruditione Principum c. 3. & opusculo 21. quod est ad Ducissam Brabantie.

Obijcies: Quamplurimæ citari possunt leges quæ ad sola privatorum commoda referri videntur. Cujusmodi sunt leges quæ uni datur: sine Adamo dum solus debebat in terris. Cujusmodi lex qua unicuique statutum est vitam suam conservare. Cujusmodi lex qua tenetur fratrem data occasione fratrem corripere. Cujusmodi leges vestigialium, quæ non nisi ad onus Reipublicæ exiguntur a Principe. Cujusmodi lex præscriptionum quæ in civium nocumentum plerumque vertunt. Cujusmodi tandem lites de insligendis penis afflictivis, quæ ad mortem unius rei tendunt; ergo falsum est omnem legem ferri necessario in commune bonum.

Respondet, nullam esse existis legem quæ primo & per se non tendat in bonum commune.

Ac primo quidem dico leges omnes quæ præscriptæ sunt Adamo seu in ordine naturæ seu in ordine gratiæ, illum spectasse prout summum totius generis humani caput, adeoque in bonum publicum latas; quocirca cum præscriptam Dei legem transgressus fuisset primus parens, manavit inde in omnes & singulos homines peccatum originale.

Ad secundum respondeo, legem, qua unicuique præscriptum est: vitæ suæ consulere, ferri potissimum in publicam utilitatem; nemo enim dubitare potest, quin Reipublicæ interfit plurimum; ut quisque vitam suam conservet vel etiam vim vi repellens; alioquin cum plurimis civibus brevi privaretur Reipublica, cito etiam ipsa periret.

Idem porro iudicium ferri debet de lege fraternæ correctionis; postulat enim bonum Reipublicæ ut ab ea vitium omne exulet; quod quidem fit per fraternam correctionem.

Ad legem vestigialium quæ quarto loco obijciuntur, respondeo ejusmodi legem vel esse justam, vel injustam; si injusta est, eo quod nempe sublato motivo publicæ utilitatis pro sola habendi libidine immensas pecunias exigat Princeps, jam non erit vera lex, sed deficiet in tyrannidem; si vero justa, est ejusmodi lex, cum nempe sunt exactiones pro honore Principis statu conservando, vel ad communem populorum utilitatem, tunc, ut per se patet, fertur ipsa in bonum commune.

Ad quantum dico similiter, legem præscriptionum quæ vim habet in materia civili ad procurandam civibus tranquillitatem rite institutam; tamen præter intentionem & legis & Legislatoris damno sit & nocumento privatæ alicui familiæ: si enim post 30. annos bonæ fidei possessionem intestuare liceret, nulla certe foret in bonorum possessione tranquillitas, tuncque perpetuo emergerent inter cives discordiæ.

Denique & in bonum publicum tendunt.

dunt leges, quibus decernuntur poenae afflictivæ; quia plurimum interest Reipublicæ, ut sceleratorum imperus coerceretur, qui nempe nihil non tentarent, nisi metu mortis vel alterius supplicii terrentur.

Objicies: Si lex omnis necessario posset ordinari in bonum commune, sequeretur inde, cessante communi utilitate, quæ lex foret motivum, cessare quoque legis obligationem: atqui tamen hoc falsum est; licet enim, v.g. aliquis privatus nosset optime Principem in suum proprium bonum vestigalia convertere, ab his tamen solvendis non esset immunis: Licet cessarent fraudes, ad quas vitandas lex instituta fuit irritas matrimonia clandestina, non desineret propterea legis obligatio; ergo lex omnis non fertur necessario in bonum commune.

Dist. maj. Cessare quoque legis obligationem, si publica auctoritate constiterit motivum legis cessare, C. secus, N. Non cessat igitur legis obligatio, tamen si cessare videatur scopus & motivum legis, nisi publica auctoritate id declaratur; quemadmodum, ut mox dicturi sumus, hæc ipsa lex vim antea non habuit in Republica, priusquam publica auctoritate intimaretur; aliter enim legis obligatio omnino penderet ab acceptione subditorum, penes quos esset illam ad nutum abrogare, ubi verisimiliter existimarent ejusmodi legis motivum cessare, quod quidem falsum esse infra docbitur.

Objicies: In utroque jure civili & Ecclesiastico duplex distinguitur legum genus: alie sunt generales; alie personales; ita in jure civili instit. lib. 1. titulo 2. de jure naturali gentium parag. 6. in jure Canonico decr. p. ult. caus. 19. q. 2. istud legimus ex Urbano Pontifice, *Dux sunt leges, una publica, altera privata.*

Respondet, Justinianum appellare leges personales quæ potius sunt privilegia

quam leges; privilegium enim dicitur, quasi privata lex, eaque melius censetur exceptio a lege quam lex. Quod autem in jure Canonico dicitur similiter leges distinguuntur, ibi nomine legis privatæ intelligitur divini Spiritus afflatus, quo quis ad agendum movetur; at id rationem legis non habet: Unde Urbanus Pontifex ibidem affirmat eam proprie loquendo legem esse quæ publica est.

Cujus sit legem ferre.

Dico leges ferre solius esse personæ publicæ, quæ communis curam gerit; ita S. Thomas art. 3. 1.^o quia, ut mox dictum est, in bonum commune Reipublicæ semper dirigi debet lex, quod proinde ab eo solo præstari potest qui ejusmodi Reipublicæ præest; 2. quia si quilibet privatus potestatem condendi leges sibi arrogaret, contraria plerumque præciperentur: quod certe magnum Reipublicæ præerit detrimentum. 3. quia expedit ut penes eum qui legem aliquam præscribit, sit potestas cogendi subditos ad illius observationem; aliter valde timendum erit ne frustra & incassum condita fuerit lex, vimque suam numquam obtineat.

Neque est quod in istam assertionem intellecta facillimè obijciatur id quod scribit S. Paulus ad Rom. c. 2. *Genes quæ legem non habent, naturaliter ea quæ legis sunt, faciunt, ipsi sibi sunt lex*, quasi mens Apostoli sit unumquemque potestatem habere condendi legem; ibi quippe, ut nemo non videt, agitur de lege naturali: cum autem dicimus solus esse personæ publicæ leges ferre, id solum intelligi volumus de lege positiva.

Neque dicas similiter patremfamilias potestatem habere condendi leges in domo sua, utpote qui cogendi vim habet & filios suos puniendi; constat enim patremfamilias non habere proprie loquen-

quando in filios potestatem coactivam iudicis ; unde non posset eos poenis afficere gravioribus , ut carcere , exilio , &c. eorum auctoritas æconomia est , non jurisdictionis , qualis residet in Iudicibus qui agunt & ipsi nomine Principis .

Quamobrem in universum dici potest esse penes Ecclesiæ Pastores , qui huiusce communis curam gerunt , leges Ecclesiasticas ferre , idque juris esse in Conciliis tum æcumenicis tum provincialibus , in Episcopis & eorum Vicariis generalibus , ac demum in universalibus . Quibus vero limitibus præscripta sit illorum omniump auctoritas in condendis legibus , alio tractabitur loco , ubi nempe de potestate Ecclesiastica ex professo dicemus .

Hinc etiam sequitur legum sæcularium condendarum potestatem esse penes eos Principes qui curam habent communis , tamen si sint ethnici vel hæretici : ait enim Christus , Lucæ 20. *Reddite ergo quæ sunt Cæsaris Cæsari , & quæ sunt Dei Deo* . Quod quidem ita demum intelligi debet , ut ad leges Ecclesiasticas condendas excurrere non possit eorum auctoritas .

An promulgatio sit essentialis legi .

NOtandum est primo quætionem non esse de lege æterna , facile enim intelligitur ejusmodi legem nunquam fuisse promulgatam , nisi qui vocum significatione abuti manifeste velit cum nonnullis Thomistis , qui ut præfatam legis definitionem , qua dicitur , *Ordinatio rationis in bonum commune ab eo qui curam habet communis promulgata* , omni penitus legi accommodent , dicunt post sanctum Thomam , legis alicujus promulgationem fieri dupliciter , & verbo & scripto ; utroque autem modo legem æternam ex parte Dei fuisse promulgatam : primum quidem verbo , cum nempe Verbum Dei ab æterno fuit genitum in sinu Patris ;

deinde libro vitæ , quia scriptura libri vitæ est æterna . Sed ejusmodi promulgatio , ut cuiuspiam manifestum est , est plane metaphorica ; nam promulgatio legis proprie dicta est intimatio & declaratio legis facta iis quibus præscribitur adimplenda : sed ab æterno denuntiata & declarata non fuit lex æterna , nullæ siquidem erant creature quibus denuntiaretur ; igitur ista promulgatio quam legi æternæ tribuunt Thomistæ , est omnino metaphorica .

Item notare est quætionem non esse de lege naturali ; certum est enim ejusmodi legem nulla indigere promulgatione , ut innotescat hominibus , quam scilicet mentibus nostris a natura impressam habemus . Unde status quætionis proposita debet solummodo intelligi de lege positiva .

Dicimus legem omnem positivam promulgari debere ut vim obligandi obtineat . Siquidem ut lex obliget debet innotescere : sed non innotescit nisi per promulgationem , tunc enim publicatur , denuntiatur , atque , ut ajunt , intimatur iis quibus præscribitur .

Adde quod lex in subdito est regula ejus actionum : sed non censetur regula nisi prius nata fuerit ; eatenus enim regula est , quatenus est in mente subditi , eique instar mensuræ admovetur , non autem prout est in mente Legislatoris . Unde tritum est illud Gratiani decret. dist. 4. *Leges instituuntur cum promulgantur* .

Atque id insuper declarari potest inductione facta cujuslibet legis positivæ ; quæ semper & in quavis ætate promulgata fuerunt , ut vim aliquam obtinerent . Lex divina vetus Moyse ministerio Judæis declarata fuit . Lex nova ope Apostolorum per totum orbem publicata . Quod idem certum est de humanis legibus & civilibus & Ecclesiasticis : cautum enim semper fuit & a Principibus tum Ethnicis tum Christianis , & a summis Ecclesiæ Pastoribus ,

bus, ut leges suas populis per provincias dispersis publice denuntiari juberent; id fufius ostenditur infra, ubi de legibus humanis Ecclesiasticis pertractabitur adversus quosdam Italos, qui satis esse putant ad constitutiones summorum Pontificum si Romæ promulgentur.

An vero his præsuppositis promulgatio dici debeat essentialis legi, vel solum conditio necessaria requisita ut lex obliget; utrum ante promulgationem cum nondum actu obligat, sit vere & proprie, vel solum imperfecte lex; qua de re disputant inter se nonnulli: haud dubie quæstiones sunt nullius momenti, quæ nos vel unico instanti retardare non debent.

De Interpretatione Legis.

Interpretatio legis nihil est aliud quam explicatio terminorum quibus continetur lex, ut scilicet cognoscant subditi quid per ejusmodi legem præscriptum sit, quid præcipiatur, quid prohibeatur, quid sit agendum, quidve fugiendum.

Duplex autem vulgo distinguitur legis interpretatio; alia est simplex, alia quæ dicitur per Epikiam, vel Epikia. Interpretatio simplex est mera legis explicatio, cujus necessitas oritur ex ignorantia subditorum qui verum & legitimum legis sensum sine interprete assequi non possunt. Epikia est explicatio legis per aliquam emendationis speciem; unde definitur ab Aristotele 5. Ethic. cap. 10. *Emendatio legis ex ea parte qua deficit propter universale*. Id oritur ex culpa Legislatoris, qui non prævidit omnes casus, in quibus lex quam præscripsit nociva esse potest: unde coguntur subditi judicare in his & illis casibus legem non obligare.

His præmissis quaeritur an omnis & quæcunque lex patiatur non modo simplicem interpretationem, sed & Epikiam.

Tomo V.

Certum est prima in omnem legem seu naturalem seu positivam, divinam & humanam, cadere simplicem interpretationem; siquidem simplex legis interpretatio est explicatio terminorum legis: atqui lex omnis eget explanatione, necesse est ut aperiat sensus cujuscunque legis; quandoque enim termini alicujus legis seu naturalis seu divinæ sumi debent literaliter, aliquando vero metaphorice, modo debent extendi ad plures casus, modo ad unum aut alterum restringi; in exemplum, v. g. adduceatur illud legis naturalis præceptum, *Non machaberis*, profecto ex nuda & simplici terminorum notitia, cuilibet non patebit hanc legem etiam ad eos extendi qui mulierem concupiscunt, quo sensum interpretatus est Christus Dominus Matth. 5. his verbis, *Qui viderit mulierem ad concupiscendum eam, machatus est eam in corde suo*.

Et similiter si sermo sit de lege divina, stando terminis legis, omne opus fœvere prohibitum est die Sabbathi; illud autem explicuit Christus cum declaravit non violari præfatam hanc legem, si ea die esurientes vellant spicas, si sanctus ægrotus, si alius educatur e fovea.

Certum est 2. in leges humanas non modo cadere simplicem interpretationem, sed & Epikiam. Siquidem, ut dictum est, Epikia est illa legis explicatio, qua judicamus legem in aliqua circumstantia particulari deficere; adeo ut, si hunc casum prævidisset Legislator, legem non tulisset: sed ejusmodi explicatio legum humanarum plerumque necessaria est ad publica commoda, in illis scilicet casibus in quibus lex si observaretur, nociva foret Reipublicæ, si enim, v. g. lege lata prohibuisset Princeps in toto late suo regno, ne quis noctu ferat arma, occurrat tamen evidens necessitas ad arma fugiendi, ut si fiat in aliquam civi-

Bb

civitatem subita hostium irruptio; profecto necesse est ut in illo casu legem Principis interpretentur cives per Epiikiam; quatenus iudicabunt mentem Principis non esse ut in tali circumstantia quam non praeviderat, locum haberet ejusmodi lex. Et ratio est, quia naturalis rerum ordo & aequitas postulat, ut pro bono publico res emendetur qua parte deficit; sed lex deficit in illis casibus ex parte scilicet Legislatoris, quando legem universae tulit, nec aliquam circumstantiam expressit, in qua si lex observetur, tunc peccetur in publica commoda; igitur Epiikia locum habet in legibus humanis.

Sed unum superest examinandum, an Epiikia cadat in legem naturalem & divinam, vel solummodo simplex interpretatio.

CONCLUSIO.

In legem tum naturalem tum divinam non cadit Epiikia. Siquidem Epiikia est legis emendatio quae culpam supponit in Legislatore, qua scilicet legem in universum tulerit, non praevidens circumstantiam, in qua non potest obligare; sed ejusmodi emendatio secum involvens culpam & defectum providentiae in Legislatore, cadere non potest neque in legem naturalem neque in divinam; siquidem Deus qui utriusque legis auctor est, a veritate aberrare non potest, nec improvidentiae merito redargui, quasi certos casus certaeque circumstantias non praeviderit; igitur Epiikia proprie locum non habet in lege naturali, neque in lege divina.

Obijcies, Nonnulla proferri possunt exempla, quae manifeste ostendunt legem naturalem pari Epiikiam.

Primo lege naturali quilibet tenetur reddere depositum: atqui tamen lex ista emendari debet; quatenus nempe furioso reddere non licet enem dep-

situm, ex S. Thom. 2. 2. q. 120. artic. 1. ergo.

Secundo lege naturali prohibitum est homicidium; sed ista lex emendari debet, emendaturque, quatenus publica auctoritate morte plectuntur homines; igitur.

Tertio lege naturali tenetur quivis voto cui se lubens obstrinxit: Sed ista lex emendari debet, quatenus nempe judicetur tunc a suo voto immunem esse hominem, quando aliquid temere vovit, vel rem illicitam, vel impossibilem; ergo Epiikia non respicit legem naturalem.

Respondeo ex istis & similibus exemplis colligi tantum posse legem naturalem admittere aliquam explicationem, quam scilicet appellavimus simplicem interpretationem; neutiquam vero admittere Epiikiam: in iis enim inquiritur quidem & explicatur quo sensu hae leges intelligi debeant, & ad quos casus extendi vel restringi; sed nullus propterea notatur error, nulla culpa, nullus providentiae defectus in Legislatore; cum enim, v.g. vidit aliquis lege tum naturali tum divina prohibitum esse homicidium, advertit tamen postea non obstante illo praecepto licitum esse in bello hominem occidere, *Non occides*; haud dubie tunc solum explicatur lex, & simplici interpretatione judicatur hoc lato praecepto mentem Dei non fuisse eos tanquam homicidii reos habere, qui publica auctoritate, velut milites, in bello homines interficiunt, ubi certe nulla occurrit Epiikia, quia sic miles ad ejusmodi praeceptum non reflexit, ut dicat errori vel inadvertentiae subjacuisse Deum cum tulit hanc legem.

Et similiter in exemplo depositi reddendi locum non habet Epiikia, sed ista solum legis explicatio qua judicat legem naturalem obligare praecise ad reddendum depositum juxta ordinem & leges rectae rationis, quae dicat
non

non esse reddendum depositum furioso.

Denique lex voti adimplendi non emendatur, sed simplici interpretatione donatur; cum nempe iudicatur ejusmodi lex cum obstringere qui temere aliquid vovit, aut rem illicitam, aut impossibilem, quatenus nempe manifestum est tunc nullum esse votum, ubi sit temere, vel de re illicita aut impossibili.

At, inquires, patet ex illis exemplis quæ spectant legem naturalem, & aliis quamplurimis quæ afferri possent de lege divina, ubi veram & propriè dictam esse Epikiam, quemadmodum & pro lege humana; ideo enim in leges humanas cedit Epikia, quia videt subditus Principem tulisse legem in universum, omiſſa aliqua circumstantia & restrictione, & in eo legem hanc Principis per emendationem interpretatur & immutat: Sed idem omnino fit respectu legis divinæ, sic, v. g. quando Judæi Machab. lib. 1. cap. 2. in die Sabbati pro aris & focis adversus inimicos pugnarunt; tunc certe per Epikiam interpretati sunt legem Dei prohibentis quodcumque opus servile die Sabbati; judicaverunt enim omiſſiſſe Deum præscribere nonnullas circumstantias, in quibus liceat opera servilia exercere die Sabbati; ergo ut in leges humanas, ita in divinam cedit Epikia.

Nego ant. In præfato enim casu, simplici interpretatione legis divinæ usi sunt Judæi, neutiquam vero Epikia; quia Epikia, ut diximus, est emendatio erroris qui deprehenditur in Legislatore: Sed ibi nulla fuit emendatio erroris in Legislatore; quamvis enim ista lex divina, idemque sit judicium de cæteris, si solam litteram attendas, emendari videatur, quasi in casu singulari defecerit; tamen nullus notatur error, nulla inconsiderantia in Deo Legislatore; atque ideo si conferatur cum mente Legislatoria propriè dici nequit per Epikiam emendari.

Quæres, unde petenda sit legum interpretatio.

Respondeo primo, legis divinæ interpretationem ab Ecclesiæ doctrina & judicio petendam; id intelligimus ubi suboritur aliqua dubitatio de vero & legitimo Scripturæ sensu. Nam primo nos ipsi Scripturæ quæ legem divinam continet, insistere debere velut certæ morum regulæ, a qua ne minimum unguem discedere liceat, expressè jubet ipse Deus, Deut. 12. *Non facietis singuli quod vobis rectum videtur, sed quod præcipia tibi.* Josue 1. cap. *Non recedat volumen legis hujus ab ore tuo & sed meditaberis in eo diebus ac noctibus, ut custodias & facias omnia quæ scripta sunt in eo: tunc diriges viam tuam, intelliges eam* Ne declines a verbis legis hujus, ad dexteram vel ad sinistram, ut intelligas cuncta quæ agis. II. ad Timot. 3. *Tu vero permane in eis, quæ didicisti, & credita sunt tibi: sciens a quo didicisti, & quia ab infanzia sacras litteras nosti, quæ te possunt instruere ad salutem, per fidem quæ est in Christo Jesu.* Omnis Scriptura divinè inspirata, utilis est ad docendum, ad arguendum, ad corripiendum, ad erudiendum in justitia, ut perfectus sit homo Dei, ad omne opus bonum instructus. Ubi manifeste docet Apostolus constanter adhaerendum esse Scripturis; at Epistolæ ad Galatasc. 1. expressius monet cavendum esse a falsis Evangelii interpretibus. *Nisi sunt aliqui, ait, qui vos conturbant, & volunt convertere Evangelium Christi.* Sed licet nos aut Angelus de celo evangelizet vobis præterquam quod evangelizavimus vobis, anathema sit.

Quibus profecto consentiunt omnes Patres, qui uno ore docent solam Dei Legem esse regulam morum & mensuram: consuli possunt super ea re S. Clementis Alexand. lib. 7. Strom. Origenes 1. homil. 1. in Cantica. S. Greg. Nazian. orat. 24. S. Basil. lib. 2. de Bapt. cap.

Bb 2 6. S.

6. S. Cypr. Epist. 22. lib. 2. de Bapt. cap. 6. S. Cypr. Epist. 22. & 30. Lactantius lib. 3. cap. 7. &c.

Quoniam autem plurima sunt in illis Scripturis testimonia, quæ nonnihil obscuritatis habent; adeo ut erroris periculo exponerent se, qui hæc suo sensu & privata auctoritate interpretari vellent, unam duce[m] Ecclesiam & interpretem sequi debemus; quia, ut fufius ostendetur in Tractatu de Ecclesia, non potest alius esse controversiarum Judex quam Ecclesia: unusquisque enim prout affectus est judicat, in opinione unius aut alterius hominis nihil certi est, omnia conjecturis aguntur, omnia ex præjudicio; unde frequentissimus hæreticorum error, ex ea nempe temeraria verbi divini interpretatione, qua unusquisque pro arbitrio ac libidine Scripturas exponit.

Et quia facile innotescere non potest omnibus & singulis fidelibus quænam sit legum divinarum interpretatio, juxta doctrinam Ecclesiæ, quid nempe in rebus divinis iradiderint Sancti Patres, quidve sanctum fuerit in Conciliis generalibus, quorum decreta Verbi divini interpretatione referunt; debent illi fideles in dubiis circa fidem & Scripturæ sensum occurrentibus Doctores consulere, quorum cer:e officium est vera Christi Domini placita aperire, juxta legitimam Ecclesiæ interpretis expositionem.

Respondeo 2. si sermo sit de legibus humanis, earum interpretationem petendam esse maxime ex virorum illiusmodi testimonio; unde non aliter leges Ecclesiæ interpretari licebit, quam ex Doctorum suffragio, ut modo diximus de legibus divinis; nec leges civiles quam juxta Magistratum aut Jurisconsultorum sententiam; ita ut tamen in utroque jure ratio haberi possit & consuetudinis receptæ, & gravitatis poenarum quæ infliguntur, ex quibus reperi potest legum humanarum sensus.

De Lege æterna.

LEx æterna definitur a sancto Augustino lib. 22. contra Faustum cap. 27. *Ratio divina vel voluntas ordinem naturalem servari jubens, perturbari vetans.* Lib. 1. de lib. arbit. cap. 26. *Summa Dei ratio cui semper est obtemperandum.* Sic vero nuncupatur ista lex, quod nempe sit ipsa ratio Dei, ab æterno in eo existens, non autem quod ab æterno creaturis imposita fuerit.

Differt a providentia, in eo quod providentia verteretur circa res singulares, ut quamlibet in particulari ad finem sibi proprium ordinet; Lex vero æterna versatur circa bonum universale, ipsaque sit veluti regula providentiæ, quæ ad normam legis æternæ hoc vel illud decernit.

Differt ab Ideis divinis, quod idem divinæ proprie loquendo, versantur circa mundi productionem, unde dicuntur causæ mundi effectrices: at vero Lex æterna est ratio suprema, quæ idearum est veluti prima regula & pro mundi creatione & pro ejus gubernatione. Lex æterna, ut aiunt, est conceptus rerum gubernandarum; Idææ vero sunt conceptus rerum faciendarum; ac demum in eo quod idææ pertinent ad intellectum, lex vero æterna magis proprie ad voluntatem, quia lex omnis ad voluntatem potius pertinet, quam ad intellectum.

Differt a lege naturali, in eo quod lex æterna sit tantum in mente Dei, sitque, ut dictum est, ipsa Dei ratio Deo inexistens; lex vero naturalis in singulis hominum animis insita sit & insculpta.

Differt denique a lege divina, in eo quod lex æterna sit ipsa Dei ratio prout in mente Dei insidens, nulli vero creaturæ promulgata; lex vero divina fuerit in tempore hominibus data, vel Judæis si sermo sit de veteri, vel Christianis si de nova lege. Lex æterna, inquit

Theo-

Theologi, non est lata sed ferens, non impressa sed imprimens, non participatio legis, sed origo & fons omnium legum.

Quarunt itaque, num proprie lex æterna dici possit origo & fons, a quo deriventur cæteræ leges.

Respondeo id verissime dici posse, Deus enim ait Proverb. cap. 8. *Per me Reges regnant: & legum conditores iusta decernunt*; & Apostolus ad Rom. 13. cap. *Non est potestas nisi a Deo, & qui positi resistis, Dei ordinationi resistis*. Quæ quidem loca, quibus similia prope innumera adjungi possent, manifeste ostendunt supremam Dei rationem, quæ ipsa est lex æterna, fontem esse a quo manarunt deinceps cæteræ leges.

Id autem non uno in loco aperte docet S. Augustinus, *Quid illa lex*, inquit, lib. 1. de lib. arbit. c. 6. *que summa ratio nominatur, cui semper obtemperandum est, & per quam mali miseriam, boni beatam vitam merentur; per quam denique illa quam temporalem vocandam diximus recte fertur, recteque mutatur? Potest ne incipiam intelligenti non incommutabilis æternæque videri? ... Simul etiam te videre arbitror in illa temporali nihil esse justum atque legitimum, quod non ex hac æterna sibi homines derivant*.

Et ratio est, quia cum Deus sit prima rerum omnium causa, primus motor, ejus suprema ratio debet esse fons & origo, a qua totius orbis regimen & administratio derivetur; quemadmodum a mente & sapientia Artificis manat ordo qui comprehenditur in structura ædificii: Sed mirabile illud mundi regimen conservatur potissimum beneficio legum tum divinarum tum humanarum, quatenus nempe omnia dirigunt ad fines suos; igitur a lege æterna cæteræ derivantur leges velut a prima causa & radice; hæc ratio est S. Thomæ 1. 2. quæst. 93. art. 3.

Obijcies, Lex divina non derivatur a lege æterna; neque enim lex divina dici potest ratio inferioris gubernantis, aliter ipsa Dei ratio inferior esset alteri primo motori, quod valde absurdum est; igitur non omnis lex ab æterna lege derivatur.

Respondeo, legem divinam ab æterna derivari, non quidem prout est in Deo, prout est ratio ipsa Dei; catenus enim non distinguitur a lege æterna, recte vero si spectetur prout a Deo data hominibus: sic enim dici potest ratio gubernantis inferioris; utraque enim lex divina seu Judæorum seu Christianorum, id est utriusque legis præcepta, suam desumunt aequitatem a lege æterna, a qua sicut a fonte rivuli proficiuntur.

Obijcies, si leges humanæ derivarentur ab æterna lege, nunquam sibi ipsis forent contrariæ: atqui certum est plurimas sanciri leges ab hominibus e diametro sibi oppositas & contrarias, quarum una jubet quod prohibet altera; igitur leges humanæ ab æterna non derivantur.

Nego maj. recte siquidem concipitur diversas leges sibi maxime oppositas ab una eademque lege superiori esse derivatas; quia nempe postulat primarius rerum ordo, qui legis æternæ finis est ultimus, ut pro diversitate locorum, temporum, & personarum variz quoque & diversæ præscribantur leges.

Instabis, Si leges humanæ derivarentur ab æterna, jure divino obstringerent; absurdum conf. ergo & ant.

Nego major. quia nempe ea solum tanquam jure divino stabilita homines astringunt, quæ sunt a Deo immediate instituta, quo sane pacto jus divinum ab humano seu civili seu Ecclesiastico distinguere solent Theologi. Atqui leges humanæ non sunt a Deo immediate institutz, tamen derivantur a lege æterna; ergo.

Obijcies, Nihil iniquum oriri potest a lege æterna: sed quædam leges humanæ

manæ sunt iniquæ, ut testatur *Isaias* cap. 10. his verbis, *Va qui condunt leges iniquas*; Ergo saltem singulæ leges humanæ non derivantur ab æterna.

Respondeo cum *S. Thoma*, loco jam citato: *Ad secundum*, inquit, *dicendum* quod *lex humana in tantum habet rationem legis, in quantum est secundum rationem rectam, & secundum hoc manifestum est quod derivatur a lege æterna: in quantum vero a ratione recedit, sic dicitur lex iniqua, & sic non habet rationem legis, sed magis violentiæ ejusdam.*

Quæres utrum omnia creata subji-
cantur legi æternæ?

Respondeo affirmative, estque hæc sententia sancti *Thomæ*, qui duobus distinctis articulis probat res omnes creatas, necessarias, seu contingentes, resque omnes humanas subjici legi æternæ. Siquidem ea omnia subji-
ciuntur legi æternæ quæ subsunt Dei dominio & regimini: sed omnia creata seu rationalia seu irrationalia, necessaria vel libera, subsunt dominio Dei; adeo ut cum iis suum agendi principium impres-
serit, ea quoque ad suos fines dirigere debeat, ut vel de ipsis creaturis irra-
tionalibus testatur Scriptura, nam *Proverb.* 8. *Quando circumdabat mare terminum suum, & legem ponebat aquis, ut transirent fines suos, & Psal. 148. Ipse dixit & facta sunt: ipse mandavit & creata sunt; statuit ea in æternum & in sæculum sæculi, præceptum posuit & non præteribit; ergo omnia subji-
ciuntur legi æternæ.*

Obijcies, Saltem creaturæ irrationa-
les legi æternæ non subji-
ciuntur, sunt enim legis cujusque incapaces.

Dist. sunt incapaces legis quam per-
cipiant, C. per quam regantur & ad
suos fines perducantur, N. Hæc respon-
sio majori non eget explicatione.

At, inquit, legi tantum subji-
ciuntur illi quibus fuit promulgata: Sed
creaturis ratione destitutis neque lex

æterna neque alia quæcunque fuit pro-
mulgata & denuntiata; ergo.

Respondeo legem Dei suo modo pro-
mulgatam fuisse creaturis irrationabili-
bus, quatenus nempe illis in ortu suo
impressum est agendi principium, de-
inceps vero unaquæque ex illis ad suum
finem per media efficacissima dirigitur.

De Lege naturali.

Lex naturalis, quæ nimirum in no-
bis spectatur, in Deo enim est lex
æterna, recte definitur, Ratio ipsa ho-
minis per quam boni & mali fecernen-
di est capax: designari solet tanquam
naturalis inclinatio ad bonum prosequen-
dum & malum fugiendum; dicitur ab
aliis dictamen rectæ rationis quo quis-
que sibi conscius est; ab aliis lex bo-
ni & mali in singulis hominibus natu-
raliter impressa; ab aliis demum ratio
naturalis, lumen naturale.

Ea est ipsa lex de qua non infre-
quens mentio habetur in Scripturis.
*Psalm. 4. Signatum est super nos lumen
vultus tui, Domine*; hoc est lumen
quoddam naturale, quo possit unusquis-
que bonum a malo discernere, id enim
respondet David factæ his verbis ejus-
dem *Psalmi*, *Multi dicunt, Quis ostendit
nobis bona?* *Epist. ad Rom. c. 2. Cum
Gentes, quæ legem non habent, hoc est
legem scriptam, naturaliter ea quæ legis
sunt, faciunt, ejusmodi legem non habentes,
ipsi sibi sunt lex: qui ostendunt opus
legis scriptum in cordibus suis, testimonium
reddente illis (conscientiæ) ipsorum, & inter se
invicem cogitationum accusantium aut etiam
defendentium.*

Silicet lex naturalis aut parum, aut
nihil omnino differt a conscientia ad
quam velut quoddam tribunal interdum
passim nos provocant eadem scripturæ,
*Isaiæ 46. Redite, pravaricatores, ad cor.
Matth. 18. Et ex verbis tuis condemnaberis,
ex verbis justificaberis.* Lucæ.

ca 19. De ore tuo iudico te, serve nequam. Adversus ejusmodi conscientie dictamen peccabant Ethnici, quos Apostolus ad Rom. cap. 1. reos habet veritatis in injustitia detentæ, qui cum cognovissent Deum, non sicut Deum glorificaverunt, aut gratias egerunt; sed evanuerunt in cogitationibus suis, & obsecratum est insipiens cor eorum.

Sic vero innatam omnibus & a natura inditam esse legem, quæ ad bonum moveat & a malo avocet; aut saltem quæ sit interius quoddam lumen, quo unusquisque novit quid rectum sit & honestum, quidve pravum & illicitum, uno ore testantur omnes SS. Patres, imprimis vero S. Augustinus in multis locis, lib. 2. Confess. cap. 4. *Furtum caræ, inquit, punit lex tua, Domine; & lex scripta in cordibus hominum, quam ne ipsa quidem delat iniquitatis. In Psal. 118. Secundum id vero, inquit, quod ais, ipsi sibi sunt lex, non immerito pravaricatores astimantur omnes peccatores terra. Nullus enim est qui faciat alteri injuriam, nisi qui fieri volit sibi; & in hoc transgreditur natura legem, quam non finitur ignorare, dum id quod facit, non vult pati. & in Psal. 37. Cui enim iniquo non facile est, inquit, loqui justitiam? aut quis de justitia interrogatus quando non habet causam, non facile respondeat quid sit justum? Quandequidem manu formatoris nostri in ipsis cordibus nostris veritas scripta: quod tibi non vis fieri, ne facias alteri. Hoc & antequam lex daretur, nemo ignorare permissus est, ut esset unde judicaretur, & quibus lex non esset data.*

S. Ambrosius de lege naturali sic loquitur Epist. 47. *Ea lex, inquit, non scribitur, sed innascitur; nec aliqua percipitur lectione, sed profluo quodam naturali fonte in singulis exprimitur, & humanis ingeniiis hauritur, ex simplex & sine fucio est.*

S. Chrysostomus Homil. 12. ad Populum Antioch. *Quid tandem est lex*

naturalis? conscia nobis expressit & per se discibilem constituit bonorum & contrariorum scientiam; non enim opus habemus discere quod malum est fornicatio, & bonum continentia, sed ab initio hoc scimus: & ut dicas quod ab initio hoc scimus, Legislator leges postea ferens & dicens, Non occides, non intulit malum, Non cades; sed simpliciter, Non occides, inquit; prohibuit enim malum duntaxat, non docuit: quare igitur qui dicit, Non occides, non addidit, quod malum cades, quoniam prævniens conscientia nos hoc edocuit, & tanquam scientibus & intelligentibus ita loquitur. Quod idem tradunt passim ceteri Patres. Origenes lib. 5. contra Celsum. S. Clemens Alex. lib. 2. Stromat. Euseb. lib. 6. de Præpar. Quorum testimonia hic excipere animus non est, ne operam in re non necessaria collocemus.

Nonnulla hic quæri solent in Scholis circa legem naturalem. 1. Quid proprie sit ejusmodi lex, & quæ sint ejus præcepta. 2. Utrum in cordibus hominum possit omnino deleri. 3. Utrum mutari possit. 4. Denique, utrum ab ejus præceptis Deus dispensare possit.

Quid sit Lex naturalis, quæ sint ejus præcepta.

LEX naturalis, ut supra dictum est, recte definitur naturale lumen rationis, ostendens quid sit bonum, quid malum, quid agendum, quidve fugiendum.

Sed utrum sit habitus vel actus, an habitus proprie vel improprie tantum, quæri solet apud Theologos. Volunt nonnulli legem naturalem esse habitum; quia, inquirunt, est in homine permanenter, non abrogatur, non deletur, remanet in impiis, in amentibus, in infantibus. Alii dicunt legem naturalem non esse habitum proprie, quia, inquirunt, legis est hominem per se dirigere, habitus autem non dirigit homi-

nem

nem per se, sed mediante actu; cum præterea repetitis actibus non acquiritur: Esse tamen habitum improprie, quia habitus dicitur improprie id quod habitu tenetur, sicut fides dicitur improprie quod fide tenetur.

Docent alii legem naturalem esse actum facultatis imperantis id quod conforme est rectæ rationi hominis considerati secundum sua naturalia. Neque dici potest, inquit, nobis non inesse legem naturalem, quando nihil agimus; quia nempe lex naturalis non dicitur actus quasi semper existat, sed quia vel actu existit, vel potest existere, manetque vel actu, vel virtute; unde proprie loquendo lex naturalis non est in pueris & amentibus saltem in actu.

Verum non est quod in re nullius momenti discutienda diutius immoremur, quocirca id unum dicimus legem naturalem sumi posse dupliciter, nempe in actu primo & in actu secundo. Lex naturalis in actu primo ipsa est natura rationalis quæ vim habet bonum a malo discernendi. Lex naturalis in actu secundo est actuale dictamen conscientiæ, quo generalia bene vivendi principia naturaliter innotescent.

Quærent iterum quomodo differant lex naturalis, synderesis & conscientia. Et respondent perique omnes legem naturalem, synderesim & conscientiam re ipsa inter se discrepare, in eo quod synderesis sit cognitio primorum bene vivendi principiorum. Conscientia iudicium practicum intellectus dictantis hoc & illud in particulari esse agendum vel non esse agendum. Lex vero naturalis præcise sit dictamen rectæ rationis, quod nullam secum propensionem voluntatis importat. Id commune sibi vindicant tria hæc, quod per illa omnes actiones humane vel approbentur vel accusentur; sed in ordine ad illas lex naturalis est principium, synderesis est habitus, conscientia est actus.

Quæres deinde quænam sint præcepta legis naturalis.

Resp. 1. præcepta legis naturalis esse duplicis generis, alia nempe primaria, alia secundaria: Primaria sunt ea quæ, cum sint universalis, prompte & facile omnibus innotescent, quale est illud bene vivendi principium, *Alteri ne feceris, quod tibi fieri non vis*. Quoniam enim utud principium cum recta ratione necessario & evidenter conjunctum est, juxta mentem & iudicium cujuscunque hominis quia nemo est adeo stupidus qui ejusmodi veritatem statim non agnoscat, merito dicitur primarium juris naturalis principium. Secundaria legis naturalis præcepta sunt quedam veritates minus generales, quæ non ita facile judicantur connexæ rectæ rationi; unde sunt veluti conclusiones a primis principiis deductæ. Harum autem conclusionum iterum duplex est genus: aliz sunt enim proxime sequentes ex primis principiis, ut istud, v. g. Decalogi præceptum, *Furtum non facies*, dici potest secundarium juris naturalis principium, & conclusio proxime eruta ex præfato primo principio, *Alteri ne feceris quod tibi fieri non vis*. Aliz vero sunt conclusiones remotiores a primis principiis qualis est ea assertio, quæ tenetur usuram esse illicitam; eatenus enim usura dicitur jure naturali prohibita & illicita, quatenus est quoddam furti genus; adeoque remote tantum eruitur veritas illius assertionis ab isto principio, *Alteri ne feceris quod tibi fieri non vis*. His præmissis,

Respondeo secundo, ad legem naturalem proprie loquendo pertinere solum primaria præcepta, & ad summum conclusiones quasdam ex illis primariis præceptis proxime sequentes: Siquidem id solum proprie loquendo pertinet ad legem naturalem, quod dictat recta ratio, qualis est in omnibus & singulis hominibus minime stupidis & obtusis, esse bonum vel malum, turpe vel honestum, agendum vel fugiendum: atqui recta ratio,

tio, qualis est in hominibus minime stupidis & obtusis, dicat primaria juris naturalis principia; vel etiam id quod affirmatur per conclusiones ex illis primariis principiis proxime sequentes, esse quid bonum vel malum, licitum vel illicitum: quicunque enim ingenio minime obtulo præditus est, statim & facile iudicat non esse furandum, non esse occidendum, quia nemo alteri debet facere quod sibi fieri non vult; ejusmodi veritates omnibus innotescunt; a nemine negantur, cujuscunque ætatis, & regionis, & a nemine unquam revocatae sunt in dubium; Igitur ad legem naturalem proprie pertinent primariae juris naturalis principia & nonnullae primariae conclusiones, quæ ex illis principis proxime sequuntur. Unde Apostolus cum ad Roman. cap. x. variis sceleribus violasse legem naturæ Ethnicis redarguit, numerat inter illa impudicitiam, quæ non potest condemnari nisi per secundarium quoddam legis naturæ præceptum.

Respondeo tertio alias veritates, quæ non nisi remote ab illis primariis principiis eruantur, proprie loquendo non pertinere ad legem naturalem: Siquidem illud non pertinet proprie loquendo ad legem naturalem, quod ab omnibus non æstimatur rectum, & obligare tantummodo censetur vi alicujus legis positivæ, ex solo alicujus legislatoris arbitrio: in eo enim præcise differt lex naturalis a lege positiva: Sed illæ veritates, quæ non nisi remote a primariis principiis juris naturalis eruantur, non æstimantur ab omnibus esse quid rectum, ex natura sua, sed obligare tantummodo censentur vi legis alicujus positivæ, ejusmodi est, v.g. usura quæ quidem a nobis fere omnibus existimatur lege naturali prohibita; quia eam reputamus quoddam furti genus; sed quæ apud quosdam populos nihil mali præ se ferre creditur; Ergo quæ veritates non nisi remote a primariis principiis juris natu-

ralis eruantur, proprie loquendo non pertinent ad legem naturalem.

Dixi proprie loquendo; namque non me latet docere nonnullos Theologos omnes & singulos actus virtutum, etiam supernaturalium, pertinere ad legem naturalem; si nempe, ut aiunt, sumantur secundum rationem genericam virtutis præcise, non secundum rationem talis virtutis specificæ; quia lex naturalis præcipit in genere id omne quod bonum est; vel quia, inquit, unusquisque naturaliter ordinem amat; ordo autem postulat, ut Deum tota mente diligamus; adeoque ejus præceptis, ut par est, obtemperemus; quo fit, ut omnes actus virtutum aliquo tandem pacto pertineant ad legem naturalem. Verum ad summum, in illa sententia dici potest ejusmodi actus virtutum improprie tantum & reductivè pertinere ad legem naturalem: Nulla enim foret differentia inter præcepta legis naturalis, & præcepta legis positivæ, ut diximus.

His porro factis fundamentis nullo negotio responderetur ad quæstiones quæ hac in materia proponi solent; id innum scilicet examinandum est, an præceptum, de quo instituitur quæstio, sit commune quoddam & universale bene vivendi principium, an sit propositio quædam ex primariis legis naturæ principiis, aut proxime aut remote tantum consequens; sicque facile, v.g. responderetur quæstioni quam fusc tractant nonnulli, utrum scilicet Deum colere, proximum ut nos ipsos diligere, vel etiam nostros inimicos, tria sint præcepta legis naturalis: si nimirum his & similibus exemplis applicetur præfata regula.

Ex quibus etiam prompta & facilis depromitur responsio huic quæstioni, quæ in Scholis proponi solet, utrum lex naturalis sit una in omnibus. Scilicet lex naturalis dici debet una in omnibus si sumatur ratione primorum principiorum, quia ut in speculativis prima principia sunt omnibus nota; sic & in pra-

Eticis: Sed lex naturalis quoad præcepta particularia non est una apud omnes; neque enim ex primis bene vivendi principiis eadem ubique & apud omnes gentes eruuntur conclusiones, vel quia plerumque rectum iudicium in rebus agendis mala consuetudine aut pravis affectibus impeditur; vel quia quæ pertinent ad praxim, fieri debent secundum circumstantias quæ variz sunt pro diversitate temporum, loci, & personarum.

Utrum Lex naturalis e cordibus hominum omnino deleri possit.

His recte animadversis quæ articulo superiori explicuimus, in præfenti controversia jam nulla superest difficultas: scilicet, lex naturalis quoad primaria & universalissima principia non potest quidem e cordibus hominum penitus deleri, recte vero si spectetur quoad præcepta minus universalia, ut diserte docet S. Thomas 1. 2. qu. 94. art. 6. his verbis: *Ad legem naturalem pertinent primo quidem præcepta universalissima quæ sunt omnibus nota: secundaria autem quedam præcepta magis propria, quæ sunt conclusiones quasi propinqua principiis. Quantum ergo ad illa principia communia lex naturalis nullo modo potest a cordibus hominum deleri in universali; deletur autem in particulari operabili, secundum quod ratio impeditur applicare commune principium ad particulare operabile, propter concupiscentiam vel aliquam aliam passionem, ut supra dictum est. Quantum vero ad alia præcepta secundaria potest lex naturalis deleri e cordibus hominum, vel propter malas persuasiones (eo modo quo etiam in speculativis errores contingunt circa conclusiones necessarias) vel etiam propter pravas consuetudines & habitus corruptos, sicut apud quosdam non reputabantur latrocinia peccata, vel etiam vitia contra naturam, ut etiam Apostolus dicit ad Romanos.*

Primo igitur, lex naturalis omnino deleri non potest e cordibus hominum, si spectetur quoad primaria & universalissima principia; si qui enim extarent in quibus obliterata penitus esset lex naturalis, maxime impij & Athei, qui vitam per omnia soluti agentes, projectæ omnino aut nullius plane videntur esse conscientiz: sed in ejusmodi hominibus perditissimis lex naturalis non est omnino obliterata quoad primaria & universalia bene vivendi principia, ut constat, tum ex eorum testimonio, qui nemo si ad bonam frugem revertantur, fateantur se in ipsa sua impietate præcepta boni & mali ante oculos semper habuisse, atque etiam identidem remorsus conscientiz perquisitis fuisse; tum quia nullus est ex illis perverissimis hominibus, qui hujus primorum præceptorum notitiz specimina quedam & argumenta non exhibeat; vel quia virtutem quam ipsi non exercent, in aliis venerantur & colunt; vel quia dum male agunt, poenam, quam merentur, timent, ut egregie docet Tullius his verbis: *Magna vis est conscientia utramque in partem, ut neque timeant qui nihil commiserunt, & poenam semper ante oculos versari putent qui peccaverunt; Ergo lex naturalis e cordibus hominum omnino deleri non potest quoad primaria & universalissima principia.*

Hanc sententiam eadem ratione sumentem frequenter reperias apud S. Augustinum de spiritu & litt. cap. 28. ubi loquens de factis Gentilium sic habet, *Non usque adeo, inquit, in anima humana imago Dei terrenorum affectuum labe detrita est, ut nulla in ea velut lintamenta extrema remanserint; unde merito dici possit etiam in ipsa impietate vita sua sacra aliqua legis vel sapientie; si hoc est quod dictum est, quia (Gentes quæ legem non habent.) Hoc est legem Dei (naturaliter quæ legis sunt faciunt.) Et quia hujusmodi homines (ipsi sibi sunt lex) & (scriptum opus habent in*

cordibus suis. Id est, non omni modo deletum est, quod ibi per imaginem Dei cum crearentur, impressum est. Nam sicut ipsa imago Dei renovatur in mente credentium per Testamentum novum, quam non penitus impietas aboleverat, nam remanserat utique id quod anima hominis nisi rationalis esse non potest. Unde sic Deum affatur lib. 2. Confess. cap. 4. *Lex tua scripta est in cordibus hominum, quam nulla quidem delet iniquitas.* Quia, inquit lib. 8. de Genesi ad lit. cap. 23. *Nunquam ita punit Deus voluntatem malam, ut naturam perimat dignitatem.*

Et certe non magis primaria & universalissima morum principia possunt in cordibus hominum deleri, quam primæ veritates, prima cognitionis axiomata omnino ignorari possunt: par enim est illorum ratio: eorum est utraque ex parte facilis & expedita cognitio: sed a nemine, tametsi obtuse mentis, ignorari possunt prima cognitionis principia, neminem hominem fugere potest, v. g. veritas istius propositionis. *Impossibile est idem simul esse & non esse;* ergo nec primaria & universalissima bene vivendi principia, qualia sunt ista, *Fac bonum; desina a malo; quod tibi fieri non vis, alteri ne feceris;* possunt omnino e cordibus hominum deleri.

Quamobrem huic nostræ sententiæ non adversantur quæ passim leguntur tum in Scripturis tum apud SS. Patres, qui de impiis hominibus & execratis sic loquuntur, ut ne minimum rectæ rationis & bonæ conscientiæ vestigium in illis superesse significant, quale est illud quod scribit Apostolus ad Rom. c. 3. *Non est iustus quisquam, non est intelligens, non est requirens Deum. Omnes declinaverunt, simul inutiles facti sunt. Non est qui faciat bonum, non est usque ad unum. Sepulcrum patens est guttur eorum, linguis suis dolose agebant.* Non est timor Dei ante oculos eorum; qualia sunt & innumera loca, in qui-

bus dicuntur homines execrati & obdurati. Sapientiæ 2. *Execratis illos malitia eorum.* Joan. 12. *Execratis oculos eorum.* 2. Corinth. 4. *Execratis mentes infidelium.* Exod. 13. *Induratum est cor Pharaonis.*

Quibus & similia tradunt SS. Patres; docet S. Irenæus lib. 4. cap. 30. Israelitis necessarium fuisse Decalogum, quia in iis extincta erat iustitia, Quia lex, inquit, non est posita iustis; iusti autem Patres virtute Decalogi conscriptum habentes in cordibus & animabus suis legem, diligentes scilicet Deum qui fecit eos, & abstinentes erga proximum ab iniustitia, propter quod non fuit necesse admonere eos correctoriis litteris, quia habebant in semetipsis iustitiam legis; eum autem hac iustitia & dilectio, quæ erat erga Deum cessisset in oblivionem, & extincta esset in Ægypto, necessario Deus propter multam suam erga homines benevolentiam, semetipsam ostendebat per vocem. Quod idem scribunt S. August. Sermon. 152. de verbis Apost. nu. 6. & lib. 13. de Trinit. cap. 3. S. Ambros. Epist. 11. & lib. de Paradiso cap. 8. S. Hieronymus lib. 2. adversus Iovin. cap. 6. & cæteri deinceps.

Ex his, inquam, & similibus id unum colligitur, ejusmodi homines gravissimis sæpius repetitis criminibus eo usque cæcitatæ tandem venire, ut nihil sibi reputent illicitum, suis libidinibus ita sollicitè studentes, ut si nulla omnino lege tenerentur. Sed non ita demum intelligi debent hæc loca, quasi vel illi scelestissimi, qui projectæ penitus videntur esse conscientiæ, omni boni & mali notitia exciderint, ut abunde constet ex iisdem Scripturis & Patribus superius citatis.

Secundo, lex naturalis e cordibus hominum deleri potest, si spectetur quoad secundaria præcepta; siquidem secundaria legis præcepta sunt quedam veritates minus generales, qualia sunt omnia fere Decalogi præcepta; *Furtum*

non facies, Non occides, Non machaberis. Sed ejusmodi præcepta nonnunquam in cordibus hominum penitus obliterantur, quatenus nempe ratio naturalis aut falsis præjudiciis abrepta, aut pravis cupiditatibus infuscata, arctissimam connexionem quæ inter hæc præcepta & primaria juris naturalis principia reperitur, plane non percipit. Unde apud nonnullas nationes plurima facta hæc præceptis contraria quandoque approbata leguntur. Quidam dicuntur ex motivo pietatis parentes senio confectos enecare. Germani olim mala non reputabant latrocinia, ut habetur apud Cæsarem, l. 6. de bello Gallico. Refert Aulus Gellius lib. 11. Nocturnum Atticarum cap. ult. furta apud Ægyptios & Lacædæmonios licita fuisse; extare etiamnum dicuntur populi, qui tametsi fide Christiana imbuti, docent usuram nihil habere iniquitatis, dum illam veri nominis furum esse perstendunt cæteri; igitur lex naturalis quoad secundaria præcepta, seu quædam saltem propositiones, quæ nonnulli remotius deducuntur ex primariis & universalissimis principiis, e cordibus hominum omnino deleri potest.

Utrum Lex naturalis mutari possit.

Concipitur mutationem alicui legi accidere posse multis modis, scilicet per additionem, vel per subtractionem. Si per subtractionem, vel id contingit per derogationem vel per abrogationem, vel per irrationem, vel per interpretationem, aut denique per dispensationem. Tunc mutatio legis fit per additionem, cum ei nova lex quædam additur; Per derogationem, cum lex tollitur ex parte; Per abrogationem, cum ipsa omnino evertitur; Per irrationem, cum impeditur ne vim suam obtineat; Per interpretationem, cum explicatur quo sensu intelligi debeant termini quibus effertur ista lex; Denique per dispensationem.

quando vinculum legis relaxatur: His præmissis,

Dico primo; legem naturalem mutari posse per additionem. Tunc enim lex mutatur per additionem, cum ei adjungitur nova lex: atqui legi naturali adjunctæ sunt alie leges, nimirum leges positivæ, divinæ & humanæ, quæ non alio fine videntur institutæ, quam ut reviviscat & perficiatur lex naturalis: harum enim legum præcepta ad justitiam Reipublicæ promovendam ordinantur; ergo legi naturali adjunctæ sunt leges positivæ; adeoque mutatur per additionem.

Secundo, lex naturalis mutari non potest per derogationem; si nempe accipiat quoad primaria & universalissima principia, quæ proprie pertinent ad legem naturalem, & de quibus præfentes intelligi debent quæstiones. Si enim lex naturalis mutaretur per derogationem, hujus legis obligatio cessaret ex parte: atqui legis naturalis obligatio nequidem ex parte cessare potest: vel enim id fieret per dispensationem aliquam superiori auctoritate datam; aut defectu consensus hominum; aut denique propter contrariam consuetudinem: Sed nullo plane modo ex istis tribus recensitis, legis naturalis obligatio vel etiam ex parte cessare potest; non per dispensationem, ut enim ostendimus sequenti articulo, nemo potest ab illius legis præceptis quemquam dispensare; neque defectu consensus hominum, quia ut lex naturalis obliget, necesse non est ut ei consentiant homines: nec denique legis naturalis obligatio cessare potest propter contrariam consuetudinem; quæcunque enim consuetudo censei debet mala si juri naturali repugnet; Ergo lex naturalis mutari non potest per derogationem.

Atque ex his facile intelligitur legem naturalem mutari quoque non posse per abrogationem, neque per irrationem: Si enim ejus obligatio cessare non pos-

uit.

test ex parte, a fortiori omnino cessare non potest, adeoque abrogari; tum vero & manifeste sequitur eam non posse irritari propter easdem rationes, nihil enim ob stare posse videtur, quominus vim obtineat ejusmodi lex.

Quod spectat legis naturalis interpretationem, paulo supra diximus in legem naturalem eadem quidem interpretationem simplicem, quæ posita est in mera & simplici explicatione terminorum quibus efferrī debent præcepta legis naturalis; sed non cadere interpretationem quæ dici solet Epiixia, quoniam ejusmodi interpretatio nonnullum arguit defectum in Legislatore. Consulantur quæ ibi fusius exposita sunt.

Denique quod attinet postremum mutationis genus, cui lex aliqua obnoxia esse potest, nimirum dispensationem, quoniam non una est super ista questione Theologorum opinio, quam immo constat non spernendis implicatam difficultatibus, operæ pretium est rem plenius atque uberius excutere; quocirca sit

*An Deus dispensare possit a
Lege naturali.*

HOc verbum *dispensationis* cum a Jure Canonico profectum sit, ex eo etiam petenda est ejus explicatio. Apud Jureconsultos, inquit illustrissimus juxta & doctissimus de Marca lib. 3. de Concord. cap. 13. *Servus dispensator ille dicitur qui impendit domus curas, quique rationes Domini administrat*. Hoc sensu usurpatur etiam in Veteri Testamento & in Novo apud Lucam; qui de fidei & prudenti dispensatore loquitur (quem constituit Dominus super familiam suam, ut det illis in tempore tritici mensuram.) Unde Apostoli & eorum Successores eleganter dicuntur dispensatores mysteriorum Dei, & Paulus dispensationem sibi creditam ad Corinthios scripsit. Sed ut jure Canonico alijs est. verbi istius usus.

Sumitur enim pro *venia legis*, quæ interpretes (providam juris relaxationem) vocant, cujus is est effectus, ut lege vel canone vim suam obtrinentibus, is cui indulgetur, a vinculo & obligatione legis auctoritate Superioris solvatur. A Græcis manavit dispensationis nomen hoc sensu usurpatum, quo Cyrillus Alexandrinus usus est, exoroiar vocans administrandi & vivendi rationem, quæ non summo jure sed aequitate nitatur. Quæ voce dispensationis usus est apud Latinos Gelasius.

Dispensatio itaque fit, cum aliquis ab onere legis eximitur, etiam si respectu aliorum remaneat illius legis obligatio. Et quæritur an Deus pro suo absoluto in omnia dominio & potestate aliquem possit a præceptis legis naturalis immunem facere; adeo ut, quæ lex naturalis jubet ob factam ejusmodi dispensationem desinant esse bona; quæ vero prohibet, desinant esse mala.

Varia sunt super illo negotio Theologorum placita, varix opiniones.

Prima sententia eorum est, qui doceant ab omnibus univrsim legis naturæ præceptis immunitatem concedere posse Deum; adeo ut vel ipsum quoque sui odium permittere possit. Scilicet falso existimant omne peccatum etiam contra legem naturalem, ideo tantummodo esse peccatum, quia voluntate Dei prohibitum est; unde consequens est, si quid Deus hac in parte relaxare velit, eatenus in actione nihil mali futurum; hæc sententia est Ochami in 2. qu. 19. ad tertium & quartum dubium. Gersonii in tract. de vita spiritali lect. 1. Corol. 10. Almaini tract. 3. Moral. c. 15. hujus fundamentum evertemus sub initio tractatus nostri de Peccatis, ubi ostendemus falsum esse, quod ajunt isti Theologi, nullum esse contra legem peccatum formaliter, nisi quia libera Dei voluntate prohibitum.

Secunda sententia est Scoti in 3. diff. 37. qu. 1. & Gabrielis in eadem diff. quest.

quæst. 1. art. 2. qui docent Deum dispensare quidem non posse in illis duobus Decalogi præceptis, *Ne colas Deos alienos. Ne adducas nomen Dei in vanum per juramentum.* Sed in aliis præceptis dicunt posse a Deo pro sua voluntate dispensari.

Tertia opinio est Durandi, qui in dist. 47. qu. 4. num. 16. affirmat tria hæc præcepta negativa, *Non machaberis, non furum facies, non falsum testimonium dices*, esse omnino indispensabilia: quia, inquit, materia trium illorum præceptorum est essentialiter mala, furari enim est accipere rem alienam invito domino; machari est accedere ad mulierem non suam; mentiri est asserere vel negare aliquid cujus oppositum mente tenetur. Addit Durandus idem esse judicandum de illo præcepto negativo primæ Tabulæ, *Non perjurabis in nomine meo*, quia perjurium includit mendacium & præter hoc irreverentiam divinam, quæ non potest habere rationem liciti. At de illo præcepto secundæ Tabulæ, *Non occides*, aliter omnino esse sentiendum, quia in aliquo casu licitum est occidere, & propositio intelligi debet cum aliqua additione, si nempe dicatur *Non occides injuste*; unde sequitur, inquit, rem non prohiberi per se malam: hoc præcepto *Non occides*; similis enim additio fieri potest circa quamcumque materiam quæ non est de se illicita, utpote si dicatur *Non ibis per campum injuste*; & sic illud præceptum potest capere dispensationem, non quidem Dei, sed hominis.

Quarta sententia est S. Bonaventuræ qui in 1. dist. 47. qu. 4. Deum docet dispensare non posse a præceptis primæ Tabulæ, recte tamen a præceptis secundæ Tabulæ; sententiam hanc in primis fuisse auctoritate S. Bernardi, puta ex iis quæ scribit libro de dispensatione & præcepto, cujus eadem verba modo sumus explicaturi.

Cæteris autem postmodum Theologis nulla plane dari potest dispensatio vel etiam a Deo; tamen rerum omnium supremo Domino, quæ quis ab obligatione quorumcumque legis naturalis præceptorum fiat immunis, horum sententiæ subscribimus.

CONCLUSIO.

Nequidem Deus dispensare potest a præceptis legis naturalis. Siquidem id efficere Deus non potest quod ejus justitiæ manifeste adversatur: Sed aliquem ab obligatione præceptorum legis naturæ immunem facere, profecto divinæ justitiæ manifeste adversatur: Namque pugnat cum divina justitia ejusque providentia, quæ scilicet rectum in omnibus ordinem servare debet. Deum approbare id quod essentialiter & suapte natura malum est: atqui si Deus alicui concederet immunitatem a præceptis legis naturalis, tunc expresse & directe approbare id quod essentialiter & suapte natura malum est; veniam faceret, v. g. hominibus mentiendi & furandi, quod quidem sua natura, non propter solam Dei prohibitionem, malum est; ergo justitiæ Dei manifeste adversatur alicui concedere immunitatem a præceptis legis naturalis.

Et certe si quæ ex causa a Deo dari posset ejusmodi dispensatio, maxime quia, ut volunt adversarii, nihil est ex natura sua malum seclufa Dei prohibitionem; hoc enim potissimum est eorum sententiæ fundamentum, quandoquidem Ochamus consequenter affirmat Deum posse suum odium, utpote quod non sit suapte natura malum, alicui permittere; Durandus autem pronuntiat homicidium aliquando bonum, aliquando malum: Atqui falsum est omnino & absurdum affirmare, omne peccatum ideo duntaxat esse malum, quia voluntate Dei prohibitum est, & nihil esse suapte natura malum; quia nempe ante

cedenter ad omnem prohibitionem factam a Deo multa sunt, quæ non modo legi æternæ sed & ipsi rectæ rationi manifeste dissentiunt, ejusmodi sunt mendacium, odium Dei, blasphemia in Deum, cultus idolorum &c. quæ seculæ omni Dei prohibitionem (quæ scilicet secludi potuit, quandoquidem libera fuit, ut & aliud quodlibet decretum Dei liberum) essentialiter mala sunt, & eo ipso peccata, quod necessario fient contra naturale rationis dictamen; ejusmodi sunt enim ut eorum malitia a nemine ignorari possit: igitur ab illis præceptis legis naturæ, quæ scilicet res prohibent essentialiter & suapte natura malas, Deus nunquam dispensare potest.

Quamobrem intolerabile est & omnino absurdum quod scribit Ochamus loco supra citato; ipsum Dei odium malum non esse suapte natura illudque homini Deum præcipere posse: illud enim per se & ex natura sua malum est atque iniquum, quod malum est & pravam ex ea conscientia, quæ ita omnibus & singulis insita atque impressa est a natura, ut deleri prorsus & expungi ex illorum mente nunquam possit: sed odium Dei de se malum & iniquum esse omnibus notum est ex ea conscientia, & ex illo rationis dictamine, quod nunquam ex hominum mente deleri possit & expungi, unde inexcusabiles illos pronuntiat Apostolus ad Romanos cap. 1. *Qui cum cognovissent Deum, non sicut Deum glorificaverunt, aut gratias egerunt, sed evanescunt in cogitationibus suis.* De Gentilibus scilicet loquitur quibus nulla positiva lex annuntiata fuerat, & quos tamen putat reprehensione dignos, non quod Deum odio habuerint, sed quod digne non coluerint, prout æquitas naturalis & recta ratio postulat, a qua nemo recedere potest citra culpam & manifestam injustitiam quam Deus approbare non potest, nisi & ipse quidquam agat injustum & legi æternæ contrarium.

Obijcies: Ab actu ad posse, ut ajunt, valet consecutio: atqui Deus non semel dispensavit a præceptis legis naturalis: illud super ea re insigne est præ cæteris exemplum quod habetur Genes. 22. cap. ubi legitur Deum præcepisse Abrahamo, ut filium suum Isaac tamen innocentem occideret: Atqui hoc posito Deus dispensavit Abrahamum ab illo legis naturalis præcepto quo vetitum est homicidium; Igitur Deus pro suo supremo in leges omnes imperio dispensare potest etiam a præceptis legis naturalis.

Nego min. & ad probationem ex Abrahami exemplo petitam, nego similiter minorem, & dico Deum eatenus non censi a præcepto legis naturalis, quo vetitum est homicidium, dispensasse, quatenus præcepit Abrahamo ut filium suum immolaret. Et ratio est quia, ut Deus censeretur dispensare ab eo præcepto legis naturalis quo vetitum est homicidium, deberet vel jubere vel permittere homicidium in illis circumstantiis, in quibus adversatur legi naturali, adeo ut in legem naturalem agere censeretur qui ejusmodi homicidium committeret: atqui Deus non præcepit Abrahamo homicidium in illis circumstantiis, in quibus adversaretur legi naturali, homicidium quippe universum loquendo non adversatur legi naturali, nisi quando fit injuste, hoc est, contra ordinem, & rectam rationem; unde contra legem naturalem agere non æstimantur, quinque auctoritate publica hominem occidunt, ut si carnifex reum aliquem, vel miles in justo bello alium militem interficiat, quia nempe ejusmodi homicidium legi naturali non adversatur, non repugnat cum recta ratione, non fit injuste; immo vero rectæ rationi consentaneum est, sit enim auctoritate publica, vergitque in commodum Reipublicæ.

Jam vero paratus fuit Abrahamus filium suum immolare, atque etiam immolasset in illis circumstantiis, in qui-

quibus homicidium Isaaci non adverbatur legi naturali, propter rationem mox allatam; factum enim non fuisset ab Abrahamo injuste, contra ordinem & rectam rationem; non enim id fecisset ex mala aliqua voluntate, sed ex mandato Dei, adeoque non injuste & contra rectam rationem, quin potius postulabat *ordo*, ut voluntati & imperio Dei conformaret se Abrahamus, adeoque filium suum tametsi innocentem immolaret: unde sequitur manifeste nequaquam in illo casu concessam fuisse a Deo dispensationem seu immunitatem ab illo præcepto, quo lege naturali vetitum est homicidium.

Inslabis & probabis minorem: Tunc censetur concessa a Deo proprie dicta dispensatio ab illo præcepto quo vetitum est homicidium, ubi venia data est occidendi hominem eo genere homicidii, quod verum fuisset & gravissimum peccatum contra legem naturalem seclusa Dei dispensatione; neque enim, ut censetur Deus dispensare a præcepto legis naturalis, necesse est ut vel jubeat, vel permittat aliquam actionem quæ adversetur legi naturali; etiam quando exercetur cum dispensatione Dei, & ut ajunt, in sensu composito dispensationis: certum est enim ejusmodi actionem & aliam quamcunque non fore contrariam legi naturali, quando semel intercesserit dispensatio Dei: atqui in isto casu Deus veniam fecit Abrahamo occidendi filium Isaac eo genere homicidii, quod verum & gravissimum fuisset peccatum contra legem naturalem seclusa Dei dispensatione; nulla enim alia ex causa licite potuisset filium occidere innocentem; ergo in isto casu vera & proprie dicta fuit dispensatio ab illo præcepto, *Non occides*.

Nego majorem & dico Denm, quando præcepit Abrahamo ut filium suum Isaac immolaret, mutasse solummodo materiam seu objectum illius

præcepti quo vetitum est homicidium, sed proprie loquendo non dispensasse ab obligatione illius præcepti. Scilicet objectum aut materia hujus præcepti, *Non occides*, non est omnis & qualiscunque hominis occisio quæ nimirum hoc præcepto sit prohibita; is enim adversus præceptum non agit qui hominem occidit auctoritate publica, vel in propriam vitæ suæ defensionem; quia ejusmodi occisio hominis non sit injuste, & contra rectam rationem: sed ea solummodo occisio quæ sit in illis circumstantiis in quibus injusta est & contra rectam rationem; ut cum quis alium occidit privata auctoritate & ex aliqua mala voluntate: quomobrem quando immutantur circumstantiæ occisionis, aut saltem ejusmodi circumstantiis induitur actio, ut jam non sit contra rectam rationem, sed immo *ordini* & rectæ rationi consentiens; tunc illa occasio desinit esse materia præcepti *Non occides*.

Atque id unum efficit Deus, quando præcepit Abrahamo, ut filium suum Isaac immolaret: hoc enim Dei jussu posito, actio Abrahami non fuit amplius injusta & rectæ rationi contraria, utpote quæ facta fuerit auctoritate Dei, qui, cum sit vitæ & necis omnium summus arbiter & dominus, cuicunque voluerit dare potest facultatem alterum occidendi; unde solum immutavit materiam illius præcepti *Non occides*, efficiens ut quæ occisio fuisset materia præcepti, per præceptum prohibita, & ipsi rectæ rationi contraria, fuerit propter accedentem justificationem acquiriti & rectæ rationi consentanea.

Quod vero addunt, ut censetur Deus dispensare a præcepto legis naturalis; necessarium non esse, ut vel jubeat vel permittat aliquam actionem quæ legi naturali contraria sit in sensu composito dispensationis a Deo concessæ, profecto manifeste falsum est; neque enim intelligitur, quo tandem pacto Super-

rior

rior censetur aliquem subditum ab onere alicujus legis dispensare, nisi pro summa sua auctoritate huic subdito permittat, ut aliquid contrarium legi faciat; si Princeps, v.g. lege lata in regno suo prohibuisset, ne quis noctu ferret arma, non videtur quo pacto aliquem e subditis suis ab illius legis obligatione dispensaret, nisi expresse ei veniam faceret arma ferendi noctu, in quo quidem casu permetteret actionem contrariam legi in sensu composito dispensationis; tunc enim subditus arma ferens non peccaret quidem in principem suum propter dispensationem ab eo concessam; sed actionem exerceat contrariam legi Principis: quod diligentissime observandum est, hæc enim duo confundere videntur adversarii.

Quamobrem cum Deus in hoc negotio non jussit Abrahamo, ut actionem exerceat contrariam legi naturali, quando quidem homicidium auctoritate & jussu Dei commissum; non adversatur rectæ rationi; manet certum & indubitatum quod diximus, Deum quidem hoc suo jussu mutasse materiam præcepti quo vetitum est homicidium; sed proprie non dispensasse Abrahamum ab illius præcepti obligatione; quia nimirum ei non permisit homicidium in iis circumstantiis consideratum, in quibus actio quædam fuisset legi naturali contraria.

Instabis cum Durando: In illo casu proprie loquendo dispensavit Deus, in quo amovit rationem indebiti, neque enim aliter dispensari potest a præceptis negativis: Atqui Deus summa sua auctoritate, qua vitæ & necis hominum Dominus est; amovit ab actione Abrahami rationem indebiti, effecitque, ut quæ actio fuisset indebita & injusta, fuerit justa & rectæ rationi consentiens, relaxans hac in parte in gratiam solius Abrahami obligationem illius præcepti, *Non occides*, quo quidem vetitum est homicidium; igitur

Tom. V.

proprie loquendo dispensavit Deus, in illo casu a præcepto legis naturalis.

Dist. maj. si hoc ipsum effecerit Deus per veram legis relaxationem & derogationem, C. si solummodo per immutationem materiæ præcepti, N. quid sit ejusmodi mutatio materiæ legis seu præcepti, quæ aliquam dispensationis speciem præ se ferre videtur; tamen si non sit veri nominis dispensatio, satis, ut puto, mox a nobis expositum est; ac proinde satis intelligitur Deum proprie non dispensasse Abrahamum ab illo præcepto legis naturalis quo vetitum est homicidium, sed solum mutasse materiam hujus præcepti; quatenus efficit, ut occisio Isaac non fuisset contra legem naturalem, non fuisset injusta, sed immo rectæ rationi consentiens propter Dei jussum: adeoque non fuerit amplius materia hujus præcepti, *Non occides*.

Et certe eodem modo se gessit Deus in illo casu, quomodo judex, qui præcipit carnifici ut reum aliquem morti tradat: sed quando judex præcipit carnifici, ut aliquem reum morti tradat, tunc amovit rationem indebiti (ut loquitur Durandus) ab illa carnifici actione qua reo vitam eripit, effecitque, ut quæ actio fuisset, sublatâ hac jussione, legi naturali contraria, & verum homicidium, sit justa & rectæ rationi consentiens, ubi tamen judex proprie dispensare non censetur carnificem ab illo præcepto quo vetitum est homicidium, sed solummodo vel interpretari legem seu præceptum, vel mutare materiam præcepti; ergo similiter, quando Deus præcepit Abrahamo ut filium suum Isaac immolaret, tamen in hac Abrahami actione amoverit rationem indebiti, tamen proprie loquendo non dispensavit a præcepto quo vetitum est homicidium.

Instabis & dices multum esse discriminis inter dispensationem Abrahamo concessam a Deo, & jus datum car-

Dd

nifici

nifici a iudiciis; hi enim non permittunt actionem contrariam legi naturali, utpote cum lege naturali vetitum non sit reum morti tradere, Deus vero praecepit Abrahamo mortem innocentis, quod fieri non potuit sine vera relaxatione juris naturalis; unde sic argumentari licet: Ille proprie dispensat a praecepto legis naturalis, qui permittitur vel etiam praecipit mortem innocentis, est enim, ut fatentur omnes, manifeste contrarium legi naturali innocentem occidere: atqui Deus praecepit Abrahamo mortem filii sui Isaac innocentis; ergo praecepit aliquid contrarium legi naturali, adeoque proprie loquendo Abrahamum dispensavit a praecepto legis naturalis.

Nego maj. ad probationem dist. Repugnat legi naturali innocentem occidere propria & privata auctoritate, ut si quis sine legitima causa, propria auctoritate alium hominem occideret, C. si id fiat suprema Dei auctoritate, qui vitæ & necis omnium Dominus est & arbiter, N. Ex illa autem solutione, quæ satis superque intelligitur, id unum colligi debet neminem præter Deum potuisse Abrahamo veniam facere interficiendi Isaac innocentem, non autem eatenus veram ac proprie dictam dispensationem Abrahamo concessisse.

His porro jactis principiis jam nulla superest difficultas in altero exemplo quo utuntur adversarii, ut probent Deum olim Israelitas dispensasse ab eo praecepto quo prohibitum est furtum; quando nempe iussit eis ut vasa aurea Ægyptiorum auferrent simulantes se mutuo illa accipere, ut legitur Exod. 11. cap. his verbis: *Dices omni plebi*, inquit Dominus ad Moysen: *ut postulet vir ab amico suo, & mulier a vicina sua vasa argentea & aurea.* cap. 12. *Fecerunt filii Israel sicut præceperat Dominus Moysi, & petierunt ab Ægyptiis vasa argentea & aurea, vestemque plu-*

rimam. Dominus autem dedit gratiam populo coram Ægyptiis, ut commodarent eis, & spoliaverunt Ægyptios. Eadem enim responsio quam modo adduximus, huic exemplo accommodari facile potest: scilicet nequitiam vera fuit isthac dispensatio a praecepto quo vetitum est furtum; Deus enim furtum non permisit Israelitis, qui iuste & licite vasa Ægyptiorum abstulerunt: nam furtum est rei alienæ subceptio quæ sit invito domino: sed Israelitæ rem alienam hoc in casu non subriperunt; hæc enim Ægyptiorum vasa a Deo bonorum omnium supremo Domino Israelitis concessa fuerant; igitur in illo casu non fuit furtum veri nominis: ac proinde nihil iniquum & legi naturali contrarium Israelitis praecepit Deus.

Aliter respondent nonnulli interpretes, scilicet secluso Dei iussu potuisse Israelitas vasa Ægyptiorum auferre, tum titulo mercedis, servierant enim eis laboriosissimo; tum titulo iusti belli, Hebræos enim tanquam conjuratos hostes miris modis divexaverant Ægyptii, quos proinde hocce titulo spoliare merito poterant Hebræi: quam responsionem confirmant auctoritate sancti Augustini hæc scribentis lib. 22. contra Faustum cap. 71. *Ægyptii sacrilegi & iniqui erant, & auro illo, hoc est Dei creatura, male utentes ad Creatoris injuriam, suis idolis serviebant, & homines peregrinos labore gratuito injuste & vehementer afflixerant. Digni ergo erant & Hebræi, quibus talia suberentur, & Ægyptii qui talia paterentur.* Eundem consule qu. 39. in Exod.

Ex eodem facto inferunt adversarii Deum quoque Israelitas dispensasse ab eo praecepto quo vetitum est mendacium, quia veniam illis dedit mentiendi coram Ægyptiis, simulando se mutuo accipere eorum vasa, quæ rapere & nunquam reddere cogitabant.

Sed facile responderetur in illa agendi ratione Israelitarum nullum omnino fuisse

fuisse mendacium. Scilicet legitur quidem Deum præcepisse Israelitis ut possiderent vasa Ægyptiorum: *Dices omni plebi ut possidet vasa aurea & argentea*: sed non legitur illos simulasse hæc vasa se mutuo accipere ab Ægyptiis; tum nec præcepisse Deum, ut mutuo accipere se significarent: habetur quidem cap. 12. supra citato, hæc sua vasa Israelitis commodasse Ægyptios, sed ex eo solum colligi potest hos errore facti peccasse, cum existimaverunt vasa nonnisi mutuo accipere Israelitas.

Putat Josephus hæc vasa Hebræis dono fuisse data ab Ægyptiis: tum ut celerius discederent, tum ob vicinariis consuetudinem & priusnam familiaritatem, sed ista minus aridet interpretatio: in Scriptura enim legitur hæc non donata sed commodata esse, atque Hebræos, cum hæc sibi usurparunt, spoliasse Ægyptios.

Respondent alii, eos verisimiliter qui inter Hebræos erant boni intendisse bona fide vasa reddere Ægyptiis; sed cum illi contra fidem datam abeuntes hostiliter sunt insecuti, censuerunt Hebræi se officio ea reddendi solutos esse, atque indignos esse Ægyptios quibus ea redderentur. Verum quicquid sit certum est in isto casu Deum Israelitis non permisisse mendacium; nihil est enim in hoc Scripturæ contextu quod vel leviter innuat.

Obijcies: Quædam alia suppetunt in Scripturis exempla, ex quibus apparet Deum identidem dispensasse a nonnullis præceptis legis naturæ.

1. Pugnare videtur contra legem naturalem, si quis propriam sororem in uxorem ducat: atqui tamen id per Deum licuit Abrahamo, cum Saram, matrimonio sibi conjunxit.

2. Lege naturali veritas est usura, ut docent plerique omnes Theologi; est enim quædam farti species: atqui Deus dispensavit in hac lege Israelitis, quibus nimirum permisit scenerari cum

alienigenis, Deuter. 23. *Non scenerabis fratri tuo ad usuram pecuniam, nec fruges, nec quaslibet aliam rem, sed alieno.*

3. Pugnare videtur polygamia cum lege naturali, adversatur enim paci familie & bonæ liberorum educationi: atqui tamen Deo sic volente licita fuit polygamia veteribus Patriarchis, Abraham, Davidi & aliis.

4. Lege naturali matrimonium est omnino indissolubile: atque tamen divortium permisit Deus in veteri Testamento, ut legimus Deuteronom. 24. *Si acceperit homo uxorem & habuerit eam, & non invenerit gratiam ante oculos ejus propter aliquam sceleratam, scribet libellum repudii, & dabis in manu illius, & dimittet eam de domo sua.*

5. Lege naturali prohibita est fornicatio: atqui tamen ab illa lege Deus dispensavit Ozeam Prophetam, cui nempe mercedi præceptum dedit c. 1. hujus Prophetiæ: *Vade, inquit Dominus, sume tibi uxorem fornicatorem & fac filios fornicationum, quia fornicans fornicabitur terra a Domino.* Atque idcirco Ozea liberus vocat filios fornicationum, cap. 2. *filii fornicationum sunt, quia fornicata est mater eorum, confusa est qua concipit eos, quia dixit, Vadam post amatores meos.*

Respondeo nihil quoque adversus nostram sententiam inferri posse ex quinque illis Scripturæ exemplis.

Ac primo quidem negamus legi naturali repugnare hoc factum, quo quis in uxorem ducit propriam sororem; nihil est enim quod in hac re vel minimam iniquitatis & injustitiæ umbram præ se ferat (ex qua tamen solum regula judicari potest, an ejusmodi facta particularia pugnent adversus legem naturalem necne), quin potius ejusmodi connubia legi naturali videntur maxime consentanea fuisse; præsertim in prima hominum ætate, cum orbis multiplicandi incumbere necessitas. Quibus

bus addi potest Saram Abrahami nepotem fuisse, non sororem: unde eum legitimus Genes. 22. & 20. eam appellari sororem Abraham, id intelligi debet juxta morem receptum quo consanguinei dicebantur fratres, ut quando Loth dicitur frater Abraham, cujus erat nepos; atque ita nonnulli in Evangelio dicuntur fratres Domini, quos sine dubio non peperit Maria, ut observat Sanctus Augustinus lib. 22. contra Faustum cap. 25.

Ad secundum responderi solet cum S. Ambrosio qui lib. de Tobia cap. 15. eidem objectioni sic reponit: *Legis ipsius verba considera, Fratri tuo non sanerabis ad usuram, sed ab alienigena exiges. Quis erat tunc alienigena nisi Amalech, nisi Amorrhæus, nisi hostes? ibi, inquit, usuram exige. Cui merito nocere desideras, cui jure inferuntur arma, huic legitime indicantur usura. Quem bello non potes facile vincere, de hoc cito potes centesima vindicare te. Ab hoc usuram exige quem non sit crimen occidere. Verum ut cordate fatear, ad solvendam præsentem difficultatem plane inutilis est ista responsio. 1. Quia non videtur satis apte accommodari posse Scripturæ testimonio; siquidem nomen alieni seu alienigenæ restringit S. Ambrosius ad solos Judæorum hostes, quod manifeste intelligi debet de omnibus externis & peregrinis gentibus; hos enim alienigenas Scriptura universim opponit fratribus seu Judæis. 2. Quia tamen per alienigenas eo loci intelligantur solummodo Amalecitarum, Amorrhæi & alii Judæorum hostes, a quibus usuram repetere Judæis permittit Deus, eadem semper remanet difficultas; inde enim sequitur Deum ab illo præcepto, quo vetita est usura, dispensasse Judæos.*

Quamobrem respondeo eatenus proprie loquendo concessam non fuisse Judæis dispensationem a præcepto legis naturalis, quatenus eis permisit Deus cum usura pecuniam dare alienigenis;

quia nimirum tunc Judæis ejusmodi pecunias dedit Dominus pro summo suo in res omnes jure, quo factum est ut nihil injustum & iniquum tunc commiserint Judæi: adeoque in legem naturalem nequitiam peccasse censentur.

At, inquires, ulura est contra jus naturale.

Dist. Quando luerum illud non alio titulo accipitur quam vi mutui & privata pecuniam commodantis auctoritate, C. quando accipitur vi donationis factæ a Deo, N. quo principio nititur hæc responsio satis abunde, ut puto, mox a nobis expositum est, ubi exemplum Abraham discussimus. Quibus addi de indubitatum non esse apud omnes usuram que certo certius lege positiva a Christo Domino prohibita fuit, pugnare cum lege naturali.

Ad tertium objectionis caput ubi de polygamia, respondeo jure non dici a nonnullis Theologis polygamiam pugnare cum lege naturali, que nimirum vetita est solummodo lege positiva Christi, que legitur Matthæi 19. cap. Et ratio est quia licet in hoc statu non ita facilis & commoda sit prolium educatio, quanta esse solet in monogamia, tamen ipsa per se polygamia nihil mali continet, ad nullam injustitiam provocat; quin potius videtur ad majorem generis humani propagationem ordinata, proindeque nulla ex causa dici potest legi naturæ contraria.

Ad quartum quod spectat; quibusdam placet hanc legem qua Deus divortium permittit Judæis, non fuisse permissionem approbativam, ut aiunt, sed tolerantivam tantum, hoc est, tolerantiam minoris mali, ut gravius vitaretur; unde, inquit, docet Christus in Evangelio id fuisse Judæis concessum ad duritiam cordis, Marci 10. *Ad duritiam cordis vestri scripsit præceptum istud.* Unde & inferunt quidam alii per ejusmodi repudium, solum non fuisse vinculum matrimonii, adeo ut repudians aliam ducere.

ducere, & repudiata alteri nubere posset, cum præterea, inquiunt, licitum nunquam fuerit mulieribus dimissis iterum nubere, juxta illud Deuteronomii 24. *Quod si egressa alterum maritum duxerit, & ille quoque oderit eam, deditque ei libellum repudii, & dimiserit e domo sua, vel certe mortuus fuerit, non poterit prior maritus recipere eam in uxorem, quia polluta est & abominabilis facta est coram Domino.*

Verum nobis vehementer displicet ista responsio.

1. Quia ejusmodi sententia gratis omnino fingitur, omnes enim & Judæi Scriptores, & SS. Patres, & singuli fere Theologi uno ore docuerunt, hocce repudii libello solum omnino fuisse Judæorum matrimonium. Esto quod ad duritiam cordis hæc primæ leges, quæ indissolubile connubii vinculum sanxerat, relaxatio concessa fuerit Judæis per tolerantiam, ut aiunt minoris mali, ut gravius vitaretur; nihil tamen obstat quominus vere per istam tolerantiam, ita Judæis permixtum fuerit repudium, ut dato semel illo repudio solum vere fuerit matrimonii vinculum. Idcirco autem Deuteronom. 24. cap. repudiata dicitur polluta & coram Deo abominabilis, quia scilicet hac eadem lege reductus ad maritum qui eam repudiaverat, fuit a Deo vetitus, & verisimiliter quia speciem adulterini concubitus præ se ferebat hic orbicularis nuptiarum regressus, indeque fucatum & palliatum creditum fuisset hoc divortium.

2. Quia nisi his litteris dimissoris, quas uxori porrigebat maritus, vere solum fuisset matrimonium; adeo ut potestas fieret repudiare ad alias nuptias convolvendi, nimis certe dura & iniqua fuisset feminarum conditio, quæ sine ulla sua culpa subinde repudiabantur; si nimirum per reliquum vitæ suæ tempus celibes vivere debuissent, nec eis libera fuisset sine peccato iterum nubendi potestas; quocirca plerumque de fa-

cto alteri viro nubebant, ut aperte indicat id quod legitur v. 2. *Cumque egressa alterum maritum duxerit.*

Quapropter ad propositam difficultatem sic respondeo: Lege naturali matrimonium est indissolubile; quando initum & celebratum est ea lege ut esset indissolubile, C. secus & in alio casu, N. igitur matrimonium in primæva hominum ætate, & quidem lege positiva fuit indissolubile quoad vinculum, quando nempe Deus dixit Genes. 2. *Relinquet homo patrem suum & matrem, & adhærebit uxori suæ, & erunt duo in carne una.* Et consequenter jure naturali matrimonium fuit indissolubile; quatenus jure naturali stare promissis quilibet tenetur; ac proinde sine violato jure naturali nemo potuit inter Hebræos solvere matrimonium, cum ea scilicet lege initum, ut foret perpetuum, & solo mortis casu solubile; fuit, inquam, omnino tunc indissolubile etiam jure naturali; donec Deus, ejus profecto est leges matrimonii sancire, tandem statuerit posse Judæos ex certis causis connubia solvere, in quibus & licitum fuit viro dare uxori libellum repudii. Hac porro lege positiva a Deo lata per Moysen, quæ quidem, ut mox ostendimus, solum omnino fuit matrimonii vinculum, dico & tunc matrimonium apud Judæos non fuisse amplius indissolubile jure naturali; cum enim ea lege ab iis non celebraretur ut perpetuum foret & sola morte dissolveretur, nemo sane jure naturali tenebatur in perpetuum uxori suæ adhærere; unde merito diximus lege naturali, matrimonium esse indissolubile, quando & ubi initum est sub ista lege & conditione, nequaquam vero si in alio casu.

At, inquit, his positis, Deus dispensavit Israelitis ab aliqua lege naturali legem naturalem hac in parte immutavit & abrogavit; effecit enim, ut quod matrimonium erat lege naturali indissolubile, potuerit ex certis causis etiam

etiam quoad vinculum dissolvi, quando per Moſem veniam fecit dandi libellum repudii.

Reſpondeo, ut ſupra jam diximus, non ideo Deum proprie loquendo diſpenſaſſe ab aliquo legis naturalis præcepto; neque enim permixtiſſe Iſraelitis quicquam agere contra legem naturalem; ſed ſolummodo mutaſſe materiam cujuſdam juris naturalis; quando enim lege poſitiva licitum fuit Iſraelitis ex certa cauſa divortium, jam apud eos non celebrabantur matrimonia cum ea lege ut forent indiſſolubilia; facti ſunt enim legi, quæ libellum repudii ſtatueraſſet, plene obnoxii; ac proinde matrimonium apud eos deſiit eſſe indiſſolubile jure naturali propter rationem a nobis mox allatam.

Ad quintum denique exemplum reſpondeo nequaquam Ozeæ Prophetæ fornicationem permiſiſſe Deum: etenim juſſus quidem eſt Propheta in uxorem ducere mulierem alias fornicariam & meretricem; non autem quaſi ex illa manente fornicaria & meretrice filios ſuſcepturus ſit. Rem ſic exponit S. Hieronymus in illa verba Ozeæ: *quanto illa ſordidior eſt, inquit, tanto ſit Propheta patientior, qui talem uxorem duxit. Et poſtea, nec culpandus Propheta, ſi meretricem converteris ad pudicitiam, ſed potius laudandus, quod ex mala bonam fecerit.* Tam vero & S. Thomas 1. 2. q. 100. art. 8. Ozeas, inquit, *accedens ad uxorem fornicariam vel mulierem adulteram, non eſt maritatus vel fornicatus, quia acceſſit ad eam quæ ſua erat ſecundum mandatum divinum, qui eſt auctor inſtitutionis matrimonii.* Quod autem ſubjungit Deus hæc verba, *ſic filios fornicationum*, id intelligitur eo ſenſu, quod filii ex illa meretrice natiſcitur appellari poterant fornicarii ex matre quæ fuit fornicaria, non autem eo ſenſu quod futuri ſint veræ fornicationis ſæctus, utpote ex uxore legitima ſuſcipiendi.

Objicies auctoritatem S. Bernardi, quæ lib. de præcepto & diſpenſatione, aperte docet ab illis præceptis, Non occides, Non moechaberis, Non ſurtum facies, quæ haud dubie ad legem naturalem pertinent, Deum olim diſpenſaſſe. Scilicet cap. 2. *neceſſarium triplex diſtinguit, Neceſſarium, inquit, in tria ſubdividitur, ſtabile, inviolabile, immutabile. Et quidem ſtabile dixerim, quod ita eſt neceſſarium, ut non cuilibet hominum illud mutare fas ſit, niſi ſolis diſpenſatoribus myſteriorum Dei, id eſt, præpoſitis, ut, v. g. Regula Sanctorum Baſili, Auguſtini, Benediſti, necnon & authentici Canonis, & ſi quæ ſunt alia Eccleſiaſtica inſtituta digna auctoritatis. Quæ quoniam a Sanctis tradita ſunt, ſancita ſtabiliſſe perſeſerant, nec omnino curvis ſubjectorum ea aliquo modo variare vel mutare conceditur....*

Neceſſarium ſeinde, inquit cap. 3. *quod inviolabile nominavi, illud intelligi quod non ab homine traditum, ſed divinitus promulgatum niſi a Deo qui tradidit, mutari omnino non patitur, ut exempli cauſa, Non occides, Non moechaberis, Non ſurtum facies, & reliqua illius tabule legiſcripta, quæ etſi nullam proſus humanam diſpenſationem admittunt, nec cuiquam hominum ex his aliquid aliquo modo ſolvere aut liceat aut licebit. Dominus tamen horum quod voluit, quando voluit, ſolvit, ſive cum ab Hebræis Ægyptios ſpoliari, ſive quando Propheta cum muliere fornicaria miſceri præcepit. Quorum utique alterum quid niſi græve ſurti facinus, alterum quid niſi flagitii turpitudine reputaretur, ſi non excuſſeſſet utrumque factum auctoritas imperantis?*

Jam vero, inquit ibidem, *neceſſarium immutabile quid accipi velim? Egidem vel congruentius, quam quod divina ita conſtat & æterna ratione firmatum, ut nulla ex cauſa poſſit vel ab ipſo Deo aliquatenus immutari. Sub hoc genere eſt omnis illa Sermoſis Domini in monte ſab-*

habiti spiritualis traditio, & quicquid de dilectione, humilitate, mansuetudine, ceterisque virtutibus, tam in novo quam in veteri Testamento, spiritualiter observandum contrahitur. Ubi cum S. Bernardus triplex distinxisset necessarium, nempe stabile, inviolabile, & incommutabile: stabile refert ad constitutiones humanas, atque a solis Ecclesiæ Prælati mutari posse; incommutabile quod tertio loco recenset, refert ad legem æternam, unde fatetur illud nulla ex causa vel ab ipso Deo mutari posse: sed inviolabile quod refert ad præcepta secundæ tabulæ, docet a Deo solo mutari posse, non ab hominibus; quandoquidem revera Deus hæc præcepta, Non occides, Non moechaberis, Non furum facies, dudum solvit quomodo voluit & quando voluit: Cum nempe ab Hebræis Ægyptios spoliari, sive quando Prophetam cum muliere fornicaria misceri præcepit. Ex quibus sic conficitur argumentum. Hic docet S. Bernardus Deum mutare posse, atque etiamnum mutasse aliquando per dispensationem hæc præcepta, Non occides, Non moechaberis, Non furum facies: sed ista profecto pertinent ad legem naturalem; ergo existimavit Deum dispensare posse a præceptis legis naturalis, etsi, inquit ille, nullam prorsus humanam dispensationem admittunt.

Dist. maj. mutasse per dispensationem improprie dictam; C. per dispensationem proprie dictam, N. Quid sit utraque hæc duplex dispensatio, jam abunde explicuimus, Nihil est autem quod persuadeat eo loci S. Bernardum loqui de dispensatione proprie dicta; quin potius multum verisimile est id unum voluisse sanctum Doctorem in his præceptis Deum ita posse materiam immutare in certis casibus & circumstantiis, ut qui actus externi cum ejusmodi præceptis pugnare videretur, revera non pugnent; quod videretur esse furtum, non esset furtum; quod homicidium reputaretur, non foret tamen homicidium; nihil quippe

aliud innuunt hæc verba, Dominus autem horum quod voluit, quando voluit, solvit, sive cum ab Hebræis Ægyptios spoliari, sive quando Prophetam cum muliere fornicaria misceri præcepit. Quorum utique alterum, quid nisi grave furri facinus, alterum quid nisi flagitii turpitudine reputaretur, si non excussisset utrumque auctoritas imperantis? Excussisset, inquam, agens ex ea auctoritate qua ita circumstantias illarum actionum immutat, ut desinant pugnare cum lege naturali; quemadmodum diximus supra, cum eadem singula exempla discussimus.

At, inquires, discrimen affert S. Bernardus inter necessarium inviolabile, & necessarium incommutabile, in eo scilicet quod prius a Deo mutari possit, neutiquam vero posterius: atqui posita hæc responsione stare non potest illud discrimen, nullum enim erit præceptum mutabile, aut si quod sit mutabile sensu mox adducto, nimirum per dispensationem improprie dictam, utrumque præceptum esse mutabile, poterit enim & posterius necessarium, quod incommutabile appellat S. Bernardus, mutari per dispensationem improprie dictam; ergo cum docet necessarium inviolabile a Deo mutari posse per dispensationem; id intelligit de dispensatione proprie dicta.

Nego min. Id quippe manebit discriminis inter utrumque illud necessarium, quod necessarium inviolabile mutari possit saltem per dispensationem improprie dictam; quatenus nempe præceptorum, quæ ad illud necessarium revocat S. Bernardus, materia mutari potest, qualis est materia furti, moechiæ, & homicidii: Necessarium autem incommutabile nequidem improprie & per dispensationem improprie dictam mutari possit; ejusmodi sunt dilectio, humilitas, mansuetudo, quæ quidem, inquit S. Doctor, talia sunt quæ nec liceat, nec expediat aliquando non haberi. Quia nempe ejusmodi virtutum materia non est mutationi obnoxia.

Ob-

Obijcies: insuper: Id potest a Deo concedi quod & ipse nonnumquam legitime concedit summus Pontifex: atqui nonnumquam a lege naturali legitime dispensat summus Pontifex, idque possimum in duplici casu.

Primo dispensat summus Pontifex ab actuali Episcoporum residentia in suis Dioccesibus: sed residentia Episcoporum est juris naturalis; æquum est enim & recte rationi maxime consentaneum, ut Pastor gregem sibi concreditum continua sollicitudine pascat & conservet, id ipsa Pastorum officii natura postulat; *Quis non dixerit, inquit S. Athanasius in Apolog. ad Constantium, istiusmodi postulationem in Episcopo aquam esse? Ecclesia non deferenda ab Episcopo. Nostri ex lectione Scripturarum quanti sceleris suis Episcopum Ecclesiam suam deferere & negligere gregem Dei? Pastorum enim absentia lupis invadendi gregis occasionem præstat.* Ergo.

Secundo per sæpe dispensat summus Pontifex votis etiam in re maximi momenti emissis, quale est, v. g. votum de perpetua castitate servanda: atqui lege naturali quilibet tenetur vota sua implere; igitur.

Respondeo in neutro casu summum Pontificem proprie loquendo dispensare. Ac primo non dispensat Episcopos a residentia; eos quippe non eximit ab onere actus residentie in illis circumstantiis in quibus necessario residere teneantur; sed solum cum auctoritate declarat Episcopos in his aut illis circumstantiis positos, in quibus ratione habita sui officii a suis sedibus legitime abesse possunt: hujus absentie causas legitimas decernit Concilium Tridentinum Sess. 23. cap. 1. ubi sub poenis canonicis injuncta personali Episcoporum residentia in suis Dioccesibus, addit eos abesse posse ex his causis & modis: *Cum Christiana charitas, urgens necessitas, debita obedientia ac evidens Ecclesia vel Republica utilitas id*

postulant & exigunt. Et postea. *Inter ea meminerint discessuri ita omnibus suis providendum, ut quantum fieri poterit, ex ipsorum absentia nullum damnum accipiant.*

Et similiter quoad vota semel ab hominibus emissæ, id unum tantummodo agit summus Pontifex, scilicet cum auctoritate declarat votum in hoc & illo casu non obligare, puta nempe quando temere fuit conceptum, vel quando ejus materia evasit impossibilis, denique quando nocivum foret aut voventis salutis, aut bono publico, ejusmodi votum implere: unde sequitur summum Pontificem ab onere voti proprie non dispensare quemquam; neque enim manente vororum obligatione suam dispensationem qualemcumque concedit. Ita respondet S. Thomas 2. 2. quæst. 88. art. 10. ad 2. his verbis: *Dicendum quod sicut ex jure naturali & divino tenetur homo implere votum, ita etiam tenetur ex eisdem obedire Superiorum legi vel mandato. Et tamen cum dispensatur in aliqua lege humana, non fit ut legi humane non obediatur, quod est contra legem naturæ & mandatum divinum: sed fit ut hoc quod erat lex, non sit lex in hoc casu. Ita etiam auctoritate Superioris dispensantis fit ut hoc quod continebatur sub voto, non contineatur; in quantum determinatur in hoc casu hoc non esse congruam materiam voti. Et ideo cum Prelatus Ecclesia dispensat in voto, non dispensat in præcepto juris naturalis vel divini, sed determinat id quod cadebat sub obligatione deliberationis humane, quæ non potuit omnia circumspicere.*

Instabis: Docet aperte S. Thomas nonnumquam & hominem dispensare posse in lege naturali, sic enim habet 1. 2. q. 97. art. 4. ad 3. *Dicendum quod lex naturalis in quantum continet præcepta communia quæ nunquam fallunt, dispensationem recipere non potest: in aliis vero præceptis quæ sunt quasi conclusio-*

nes praeceptorum communium, quandoque per hominem dispensatur.

Verum ibi S. Thomam non loqui de dispensatione proprie dicta, sed de explanatione seu interpretatione, qualiter unicuique ex communibus praeceptis legis naturalis quasdam conclusiones erueret; easque ad casus particulares applicare, aperte significat quaest. art. 8. in corpore: *Dicendum*, inquit, *quod supra dictum est*, loco scilicet objecto, tunc in praeceptis fieri debet dispensatio quando occurrit aliquis particularis casus in quo si verbum legis observatur, contrarietur intentioni legislatoris. Intentio autem legislatoris cujuslibet ordinatur primo quidem & principaliter ad bonum commune; secundo autem ad ordinem iustitiae & virtutis, secundum quem bonum commune conservatur & ad ipsum pervenitur. Si ergo praecepta dentur quae continent ipsam conservationem boni communis, vel ipsum ordinem iustitiae & virtutis, huiusmodi praecepta continent intentionem legislatoris, & ideo indispensabilia sunt, puta si poneretur hoc praeceptum in aliqua communitate; quod nullus destrueret Rempublicam, neque prodere civitatem hostibus, siue quod nullus faceret aliquid iniuste vel male; huiusmodi praecepta essent indispensabilia. Sed si aliqua alia praecepta traderentur ordinata ad ista praecepta, quibus determinantur aliqui speciales modi, in talibus praeceptis dispensatio posse fieri, in quantum per omissionem huiusmodi praeceptorum in aliquibus casibus non fieret praedictum primis praeceptis, quae continent intentionem legislatoris, puta si ad conservationem Reipublicae statueretur in aliqua civitate, quod de singulis vicis aliqui vigilarent ad custodiam civitatis obesse, posset cum aliquibus dispensari propter aliquam maiorem utilitatem. Ubi profecto divus Thomas dispensationem appellat, meram determinationem legis ad casus particulares.

Idem vel clarius explicat 1. 2. qu. Tom. V.

103. art. 8. ad 4. ubi in alia materia sic loquitur: *Dicendum quod illa excogitatio magis fuit interpretatio praecepti quam dispensatio*. Non enim intelligitur violare Sabbathum qui facit opus quod est necessarium ad salutem humanam, sicut Dominus probat, Matth. 12.

De Lege positiva.

Postquam de lege aeterna & naturali, quae interuix quasdam leges sunt, satis superque dictum est; sequitur ut de positiva, quae nimirum exterius promulgata fuit hominibus, paulo uberius pertractemus. Lex positiva, ut jam observavimus, duplex distinguitur, divina nempe & humana; de divina prius agendum: ea duplex est, vetus altera seu Moisaica, altera nova seu Christi; quamobrem de iis quae spectant veterem nunc primum agemus.

De lege divina veteri.

DE lege veteri hae solent a Theologis institui quaestiones: 1. Quæritur quæ fuerit lex vetus & ejus praecepta. 2. Utrum fuerit bona. 3. An fuerit perfecta lex, an imperfecta solum & infirma. 4. Utrum a Deo data fuerit. 5. An per Angelos. 6. Utrum data fuerit in commoda Iudeorum. 7. An & quando fuerit penitus abrogata. 8. Denique, an sincere vel ficto animo post Christi mortem observatae fuerint ab Apostolis legales caeremoniae.

Quæ fuerit lex vetus, quæque ejus praecepta.

NOMINE legis antiquæ universim loquendo intelliguntur omnia praecepta positiva, quæ Deus populo suo tradidit aut verbo aut scripto, ab ipso mundi ortu ad usque tempora Christi Domini: fuerunt enim primis parentibus data quædam positiva praecepta, quæ

E c ante

ante legem Mosaicam vim legis obtinuerunt apud Hebræos, & cum aliis postea Mosaicæ legis institutis immixta fuerunt, ut nonnulla sacrificia, lex abstinentiæ a suffocatis, lex de semine fratris suscitando: strictius vero si nomen veteris legis sumatur, quo sensu frequentius accipi solet apud omnes, nihil aliud significat quam legem scriptam a Mose datam Judæis, eaque vel simpliciter & sine addito dicitur *lex vetus*, quia comparatur cum lege Christi quæ appellatur nova, vel *lex scripta*, per oppositionem ad legem naturalem qua duce regabantur homines ante legem quæ de mandato Dei scripta est in tabulis lapideis; vel denique dicitur *Lex Mosaica*, quia ministerio Moïsi data fuit Judæis.

Hujus legis præcepta sunt triplicis generis, nempe moralia, cæremonialia, & judicialia, juxta illud Deut. 5. cap. *Loquar tibi omnia mandata mea, & cæremonias, atque judicia.* Et cap. 6. *Hæc sunt præcepta, cæremonias atque judicia quæ mandavit Dominus Deus vestris, ut docerem vos & faciatis ea.*

Moralia sunt ea quæ ad mores potissimum spectant, tum vero hominem ad actiones per se bonas primario dirigunt, ejusmodi præceptorum summam complexus est Deus in Decalogo. Decalogus dicitur quasi decem verba, quæ in duabus tabulis ad regimen populi descripta fuerunt, ut scilicet facilius memoriæ singulorum mandarentur; legitur Exod. 20. cap.

In prima tabula tria continentur præcepta quæ Deum ipsum spectant. 1. Præcipitur ut unus Deus colatur, nec fiant Idola: *Non habebis deos alienos coram me; non facies tibi sculpsile, neque omnem similitudinem quæ est in cælo desuper, & quæ in terra deorsum, neque eorum quæ sunt in aquis sub terra. Non adorabis ea neque coles.* 2. Prohibetur ne nomen Dei in vanum sumatur: *Non assumes nomen Domini tui in vanum.*

3. Præcipitur sanctificatio diei septimæ: *Memento ut diem Sabbathi sanctifices, sex diebus operaberis, & facies omnia opera tua: septimo autem die Sabbatum Domini Dei tui est. Non facies omne opus in eo tu & filius tuus & filia tua, servus tuus & ancilla tua, jumentum tuum, & advena qui est intra portas tuas.*

In secunda tabula septem continentur præcepta quæ spectant proximum. Primum est, *Honora patrem tuum & matrem tuam, ut sis longævus super terram quam Dominus Deus tuus dabit tibi.* Secundum, *Non occides.* Tertium, *Non machaberis.* Quartum, *Non fur-tum facies.* Quintum, *Non loqueris contra proximum tuum falsum testimonium.* Sextum, *Non concupisces domum proximi tui, nec desiderabis uxorem ejus.* Septimum, *Non servum, non ancillam, non bovem, non asinum, nec omnia quæ illius sunt.*

Præter hæc decem præcepta, sunt alia quoque moralia quæ ad Decalogum referuntur.

Ad primam quidem Tabulam referri possunt leges de non immolando Diis alienis, Exod. 22. cap. de evertendis falforum deorum simulachris, Exod. 23. quæ contra Ariolos, Magos, Pythones statuuntur, Levit. 19. & 20. tum Deuter. 18. lex de non offendo semine Moloch, Levit. 18. lex qua jubetur non esse jurandum per Deos alienos, Exod. 23. & aliæ ejusmodi.

Ad secundam Tabulam aliæ referri possunt prope innumera; quædam sunt de honorando Principe, Exod. 22. quædam de honorando Sene, Levit. 19. contra illicitos concubitus, Exod. 22. & Deuter. 23. adversus usuras, Exod. 22. Levit. 23. Deuter. 23. adversus veneficos, parentum percussores, Exod. 21. adversus adulteras, Deuter. 22. & cætera id genus.

2. Præcepta cæremonialia sunt ea quibus certi ritus ad cultum divinum ordinati præ-

prescribuntur. Ea dividuntur in Sacramenta, Sacramenta & sacras quasdam observantias.

Sacrificia sunt præsertim triplicis generis, nempe holocaustum, pacificum, & propitiatorium. In holocausto tota hostia consumebatur in agnitionem divinæ Majestatis; hujus sacrificii ritus describitur *Levit. cap. 1.* Ignis coelitus demissus corripiebat aliquando victimam in holocaustum oblatam. Sacrificium pacificum fiebat in gratiarum actionem pro acceptis a Deo beneficiis; unde dictum est Eucharisticum; una pars hostiæ incendebatur in honorem Dei; altera in usum sacerdotum reservabatur; tertia in usum offerentium, *Levit. c. 3.* Propitiatorium fiebat pro expiandis hominum peccatis; immolabantur e pecudibus boves, oves, capræ; ex avibus, columbæ, turtures, passeris; de fructibus terræ, panis, vinum, sal & thus.

Sacramenta alia communia erant omnibus, hoc est, Sacerdotibus, Principibus & populis; ut Circuncisio, esus Agni Paschalis; alia vero propria Sacerdotum, ut eorum Consecratio.

Festivitates seu sacræ observantiæ fuerunt Sabbathum, Pascha, festum Azy-morum, Pentecostes, festum tubarum, festum expiationum, festum Tabernaculorum, quibus & decursu temporis accessere quamplurimi alii dies solemnes.

Præcepta judicialia sunt ea per quæ Magistratus rem publicam & politicam gerebant, alia erant Principum ad subditos; alia subditorum ad se invicem; quedam populi Judaici ad extraneos; alia ad suos domesticos. In unaquaque Tribu fuit vir primarius a quo illa regeretur, qui propterea dicebatur Princeps tribus; & ita cum essent duodecim tribus, erant quoque duodecim Principes. *Numer. cap. 1. & 6.* Horum præcipuum fuit officium cognationes quibus præstant convocare, ad eas referre quæ ad Rempublicam pertinerent, & in bello

Duces eorum esse. Omnium celeberrimum apud Judæos tribunal fuit Syne-drium ex 71. Judicibus constitutum, in subsidium Moisi, qui solus lites dijudicabat, coopertati sunt.

Utrum Lex vetus fuerit bona.

Legem veterem esse reprobendam ut in se malam & a malo principio latam, omnes fere docuerunt Hæretici qui primis Ecclesiæ sæculis vixerunt; ita nimirum Cajani, Cerdopiani, Apellitæ, Marcionitæ, & Manichæi, contra quos sit

CONCLUSIO.

Lex vetus fuit bona.

Primo, quia expresse laudatur ut sancta, justa, & bona ab ipsis auctoribus sacris, *Psal. 18. Lex Domini immaculata, convertens animas: testimonium Domini fidele, sapientiam præstans parvulis, Justitia Domini recta, latificans cæca: præceptum Domini lucidum, illuminans oculos.* Eodem modo de eadem lege loquitur Apostolus ad Rom. c. 7. *Lex quidem sancta, & mandatum sanctum, & justum, & bonum;* & rursus I. ad Timoth. cap. 1. *Bona est lex, si quis ea legitime utatur.*

Secundo, quia Christus eam ipse adimplevit, huic se ipse subjecit: fuit enim circuncisus, & oblatas in templo, Agnum Paschalem quotannis manducavit cum cæteris Judæis; cæteras accurate observans cæremonias, unde palam id professus est, *Matt. 5. Non veni, inquit, solvere legem, sed adimplere.* Quibus addideris ejusdem legis mandata executioni demandasse pios omnes viros, qui ante novæ legis promulgationem vixerunt; veteres nimirum Patriarchas, Prophetas & alios ejusmodi quorum eximia vitæ sanctitas laudatur in Scripturis, quibus & adungi possunt *Joan. Baptista, B. V. M. & ipsi Apostoli:*

E c 2

Ter-

Tertio, quia lex illa præcipit omnia virtutum genera, nullum vero non prohibet peccatum & scelus; ad verum Dei cultum homines provocat, ab idololatria & falsis numinibus avertit, debitam parentibus venerationem edocet ac præcipit, justitiæ & servandæ æquitatis leges & modum ubique præscribit; variis poenis terrorem incutiens, omnium bonorum promissionibus alliciens, ut aperte constat ex Decalogo & cæteris præceptis lege veteri sancitis, quæ modo commemorabimus.

Quarto demum id probari potest ex eo quod infra sumus ostensuri, hanc legem ab ipso Deo latam fuisse; tum vero ut singulare Dei beneficium erga Judæos, Deuter. 4. cap. *Non est alia natio tam grandis, quæ habeat Deos appropinquantes sibi, sicut noster Deus adest cunctis observationibus nostris. Quæ est enim alia gens sic inclyta, ut habeat caeremonias, jussuque judæia & universam legem, quam ego proponam hodie ante oculos vestros. Legitur insuper sancta in fœdus Deum inter & homines initum, Deuter. 26. Dominum elegisti hodie, ut sit tibi Deus, & ambules in viis ejus, & custodias caeremonias illius, & mandata, atque judæia, & obedias ejus imperio. Et Dominus elegit te hodie ut sis ei populus peculiaris, sicut locutus est tibi, & custodias omnia præcepta illius. Quæ profecto legis veteris dotes & tituli manifeste indicant eam esse bonam, sanctam, & justam.*

His accedit Patrum omnium, qui in prima Ecclesiæ ætate adversus citatos Hæreticos scripserunt, unanimis super ea re consensus; consuli possunt S. Just. dialogo cum Triphone. S. Irenæus l. 4. adversus Hæreses cap. 31. & 32. Tertullianus in libris adversus Marcionem conscriptis, ac præsertim lib. 1. c. 26. lib. 2. cap. 15. & 18. Origenes l. 5. contra Celsum. S. Clemens Alex. lib. 1. Pædagog. cap. 11. S. Gregor. Nazianz. orat. 42. S. August. in locis prope in-

numeris, tract. 3. in Joan. singulis fere ac integris libris contra Faustum, lib. 1. cap. 19. de Sermon. Domini in monte, &c.

Obijcies: Lex illa non est bona & justa, quæ in multis locis Scripturarum expresse dicitur mala: atqui lex vetus expresse dicitur mala in multis Scripturæ locis.

1. Sic de populo suo Judaico loquitur Deus apud Ezechielem cap. 20. *Ergo & ego dedi vobis præcepta non bona & judicia in quibus non vivetis. Et pollui eos in munusculis suis, cum offerrent omne quod aperit vulvam, propter delicta sua, & scient quia ego Dominus.*

2. Lex dicitur causa peccati, dicitur operari in hominibus peccatum, ad Rom. cap. 5. *Lex autem subintravit ut abundaret delictum, cap. 7. Occasione autem accepta peccatum per mandatum operatum est in me omnem concupiscentiam: sine lege enim peccatum mortuum erat. Ego autem vivebam sine lege aliquando. Sed cum venisset mandatum, peccatum revixit. Et cap. 8. Lex vetus dicitur lex peccati & mortis, vers. 2. Lex enim Spiritus vita in Christo Jesu liberavit me a lege peccati & mortis. Ubi per legem Spiritus intelligitur lex gratiæ, lex nova; per legem vero peccati & mortis, intelligitur lex vetus, lex Mosaica. Idem dixerat c. 7. Nunc autem, inquit, soluti sumus a lege mortis in qua detinebamur.*

3. Idem Apostolus verba faciens de veteri Testamento ad Hebræos cap. 8. sic habet: *Nam si illud culpa vacasset, non utique secundi locus inquireretur. Lex porro quæ culpa non vacat, mala est & iniqua; ergo.*

Respondeo, ex illis Scripturæ testimoniis neutiquam colligi posse legem antiquam fuisse malam.

Ac primo quidem Ezechiel eo loci per præcepta non bona haud intelligit legem ipsam Dei a Mose promulgatam, quæ nimis præcepta aut injusta, aut

noti-

nociva imposuerit hominibus; sed quosdam falsos & vitiosos Judæorum ritus, quos sibi ex Gentilium commercio & consuetudine accersiverant. Scilicet Judæis objicit Propheta & in deserto & in aliis postea sæculis patres eorum fere semper a vero Dei cultu recessisse, Idololatriæ, & aliis innumeris identidem mancipatos superstitionibus; qua ex causa ait Dominus, *Ergo & ego dedi eis præcepta non bona*: hoc est, passus sum, ut in vindictam contemptus legis meæ, sic ad varias Idololatriæ & superstitionum species se projicerent, meis beneficiis plane indigni; quamobrem Deus dicitur dedisse *præcepta non bona*: quibus verbis significare voluit Propheta Dei vindictam & poenam, qua quidem ob præcedentia peccata Judæos afflixit, eo plane modo quo dicitur ab Apostolo Rom. 1. tradidisse impios in reprobum sensum.

Atque his verbis *dedi eis præcepta non bona*, non intelligi legem datam a Deo, sed ascititias quasdam vivendi regulas, adventitios & superstitiones quosdam ritus, manifeste colligitur, ex eo quod ejusmodi *præcepta non bona* opponit Deus suis præceptis, suæ legi; ait enim versiculo præcedenti, *Eo quod judicia mea fecissent, & præcepta mea reprobaissent, & sabbatha mea violassent, & post idola patrum suorum fuissent oculi eorum*. Ergo & ego dedi eis *præcepta non bona*; ubi legem suam comparat cum Gentilium superstitionibus, quas appellat *præcepta non bona*.

Aliter respondet S. August. Epist. 82. num. 14. Scilicet præcepta legis antiquæ eo loci dici non bona, non quia mala erant, sed quia nullius virtutis qua posuerint homines justificari: *Fortis enim, inquit, propterea non dixit mala, sed tantum non bona, id est non talia, ut illis homines boni fiant, aut sine illis boni non fiant*.

Ad secundum respondeo, id unum his locis docere Apostolum, per legem

peccatum abundasse per accidens & occasione inde accepta; ita ut nempe lex Judæis annuntiata occasionem illis dederit & gravius & frequentius peccandi; non autem ita ut fuerit ipsa lex aut causa aut incitamentum peccati. Id constat quia sic expresse mentem suam aperit Apostolus c. 7. *Quid ergo dicemus? lex peccatum est? absit. Sed peccatum non cognovi nisi per legem, nam concupiscentiam nesciebam, nisi lex diceret, Non concupisces. Occasione autem accepta peccatum per mandatum operatum est in me omnem concupiscentiam*. Scilicet adeo per legem ablatum non est peccatum, ut magis per eam sit actum vitio quidem hominum & præter ipsius legis scopum, sed occasione accepta ex lege; quatenus scilicet per legem cognitio peccati data fuit hominibus, ut air ibidem Apostolus, *peccatum non cognovi nisi per legem*, eo vero gravius peccatum quo magis explicite innotebat: & subinde peccatum nisi deleatur, in nova peccata hominem pertrahit; quia, inquit Tollerus, peccatum vires gratiæ & bonorum habituum, quibus peccato resistimus, vel imminuit in homine, vel ab eo penitus adimit, idque magis data lege per quam peccatum veluti canis excitatus exarsit in omnem concupiscentiam.

At eo loci mentem Apostoli non esse legem per se malam esse & veram peccati causam, abunde intelligitur ex verbis immediate sequentibus: *itaque lex quidem sancta & mandatum sanctum, & justum & bonum*. Quibus notis tria indicare videtur legis præcepta superius a nobis recensita: scilicet ceremonialia, quibus sanctus in Deum cultus præscribitur; judicialia, quibus justitia erga proximum commendatur; denique moralia, quibus bonitas, seu vitæ bonæ integritas unicuique præcipitur: Lex porro sancta, justa, & bona, non est per se peccati causa.

Quod autem objicitur e cap. 8. vers. 2. Epist.

Epist. ad Rom. nullius plane roboris est; siquidem per legem peccati & mortis non intelligit Apostolus legem antiquam, sed concupiscentiam, quæ plerumque dicitur lex peccati, lex membrorum; quasi dixisset, Lex gratiæ & charitatis per Christum liberavit me a concupiscentia, hoc est, a reatu concupiscentiæ quam sentio, sed cui non consentio, ut explicat S. Augustinus, lib. 1. contra duas Epistolas Pelag. c. 10. quod idem responderi debet ad verba e cap. 7. deprompta.

Ad tertium quod spectat, ex cap. 8. Epistolæ ad Hebræos petitur, dico Apostolum per *culpam* non intelligere peccatum, quasi lex vetus aliquid mali contineret; fuit enim, ut modo relatum est ex Epistola ad Rom. cap. 7. sancta, iusta, & bona; sed per *culpam* intelligit defectum & infirmitatem, eo quod nempe lex illa per se non poterat homines iustificare & ad vitam æternam perducere. Colligitur hæc interpretatio ex proposito divi Pauli qui totus est eo loci, ut Christi Sacerdotium tanto legali & Judaico præstantius esse doceat, quanto novum Testamentum, cuius Christus mediator est, antecellit veteri; unde ait legem antiquam *culpa* non vacasse, hoc est, quodammodo fuisse reprehensibilem, quatenus infirma & egena habebat elementa, quia si nullus in ea fuisset defectus, non utique *secundi locus inquireretur*, id est, non debuisset secundum Testamentum, scilicet novum, in eius locum subrogari.

Instabis: Lex illa fuit per se mala, quæ tulit præcepta iustitiæ & æquitati contraria: atqui lex vetus tulit præcepta iustitiæ & æquitati contraria: 1. enim Levit. 25. & Deut. 15. statuit annum Jubilæi in quo debita omnia remittebantur, quod fieri non poterat citra manifestam injustitiam; 2. Deuter. 23. usuram permittit ab alienigena repetendam; 3. Ibidem unicuique facultatem dat sumendi e vinea proximi quantum

voluerit; 4. demum cap. 24. ejusdem libri, Lex vetat ne pignus a debitore accipiat, quod profecto in damnum creditoris vergebat; ergo in veteri Testamento leguntur nonnunquam præcepta æquitati contraria.

Negamin. quoad singulas ejus partes.

Ac primo quidem lex Jubilæi, quæ remittebantur debita, in gratiam pauperum lata est, unde hujus legis occasione dicitur Deuter. cap. 15. *Cave ne dicas in corde tuo, Appropinquat septimus annus remissionis, & avertas oculos tuos a paupere fratris tui, nolens ei quod postulat, mutuum commodare; sed dabis ei, nec apes quippiam calide in ejus necessitatibus sublevandis*. Quæ verba manifeste ostendunt in gratiam pauperum conditam fuisse legem de remissione debitorum; quamobrem additur futurum ut Deus eum abunde compensaturus sit, qui hanc legem remissionis debitorum servabit, in pauperes scilicet, ut *benedicat tibi Dominus Deus in omni tempore, & in cunctis ad quæ manum miseris*. Unde post allatam hanc legem Deuter. 15. vers. 2. & 3. statim legitur, vers. 4. *& omnino indigens & mendicus non erit inter vos*. Quem locum ita vertunt nonnulli; *Præterquam si non sit pauper in te*. Quasi dicatur, pauperibus fratribus remittes pecuniam creditam; sed divites fratres excipio, quibus non remittes, cum habeant unde reddere possint.

Ad aliud objectionis caput, quod secundo loco ponitur, abunde jam responsum est superiori questione, ubi diximus eatenus concessam non fuisse Judæis dispensationem a præcepto legis naturalis, quatenus eis permisit Deus ab alienigenis usuram repetere; quia nimirum tunc ipsis Judæis, pro suo in bona omnia jure, dedit Dominus id pecuniæ quod supra sortem exigebant; unde nihil iniquum & injustum permisit hæc lege; quæ proinde injusta censeri non debet.

Ad.

Addunt quamplurimi Scripturæ Interpretes Judæis permisisse Deum pecunias suas dare ad usuram ob duritiam cordis eorum, ne lucro inhiantes Judæi, a fratribus suis repeterent usuram; permittit autem, inquit, id est, non punivit: Nam usuras quasvis etiam illa lege veteri absolute & absque ullo fratris & extranei discrimine vetitas fuisse manifeste colligitur ex Psal. 14. Psal. 34. & Ezechiel. 18. Sed satis idonea mihi non videtur ista responsio, qua nempe negatur Deum proprie permisisse Judæis ut ab extraneis usuram repeterent, id enim apertum est ex objecto Scripturæ testimonio.

Ad tertium dico in publica commoda datam fuisse unicuique facultatem sumendi e vinea proximi, ad sitim scilicet aut ad famem depellendam, id autem nihil nocuum cuiquam videbatur asserere, quia ex uvis nihil foras deportare licebat: *Ingressus vineam proximi tui, comedo uvas quantum tibi placuerit, foras autem ne efferas tecum. Si intraveris segetem amici tui, frangas spicem & manu conteres, falce autem non metes.*

Denique quod quarto loco objicitur nullius plane momenti est; hæc enim statuta fuit lex in gratiam pauperum, ne a divitibus opprimerentur, si pignus quodpiam dare tenerentur, quando urgente necessitate mutuo aliquid accipiebant, sic enim habetur: *sin autem pauper est, non pernoctabit apud te pignus, sed statim reddes ei ante solis occasum, ut dormiens in vestimento suo benedicas tibi, & habeas iustitiam coram Domino.*

Atque ita sine ullo plane negotio expliciantur nonnullæ aliæ leges veteris Testamenti, quæ ad politicam & regimen Judæorum primario pertinebant; quatenus nimirum habitæ ratione circumstantiarum loci, temporis, & personarum, nihil continebant æquitati contrarium.

Sic cum legitur Exodi 21. nulli poenæ subjacuisse dominos qui servos interfici-

ciebant, modo isti percussi uno die aut duobus supervixissent: in hoc sane misera spectari debeat famulorum apud Judæos conditio, qui nempe respiciebantur tanquam mancipia quæ possidebat herus, velut equum vel bovem; ut constet ex ipso Scripturæ contextu: *sin autem uno die vel duobus supervixeris, non subjacabit poena, quia pecunia illius est*, id est quia possidetur ab hero percussiente, tanquam servus pecunia emptus. Quibus addideris ea lege tum temporis dominis mancipatos fuisse servos; volenti autem non fit injuria.

Et deinde cum ibidem legitur parentibus datam fuisse facultatem filias suas in ancillas vendendi, eo fine tantum id factum est, ut filiabus Hebræis pauperibus de nuptiis & fortuna provideretur: unde eum dicitur, *Si quis venderis filiam suam in famulam*, intellige eum promissione desponsationis, qua herus filiam Hebræam emens in famulam, promittit eam ducturum in uxorem saltem secundariam.

Denique eum prohibetur Deuter. 23. cap. ne servus profugus restitatur domino, tamen si animalium restitutio præcipiatur cap. 22. id profecto æquissimum fuit, quia nonnisi cum summo ejus vitæ discrimine servus adduci potuisset ad dominum; in commoda vero publica peccavissent ii, qui animalia errabunda domino non restituerunt.

Objicies iterum: Ea lex improbari debet tanquam mala, quæ tulit præcepta vindictam & crudelitatem aperte spirantia: atqui leguntur in lege veteri præcepta quæ vindictam & crudelitatem præ se ferunt. Insignis est præ cæteris lex Talionis quæ legitur Exodi cap. 21. his verbis: *Redder animam pro anima, oculum pro oculo, dentem pro dente, adustionem pro adustione, vulnus pro vulnere, livorem pro livore.*

2. A Judaica religione ejiciuntur in æternum Ammonites & Moabites propter vindictam, ut patet ex Deut. c. 23. *Am-*

Ammonites & Moabites etiam post decimam generationem non intrabunt in Ecclesiam Domini in aeternum; quia noluerunt vobis occurrere cum pane & aqua in via, quando egressi essis de Egypto, & quia conduxerunt contra te Balaam filium Beor de Mesopotamia Syria, ut male diceret tibi... Non facies cum eis pacem, nec queres eis bona cunctis diebus vita tua in sempiternum. Addi posset plus æquo duram fuisse legem Circumcisionis, quæ plerumque infantibus mortem inferebat.

Respondeo, nec in illis duobus præceptis quidquam esse, quod vel vindictæ vel iniquitatis speciem præ se ferat.

Ac primo quidem quod spectat legem Talionis, quæ licitum erat oculum pro oculo, & dentem pro dente repetere, certum est æquissimam fuisse ejusmodi legem; adeo ut necesse fuerit in quovis imperio eam vel aliam similem condere, & promulgare ad conservandam tranquillitatem publicam: unde Tertullianus de ista lege verba faciens lib. 2. contra Marcionem cap. 18. sic habet: *Non enim injuria mutuo exercenda licentiam sapit, sed in totum colibunda violentiæ prospicit; ut quia durissimo & infideli in Deum populo longum vel etiam incredibile videretur a Deo expectare defensam, adicendam postea per Prophetam, Mibi defensam & ego defendam, dicit Dominus; interim commissio injuriæ metu vicis statim occurrentia repascitur; & licentia retributionis prohibitio esset provocationis, ut sic improbitas asluta cessaret.* Clarius vero longe S. Augustinus lib. 22. contra Faustum, cap. 25. *vindicta & furoris non fomes, sed limes est justus.* Cæterum locum non habebat ejusmodi lex, nisi cum personæ ejusdem sortis & æqualis conditionis erant; ibidem enim excipitur percussus servum, quod quidem hujus legis æquitatem manifeste indicat.

Ad secundum dico, nonnisi iuste Deum a religione & templis arcere Moabitas

& Ammonitas, quia videlicet timendi locus erat ne populum ad Idololatriam & impietatem pertraherent. Hæc porro lex aut videtur ad tempus solummodo lata, aut per desuetudinem abrogata, aut tandem, ut conjiciunt nonnulli interpretes, nonnisi pro masculis, ita ut excipi deberent feminae. Ruth enim Moabitis Israeliticam religionem amplexa est, cum Booz nupsit, Ruth. 4. cap.

Ad tertium vero quod spectat, nego crudelitatis quidquam redolere legem Circumcisionis, fiebat enim ejusmodi carnis præcisio absque ullo vitæ discrimine; tum quia non circumcidebantur infantes ante octavum diem, tum quia iusta ex causa poterat Circumcisio differri post octavum diem, uti dilata est in deserto per quadraginta annos ob continuam peregrinationem. Hæc porro Circumcisio signaculum fuit foederis Deum inter & Abraham initi, ut moneret ejus posteros jam transisse in jus Dei tanquam ejus populum & peculum.

Obijcies: Lex illa non est bona quæ in multis fuit suis ritibus superstitiosa, & ab omni ratione aliena: sed vetus Testamentum est ejusmodi; est quippe superstitiosum quosdam seligere cibos tanquam licitos, aliorum vero usum condemnare, quasi essent mali principii creaturæ. Superstitiosum est cum recensere immundum qui mortui cadaver tetigerit. Denique & in ipsis sacrificiis non una occurrebat superstitio: non licebat enim certa quædam animalia offerre quasi fuissent a malo Deo creata; præterea arcebat mel ab illis sacrificiis tanquam impurum, sal vero adhiberi poterat; in comestione Agni Paschalis rursus innumeri præscribuntur plane superstitiosi, & sic de cæteris quæ mores, vivendi rationem, cultum & religionem Judæorum spectabant.

Respondeo in ejusmodi ciborum delictu, tum & in aliis diversis ritibus qui videntur in lege antiqua superstitiosi atque

atque omnino inutiles, cum scilicet ratio & animus instituentis non respiciuntur, nihil tamen vituperio dignum esse; quin potius certum est cum summa sapientia institutas fuisse istas leges. Sic, v. g. eligendos quosdam cibos, a quibuscumque abstinendum carnibus præscribitur, ut videlicet, inquirunt nonnulli e SS. Patribus, inde frænum poneretur gulæ & incontinentiæ, ita Tertul. lib. 2. cap. Marc. cap. 18. ut Judæi hoc discrimine nullum cum Gentilibus servarent commercium, inquit Euseb. lib. 8. de præpar. cap. 9. Inter sacrificiorum solemnia inumeri prope occurrunt ritus, ut scilicet rudiores illi populi in vero Dei cultu facilius continerentur. Præterquamquod totidem erant futurorum novæ legis mysteriorum umbræ & figura.

Obijcies: Ea lex probari non potest, quæ plurimos Prophetas & Patriarchas magnis passim laudibus extollit, tanquam piissimos & sanctissimos, qui tamen gravissima commiserunt flagitia: atqui in veteri Testamento plurimi & Prophetæ & Patriarchæ passim commendantur tanquam sanctissimi, quanquam in gravissima scelera prolapsi fuerint; ejusmodi est Abraham, qui quidem, ut scribit Faustus apud S. Augustinum lib. 22. cap. 5. Hibenda prolis insana flagrans cupidine, & Deo, qui id jam sibi de Sara conjuge promiserat, minime credens, cum pellice volutatus sit sub conscientia (quo sit inhonestus) uxoris. Tum matrimonii sui infamissimus nundinator, idem, avaritiæ ac ventris causa duobus Regibus Abimelech & Pharaoni diversis temporibus, memoratam Saram conjugem suam sororem mentitus, quæ erat pulcherrima, in concubium vendidit. Isth ipsius frater de Sodoma liberatus cum duabus filiabus suis in monte concubuit. Isaac eadem patri suo gessit ac paria erga Rebecam conjugem suam fingens & ipse eam sororem, quo per ipsam viveret turpiter. Jacob filius ejus inter

Tom. V.

Rachel & Liam duas germanas sorores, earumque singulas famulas quatuor uxorum maritus tanquam hircus erravit. Item Judas filius ejus cum Thamar nuru sua. David post tot numero uxores, mulierculam quoque Uria militis sui machatus est, ipsumque perdidit in bello. Salomon filius ejus trecentas uxores & septingentas concubinas habuit & Regum filias sine numero. Quid quod Ozeæ Prophetarum primus de fornicaria muliere filios fecerit, cui turpitudini quo sit deterius, ascribitur & consilium Dei. Quid denique quod Moyses homicidium fecerit, quod spoliaverit Ægyptium, quod bella gesserit, quod crudelia multa & mandavit & fecerit, quod ne ipse quidem uno contentus matrimonio fuerit.

Hinc objectioni respondemus, non omnia & singula Sanctorum gesta, quæ describuntur in veteri Testamento, esse laudanda; idcirco autem vitio verti non debet legi & divinis litteris, quod hæc facta vel etiam vituperanda referant, quia semper illa utriusque ut recte facta defendunt; ita S. Augustinus lib. 22. cap. 26. ubi præfatæ objectioni respondit dedita opera. Quapropter, inquit, ne in quaque laudanda vel vituperanda, accusanda vel defendenda, coercenda vel relaxanda, damnanda vel absolvenda, in quibus omnibus peccata seu recte facta versantur, prius quid sit peccatum considerare debemus; tunc deinde inspicere facta Sanctorum libris conscripta divinitus, ut si qua & ipsorum invenimus, adquam utilitatem sint etiam ipsa condita litteris, memoratiæ mandata, diligenti quantum possumus ratione videamus. . . . de illis ergo potest esse questio, quæ vel inaniter scripta videri possunt, si nec recte facta apparent, nec peccata sunt, vel etiam perniciose, si peccata esse convincuntur, ne valeant ad imitationem, si in ipsis libris reprehensa non sint, & ideo putari etiam possunt non esse peccata, si illis quoque reprehensa sunt,

sint, sed sub facili spe venia committantur, quia in sanctis inventa sunt. Ubi cum S. Augustinus his exemplis a Fausto adductis respondere incipit, aperte supponit plurima in ipsis Scripturis describi Sanctorum facta, quæ ab omnibus utique condemnari debent & a nemine defendi; ita ut tamen nihil inde vitii redundare debeat in sacras litteras quibus inserta sunt ejusmodi facta; unde sic habet cap. 42. *Nec ideo tamen, inquit, hoc factum vel ipsius Loth, vel ejus filiarum justificamus, quia significavit aliquid quod futuram quorundam perverstatem prænuntiaret. Aliud enim illa ut hoc facerent intenderunt, aliud Deus qui hoc fieri permisit, ut etiam inde aliquid demonstraret, manente recto judicio suo super peccatum hominum tunc præsentium, & vigilante providentia sua pro significatione futurorum.* Proinde illud factum cum in sacra Scriptura narratur, prophetia est; cum vero in illorum vita qui hoc commiserunt consideratur, flagitium est. & cap. 45. Nos tamen Scripturas sanctas in hominum peccata defendimus; non sic autem de hujus facti purgatione satagimus, quasi hoc Deus noster aut fieri jussisset, aut factum approbaverit, ita iusti homines in illis libris appellentur, ut si voluerint peccare non possint. Cum ergo in litteris, quas isti replebunt, Deus huic facti nullum iustitiae testimonium perhibuerit, qua dementia temeritatis hinc illas litteras accusare contendunt, cum aliis earum locis apertissime inveniantur divinis præceptis ista prohiberi. Ex quibus perspicuum fit nullius esse momenti ejusmodi exempla Patriarcharum, quæ obijci solent ad elevandam auctoritatem veteris Testamenti & præceptorum quæ in eo continentur; quandoquidem illorum hominum flagitia, si quæ fuerunt, & ab auctoribus sacris non approbantur, & in aliis locis apertissime condemnantur.

Jam vero qui præfatas Fausti Manichæi in veteres recensitos calumnias,

quam eleganter tam copiose depulsas legere voluerit, consulat quæ toto lib. 22. scribit S. Augustinus, horum enim accurata disquisitio non est præsentis operis, nec otii.

An Lex vetus fuerit imperfecta.

LEX vetus quanquam bona & in omnibus suis præceptis sancta, fuit tamen imperfecta. Siquidem hæc fuit constans S. Pauli doctrina, qui omnibus ac singulis fere suis Epistolis docet legem fuisse per se infirmam, insufficientem & imperfectam.

Epist. ad Rom. cap. 4. *Quia, inquit, ex operibus legis non justificabitur omnis caro.* Legem veterem intellige, leclusa nimirum fide & gratia Christi: ut inde significet illam per se se nullius fuisse virtutis; addit enim vers. 22. *Iustitia autem Dei per fidem Jesu Christi in omnes & super omnes qui credunt in eum.* Cap. 4. pergit probare exemplo Abraham non per opera legis, sed per fidem Christi omnes justificari; quod idem docet fusius cap. 7. & 8. versu 2. istius capituli, ubi sic habet: *Lex enim Spiritus vite in Christo Jesu liberavit me a lege peccati & mortis.* Nam quod impossibile erat legi; in quo infirmabatur per carnem; Deus filium suum mittens in similitudinem carnis peccati, & de peccata damnans peccatum in carne.

Epistola ad Galatas totus est divus Paulus ut legem veterem rejiciat tanquam vacuum & inutilem; hos enim redarguit in illa Epistola, quod veluti spreto Christi Evangelio ad Judaismum se iterum adduci sinerent; cap. 2. vers. 16. *Scientes quod non justificabitur homo ex operibus legis; nisi per fidem Jesu Christi & nos in Christo Jesu credimus ut justificemur ex fide Christi, & non ex operibus legis; propter quod ex operibus legis non justificabitur omnis caro.* Si enim per legem iustitia; ergo gratis Christus mortuus est; quasi dixisset mor-

tis suae pretium frustra impendisse Christum Dominum, si ex lege iustitiam consequi poteramus; unde existis posterioribus Apostoli verbis merito colligitur, non modo vacuum & plane infirmam fuisse legem veterem post Christi Evangelii praedicationem, sed etiam antea, quando nempe ipsa viguit, aliter nullum esset divi Pauli argumentum. Cap. 3. idem probat: 1. ab experientia, quae nempe noverant Galatae se non in Circumcisione, sed in Baptismo Spiritum sanctum accepisse, vers. 2. Hoc solum a vobis volo discere, ex operibus legis Spiritum accepistis, an ex auditu fidei? 2. ab exemplo Abraham qui per fidem iustificatus est: Abraham credidit Deo, & reputatum est illi ad iustitiam; 3. quia qui sunt sub lege, sub maledicto sunt: Quicumque enim ex operibus legis sunt, sub maledicto sunt. 4. ex Habaec qui testatur iustum ex fide vivere. 5. demum, quia lex vetus fuit solum Pædagogus quod Iudaei ducerentur ad Christum, per quem solum data est hominibus fides & iustitia: Si enim, inquit vers. 21. data esset lex quae posset vivificare, vere ex lege esset iustitia. & vers. 24. Itaque lex Pædagogus noster fuit in Christo, ut in fide iustificemur. At ubi venit fides, iam non sumus sub Pædogo. Quod idem scribit cap. 4. & 5. ejusdem Epistolae.

Possent vero hic multa alia divi Pauli testimonia exscribere, sed ea ipsa quae dixi sentio esse longiora; in re scilicet adeo clara & omnibus obvia, consuli possunt quae scribit in Epistola ad Hebraeos, ubi probat abolitam esse legem veterem; ex eo quod Sacerdotium vetus per novum Christi abolitum sit; cur vero Deus legem olim a se institutam abrogaverit, alia causa non est ex Apostolo, quam legis ipsius infirmitas & inutilitas, cap. 7. vers. 18. Reprobatio quidem fuit praecedentis mandati propter infirmitatem ejus & inutilitatem; nihil enim ad perfectum adduxit lex, id est,

neminem potuit ad beatitudinem, quae summa est hominis perfectio, perducere, quae nimirum lex erat timoris, non amoris, quae gratiam promittebat, ipsa vero non conferebat, ut eleganter dixerit S. Augustinus Tract. 3. in Joannem, num. 14. his verbis: Lex minabatur, non optulabatur; jubebat, non sanabat; languorem tamen ostendebat, non auferabat; sed illi preparabat medico venturo cum gratia & veritate; inquam ad aliquem, quem curare vult medicus mittat primo servum suum, ut ligatum illum invenit: sanus non erit, sanari volebat, & ne sanaretur, sanum se esse iactabat; missa lex est, ligavit eum, invenit se remum, jam clamat de ligatura... gratia & veritas per Christum facta est. Quae perfectio eadem tradere solet vel clarius libris suis adversus Pelagianos, ubi simul & Christi gratiae necessitatem docet, & veteris legis inutilitatem.

Eadem vero doctrina legitur passim apud alios sanctos Patres, qui veteris legis ejusque mandatorum & sacrificiorum infirmitatem ubique passim agnoscunt, ita S. Iustinus Dialogo cum Tryphone. S. Irenaeus lib. 4. advers. Haeres. cap. 31. Tertull. lib. contra Iudaeos cap. 2. S. Clemens Alex. lib. 1. Pædagog. cap. 11. S. Greg. Nazianz. Orat. 42. S. Ambros. lib. 1. de Officio, cap. 18. S. Hieronymus Dialogo 1. contra Pelag. cap. 9. & alii.

Objicies: Deo indignum esse videtur tradere legem per se imperfectam, inutilem & infirmam: atqui lex vetus, ut postea docebitur, a Deo data fuit Iudaeis; ergo non fuit imperfecta.

Dist. maj. imperfectam & inutilem simpliciter & quoad omnia, C. secundum quid tantum & quoad aliqua, N. neque enim necesse fuit, ut Deus tametsi sapientissimus & maxime providus legislator, hominem statim & ab initio ad summam perfectionem adduceret, debuit prius minari quam optulari, jubere quam sanare, languorem ostendere

ff 2 quam

quam auferre; atque is demum qui curare volebat ægrotantem, debuit prius mittere servum qui præpararet ad medicinam, quam medicum; unde sequitur non debuisset Deum, (si tamen ita loqui fas est, quis enim consiliarius ejus?) dare primum hominibus legem undequaque perfectam.

Jam vero lex vetus non fuit imperfecta & inutilis simpliciter: 1. quia per illam legem edocti sunt Judæi præ cæteris orbis universi nationibus Dei magnitudinem & sapientiam .. Psal. 147. *Qui annuntiat verbum suum Jacob, justitias & judicia sua Israel. Non fecit taliter omni nationi, & judicia sua non manifestavit eis.* & Rom. 3. *Quid ergo amplius Judæo est? Aut qua utilitas Circumcisionis? Multum per omnem modum; primum quidem, quia credita sunt illis eloquia Dei; 2. quia suis sapientissimis institutis lex illa ad omne genus virtutum excitabat, & ab omnibus peccatis deterrebat, ut manifestum est ex nonnullis præceptis quæ superius a nobis laudata sunt; 3. quia si non fuit lex amoris, fuit saltem lex timoris, Initium autem sapientia timor Domini, inquit Psalmista. Unde S. Hieronymus in ista verba Epist. ad Galatas, *Lex Pædagogus noster fuit in Christo*, sic habet: *Pædagogus parvulis assignatur, ut lascivient refrænetur ætas, & prona in vitia corda teneantur, dum teneris studiis eruditur infantia, & ad majores disciplinas metu pans coercita præparatur. Itaque & lascivienti populo lex Moysi ad instar Pædogogi senioris apposta est, ut custodiret nos & futura fidei præpararet; 4. demum, eo potissimum nomine utilis fuit lex vetus, quod figura fuit novæ, Christum ipsum ejusque leges mandata & Sacramenta præfigurans, Judæis quippe omnia contingebant in figura, inquit Apostolus I. ad Corint. cap. 10.**

Obijcies: Ea lex non fuit imperfecta quæ plures tulit viros sanctissimos, qui sub ea sanctitatem & justitiam con-

secuti sunt: atqui lex vetus fuit ejusmodi; ergo.

Dicit maj. Justitiam consecuti sunt vi ipsius legis, C. sub lege, non autem per legem, sed vi meritum Christi venturi. N. Porro justii qui sub veteri Testamento vixerunt, non vi legis ipsius, sed per merita Christi sanctitatem suam consecuti sunt: *Bibebant illi de spiritali consequente eos petra, petra autem erat Christus.* I. ad Corinth. cap. 10. quia nempe nullum bonum opus exercere poterant sine beneficio divinæ gratiæ per Christi merita ipsis collatæ, ut docet passim S. Augustinus contra Pelagianos, ut, v. g. lib. de perfectione justitiæ cap. 19. *Unus Deus & unus mediator Dei & hominum Christus Jesus, sine cujus gratia nemo a condemnatione liberatur, sive quam traxit ex illo, in quo omnes peccaverunt, sive quam postea suis iniquitatibus addidit.* Qua ex causa potissimum docent Theologi legem antiquam fuisse imperfectam.

Neque tamen is assentiri facile possum, qui legem hanc eo nomine imperfectam esse dicunt, quod in singulis suis libris ne minimam quidem injiciat mentionem futuræ vitæ, in qua iustis æterna proponatur merces, impii vero similiter æternis deterreantur suppliciis, quasi solum bona temporalia Judæis promittantur, ut patet ex Deuter. 7. vers. 12. Itæ 1. vers. 19. Aggæi. 2. vers. 20. Malachiæ 3. vers. 3.

Id confirmant auctoritate S. Augustini, cujus hæc sunt verba in Tractatu 3. in 1. cap. 1. Joan. num. 19. *Expellite de cordibus vestris carnales cogitationes, ut vere sitis sub gratia, ut ad novum Testamentum perineatis. Ideo vita æterna promittitur in novo Testamento. Legite vetus Testamentum & videte quia carnali adhuc populo ea quidem præcipiebantur quæ nobis. Nam unum Deum colere & nobis præcipitur jam illa omnia præcepta nobis magis præcipiuntur*

tur & observanda sunt. Non occides. Non machaberis. Non furaberis. Non falsum testimonium dices. Honora patrem & matrem. Non concupisces rem proximi tui. Non concupisces uxorem proximi tui. Nonne ista omnia & nobis precipiuntur? sed quare mercedem & invenies ibi dici, Ut expellantur hostes a facie tua & accipias terram quam promissit Deus patribus vestris. Quia non poterant capere invisibilia, per visibilia tenebantur. Quare tenebantur? Ne penitus interirent & ad Idola laberentur; & postea: Ea ibi jubentur in Decalogo legis qua & nobis, sed non ea promittuntur qua nobis. Nobis quid promittitur? vita aeterna. (Hac est autem vita aeterna, ut cognoscat te unum verum Deum & quem misisti Jesum Christum) cognitio Dei promittitur, ipsa est gratia pro gratia. Idem docere videtur lib. 1. Retract. cap. 22. Regnum Caesorum, inquit, illi populo fuisse promissum non legimus in iis que promissa sunt lege data per Moysen in monte Sina, quod proprie dicitur vetus Testamentum. & rursus in Psal. 73. Deus, inquit, se utriusque Testamenti voluit esse auctorem, ut aeterna promitteret in veteri, & caelestia in novo.

Mirum est, inquam, quibondam adeo placuisse illud commentum; siquidem innumeris prope Scripturarum testimoniis evinci facile potest, Deum mercedis aeternae promissionibus ad accuratam mandatorum observationem Judaeos incitasse, eosdemque similiter aeterni supplicii metu ab omnibus vitiis deterruisse. Levitici cap. 18. Custodite leges meas atque judicia, quae faciens homo vivet in eis. Id est, ut vertit Bibliorum Regiorum interpres, vivet vita sempiterna. Job 19. cap. Scio quod Redemptor meus vivit, & in novissimo die de terra surrecturus sum. Et rursus circumdabor pelle mea, & in carne mea videbo Deum: quem visurus sum ego ipse, & oculi mei conspiciuntur sunt, &

non alius. Reposita est haec spes mea in sinu meo. quae quidem verba fidem resurrectionis corporum & alterius vitae futurae manifeste exhibent. Tobiae 2. cap. Sicut beato Job insultabant Reges, ita isti parentes & cognati ejus invadebant vitam ejus, dicentes: Ubi est spes tua, pro qua eleemosynas & sepulturas faciebas? Tobias vero increpavit eos, dicens: Nolite ita loqui, quoniam filii Sanctorum sumus, & vitam illam expectamus, quam Deus daturus est his qui fidem suam unquam mutant ab eo.

Hanc eandem aeternae vitae & mortis doctrinam legimus passim apud Prophetas. Psal. 91. Cum exorti fuerint peccatores sicut scinum, & apparuerint omnes qui operantur justitiam, ut intendant in saeculum saeculi. Italias de aeterna mercede loquitur cap. 64. A saeculo, inquit, non audierunt, neque auribus perceperunt: oculus non vidit, Deus, absque te, quae preparasti expectantibus te. Tum vero de poenis aeternis cap. ultimo. Venies omnis caro ut adoret coram facie mea, dicit Dominus. Et egredietur & videbunt cadavera virorum qui peccavisti in me; vermis eorum non morietur, & ignis eorum non exstinguetur. Daniel. 7. vers. 18. Haec quatuor bestiae magna quatuor sunt regna quae consurgunt de terra. Suscipient autem regnum sancti Dei altissimi, & obtinebunt regnum usque in saeculum & saeculum saeculorum. Ubi manifeste indicatur regnum Sanctorum in caelis; quatuor enim magnae Monarchiae non durarunt in saeculum saeculorum; unde similiter loquitur ibidem vers. 27. Regnum autem & potestas & magnitudo regni, quae est super omne caelum, datur populo sanctorum Altissimi, cujus regnum, regnum sempiternum est, & omnes Reges servient ei & obedient.

Quo pertinent luculentissima quae 1. 2. Machab. de fortissimis illis viris narrantur, cap. 7. Propter quod & iste sequenti loco primi tormenta suscipit, &

in ultimo spiritu constitutus sic ait, Antiochum alloquens: Tu quidem scelestissime in presenti vita nos perdis, sed Rex mundi defunctos nos pro suis legibus in aeterna vita resurrectione suscitabit. Post hunc versus illudatur, & linguam postulatam cito protulit & manus constanter extendit, & cum fiducia ait: E caelo ista possideo, sed propter Dei leges nunc haec ipsa despicio, quoniam ab ipsa me ea recepturum spero, & quartus, cum jam esset ad mortem, sic ait: Potius est ab hominibus morti duos spem expectare a Deo, iterum ab ipso exsuscitandos. Denique frater junior sic loquitur vers. 39. ejusdem capituli: Fratres mei modico nunc dolore sustentato, sub testamento aeternae vitae effecti sunt, in vero iudicio Dei iustas superbiae tuae penas exolves.

Quamobrem id unum loco citato contendit Augustinus, plerumque vel saepius propositam Judaeis mercedem temporalem, ut ad praceptorum observationem incitarentur: sed ita demum intelligi non debet, quasi futura altera vita nunquam ipsis proposita fuerit, id enim agnovisse Davidem scribit ibidem sanctus Doctor his verbis: Nam quidam suspirans amator in Psalmis ait: Unam petii a Domino, hanc requiram & & quavis quid petat? Forte enim terram petii fluentem lacte & melle carnaliter, quamvis spiritualiter ista querenda sit & petenda videamus quid petat? Unam petii a Domino hanc requiram; quid est hoc quod requirit? Ut inhabitem, inquit, in domo Domini per omnes dies vitae meae. Et puta quis habitas in domo Domini, unde ibi erit gaudium tuum? Ut contempler, inquit, delectationem Domini.

An Lex vetus a Deo data fuerit . . .

Legem veterem non esse a Deo Patre Domini nostri Jesu Christi docuit olim Cerdus, a quo Cerdoniani,

inquit S. Irenaeus lib. 1. cap. 28. ubi & cap. sequenti docet Marcionem Ponticum blasphemasse, eum qui a lege & Prophetis annuntiatus est Deus malorum factorem, & bellorum concupiscentem, & inconstantem quoque sententia, & contrarium sibi ipsum dicens, Jesum autem qui est a Deo Patre super mundi fabricatorem Deum, dissolventem Prophetas, & legem & omnia opera ejus Dei qui mundum fecit, &c. Idem testatur Manichaei teste Augustino Haereti 46.

Ex quodam Ptolomaeo, referente S. Epiphanio lib. 1. tom. 2. Haereti 33. quae est Ptolomaeorum, non manavit a Deo, nec ipsi tribui debet universa atque integra lex Moysi, sed partim Deo, qui Decalogum & nonnullas alias leges sanctissimas praescripsit, partim Moysi qui alias tulit leges, non ita rectae rationi consonas, ut quae ad libellum repudii & legem Talionis pertinent; partim denique Senioribus populi, qui & alias institutiones voluerunt vim legis obtinere, quales sunt nonnullae traditiones, de quibus sermo habetur Matth. cap. 15. in illos autem Haereticos sit

CONCLUSIO.

Lex vetus est a Deo vero Patre Domini nostri Jesu Christi, idque contra Cerdonem. Is Deus legis auctor non habuit Christum sibi adversum & legis mandata dissolventem, est contra Marcionem. Denique universa lex quoad singula praecepta Deo soli ut legislatori tribui debet, & Moysi solum ut ministro; contra Ptolomaeum.

Primo quidem lex vetus fuit a vero Deo instituta. Siquidem ubique in novo Testamento tribuitur vero Deo, ejus praecepta dicuntur esse Dei, referuntur ad Deum, Lucae 1. cap. sic loquitur Zacharias, Benedictus Dominus Deus Israel, quia: visitavit & fecit remedium.

dempnionem plebis sue sicut locutus est per os Sanctorum , qui a saeculo sunt Prophetarum ejus . Quod idem testatur B. Virgo Maria ibidem in suo Cantico his verbis: *Suscepit Israel puerum suum recordatus misericordiae suae . Sicut locutus est ad patres nostros , Abraham & semini ejus in saecula .* Christus ipse legem Deo tribuit Matth. 15. cap. Deus autem qui praenuntiavit per os omnium Prophetarum pati Christum suum , sic implevit . Ac demum S. Paulus tum ad Rom. cap. 1. Vocatus Apostolus congregatus in Evangelium Dei , quod ante promiserat per Prophetas suos in Scripturis sanctis de Filio suo . Tum vero clarius ad Hebr. cap. 1. Multifariam , inquit , multisque modis olim Deus loquens Patribus in Prophetis novissime diebus iste locutus est nobis in Filio . Quibus vel aliis similibus Scripturae testimonis S. Iraneus contra Cerdonem .

Secundo , lex vetus non fuit a Deo instituta tanquam malo principio , cui Christus adversus fuerit in nova lege : 1. Quia , ut mox diximus , Christus ejusmodi legis praecepta commendans , eam refert ad Deum , Irritum fecistis mandatum Dei propter traditionem vestram . 2. Quia diserte affirmat se in illa lege praenuntiatum fuisse Lucae ult. Oportet impleri omnia quae scripta sunt in lege , & in Psalmis , & in Prophetis de me . Et Joan. cap. 5. Si crederetis Moysi , crederetis forsitan & mihi , de me illo scripsit . 3. Quia huic legi ultero se subiecit Christus , eamque usque ad mortem adimplevit ; unde ait Matth. 5. cap. Non veni solvere legem , sed adimplere . 4. Idemque , quia testatur Apostolus finem legis esse Christum , ad Rom. cap. 10. Finis enim legis Christus ad justitiam omni credenti . Moyses enim scripsit quoniam justitiam quae ex lege est , qui fecerit homo vivet in ea . Quae quidem vel similia argumenta passim usurpat Tertullianus adversus Marcionem .

Tertio , lex vetus tota atque integra est a Deo , non autem partim a Moise & partim a Senioribus . Id aperte constat ex ipsis Scripturis , quae Deum testantur totius legis & omnium mandatorum auctorem . Exodi 24. cap. Moyses narravit plebi omnia Domini verba atque judicia ; responditque populus una voce & Omnia verba Domini quae locutus est faciemus . Scripsit autem Moyses universos sermones Domini assumensque Moyses volumen fœderis legis audiente populo qui dixerunt ; Omnia quae locutus est Dominus faciemus . Unde cum in novo Testamento mentio quaedam injicitur de lege veteri , hæc tribuitur Deo , dicitur lex Dei , quemadmodum intelligimus e Lucae 2. cap. Tulerunt illum in Jerusalem ut scirent eum Dominum ; sicut scriptum est in lege Domini .

Hinc est etiam quod Moyses , ut religiosissimus erat Dei minister , nihil se ex arbitrio suo , sed omnia de mandato Dei annuntiare profiteatur Scitis , inquit ad Israelitas Deuter. 4. quod docuerim vos praecepta , atque justitias , sicut mandavit mihi Dominus meus , & cap. 6. Hæc sunt praecepta & ceremonia , & judicia quae mandavi mihi Dominus Deus vester . Quæ quidem agendi ratio fuit similiter Josue , ut patet ex ejus lib. cap. 11. Sicut praeceperat , inquit , Dominus Moysi servo suo , ita praecepit Moyses Josue , & ille universa complevit , non praeiis de universis mandatis , nec unum quidem verbum , quod jusserrat Dominus Moysi .

Obijcies : Mandatum divortii , lex scilicet qua licitum fuit dare libellum repudii , ipsi Moysi tribuitur , non Deo , ut legimus Matth. vap. 19. dicunt enim Pharisei , Quid ergo Moyses mandavit dare libellum repudii & dimittere ? & ait postea Christus , Moyses ad duritiam cordis vestri permisit vobis dimittere uxores vestras & Ergo revera hæc lex fuit a Mose non a Deo constituta .

Re.

Respondeo, id unum colligi posse ex illo Matthæi testimonio, Moſem hujus legis fuiſſe præconem, neutiſſimam vero illam propria auctoritate inſtituiſſe; id enim certo perſuadent adducta Scripturæ loca, quæ univerſam atque integram legem ad Deum reſerunt; tum vero & illa, ne dicam, rigidior Moſis religio, qua nec minimum privata auctoritate & Deo inconſulto mandatum Iſraelitis præſcribere auſus eſt, ut conſtat ex Numer. cap. 15. ubi legitur eum, ut quid de viro, qui ligna die Sabbathi collegat, ſtatuendum eſſet, Deum conſuluiſſe. Quamobrem cum dicitur, *Moyſes permittit, Moyſes dixit*, perinde eſt ac ſi diceretur, Moyſe jubente, præſcribente Deo, permittit, &c. Alter inde ſequeretur Moſem eſſe quoque auctorem Decalogi, quod nec ipſi volunt adverſari; nam Marci cap. 7. & Moyſi tribuitur Decalogus, *Moyſes enim dixit, Honora patrem tuum, &c.*

Nec plus virium habet quod objicebat Ptolomæus, & a ſenioribus editas fuiſſe nonnullas leges, ut colligi poſſe putabat ex Matth. cap. 15. ubi cum Pharifæi Chriſto dixiſſent, *Quare diſcipuli tui tranſgrediuntur traditionem ſeniorum?* reſpondit Chriſtus Dominus, *Quare & vos tranſgredimini mandatum Dei propter traditionem veſtram?* Siquidem ejusmodi traditio de lavandis manibus lex non fuit veteris teſtamenti, ſed mera Scribarum & Pharifæorum conſuetudo & traditio; non dicunt, inquit Chryſoſtomus Homil. 52. legem tranſgredi, quia nihil de ea re lex præcipiebat, ſed traditionem ſeniorum: *Phariſæi*, inquit, *& Judæi niſi crebro laverint manus, non manducant, tenentes traditionem ſeniorum, & a foro niſi baptizentur, non comedant, & alia multa; &c.*

An Lex vetus data fuerit per Angelos.

Ambigitur quiſnam fuerit is quem immediate alloquebatur Moſes in promulgatione legis, & a quo proinde hanc legem immediate acceperit Iſraelitis publicandam; dubitatur an fuerit Deus ipſe, quemadmodum indicare videntur hæc verba Exodi cap. 31. *Apparuit ei Dominus*. Cap. 20. *Ego ſum Dominus tuus*: & cap. 33. *Loquebatur Dominus ad Moyſen facie ad faciem*, & alia id genus; vel fuerit ſol immodo Angelus, ut aperte legitur Act. 7. v. 53. *Qui accepiſtis legem in diſpoſitione Angelorum*; & ad Galat. cap. 3. *Lex ordinata per Angelos in manu Mediatoris*.

Varia eſt ſuper ea re SS. Patrum opinio. Nonnulli exiſtmarum Deum ipſum & ſpecialiter Verbum divinum interdum apparuiſſe Patribus in veteri Teſtamento; ſic Tertull. in ſuis paſſim libris contra Marcionem, & præſertim lib. 3. cap. 9. lib. 4. cap. 10. & 21. lib. adverſus Judæos c. 9. & lib. contra Praxeam c. 16. ubi ait veritatem carnis induiſſe Verbum divinum quaſi præluſus, ut futuræ Incarnationis ſuæ veritatem præſtrueret. Origenes Homil. 1. in cap. 6. Iſaie S. Gregor. Nazianz. Orat. 49. S. Hilarius lib. 4. de Trin. S. Chryſoſt. Homil. 16. in Acta Apoſt. & Theodor. q. 91. in Geneſim.

Altera ſententia eſt ſancti Aug. qui ejusmodi apparitiones cenſet factas fuiſſe per Angelos, non autem per ipſum Deum immediate, quod apprime luculentis argumentis oſtendit lib. 3. de Trin. cap. 11. Eum hæc in parte ſecuti ſunt alii Patres, quorum loca ſumus mox adducturi, tum vero omnes ſere ac ſinguli Doctores Scholaſtici, quibus & nos lubenter aſſentimur, quoad nimirum ſpectat præſentem difficultatem de promulgatione legis: quid enim & de aliis apparitionibus quæ commemorantur in veteri Teſtamento, ſentiendum ſit;

sit; an Deo ipsi vel Angelis tantum tribui debeant, subius tractare presentis non est otii.

CONCLUSIO.

Lex vetus olim data fuit Mose, non per Deum ipsum, sed per Angelos. Probatur 1. ex Scripturis Act. 7. cap. 33. disertum est quod ait S. Stephan. *Accepistis legem in dispositione Angelorum*, quæ verba id unum significant Angelos recto ordine legem disponentes tradidisse Mose; est autem observazione dignissimum hic legem dici datam dispositione Angelorum in plurali, non autem *Angeli* in singulari, unde profecto colligitur de Verbo Dei non posse id accipi, tunc enim dixisset Stephanus in dispositione *Angeli*; quomodo ab Isaia Filius Dei dicitur; *magni consilii Angelus*. Idem docet Apostolus ad Galat. cap. 3. *Quid igitur lex?* inquit, *propter transgressionem posita est, donec veniret semen cui promiserat, ordinata per Angelos in manu Mediatoris*. Id est, in certo quodam ordine disposita ab Angelis & tradita Mose; ut ipse eam populo Dei promulgaret. Quapropter Epist. ad Hebr. c. 1. Angelos dicit Dei administratores: *Nonne omnes sunt*, inquit, *administrarii Spiritus in ministerium missi propter eos qui hereditatem capiunt salutis*. Ubi necesse administratores debent solum intelligi, ut ait S. Thomas, ii Angeli qui missi sunt ad legem Hebræis publicandam.

Luculentum vero est momentum quod petitur ex proposito S. Pauli in hac Epistola ad Hebr. ubi legem novam eo nomine ait veteri longe præstantiorem, quod illa nonnisi per Angelos, illa vero, per ipsum Christum Filium Dei fuerit annuntiata, cap. 1. *Multi-
farum multisque modis olim Deus loquens
Patribus in Prophetis; diebus istis locutus
est nobis in Filio quem constituit heredem
universorum* &c. ad Angelos quidem

Tom. V.

dicit; *Qui facit Angelos suos spiritus & ministros suos flammam ignis; Ad Filium autem, Thronus tuus Deus in seculum sæculi*. Et cap. 2. vers. 2. *Si enim qui per Angelos dictus est sermo, factus est firmus, & omnis pravariatio & omnis inobedientia accepit justam retributionis mercedem; quomodo nos effugiemus si tantam neglexerimus salutem, quæ cum initium accepisset enarrari per Dominum ab eis qui audierunt, in nos confirmata est, contestante Deo signis & portentis*. Hoc autem argumentum Apostoli nullius plane roboris erit, si lex antiqua quemadmodum & nova, a Verbo Dei fuit data hominibus; jam tum enim inter utramque nihil erit hac in parte discriminis; igitur lex vetus dici debet data per Angelos.

Probatur 2. auctoritate S. Augustini, qui lib. 3. de Trinit. cap. 21. dedita opera probat hanc sententiam: *Quapropter*, inquit, *essentia Dei nullo modo potest ipsa per sensum esse visibilis*. Proinde *alia omnia quæ patribus visa sunt, cum Deus illis secundum suam dispensationem temporibus congruam præsentaretur, per creaturam facta esse manifestum est*. Et si nos latet quomodo ea ministris Angelis fecerit, per Angelos tamen esse facta, non ex nostro sensu dicimus, ne cuiquam videamur plus sapere, sed sapius ad temperantiam, sicut Deus nobis paritissimus est mensuram fidei; & credimus propter quod & loquimur. Extat enim auctoritas divinarum Scripturarum, unde mens. nostra deviare non debet, nec relicto solidamento divini eloquii per suspicionem suorum abrupta precipitari; ubi nec sensus corporis regit, nec perspicua ratio veritatis elucet. Apertissime quippe scriptum est in Epistola ad Hebræos; *cum dispensatio novi Testamenti a dispensatione veteris Testamenti secundum congruentiam seculorum ac temporum distingeretur, non tantum illa visibilis, sed ipsum etiam sermonem per Angelos factum*. Sic enim dicit: *Ad quem autem Ange-*

Gg

lorum

terum dixit aliquando, &c. . . Sed propter eos, qui cum Scriptura illic Angelum nominat, ipsum per seipsum Filium Dei volunt intelligi, quia propter annuntiationem paternalis ac suae voluntatis a Propheta dictus est Angelus: propterea voluit ex hac Epistola manifestius testimonium dare, ubi non dictum est per Angelum, sed per Angelos: Nam & Stephanus in Actibus Apostolorum eo more narrat hoc, quo etiam in libris veteribus conscripta sunt. Ne quis autem arbitraretur tunc Deum gloria per id quod in se ipso est cujusquam oculis apparuisse mortaliura, in sequentibus dicit, quod Moysi Angelus apparuerit (sugit Moyses in verbo isto, &c.) & infra. Sed quid ultra differimus ora eorum evidentissimo atque gravissimo alio documento oppilare, ubi non Angelus singulariter, nec viri pluraliter, sed omnino Angeli dicuntur, per quos sermo non quilibet factus, sed lex ipsa manifeste ostenditur, quam certe nullus fidelium dubitat Deum dedisse Moysi ad subjugandum populum Israel, sed tamen per Angelos datam. Ita Stephanus loquitur, Dura service, &c. Qui accepistis legem in edictis Angelorum, nec custodistis. Quid hoc evidentius, quid tanta auctoritate robustius? in edictis quidem Angelorum lex illi populo data est. . . per Angelos ergo tunc Dominus loquebatur, per Angelos Filius Dei, Mediator Dei & hominum futurus ex semine Abraham suum disponebat adventum, ut inveniret a quibus recipereetur constantes seceos, quos lex non impleta fecerat transgressores. Unde & Apostolus ad Galatas dicit: Quid ergo lex? transgressionis gratia posita est, donec veniret sementi cui promissum est, dispositum per Angelos in manu Mediatoris; hoc est, dispositum per Angelos in manu sua.

Eodem plane modo hunc locum Epistolae ad Galatas interpretatur S. Hieron. hic enim habet: Quod ait Apostolus, (lex per Angelos) hoc vult intelligi quod in omni veteri Testamento, ubi

Angelus primus visus refertur, & postea quasi Deus loquens inducitur, Angelus quidem vere ex ministris pluribus quicumque sit visus: sed in illo Mediator loquitur qui dicit, Ego sum Deus Isaac, Deus Jacob.

Quia & S. Cyrillus Alexandr. lib. 8. Thesauri cap. 2. contendit ex Paulo novam legem veteri praestare hoc titulo, quod nova data est per Dei filium, vetus autem per Angelos: Cum voluisset Paulus, inquit, legis mandatis longe meliora Evangelica demonstrare, administratores consideravit, & ex differentiis ipsorum administratorum negotiorum differentiam ostendit. Et postea, quoniam etiam lex Dei est, vetus nempe, tamen per Angelos data fuit.

Tum vero S. Gregorius Magnus in praefatione ad librum Job. Angelus, inquit, qui Moysi apparuisse describitur, modo Angelus, modo Dominus memoratur; Angelus videlicet, propter hoc quod exterius loquendo serviebat. Dominus autem dicitur, quia interius praesidens loquendi efficaciam ministrabat. Cum ergo loquens exterius ab interiori regitur, & per obsequium Angelus, & per inspirationem Dominus nominatur.

Idem docet Magister Sent. lib. 2. dist. 8. ubi laudat sententiam S. Augustini citatam. Idem & S. Thomas q. 6. de potentia Dei art. 7. ad 3. his verbis. Dicendum quod sicut dicit Augustinus in tertio de Trinitate; Omnes Dei apparitiones quae in veteri Testamento leguntur, factae sunt ministerio Angelorum qui aliquas species vel imaginarias, vel corporeas formant, per quas animam hominis videntis in Deum reducerent, sicut ex sensibilibus figuris possibile hominem in Deum reduci. Corpora ergo apparentia in apparitionibus praedictis Angeli assumpserunt. Sed in eis Deus apparuisse dicitur, quia ipse Deus erat finis in quem per representationem hujusmodi corporum Angeli mentem hominis elevari intendebant. Et ideo in illis apparitionibus

Sci-

Scriptura quoadque commemorat Deum apparuisse, quoadque Angelum. Hoc secuti sunt ceteri deinceps Scholastici, Alexander Aletius qui 2. p. q. 34. n. 7. ait eandem apparitionem interdum tribui in Scripturis & Deo & Angelo, sed differenter, Deo per auctoritatem, Angelo per ministerium. Ricardus & S. Bonaventura in expositione contextus Magistri, dubio 3. Abolensis, & nobilis Scripturarum interpres Cornelius a Lapide passim in suis Commentariis.

Obijciat: Is ipse qui apparuit Moysi, qui saepius illum alloquitur ore ad os & de facie ad faciem, Deum & Dominum se ipse appellat, Exodi 3. Apparuitque ei Dominus in flamma ignis de medio rubi... cernens autem Dominus quod pergeret ad videndum vocavit eum. Exodi 20. Locutusque est Dominus cunctos sermones hos. Ego sum Dominus. Deus tuus qui eduxi te de terra Aegypti, de domo servitutis: Non habebis Deos alienos. Et cap. 33. Loquebatur autem Dominus ad Moysen facie ad faciem, sicut solet loqui homo ad amicum suum... Hæc porro neutiquam Angelo congruere possunt; sicine enim loqui potuisset Angelus, Ego sum Dominus Deus tuus, qui eduxi te de terra Aegypti, Non habebis Deos alienos? Igitur debent hæc omnia intelligi de Deo ipso, non de Angelis.

Atque id duobus potissimum validissimis momentis confirmari potest.

Primum est, quia juxta regulam a S. Augustino traditam, & ab omnibus deinceps Theologis receptissimam, verba Scripturæ sacræ literaliter accipi debent, quando nihil essetudum vel fidei, vel moribus contrarium: atqui nec fidei, nec moribus quidquam repugnat præfata Scripturæ testimonia literaliter accipi de ipso Deo, qui, ut multi testantur sancti Patres, anticipata quadam incarnatione hominibus interdum apparere voluerit; ergo, &c.

Secundum momentum est, quia si

supponerentur Angeli in his apparitionibus locuti, falsa omnino essent quæ ab illis proferrentur: Angelus enim non est Deus Jacob, Angelus non eduxit Israelitas de Aegypto, &c.

Dist. ant. Vocat se Deum eo quod vices Dei gerebat, personam Dei representabat. C. quod ipse Deus erat qui loquebatur. N. Quoniam ergo Angelus qui apparebat & Moysen alloquebatur personam Dei referebat ejus vices gerens, mirum nemini videri debet, si adeo confidenter dicat, Ego sum Dominus Deus tuus: sic enim legatus alicujus Principis solet ejus nomen & auctoritatem veluti usurpare, aut saltem ejus nomine & auctoritate loqui & agere; id recte observat S. August. lib. contra Adimantum cap. 9. Quomodo enim, inquit, Verbum Dei, quod est Christus, in Propheta loquitur veritatem, sic in Angelo ipse loquitur, quando veritatem Angelus nuntiavit, & recte dicitur, Deus dixit, & Deus apparuit, & item recte Angelus dixit, Angelus apparuit, cum illud dicatur ex persona inhabitantis Dei, hoc ex persona servientis creatura. Idem scribit lib. 3. de Trin. mox citato non aliter præfata objectioni respondens.

Neque vel minima superest difficultas in duobus illis momentis quæ in confirmationem objectionis proponuntur. Quoad primum enim, dico eandem S. Augustini regulam ipsis merito retorqueri posse; si enim literaliter accipiantur verba Scripturæ sacræ, ut fert illa regula, profecto non Deo sed Angelis tribui debent apparitiones in antiquo Testamento factæ; id enim apertum est ex cap. 7. Actuum, ex cap. 7. Actuum, ex 3. cap. Epistolæ ad Galatas, ex cap. 1. & 2. Epistolæ ad Hebræos. In his enim singulis locis lex vetus dicitur data per Angelos; quoniam vero id concedere nolunt adversarii, inde manifeste colligitur in præfata materia locum habere non posse præfata S. August. regulam: quominus

autem litteraliter de Deo ipso fumantur illa Scripturæ loca quæ nobis obijciuntur, obstant certe hæc alia quæ opponimus, quæ recte explicari non possunt in hypothesi aduersionis; cum contra in nostra sententia nullo negotio conciliantur, quatenus nempe, ut dictum est; Angelus vices Dei gerens dicere potuit, *Ego sum Dominus Deus tuus*, &c. Unde facilis responso patet ad secundum momentum, cum enim nomine Dei loquebatur Angelus in ejusmodi apparitionibus, propositiones nequam falsas efferebat.

Utrum lex vetus solis Judæis data fuerit.

QUæstio est, an ita solis Judæis data fuerit Mosaica lex, ut cæteri in orbe universo præter Judæos hac lege non tenerentur.

Dico solis Judæis datam fuisse Mosaicam legem; id enim aperte legitur in Scripturis, Deuteron. cap. 4. *Quæ est alia gens tam inelyta quæ habeat caeremonias ac iussa judicis?* Psalm. 147. *Non fecit taliter omni nationi, & iudicia sua non manifestavit eis.* Unde Apostolus scribit ad Rom. cap. 7. *Quid ergo amplius Judæo est? multum quidem per omnem modum, primum quidem quia credita sunt eis eloquia Dei; Quæ quidem adeo clara sunt & liquida, ut ad ejusdem veritatis confirmationem multa Patrum loca huc arcessere nihil omnino necesse sit.*

Atque hinc merito colligitur cæteros homines a Judæis huic legi nequaquam fuisse obnoxios; siquidem positiva lex eos tantum obligare potest quibus imponitur: lex enim in imperio tota essentialiter posita est; adeoque nonnisi eos obstringit quibus imponitur; intimatur: atqui solis Judæis imposita fuit lex vetus, ut modo dictum est; ergo alios a Judæis non obligabat.

Porro cum dicimus cæteros homines

Judaica lege non fuisse obstrictos, id intelligimus si sermo sit de illis præceptis quæ ad legem naturæ non pertinebant, hoc est de præceptis judicialibus & caeremonialibus; nemo enim immunis unquam fuit ab observantia præceptorum legis naturæ: quo pacto hanc conclusionem statuit S. Thomas 1. 2. qu. 118. art. 5. *Quoniam, inquit, lex vetus ad legem naturæ quædam Judæis propria superaddebat, populus Judæus ad omnia legis veteris præcepta, reliquæ autem nationes ad ea tantummodo quæ naturæ legem concernebant, obligabantur.* Quam sententiam ex eo probat, quod lex vetus data est populo Judæorum, ut quandam prerogativam sanctitatis obtineret, propter reverentiam Christi, qui ex illo populo nascenturus erat. *Quicunque autem; inquit, statuantur ad specialem aliquorum sanctificationem, non obligant nisi illos, sicut ad quædam obligantur Clerici qui mancipantur divino ministerio; ad quæ Laici non obligantur; similiter & Religiosi ad quædam perfectionis opera obligantur, ex sua professione, ad quæ sæculares non obligantur. Et similiter ad quædam specialia obligabatur populus Israeliticus, ad quæ alii populi non obligabantur.*

Obijcit sibi S. Thomas, quicunque Regi subditur, subditur & ipsius legi: sed lex vetus data fuit a Deo Rege orbis universi; ergo.

Huic objectioni sic respondet; Ad primum dicendum quod quicunque subduntur Regi obligantur ad legem ejus observandam, quam omnibus communiter proponit: sed si infirmus aliqua observanda a suis familiaribus ministris, ad hæc cæteri non obligantur.

Obijcit sibi insuper, si Judæi salvari non poterant nisi hanc suam legem observarent, salvari autem potuerunt Gentiles; profecto pejor fuit Judæorum quam aliorum hominum conditio: absurdum conseqens, ut liquido constat

ex testimoniis Scripturæ mox adductis; igitur, &c.

Respondet Sanctus Thomas hominem quanto magis Deo conjungitur, tanto effici melioris conditionis, proindeque populum Judæorum divino cultus additissimum, hoc titulo aliis nationibus digniorem, Et similiter, inquit, quantum ad hoc fuit melioris conditionis Clerici, quam Laici, & Religiosi quam seculares.

Obijcies: Lex vetus disponebat ad salutem quæ futura erat per Christum: sed salus illa per Christum futura omnines gentes respiciebat, non solos Judæos; ergo lex vetus non solis Judæis dari debuit, sed & omnibus hominibus.

Respondet S. Thomas art. 4. Ad primum, inquit, dicendum quod quamvis salus futura per Christum esset omnibus gentibus preparata, tamen oportebat ex uno populo Christum nasci, qui propter hoc præ aliis prerogativas habuit secundum illud Rom. 9. (quorum) scilicet Judæorum (est adoptio filiorum, & testamentum, & legislatio; quorum patres & ex quibus Christus est secundum carnem.)

Ergo, inquit, fuit ex parte Dei acceptio personarum: atqui tamen Actor. 10. Non est personarum acceptio Deus, sed in omni genti qui timerent, & operatur justitiam acceptus est illi; ergo.

Respondet S. Thomas ibid. Ad secundum dicendum quod acceptio personarum locum habet in his quæ ex debito dantur. In his vero quæ ex gratuita voluntate conferuntur, acceptio personarum locum non habet: non enim est personarum acceptio qui ex liberalitate de sua dat uni & non alteri; sed si esset dispensator bonorum communium, & non distribueret æqualiter secundum merita personarum, esset personarum acceptio: Salutaria autem beneficia Deus humano generi confert ex sua gratia; unde non

est personarum acceptio si quibusdam præ aliis conferat. Unde Augustinus dicit in libro de predestinatione Sanctorum: omnes quos Deus docet, misericordia docet; & quos autem non docet, judicio non docet, hoc enim venit ex damnatione humani generis pro peccato primi parentis.

Ex quibus manifeste colligitur ex sola & mere gratuita Dei liberalitate, sine ullis præcedentibus meritis hunc populum potius legem accepisse quam ceteras nationes, ut expresse dicitur Deuter. 9. cap. Scito ergo, inquit Deus, quod non propter justitias tuas Dominus Deus tuus dederit tibi terram hanc optimam in possessionem, cum durissima cervicis sis populus. Quod idem passim docet S. Paulus, & postea S. Augustinus.

Quæres, utrum aliæ nationes, quibus annuntiata non fuerat lex antiqua, potuerint tamen æternam salutem consequi.

Respondet affirmative, modo tamen veram habuerint fidem in Christum mediatorem venturum; nam ejusmodi fidem medium fuisse ad salutem consequendam absolute necessarium, solius longe atque uberius ostendimus in Tractatu nostro De fide.

Quæres insuper, an potuerint olim Gentiles fidem Judæorum suscipere; an vero & Judæis licitum fuerit hujus fidei legis illos participes facere?

Respondet utrumque fuisse licitum, ut aperte legitur Exodi 12. cap. ubi postquam legem & caeremoniam de manducatione Agni Paschalis & azymorum multo ritu peragendam præscripsit Moyses, hæc subiungit vers. 48. quod si quis peregrinorum in vestram voluerit transire coloniam, & facere phasem Domini, circumcidetur prius omne masculinum ejus, & tunc rite celebrabit, eritque sicut indigena terra; si quis autem circumcisis non fuerit, non vescetur ex eo. Eadem lex erit indigena & colono qui peregrinatur apud vos. Unde patet prius

prius debuiffe quempiam ex Gentilibus masculum circumcidi, quam ad manducandum cum Judæis Agnum Paschalem aggregaretur; atque inde totius legis debitor evadebant; juxta illud Apostoli ad Galatas cap. 5. *Testificor autem rursus omni homini circumcidenti se, quoniam debitor est universæ legis faciente.*

Quærit S. Thomas utrum lex vetus convenienter data fuerit tempore Mo-
sis?

Respondet decessisse tempore Mo-
gem veterem hominibus dari, quo nempe infirmitatem suam agnoscerent, & perfectius ad divinam gratiam suscipiendam prepararentur; id suffus explicat S. Doctor art. 6. q. 98.

Adde hic solent Theologi hanc Judæorum legem specialiter ad Christianos pertinuisse, quo pacto figura pertinet ad veritatem quam respicit, & quatenus ejusmodi lex innumeras prope continebat promissiones quæ in Christianis & in Christo eorum legislatore impletæ sunt; id egregie more suo scribit Augustinus lib. 4. contra Faustum cap. 2. *Temporalium quidem rerum promissiones, inquit, Testamenti veteri contineri, & ideo Testamentum vetus appellari, nemo nostrum ambigit; & quod æterna vite promissio, regnumque calorum ad novum pertinet Testamentum; sed in illis temporalibus figuras fuisse futurorum quæ impleverunt in nobis, in quos finis seculorum obvenit, non suspicio mea, sed Apostolicus intellectus est; dicente Paulo, cum de talibus loqueretur; Hæc omnia figura nostra fuerunt. & iterum: Hæc omnia in figuris contingebant illis. Scripta sunt autem propter nos, in quos finis seculorum obvenit. Non ergo vetus Testamentum ad consequendas illas promissiones, sed ad intelligendas in eis novi Testamenti prænuntiationes accipimus, veteris quippe testificatio fidem verbo conciliat. Unde Dominus Oportebat impleri omnia quæ scripta sunt in lege Moysi & Pro-*

phetis & Psalmis de me. Non itaque spes nostra in temporalium rerum promissione defixa est; quandoquidem nec ipsos illius temporalibus sanctos & spirituales viros Patriarchas & Prophetas his terrenis rebus dedotos credimus; intelligebant enim sibi revelante Spiritu Dei; quid tempori illi congrueret, & quibus modis Deus per illas omnes res gestas & divitias futura figuranda & prænuntianda decerneret.

An jure Lex vetus abrogata fuerit.

Legem Moisaicam ut sanctissimam & ab ipso Deo, non ab hominibus profectam, ab Apostolis abrogari, paulo post Christi mortem ægre ferebant Judæi; qui & etiamnum pro servanda hac sua Religione acriter pugnant. His accensetur hæc in parte nonnulli veteres Hæretici; nimirum Cerinthiani, Ebionitæ & Nazaræi; qui spreta definitione Apostolorum in Concilio Jerosolymitano lata existimant utramque legem; Christi nempe & Moysi, esse conjungendam; adeoque & hanc summo studio & maxima veneratione servandam: in illos veto sit

CONCLUSIO.

Lex vetus jure merito fuit a Christo Domino abrogata. Ea quippe lex merito fuit abrogata, adeo ut propterea jam nullus querimonie locus sit Judæis, cujus finem & abrogationem Deus aperte prædixerat in Prophetis; sed in veteri Testamento, & potissimum apud Prophetas, legimus aliquando futurum ut veniat Messias qui legem novam, & novum cultum, nova sacrificia instituat. Isaie cap. 2. *Et erit in novissimis diebus preparatus mons Domini in vertice montium, & elevabitur super colles, & fluent ad eum omnes Gentes. Et ibunt populi multi, & di-*

Et dicent, Venite Et ascendamus ad montem Domini Et ad domum Dei Jacob, Et docebit nos vias suas, Et ambulabimus in semitis ejus, quia de Sion exiit lex, Et verbum Domini de Jerusalem. Ubi aperte futura Christi Religio præcinitur, idque eventurum dicit Propheta, in novissimis diebus: quibus verbis, ut jam a nobis observatum est, Mellæ tempora notari solentur ipsi Judæi. Consuli possunt luculenta Prophetarum testimonia quæ adversus Judæos congestimus in Tractatu nostro de Incarnatione, & quæ molestum foret hic iterum exscribere. Ea loca quisquis attente legerit, nisi vel volens cæcuet, vel inveterato laboris mentis præjudicio, agnoscat necesse est, jam tum longe ante Christi tempora clare & aperte præcunctatam fuisse veteris legis abrogationem.

Atque ut in istam sententiam descenderent Judæi, commoveri deberent insigni Apostolorum exemplo, qui tametsi pro legis paternæ institutis ardentissimò, quando oportuit, zelo certaverint ac studio; nihilominus tamen Prophetarum oraculis non minus quam Christi miraculis convicti, ex Judæis lubenter facti sunt Christiani: In veritate comperi, inquit S. Petrus Act. 10. quia non est personarum acceptor Deus, sed in omni gente qui timet eum & operatur justitiam, acceptus est illi. In veritate comperi, hoc est, & ex miraculis a Christo editis, & ex Prophetarum vaticiniis pene innumeris certissimum est uni Christo esse adherendum, jam desuisse ac penitus abrogatam Moysi legem, novum advenisse Testamentum; Verbum misit Deus filiis Israel, pergit S. Petrus, annuntians per Jesum Christum; hic est omnium Dominus. Vos scitis quod factum est verbum per universam Judæam: incipiens enim a Galilæa, post baptismum quod prædicavit Joannes, Jesum a Nazaret, quomodo vixit cum Deus Spiritu sancto

Et virtute, qui pertransiit benefaciendo Et sanando omnes oppressos a diabolo; quoniam Deus erat cum illo. Et nos testes sumus omnium quæ fecit in regione Judæorum Et Jerusalem, quem occiderunt suspendentes in ligno: hunc Deus suscitavit tertio die, Et dedit eum manifestum fieri, non omni populo, sed testibus præordinatis a Deo: nobis qui manducavimus Et bibimus cum illo, postquam resurrexit a mortuis. Et præcepit nobis prædicare populo Et testificari, quia ipse est qui constitutus est a Deo iudex vivorum Et mortuorum. Huic omnes Prophete testimonium perhibent, remissionem peccatorum accipere per nomen ejus omnes, qui credunt in eum. Sic vero & ex illis Christi miraculis quæ palam & in oculis omnium ediderat, & ex Prophetarum vaticiniis tam aperte Christum designantibus, promptum erat Judæis ut & Apostolis, judicare veterem legem esse abrogatam, novo tum succedente Testamento.

Quamobrem cum in exordio Christianismi non levis inter fideles extorta esset contentio circa legis antiquæ præceptorum observantiam, quibuldam ex Judæa contendentibus legem esse necessariam, ut aperte colligitur ex Act. Apost. cap. 15. Conveniunt Apostoli Et seniores videre de verbo hoc. Et re discussa ex Prophetarum oraculis, nominatim vero Amos, hoc tandem emiserunt Decretum: Visum est enim Spiritui sancto Et nobis, nihil ultra imponere vobis oneris, quam hæc necessaria: ut abstineatis vos ab immolatis simulacrorum, Et sanguine, Et suffocato Et fornicatione; a quibus custodientes vos, bene agetis.

Hæc porro eadem plane monumenta; nimirum Prophetarum vaticinia & Christi miracula, ad ejusdem veritatis confirmationem usurparunt postea & Apostoli in suis scriptis, imprimis vero S. Paulus, & SS. Patres qui prioribus Ecclesiæ

eleſe ſaeculis aut adverſus Judaeorum per-
vicaciam, aut contra Cerinthianos, &
Ebionitas ſcripſerunt. Conſule S. Pau-
lum in Epift. ad Galatas, tum vero &
ad Hebraeos; S. Joſtin. Dialogo cum
Tryph. Tertull. in toto lib. adverſ. Ju-
daeos & lib. de pudic. cap. 6. Origen.
Homil. 10. in Levit. Homil. 17. in Num.
& paſſim lib. contra Celfum; Eufe-
b. lib. 1. de Demonſt. Evang. cap. 6. &c.

Quae autem teſtimonia laudari ſolent
& ſcriptis Apoſtolorum, ut evincatur
abrogatam fuiſſe veterem legem, tan-
quam luculentiffima ſaltem haberi de-
bent adverſus Cerinthianos, Ebionitas,
& alios ejuſdem ſurſuris Haereticos; hu-
juſmodi ſunt iſta, Epift. ad Galatas cap.
2. *Si per legem juſtitia, ergo gratis Chriſtus
mortuus eſt.* Cap. 3. *Quid igitur
lex? propter transgreſſiones poſita eſt,
donec veniret ſemen, cui promiſerat, or-
dinata per Angelos in manu Mediatoris.*
Cap. 4. *Nunc autem cum cognoveritis
Deum, imo cogniti ſitis a Deo, quomo-
do converſiſmini iterum ad infirma &
egena elementa, quibus denovo ſervire vul-
tis?* Cap. 5. *Nolite iterum jugo ſervitutis
contineri.* Ecce ego Paulus dico vobis,
quoniam ſi circumcideaſmini, Chriſtus vobis
nihil proderit. Nam in Chriſto Jeſu,
neque Circumciſio aliquid valet, neque
praepreſum; ſed fides qua per charitatem
operatur. Idem docet Epift. ad Hebr.
cap. 7. ubi ait deſuiſſe legem ſimul &
ſacrificium: *Translatio enim, inquit,
Sacerdotio, neceſſe eſt, ut & legis tran-
ſlatio fiat...* Reprobatio quidem ſit pra-
ecedens mandati, propter infirmitatem ejus
& inutilitatem: nihil enim ad perfectum
adduxit lex. quae quidem, ut dixi, a-
pertiſſima ſunt ad eam revincendam
Haeticorum ſuperſtitionem, qua con-
tendebant utramque ſimul Religionem
& Moſis & Chriſti conjungi debere.
Obſicis; Lex vetus dicitur in Scri-
pturis perpetua, Baruch cap. 4. *Hic liber
mandatorum Dei, & lex qua eſt in aeternum;*
ergo jure non fuit abrogata, ſed

contra expreſſam Prophetarum promiſ-
ſionem.

Reſpondeo; veterem legem dici aeternam, vel quia ſumitur quoad praecepta
moralia, quorum viget etiamnum, vi-
gebitque ſemper obligatio; vel quia ſui
obſervatores perducebat ad vitam aeternam,
ſi nimirum in fide & charitate
Chriſti eam obſervarent; vel denique ſi
aeternum ſumatur pro eo quod longiſ-
ſimo tempore durat.

Quaeres, quo ſenſu dixerit Chriſtus ſe
non veniſſe ut legem ſolveret: *Nolite pun-
tare, inquit, Matth. c. 5. verſ. 17. quoniam
veni ſolvere legem aut Prophetas; non
veni ſolvere, ſed adimplere.* Neque
enim iſtud videtur cohaerere poſſe cum
iſta ſententia, quae docet legem veterem
fuiſſe abrogatam, & quam revera
ſolvit & abrogavit Chriſtus; nam cap.
11. *Lex & Propheta uſque ad Joannem
Baptiſtam; & Epift. ad Hebraeos cap.
7. Translatio Sacerdotio, neceſſe eſt, ut
& legis translatio fiat.*

Reſpondeo; veriſſimum fuiſſe quod
dixit Chriſtus, ſe non veniſſe ut ſolveret
legem, ſed adimpleret; quia praecep-
ta veteris legis partes erant promiſ-
ſiones & vaticinia, quae proprie loquen-
do in Chriſto Domino impleta ſunt.
Ia quippe, quae leges Judaeorum promiſ-
ſa erant, exhibuit, quae figuris adum-
brata repraeſentavit, omnia enim con-
tingebant illis in figuris: hujus autem
legis ſinis unus Chriſtus; quo ſpectant
potiſſimum haec quae tam frequenter pro-
nuntiari ſolent ab Evangeliſtis, *Ut adim-
pleretur quod dictum eſt per Prophetas;*
& quod ipſe dicit Chriſtus Lucae 24.
cap. *Haec ſunt verba qua locutus ſum
ad vos, cum adhuc eſſem vobiſcum: quoniam
neceſſe eſt impleri omnia qua ſcripta
ſunt in lege Moſis & Prophetis & Pſal-
mis de me.* Quapropter legem abroga-
vit Chriſtus non ſolvendo ſed adim-
plendo; non violando, ſed perficiendo.

Quaeres inſuper quonam praeciſe tem-
pore abrogata fuerit lex vetus?

Re-

Respondeo 1. eam non fuisse abrogatam ante Christi mortem; tum quia ante non debuit evanescere figura, quam advenisset veritas; tum quia huic legi semper usque ad mortem se ipse subiecit Christus; unde ait Matth. 5. *Legem non veni solvere, sed adimplere*; tum denique quia non prius facta est legis translatio & extinctio, quam Sacerdotii, juxta illud Apostoli ad Hebræos cap. 7. *Translatio Sacerdotii potestate est, ut & legis translatio fiat*; atqui Sacerdotium veteris legis translatum non fuit nisi in Christi morte, quo nimirum tempore Pascha nostrum tot figuris antiqui Testamenti prænuntiatur, immolatus est Christus; agitur lex vetus ante Christi mortem non fuit abrogata.

Nec moror quod istud legatur Luca 16. capit. *Lex & Prophetæ usque ad Joannem*, quasi nempe inde significetur statim ad prædicationem Joannis legem desivisse; id unum quippe voluit Evangelista finem legis & Prophetarum eo sensu Joannis prædicationi annectere, quod tum inceperit veluti desinere lex; ac paulatim velut umbra evanescere ad præsentiam veritatis, non autem eo sensu quod plene & perfecte quoad omnem obligationem cessaverit.

Respondeo 2. hanc legem in morte Christi omnino desivisse; ita ut eos saltem qui nova Christi lege imbuterant, non amplius ad sui obsequium & observantiam obtinuit. Id satis aperte comprobare visus est Jesus ipse, quando dixit moriens, *Consummatum est*; Joan. 19. quasi dixisset, ut exponunt Interpretes, *Impleta sunt omnia Prophetarum vaticinia, omnia quæque sacrificia; abolita, antiquata Circumcisio, dispelluntur umbræ, evanescunt figure; omnia demum quæ ad veterem legem pertinebant, impleta sunt, consummata. Quamobrem in ipsa Christi morte legem veterem desivisse, ex eo colligunt nonnulli Patres, quod velum Templi tunc temporis scissum est, ut*

Tom. V.

legis rescissæ argumentum, ita S. Ambros. lib. 10. in Lucam c. 23. Leo Sermon. 17. de Pass. Domini, & S. Thomas Lectione in Lucam. Quod tamen ita demum intelligi debet, ut ejusmodi lex statim a Christi morte fuerit, ut ajunt, mortua, non mortifera, ut mox sumus ostensuri.

An statim post Christi mortem legalium observatio fuerit mortifera.

Gravissima super illo negotio exorta est olim & magno cum æstu utrinque propugnata contentio, S. Augustinum inter & S. Hieronymum. Volebat iste ab ipsa Christi morte, statim mortiferam fuisse legalium, hoc est, veteris legis caeremoniarum observationem; ita ut a nemine tunc temporis servari potuerint illæ conscientia & sine aliqua peccati labe. Et contra vero censcebat Augustinus ejusmodi legalium observationem Christo semel mortuo vanam quidem salutis & inutilem fuisse, &, ut ajunt, mortua quidem tunc fuisse legalia, sed non ideo mortifera; in illis scilicet qui ex Judæis vel Gentilibus recens conversis illas caeremonias ut minime necessarias observabant. Quid autem occasione illius controversiæ de tolemini objurigatione S. Pauli in S. Petrum dispertiverint duo illi eximii Doctores, cujusve nos partes amplectamur, questione sequenti aperiemus; interim in illa questione quæ juris est, in sententiam Augustini lubenter descendimus.

CONCLUSIO.

Mortifera non fuit legalium observatio statim ab ipsa Christi morte. Siquidem illud citra culpam admitti potuit quod nulla lege prohibitum erat: atqui legalium observatio nulla lege prohibita erat, sive Judæis sive Gentilibus ad Christianam Religionem conversis:

H h

nalla quippe lex vel a Christo, vel ab Apostolis lata fuerat, nullam unquam produxit Hieronymus; igitur, &c.

Atque ejusmodi praxim non esse illicitam, &c, ut ajunt, mortiferam abunde comprobavit ipsum Apostolorum exemplum; contingit enim non semel, ut nonnullos ex illis ritibus observaverint. Act. 16. Discipulum suum Timotheum ex parte Gentili natum circumcidit S. Paulus cap. 21. Sponte id fecit Apostolus ne Judæi conquererentur, quod Timotheum Gentilem sibi affcivisset in socium prædicationis; sed scelere quodam sic eum voluisse Judæos demereri nemo sanæ mentis cogitabit.

Act. 21. cap. ex consilio S. Jacobi idem Paulus purificavit se in Templo, vers. 24. *Sanctificate eum illis*, inquit Jacobus, *& impende in illis ut vadant capiti..... tunc Paulus, assumptis viris, postera die purificatus cum illis intravit in Templum.* An vero in illo ritu observando convenissent ambo Apostoli, si qua tum in illo facto vel minima occurrisset culpa?

Verum & id non exemplo tantum, sed & verbo postea confirmarunt in Concilio nimirum Jerosolymitano, quod non unus Apostoli, sed singulorum & totius Ecclesiæ Doctrinam exhibet. Cum enim circa legalium rituum observationem non levis in Ecclesia facta esset concertatio, quibusdam contententibus sine Circumcisione, & aliis Mosaicæ legis ritibus neminem salvari posse, hanc lectionem compescuerunt Apostoli, quatenus a fidelibus amoveretur onus & jugum legis Mosaicæ, quibusdam tamen relictis præceptis quæ deinceps observari præceperunt, ut constat ex Act. 15. cap. *Vidum est Spiritui sancto & nobis*, inquit, *nihil ultra imponere vobis oneris quam hæc necessaria: ut abstineatis vos ab immolatis simulacrorum, & sanguine, & suffocato, & fornicatione; a quibus custodientes vos, bene agitis.* Ex illa Apostolica sanctione merito colligi-

tur mortiferam non fuisse legis præceptorum observationem; quandoquidem nonnulla adhuc viguerunt; vel etiam de mandato Apostolorum expresso.

Huic argumento quod ex Apostolorum praxi depromebat Augustinus in præsentī controversia, respondit Hieronymus simulatione usos fuisse Apostolos in præfatis occasionibus, nec nisi fido animo legalia servasse, ne videlicet Judæis essent offenculo; sed quam fluxa sit & caduca ejusmodi responsio, invicte, ut puto, demonstrabimus sequenti disputatione.

Objiebat S. Hieronymus hæc Apostoli verba ad Galatas cap. 5. *Ecc̃ ego Paulus dico vobis, quoniam si circumcidamini, Christus verbis nihil proderit.* Ex quo inferebat Circumcisionem fuisse Christianis mortiferam; siquidem nihil potest tollere fructum mortis Christi, nisi peccatum mortale.

Respondet S. Augustinus, excludi quidem fructum mortis Christi per Circumcisionem, in qua spes salutis collocetur; non autem per Circumcisionem simpliciter & quæ fiat ex alio fine, quo videlicet Paulus Timotheum circumcidit. En verba Augustini Epist. olim 19. nunc 82. quæ est ad S. Hieronymum num. 19. *Sicut ergo tu vis hic locum dare sententia tua, ut velis subintelligi nisi fallaciter: ita non impudenter flagito, ut etiam nos illic intelligere eis finas dictum (si circumcidamini) qui prospera volebant circumcidi, quod aliter se putabant in Christo salvos esse non posse. Hoc ergo animo, hac voluntate, ista intentione quisquis tunc circumcidebatur, Christus ei nihil omnino proderat... illor itaque arguit qui se justificari in lege credebant, non qui legitima illa in ejus honorem, a quo mandata sunt, observabant, intelligentes & quæ prænuuntianda veritatis ratione mandata sint, & quousque debeant perdurare.*

At, inquires, non licebat post Christi mortem credere & profiteri Christum mori-

moriturum; falsus enim fuisset ejusmodi cultus: atqui si legalia servassent Christiani post Christi mortem, professi tum fuissent Christum moriturum, hoc enim tendebant omnes ritus, omnia sacrificia legis Moſaice; igitur.

Dist. min. Si legalia servassent Christiani ad significandam Christi mortem, C. si ex alio fine & motivo, N. scilicet nonnulla tantum legalia servare licitum fuit etiam post Christi mortem, & servarunt Apostoli œconomice gratia, ut Judæos demererentur, ut Synagogam cum honore sepelirent; neve si Religionem Moſis tam subito reſpiciſſent, credita non fuisset divinitus instituta, atque ut egregie ait Augustinus, improbata potius quam terminata videretur; Sed propterea non volebant circumcidi, quod aliter non putabant se in Christo salvos esse non posse.

An sincero animo non ficto Legalia servaverint Apostoli? ubi & de reprehensione S. Petri.

EX præcedenti disputatione quæ ambo Apostolos Petrum & Paulum inter se commiſit, natæ sunt inter illos alie duæ facti quæſtiones. Prima est, an post Christi mortem sincero animo vel ficto duntaxat legalia servaverint Apostoli, cum enim adverſus opinionem Hieronymi, quæ legis observationem cenſebat mortuo Christo ſtatim fuiſſe lethiferam & ſaluti nocivam, exemplum Apoſtolorum qui nonnullas ejusdem legis cæremonias ſervaverant, objeciſſet Auguſtinus; & confidenter reſpondit ille & multa diſputatione contendit, legem hanc nonnisi ficto & ſimulato animo interdum obſervaviſſe quosdam Apoſtolos, ne ſcilicet Judæis eſſent offendiſculo; contra vero omnis fictionis & ſimulationis expertem fuiſſe hanc Apoſtolorum œconomiam in retinendis quibusdam Judæorum ritibus acerrime docuit S. Auguſtinus; cujus modo rationes & momenta ſumus allaturi.

Ex eodem fonte fluxit altera quæſtio, an ſincera fuerit illa increpatio quæ deſcribitur Epiſt. ad Galatas cap. 2. quæ divus Paulus Antiochiæ reprehendit S. Petrum, quod a Gentibus converſis ſcrupuloſe recederet, ut volebat Auguſtinus, vel ficta tantum & ſimulata ex utriuſque Apoſtoli pacto & conſenſu, per accommodatam quandam diſpenſationem, quæ fuit S. Hieronymi ſententia. Nos autem in utroque hoc capite divi Auguſtini mentem ampectimur.

PRIMA CONCLUSIO.

Post Christi mortem legalia servarunt Apostoli ſincere non ſimulate. Illud quippe maniſeſte oſtendunt verba S. Lucæ deſcribentis Act. 21. cap. quo pacto S. Jacobus conſilium dedit S. Paulo, ut legem purificationis ſubiret, quod revera poſt maturam deliberationem poſtera die executus eſt Paulus; eſt enim luce meridiana clarius ne vel minimam in illo facto fuiſſet ſimulationem: Sequenti autem die introibat Paulus... ad Jacobum, omneſque collecti ſunt ſeniores. Quos cum ſaluſaſſet, narrabat per ſingula quæ Deus feciſſet in Gentibus per miniſterium ipſius. At illi cum audiſſent, magnificabant Deum, dixeruntque ei: Vides, frater, quot millia ſunt in Judæis, qui crediderunt, & omnes amulatores ſunt legis: Audierunt autem de te, quia diſceſſionem doceas a Moſe eorum, qui per Gentem ſunt Judæorum, dicens non debere eos circumcidere filios ſuos, neque ſecundum conſuetudinem ingredi. Quid ergo eſt? utique oportet convenire multitudinem: audient enim te ſuperveniſſe. Hoc ergo fac quod tibi dicimus. Sunt nobis viri quatuor votum habentes ſuper ſe. His aſſumptis, ſanctifica te cum illis, & impende in illis, ut radant capita; & ſcient omnes quia quæ de te audierunt, falſa ſunt, ſed ambulas & ipſe cuſtodiens legem. De his autem, qui crediderunt ex Gentibus: nos ſcripſimus, judi-

Hh 2. can-

cantes ut abstinent se ab Idolis, immolato, & sanguine, & suffocato, & fornicatione. Tunc Paulus, assumptis viris, postera die purificatus cum illis intravit in Templum, annuntians expiationem dierum purificationis; donec offerretur pro unoquoque eorum oblatio.

Ex illa narratione manifestum est nullam fuisse simulationem in illis Apostolorum gestis: 10. enim quando Jacobus auctor est Paulo, ut se alicui præcepto vel caeremonie legali submittat, propter exortum inter Judæos scandalum, eo quod discessionem a Moyse docuisse videretur, adeoque veterem legem tanquam malam improbare ac detestari; tunc, inquam, Jacobus nullam simulationem, nullam fictionem consulit divo Paulo; non ait, Finge, simula; sed, *Fac quod tibi dicimus*, quod sane observare non omisisset S. Lucas, si quod nempe inter Jacobum & Paulum intercessisset pactum, si ejusmodi simulationem meditati fuissent; 2. & idem manifeste persuadent hæc alia verba Jacobi Paulum alloquentis, *& scient omnes*, quæ sic interpretatur Augustinus Epist. 82. num. 10. nam si revera, inquit, sic ea reprobares, quemadmodum de illo auditum erat, & ideo celebranda susciperes, ut actione simulata suam posset verbaliter sententiam, non ei diceret Jacobus (*& scient omnes*) sed diceret, & putabunt omnes, (quoniam quæ de se audierunt, falsa sunt.) præsertim quia in ip-sis Jerosolymis Apostoli jam decreverant, ne quisquam Gentes cogoret judaizare.

Idem porro judicium ferri debet de alio Pauli facto, quo nempe Timotheum circumcidit, *Ne Judæis*, inquit ibidem Augustinus num. 12. & maxime cognationi ejus materna sic viderentur, qui ex Gentibus in Christum crediderant, detestari Circumcisionem, sicut Idololatria detestanda est, cum illum Deus fieri præceperit, hanc Satanas persuaserit. & infra num. 15. Sic autem credo Apostolum Paulum veraciter cuncta illa gessisse, nec

tamen nunc quemquam solum ex Judæis Christianum, vel ego, vel sino talia veraciter celebrare? sicut nec tu, cui videtur Paulus ea simulasse, cogis istum vel finis talia simulare. An vis, ut etiam ego dicam hanc esse summam questionis immo sententia tua, ut post Evangelium Christi benefaciant credentes Judæi, si sacrificia offerant quæ obulit Paulus, si filios circumcidant, si sabbatum observent, ut Paulus in Timotheo & omnes observare Judæi, dummodo hæc simulat & fallaciter agant? hoc si ita, non jam in hæresim Hebionis, vel eorum quos vulgo Nazaraeos nuncupant, vel quamlibet aliam veterem, sed nescio in quam novam delabimur, quæ sit eo perniciosior quo non errore, sed proposito est ac voluntate salaci.

Et certe illius simulationis accusari non debent Apostoli quæ verum mendacium manifeste complectitur, & quæ in animis Christianorum grave peperisset scandalum: atqui ejusmodi simulatio, qua usi fuissent Apostoli, verum & proprie dictum mendacium complectitur, tum vero grave ex illa Apostolorum simulatione ortum fuisset scandalum.

Primo, in illa simulatione, verum fuisset mendacium: nam mendacium in eo positum est, quod assumantur falsa quædam externa signa ad ingenerandam in aliorum animis falsam opinionem, siquidem ut in verbis, ita & in factis est mendacium: sed in ista hypothefi signa externa adhibuissent Apostoli ad ingenerandam in animis Judæorum falsam opinionem, nimirum adhibuissent externam legalium observationem; Sacramenta & Sacrificia Mosaicæ legis, ut Judæis persuaderent se per ejusmodi caeremonias religiose Deum colere, cum tamen id non haberent in corde, adeo ut istam increpationem merito incurrerent, *Populus labiis me honorat, cor autem eorum longe est a me*; igitur verum ac proprie dictum mendacium fuisset.

fec

set in illa Apostolorum simulatione.

Secundo, & fidelibus grave intulissent scandalum; in eo quippe positum est scandalum, quod quis in dignitate constitutus & auctoritatem habens in Republica, suo exemplo doceat rem aliquam de se malam, esse tamen licitam, sique alios ad rem illam faciendam veluti inducat ac provocet: atqui in sententia divi Hieronymi id factum est ab Apostolis; nam in ejus sententia perniciosum & mortiferum fuit servare legalia post Christi mortem: atqui tamen hoc suo exemplo docuerunt Apostoli servari posse legalia, quæ nimirum publice ipsi observabant, recta scilicet & abscondita simulatione qua utebantur; fuisset igitur in illo facto apertum & perniciosum scandalum, quod vel ne cogitari quidem potest de Apostolis.

Qua igitur ratione Christianis non licet exterius colere Idola, tamen id non fieret sincero animo, sed simulato; unde laudantur Martyres quod nequidem exterius thus Idolis offerre voluerint, quia nempe id manifestum complectitur mendacium, veram irreligionem, apertum & publicum scandalum; eadem profecto ex causa licitum non fuit Apostolis exterius & palam legalia servare, si existimarent rem esse in se malam, perniciosam, mortiferam, ejus certe facti malitia & iniquitas quacunque restrictione, quacunque simulatione retractata non est.

Obicies morem fuisse Apostolorum in illis primis Ecclesie temporibus, non nisi pia quadam simulatione ritus legis observare, satis manifeste docet divus Paulus his verbis, I. ad Corinth. cap. 9. *Factus sum Judæis tanquam Judæus ut Judæos lucrarer. Is qui sub lege sunt quasi sub lege essem (cum ipse non essem sub lege) ut eos qui sub lege erant, lucrificarem; igitur.*

Respondeo Apostolum factum esse Judæis, Judæum, non simulante & mentientis acta, sed compatiens affectu;

non ut politici quasi per fas & nefas omnium moribus se accommodaret, sed ut omnium moribus, quoad patiebatur Dei lex, mederi posset; ita respondet S. Augustinus Epist. 40. cap. 4. *Neque enim, inquit, a me docenduses, quomodo intelligatur quod idem dicit (factus sum Judæis tanquam Judæus, ut Judæos lucrificarem,) & cetera qua ibi dicuntur compassionis misericordie, non simulatione fallacia. Fit enim tanquam agrotus qui ministrat agrotis, non cum se solus habere mentitur, sed cum animo consolentis cogitat, quemadmodum sibi serviri vellet, si ipse agrotaret. Nam utique Judæus erat, Christianus autem factus non Judæorum Sacramenta reliquerat, quæ convenienter ille populus & legitimo tempore quo oportebat, acceperat. & paulo infra: Si propterea illa Sacramenta celebravit, quia simulavit se Judæum ut illos lucrificaret, cur non etiam sacrificavit cum Gentibus, quia & iis qui sub lege erant, tanquam sub lege factus est, ut eos quoque lucrificaret, nisi quia & illud fecit ut natura Judæus. & hoc totum dixit, non ut fallaciter se fingeret quod non erat, sed ut misericorditer eis ita subveniendum esse sentiret, ac si ipse in eodem errore laboraret, non scilicet mentientis actu, sed compatiens affectu. Quæ quidem ratio est luculentissima; si enim simulatione uti debuerunt Apostoli in rituum legis observatione, quia dicit S. Paulus se factum esse Judæis Judæum, ut eos lucrificaret, eadem ratione sacrificare debuit cum Gentibus, ut eos quoque lucrificaret, factus est enim omnia omnibus, ut testatur versiculo sequenti.*

Hæc eadem iterum vel clarius docet Epist. 82. cap. 3. *Quod autem dixi, inquit, cum factum Judæis tanquam Judæum, & tanquam Gentilem Gentilibus, non mentientis actu, sed compatiens affectu, quemadmodum dixerim parum mihi visus es attendisse: immo ego fecissem non satis hoc explanare possem. Neque enim hoc ideo dixi, quod miseri-*

corditer illa simulaverit, sed quia sic ea non simulavit, quæ faciebant similia Judæis; quemadmodum nec illa quæ faciebat similia Gentibus, quæ in quoque commemorasti: atque in eo me, quod non ingrate fateor, adjuvisti. Cum enim abs te quævissem in Epistola mea, quomodo putetur, ideo factus Judæis, tanquam Judæus, quia fallaciter suscepit Sacramenta Judæorum, cum & Gentibus, tanquam Gentilis, factus sit, nec tamen suscepit fallaciter sacrificia Gentium: tum respondi, si in eo socium Gentibus, tanquam Gentilem, quod præputium receperit; quod indifferenter permiserit vesci cibis quos damnant Judæi; ubi ego quæro utrum & hoc simulate fecerit: quod si absurdissimum, atque falsissimum est; sit ergo & illa, in quibus Judæorum consuetudini congruebat, libertate prudenti, non necessitate servili, aut quod est indignius, dispensatione fallaci potius quam fideli... hunc compatiens affectum, in eadem Epistola ad Galatas præcipit dicens: Si præoccupatus fuerit homo in aliquo delicto, vos qui spirituales estis, instruite hujusmodi in spiritu lenitatis, intendens te ipsum, ne & tu cerneris. Vide si non dixit, Fiere tanquam ille ut illum lucrifacias. Non utique ut ipsum delictum fallaciter ageret, aut se id habere simularet: sed ut in alterius delicto, quid etiam sibi accidere posset, attenderet; atque ita alteri, tanquam sibi ab altero vellet, misericorditer subveniret: hoc est non morientis, actu, sed compatiens affectu; sic Judæo, sic Gentili, sic cuilibet homini. Paulus in errore, vel peccato, aliquo constituto, non simulando quod non erat, sed compatiendo, quia esse potuisset, tanquam qui se hominem cogitaret, omnibus omnia factus est, ut omnes lucrifaceret.

At, inquires, si absque simulatione, sed sincero animo, ejusmodi ceremonias veteris legis observarent Apostoli, eo nempe quod erant indifferentes, quisquis nostrum poterit quoque nunc eas observare, sine ullo peccandi periculo:

absurdum consequens; siquidem id vel initio Ecclesiæ hæreticos nota inultum est in Cerintho, Ebione & Nazareis; ergo, cum illos ritus inculpate observaverint Apostoli, dicatur necesse est illos pia quadam simulatione, & ut ait Hieronymus, honesta dispensatione usos.

Nego autem, quia, ut supra a nobis ostensum est, fuerunt istæ legis ceremoniæ statim post mortem Christi mortuæ, sed non mortifera; postulabat Apostolorum prudentia, ut Synagagam cum honore deducerent ad sepulchrum: qua ex causa plene revelata, non mortua modo, sed & omnino sepulta sit; inculpate nemo posset iterum illam celebrare: sic vero & meo quidem iudicio, ingeniose disserit S. August. Epist. 82. jam citata num. 16. Quod si respondeas, ut te ab hac purges sententia, tunc Apostolos ista laudabiliter simulasse, ne scandalizantur infirmi qui ex Judæis multi crediderant; & ea respondenda nondum intelligebant; nunc vera firmata per tot Gentes doctrina gratia Christiana, confirmata etiam per omnes Christiani Ecclesiæ sectione legis & Prophetarum; quomodo hac intelligenda non observanda existant, quisquis ea simulando agere voluerit insanire; cur mihi non liceat dicere Apostolum Paulum & alios recta fidei Christianos, tunc illa vetera Sacramenta paululum observando veraciter commendare debuisse, ne putarentur illa prophetica significationis observationes a piissimis Patribus custodita, tanquam sacrilegia diabolica a posteris destruenda? Jam enim cum venisset fides quæ prius illis observationibus prænuntiata, post mortem & resurrectionem Domini revelata est, amiserant tanquam vitam officii sui. Veruntamen sicut defunctæ corpora necessariorum officiorum deducenda erant, quodammodo ad sepulturam, nec simulate, sed religiose, non autem deferenda continuo, vel inimicorum ob-

tre-

refractionibus tanquam canum morsibus projicienda. Proinde nunc quisquis Christianorum quavis sit ex Judæis, similiter ea celebrare voluerit, tanquam sopitos cineres evrens, non erit pius deductor, vel hujus corporis, sed impius sepultura violator.

SECUNDA CONCLUSIO.

S. Paulus vere & sincere, non simulate reprehendit S. Petrum. Id primo apertum & manifestum est ex genuina ipsius facti narratione, qualis habetur ad Galatas cap. 2. his verbis: Cum autem venisset Cephas Antiochiam, in faciem ei resisti, quia reprehensibilis erat; prius enim quam venissent quidam a Jacobo cum Gentilibus edebat; cum autem venissent, subsistebat & segregabat se, timens eos qui ex Circumcisione erant. Et simulationi ejus consenserunt ceteri Judæi; ita ut & Barnabas duceretur ad eis in illam simulationem. Sed cum vidissem quod non recte ambularent ad veritatem Evangelii, dixi Cepha coram omnibus; Si tu cum Judæis sis, gentiliter vivis & non judæice, quomodo Gentes cogis judæizare? Ubi Sanctus Paulus ait se in faciem resistisse divo Petro, quia reprehensibilis erat, & cum vidisset quod ceteri Judæi non recte ambularent ad veritatem Evangelii; Sed istam hujusce inculpationis causam adducere non potuit, si facta est cum simulatione & ex compacto, quo nimirum convenissent inter se ambo Apostoli simulandam his primis Ecclesie temporibus legalium observationem; falsum enim fuit hoc præsupposito Apostolorum facere reprehensibilem fuisse S. Petrum, adeoque id proferri non potuit a Sancto Paulo citra manifestam mendaciam.

Atque hoc ipsum est momentum quo passim utitur S. Augustinus adversus S. Hieronymum, præsertim vero Epist. 82. De quo enim ceteris sim, inquit nume-

ro 4. quod me scribendo vel loquendo non fallat, si fallebat Apostolus filios suos quos iterum parturiebam, donec in eis Christus, id est veritas, formaretur, quibus cum promississet dicens (qua autem scribo vobis, ecce coram Deo quia non mentior); non tamen veraciter resistebat, sed nescio qua dispensatoria simulatione fallebat, vidisse se Petrum & Barnabam non recte ad Evangelii veritatem ingredientibus, ac Petro in faciem resistisse, non ob aliud nisi quod Gentes cogeret judæizare. At enim satis est credere Apostolum Paulum aliquid non recte aliquid egisse. Hoc si ita est dicamus (quod absit) satis esse credere mentiri Evangelium, quam negatum esse a Petro Christum. & paulo intra: Nam si hoc fecerit Petrus quod facere debuit, mentitus est Paulus quod cum videret non recte ingredientem ad veritatem Evangelii. Quisquis enim hoc facit quod facere debet, recte utique facit. Et ideo falsum de illo dicit, qui dicit eum non recte fecisse, quod cum novis facere debuisset. Si autem verum scripsit Paulus, verum est quod Petrus non recte tunc ingrediebatur ad veritatem Evangelii. Id ergo faciebat quod facere non debebat, & si tale aliquid Paulus ipso jam fecerat, correctum potius ipsum credam Apostoli sui correctionem non potuisse negligere, quam mendaciter aliquid in sua Epistola posuisse, & in Epistola qualibet, quanto magis in illa, in qua præloquimus ais (Qua autem scribo vobis, ecce coram Deo, quia non mentior.)

His addo, si non nisi ex honesta dispensatione S. Petrus hunc servavit Judæicum ritum, quo nempe recessit a Gentibus, ne cum iis edens videretur, & si proinde non nisi ficto & simulate hunc reprehendit S. Paulus; hoc factum non modo citra mendacium non denarrare potuit, scribens ad Galatas, sed nec sine maxima injuria & scandalo erga S. Petrum, eos enim terrores fecit hunc Apostolum peccasse, fuisse re-

prehensione dignum, ceterosque hoc suo exemplo ad iudaizandum provocasse, quatenus a mensa Gentilium recessit: quod quidem si non vere & sincere factum est, quid tandem illud sit quam mera calumnia S. Petro imputata, ego quidem non video: Etenim quidni in illa hypothese potuisset S. Paulus scribere ad Galatas, non nisi in speciem peccasse divum Petrum, quem proinde simulate tantum reprehendit. Fidelis igitur dispensator Apostolus Paulus, inquit Augustinus loco citato, procul dubio nobis exhibet in scribendo fidem, quia veritatis dispensator erat, non falsitatis. Ac per hoc verum scripsit, vidisse se Petrum non recte ingredientem ad veritatem Evangelii, sique in faciem restitisse, quod Gentis cogeret iudaizare.

Hanc porro divi Augustini sententiam de vera non simulate increpatione docuerat antea Tertullianus lib. 5. contra Marcionem cap. 3. Sed reprehendit Petrum, inquit, non recto pede ingredientem ad Evangelii veritatem. Plane reprehendit non ob aliud tamen quam ob inconstantiam vicius quem pro personarum qualitate variabat, timens eos qui erant ex Circumcisione, non ob aliquam divinitatis perversitatem, de qua & aliis in faciem restitisset, qui de minori causa conversationis ambigua Petro ipsi non pepercit. Et lib. de praescript. Haeret. cap. 23. Si prehensus est Petrus, quod cum convixisset Ethnicis, postea se a convictu eorum separabat personarum respectu, utique conversationis fuit vitium, non praedicationis.

Item hoc idipsum supponit S. Cyprianus, Epist. 71. Nam nec Petrus, inquit, quem primum Dominus elegit, & super quem aedificavit Ecclesiam suam: cum secum Paulus de Circumcisione postmodum disceptaret, vindicavit sibi aliquid insolenter, aut arroganter assumptis, ut diceret se primatum tenere, & obtemperari a novellis & posteris sibi potius oportere, nec despectu Paulum quod Ecclesia

prius persecutor fuisset; sed consilium veritatis admixit, & rationi legissime quam Paulus vindicabat, facile consensit: documentum scilicet nobis & concordia & patientia tribuens, ut non pertinaciter nostra amemus; sed quae aliquando a fratribus & collegis nostris utiliter & salubriter suggerantur, si sint vera & legitima, ipsa potius nostra ducamus; igitur vera erant quae suggessit S. Paulus, cum de Circumcisione disceptavit cum S. Petro, cumque increpuit quasi non ambulantiem in veritate Evangelii; id autem si ex compacto utriusque Apostoli factum est, quodnam patientiae & concordiae documentum tribuit, cum illud veritatis consilium admixit aut profecto hac in parte nosset etiam Cyprianus, aut divi Petri patientiam laudat immerito.

Et postea S. Gregorius M. Humil. 18. in Ezech. Ecce Paulus, inquit, in Epistolis suis scripsit Petrum reprehensibilem, & ecce Petrus in Epistolis suis asserit Paulum in his quae scripserat, admirandum. Certe enim nisi legisset Petrus Pauli Epistolas, non laudasset. Si autem legit, quia illie ipse reprehensibilis dicitur, invenit. Amicus ergo veritatis laudavit etiam quod reprehensus est, atque ei, ad hoc, ipsum placuit, quia in his non placuerat, quae a iter quon debuerat, senset. Sequo etiam minori fratri ad consensum dedit, atque in eadem se solus est sequens minoris sui, etiam in hoc praeter, quatenus qui primus erat in Apostolatus culmine, esset & primus in humilitate.

Quibus accedit, omnes fere doctores Scholasticos ivisse in tententiam S. Augustini post S. Thomam, qui lectione 4. in cap. 2. Epist. ad Galatas hoc Augustini argumentum approbat, ex eo scilicet petunt quod Paulus manifeste dicit, quod reprehensibilis erat Petrus. Si ergo nefas est dicere, in Scriptura sacra aliquod falsum contineri, non erit fas dicere Petrum reprehensibilem non fuisse. Unde ait ibidem, tunc Petrum peccasse venialiter propter indiscretionem quam

ha-

habuit nimis inherendo parti Iudeorum ad vitandum eorum scandalum. Quod utrumque aperte docet 1. 2. q. 103. art. 4. ad 2. nimirum & peccasse S. Petrum in præfata occasione, cum se a Gentibus subtraxit ut vitaret Iudeorum scandalum, & a Paulo non simulate reprehensum, quia nempe, inquit, Paulus in canonica Scriptura, scilicet Galat. 2. in qua nefas est credere aliquid falsum esse, dicit quod Petrus reprehensibilis erat.

Obijcies: Id vere & sincere in Petro reprehendere non potuit S. Paulus, quod ipse prius nec semel fecerat: atqui S. Paulus etiam post Christi mortem quandoque legalia observaverat, ut enim supra dictum est, Timotheum circumciderat, se ipsum cum Judæis purificaverat in Templo; igitur nonnisi simulate S. Petrum reprehendit.

Dist. min. Legalia similiter observaverat S. Paulus in diversis circumstantiis, C. in iisdem pane circumstantiis, N. in iis quippe circumstantiis legi Mosaicæ se ipsum subjecerat S. Paulus, in quibus id fieri poterat licite; unde nullius peccati reus fuit, cum in iis conera circumstantiis se se a mensa Gentilium subduxerit Petrus in quibus id inculpate agere non potuit; unde utriusque Apostoli par non fuit agendi ratio propter diversitatem circumstantiarum, à quibus actuum humanarum bonitas & malicia restimari solet. Scilicet quando legales quodam ritus observavit S. Petrus, quando Timotheum circumcidit, quando purificavit se in Templo, id unum hoc suo exemplo docuit legem Mosaicam non esse per se malam, quod verissimum erat; sed quando a mensa Gentilium recessit S. Petrus, hocque facto Judæorum morem secutus est, non modo significavit ritus Mosaicæ observationem esse bonam & licitam; sed & illam esse saluti necessariam, ut testatur S. Paulus, qui in illa obijuratione id criminis Petro imputat, quod Gentem

Tom. V.

a quibus recessit, cogebat hoc suo exemplo judicare, hoc est, docebat non solum legalia servari posse tanquam bona, sed servari debere tanquam saluti necessaria, quod falsum erat & reprehensione dignum. Est illa responsio S. Augustini Epist. 82. num. 8. Ego quidem illud Petrum sic egisse credo, inquit, ut Gentem rogaret judicare. Hoc enim lego scripisse Paulum, quem mentitum esse non credo, & ideo non recte agebat hoc Petrus. Erat enim contra Evangelii veritatem, ut putarent, qui credebant in Christum, sine illis veteribus Sacramentis salvos se esse non posse. Hoc enim contendebant Antiochia, qui ex Circumcisione crediderant, contra quos Paulus perseveranter acriterque configit. Ipsum vero Paulum non ad hoc id egisse, quod vel Timotheum circumcidit, vel Cenchreis votum persolvit, vel Jerusalem a Jacobo admonitus, cum eis qui noverant, legitima illa celebranda suscepit, ut putari videretur per ea Sacramenta etiam Christianam salutem dari: sed ne illa quæ prioribus, ut congruebat, temporibus in umbris rerum futurarum Deum fieri iusserat, tanquam Idololatriam Gentilium damnare crederetur. Hoc est enim quod illi Jacobus ait auditum de illo esse, quod dissensionem doceat a Moyse. Quod utique nefas est, ut credentes in Christum discernantur a Propheta Christi, tanquam doctrinam detestantes atque damnantes.

Et Num. 12. Ergo & Timotheum circumcidit propterea ne Judæis, & maxime cognationi ejus materno sic videretur, qui ex Gentibus in Christum crediderant, detestari Circumcisionem sicut Idololatria detestanda est, cum illum Deus fieri præceperit, hunc Satanæ persuaserit. Et Titum propterea non circumcidit, ne occasionem daret eis qui sine illa Circumcisione dicebant credentes salvos esse non posse, & ad deceptionem Gentium hoc etiam Paulum sentire jactaret.

Idem vero & quidem clarius, si fieri posset, scribit Epist. 40. quæ est simili-

liter ad S. Hieronymum: *Quapropter*, inquit, non ideo Petrum emendavit, quod paternas traditiones observare; quod si facere vellet, nec mendaciter, nec incongrue faceret, quamvis enim jam superflua, tamen solita non nocerent; sed quoniam Gentes coegit judaizare, quod nullo modo posset; nisi ea sic ageret, tanquam adhuc etiam post Domini adventum necessaria saluti forent, quod vehementer per Apostolum Pauli veritas dissuasit. Nec Apostolus Petrus hoc ignorabat, sed id faciebat timentis eos qui ex Circumcisione erant. Ita & ipse vere correctus est, & Paulus vera narravit, ne sancta Scriptura quae ad fidem posteris edita est, admissa auctoritate mendacii, tota dubia nunti & fluctet. Quare Paulus non reprehendit in Petro quod ipse fecerat, neque enim reprehendit usum caeremoniarum praecise, sed quod illas incaute & intempestive observaverat Apostolorum Princeps.

Insuper: Dispar non fuit agendi ratio utriusque Apostoli; & in iisdem plane circumstantiis legalia observarunt, si sanctus Paulus, quando observavit legalia, suo similiter exemplo Gentiles judaizandum esse docuit; id enim solum criminis S. Petro impuratur: atqui S. Paulus cum se se ritibus Moisaicis subiecit, hoc suo exemplo Gentiles similiter docuit esse judaizandum, Gentes coegit judaizare: ideo quippe S. Petrus censetur coegisse Gentes judaizare, quia unum ex ritibus Moisaicis observavit coram oculis Gentium, ut Judaeis non esset offendiculo, & ex quo Petri facto inferre potuerunt Gentiles legis observationem esse saluti necessariam: sed in illis iisdem plane circumstantiis legales quasdam caeremonias observavit S. Paulus: Timotheum, v. g. circumcidit, quod non ignorarunt Gentiles, ut sibi Judaeos demeretur, & ex illa Pauli caeremonia colligere similiter potuerunt Gentiles Circumcisionem esse Christianis necessariam; igitur par utrobique ratio

Nego utramque minorem; scilicet, ut mox dictum est, hujusce utriusque fusti discrimen reperti non potest, nisi ex diversitate circumstantiarum, quae profecto longe lateque sunt dissimiles; quatenus nempe Paulus non coegit Gentes judaizare, legalia solum observavit, ut Judaeis persuaderet se non habere illorum legem tanquam malam, idque executus est sine ulla Gentium offensione legitima, non coram Gentilibus, sed coram Judaeis; unde, ut observat S. Augustinus, Epist. 82. num. 12. Timotheum circumcidit, quia ex matre Judaeus erat, Titum vero non circumcidit, quia ex utroque patente Gentilis erat: ne occasione daretur eis, qui sine illa Circumcisione dicebant credentes salvos esse non posse, & ad deceptionem Gentium, hoc etiam Paulum sentire iudicarent; quod ipse satis significat, ubi ait (sed negno Titus qui necum erat cum esset Graecus, compulsus est circumcidi, propter subintroducendos autem falsos fratres, qui subintolerant persequuti libertatem nostram, ne nos in servitutem redigerent.) At vero S. Petrus manifeste coegit Gentes judaizare, ut quam vere tam sincere ait S. Paulus, non solum quia unum ex ritibus legis observavit coram Gentibus, sed quia his legitimam praebuit ansam existimandi hanc legis observationem esse necessariam; cum illis enim Gentilibus convalescent scrupulose ab eorum mensa se subduxit; unde colligere debuerunt Gentiles non esse licitum Christianis edere cum Gentibus, eo quod nempe illud praecipiebat lex Moisaica; proindeque non modo legit esse bonam; sed & saluti necessariam.

At, inquires, & idem colligere poterant Gentiles ex facto S. Pauli, quando Timotheum circumcidit; ille quidem Judaeus fuit ex genere materno, sed ex patre Gentili; & ideo Gentilis ipse; deinde notum erat Gentilibus legalia nonnumquam observata fuisse a S. Paulo; unde suspicari fuerint hunc docuisse

legalia salutis necessaria, plane incertum; sed nihil certi proferri potest de facto S. Petri; ignoratur utrum Gentiles qui tunc temporis Antiochie commorabantur; ob illum Petri discessum scandalo quodam permoti fuerint; superest igitur solommundo difficultas de metu & periculo scandali; atque certe non majus fuit scandali periculum in facto S. Petri, non magis hoc suo exemplo provocavit Gentiles ad judicandum, quam S. Paulus quando legalia observavit; ergo ficticia est prefata disparitas.

Diffant. Idem quoque ex facto S. Pauli colligere poterant Gentiles; nimirum exilium Circumcisionem Christianis esse necessariam; sed immerito & sine legitima causa, C. merito & ex legitima causa, N. Scilicet S. Paulus nullam Gentibus praeiit legitimam causam exilium legem Moysi esse necessariam, qui sine ullo scrupulo, sine ulla affectata religione unum aut alterum ex illius legis ritibus observavit; quemadmodum qui apud nos in diebus feriatis Sacram audiunt sine ulla affectatione, eo praecite non docent ejusmodi praxim esse necessariam necessitate praecipit. Namque, quod in praesenti controversia diligentissime observandum est aliud est legem aliquam observare, aliud est illam observare scrupulose, ex conscientia scrupulosa, ita ut sapientes non modo judicent ejusmodi praxim esse bonam, sed & putent illam esse necessariam; ex eo nimirum modo quo se gerit agens, & ex circumstantiis in quibus agit. Jam vero S. Paulus legalia nonnunquam observavit, sed sine ulla profusa affectatione, nullam injiciens ideam se putare ejusmodi caeremonias esse salutis necessariae, ac proinde immerito & extra legitimam causam ex illius factis colligissent Gentiles legem Moisaicam esse necessariam. Sed non eodem plane modo judicari potest de facto S. Petri, is quippe scrupulose legem Moisaicam fuit addictus, cum affectata

quadam Religione secessit a mensa Gentilium, prius cum illis edens, adeoque suum prius factum ipse veluti correxit tanquam malum, manifeste significans licitum non esse cum Gentilibus edere; & ita longe dispar fuit ratio agendi utriusque Apostoli.

Instabis: Culpandus non fuisset S. Petrus si a mensa Gentilium tunc se non subduxisset, tamen propterea offensus fuisset Judaei; ergo similiter quando se a mensa Gentilium subtraxit cum illorum offendiculo, idcirco culpari non debet.

Nego consi. Ratio discriminis est, quia si a mensa Gentilium non recessisset S. Petrus, nullam offensionis causam legitimam praeiitisset Judaeis, neque enim ab illis recedere debuit quos prius inculpate frequentabat. Sed contra legitima fuit Gentilium offensio, scandalum fuit ex parte Petri, qui hac sua scrupulosa discessione palam docuit legales caeremonias salutis esse necessarias.

Instabis & quando S. Petrus a mensa Gentilium se subduxit, simulatam tantum agebat, ut aperte colligimus ex ipsius Pauli testimonio sic loquentis: *Et simulationi ejus consenserunt ceteri Judaei, ut ut Barnabas diceretur ab eis in illam simulationem*; ergo & simulatam S. Paulus reprehendit S. Petrum, quia nempe ex compicto agebant illi Apostoli, quando legalia observabant.

Nego conseq. Esto nimirum quod S. Petrus in illo casu se segeserit cum aliqua simulatione, ut loquitur divus Paulus, id est, hoc suo facto simulane voluerit legem Moisaicam observationem, quam procul dubio non putabat salutis Christianorum necessariam, & quam serio non intendebat observare; quo sensu ejus actio simulationis nomine donari poterit, quasi ita se gesserit ac si cum Judaeis eos discerneret & Gentium conversionem abhorreteret; non ideo tamen sequitur & simulatam fuisse eam increpationem quam in eum usus est

S. Paulus, quasi nempe ex quodam pacto profecta fuerit, tanquam honesta quædam dispensatio cogitata prius & præparata, ut volebat Hieronymus: quin potius propter ejusmodi simulationem quæ ab omni culpa non vacat, ut abunde ostendimus, Petrum acriter reprehendit quia vere reprehensibilis erat, adeoque ex parte divi Pauli nulla prorsus fuit simulatio.

Obijciebat Hieronymus Epist. quæ est 75. apud Augustinianas, multorum veterum auctoritatem: Origenis, inquit, commentarios sequutus sum, scripsit enim ille vir in Epistolam Pauli ad Galatas quinque propriæ volumina, & decimum Stromatum suorum librum, commentario super explanationem ejus sermone complexus, tractatus quoque varios & excerpta quæ vel sola possent sufficere, composuit. Præmitto Didymum videntem meum & Laodiceum de Ecclesia nuper egressum, & Alexandrum veterem Hæreticum, Eusebium quoque Emisenum & Theodorum Hæreticem, qui & ipsi nonnullos super hac re commentarios reliquerunt... Quid dicam de Joanne qui dudum in Pontificali gradu Constantinopolitanam rexit Ecclesiam, & propriè super hoc capitulo latissimum exaravit librum, in quo Origenis & veterum sententiam est sequutus? Si igitur me reprehendis errantem, patere me quæso errare cum talibus, & cum me erroris mei multos socios habere perspexeris, tu veritatis tuæ salutem animum astipulatorem proferre debebis.

Resp. S. Augustinus Epist. 82. n. 23. His verbis flagitas a me ut aliquem salutem unum ostendam, cujus in hac re sententiam sim sequutus, cum tu tam plures nominatim commemoraveris, qui te in eo quod asinus præcesserunt; potens ut in eo, si te reprehendo errantem, patiar te errare cum talibus, quorum ego fateor neminem legi; sed cum sine sermone vel septem, horum quatuor auctoritatem tu quoque infringis. Nam Laodiceum cujus nomen taces, de Ecclesia

dicis nuper egressum, Alexandrum autem veterem Hæreticum. Origenem vero ac Didymum reprehensos abs te lego in recentioribus opusculis tuis & non mediocribus quæstionibus, quamvis Origenem mirabiliter ante laudaveris. Cum is ergo errare puto, quia nec te ipse patieris, quamvis hoc perinde dicatur, ac si in hac sententia non erraverint. Nam quis est qui se velit cum quolibet errare? Tres igitur restant, Eusebii Emisenus, Theodorus Hæreticotes, & quem paulo post commemoras Joannes, qui dudum in Pontificali gradu Constantinopolitanam rexit Ecclesiam. Porro si quas vel recolas quid hinc senserit noster Ambrosius, quid noster itidem Cyprianus, invenies fortasse nec nobis desuisse, quos in eo quod asserimus, sequeremur.

Ex quibus manifeste patet in hac controversia veterum auctoritate non esse pugnandum, quia nempe in variis super ea re iverunt sententias; Eusebio enim Emiseno, Theodoro & Chrysostomo, opponit Augustinus Cyprianum & Ambrosium, poterat & adjungere Tertullianum. Veruntamen, inquit ibidem num. 24. ipse mihi pro his omnibus, immo supra hos omnes Apostolus Paulus occurrit. Ad ipsum confugio, ipsum ab omnibus qui aliud sentium literatarum ejus sententioribus provoco.

Hanc porro suam sententiam correxit ipse Hieronymus Dialogo primo adversus Pelagianos cap. 8. ubi sic habet: Vult certe Deus tales esse Episcopos sive Presbyteros, quales vas electionis docet. Primum quod dixit, irreprehensibilis aut nullus, aut varus. Quis est enim qui non quasi in pulchro corpore, aut nervum, aut verrucam habeat? Si enim ipse Apostolus dicit de Petro, quod non recta pede incesserit in Evangelii veritate, & in tantum reprehensibilis fuerit, ut & Barnabæ adductus sit in eandem simulationem; quis indignabitur id sibi denegari, quod Princeps Apostolorum non habuit?

Ne-

Neque latuit S. Augustinum ejusmodi retractatio, ut colligimus ex ejus Epistola 186. Sed quid hinc dicitur, inquit, cum de hac questione inter nos, ego & praeclaus venerabilis Frater Hieronymus suis litteris egerimus, & in hoc opere recentissimo, quod sub nomine Critobuli adversus Pelagium modo edidit, tandem de ista re gesta distisque Apostolicis sententiam tenuit, quam beatissimi Cyprianus etiam nos secuti sumus.

Ceterum silentio hic perimere non possumus Cardinalis Baronii oscitantiam, qui in suis Annalibus ad an. 51. scribit, S. Augustino hac in controversia non satis exploratam fuisse Hieronymi sententiam; quia nempe, inquit Baronius, supponit S. Doctor Hieronymum affirmasse Paulum esse mentitum, quod falsum est: neque enim Hieronymus dicit Apostolum narrare facta esse quae facta non sint, vel aliter quam facta sint; id unum vero adversus August. contendit, ea quae sunt ut vera narrata, nimirum B. Petri factum & obprobrium Pauli simulate & ex compacto facta; quo certe posito August. mentem Hieronymi non est affectus.

Verum pace dixerim & in hac sua subtiliori observatione supine fallitur Eminentiissimus Annalium parens, qui nec ipse mentem attingit S. Augustini: scilicet & S. Augustinus non supponit S. Hieronymum affirmasse Paulum fuisse mentitum; & licet id videretur supponere, non ideo ab ipsius Hieronymi mente & doctrina longe fuisset alienus.

Primum quidem constat, quia id solum probare nititur August. adversus Hieronymum, manifeste colligi ex ejus sententia Paulum esse mentitum: haec enim una fuit Augustini ratio: si Petrus non peccavit, ut dicit Hieronymus, profecto mentitus est Paulus; dicit enim illum peccasse: Si hoc fecit Petrus quod facere debuit, inquit Ep. 82. mentitus est Paulus; quod cum videris non recte ingredientem ad veritatem Evan-

gelii, Quisquis enim id facit, quod facere debet, recte utique facit, & ideo falsum de illo dicit qui dicit eum non recte fecisse, quod eum novit facere debuisse. Ubi certe Augustinus ait solummodo Hieronymum S. Paulo mendacium tribuisse ex consequentia ducta ex ea opinione, qua docebat S. Petrum non peccasse.

Alterum vero & aperte ex eo colligitur quod Hieronymus mendacium officiosum ex quadam dispensatione licitum tunc fuisse Apostolis revera opinatus fuerit; unde non ita male ejus mentem assecutus est Augustinus, cum eum hoc nomine arguit, quod officioso mendacio patrocinaretur.

Quod autem ait Clemens Alexandr. apud Euseb. lib. 1. Hist. Eccles. c. 12. Cepham, huic restitit in faciem divus Paulus, unum fuisse & septuaginta Discipulis, non autem Petrum Apostolorum Principem, merum est commentum; neque enim alium Cepham interpretari sune ceteri Patres, quem & aperte ibidem designaverat ipse Paulus: versu enim nono, ubi Cepham cum Jacobo & Joanne Apostolis accenseret, vocat eos columnas, qui videbantur columna esse. Quod profecto manifeste indicat hunc Cepham esse unum ex Apostolis, adeoque S. Petrum Apostolorum Principem.

Quoniam praefate tempore saluti nociva fuerit Legalium observatio.

Nonnulli existimant id referendum esse ad quadragesimum circiter annum post Christi passionem, cum scilicet a Romanis subversum fuit Jerusalemitanum Templum, in quo non licebat Judaeis offerre sacrificia; certum est enim sine sacrificiis suis stare non posse quamlibet legem.

Conjiciunt alii non ita omnino finem fecisse caeremonias legis Moisaicae, ut eas observantis saluti nocivae fuerint ante

ante tertium seculum, eo nempe quod S. Iustinus Dialogo cum Tryphone non damnat eos qui legalia *severabant*, modo in eorum observantiam ex Gentibus conversos adducere non consentirent.

Alii denique *ventur* ingenue id esse valde incertum, nec firma ulla ratione consistere possit, quanquam, inquit, hoc certum sit tunc temporis & dudum non licuisse ejusmodi caeremonias assumere, aut illis uti quacunque ex causa.

Ego quidem existimo id primis statuendum esse in hac controversia, eorum saluti nociva fuisse legalia, qui ea observabant postquam sufficienter affluerat lux Evangelii, ut docet S. Thomas 1. 2. q. 103. art. 4. Sed cum omnibus & singulis simul & semel annuntiata non fuerit lex nova, sed citius in quibusdam locis, & in aliis tardius; inde manifeste sequitur, nec certo statui posse quod præcise anno hic & illic nociva fuerit legis Mosaicæ præceptorum & caeremoniarum observatio.

Atque legem antiquam sui cultores peccati reos fecisse facta sufficienti Evangelii promulgatione, ex iis momentis constare debet, quæ superius a nobis laudata sunt, ut ostenderemus hanc legem fuisse abrogatam, novum cultum fuisse institutum, mutatum veterem. Quo pertinent tot insignia Prophetarum oracula, quibus per Mosem & alios Prophetas promiserat Deus legem veterem mutatum iri, venturum Salvatorem, novum fœdus rescisso priori stabilendum; hæc enim & alia prope similia significabant non fore aliquando licitum utramque simul legem conjugere, quocirca id vitio vertebatur vel in primis Ecclesiæ temporibus & Corinthianis, & Ebionitis, & Nazaraïs, quod legem Mosaicam servari posse & debere acriter contendebant.

Obijcies: Si lex vetus saluti Christianorum nociva fuisset, ubicunque sufficiens facta est Evangelii promulgatio,

nonnullas illius legis caeremonias nupiam renovaissent Apostoli: sed nonnullas veteris legis caeremonias insigni decreto renovavit Apostoli, etiam multo post Christi Domini mortem, quod quidem decretum religiose per orbem universum & diutissime secuti sunt Christiani; extat celebre illud decretum, & legitur Act. cap. 15. his verbis, *Videtur est Spiritui Sancto & nobis, nihil ultra imponere vobis oneris, quam hæc necessaria, ut abstineatis vos ab immolatis simulachrorum, Et sanguine, Et suffocato, Et fornicatione, a quibus cussa dicentes vos bene agitis.*

Ab immolatis simulachrorum. Hoc est, ab Idolothytis, pota cibis qui immolati erant Idolis, quocirca contaminati censentur & Idololatricæ participes, qui ejusmodi cibos comedebant. Hic vero magis proprie intelliguntur Idolothyta quam sacrificia, quæ absque ulla dubitatione penitus abhorrebant a vera & Christiana Religione.

Et sanguine, quod accipi non debet tropologice pro homicidio, ut nonnulli interpretantur; Apostoli enim de ijs præcipiunt quæ apud Gentiles nefaria non habebantur, ut homicidium, quod natura ipsa horret vehementer & satis prohibet, sed pro usu quocunque sanguinis, sive sit contritus adhuc in animali, sive extractus.

Et suffocato, sive a strangulatis, quorum non ante fufus sit sanguis: quæ prohibenda duxerunt Apostoli, tum quia ejusmodi cibos superstitiose usurpabant Gentiles; tum quia religiose ab ijs abstinebant Judæi propter divinum præceptum.

Et fornicatione, ubi fornicatio prohibita est, quia Gentes putabant fornicationem simplicem non esse peccatum; unde etiam frequentissima leguntur Pauli testimonia adversus simplicem fornicationem, nimirum I. Cor. 6. ad Ephes. cap. 5. Galat. cap. 5. Hebr. 13. I. ad Timoth. I. &c. Propter errorem Philo-

sophorum Gentilium, qui eam putabant licitam esse, ut testatur S. Hieronymus in cap. 5. Epist. ad Ephesios.

Atque hoc Apostolicum decretum divitissime vim legis apud Christianos obtinuisse in Ecclesia, aperte demonstrant permulta Scriptorum Ecclesiasticorum testimonia.

S. Irenaeus inter Gnosticorum errores id annumerat lib. 1. cap. 12. *Idolothyras indifferenter manducant, nihil inquinari ab eis putantes, & in omnem diem festum Ethnicorum pro voluntate in honorem eorum factum primum convenerunt.* Cap. 23. id criminum vertit Saturnino & aliis quibundam Haereticis, quod Idolothyras sine ulla trepidatione, ut ait, utebantur.

Tertullianus Apologetici cap. 9. sic in Ethnicos insurgit: *Erubescat error vestester Christianis, qui ne animalium quidem sanguinem in esculentis habemus; qui propterea quoque suffocatis & morticinis abstinemus, ne quo sanguine contaminemur, vel intra viscera sepulto.* Denique inter tentamenta Christianorum, bonos etiam errores dissentos admovent, certissimi scilicet illicitum esse penes illos, per quod exhibere eos vultis. Porro quale est ut quos sanguinem pecoris horre confiditis, humano inhiare credatis?

Origenes Homil. 16. in Num. Cum tam validis praeceptis, inquit, cibis sanguinis interdicatur a Deo, ut etiam nos qui ex Gentibus vocati sumus, necessario subeat abstinere, sicut iis quibus Idolis immolantur, ita & a sanguine.

S. Cyprianus lib. de lapsis acriter invenitur in aliquos qui gustaverant simulacris immolata, ubi & profert divinae animadversionis exemplum, etiam in parvulam nondum rationis usu praeditam.

Constat hoc idem ex Minutio Felice in Octavio: *Nobis, inquit, homicidium nec videre fas, nec audire, tantumque ab humano sanguine taceamus, ut nec*

edulium pecorum sanguinem in cibum noverimus.

Tum ex testimonio ejusdem Bibliadis Martyris, quae apud Euseb. lib. 5. Hist. cap. 1. sic Ethnicos alloquitur: *Qui fieri posset, inquit, ut infantes comederent Christiani, quibus ne sanguinem quidem animantium degustare liceret?*

Ex Concilio Gangrensi quod habebim censetur an. 324. can. 2. *Si quis, inquit, carnem edentem (praefer sanguinem & Idolis immolatum & suffocatum) cum Religione & fide condemnat, velut spem propter hujusmodi perceptionem non habentem, anathema sit.*

S. Augustinus idem docet in quibusdam locis, Epist. 47. quae est ad Publendam, quaestioni sibi propositae de viatore Christiano famis necessitate visio, si nihil usquam inveniret nisi cibum in Idolo positum; sic respondet: *Aut certum est, inquit, esse Idolothyrum, aut certum est non esse, aut ignoratur. Si ergo certum est esse, melius Christiana virtute respiciatur. Si autem vel non esse scitur, vel ignoratur, sine ullo conscientiae scrupulo in usum necessitatis assumitur.* Et lib. de bono conjugali cap. 16. *Satius est, inquit, mori fame quam Idolothyras vestri.*

Item S. Hieronymus Comment. in Matth. cap. 15. cum sibi hunc locum objecisset: *Si quod intrat in os non inquinat hominem, quare Idolothyras non rescimus?* Sic respondet: *Sciendum quod ipsi quidem cibi & Dei creatura per se omnis mundi sit, sed Idolorum ac Demumum invocatio ea facit immunda.* Et clarius in Comment. in cap. 44. Ezechielis: *Omni generi electo, inquit, & Regali & Sacerdotali (quod proprie ait Christianos referri, qui uncti sunt oleo spiritali) haec praecepta conveniunt: ut morticinium non comedat, tam de avibus quam de pecoribus, ejus negatam sanguis effusus est, quod in Actibus Apostolorum de Jerusalem Epistola mo-*

monet, & captum a bestia, quia & ipsum similiter suffocatum est, & condemnat Sacerdotes qui in surdis, fœdulus, gliribus & cæteris hujusmodi hæc aviditate gula non custodiunt.

S. Leo Papa Epistola 129. cap. 5. graviore censura percellit eos, qui cibis immolatiis erani polluti, sive hoc terror extorserit, sive fames suaserit.

His omnibus accedit eandem doctrinam in Galliis expresse definitam texto sæculo, ut videre est in Can. 20. Concilii Aurelianensis an. 533. ubi sic habetur: Catholici qui ad Idolorum cultum non custodita ad integrum Baptismi gratia revertuntur, vel qui cibis Idolorum cultibus immolatis gustu illicita præsumptionis utuntur, ab Ecclesiæ cæteribus arceantur. Similiter & hi qui bestiarum moribus extincta, vel quolibet morbo aut casu suffocata vescuntur.

Quod idem apud Germanos sancitum fuit an. 868. in quodam Concil. Vormatiensi Can. 64. his verbis: Animalia quæ a lupis seu a canibus lacerantur, non sunt comedenda, nec servus, nec capra, si mortui inveniantur aves vero & alia animalia, si in retibus strangulantur, non sunt comedenda.

Zacharias summus Pontifex rem prope similiter scribit in Epist. 13. quæ est ad Bonifacium Moguntinum Archiepiscopum: Imprimis, inquit, de volatilibus, id est de graculis & corniculis, atque ciconiis quæ omnino cavenda sunt ab esu Christianorum, etiam & fibri, atque lepores, & equi sylvarum multo amplius cavendi. Quæ quidem manifeste ostendunt universam & constantem super illa re Latinorum consuetudinem.

Scilicet, hanc præfatam Apostolorum legem dudum renovaverat Leo Imperator in Novell. Constitut. 58. his verbis: Simul olim legislatori Moyse sanguine non esse vescendum præcepit Deus: simul ab istiusmodi cibo abstinere debere a præconibus gratia est constitutum. Et quæquam tum veteris tum novæ gratiæ

tempore illa res vilis habita sit ac nefaria, eo tamen contumacia, immo vecordia homines processere, ut neutri legem præstent morigeram. At contra alii lucri, alii gula causa, summa cum impudentia mandatum contemnunt, in escamque quæ vici ætium est sanguinem convertunt. Perlatum est enim ad aures nostras quod intestinis tanquam tunicis illum insartum, velut consuetum aliquem cibum ventri præbeant. Quod tolerari non debere Imperatoria nostra Majestas rata, neque tam impio soli gula inhiatium hominum invento, nunc præcepta divina, nunc Reipublica nostra honestatem dedecore affici sustinens, jubet ne quis id scelus neque ad usum suum, neque ut emptores detestando cibo contaminentur, ullo modo exercere audeat. At sciat quicumque debinc divinum mandatum contemnere, sanguinemque in cibum convertere, sive vendat, sive emat, deprehensus fuerit, se bonorum publicationi subjiciendum, & ubi acerbum in modum flagris casus, ac cunctis fidei deorsus erit, perpetuo patriæ auxilio militandum esse.

Quapropter eandem consuetudinem semper tenuerunt, atque etiamnum religiose observant Græci, lege insuper expresse lata tum in Concilio Gangrensi, ut supra diximus, tum vero in Synodo Trullana sub finem sæculi septimi Can. 69. Divina nobis Scriptura mandavit, inquiunt Patres, a sanguine suffocato, & fornicatione abstinere. Eos ergo qui propter lautum & delicatum ventrem ejusque animalis sanguinem arte aliqua esulentium condunt ac instrunt, atque ita illo vescuntur, convenienter punimus. Si quis ergo deinceps animalium sanguinem quovis modo comedere aggrediatur, si sit quidem Clericus, deponatur; si autem Laicus, segregetur.

Ergo lex vetus quoad nonnulla saltem præcepta, renovata fuit ab Apostolis hac lege ab ipsis lata, quæ mul-

sis sæculis observata fuit in Ecclesia, atque etiamnum vim obtinet apud Græcos, proindeque legalium observatio salutis Christianorum noxia non fuit, ubicunque sufficiens facta est Evangelii publicatio.

Nego maj. dico ex illo Apostolorum decreto, quo una aut altera Judæorum caeremonia videtur quasi renovata, neutiquam colligi posse hanc eandem legem non fuisse abrogatam, & Christianis omnino prohibitam. 1. Quia in illo celebri Apostolorum decreto, nec Circuncisio, nec alia Sacramenta & Sacrificia, in quibus potissimum posita erat lex vetus, minime probantur; eorum observatio non iungitur, non continuatur, quin potius aperte abrogatur: *Videtur enim nihil ultra imponere vobis quam hæc, &c.* Quibus verbis evacuatur Circuncisio, evacuantur omnia Sacrificia, totaque lex penitus subvertitur. 2. Quia ejusmodi præcepta, quæ in præfato Apostolico decreto continentur, quibus videlicet abstinentia ab Idolothytis, a sanguine, suffocato, & fornicatione, ad summum spectari debent ut pertinentia ad legem novam, nimirum ab Apostolis emissa, neque inde colligi debet renovatam fuisse legem veterem. 3. demum, quia lex illa abstinentiæ ab Idolothytis &c. non nisi ad tempus quoddam lata est ab Apostolis, ut Judæi qui ab ejusmodi cibis abhorrebant, facilius cum Gentibus conciliarentur; quo pacto vitaretur omne scandalum, Judæis offensionem non essent Gentiles, & ita utraque gens in unam societatem coalesceret fœdere indissociabili; unde usu abolita fuit hæc lex abstinentiæ, cessante Judæorum & Gentium dissidio, cum utrique plene in unam Ecclesiam adunati sunt.

Atque ex his solum vel similibus causis, & nonnisi ad tempus hanc legem editam fuisse ab Apostolis, ex variis SS. Patrum testimoniis manifeste colligitur; nonnulla tantum ex innu-

Tom. V.

meris adducam, ne longius quam par est, producat hæc dissertatio.

Origenes lib. 8. contra Celsum sic habet: *Suffocati fuerunt sanguine non expresso de mortuo; quem quia demonum esse cibum vivebat opinio inter Gentiles, ideo ut ex ejus nidore illi pascantur, propterea inhibita sunt, ne illorum nutritentur cibo, ne nobiscum istiusmodi spiritus coalescant, si suffocatis vesceremur.*

Omnium vero discretissime S. Augustinus lib. 32. contra Faustum, cap. 13. *Si hoc tunc Apostoli, inquit, præceperunt ut ab animalium sanguine abstergerentur Christiani, ne præfocatis carnibus vescerentur, elegisse mihi videntur pro tempore rem facilem. & observantibus nequaquam onerosam, in qua cum Israelitis etiam Gentes, propter angularem illum lapidem duos parietes in se condentem aliquid communiter observarent: simul & admonerentur in ipsa arca Noe, quando Deus hoc jussit Ecclesiam Gentium fuisse præfiguram, cujus facti Prophetia jam Gentibus ad fidem accedentibus incipiebat impleri. Transacto vero illo tempore quo illi duo parietes, quamvis in angulari lapide concordarent, tamen suis quibusdam proprietatibus distinctius eminebant. At ubi Ecclesia Gentium talis effecta est, ut in ea nullus Israelita carnalis appareat, quis hoc jam Christianus observat, ut turdos vel minutiores aviculas non attingat, nisi quatenus sanguis effusus est, aut leporem non edat, si manu a cervico percussus nullo cuncto vulnere occisus est? Et qui forte pauci adhuc tangere ista formidant, a cæteris irridentur. Ita omnium animos in hac re tenuis illa sententia variatis, (Non quod intrat in os vestrum vos coinquinat, sed quod ex it.)*

Aliam causam hujus præcepti de suffocato & sanguine quod ab Apostolis latum est, & ab Episcopis identidem renovatum, assignat S. Cyrillus Hierosolymitanus in 4. Catechismi his verbis: *Scriptum est Apostoli & Presbyteri ad om-*

Kk

mnes

omnes Gentes Catholicam Epistolam, precipientes abstinere ab Idololatriis, cum vero a sanguine & suffocato & fornicatione. Multi enim feri homines & more canum viventes sanguinem quidem savissimaram belluarum in modum lambebant; suffocata vero crudeliter vorabant.

Quibus addè hanc legem Apostolorum, ac præsertim quatenus est de abstinencia a cibis immolatis, apud Christianos diu non viguisse nisi propter scandalum periculum; ne scilicet si ejusmodi cibos manducassent, salorum Numinum quibus consecrati erant, cultores haberentur; quo pacto secum conciliatur Augustinus, qui loco mox citato nihil esse immundum probat ex isto Scripturæ testimonio. *Non quod intrat in os inquinat hominem*, qui tamen dixerat lib. de bono conjugali cap. 16. *Satius est mori fame quam Idololatriis vesci*. Si nempe id fieret cum aliquo scandalo, ut ipse declarat lib. 32. contra Faustum cap. 15. ubi examinans cur non expediat Christianis immolatio vesci, hanc rationem adducit, *ne demonibus communicasse videantur*. In quem plane sensum intelligi debent quæ superius obijciuntur testimonia S. Cypriani, Hieronymi & Leonis Papæ:

Denique & ingenue fatendum est ejusmodi disciplinam vi hujus decreti Apostolici introductam, diutissime in nonnullis retentam Ecclesiis, non quod eam putarent absolute necessariam, siquidem non improbant oeconomiam aliarum quæ ab illo instituto recesserant; sed ut vel suam erga Apostolos reverentiam significarent, vel singularis temperantiae specimen exhiberent; id colligitur ex Humberto Cardinali, qui in quodam Dialogo qui habetur tom. 4. Bibl. Patrum, sic respondet ad objectiones Græcorum, qui ex hac decreti Apostolici rescissione inferebant Latinos in ipsas Apostolicas sanctiones sibi potestatem arrogare: *Nos ergo*, inquit,

quævis a Domino & ab Apostolis licentiam habeamus manducare omnia, quæ nec nostra, nec fraterna salutis officium; consuetudine tamen Provinciarum & præceptis majorum nostrorum hæcenus detenti devitamus comedere nulla, non quia mala, aut immunda sunt, sed quia aut nobis aliquo modo non expediunt, aut longo usu in naturam jam verso horrent.

De Lege nova.

DE Lege nova quæ aliis nominibus dicitur lex gratiæ, lex fidei, lex amoris, lex Evangelica, Testamentum novum, fuscè disserit S. Thomas 1. 2. p. 106. quapropter quæstiones, quas sibi super illo negotio, proponit, operosius expendere necessarium non duxi; unum duntaxat aut alterum verbum de singulis sigillatim dicemus.

Ac primo legem Evangelicam in se ipsa considerat S. Doctor, & de ea quatuor instituit quæstiones totidem articulis.

Articulo primo quærit utrum lex nova sit lex scripta.

Respondet legem novam principaliter scriptam esse in cordibus fidelium; secundario autem scriptam extrinsecus. Primum ostendit, quia nimirum id quod est potissimum in lege novi Testamenti, & in quo tota virtus ejus consistit, est gratia Spiritus sancti, juxta illud Apostoli ad Rom. 8. cap. *Lex spiritus vitæ in Christo Jesu liberavit me a lege peccati*. Alterum vero sic explicat divus Thomas in corpore articuli: *Habet tamen lex nova quædam sic dispositiva ad gratiam Spiritus sancti & ad usum hujus gratiæ pertinentia, quæ sunt quasi secundaria in lege nova, de quibus oportuit instrui fides Christi & verbis & scriptis, tam circa credenda, quam circa agenda, nimirum quæcumque leges a Christo præscriptæ sunt hominibus.*

Articulo 2. quærit utrum lex nova iustificet. Re-

Respondet Legem Evangelicam, cum sit ipsa Spiritus sancti gratia, hominem iustificare; licet ea quæ scriptis traduntur, nimirum præcepta, ipsum hominem iustificare non possint. Primum aperte constat, ut ostendimus in Tractatu nostro de Gratia Dei & Iustificatione: alterum autem ex eo manifeste evincitur quod dicit Apostolus 2. ad Corinth. cap. 3. *Littera occidit, Spiritus autem vivificat.* Per litteram enim intelligitur quælibet Scriptura Dei extra hominem existens, quæ quidem, ut passim exponit S. Augustinus lib. de Spir. & litt. occideret, nisi adesset interiorius gratia fidei sanans.

Articulo 3. inquit S. Thomas, utrum lex nova debuerit dari a principio mundi.

Respondet triplici ex causa legem novam dari non debuisse a principio mundi. *Prima est quia lex nova, inquit, principaliter est gratia Spiritus sancti; quæ abundanter dari non debuit, antequam impedimentum peccati ab humano genere tolleretur consummatione redemptionis per Christum.* Secundam rationem repetit ex ipsis legis novæ perfectione; non enim aliquid ad perfectum adducitur statim a principio. Tertiam demum sumit ex eo quod putat oportuisse primum, ut homo sibi relinqueretur per aliquod tempus, & gratia se indigere agnosceret.

Articulo 4. utrum lex nova duratura sit usque ad finem mundi.

Respondet affirmative; siquidem idcirco solum concipi posset legem novam aliquando mutatum iri, quia huic altera succederet longe perfectior; atqui legi Evangelicæ non succederet altera perfectior; quia tanto est unumquodque perfectius, quanto est ultimo fini propinquius: sed nihil potest esse propinquius fini ultimo, quam lex nova siquidem per se & immediate, hoc est, per sua præcepta & per gratiam Christi ducit homines ad ultimum finem;

igitur lex nova duratura est usque ad finem mundi.

Quæstione 107. agit S. Thomas de lege nova collata cum veteri, & quatuor similiter instituit articulos.

In primo quaerit utrum lex nova sit alia a veteri.

Respondet legem novam spectari posse dupliciter, nimirum quoad finem & quoad modum quo ducit ad finem. 1. Si lex nova spectetur quoad finem, perfectio non differt a veteri; siquidem utriusque legis unus idemque est finis; ad eundem finem, nempe ut homines Deo subdantur, utraque tendit; unde ait Apostolus Rom. 3. *Unus Deus est qui iustificat circumcisionem ex fide, & præputium per fidem.* 2. Si lex nova spectetur quoad modum, quo ducit ad finem ultimum, alia est a lege veteri; alia enim fuerunt præcepta veteris legis, alia sunt novæ: fuit illa lex infirmorum, lex figurarum & timoris; illa vero lex perfectionis, veritatis & charitatis: illa homines veluti per umbras & figuras disponebat, erat enim, ut docet Apostolus ad Galatas 3. capite, veluti *Pedagogus*; hæc vero salutem nostram & Christum ipsum salutis auctorem per Prophetas & umbras præfiguratum exhibet.

In secundo articulo inquit, utrum lex nova veterem impleat.

Respondet affirmative. 1. Quia lex nova supplet id quod veteri legi deerat, puta hominem iustificat, quod lex vetus efficere non poterat; quemadmodum dicit Apostolus ad Rom. cap. 8. his verbis: *Nam quod impossibile erat legi, in quo infirmabatur per carnem, Deus filium suum misit in similitudinem carnis peccati, & de peccato damnavit peccatum in carne, ut iustificatio legis impleretur in nobis.* 2. Quia lex nova exhibet præsens, quod vetus figurabat; unde illa dicitur lex veritatis, hæc vero dicitur umbra futurum.

In tertio articulo quaerit sanctus Doctor, utrum lex nova in lege veteri contineatur.

Respondet legem novam in veteri contentam fuisse saltem implicite, quatenus omnia novae legis praecepta sub aliqua veteris figura latebant; quemadmodum in spica continetur frumentum, arbor in femine.

In quarto quaerit, an lex nova sit veteri gravior.

Respondet legem veterem nova graviores fuisse praeceptorum multitudinem; at vero contra novam veteri fuisse graviores quoad exercitium interiorum actuum virtutis. Primum quidem ostendit ex eo quod verissimum est legem veterem plura longe numero imposuisse praecepta, quibus ad opera externa obligabantur Judaei, qualia praefertim fuerunt praecepta caeremonialia numero pene infinita. Alterum vero ex eo colligit, quod in nova lege, inquit, prohibentur interiores motus animi, qui expressè in veteri lege non prohibebantur in omnibus, etsi in aliquibus prohiberentur, in quibus tamen prohibendis poena non opponitur. Quamquam simpliciter dici debeat legem novam veteri leviores esse, juxta illud Matth. 23. cap. Jugum meum suave est, & onus meum leve.

Quaestione demum 207. de his tractat quae continentur in lege nova, idque pariter in quatuor distinctis articulis.

In primo quaerit, utrum lex nova aliquot exteriores actus debeat praecipere vel prohibere.

Respondet decessisse in lege novae exteriores actus Sacramentales institui ad gratiae susceptionem, sum exteriores actus virtutum praecipere & vitiorum prohiberi, ut gratia justificet, Christo interiorius in nobis operanti cooperemur ad promerendam vitam aeternam. Scilicet ad id primum in lege nova homo tendere debet, ut gratiam Spiritus sancti,

quae manifestatur in fide per dilectionem operante, consequatur; quae ex causa decuit ut quidam externi actus praeciperentur, qui nimirum non parum conferunt ad gratiam suscipiendam: alii vero actus prohiberentur, qui ejusdem gratiae susceptioni impedimento sunt.

In secundo quaerit, utrum lex nova sufficienter exteriores actus ordinaverit.

Respondet legem novam exteriores actus Sacramentales & Morales; qui de se ad rationem virtutis pertinent, praecipiendo vel prohibendo sufficienter determinasse; ita ut tamen ceterorum actuum exteriorum quosdam singulorum hominum, quosdam Ecclesiae Praesulum reliquerit arbitrio. Scilicet cum Christus instituit Sacramenta per quae gratiam consequimur, & praecepta moralia Decalogi renovavit, eatenus lex nova dicitur actus exteriores qui de se ad rationem virtutis pertinent, determinasse; cum autem dicit S. Thomas ceterorum actuum institutionem hominum arbitrio relictam, id intelligit de praeceptis caeremonialibus & judicialibus, quorum determinatio posita est in hominum potestate & arbitrio.

Quaerit art. 3. utrum lex nova hominem circa interiores actus sufficienter ordinaverit.

Respondet affirmative, idque ex eo maxime probat quod teste S. Augustino; vel unicus sermo quem Dominus in monte proposuit, totam Christianae vitae informationem continet, & interiores hominis motus perfecte ordinat, tum in ordine ad Deum, tum in ordine ad proximum, tum denique in ordine ad se ipsum.

Quarto demum articulo quaerit S. Thomas, utrum convenienter in lege nova consilia quaedam determinata sint proposita.

Respondet affirmative, quia nempe lex nova lex libertatis est; unde in ea praeceptis addi debuerunt consilia, non autem in veteri lege quae fuit lex servitutis. Consilia porro oportet esse de

his per quæ melius & expeditius potest homo consequi vitam æternam; ut si divitiæ abdicentur per pauperatē, deliciae carnis per castitatem, superbia per obedientiam servitutem; in iis quippe tribus fundatur omnis Religio quæ statum perfectionis proficitur, inquit ibidem S. Doctor.

De Lege humana.

LEx humana, ut jam diximus, est ea quæ ab hominibus auctoritatem habentibus præscribitur; ea duplex est, Ecclesiastica quæ a Pastoribus Ecclesiæ; Civilis quæ a Principibus sancitur. Priusquam autem de hac utraque legis humanæ specie dicamus, nonnullas instituemus quæstiones, quæ ad legem humanam in genere spectatam attinent. Ad 1. inquiremus, an sit in hominibus potestas condendi leges, quæ scilicet conscientiam obliget. 2. Utrum id similiter dici possit de lege penali. 3. Utrum leges obligent cum periculo vitæ ad sui observationem. 4. Utrum iustitiam & perfectiæ subiciantur legi. 5. denique, an & quomodo leges humanæ mutari possint.

An sit in hominibus potestas condendi Leges quæ obligent in conscientia.

Inter eos qui potestatem condendi leges hominibus abdicarunt, illos merito recensere possumus Hæreticos, qui postremis Ecclesiæ temporibus ex vesana quadam & maligna de Episcopis & Pastoribus maledicendi prurigne, ita in ipsam Pontificiam & Ecclesiasticam auctoritatem insurrexerunt, ut aperte negarent ullam esse in Ecclesia potestatem condendi leges, rati posse tantum legitimos Pastores aliquem ordinem externum constituere, qui conscientiam obliget ratione scandali. Hoc ipsum docuerunt Waldenses teste Anton. p.4. Theol. tit.11. c.7. Joannes Wiclefus, ut aperte colligitur ex

Conc. Constantiensis sess. 8. item Joannes Hus, ut constat in articulo 15. illius errorum in eodem Conc. Constant. sess. ultima: Tum Lutherus in lib. de captivitate Babylonica cap. de Bapt. Philippus Melancthon in Apologia Confessionis Augustanæ art. 28. & Calvinus lib. 4. Instit. cap. 10. & sequentibus. Quin & Lutherus aliique postea nonnulli eandem potestatem quibuslibet Principibus secularibus sustulerunt.

Scilicet fatentur posse homines in dignitate constitutos, ita præscribere subditis quæ sunt legis divinæ, sive quoad doctrinam, sive quoad mores, ut ipsis necessario sit obtemperandum, ad ipse subditi cogi possint metu poenæ; unde & suas habent excommunicationes. Item concedunt ab Ecclesiæ Ministris nonnulla statui posse circa cultum & cæremōnias, quæ propter rectum ordinem servari debeant; sed negant in hominibus potestatem esse condendi leges in materia aliqui non præscripta per legem divinam: quæ tamen leges obligent in conscientia & sub poenâ peccati. Atque hic præcisè status est propositæ quæstionis, ut diligentissime est observandum, quem sane plerique e nostris Theologis minus bene attigerunt; contenti si hoc in negotio velut persensorie ostenderint, inesse hominibus potestatem condendi leges, quæcunque tandem sint, quod non insiciantur Hæretici.

Atque ut res melius pateat, indeque status quæstionis clarius innotescat omnibus, referam ipsissima Calvini verba, quo nullus ex citatis hæreticis in Ecclesiasticas leges scriptis intemperantius; sic vero statum quæstionis proponit lib. 4. Instit. cap. 10. num. 1. *Hæc potestas tractanda nunc est, an Ecclesia liceat conscientias obstringere suis legibus, in qua disputatione non attingitur ordo politicus, sed tantum hoc agitur ut vite colatur Deus secundum præscriptam a se regulam, & spiritualis libertas qua Deum respicit, salva nobis maneat. Usus abominuit*

muit ut traditiones humane vocentur, quæcunque de cultu Dei præter ejus verbum profecta sunt ab hominibus edita. Contra has nobis est certamen, non contra sanctus & utiles Ecclesiæ constitutiones, quæ vel ad disciplinam, vel honestatem, vel pacem conservandam faciunt. Num. 2. Hujus generis ergo constitutiones hic impugnare animus est, quæ in hoc feruntur, ut animas intus coram Deo ligent, & Religionem injiciant ac si de rebus ad salutem necessariis præciperent. & num. 30. Sed quia hic periculum est, inquit, ut ab una parte Pseudo-episcopi prætexant inde captent ad impias suas & tyrannicas leges excusandas, ab altera sint quidam nimis metitulosi, qui superioribus malis admoniti, nullum quemlibet sanctis legibus locum relinquunt, hic testari opera pretium est, eas demum humanas constitutiones me probare, quæ & Dei auctoritate fundata & ex Scripturæ desumptæ, adeoque prorsus divine sint: exemplum sit in geniculatione quæ fit, dum solennes habentur præcationes. Queritur sine humana tradito quam repugnare vel negligere curvis liceat. Dico sic esse humanam, ut simul sit divina: Dei est quatenus pars est decoris illius, cujus cura & observatio nobis per Apostolum commendatur: hominum autem, quatenus specialiter designat quod in genere fuerat judicatum magis quam expositum. Quid porro de Gersonii hæc in re & quorundam aliorum Catholicorum opinione sentiendum sit, in fine disputationis aperietur.

CONCLUSIO.

Est in hominibus æqua & legitima potestas condendi leges, seu civiles seu Ecclesiasticas, quæ obligent in conscientia.

Probat 1. ex Scripturis sacris; & quidem primum de potestate Ecclesiastica. Matth. 16. cap. amplissimam divo Petro adeoque ejus successoribus

potestatem tradit Christus his verbis: Et tibi dabo claves regni Cælorum, & quodcunque ligaveris super terram, erit ligatum & in Cælis; & quodcunque solveris super terram, erit solutum & in Cælis. Ex quibus non modo colligitur potestas remittendi peccata, sed & puniendi, ligando nempe per leges Pœnitentiæ, quam potestatem traditam fuisse Ecclesiæ Pastoribus abunde patefecit perpetua Ecclesiæ praxis; quæ quidem edocti sumus innumeris leges rotidem canonibus in administratione Pœnitentiæ conditas, quarum infractio cenfebatur veram peccati rationem habere.

Atque hæc judiciaria potestas Apostolis & consequenter Episcopis a Christo tradita clarius legitur c. 18. his verbis: Si autem Ecclesiam non audieris, sis tibi sicut Esbnieus & Publicanus, Amen dico vobis, quæcunque alligaveritis super terram, erunt ligata & in Cælo; & quæcunque solveritis super terram, erunt soluta & in Cælo. Quæ verba manifeste indicant potestatem puniendi, excommunicandi, poenas infligendi; unde Apostolus 1. ad Timoth. 5. id genus auctoritatis judiciariæ commemorat. Adversus Presbyterum, inquit, accusationem noli recipere nisi sub duobus aut tribus testibus. Ubi docet aperte Episcopos esse judices, & consequenter legum condendarum potestatem habere.

Quapropter Act. 15. in Concilio Jerusalemitano pronuntiare non dubitarunt Apostoli. Visum Spiritui sancto & nobis, nihil ultra imponere vobis oneris, quam hæc necessaria, ut abstineatis vos ab immolatis simulachrorum, & sanguine & suffocato, & fornicatione, a quibus custodientes vos bene agitis. Ubi certe non agitur de qualicunque constitutione, cui liberum sit obtemperare & obliget tantum ratione scandalis; sed de vera lege quæ saltem ad aliquod tempus obstringat. 1. Quia ejusmodi lex dicitur onus, nihil oneris. 2. Quia quæ statuuntur,

untur, dicuntur necessaria, quam hæc necessaria. 3. Id aperte declarant hæc Apostolorum verba, Nihil ultra imponere vobis, & alia quæ sub finem capitis leguntur, ubi de Paulo: Perambulabis autem Syriam & Ciliciam confirmans Ecclesias, præcipiens custodire præcepta Apostolorum & seniorum. Quoniam vero pacto decretum hoc Apostolicum in Ecclesiis vim legis obtinueris, satis, ut puto, a nobis superius expositum est.

Hinc & nomen præcepti, quod nimirum ab Apostolis datum fuerit, passim occurrit in Scripturis. 1. ad Corinth. Laudo vos, inquit Paulus, quod præcepta mea tenetis. Et 1. ad Thessal. cap. 4. Scitis quæ præcepta dederim vobis per Dominum Jesum. Ubi & videre est hanc potestatem imponendi præcepta esse a Deo, Per Dominum Jesum; unde paulo post ait ibidem, Itaque qui hæc spernit non hominem spernit, sed Deum, qui etiam dedit Spiritum sanctum in nobis.

Secundo idem aperte legitur in iisdem Scripturis de potestate seculari, hanc datam Principibus docet Christus Lucæ 20. cap. Reddite, inquit, quæ sunt Cæsaris Cæsari, & quæ sunt Dei Deo. Et S. Paulus ad Rom. 13. Omnis anima potestatibus sublimioribus subdita sit; non est enim potestas nisi a Deo: quæ autem sunt a Deo, ordinata sunt; itaque qui resistit potestati, Dei ordinationi resistit; qui autem resistunt, ipsi sibi damnationem acquirunt... ideo necessitate subditi estote non solum propter iram, sed etiam propter conscientiam. Ideo enim & tributa præstatis, ministri enim Dei sunt, in hoc ipsum servientes. Reddite ergo omnibus tributa; cui tributum, tributum; cui velligal, velligal; cui timorem, timorem; cui honorem, honorem. Quæ quoniam expressissima sunt, nulla plane indigent explicatione; ibi enim & potestas ferendi leges attribuitur Principibus, & obediendi necessitas im-

nitur subditis, Non tantum propter iram, sed propter conscientiam.

Eandem doctrinam tradit S. Petrus 1. Epist. cap. 2. his verbis: Subiecti estote omni humane creature propter Deum, sive Regi quasi præcellenti, sive Ducibus tanquam ab eo missis ad vindictam malefactorum, laudem vero bonorum, quia sic est voluntas Dei, ut bene facientes obtumescere faciatis imprudentium hominum ignorantiam, & non quasi velamen habentes malitiæ libertatem. Sed sicut servi Dei, omnes honorate. Fratritatem diligite. Deum time, Regem honorificate. Servi subditi estote in omni timore Domini non tantum bonis & modestis, sed etiam discoloris. Hoc idem statuerat Deus in veteri Testamento 1. Reg. cap. 8. sic alloquitur Samuelem, Non enim te abjecerunt, sed me, ne regnem super eos. Et Proverb. 8. Per me Reges regnant, & legum conditores iusta decernunt.

Probat 2. SS. Patribus & constanti totius Ecclesiæ doctrina, tum quoad spectat leges Ecclesiasticas, tum quoad potestatem in Principibus ferendi leges civiles.

Ac primo universam Ecclesiam semper & in quavis ætate hanc in Pastoribus agnovisse potestatem condendi leges quibus obedire tenerentur Christiani, vel ex eo maxime liquet, quod omnia fere Concilia ab ipsis Apostolorum temporibus aliquos Canones tulerunt, ut fideles ad aliqua observanda obligarent: seu enim ejusmodi canones in aliquo Concilio generali conderentur & ad universam dirigerentur Ecclesiam; seu in aliquo Concilio nationali tantum, aut provinciali editi, nonnisi aliquod regnum vel provinciam spectarent; certum est tamen eos habuisse vim legis proprie dictæ, siquidem satis est ad legem, si feratur communitati perfectæ, qualis est vel una civitas.

Hic vero infinitum esse me oporteat, si vel compendio referam omnia Patrum testimonia, qui pro reverentia his cano-

nibus

nibus necessario debita scripserunt; sic, v. g. legitimam esse legem Ecclesiasticam quæ jejunium Quadragesimæ præscribit, dilerte scribit S. Hieronymus in Epistola ad Marcellum de erroribus Montani; S. Ambrosi. Sermone 25. S. Augustinus Serm. 62. de tempore; S. Chrysostom. Hom. 3. in Genesim ad populum Antioch. S. Basil. Orat. 2. de jejunio; S. Epiphani. Hæresi 75. adversus Aërium; S. Leo Serm. 2. de jejunio.

Unus inter alios audiat Cyprianus cum loquitur de Ecclesiastica potestate, & de iis qui Ecclesiæ legibus non obtemperant, Epist. 55. quæ est ad Cornelium: *Legi litteras tuas, Frater charissime, quas per Sanctum Fratrem nostrum Acolyum misisti, & dilectionis fraternæ & Ecclesiasticæ disciplinæ & Sacerdotalis censura satis plenas, quibus significasti felicissimum hostem Christi non novum, sed jam pridem ob crimina sua plurima & gravissima absentem, & non tantum meam, sed plurimorum Coepiscoporum sententia condemnatum, rejectum a te illic esse, &c.* Et circa medium ait inde obortas Hæreses, quod Sacerdotibus Ecclesiæ non obtemperatur: *Neque enim, inquit, aliunde Hæreses oborta sunt, aut nata sunt schismata, quam inde, quod Sacerdoti Dei non obtemperatur, nec unus in Ecclesia ad tempus Sacerdos, & ad tempus iudex vice Christi cogitatur; cui si secundum magisteria divina obtemperaret fraternitas universa, nemo adversum Sacerdotum collegium quidquam moveret; nemo post divinum iudicium, post populi suffragium, post Coepiscoporum consensum, iudicem se jam non Episcopi, sed Dei faceret.*

Uti nec similiter, quoniam res nemini obscura esse potest, congeram hoc loco omnia Patrum testimonia, qui quidem unanimi consensu docent Principibus vel etiam Ethnicis & Hæreticis debitam esse obedientiam; hæc indicare satis sit: nimirum consuli possunt verba

S. Polycarpi. apud Euseb. lib. 5. Hist. cap. 15. S. Iulianus Apolog. ad Antoninum; Athenagoras in Apolog. ad Imperatorem Marcum Aurelium Antoninum; Theophilus Antioch. lib. 1. ad Autolicum; S. Irenæus lib. 5. c. 24. Tertull. Apologetici cap. 30. S. Clemens Alexand. lib. 7. Strom. Origenes lib. 2. & 4. contra Celsum, S. Dionysius Alex. apud Euseb. lib. 4. cap. 10. S. Athanas. Apolog. ad Constant. Optatus Milev. lib. 3. S. Chrysostomus Homil. 23. in cap. 13. Epist. ad Rom. S. Augustinus lib. 4. de Civit. Dei cap. 33. S. Bernardus lib. 3. de Consider. cap. 4. & aliis passim.

Denique & ad id demonstrandum aperte favet ipsa ratio: scilicet inest hominibus potestas condendi leges quæ obligent in conscientia, si lege humana tam civili quam Ecclesiastica multa semper fuerunt emanata & quidem iuste & legitime, quæ quidem antea nec lege naturali, nec lege divina ulla præscripta fuerant, in hoc enim, ut supra monuimus, tota versatur hæc questio: atqui extant ejusmodi constitutiones quibus ea præcipientur, quæ nec dictat ratio naturalis, nec ulla lege divina sancita prius fuerant, quale nimirum est jejunium Quadragesimæ, quod neque ex naturali lege deduci potest, nec a Christo unquam præscriptum fuit; qualis & confessio auricularis, prout annua, quæ similiter, nec jure naturali, nec lege divina præcepta est; igitur inest hominibus potestas condendi leges, quæ obligent in conscientia.

Atque has & alias similes Constitutiones Ecclesiasticas, quæ dudum in Ecclesia vim legis obtinuerunt, tum vero omnium & singulorum Christianorum conscientias ligant, legitime ab Ecclesiæ Pastoribus fuisse editas, in universum ostenditur adversus Hæreticos (neque enim de illis sigillatim plenius tractare præsentis est instituti) ex iis omnibus Scripturæ testimoniis, quæ legi-

legitimis Ecclesiæ Pastoribus præcipiendi, ordinandi, judicandi, & solvendi potestatem ubique tradunt, & ex aliis insuper quæ fidelibus Christianis obedientiam, & subjectionem injungunt; frustra enim Ecclesiæ Pastores toti Ecclesiæ gubernandæ a Christo Domino præfecti sunt; frustra dicuntur Pastores, Præpositi, Superintendentes, Rectores, Principes, nisi leges statuere possint; quemadmodum frustra Reges eligerentur a populis, nisi auctoritatem haberent legum condendarum pro suo nutu & arbitrio (intellige quæ cum æquitate non pugnent); postulat enim ratio naturalis, ut superior alicujus Reipublicæ subditis suis præcipere possit in iis quæ sunt licita & honesta; adeoque ut illis subditi obtemperent.

Sileo quæ ad legum humanarum utilitatem plura & luculentissima commemorare possem; certum est enim nullam plane hominum societatem sine legum adminiculo constare posse; quibus nempe aliqua prohibeantur, alia vero præcipiantur, ut lex ipsa naturalis, uti & divina melius observetur; ea enim est rerum humanarum conditio & fragilitas, ut coram oculis præsentem Dei legem semper non habeant homines; ita ut si in arbitrium cujuslibet relinqueretur hujusce legis observatio, propiori oblivione delegeretur; quia ex causa, v. g. ne omnis in Deum cultus, vel ipsa Dei cognitio in singulorum hominum animis obliteraretur, necesse fuit ut Ecclesiæ Pastores pro suo munere statuerent certis diebus orationi esse vacandum; quotannis saltem una vice ad sacram Mensam accedendum; per aliquod tempus, puta per Quadragesimam, jejunandum; & alia id genus, quæ non sine magna Reipublicæ Christianæ utilitate fidelibus imposita sunt.

Obijcies: Hæc semper fuit inconcussa Dei voluntas, verbo divino nihil quicquam esse addendum, sufficere mandata Dei, nec alia hominibus injungi de-

bere, ut aperte significatur in utroque Testamento. Deuter. 4. *Non additis ad verbum quod vobis loquor, neque minuetis ex eo; custodite mandata Domini Dei vestri, quæ ego præcipio vobis.* Et cap. 12. *Quod præcipio tibi hoc tantum facito Domino: nec addas quicquam, nec minuas.* Prov. 30. *Omnis Sermo Dei ignitus clypeus est sperantibus in se, ne addas quidquam verbis illius & arguaris, inveniarisque mendax.* Matthæi ultimo sic alloquitur Apostolos Christus: *Euntes docete Gentes, baptizantes eos in nomine Patris & Filii & Spiritus sancti; docentes eos servare omnia quaecunque mandavi vobis.* Unde sequitur non alia mandata præter divina baptizatis esse proponenda: proindeque haud inesse hominibus potestatem condendi leges, quæ animas coram Deo intus ligent.

Respondeo, nec vel leviter innui his Scripturæ sacre testimoniis legum condendarum auctoritatem datum non fuisse hominibus. Quod enim vetatur in antiquo Testamento, ne quid addatur ad Dei verbum, nequaquam significat novum aliquod præceptum super leges a Deo latas ad meliorem populi gubernationem imponi non posse; & debere idcirco exulare omnes Traditiones, Canones Conciliorum, Sanctiones Pontificum, uti vult Calvinus.

1. Quia hæc solum dicta sunt pro Judæis qui cum legem haberent innumeris prope caeremoniis & præceptis onerata, novis litasse legibus & præceptis non indigebant; cum contra aliter se res habeat in lege Christi Domini, qui, quoniam præciosa præscriptis mandata, curæ Pastorum reliquit, ut alia deinceps pro bono communi statuere possent. Unde ex illo Moysis testimonio nihil colligi posset adversus Christianorum constitutiones.

2. Secum pugnaret Moyses, si in sensum Calvini acciperentur ejus verba: jubet enim cap. 17. sub pena mortis, ut obtemperetur Sacerdotibus vers. 9.

Veniesque ad Sacerdotes Levitici generis; & ad iudicem qui fueris illo tempore; quasque ab eis qui iudicabant tibi iudicii veritatem. Et fuit quodcumque dixerint qui præsunt loco quem elegerit Dominus, & docuerint te juxta legem ejus. Quæ verba non debent solum intelligi; quasi hac conditione acquiescendum sit Sacerdotum iudicio, si videlicet litigantibus iudicatum videatur juxta legem Dei, propter isthæc verba, & docuerint te juxta legem ejus. Frustra enim a Deo constituerentur ejusmodi Iudices, quia semper exciperet pars damnata non judicasse Sacerdotes juxta Dei legem; unde absolute sumi debet illa potestas, quasi subditi iudicio Sacerdotis absolute debeant obtemperare; & intellige tamen nisi manifeste proculcata videatur divina lex.

Quamobrem hæc verba, Non addetis ad verbum, &c. in hunc tantummodum sensum intelligi debent, quod legi & præceptis divinis nihil plane detrahatur, Neque minuetis ex eo; quasi dicat, volo ut lex ista integre servetur, ita ut nihil ex ea addendo vel minuendo vicietur, aut mutiletur; & ait cap. 5. Custodite & facite quæ præcepit Dominus Deus vobis, non declinabitis neque ad dexteram, neque ad sinistram. Quemadmodum etiam S. Paulus ad Galat. 1. cap. iis anathema pronuntiat, qui aliud evangelizant præter id quod ipse evangelizavit, præter, id est contra; in eos etenim scribit qui Christianismo addere volebant Judæismum. Vel non addetis ad verbum, quod tantum meum; a me dictum; a me præceptum dicatis; nulli enim homini licet proprios sermones velut Dei verbum venditare. Neque in alium planè sensum exponi debet testimonium ex Proverbiis deproptum, ut per se patet.

Quod autem ad Matthæi locum attinet, id unum ibi Apostolis injungit Christus, his nempe verbis; Docentes

eos servare omnia quæcumque mandavi vobis, post fidem & baptismum alia etiam præcepta servanda esse; ita ut fides & baptismus ad æternam salutem consequendam minime sufficiant; nec vel unico verbo insinuat, cujusvis alterius præcepti imponendi potestatem; non inesse Pastoribus Ecclesiæ.

Objicies alia Scripturæ loca, in quibus conqueritur Deus, quod populus humanis constitutionibus & doctrinis subserviat, Isaia 29. Appropinquat populus iste, ore suo & labiis suis glorificat me; cor autem ejus longe est a me; & timuerunt me mandato hominum & doctrinis. Quæ verba usurpavit Christus Matthæi 23. Populus hic labiis me honorat, cor autem eorum longe est a me. Sine causa autem solent me docentes doctrinas & mandata hominum.

Respondeo, his in locis mandata hominum nihil aliud esse quam falsa hominum præcepta legi divinæ contraria; in quibus summam Religionis suæ constituebant Judæi, cætera hypocrisis, ut ex utroque testimonio constat; ait enim Isaia, Cor autem ejus longe est a me; & Christus Dominus, Cor autem eorum longe est a me, quia nempe falsa doctrinam contra Domini præcepta introducebant, soluerunt me, non juxta id quod a me præceptum est, sed juxta hominum & Scribarum suorum traditiones partim fuitiles, partim perverfas & meæ legi contrarias, ut vulgo docent Interpretes.

*Objicit Calvinus alia loca, in quibus Deus passim dicitur unus & solus legislator. Isaia 33. Dominus enim fu-
dex noster, & Dominus Legifer noster; Dominus rex noster ipse salvabis nos; Jacobi cap. 4. Unus est enim legislator, & iudex qui potest perdere & liberare. Unde sequitur non alium esse legislatorem præter Deum; proindeque haud inesse hominibus legum condendarum auctoritatem.*

Respondeo, nec plus virium habere duo

duo hæc Scripturæ testimonia. In priori enim Deum dicit Isaias legiserum, quia Judæorum legem condiderat, *Domini legiser nos*; sed neutiquam inquit Deum esse solum legisatorem; adeoque nullas ab hominibus institui posse leges. In posteriori vero loquitur Jacobus de primario legislatore, qui nempe solus suprema auctoritate alios perdere possit & liberare, quanquam alii sint legislatores. & Reges. ejus ministri, qui suam condendi leges potestatem ab eo acceperint, juxta illud Proverb. 8. jam a nobis laudatum: *Per me Reges regnant, & legum conditores justia decernunt*.

Obijcit insuper Calvinus nonnulla testimonia, in quibus aperte legitur Christianos ab omni lege hominum esse liberos. I. ad Corinth. 7. *Precio empti estis, nolite servi fieri hominum, quasi dicat Apostolus. hominibus non esse obediendum cum formidine peccati, siquidem fideles a peccato liberi facti sunt per Christum: in quem sensum ait ad Galat. 4. cap. Non sumus ancilla filii, sed libera, qua libertate Christus nos liberavit.* & cap. 5. *State, nolite iterum jugo servitutis contineri.* Ex quibus merito inferitur leges ab hominibus condi non posse, quæ sub pœna peccati ligare possint.

Respondet nec in istis Scripturæ locis mentem Apostoli assecutum fuisse Calvinum. Cum enim vetat in Epistola ad Corinth. ne quis fiat servus hominum, id unum movet ut qui semel Christi gratiam, & redemptionem a peccatis suis consecuti sunt, iterum servi peccati non fiant, Precio empti estis, nolite fieri servi hominum. Vel ut alii volunt Interpretes, Nolite fieri servi hominum, ita videlicet, ut hominibus serviendo Dei obsequium negligatis. Vel denique, ut exponunt alii, cum sitis per Christum liberi, nec vos in servos vendatis, ut melius Christo servatis; sed neutiquam vetat Paulus

ne obediamus Pastoribus Ecclesiæ, eorumque præcepta servemus.

Quæ autem ex Epist. ad Galatas obijciuntur, nullius plane sunt ponderis: laudat enim Apostolus libertatem a jugo servitutis ceremoniarum legis: totus quippe est in hac Epistola, ut ostendat salutem penitus inutilem legis Mosaicæ circumcisionem, quæ profecto cum Calvini doctrina nihil habent affinitatis.

Obijcies: S. Augustinus lib. 22. contra Faustum cap. 27. definit peccatum in genere, *Dictum, factum, & concupitum contra legem æternam Dei*. Cui similem reperias apud S. Ambrosium lib. de Paradiso cap. 8. igitur nullum est peccatum contra legem humanam, adeoque lex humana non ligat conscientias sub pœna peccati.

Nego consequ. Est quippe legitima hæc Augustini definitio, tamen peccata committantur in transgressione legis humanæ, quia nimirum hæc eadem peccata sunt remote saltem contra legem æternam, quæ ordinem naturalem servari jubet, perturbari vetat, inquit idem Augustinus: ordo autem postulat, ut leges ferre possint Superiores & Præpositi, quibus obedire teneantur Subditi.

Instabis: Omnes humanas constitutiones expresse rejicit idem S. Augustinus Epist. 55. quæ est ad Januarium cap. 19. ubi sic loquitur: *Quamvis enim neque hoc inveniri possit quomodo contra fidem sint, ipsam tamen religionem, quam paucissimis & manifestissimis celebrationum Sacramentis misericordia Dei esse liberam voluit, servilibus oneribus premunt, ut tolerabilior sit conditio Judæorum, qui etiamsi tempus libertatis non agnoverunt, legalibus tamen fasciis, non humanis presumptionibus subjiciuntur.*

Respondet eo loci ab Augustino improbari non Episcoporum & Conciliorum statuta, sed quosdam privatorum

abusus; ut manifeste liquet ex verbis immediate præcedentibus: *Omnia itaque talia*, inquit, *quæ neque sanctarum Scripturarum auctoritatibus continentur, nec in Conciliis Episcoporum statuta invenimus, nec consuetudine universæ Ecclesiæ roborata sunt, sed pro diversorum locorum diversis moribus immutabiliter variantur; ita ut vix aut omnino nunquam inveniri possint causæ, quas in eis instituendi homines secuti sunt, ubi facultas tribuitur, sine ulla dubitatione rescandæ existimo*. Ex quibus sequitur Augustino probatas fuisse constitutiones vel in Conciliis Episcoporum editas, vel Ecclesiæ consuetudine roboratas.

Objicies: Nec summus Pontifex, nec Concilium ipsum generale declarare potest aliquid esse de fide divina credendum, nisi id continetur in principiis fidei, videlicet Scriptura vel Traditione; ergo nec quicquam lege lata præcipere possunt, quod sub lege divina aut naturali non continetur.

Respondeo parem utrobique esse rationem; sicut enim Concilium non potest declarare aliquid fuisse a Deo revelatum, adeoque credendum tanquam de fide divina, quod reapse revelatum non sit vel in Scriptura vel in Traditione; ita similiter nec Concilium declarare potest aliquid observandum esse tanquam jure divino stabilitum, quod revera a Deo non fuerit institutum; in hac enim utraque designatione erraret Ecclesia. Sed quemadmodum Ecclesia in Concilio generali congregata aliquid credendum fide saltem humana sub pœna peccati proponere potest fidelibus, & revera edicit in multis Canonibus, tamen illud non continetur in verbo Dei & scripto & tradito; ita similiter aliquid præceptum circa mores Christianorum pure humanum, quod conscientias liget, stringatque, instituere potest in materia per legem naturalem aut divinam minime præscripta.

Objicies: Ille solus conscientiam obligare potest, qui Dei gratia privare potest: sed homo quisquis sic gratia Dei alterum privare non potest, quemadmodum ejus non est dare gratiam, sed solius Dei; igitur.

Respondeo negando minor. ut enim possit quis alium obligare sub pœna peccati etiam mortalis, cumque, ut ajunt, Dei gratia privare, satis est si possit ex auctoritate sibi a Deo data præceptum aliquid instituire, ita ut, si homo illud violaverit, consequenter Deus suam subtrahat gratiam; neque necesse est ut per eandem facultatem possit homini gratiam divinam conferre: atque in promptu est ratio, quia peccator quando peccat mortaliter, se ipsum consequenter privat Dei gratia, quam profecto sibi dare nunquam potest.

Instabis: Nullus vel Episcopus extra Sacramentum Pœnitentiæ peccata remittere potest; ergo similiter nemo potest, nisi in Sacramento Pœnitentiæ, conscientiam alterius ligare.

Negō. consequ. & par. Ratio discriminis est, quia in solo Pœnitentiæ vel Baptismi Sacramento homo agit nomine & auctoritate Dei in ordine ad remissionem peccatorum; at vero in ordine ad ligandum longe sæpius agit, & in pluribus aliis casibus, puta quando leges & præcepta Subditis imponunt superiores.

Objicies: Saltem leges mere civiles latæ a principibus secularibus non obligant in conscientia: siquidem mere temporalis est ea Principum secularium potestas, a qua manant leges civiles; atqui ligare conscientiam est actus jurisdictionis spiritualis; ergo legibus mere civilibus ligari non possunt hominum conscientie.

Disting. min. Est actus jurisdictionis spiritualis ligare conscientiam directe, & indirecte tantum, N. scilicet conscientias ligant indirecte Principes seculi.

culares, quatenus aliqua præcipiunt quæ bono Reipublicæ congruunt, quæ quidem præcepta citra peccatum violare non possunt Subditi, quia videlicet ea tenus Dei ordinationi resistunt; ut docet Apostolus.

Instabis: Ejus est solummodo ligare, cujus est solvere: atqui Princeps secularis conscientias Subditorum solvere non potest; ergo nec ligare.

Nego maj. quia, ut mox dictum est, homo cum peccat, se ipsum ligat, nec tamen solvere se potest; item homo se ipsum voto vel contractu ligare atque obstringere potest; tamen nunquam seipsum solvere queat. Quanti fieri debeant ejusmodi argumenta nemo non videt, quocirca in illis disjiciendis duntius non immorabimur.

Quæres, an sub peccato etiam mortali conscientiam quandoque astringant leges humanæ.

Respondet affirmative, idque verissimum est tum de lege Ecclesiastica, tum de civili: siquidem eo manifeste tendunt momenta superius adducta, ex quibus profecto, quoniam evincitur neminem posse sine peccato leges humanas aut spernere aut negligere; debet enim colligi ejusmodi peccatum quandoque esse mortale; unde & id expresse legiunt Matth. 18. de lege Ecclesiastica: *Qui Ecclesiam non audierit, sit tibi sicut Ethiope & Publicanus*. Id est, ejusmodi hominem devota tanquam hæreticum, ne ejus consortio contagione trahas; quod quidem sæculus gravissimum & mortale manifeste indicat. Unde etiam de lege civili hæc habentur ad Roman. 13. cap. *Qui resistit potestati, Dei ordinationi resistit. Qui autem resistunt, ipsi damnationem acquirunt*. Damnatio autem æterna soli peccato mortali datur; ergo & sub peccato mortali obligant aliquando leges humanæ.

Quibus vero signis dignosci possit, an leges humanæ sub pœna peccati mor-

talis obligent, vel solum sub pœna peccati venialis, non ita facile dixeris; variae sunt super illo negotio Theologorum & Juristarum sententiæ. Hæc plerique assignant quibus certo judicari debeat leges obligare sub pœna peccati mortalis, vel venialis tantum. 1. Si Legislator ipse eam esse suam intentionem perspicue declaraverit. 2. Si legem absolute ferat, neque ullo verbo declarat mentem suam quoad peccatum mortale vel veniale, tunc, ut ait Sotus lib. 1. de justitia quest. 6. art. 4. res erit pensanda pro majori vel minori gravitate materiæ. 3. (& illud signum proprie pertinet ad leges Ecclesiasticas) cum aliquid præcipitur, in virtute sanctæ Obedientiæ, vel sub indignatione Dei & oblatione divini judicii, ejusmodi verba indicant intentionem Legislatoris obligandi sub peccato mortali. 4. (quoad leges item Ecclesiasticas) quando subjungitur pœna excommunicationis majoris, quæ non incurritur nisi propter peccatum mortale. 5. Cum lex fertur his verbis præceptiva, *mandamus, præcipimus, prohibemus*, efficit communis usus, ut ejusmodi verba obligationem sub mortali significant. Sextum signum, idque, ut aiunt, omnium certissimum, est communis existimatio communis, si nempe legem acceptaverit ut obligantem sub mortali peccato; optima enim legum interpretes est consuetudo, cum maxime per se quoque habeat vim legis. Verum ut puto res omnino æstimari non debet ex singulis illis signis, separatim consideratis: cum agitur enim de peccato mortali aut veniali, existimo illud moraliter & ex materia simul & circumstantiis examinandum; ut enim virtus definita judicio viri prudentis, ita & vitium; quamobrem si materia legis humanæ sit gravis, lex obligat sub peccato mortali; si sit levis, obligat tantum sub veniali, quemadmodum judicari solet de lege divina: is enim mortaliter peccat qui in materia gravi legem

legem divinam transgreditur, ut si, v. g. grave sit mendacium; venialiter autem peccat, si levis sit materia: si leve sit furtum, leve mendacium. Quod autem observare videntur Theologi melioris notæ, is semper mortale peccatum incurrit qui legem infringit ex contemptu, ut enim ait S. Bernardus lib. de præcepto & dispensatione cap. 8. *Contemptus in omni specie mandatorum pondere gravis, & communiter damna- bilis est.*

Sententia Gersonii.

Quid super hoc negotio senserit illusterrimus Academicæ Parisiensis Cancellarius Joannes Gersonius, hic pluribus expendimus, ut tanti viri doctrina hac in parte ab omni errore vindicaretur contra plurimos non infimæ notæ Theologos, qui quidem id ipsi ascribere non veriti sunt, quod aperte dixerit leges humanas seu Ecclesiasticas, seu civiles, quatenus humanæ sunt, non obligare in conscientia & sub pena peccati mortalis. Hujus sententiæ tanquam minus orthodoxæ Gersonium insimulante Almainus lib. de potestate Ecclesiastica & Laica, quæst. 1. c. 11. Joannes Medina cap. de jejuniis quæst. 7. Joannes Driedo lib. 2. de libertate Christiana cap. 1. Adrianus quodlibeto 6. concl. 1. Alphonfus a Castro lib. 1. de potestate legis pœnalis cap. 4. Dominicus a Soto, qui lib. 1. de iustitia & jure quæst. 6. art. 4. testatur Lutherum aliosque hujus ætatis Hæreticos in hac perniciofa doctrina Gersonium, insignem aliunde virum, sibi patronum ascribere. Franciscus a Victoria Dominici a Soto magister, perhibet 1. relectione de potestate Ecclesiæ Sect. 6. doctrinam Cancellarii esse, Papam posseduntat sententia excommunicationis punire peccata, quæ sunt directe contra Evangelium, non autem quæ sunt contra legem naturæ. In Gersonium certant

quoque Bellarminus libro de Laicis c. 11. & Franciscus Suarez lib. 3. de Legibus cap. 2.

Ubi tamen sciri oportet quosdam esse qui doctrinam Gersonii ultro amplectuntur quantum ad leges civiles & politicas Principum, respondent vero quantum ad leges Ecclesiasticas & Prælatorum, quos inter numeratur jam laudatus Almainus. Item Philippus Decius in cap. *Non concupiscendum* de Constitutionibus circa finem lectionis. Joannes de Immola cap. 2. *De majoritate & obedientia*. & in cap. *Cum contingat*, de jurejurando. Ac demum Ludovicus Romanus in L. *Is qui bonus* ff. de verborum significatione, sicut referuntur a Suarez loco mox citato. Hos porro omnes puto equidem verba doctissimi viri minus atrente legisse, ut ex mox dicendis manifeste patebit.

Obijciunt itaque hæc Gersonii verba, quæ leguntur in ejus *Tractatu de vita spirituali animæ*, quem distribuit in sex lectiones, quod nomen lectionis, inquit Richerius, *Apologia pro Joanne Gersonio*, a Scholæ Parisiensis more ortum habuit, quoniam olim Doctores Theologi die Sanctæ Euphemie solebant quosdam Tractatus sacre Scripturæ explicandos suscipere, eamque ob causam & nomine & privilegio Doctoris Regentie donabantur.

Lectione secunda in proœmio pollicetur Gersonius se investigaturum proviribus, qualis est illa lex cuius transgressio vitam spirituales, quam dat Baptismus Spiritus sancti, adimit & mortis æternæ reum facit. *Macrum*, inquit, & cum aliis sæpe recogito multas ex ignorantia hujus negotii subviri rationes in politis tam Ecclesiasticis quam temporalibus; in hominum præterea conscientie modo scrupuli vani contemnendi subrepunt, modo contemptus insurgit temerarius & audacior quam satis est & sit insuper (quoniam ignoratur virtus legis divine) frequenter irritum manda-

tum

rum Dei propter traditiones hominum. Fit amplius de levi iugo Christi & lege libertatis iugum ferreum & onus grave premens cervicem Christianorum, dum scilicet aliqui suas omnes leges, suas institutiones, suas regulas & statuta arbitrari volunt accipientes esse, sicut praecepta legis Dei ad aeternae mortis interitum, si praeterantur; mercentia: Has vero traditiones hominum quid cunctas dinumeret in Canonibus summorum Pontificum, in Constitutionibus Synodalibus Provincialium aut Diocesum, Religio-num regulis, in Universitarum, Collegiorum & Ecclesiarum Statutis, in Edictis Imperatorum & Principum, in Plediscitis Communitatum . . . vix potest imbecillitas nostra divinas leges ad numerum parvum gratia sub benignitate reducat implere. Viam igitur obstruunt spinis Constitutionum semet involventium & edumbrantium quis inoffenso pede transiles? Scimus quid dixerit Petrus Apostolus Act. 15. (Quid ventatis Deum imponere iugum super cervicem Discipulorum, quod neque nos, neque Patres nostri portare potuimus?) Hoc animadvertens & pia compassione deplorans egregius Doctor Augustinus ad inquisitionem Januarii; Ipsam, inquit, religionem nostram quanta manifestissimis & paucissimis celebrationum Sacramentis, Dei voluit misericordia esse liberam & servilibus premunt oneribus, ut tolerabilior sit conditio Judaeorum, qui legalibus Sacramentis non humanis presumptionibus subijciuntur. Si tuo tempore sic dolebas, o sapiens Augustine, quid nostra tempestas dixisset? ubi pro varietate & motu capitis incredibilis est varietas & dissona multiplicatas vices huiusmodi servilitatis, & humanarum, prout loqueretur Gerfonius? Ubi expresse testatur Gerfonius se mox disputaturum in leges humanas, in Canones summorum Pontificum, in Synodales Constitutiones, Ecclesiarum Statuta, Edicta Principum; eo quod quidam, ut ait, ejus-

modi leges volunt ad interitum aeternae mortis, si praeterantur, adducere. Ubi & ad id probandum eadem usurpat Scripturae loca, eademque plane rationia quibus uti solent Haeretici nostri; solemus est enim Haeretici, ut ex eo maxime leges humanas impugnent, quod frequenter irritum faciunt Dei mandatum, quod leve Christi iugum reddant iugum ferreum, quod in hominum consensibus vanos perinde scrupulos exeunt. Hinc praefatum locum ex Actibus Apostolorum depromptum, & Augustini Epistolam ad Januarium solent in sententiae suae confirmationem adducere; quae sane eadem usurpavit Gerfonius.

Insuper ejusdem lectionis Corollario secundo legem divinam in eo secernit ab humana, quod lex divina lata sit pro consecutione vitae aeternae, ad finem supernaturalem; leges vero humanae pro solo regimine politico & civili. Non ideo, inquit, praefate dicuntur aliqua lex divina seu de jure divino appropriata, quia illam creatura rationalis per revelationem accepit. Itaque fieri potest, sicut in antiqua lege tenet fuisse in pluribus, quod Deus revelet & tradat immediate aliquas leges pro solo regimine politico & civili, quemadmodum de obligatione Regis Israel, de taxatione parvarum civilium & similium diceretur . . . pra cuius elucidatione, & ut disti huius rationalitas magis innoscat, advertendum est quod homo qui subsistit ex duplici substantia, una spiritali, aeterna, divinaque, alia corporali & mortali, duplicem habet finem & unum supernaturalem, alium naturalem, qui humanus potest dici seu politicus & civilis. Nunc pro consecutione primi finis data sunt leges a Deo proportionatae ad finem illum, de quibus est noster principalis sermo, & illas appellamus appropriate divinas, seu Theologicas, seu de jure divino; quemadmodum non vices virtutes, sed eas duntaxat quae ad Deum immediate diri-

dirigunt, Theologicas & divinas nominamus, fidem: Spem atque charitatem. Proinde ad consequendum finem alterum qui humanus quandoque dicitur, quandoque civilis & politicus, leges alia lata sunt, & ut plurimum per humanam investigationem imposte. Leges autem quæ non ordinantur ad finem supernaturalem, hoc est, ad vitam æternam, sane non obligant hominum conscientias, & citra ullum peccati mortalis periculum infringi possunt.

Eandem doctrinam longe clarius tradit Cancellarius noster lect. 4. in proœmio, his verbis: Erit igitur hæc conclusio; Anima rationalis sicut a Deo solo inspirante & influente habet vitam gratiæ, quæ est Baptismus in spiritu sancto, sic ipso desecente solummodo perdit animam vitam huiusmodi præbitam, dum præceptiva legis suæ prævaricatrix invenitur. Prima pars de se perspicua, & est ante deducta in secunda lectione. Secundam partem suademus ex hoc quod alius a Deo, sicut non habet potestatem infundere gratiam, sic nec eripere. Ipse præterea solus habet claves vitæ & mortis æternæ, & nemo claudit & nemo aperit. Ista vero concludunt, quod solus potest dare præcepta affirmativa aut negativa, sub pœna mortis æternæ, quia illam infligere solus potest; nullus ergo perdet gratiam, nullus reatum damnationis æternæ incurret, nisi pro quanto divina legis præceptiva transgressor existerit. Ad hoc est auctoritas Augustini describentis peccatum actuale commissionis. Peccatum, inquit, est delictum, factum, vel concupitum contra legem Dei æternam.

Et Corollario primo, Nulla, inquit, transgressio legis naturalis aut humane; ne naturalis est vel humana, est de facto peccatum mortale. Et appellamus hic peccatum mortale, quod pœna æternæ reatum operatur secundum cursum a Deo jam institutum, non qui posset institui. Addimus præterea, ne naturalis est vel

humana, quia eadem lex talis sæpe communicat cum divina; pater Corollarium ex præmissis. Et ex alio quia lex naturalis & humana ut tales sunt, non possunt attingere ad cognitionem æternitatis in pœna vel præmio; non ergo feruntur ad finem talem supernaturalem & plurquam humanum. Rursus frustra darentur leges cum appositione pœnarum quas legislatores infligere nequirent, immo nec de eis in foro suo cognoscere. Alioquin poterit legislator omnes ferre leges suas sub pœna quantalibet possibili vel impossibili, quam absurditatem dicere quis auderet? Sic est de quacunque lege naturali vel humana, quod neque natura, neque homines Prælati vel Principes possent transgressores suarum legum plectere pœna damnationis æternæ, nec de ea ad examen suum per testes aut aliter deducere. Hac ratione fulciunt se Doctores, nominatim Durandus, ponentes præceptum non posse imponi per Prælatos aut Principes super actibus intrinsicis & occultis; quia videlicet illos traducere nequirent ad forum iudicii sui, quod non nisi publicum est & de manifestis.

Corollario quarto, Omisso, inquit, Horarum Canonicarum, transgressio juniorum Ecclesiasticorum & generaliter omnium Statutorum, & Regularum, & Canonum, nunquam est mortale peccatum; nisi pro quanto divina legis præceptiva dissonans invenitur. Et ita quantum lex aliqua habet admixtum de lege divina præceptiva tantumdem & non amplius est ejus transgressio mortaliter vitiosa. Ubi dilerte docet Gerfonius leges humanas quatenus humanas non obligare sub pœna peccati mortalis.

Addit Coroll. 3. ubi insurgit in eos, qui per novas leges durius faciunt Christi jugum: Non enim, inquit, plus habent in potestate Prælati Ecclesiæ ligare subditos ad aliqua, quæ non sunt tradita in Regulæ Evangelicæ professæ ab omnibus Christianis, quam habent Abbates super religiosis suis ad obligandum

eos præter regularem professionem suam, de quibus tamen est sententia Sancti Thomæ, & aliorum Doctorum concorditer, quod non potest Abbas Monacho præcipere aliud quam in Regula sua professus fuerit.

Denique in sexta lectione versus finem monet Pastores in Scripturis præceptum esse, ut verbo Dei nihil quicquam addant aut minuant. Verum in cæteris, inquit, quæ Christi lege nequaquam firmata sunt, quæ præterea magis ad civilitatem hujus vite proficiunt, stantque ipsi quæ statuenda utiliter agnoverint; ita quod statuta hæc in quantum sua sunt haberi velint quasi monita & sacilia, quorum infirmi transgressores temporali non æterna multatione plendi sunt. Cæterum paralogizant quæ sic argumentantur. Non est potestas nisi a Deo, & quicquid præcipimus, vice Dei præcipimus; quicquid jubemus in terris, illud approbat Deus in cælis. Omnia igitur præcepta nostra divina sunt & paria ad Evangelium auctoritatis. Plane sic concluderet quicumque Princeps, etiam Paganus, seipsum habere auctoritatem æternæ vite & mortis. Sic concluderet omnis Licentiatius in Theologia & Decretis se habere potestatem interpretandi sacram Scripturam & Jura non solum scholasticæ, sed & doctrinalitæ, sed Apostolica auctoritate. Hætenus Gersonius, ex quibus verbis in forma syllogistica, ut videlicet ejus mentem melius assequamur, sic colligi potest argumentum. Ille existimavit leges humanas non obligare in conscientia sub poena peccati mortalis; qui expresse in quodam disputat, qui dicebant leges humanas, hoc est summorum Pontificum Constitutiones, Conciliorum Canones, Ecclesiarum Statuta, & Principum Edicta nonnunquam, si prætereantur, ad æternæ mortis interitum homines adducere: atqui ita se habet Gersonius citata superius lectione secunda in proœmio; igitur.

Tom. V.

Dist. min. Docet Gersonius leges humanas non posse, si prætereantur, quemquam ad interitum mortis æternæ perducere; hoc intellecto de legibus humanis quatenus humanæ sunt præcise, & nullam cum lege divina habent necessitudinem, C. de legibus humanis quæ aliquam cum lege divina habent affinitatem; N. & subdistinguo, hoc intellecto de quibusdam legibus humanis, C. de omnibus & singulis, N. iterum subdistinguo, docet ejusmodi leges non obligare, hoc est, eandem vim obligandi non habere ac leges divinas, C. ullo plane modo obligare conscientias, & citra ullum peccandi periculum infringi posse, N. Tria sunt in hac responsione, quæ, si verissima sint, ut puto, dubio procul Gersonii doctrinam ab omni erroris suspitione puram atque immunem faciunt.

Scilicet toto in hoc Tractatu de vita spirituali, non semel quidem affirmat leges humanas neminem ad interitum mortis æternæ adducere, neminem sub poena peccati obligare; sed loquitur de legibus humanis, quatenus humanæ sunt præcise, nullamque cum lege divina habent affinitatem. Et quoniam nunc aliquis colliget non idcirco ab omni errore purum esse Gersonium, quia salum & erroneum est asserere, leges humanas non obligare in conscientia, quando a lege divina non manant, & aliquid præcipiunt quod lege divina non fuit præscriptum; diximus hoc affirmare Gersonium de quibusdam solummodo legibus, non de omnibus & singulis. Ad cuius rei majorem elucidationem, utque plenius Cancellarii fides vindicaretur, addidimus eo sensu illum contendere ejusmodi leges humanas non obligare conscientiam, quod vim eandem stringendi non habeant, qualem omnes agnoscunt in lege divina: quæ quidem tria abunde constant ex iis quæ leguntur in eodem tractatu de vita spirituali, ut eorum fusiori explicatione patebit.

M m

Ac

Ac primo loquitur Gerfonius de legibus humanis quatenus humane sunt, quando affirmat illas non obligare in toto interiori, idque centies repetit in toto Tractatu. Lectione 4. Coroll. 5. adducto exemplo eorum qui præcepta Medicorum non sequuntur : *Non prorsus dissimiliter est in proposito . Quamvis enim leges humana & civiles (ut tales sunt) sunt solum pro ordinatione politia humana , Ecclesiastica vel civilis in eis qua corpus respiciunt , & ita solum merentur punitionem temporalem violatores earundem , & observatores premio temporali donantur . Nihilominus ex consequenti & mutua colligatione ac mixtionis quam ad leges divinas habent , resultat crimen faciens reos aeterna damnationis ipsos contemptores , ubi loquitur de legibus humanis & civilibus , ut tales sunt .*

Corollario X. Addimus adhuc , inquit , quod nulla traditio , vel regula , vel lex , vel determinatio puri hominis qui in talibus fallere potest & fallit , obligat , (ut præcise talis est) subditos ad credendum eam tanquam veritatem fidei aut divinam legem . & postea . Volumus tamen , inquit , ut noceatur vigilantius modus loquendi noster de traditionibus hominum (ut talium præcise sunt) qui fallere in illis & falli possunt .

Idem paulo ante dixerat Corollario primo ejusdem lectionis : Nulla , inquit , transgressio legis naturalis aut humane (ut naturalis est vel humana) est de facto peccatum mortale Addimus præterea (ut naturalis est vel humana) quia eadem lex talis sæpe communicat cum divina , patet Corollarium ex præmissis . Et ex alio , quia lex naturalis & humana (ut tales sunt) non possunt attingere ad cognitionem eternitatis , &c .

Ex quibus abunde , ut puto , efficitur Gerfonium , quando statuit hoc in Tractatu leges humanas non obligare in conscientia , verba facere de legibus humanis quatenus humane sunt , &

nulla cum lege divina habent affinitatem .

Unum tamen , ut cordate fatear quod res est , præsentī loco non levem faciscit difficultatem , quid nimirum intelligat Gerfonius per leges humanas quatenus humanas , leges humanas qua cum lege divina nullam habent affinitatem , leges humanas qua præcise humane sunt , leges humanas qua a lege divina neutiquam derivantur . Hæc siquidem & similes locutiones apud Gerfonium non videntur certum & determinatum habere sensum ; unde statim colligitur certo sciri non posse , quoniam sensu voluerit leges humanas conscientiam obligare non posse . Scilicet aliquando leges humanas quatenus humanas intelligit eas leges , quæ a divina lege nequidem remote proficiuntur ; quo fit ut omnes leges iustas seu a Principibus secularibus , seu ab Ecclesiæ Prælatīs factas putet esse divinas , quia sunt a Deo , a quo omnis potestas , inquit Apollolus , aut saltem earum obligationem esse a Deo , quamquam lex ipsa non sit divina , sic loquitur lect. 1. Coroll. 5. Non ideo dicitur , inquit , aliqua lex appropriate vel pure de iure divino , quia ad illam obligat Deus . Facilis est declaratio , quoniam sicut nihil fit absque Deo causante , & nihil est verum absque prima veritate , nam omnis sapientia a Domino Deo est cur non similiter poterit esse obligatio aliqua a Deo qua non ob hoc appropriate spectabit ad legem divinam ?

Contra vero aliquando & sæpius docet legem dici posse humanam & quidem pure humanam , quantumvis hoc pactō ex divina eruatur : ita Corollario quarto lectionis secundæ , Lex aliqua , inquit , non ideo dicitur divina appropriate , quia ex principiis juris divini deducitur . Primo quia sicut omne verum omni vero consonat , sic omnis lex quantumcumque positiva & humana consonat divina legi , immo ex ea deducitur saltem

tam a Deo & Beatis. Amplius nulla est lex qua non innitatur principiis istis, Deo jubenti obediendum est, auctoritatis a Deo parendum est, superioribus suis in eo quod superiores sunt non est inobediendum; & ita nulla esset lex pure humana contra id quod veritas habet & usus communis.

Demum aliquando leges censet humanas ab earum materia, quando nempe versantur circa meram politiam civilem, circa res mere seculares; quandoque vero ab earum fine, ut cum finem non habent supernaturalem, ad vitam scilicet æternam neutiquam ordinatæ. Unde Coroll. 3. ejusdem lectionis satis superque testificatur se sub variis respectibus leges denominare humanas, Sequitur, inquit, ex precedentibus consummis quibusdam veris, quod eadem lex dici potest de jure divino & naturali & humano seu positivo, sed alia & alia ratione respectu diversorum.

Ubi paulo post tanquam accuratam legis humanæ definitionem, istam profert his verbis: *Lex humana sive positiva præceptiva pure & appropriate describitur, quod est signum verum humana traditione & auctoritate immediate constitutum, aut quod non infertur necessaria deductione ex lege divina & naturali ligens ad aliquid agendum vel non agendum pro consecratione finis alicujus humani.* Ex qua definitione quam ibi ponit Gersonius tanquam fundamentum eorum quæ postea dicturus est, sincere fateor colligi posse leges humanas ab eo accipi pro illis legibus, quæ sola hominum auctoritate constituuntur in rebus a Deo nunquam præscriptis; adeoque illum existimasse leges humanas non obligare in conscientia, sumendo leges humanas pro illis legibus, quæ ab hominibus feruntur in materia a Deo minime præcepta.

Verum quia in errore propterea lapsus videretur Gersonius, quandoquidem communis super ista re omnium Theo-

logorum doctrina est, leges humanas obligare conscientiam & sub poena peccati, etiam quando per illas aliquid præscribitur, quod non fuit lege divina constitutum; diximus insuper in nostra responsione id solummodo affirmasse Gersonium de quibusdam legibus, non autem de omnibus & singulis, quod secundum est nostræ responsionis caput.

Id porro manifeste liquet ex multis ejusdem Gersonii testimoniis: in primo lectionis secundæ jam citato sic loquitur, *Fuit amplius de levi iugo Christi & lege libertatis jugum ferreum, & onus grave premens services Christianorum, dum scilicet aliqui suas (omnes) leges, suas institutiones, suas regulas & statuta arbitrari volumus accipiendas esse, sicut præcepta legis Dei ad æterna mortis interitum, si prætereantur, mergentia.* Ubi Gersonius in eos solum insurgit, qui leges humanas omnes, nulla excepta, contendebant sub poena peccati obligare; unde addit verbis immediate sequentibus: *Has vero traditiones hominum quis cunctas dinumeret in Canonibus summorum Pontificum, in Constitutionibus Synodalibus Provinciarum, aut Diocesum, Religionum Regulis, in Universitatibus, Collegiorum, & Ecclesiasticarum Status, in Edictis Imperatorum & Principum, in plebiscitis Communitatum, &c.* Quis vero dixerit omnia & singula illorum Superiorum Statuta, quæcumque tandem sint, & in quacunque materia edantur, conscientias hominum ligare?

Idem habet Corollario tertio, *Circa quod deducitur ulterius, inquit, quod non (omnes) Canones summorum Pontificum, vel Decreta sunt de lege divina. Patet hoc ex radice præmissa, quamvis alie non desint inferius assignanda. Sunt itaque (plures) ejusmodi Canones ad politicam solum conversationem accommodati.* Cum porro dicit Gersonius plures esse Constitutiones humanas, quæ mere politicæ sunt, aperte fatetur non-

nonnullas esse que in foro interiori obligant.

Scilicet nemo ignorare potest Cancellarium nostrum, quando tam obfirmate contendit leges humanas non obligare conscientiam, in id potissimum incubuisse, ut illis resisteret legislatoribus qui sua passim auctoritate abutuntur, quando leges condunt; sic enim, v.g. loquitur lect. 4. Coroll. 4. Idcirco præterea legislatores Ecclesiastici & civiles plerumque (sua potestate & auctoritate noscuntur abuti) præsertim Ecclesiastici illi qui quicquid ordinant, quicquid monent, quicquid præcipiunt, volunt pro divinis legibus haberi, par, æquale quoque robur habere per interminationem damnationis æternæ. Neque tamen accusaverim omnes legislatores, taliter & talia loquentes.

Et Coroll. X. Quamobrem, inquit, dicimus pro regula quantum & qualiter licet dubitare de potestate alicujus propter defectum debite electionis sue (aut abusum sue auctoritatis) tantumdem & aliter licet dubitare, de obligatione traditionum suarum; ut sua sunt præse. Unde sequitur mentem Gersonii non ita demum accipi debere, quasi voluerit nullas plane leges humanas obligare conscientiam.

Denique, quod tertium est nostre responsionis caput, dicimus eo sensu tantum voluisse Gersonium leges humanas non obligare sub pœna peccati, quod vim eandem obligandi non habeant ac leges divinæ; quam sententiam quæ multorum tunc temporis fuit, ubique hic fortiter impugnat, lect. 2. in proœmio: Deum scilicet, inquit, suas omnes leges, suas institutiones, suas regulas & statuta arbitrari volunt accipiendas esse (sicut præcepta legis Dei) ad æternæ mortis interitum, &c.

Quod idem habet vel expressius lect. Coroll. 4. mox citato: Volunt, inquit, pro divinis legibus haberi, par, æquale quoque robur habere per interminationem damnationis æternæ, Tum vero Coroll. X.

Veritates omnes, inquit, universales in quibus fundatur legislatorum hominum potestas, sonantes quod (parum habent auctoritatem traditiones sue cum lege divina) & qui eas spernit, Deum spernit & Deo resistit, necessario debent intelligi, si & quando potestate sua non abutuntur. Denique Coroll. 11. ait fatuum esse traditiones Ecclesiasticas & humanas pro lege pure divina suscipere. Et iterum sub finem Tractatus: Ceterum paralogizant qui sic argumentantur, non est potestas nisi a Deo, & quicquid præcipimus, vice Dei præcipimus; quicquid jubemus in terris, illud approbat Deus in Cælis. Omnia igitur præcepta nostra divina sunt & paris ad Evangelium auctoritatis. Quæ quoniam millies repetit Gersonius, satis aperte significat hoc solum sibi propositum esse, mentem quorundam impugnare, qui legibus humanis parem auctoritatem ac divinis ascribere non dubitabant.

Quod autem Gersonius, cum docuit leges humanas non obligare conscientiam & in foro interiori, locutus fuerit vel de legibus humanis quatenus humane sunt præcise; vel de quibusdam tantum legibus, non de omnibus & singulis, vel demum eo sensu quod par non habeant pondus ac leges divinæ, quod quidem ex omni parte maxime catholicum est; ita ut hæc ejus opinio tandem redeat ad quæstionem pure metaphysicam; ex eo insuper & quidem invicte ostenditur, quod non semel manifeste declaretur in toto hoc atque integro Tractu, inesse hominibus legitimam condendi leges auctoritatem, nec posse quemquam illa infringere sine peccato, sic illud explicat, v.g. lect. 4. Coroll. 5. Ex hoc quod aliquis peccatos mortaliter transgrediendo Constitutiones aliquas humanarum traditionum, non sufficienter concluditur quod illa Constitutiones obligent ad mortale delictum. Declaramus istud argumentantes a simili vel minori. Sit aliquis petrus Medicus ordi-

natus

natus pro Republica, dicat ille Petro, Do tibi legem pro tua sanitate, quam si transgressus fueris, statim dissolvetur corpus tuum, quod eam conservando convalescet; non bibas vinum purum hoc triduo. Nullus nescit quod Medicus ut Medicus caret facultate condendi leges obligantes ad peccatum mortale, & tamen in casu transgressor hujus legis sue damnationem incurret.... Non propterea dissimiliter est in proposito; quamvis enim leges humanae & civiles ut sales sunt, sint solum pro ordinatione politica, humana, Ecclesiastica vel civilis in eis quae corpus respiciunt, & ita solum merentur punitionem temporalem violatores earumdem, & observatores praemio temporali donantur. Nihilominus ex consequenti & mutua colligatione ac mixtione quam ad leges divinas habent, resultat crimen faciens reos aeterna damnationis ipsos contemptores.

Et Coroll. 11. Traditiones Ecclesiasticas & humanas inquit, sicut satum esset omnes pro lege pure divina suspicere, ita nihil in omnibus velle de divinis legibus agnoscere nequaquam scandalosa temeritate vacaret. Potro leges humanas, quae cum divinis aliquam habent affinitatem, obligare conscientiam & sub poena peccati constans fuit Gersonii doctrina; proindeque censuit quoddam leges humanas obligare conscientiam & in foro interiori.

Denique lectione sexta sub finem sic differt: Pralati & Principes, inquit, habent auctoritatem a Deo regendi populum suum per leges & instituta ultra leges divinas inspirata, non quod leges suas & institutiones censenda sint divinae, sed recipiendae sunt ut salutaria monita, nec leviter contemnenda. Alioquin transgressio poenam habet non quamlibet, sed qualem possibile fuitque est homines instigare. Propterea concludimus majorem deberi obedientiam Pralatis & Principibus in eis in quibus sunt solum velut praecones & munici, quam in illis qua suo

relicta sunt arbitrio stituenda. Ubi duo scribit Gersonius notatu digna: 1. Pralatos & Principes a Deo potestatem accepisse leges condendi ultra leges divinas: 2. Obedientiam illis deberi, etiam in iis quae pro nutu & arbitrio decernunt.

Ex quibus manifeste perspicuum fit, quam longe lateque ab Haereticis differat Gersonius; siquidem illi aperte profitentur nullam legem obligare in foro conscientiae; nisi sit prorsus divina, ut ait Calvinus; quo quidem fulti principio jejunium quadragesimale, & quamcunque aliam a carnibus abstinentiam, vota monastica, vitam coelibem, aliasque humanas constitutiones respuunt; quod ne cogitavit quidem Gersonius, qui leges humanas, de quibus loquitur, ad eas tantum revocare videtur quae ad externam politiam attinent, quales sunt leges de ferenda excommunicatione, ut videre est in lectione quarta, Corollario septimo, ubi loquens de constitutionibus Pralatorum sic habet: Ne vel obstricti praeceptis Dei propter multitudinem onerosam juxta improprium Christi factum Phariseis, vel ne credantur ligare ad poenam aeternam, ubi poena civilis sola reperitur. Doctrina hac praecipue locum habet in materia excommunicationum latae sententiae.

Instabis: Isdem fere ratiociniis, iisdemque Scripturae locis utitur Gersonius ad astringendam suam opinionem, quae postea usurparunt Haeretici, qui ejus vestigia hac in parte calcare videntur, ut constat ex praefatis ejus verbis; ergo revera confundi merito potest cum Haereticis.

Dist. ant. Isdem utitur momentis ut ostendat omnes & quascunque leges humanas & civiles, ad externam politiam pertinentes non obligare sub poena peccati mortalis, C. ut ostendat nullas plane leges humanas obligare conscientiam, quod quidem demonstrandum in se vehementer suscepit Calvinus, N. id

N. id satis superque ex dictis intelligitur.

Instabis: Lect. 3. Coroll. 2. docet universim Gersonius leges humanas prout a divinis distinguuntur, non ordinari ad finem supernaturalem, sed duntaxat politicum & externum: atqui leges quæ non ordinantur ad finem supernaturalem, non obligant in foro interiori; ergo.

Dist. maj. Docet Gersonius leges humanas non ordinari ad finem supernaturalem; hoc intellecto de quibusdam legibus finem temporalem habentibus; quæve ad externam politicam tantum pertineant, C. hoc intellecto de omnibus & singulis legibus humanis, quales sunt leges de jejuniis quadragesimali, de cælibatu Sacerdotum, & aliis ejusmodi, N. solutio patet ex dictis.

Instabis iterum. Lect. 4. in præmio dedita opera probat solum Deum posse leges condere sub pœna peccati, quia sicut solus habet potestatem infundendi gratiam, ita solus potest illam eripere, quia solus habet claves vitæ & mortis æternæ; ergo censuit nullam plane legem humanam posse obligare sub pœna peccati, ut ipse his verbis disertissimis affirmat, *ista vero concludunt, quod solus potest dare præcepta affirmativa aut negativa sub pœna mortis æternæ.*

Dist. conf. Censuit nullam plane legem humanam obligare sub pœna peccati, verba faciens de lege humana quatenus humana est, C. quatenus a lege divina proficiscitur & cum ea aliquam habet necessitudinem, N. eum itaque hæc duo distinxerit Gersonius in eadem lege quam spectabat ut humanam & ut divinam, ut abunde constat ex dictis; mirum profecto nemini videri debet, si dicat solum Deum posse sub pœnam damnationis æternæ leges præscribere; siquidem leges humanæ eatenus sub illa pœna, quæ omnium gravissima est, conscientiam stringere possunt, quatenus auctoritate a Deo

concessa instituuntur, consule quæ superius citata sunt ex Coroll. 1. ejusdem lect. 4.

Instabis: Ait Coroll. 13. Prælatos plus non habere potestatis ad ligandos subditos in iis quæ non sunt tradita in Evangelio, quam Abbates super Religiosis suis ad obligandum eos præter regularem professionem suam: atqui non potest Abbas aliud Monacho præcipere quam quod in Regula sua professus fuerit, ut docet S. Thomas cum aliis Doctoribus, inquit Gersonius; ergo.

Dist. maj. potestatis quæ possint nempe innumeras leges ad nutum & pro arbitrio condere, plus æquo durius facientes jugum Christi, C. quæ possint leges ullas ferre quæ conscientiam ligent, N. Patet ista responsio, tum ex eo quod, ut vidimus^{supra}, plerumque docet Gersonius alias leges humanas obligare sub pœna peccati mortalis; tum quia non semel insurgit in eos qui leges humanas numero prope infinitas vellent subditis imponere, quod unum hic videtur esse ejus propositum; observat enim jam magnam partem eorum, quæ statuerunt ipsa Concilia generalia, non servari: *Nam, inquit, & in primo vigore Ecclesiastica disciplina multa severo rigore statuta sunt, quæ modo defluentibus in pejora moribus non solum inutilem, sed impossibilem haberent executionem.* Quibus adde non omnino constare Abbatem aliud Monachis præcipere non posse, quam quod in Regula sua professus fuerint, unde nullum est momentum quod ex ista comparatione petitur; aut sane accipi debet in præsumtum sensum; ita ut Prælati non possint in Ecclesia pro nutu & arbitrio quascunque leges condere, quæ cum lege divina nullam habeant affinitatem; quemadmodum Abbates non possunt varia ad arbitrium statuta suis Religiosis præscribere, quæ nimirum cum eorum regulari professione nullam habeant necessitudinem.

In-

Inflabis denique : Coroll. 3. ejusdem sectionis comparationem repetit Gersonius ex Medico, atque constitutiones humanas non aliter obligare conscientiam, quam præcepta Medicorum, sed nullis nescit, inquit, quod Medicus ut Medicus caret facultate condendi leges obligantes ad peccatum mortale; igitur nec ab hominibus ferri possunt leges quæ obligent sub pœna peccati mortalis.

Dist. maj. Ait constitutiones humanas non aliter obligare conscientiam quam monita Medicorum, quatenus nempe sunt humanæ præcise, C. simpliciter loquendo; quasi sine peccato contemni possint vel etiam infringi; N. hæc solutio jam a nobis superius exposita est; id vero unum certissimum est Gersonium eo loci verba facere de legibus humanis quatenus humanæ sunt, quemadmodum etiam loquitur de Medico ut Medicus est, qui licet careat facultate condendi leges obligantes ad peccatum mortale; efficit tamen ut transgressor hujus legis suæ damnationem incurrat, atque ut legitur Coroll. 8. ejus consilio, loquitur de Medico, aliquando parere debemus sub pœna peccati mortalis, dum ex transgressione sui consilii, vel scimus, vel probabiliter & vehementer credimus nos transgressuros legem Dei. Unde sequitur ne vel minimam erroris suspicionem occurrere in hæc Gersonii doctrina; perinde est enim quod leges humanæ dicantur obligare quatenus humanæ sunt, vel quatenus aliquam cum lege divina habent affinitatem; modo ita censentur obligare, ut earum transgressores æternam damnationem incurrant, quod frequenter affirmat Gersonius & præsentī quidem loco disertissime his verbis: *Nihilominus ex consequenti & mutua colligatione ac mixtione quam ad leges divinas habent, resultat crimen faciens reos æterna damnationis ipsos compromittentes.*

Utrum leges pœnales obligent conscientiam.

ALiter proponitur quæstio, an dentur leges pure pœnales.

Lex pœnalis est ea quæ transgressoribus aliquam statuit temporalem pœnam. Sunt autem aliz quæ dicuntur pœnales, aliz vero quæ appellantur pure pœnales. Quæ pœnales sunt, in verbis exprimunt voluntatem præceptivam legislatoris, & præterea pœnam decernunt transgressoribus, ut si edicat Princeps, *Nemo noctu ferat arma, qui vero tulerit, solvet decem nummos.* Quæ autem leges pure pœnales sunt, expressis verbis nec rem præcipiunt, nec prohibent, sed solummodo pœnam statuunt, ut si quis legem ferat hoc pacto: *Qui noctu arma tulerit, solvet decem nummos.*

Certum est legem pœnalem, uti & alias minime pœnales obligare conscientiam, id, inquam, certum est apud Catholicos omnes qui fatentur leges humanas in universum conscientias ligare, ut præcedenti disputatione ostendimus; neque enim lex a legislatore legitime lata conscientiam minus obligat, quando pœnam aliquam temporalem decernit, quam si nullam decerneret.

Sed difficultas est, an, quando legislator legem humanam statuit pure pœnalem, id est, in cujus formula non ponitur expresse verbum præceptivum vel prohibitivum, sed tantum sit comminatio pœnæ temporalis, ejusmodi lex conscientiam obliget, vel solum teneatur transgressor pœnam temporalem lege statutam solvere; quo quidem posito daretur lex pure pœnalis, quod ita sentiunt multi Theologi, quibuscum contrarium opinantibus.

CON-

CONCLUSIO.

Sunt quædam leges pure pœnales, quæ in foro interiori conscientiam non obligant.

Et ratio est: 1. quia si in materia plane indifferenti, quæ nec lege naturali, nec lege divina præcipitur, potest legislator legem ferre vel non ferre; non video cur non possit ejusmodi legem statuere sub hac vel illa pœna; adeoque solam pœnam temporalem apponere.

Secundo, quia mentem legislatoris fuisse hac sua lege non obligari conscientiam, plerumque patet ex circumstantiis; seu, v. g. quando lex pœnam temporalem nonnisi levissimam statuit, signum est enim nullam tunc esse obligationem culpæ; seu quando nihil est in lege quod vel ad minimum insinuet conscientiam & culpam, tunc enim legem benigne interpretari debemus, eo quod favores sunt ampliandi, odia restringenda.

Tertio, quia falsum est, quod pœnæ contrariæ sententiæ assertores, hujusmodi pœnam quæ per legem statuitur, nonnisi propter culpam præsumptam infligi; ea etenim decernitur propter simplicem transgressionem legis, quia videlicet ita expedit bono Reipublicæ, & quia non est alia legislatoris hac in parte supremi Domini mens atque voluntas; unde istud legimus in regula 23. de Regulis Juris in 6. *sine culpa, nisi subsit causa, non est aliquis puniendus*.

Quocirca idipsum docet S. Thomas 2. 2. quæst. 186. art. 9. ad 1. *In aliqua Religione, inquit, scilicet Ordinis Fratrum Prædicatorum, transgressio talis vel omisso ex suo genere non obligat ad culpam neque mortalem neque venialem, sed solum ad pœnam taxatam sustinendam, quia per hunc modum ad talia observanda obligantur, tamen possent ve-*

nialiter vel mortaliter peccare ex negligentia vel libidine seu contemptu.

Ex ista porro doctrina minime consequi volumus leges vestigialium quæ plerumque sunt pure pœnales in foro interiori conscientias subditorum non obligare; ejusmodi enim leges rem statuunt lege naturali & divina debitam, qua nempe tenentur subditi ad regiam Principum dignitatem sustentandam necessaria suppeditare.

Quærès, an gravis pœna, quæ legem aliquam humanam infringentibus decernitur, qualis, v. g. incarcerationis, alicujus membri mutilatio, vel mors ipsa sit indicium sufficiens gravis culpæ in transgressione.

Respondet ita esse, & meo quidem judicio, similes pœnas gravissimas statui non posse, nisi ob gravem culpam; postulat enim legis æquitas, ut pœna æqualiter respondeat culpæ; unde, cum agitur de legibus Ecclesiasticis, ex pœna excommunicationis majoris; quæ inter spirituales gravissima est, inferitur culpam mortalem admissam fuisse, eandem itaque colligere debemus ex pœna gravi temporali, si justa nimirum lata sit lex.

Utrum lex humana obliget etiam cum vitæ periculo.

Leges humanas obligare ad sui observationem cum vitæ periculo docent multi Theologi, quos inter primas tenet Cajetanus qui oppositam sententiam putavit erroneam haberi posse; hisce exemplis id confirmant nonnulli: 1. Quia, inquit, sine veste sacra, & sine aliis jure humano requisitis nullus potest Missam celebrare etiam cum periculo vitæ; 2. Quia nullus posset nequidem metu mortis contrahere matrimonium cum consanguinea in gradibus prohibitis sola humana lege; 3. Quia Parochus jubente Episcopo manere debet in sua Parochia tempore pestis,

stis, sicut & jussu Ducis miles in statione sua cum manifesto vitæ discrimine; 4. Addunt Constitutionem Carthusianorum non vescendi carnibus, quæ nimirum ab ægrotis observari debet.

Alii contendunt legem humanam non obligare cum vitæ periculo, quia videlicet lex positiva humana minus obligat quam naturalis, quæ tenetur quivis propriam vitam conservare.

Nos vero mediam inter utrumque extremum ineuntes, dicimus quasdam esse leges humanas cum vitæ periculo obligantes, neque tamen omnes & quæcunque leges; immo paucissimas & raro admodum sic obligare: atque ut certo judicari possit quænam humana lex sub illa pœna obliget conscientiam, quæve non obliget; existimamus hanc regulam præ oculis habendam, ac videlicet id quod lege præcipitur ita cadat in utilitatem publicam, ut majus bonum sit observare legem quam servare propriam vitam; tunc enim dicimus legem obligare cum vitæ periculo, secus autem si non major sit Reipublicæ utilitas quæ ex legis observatione nascitur; ita passim ratiocinantur plerique Thomistæ, Gabriel, Ochamus, Sotus, Vasquez, & alii contra Cajetanum.

Quamobrem Parochus tempore pestis tenetur in sua Parochia commorari cum manifesto vitæ suæ periculo; tum & in bello Dux ita præcipere potest militi excubias agere, vel stationem suam in certo loco tenere, ut neque propter evidens mortis periculum illam deserre possit; quia nempe id non postulat commune Reipublicæ bonum, in privato anteponi debet.

Atque hinc contra leges de abstinentia carniæ, de jejuniis & aliæ id genus, non obligant conscientiam cum vitæ periculo, propter rationem oppositam, quia nempe id non postulat commune Reipublicæ bonum, in pu-

Tom. V.

blica commoda neutiquam peccat qui frangit jejunium, vel tempore Quadragesimæ carnes manducat. Porro cum dicimus ob mortis periculum infringi posse legem aut prætermitti, non affirmamus peccatum committi posse ad vitandam scilicet mortem, quasi lex semper maneat, vimque suam obligandi retineat; sed dicimus tunc cessare legem & in eo casu vim obligandi non habere.

Quæres, an Constitutio Carthusianorum de abstinentia ab esu carniæ etiam in articulo mortis obliget: his verbis concepta est, *Quia secundum sanctissimam nostri Ordinis consuetudinem a sanctis Patribus nostris introductam, omnem esum carniæ & omnium quæcunque ex carnibus quomodolibet constent, sive per modum cibi, sive per modum positionis aut sorbitionis sumuntur, a nostro proposito abjecimus; statuimus ut quicumque nostri Ordinis professus hujus tam laudabilis institutionis transgressor extiterit, carnes videlicet comedendo, seu alicui personæ Ordinis ministrando, aut comedentibus vel ministrantibus consentiendo, vel non prohibendo, cum potuerit prohibere, vel qui intra domus sue clausuram quibuscunque personis carnes ministraverit, seu ab aliis permiserit ministrari nec prohibuerit, prohibere cum valebit, si Prior, vel Vicarius aut Procurator hoc fecerit ipso facto tanquam ipsius sue professionis calumniator & transgressor obedientiam perdat, & vocibus ac locis debitis, & ceteris obedientiis Ordinis careat in æternum.*

Respondent nonnulli Carthusiano in periculo mortis ob ægritudinem constituto licitum esse, immo necessarium publice abstinere a carnibus propter scandalum inde venturum, ut putant, quod alii Carthusiani occasione ex eo sumerent aut legem violandi, aut in ea frequentius dispensandi: ita Gersonius in Tract. de abstinentia Carthusianorum qui habetur Alphab. 39. Jo-

N n

annes

annes Major in 4. dist. 38. quest. 24. concl. 5. & Adrianus quodlib. 1. art. 3.

Respondent alii, non modo publice, cum timeretur scandalum aliorum, sed cessante quovis scandalo tam publice quam secreto debere Carthusianum a carnibus vel a cibo ex carnibus condito abstinere, etiamsi ea ratione speret se ex mortis periculo evasurum; ita doctissimus Vasquez in 1. 2. disput. 162. cap. 4. ubi testatur hac in parte se nulla alia auctoritate majori nixum quam sanctissima & antiquissima hujus religiosi instituti consuetudine.

Verum existimo longe probabiliorem esse eorum sententiam, qui dicunt non solum posse Carthusianum & alium quemcunque Religiosum in ægrotudine constitutum, sed etiam debere vesci carnibus, si judicio Medicorum sine illis ab ægrotudine liberari non possit: quæ sententia est Martini de Magistris q. 3. de abstinentia; Joannis Medinæ cap. de jejunio, quest. ultima; Almaini in 4. disp. 15. qu. 2.

Et ratio est quia, ut in superiori disputatione diximus, hæc certa est & indubitata regula qua judicari possit an leges humanæ obligent conscientiam cum evidenti mortis periculo, si nempe id quod lege præcipitur, negligi vel omitti non possit sine gravissimo Reipublicæ detrimento; tunc enim dici debet, ut docuimus, legem obligare etiam cum periculo mortis. Quam quidem regulam præ oculis semper habendam esse monet ipse Vasquez disput. 161. cap. 2. qui proinde sibi hac in parte minus constare videtur: atqui, licet in gravissimo mortis periculo carnes edat aut juseculum sorbeat Carthusianus, nullum inde Reipublicæ detrimentum asferitur; immo nullum erga alios Carthusianos emergit scandalum, quod saltem legitima ex causa nascatur; ergo Carthusianorum constitutio non obligat, immo non expedit, ubi instat mortis periculum.

Præterea jure naturæ unicuique præceptum est vitam suam servare, ita ut non modo ab omni recta ratione alienum sit mortem sibi asciscere, vel vitæ suæ non consulere, sed & istud præter omnem humanum sensum, quod natura ipsa abhorret, longe positum sit: sed nulla lex humana aut etiam votum obligare potest contra legem naturalem, quæ nunquam in cordibus hominum obliterari potest, nisi & ratio ipsa deleatur; ergo in præfatis circumstantiis non licet Carthusiano abstinere a carnibus.

His accedit fateri Gersonium, Joannem Majorem & Vasquezium in eo casu non posse Carthusianum a carnibus abstinere, in quo alii cibi non abstinent quibus vesci posset, quia, inquit, præter omnem humanam rationem est tale genus abstinentiæ quod quis cogatur fame perire; tunc enim nulla videretur causa justa & honesta talis abstinentiæ: atqui ex iisdem principiis manifeste colligitur nec licere Carthusiano a carnibus abstinere, movente Medico ægrotum non posse alio remedio vitam tueri quam carnibus; idem est enim ac si volens fame periret, gladio se ipsum interficeret, &c. juxta triptum illud S. Ambrosii, *Non pavisti, occidisti*; igitur vesci carnibus licite possunt Cathusiani instante mortis periculo.

Atque idem & par omnino judicium ferri debet de nonnullis aliorum Religiosorum Constitutionibus, quas puto non obligare cum periculo vitæ, quoniam scilicet justa & publica causa nequam exposcit, ut adeo liberaliter vitam suam profundant. Narrat Vasquez apud Hispanias in usu positum fuisse, ut milites S. Jacobi, cum essent in ultimo vitæ articulo constituti, ex lecto extraherentur, & supra crucem ex cinere factam in pavimento morituri collocarentur. Id factum equidem laudo, si hoc sit solummodo insignie humilitatis

tis & poenitentiae exemplum, nec inde vitae salus pendeat; sed si hujusmodi vitae asperitas causa sit manifesta quemadmodum ex prudenti medicorum judicio colligi debet, ut vel moriatur simpliciter ille Religiosus, vel citius vitam agat, mihi sane non probatur.

An iusti & perfecti subiciantur legibus.

Hic quaestio non est de humana lege tantum, sed & de lege divina, cui similiter neminem iustum & perfectum proprie mancipatum docere videntur Haeretici nostri. Scilicet accusari solent a plerisque Catholicis, quod manifeste affirmant iustum fiduciam aut fide sua ita iustificari, ut a lege vere liberetur, ac proinde transgressione illius non amittat suam iustitiam, si in fiduciam quam semel habuit, perseveret.

Non me latet respondere Calvinistas id erroris sibi falso & maxima cum injuria impactum a Catholicis; ut colligitur ex Chamierio hujus sectae scriptore nobili, qui lib. 15. cap. 6. sic respondet Bellarmino: *Nos accusat, inquit, quasi docentes, nulli legi fideles subijci in conscientia & coram Deo, Christumque habere pro redemptore, non pro legislatore, Moysen cum suo Decalogo nihil ad eos pertinere. Sed ille sui semper est similis in nobis calumnia gravandis. At nos longe aliter & distinctius. Libertatem Christianam consideramus in usurpandis omittendisve rebus, quas distinguimus incertas & indifferentes.... Circa res necessarias, legemque adeo moralem constat ex praecedentibus immanem nobis fieri injuriam, cum dicimus ulli nos legi subditos negare coram Deo. Neque enim id de his veraciter dici potest qui profitentur sibi obedientiam legis divine esse necessariam; & quidem ita ut quicumque eam violat, peccati reus sit.*

An jure conqueratur Chamierus, ju-

dicari potest ex verbis Calvinique hujus controversiae materiam suppedierunt; sic loquitur lib. 3. Instit. cap. 19. n. 2. *Christiana libertas, inquit, in tribus partibus sita est. Prima ut fidelium conscientia, dum fiducia suae coram Deo justificationis quaerenda est, sese supra legem erigant, atque esserant, totamque legis iustitiam obliviscantur. Nam quum lex, ut alibi jam demonstratum est, neminem justum relinquit, aut ab omni spe justificationis excluditur, aut ab illa solvi nos oportet, ac sic quidem ut nulla prorsus operum ratio habeatur. Nam qui vel tantillum operum se asserere debere ad obtinendam iustitiam cogitat, non potest modum aut finem praefigere, sed debitorem universae legis se constituit. Sublata igitur legis mentione & omni operum cogitatione seposita, unam Dei misericordiam amplecti convenis, cum de justificatione agitur. Ubi Calvinus, meo quidem iudicio, revera non docet expresse Deum non posse ferre leges, quae iustum & perfectum hominem ligent, sed ita tamen de Christiana libertate & de negotio justificationis differit, ut ex illius doctrina manifeste sequatur nullam legis habendam esse rationem, sed ex solo Dei favore & fide, qua quis credit se esse iustificatum, pensitandam esse ejus iustitiam: unde citra calumniam dici potest docere Calvinistas nulla lege etiam divina obligari justos, hac nempe sua fiducia ab omni lege absolutos. Idem scripserat Lutherus in lib. de libertate Christiana, & in Epist. ad Galatas in argumento, & in cap. 2. & Sermon. de Moïse.*

His praeluserant Beguardi & Beguinæ qui videlicet non omnes quidem justos volebant a lege humana liberos, sed omnes perfectos, qui vel in hac vita, ut aiebant, ad statum quemdam beatitudinis pervenerant: id colligitur ex Clementina *Ad nostrum*, ubi eorum errores recensentur.

C O N C L U S I O .

Iusti & perfecti omnes, quandiu hanc mortalem vitam agunt, subjiuntur legi. Idque aperte & luculenter demonstrant ea omnia Scripturæ testimonia quæ superius adducta sunt, ut legum humanarum institutionem & obligandi vim ostenderemus; his enim momentis efficitur neminem tamen baptizatum, iustum, perfectum, immunem esse a lege; quandoquidem generaliter in universum loquitur Scriptura Matth. 28. *Datæ est mihi omnis potestas in celo & in terra; euntes ergo docete omnes gentes, baptizantes eos in nomine Patris & Filii & Spiritus Sancti, docentes eos servare omnia quæcunque mandavi vobis.* Joan. 15. *Si præcepta mea servaveritis, manebitis in dilectione mea, sicut & ego præcepta Patris mei servavi.* Ubi Christus Dominus alloquitur iustos. Ad Roman. 3. cap. (Omnis) anima potestatibus sublimioribus subdita sit, si omnis anima lege tenetur, profecto ab ea non eximuntur iusti & perfecti.

Atque per gratiam & fidem Christi neminem ab onere legis immunem, satis intelligitur ex istis Apostoli verbis ad Rom. 3. *Legem ergo destruimus per fidem? absit sed legem statuimus.* Scilicet dixerat Paulus non per legem, sed per fidem justificari homines; id autem sibi objicit, ergo legem destruimus per fidem, hoc est, jam necessaria non erit ulla lex, sed gratia; adeoque pacto destruitur virtus legis, & nemo legem observare tenebitur; Et respondet, *absit, sed legem statuimus;* quasi dicat, quia potius per fidem & gratiam dantur vires ad observandam legem, legem statuimus; unde sequitur nec iustos gratia & fide instructos ab observatione legis esse immunem.

Eleganter vero id olim scribebat S. Chrysostomus, homil. in c. 13. Epist. ad Romanos. *Omnis, inquit, potestati-*

*bus supereminentibus subdita sit, etiam si Apostolus sit, si Evangelista, si Prophe-
ta, si quisquis tandem fueris. Neque enim pietatem subvertit ista subditio; & non simpliciter dicit, obedas, sed subdita sit. Est autem prima hujus constitutionis iustitia, quæ & fidelibus cogitationibus satis decora est & honesta: nimirum quod a Deo ordinata sine ista, non enim est potestas nisi a Deo. Quæ plane eadem fuit aliorum Patrum doctrina, quorum loca paulo supra indicavimus.*

Idque semel aperte definivit Conc. Trident. Sess. 6. can. 19. his verbis: *Si quis dixerit nihil præceptum esse in Evangelio præter fidem, cetera esse indifferentia, neque præcepta, neque prohibita, sed libera, aut decem præcepta non pertinere ad Christianos, anathema sit.* & can. 20. *Si quis hominem iustificatum & quantumlibet perfectum dixerit non teneri ad observantiam mandatorum Dei & Ecclesie, sed tantum ad credendum, quasi vero Evangelium sit nuda & absoluta promissio, vite æternæ sine conditione observationis mandatorum, anathema sit.*

Obijciunt nonnulla Scripturæ loca, in quibus viri saltem iusti & perfecti videntur eximi a lege; ad Rom. c. 6. *Peccatum enim vobis non dominabitur; non enim sub lege estis, sed sub gratia.* ad Corinth. 3. *Ubi Spiritus Domini, ibi libertas.* Certum est autem Spiritum Domini in iustis esse, ad Galat. cap. 5. *Si Spiritu ducimini, non estis sub lege.* At iusti Spiritu Dei & gratia ducuntur, habent enim spiritum adoptionis. Denique verbis expressis ad Timoth. 1. *Iusto non est lex posita, sed iniustus;* ergo iusti non subjiuntur legi.

Respondeo nullius plane momenti esse hæc & similia Scripturæ testimonia, quæ ad astringendam libertatem Christianam congerere solent Calvinis-
tæ.

Ac primum quidem testimonium nullam omnino continet difficultatem; vel enim per illa verba, *Non estis*, intelligit Apostolus Christianos jam non esse sub lege Moysi, cum sola legis Moisaicae notitia, utpote qui vivunt sub Christi gratia, quia hoc nomine exhortatur Romanos ne propterea peccent amplius; ut multi interpretantur post S. Augustinum lib. de continentia cap. 3. vel legem eo loci usurpat Paulus pro dominio peccati, quasi dicat, peccatum jam dominari non debet super vos qui *non estis sub lege*, hoc est, qui non estis sub peccato, sed sub gratia iustificati per gratiam, in quem sensum legem frequenter accepimus passim in suis Epistolis.

In secundo testimonio nec vel unicum verbum est, quod leviter insinuet immunitatem iustorum a legibus; ibi enim libertas nihil aliud est quam amor iustitiae qui opponitur timori vindictae, ut scilicet sponte & libere legem impleamus ex amore virtutis, non ex formidine poenae, quae quidem interpretatio familiaris est S. Augustino, ut colligitur ex lib. de spiritu & littera c. 10. & lib. de natura & gratia cap. 57. aut si magis ad litteram hunc locum Pauli exponere animus sit, libertas ibi opponitur non obligationi legis, sed obscuritati & ignorantiae, qua veritas occultabatur in antiquo Testamento; confert enim Apostolus legem veterem cum nova, atque eo nomine novam veteri praestantiorē esse, quod illa nonnisi obscure & sub aliquo veluti velamine sensum quemdam litteralem, qui occidit, Judaeis praeberet, illa vero non per litteram, sed per spiritum gloriam Dei manifestet sine ullo velamine: quae quidem responsio cuius totum atque integrum hoc caput legenti perspicua est, vers. 6. sic habet: *Qui & idoneos nos fecit ministros novi Testamenti, non littera sed spiritu, littera enim occidit, spiritus autem vivificat.* & vers. 18.

Nos vero omnes revelata facie gloriam Domini speculantes, in eandem imaginem transformamur a claritate in claritatem tanquam a Domini spiritu.

Ad tertium ex cap. 5. Epist. ad Galat. petimus, respondeo his verbis: *Si spiritu ducimini, non estis sub lege*, non intelligere Apostolum eos qui spiritu gratiae ducuntur, legi non esse subiectos, sed solum eos sibi contrariam non habere legem, quia nempe iustus qui legem observat, legis onus non portat, & ita non est sub lege: quo sensu dixerat cap. 3. ejusdem Epistolae, *omnes qui sub lege sunt, sub maledictione sunt; scriptum est enim, Maledictus qui non permanferit in omnibus quae scripta sunt in libro legis.* est illa interpretatio S. Augustini Epist. 82. quae est ad S. Hieron. ubi sic habet: *Hos ergo damna-biliter dicit esse sub lege, quos reos facit lex non implentes legem, dum, non intelligendo gratiae beneficium, ad faciendam Dei praecepta, quasi de suis viribus superba relatione presumunt.*

Neque alius demum est sensus istius testimonii quod quarto loco obijciatur, *iusto non est lex posita*. Quasi nempe dixisset Apostolus, *Lex iustus nihil asperitatis habet*, non est onerosa, locum poenae non tenet. Nam *iusto*, inquit Antelmus in hunc locum, non est lex posita, id est *imposita ut supra illum sit, in illa enim est potius quam sub illa, quia non sua vita vivit, cui coer-cendi lex imponitur. Injustus vero sub illa est, quia sua vita vivit, cui coer-cendi lex imponitur.*

Quæres utrum & suis legibus subji-ciantur Legislatores.

Respondent vulgo Theologi suis legibus subiectos esse legislatores quoad vim directivam, non autem quoad vim coactivam; quoad vim quidem directivam, quatenus, inquirunt, non minus eas servare debent legislatores quam subditis; unde & perinde peccarent si propriam legem infringere. Non autem quo-

quoad vim coactivam; quasi rei *sunt* pœnæ impositæ per suam legem, si eam ipsi transgrediantur.

Verum existimo huic questioni respondendum, adhibita prius aliqua distinctione; sunt enim, ut puto, quædam leges quibus non subjiçuntur ipsi legislatores, sunt vero aliæ longe plures quibus subjiçuntur, quoad vim scilicet directivam, non autem quoad vim coactivam.

Primo quidem nonnullæ feruntur leges quæ neutiquam ipsos obligant legislatores, quando nempe ejusmodi sunt leges illæ ejusque conditionis, ut solos respiciant subditos, & Principem a quo latæ sunt, non deçant; vel quando Reipublicæ bonum atque utilitas non postulat, ut his legibus se ipsum una cum subditis subjiçiat Princeps, ut si, v. gr. lege lata prohibuisset Rex, ne quis in tota civitate gladium portaret, aut ne ullus veste deaurata indueretur, facile intelligitur ejusmodi lege non obligare ipsum legislatorem, quarum scilicet observatio non decet Principis majestatem, qui non sine causa gladium portat, nec debet sicut plebejus vestiri.

Secundo, alijs permultis ne dicam fere omnibus ac singulis suis legibus subjiçitur legislator: Cum enim; ut a nobis ostensum est initio hujus Tractatus, lex omnis ferri debeat in bonum commune, ordo rerum & recta ratio postulat, ut legislator leges ferendo publicum & commune bonum pro viribus procuret: sed nisi se ipsum suis legibus manciparet, si eas accurate non observaret; adeo sane bonum commune non procuraret, ut potius in magnam Reipublicæ detrimentum id vergeret: lex enim illa tunc temporis in æstimatione subditorum omnino vilesceret, quam viderent ab ipso legislatore minime servatam. Addunt multi eadem lege naturali qua subditus debet Superiori obedire, Superiorem etiam debere tanquam caput ad reliquum Reipubli-

cæ corpus conformari; qui proinde & suis ipse legibus tenetur quoad vim scilicet directivam; unde si Episcopus lege lata in sua Diocesi vestem talarem Clericis præceperit, profecto huic statuto debet ipse se conformare, nec vestem decurtatam deferre.

Tertio, suis legibus non tenentur legislatores quoad vim coactivam. Siquidem coactio qua pœna repetitur ab eo qui legem infregit, est actus Superioris, cogi vero & impositæ pœnæ subjacere, est solum inferioris; unde sequitur eum solum cogi posse qui est inferior, adeoque legislatorem suis legibus non subjiçi quantum ad vim coactivam.

An & quomodo lex humana mutari possit.

JAm diximus, ubi de lege naturali, multipliciter legem aliquam mutari posse, videlicet per interpretationem, per tolerantiam, per derogationem, per irritationem, per abrogationem, per dispensationem, addimus & per contrariam consuetudinem; de quibus singulis compendiosas instituimus quæstiones, quoad spectat leges humanas.

Quæres 1. utrum in legem humanam cadat interpretatio.

Respondeo, in leges humanas cadere non modo interpretationem simplicem, sed & Epikiam. Siquidem Epikia est judicium quo subditus judicat legem a legislatore in universam latam, hic & nunc non obligare, quia non prævidit legislator novum aliquem casum qui evenit: sed ejusmodi legis explicatio cadit in legem humanam, si enim, v. g. legem tulit Princeps, ne quis noctu arma ferat in civitate, subito tamen in eam hostes irruant; profecto cuivis privato civi licitum erit legem Principis interpretari per Epikiam, & judicare in illa circumstantia legem non obligare, eo quod talem hostium irruptionem non præviderat Princeps, quando legem

legem tulit; igitur lex humana patitur & simplicem interpretationem & Epistoliam.

Quæres 2. utrum lex humana mutari possit per tolerantiam.

Respondeo, non modo licitam, sed & prudentem nonnunquam & necessariam esse tolerantiam. Siquidem tolerantia est tacita quædam dispensatio & indulgentia, qua Superiores permittunt infractionem legis, nec poenas ullas a transgressoribus repossunt: atqui licita nonnunquam & necessaria est ejusmodi indulgentia, ut nimirum publica procuretur utilitas, quod primarium est & in condendis legibus principale Legislatoris propositum; persæpe enim majus contingeret malum, si reus puniretur, quam si tacite ipsi condonetur, quemadmodum olim se gerebat S. Cyprianus, ut testatur Epistolæ 55. his verbis, *remitto omnia, multa dissimulo studio & voto colligenda fraternitatis*; igitur tolerantia locum habet in legibus humanis.

Quæres 3. utrum lex humana mutari possit per derogationem.

Respondeo affirmative. Siquidem tunc fit derogatio a lege, cum ex parte tollitur lex; derogatio est imminutio legis quoad aliquam sui partem; ut si Ecclesia, quæ pro tempore Quadragesimæ præcipit fidelibus & jejunium & abstinentiam a carnibus, aliquem privatum ab onere jejunii solveret; eatenus enim unam partem legis abrogaret, quod est proprie derogare a lege: atqui nihil impedit quominus fiat ejusmodi legum humanarum imminutio, ab eo nempe qui potestatem habet plene dispensandi, ut mox dicturi sumus; igitur lex humana mutari potest per derogationem.

Quæres 4. utrum lex humana mutari possit per abrogationem.

Respondeo legem humanam abrogari posse, ab eo nempe qui auctoritate pollet in Republica; siquidem abrogatio

nihil aliud est quam legislatæ rescissio, revocatio, obliteratio: atqui eadem auctoritate, qua quis in Republica aut civili aut Ecclesiastica legem tulerat in bonum scilicet publicum, potest & illam eandem legem revocare & ex omni parte rescindere; quod quidem contingit potissimum, quando cessat legis constitutæ ratio, aut non patitur subditorum qui eam servare debent infirmitas; igitur lex humana potest abrogari.

Quæres 5. an lex humana mutari possit per irrationem.

Respondeo affirmative. Siquidem in eo posita est irritatio legis, quod antequam acceptata fuerit, vimque obtinuerit, nulla & invalida habeatur: atqui lex humana sic impediri potest & destrui priusquam vim obtinuerit in Republica; si nempe voluntatem mutet Legislator, agnoscens hanc legem justam non esse nec convenienter latam; tum vero si ejusmodi legem ferendi potestatem legitimam non habuerit Legislator, quo quidem in casu ipsi subditi legem irritant; igitur lex humana irritari potest.

Quæres 6. utrum a legibus humanis proprie dicta dispensatio concedi possit.

Respondeo affirmative. Siquidem dispensatio est immunitas ab aliqua lege ad tempus data a legitimo superiore: sed ejusmodi immunitas aliquando juste concedi potest, quando nimirum legitima adest causa; tum quia persæpe id postulat publicum Reipublicæ bonum; tum quia Legislator eadem auctoritate legem rescindere, adeoque ab ea quæpiam dispensare potest, qua potuit illam ferre; igitur dispensatio a legibus humanis concedi potest.

Atque hujusce potestatis in Legislatoribus tum Ecclesiasticis, tum civilibus residentis, singula exempla si recensere animus esset, universam historiam utriusque generis hic describere necesse foret. De legibus quidem Ecclesiasticis id innumeri propemodum comprobant Concilio.

ciliorum Canones, quibus perspicuum sit. Episcopis identidem cum peccatoribus penitentibus publice additis remissus egisse, & sic eos a severitate legum Ecclesiasticarum dispensasse. Sunt & alia prope infinita dispensationum ab aliis Canonicis & Regulis exempla, quibus referendis superedeo: neminem enim latere possunt, nisi in historia Ecclesiastica plane hospes sit & peregrinus. De legibus autem civilibus idem aperte docent historiae; Principes enim hac sua semper usi sunt auctoritate ad dispensandum, qua noverant se potuisse easdem leges sancire.

Quæres a quibus concedi possit dispensatio.

Respondeo, dispensationem a legibus humanis concedi posse a superioribus qui communitatis curam gerunt, quamquam sint legislatores inferiores; unde hoc nomine a legibus Ecclesiasticis & Canonicis Conciliorum generalium dispensat summus Pontifex tota Ecclesia inferior; quia nempe totius communitatis Ecclesiasticæ curam gerit.

Quæres an superioribus licitum sit dispensare sine causa; de supremo Pontifice potissimum controversitur.

Respondeo negative, tum quia superior quando sine causa dispensat a lege, officio suo cadit, tenetur enim legum observationi invigilare & quidem jure naturali, quod ita superioribus legis commisit, ut earum sint dispensatores, non domini; tum quia eatenus peccat contra prudentiam quæ nimirum postulat, ut omnes & singulos subditos, quantum fieri potest, adeoque nisi appareat iusta quædam causa, ad legis observationem adducat; aliter ut acceptor personarum haberetur; & valde timendi locus esset, ne propterea in æstimatione aliorum leges vilescerent.

Neque aliter de dispensationibus locuti sunt SS. Patres: atque inter alios quam copiose tam eleganter sic dissertit S. Bernardus libro integro de præ-

cepto & dispensatione, Cap. 2. *Tenent ergo fixam firmamque immobilis item etiam apud Prælatos quæ ex stabili necessario sunt, sed quatenus elaritati deserviunt: Numquid autem hoc ego vel solus sentio? an non vel primus dico? an non hoc ipsum & Papa Gelasius sensit? ait siquidem ubi necessitas non est, inconvertibilia maneant Patrum sanctorum decreta. Leo quoque Papa, ubi inquit, necessitas non est, nullo modo sanctorum Patrum constituta violentur. Et inserit, ubi ergo necessitas fuerit ad utilitatem Ecclesiæ, qui potestatem habet, ea dispenset: ex necessitate enim fit mentio legis.*

Et lib. 3. de Consideratione cap. 4.

Quid ergo, inquit, prohibeo dispensare? Non sum tam quidam ut ignorem positos vos dispensatores, sed in adificationem, non in destructionem. Denique quæritur inter dispensatores, ut fidelis quis inveniat. Ubi necessitas urget, excusabilis dispensatio est. Ubi utilitas provocat, dispensatio laudabilis est. utilitas dico communis, non propria: Nam cum nihil horum est: non plene fidelis dispensatio, sed crudelis dissipatio est. Ubi docet aliorum SS. Patrum auctoritate fultus, sine necessitate vel utilitate saltem non privata sed publica concedi non debere dispensationes.

Quod ipsum solemni decreto sanctum est a Patribus Tridentinis sess. 25. de reformatione cap. 18. his verbis: *Sicuti publice expedit legis vinculum quandoque relaxare, ut plenius evenientibus casibus & necessitatibus pro communi utilitate satisfiat: sic frequentius legem solvere, exinproque potius quam certo personarum rerumque delectu petentibus indulgere, nihil aliud est quam unicuique ad leges transgrediendas aditum aperire. Quapropter sciatis universi sacratissimos Canones exacte ab omnibus, & quod etiam fieri poterit indistincte observandos. Quod si urgens justoque ratio & major quandoque utilitas postulaverit cum ali-*
quibus

quibus dispensandum esse, id causa cognita ac summa maturitate, atque gratia a quibuscunque ad quos dispensatio pertinebit, erit praestandum, aliterque facta dispensatio subreptitia censetur. Ubi & notare est obiter æquum non esse legum dispensationem, sed subreptitiam quæ numerata pecunia conceditur, aperte definiri ab iisdem Patribus.

Atque hinc facile colligitur, sicut superioribus non licet concedere dispensationes sine causa, ita nec ejusmodi dispensationibus uti licitum esse subditis, quando aperte constat eas sine causa fuisse concessas: unusquisque enim tenetur in foro conscientie legem observare, quoadusque fuerit ab ea legitime immunis factus; eatenus enim vim suam semper retinet lex; sed ut supponitur legitima non est dispensatio & legitima non esse aperte constat; ergo licitum non est usus dispensationum quæ sine causa iusta & legitima conceduntur.

Vellem tamen hanc nostram de dispensationibus quæ a summis Pontificibus sine causa conceduntur, sententiam cum aliqua restrictione intelligendam, ut scilicet in iis quæ singulos respiciunt, & tertii jura vel statum publicum non lædunt, dispensatio a Pontifice etiam sine causa indulta & licita & valida censeretur, ita illustrissimus Petrus de Marca lib. 3. de Concordia cap. 15. num. 3. cujus sententiz præcipuum fundamentum in eo constituit, quod perpetuo usu qui jam viget a trecentis annis & ultra in Curia Romana receptum est, ut sine cognitione causæ præterque dispensationes concedantur, quibus, v. g. irregularitates tolluntur, impedimenta consanguinitatis & affinitatis in tertio & quarto gradu amoveantur, beneficiorum pluralitas conceditur; quo quidem usu inductum est, ut poenis a Canone indictis liberi habeantur, qui dispensationibus illis utuntur, adeo ut nec eorum ordinationes vi-

Tom. V.

tiosæ censeantur, nec de matrimoniorum viribus dubitetur: Itaque, inquit Marca, cum præcipuus eorum Canonum effectus per dispensationem indebitam ex consuetudine recepta sublaus sit, scilicet nullitas matrimonii, quid superest quod subditorum conscientias onerare possit? Tanta est vis consuetudinis, ut legem omnino tollere possit, ergo & modum illius solvenda per dispensationes aliqui indebitas inducere poterit; præsertim cum dispensationis ea sit conditio, ut a consuetudine magnas vires accipiat... Ceterum curata sit vis consuetudinis in hujusmodi dispensationibus tolerandis, inde patet quod ea quæ a Conciliis æcumenicis instituta sunt in gravioribus negotiis, novis rescriptis dispensatoris aliam formam quotidie accipiunt: Episcoporum consecratio, quæ sine Metropolitano fieri non debet post abrogatam Pragmaticam Sanctionem, inconsulto Metropolitano tribus Episcopis ad arbitrium summi Pontificis committitur. Duabus Ecclesiis ascribuntur frequenter Clerici contra Canones Concilii Chalcedonsis, dispensationibus indultis ad plura beneficia retinenda. Dispensationes in gradibus prohibitis a Concilio Lateranensi olim rarissime, hodie vero sunt frequentissime... Multa quoque alia peraguntur quæ summam quidem & proximam in Romano Pontifice a constitutionibus generalium Conciliorum dispensandi auctoritatem etiam sine causa inesse probant; sed quanta sit vis consuetudinis recepta quæ his dispensationibus contrivet, inde ostenditur, quod in minoris momenti rebus hæc dispensationes ægre recipiantur. His addendum est Concilium Lugdunense sub Gregorio X. habitum anno 1271. quod ad Romani Pontificis arbitrium revulit de dispensationum sufficientia disquirere. (Et estimare quem modum beneficii sui Pontifex esse voluerit.) Itaque si summo Pontifici placuerit sine causæ cognitione aliquem Canonibus solvere, dummodo status publicus non lædatur, hoc ab eo pendere colligi potest ex Concilio illo Lugdunen-

oo

si

fi... at vero si statas publicus, aut receptus in regno iurisdictionem, amplectenda est sententia eorum qui in universum dispensationes sine iusta causa indultas, invalidas esse censent. Quibus certe nihil in hanc rem illustrius asserri potest.

Quæres insuper quodnam sit discriminum inter dispensationem, & privilegium.

Respondeo id esse discriminis quod dispensatio sit immunitas a lege quæ non nisi ad tempus conceditur, privilegium vero detur per modum legis duratur: unde privilegium recte definitur potest, immunitas a lege quæ in alicujus gratiam datur per modum legis.

Odiola esse privilegia satis aperte declarat Conc. Trident. sess. 24. de re-form. cap. 11. ubi sic habet, *Quoniam privilegia & exemptiones quæ variis ritibus plerisque conceduntur, hodie perturbationem in Episcoporum iurisdictione excitare & exemptionis occasionem laxioris vite præbere dignoscuntur, decernit sancta Synodus, ut si quando iustis, gravibus & fere necessariis suadentibus causis, &c. Ubi & decernit Synodus privilegia nonnisi ex iustis & gravibus causis concedenda: qui de variis privilegiis speciebus, conditionibus & regulis scire voluerit, consulat Canonistas.*

Quæres denique, utrum leges humane mutari possint per contrariam consuetudinem.

Respondeo affirmative; siquidem docet Ecclesiæ praxis sæpè leges in Conciliis vel etiam generalibus solemnibus decreto sanctas, nihilominus tamen per contrariam consuetudinem, aut etiam desuetudinem fuisse abrogatas; sic enim v.g. canon editus in Concilio Nicæno primo de duabus Synodis quolibet anno habendis per meram desuetudinem periit; de consuetudine plura dicemus in fine hujus Tractatus, cui brevem ex professo de consuetudine appendicem subnectemus.

De Lege Civili.

Nonnisi pauca de lege civili nobis nunc tractanda supersunt, quæcunque enim ad hanc legis humane speciem attinent, satis & abunde examinata intelliguntur ex iis quæ tum de lege in universum, tum de lege humana diximus. Scilicet ex illis questionibus perspicuum sit legem civilem & politicam, cujuscunque sit imperii & regiminis, ferri debere in bonum commune ab eo qui curam habet communis & sufficienter promulgari, ut vim obtinere possit obligandi subditos. Constat insuper legem civilem ut & Ecclesiasticam ad jus divinum pertinere, quandoquidem supremam auctoritatem etiam temporalem obtinentibus condendarum legum potestas ab ipso Deo collata est. Quapropter unum circa legem civilem examinandum superesse videtur, quod nempe acceptationem populorum spectat.

De acceptatione Legis Civilis.

Quæstio est utrum ad legem civilem necessaria sit populi acceptatio, ut nempe vim obligandi obtineat. Duplex porro distinguitur modus, quo possit populus legem Principum non acceptare; vel, ut ajunt, duplex est non acceptatio, alia quæ fit quando populus legem respuit statim atque promulgata est; alia vero quæ ex longa contravenientium desuetudine derivatur. De ista non acceptatione nulla plane difficultas est, ut enim mox a nobis observatum est, nihil impedit quominus lex quævis humana aut mera desuetudine, aut contraria consuetudine abrogetur. Quamobrem agitur de priori non acceptationis specie, & queritur, utrum lex secularis Principum ita populorum acceptatione indigeat, ut si ab eis respiciatur, nullam proinde obligandi vim retinere possit.

Non

Non defunt inter Theologos & Juristas, qui contendunt legem civilem necessario exigere populorum consensum & acceptationem, aut eam saltem, ut alii paulo mitiores docent, quæ a majori multitudinis parte data sit; quæ sententia, quoniam Scripturis manifeste adversatur, viamque sternit populorum rebellionī, vehementer nobis displicet: quocirca sic:

CONCLUSIO.

Leges civiles populorum acceptationem non exigunt, si nimirum latæ sint in regimine aut Monarchico aut Aristocratico; neque enim quæstio proponitur de legibus latis in regimine pure Democratico, in quo nimirum suprema potestas residet in populo.

Probatur vero ex iis Scripturæ testimoniis, quibus supra ostendimus hanc supremam legum condendarum auctoritatem: quæ pollent Reges & alii Principes, ipsis a Deo fuisse collatam Prov. 8. *Per me Reges regnant, inquit Dominus, & legum conditores: iusta decernunt.* Rom. 13. *Omnis anima potestatibus sublimioribus subdita sit, non est enim potestas nisi a Deo.* Ex paulo post: *Ideo enim & tributa præstatis, ministri enim Dei sunt in hoc ipsum servientes: reddite ergo omnibus debita, cui tributum, tributum; cui vectigal, vectigal; cui honorem, honorem.* Item 1. Epist. Petri c. 2. *Subjuncti estote omni humane creature: propter Deum, sive Regi quasi præcellentī, sive Ducibus tanquam ab eo missis ad vindictam malefactorum, &c.* Quam quidem doctrinam tradiderunt unanimi consensu omnes Patres, quorum loca indicavimus in quæstione mox citata.

Ex his autem abunde conficitur leges Principum nequiquam indigere populorum acceptatione, quia nempe hoc uno principio nituntur adversarii, quod potestas Principum, vel etiam Regum

in eos a populo immediate derivetur, quasi Republica ita potestatem præcipiendi transtulerit in Principem, ut sibi facultatem non obediendi reservaverit, quoties nimirum major aut spectabilior multitudinis pars judicaverit mandatum Principis non esse acceptandum; sed aperte falsum est & erroneum hoc principium, ut clare demonstratur ex præfatis Scripturæ locis; neque enim dici potest ab ipsis populis in Principes derivatam esse supremam imperandi & leges condendi potestatem; quandoquidem potestas illa qua pollent dicitur esse a Deo stabilita & ordinata; igitur leges civiles Principum in regimine Monarchico aut Aristocratico non egent populorum acceptatione, ut vim habeant obligandi.

Probatur insuper ratione, 1. enim opinio illa adversariorum viam sternit rebellionī, nullam quippe legem in illa hypothesi coadere aut saltem imponere poterit Princeps qui Republicæ curam gerit, aut saltem nullam quæ vel minimum oneri sit subditi, penes quos nimirum erit quæcumque legem repuere si libuerit; certum est enim omnem & quæcumque legem aliquid oneris habere, seu ad virtutem exercendam, seu ad vitium coercendum lata sit, 2. quia si ad confirmandam vim legis & obligandi potestatem acceptatio populi requireretur, populus potius haberet partem in lege, tota enim vis legis ab eo penderet, absurdum consequens; si quæ sit enim in Principe potestas, stat maxime in ordine ad legem ferendam, unde illud vulgare juris effatum, *Voluntas Principis legis habet vigorem*, 3. demum, quia in definitione legis de ejusmodi acceptatione populorum nulla plane injicitur mentio, quin potius penes solos Principes esse legem condere sublato populi consensu manifeste declaratur, cum lex dicitur facta ab eo qui curam habet communitatis.

Obijcies : Nonnulla leguntur in *jure* quæ manifeste declarant leges humanas indigere populorum acceptatione, 1. enim Digest. lib. 1. tit. 3. qui est de legibus; lex a Papiniano definitur, communis Reipublicæ sponso qua ipsi consentire, & in eam simul cum Principe conspirare Respublica intelligitur, 2. ibidem lege 12. paragr. 1. sic habetur, *Cum leges nulla alia ex causa nos teneant, quam quod judicio populi receptæ sunt* 3. Lib. 1. Codicis tit. 14. qui est de legibus Principum, lege octava quæ incipit *Humanum esse*, Theodosius & Valentinianus scribunt ad Senatum hanc in posterum in legibus faciendis rationem esse servandam, ut res tum primum frequente Senatu pertractetur, nec nisi ex omnium unanimi consensu feratur, 4. Decreti part. 1. dist. 4. cap. *In istis*, leges institui dicuntur cum promulgantur, firmari vero cum moribus utentium approbantur.

Respondeo ex istis aliisque similibus locis id unum colligi posse leges fieri & firmari, cum adjuncta populorum acceptatione; aliquando & in quibusdam regnis, quando nempe ita placet Principibus voluntatem & consensum populorum sequi, velut æquissimam legis condendæ rationem; quomodo interdum se se gesserunt Imperatores Romani, ut populorum animos sibi conciliarent, ab omni tyrannidis specie catenus recedentes: sed inde non sequitur supremam non esse in Principibus potestatem condendæ legis, quæ vim obligandi non obtineat nisi subditorum consensu & acceptatione firmetur.

Atque ita lex definitur a Papiniano *communis Reipublicæ sponso*, eo tamen sensu, quod ad hanc sponsonem seu legem acceptandam Respublica plerumque constringatur, si voluerit Princeps.

Secundo, cum leges dicuntur usu perfici, & judicio populi recipi, id intelligendum est, ita ut ad ejusmodi

usum & acceptationem astringatur populus, nec possit ab illa lege desuescere nisi consentiente Principe.

Tertio loco quod ponitur, significat, ut dictum est, hanc legis condendæ rationem æquissimam visam fuisse Theodosio & Valentiniano, qui tamen nec sibi nec aliis legislatoribus hujus conditionis onus imposuerunt.

Denique quod additur ex decreto, adversariis neutiquam faveat, esto enim firmentur leges, cum moribus utentium approbantur, tamen ante ejusmodi usum veræ sunt leges, verè latæ, vim obligandi habentes, ut ibidem declaratur his verbis: *Leges institui dicuntur, cum promulgantur*.

Neque in alium plane sensum locutus est Augustinus, cum lib. de vera Religione cap. 31. sic habet: *Sicut in istis temporalibus legibus, quanquam de his homines judicent, cum eas instituant, tamen cum fuerint institutæ atque firmatæ, non licebit judici de ipsis judicare, sed secundum ipsas*. Ibi enim solummodo agnoscit leges veluti firmius institutas, cum usu & consuetudine roborantur, quod utique verissimum esse fateamur.

De Lege Ecclesiastica.

Circa leges Ecclesiasticas hæc quærentur. 1. Cujus sit leges Ecclesiasticas condere, num & id competat Laicis. 2. An & quomodo leges Pontificiæ promulgari debeant. 3. Utrum leges Ecclesiasticæ æltus etiam internos præcipiant. 4. demum, an liceat Clericis ditiones sæculares possidere.

An leges Ecclesiasticas condere: competat Laicis.

Dupliciter intelligitur leges Ecclesiasticas condendi potestatem competere Laicis Principibus; nimirum, vel ita ut novas leges in materia Religionis, ut & ipsi Ecclesiæ Prælati, (an-

sancire possint; vel solum ita ut ea suprema qua possent auctoritate, legum vel Divinarum vel Ecclesiasticarum executionem suis decretis promoveant; quid super ea re sentiamus mox apertendum est.

PRIMA CONCLUSIO.

Non licet secularibus Principibus novas ferre leges de iis quæ ad Religionem Christianam pertinent, adeoque nec de fidei questionibus, nec de Sacramentis, nec de penis spiritualibus & canonicis. Siquidem hanc Ecclesiæ gubernandæ rationem & formam præscripsit ipse Christus Dominus, qui fidei controversiarum iudices, adeoque legislatores instituit; ut condendi leges in materia fidei potestatem impertierit solis Apostolis eorumque successoribus Episcopis, ut manifeste colligitur ex Matth. 18. cap. his verbis: *Quod si non audierit eos, dic Ecclesiæ; si autem Ecclesiam non audierit, sit tibi sicut Ethnicus & Publicanus. Amen dico vobis, quæcunque alligaveritis super terram, erunt ligata & in celo; & quæcunque solveritis super terram, erunt soluta & in celo.* Hic solos alloquitur Apostolos, non Laicos, non Principes seculares, quibus nullum unquam vel simile privilegium impertiit.

Atque id olim præfiguraverat in signe Regis Ozæ exemplum, qui divinam ultionem expertus est, lepra nimirum subito correptus, quod sumpto thuribulo incensum coram Domino adolevisset, quamquam ab eo consilio eum detertere conatus fuisset Sacerdos, ut legitur lib. 2. Paral. c. 26. his verbis: *Non est officii tui, Ozia, ut adoleas incensum coram Domino, sed Sacerdotum hoc est filiorum. Aaron, qui consecrati sunt ad huiusmodi ministerium.* Sed si ut Principes, qui in iis quæ cultus divini sunt, sacerdotale munus sibi assumunt, ita exardescit Deus, quid in

illos demum qui in materia fidei novas sancire leges audent?

Hæc porro certa fuit semper & constans omnium SS. Patrum doctrina; rem confirmat universa Ecclesiæ praxis; id definitum est non semel a Conciliis, & agnoverunt ipsi Imperatores, qui non nisi legum ab Episcopis & Conciliis conditarum executioni promovendæ studuerunt, ipsi vero novas sancienti auctoritatem sibi nunquam arrogarunt; cujus quidem disciplinæ exempla huc adducere nihil necesse est, ne operam in re non necessaria collocemus.

SECUNDA CONCLUSIO.

Licetum est Principibus laicis leges ferre quæ ad legum tum Divinarum tum Ecclesiasticarum executionem promovendam dirigantur. Nititur primum hæc doctrina exemplis quorundam Regum Juda, quorum hac in parte pietatem & sollicitudinem commendant auctores sacri. Lib. 1. Paralip. cap. 15. leges Moysi de cultu Dei servando exquendas præcipit piissimus David. Lib. 2. cap. 24. solemni decreto iussit Joas, ut pecunia colligeretur ad instauranda Templi, moenia. Cap. 29. Ezechias abolitum Dei cultum aperto Templo restitutisque Sacerdotibus instauravit, cap. 30. missis in omnem Israel & Judam nuntiis curavit, ut Phasæ & azymorum solemnitate observarent. Lib. 4. Reg. c. 23. Josias Rex sanctissimus iussit Helcias Pontifici & Sacerdotibus secundi ordinis, & janitoribus, ut projicerent de templo Domini omnia vasa quæ facta fuerant & Baal & in loco universa militia Cæli, & combussit ea foris Jerusalem.

In nova lege eandem curam & sollicitudinem in religiosissimis Imperatoribus laudarunt Episcopi, vel ab illis aliquando summa vi & studio efflagitarunt, seu de resarciendo cultu divino ageretur, seu ad Canonum Ecclesiasticorum

eorum executionem procurandam, seu ad profigandas hæreticorum novitates. Sic Constantinus M. vel antequam Christo nomen dedisset, ut emergente Donatistarum factione pacem Ecclesie conciliaret, Romanum indixit Concilium, ac postea dedidit aliud Arelatense. In causa Ariannorum Osiu. Cordubensem Alexandriam misit, tum vero magnam Nyceam Synodum convocavit, ubi & ipse adfuit pacis procurandæ causa. Audiendus super ea re Eusebius lib. 1. de vita Constantini Magni cap. 44. Verum, inquit, Ecclesie Dei præcipue curam gerens, cum per diversas Provincias quidam inter se dissentirent, ipse, velut communis omnium Episcopus a Deo constitutus Ministrorum Dei Concilia congregavit, nec designatus adesse & considere in medio illorum conventu, cognitionis particeps fuit, ea, quæ ad pacem Dei pertinent, cunctis procurans. Porro sedebat in medio, tanquam unus e multis protectores quidem cunctosque corporis custodes procul amovens.

Præclara sunt quæ scribit Theodosius junior, in sacra ad Cyrillum Epistola in Concilio Ephesino lecta. Reipublica nostra constitutio, inquit, ea, quæ in Deum est pietate præcipue nititur, multaque inter hunc & illam cognatio & familiaritas intercedit. Nam & ex se invicem pendens, & utraque prosperis alterius successibus incrementa sumit, quandoquidem ut vera Religio iusta actione perficitur, ita Respublica utriusque ope nixa floreat. Cum itaque Deus Imperii habenas nobis tradiderit, ipsæque qui imperio nostro parent, pietatis & securitatis quoddam quasi vinculum nos esse voluerit, harum inter se societatem providentes, & hominibus medios nos præbentes, indivisam perpetuo conservare contendimus. Et postea: Ante omnia autem operam damus, ut Ecclesiasticus Status ejusmodi sit, qui & Deum doceat & temporibus nostris quam maxime congruat, idemque ex omnium concordia &

consensione suam tranquillitatem obtineat, tum per Ecclesiasticarum controversiarum pacem a turbis & seditionibus liber existat; tum demum ut pia Religio ab omni omnino nota & reprehensione immunis perseveret.

Hanc vero Imperatorum curam ac veluti Pastoralem sollicitudinem magnificis passim laudibus cumularunt Episcopi, Concilia, & summi Pontifices; sic Theodosio v. g. post Synodum Ephesinam gratulatus est Coelestius summus Pontifex in Epistola quæ legitur part. 3. ejusdem Conc. cap. 21. Vos Christo Deo nostro auctore regentes hostes impios fidei vestra virtute vicistis, caelestem revocantes triumphum, per quod religioso munimen in perpetuum præstetis imperio. Vere enim Prophetica gloriæ vestræ vox convenit, & regnum vestrum dici potest regnum sæculorum omnium, quod defensione fidei meritis propagatur.

Occurrunt ejusmodi Epistolæ apud S. Leonem qui zelum Imperatorum & ardorem ad exterminandas hæreses ubique commendat, legi possunt Epist. 21. 26. 48. 60. sic vero Epist. 75. ad Leonem Imperatorem cap. 3. Apud Christianissimum Principem, inquit, & inter Christi prædicatores digno honore numerandum, ut or. catholicæ fidei libertate, & ad consortium te Apostolorum & Prophetarum securus exhortor... debes incunctanter advertere repiam potestatem tibi non solum ad mundi regimen, sed maxime ad Ecclesie præsidium esse collatam, ut ausus nefarius comprimendo, & quæ bene sunt statuta defendas, & veram pacem his quæ sunt turbata, restituas.

Sic S. Greg. M. Epist. 32. lib. 4. Mauritio Imperatori gratulatur, quod a Deo constitutus Dominus noster inter ceteras augustorum ponderum curas conservande quoque sacerdotali charitati rectitudinis studii spiritualis invigilabat, videret pie veraciterque considerans neminem posse recte terrena regere, nisi novisset divina tractare pacemque Respublica ex-

uni.

universalis Ecclesie pace pendere. Quibus omnibus alia pene similia, vel etiam luculentiora passim videre est in synodalibus Epistolis, quæ singula hic describere longum sane foret atque molestum.

*An & quomodo promulgari debeant
Leges Pontificie.*

Leges Pontificias, hoc est, Constitutiones summorum Pontificum, de quibus hic movetur questio, promulgandas esse, ut vim legis habeant, ex his abunde conficitur, quæ superius adducta sunt, cum ostendimus legem omnem in universum debere prius promulgari & innotescere, quam subditorum conscientiam ligare censetur. Quamobrem questio est de modo quo fieri debeat isthæc legum Pontificiarum promulgatio; an videlicet sufficiat eas in Romana Curia publicatas fuisse; an vero per singulas Provincias insuper promulgari debeant. Priorem partem tenent Joannes Andreas glossæ in Decretales auctor, Navarrus, Azor, Vasquez, & plerique ex Italia Auctores Romanæ Curie plus æquo addicti; contrarium vero docent Panormitanus, Dominicus Soto, Cajetanus & omnes fere Galli, Germani & Hispani cum Illustrissimo Petro de Marca, cui nos majori ex parte eorum collectionem debemus, quæ sumus modo in ejusdem sententiæ defensionem adducturi.

CONCLUSIO.

Leges Pontificie, ut & aliæ quæcunque per singulas orbis universi Provincias publicari debent, nec sufficit promulgatio, quæ fiat in Curia Romana.

Id autem potissimum ostenditur ex constanti & perpetua Ecclesiæ praxi, quæ docet hanc semper & ubique fuisse Episcoporum consuetudinem, ut omnium

legum & sanctionum etiam in Conciliis generalibus editarum promulgatio per omnes Provincias illico procuraretur.

Sic enim, ut ordiamur ab ipsis Apostolis, legimus Act. 15. ubi primum coacto Jerusalem Concilio statuerunt Christianos lege Moysi non ligari, solemne hocce decretum eos confestim misisse his qui erat Antiochiæ, & Syriæ, & Ciliciæ, per Judam & Silam viros primos in fratribus; rati sunt nimirum satis non esse, si ejusmodi sanctio publicata esset Jerusalem.

Tertullianus eodem loquitur lib. de pudicitia cap. 2. de Zepherini Romani Pontificis edicto, quo moechis poenitentia sanctis veniam indulgebat; ut aperte significet illud edictum fuisse ad omnes orbis Christiani partes missum, ubique publicatum, & valvis Ecclesiarum affixum.

Arelatense Concilium primum, quod habitum est anno 314. ex omnibus Imperii Constantinii Provinciis ad compescendam Donatistarum factionem; curavit sedulo ut per Sylvestrum summum Pontificem de suo decreto certiores fierent omnes Christiani, quemadmodum patet ex Epistola ejusdem Concilii ad Sylvestrum: *Placuit etiam*, inquit Patres, *a te qui majores Dioeceses tenes, per te potissimum omnibus insinuari.*

In eundem finem magna Nicæna Synodus suis litteris ad Egyptios & cæteros Episcopos qui coacti non interfuerant præscriptis, quæ decreta fuerant significavit, *Eaque litteris*, inquit in Epistola synodica, *ad vos præscribere necessarium visum est, ut intelligere possitis, cum qua ibi in questionem & discussionem vocata, tum qua decreta sanctaque sunt.* Cæteris enim Provinciis decreta per eos Episcopos transmissa sunt qui Concilio intererant, ut perspicuum est ex Catalogo quem ea de re texiit Gelasius Cyzicenus lib. 3. cujus inscriptio hæc est, *Catalogus sanctorum Episcoporum per quos sancta, magna &*

uni-

universalis Synodus Nicaea coacta misit omnibus in toto orbe terrarum Dei Ecclesiis ea quae ab ipsis per Spiritum Sanctum in ea constituta sunt.

Item, & Synodus Sardicenis Julium Romanum Episcopum rogavit, ut par cura per omnes Provincias definitiones Concilii publicaret, sic vero mentem suam explicat Epist. synod. ad Julium: *Tua autem excellens prudentia disponere debet, ut per tua scripta, qui in Sicilia, in Sardinia & in Italia sunt fratres nostri, quae acta sunt & quae definita cognoscant, & ne ignorantes eorum accipiant litteras communicatorias, quos extra Episcopatum iusta sententia declaravit.*

Præclara sunt & ad rem maxime pertinentia, quæ scribit Hilarius in fragmentis, verba faciens de Episcopis Occidentalibus qui Photinum Syriensem ob renovatam Pauli Samosatani hæresim proscripterant; *Decretum, inquit, ab Occidentalibus, sicut mos posebat, ad Orientales mittitur, non injuria extorquendi, ut nunc agitur, assensum, sed instruenda universorum conscientia consuetudine.*

Idem exequuntur Patres Ephesini Epistola ad singularem Provinciarum & Civitatum Episcopos, Presbyteros, Diaconos, & universum populum data, *Quoniam autem, inquit, oportebat & absentes a sancta Synodo morantesque in Urbibus & Provinciis ob aliquod impedimentum sive Ecclesiasticum, sive corporum, non ignorare quæ de ipsis sunt constituta.*

Extant vero hac de re duo expressissima Conciliorum generalium statuta, quæ videlicet Canonum promulgationem per omnia loca necessariam præcipiunt. Primum est Concilii Lateranensis IV. sub Innocentio III. ubi cum Patres medicis injunxissent infirmos commonefacere, ut tum primum in morbo medicos animarum advocent, & suæ salutis æternæ consulant, sic addunt cap. 22. *Si quis autem medicorum hujus no-*

stra Constitutionis postquam per Prælatos locorum fuerit publicata, transgressor extiterit, tandiu ab Ecclesia ingressu arceatur, donec pro transgressione hujusmodi satisfecerit compenter.

Alterum est Concilii Tridentini hoc idiplum vel expressius præscriptum sess. 24. de reformatione matrimonii cap. 1. sub finem, his verbis, *Ne vero hæc tam salubria præcepta quamquam lateant Ordinariis omnibus præcipit, ut cum primum potuerint, curent hos decretum populo publicari ac explicari in singulis suarum Diocesium Parochialibus Ecclesiis, idque in primo anno quam sapissimè fiat, deinde vero quovis expedire viderint. Decernit insuper, ut hujusmodi decretum in unaquaque Parochia suum robur post triginta dies habere incipiat a die primæ publicationis in eadem Parochia factæ numerando.*

Ex quibus intelligi potest hanc perpetuam fuisse Ecclesiæ praxim & Doctrinam, statuta ab ipsis Conciliis edita prius vim legis non obtinere quam per singulas locorum Provincias publicata fuerint.

Eandem porro rationem de suis Constitutionibus promulgandis secuti sunt Romani Pontifices, ut ex nonnullis inter cætera exemplis patefier.

Siricius in Epistola ad Himerium Tarraconensem cujus consultationibus respondet, illi dat in mandatis, ut hæc sua decreta ad aliarum Hispaniæ Ecclesiarum Episcopos mittat, ne scilicet ignorantiam juris istius prætexere possent: *Et hæc, inquit, ad tua consulta restitimus, ut in omnium Coepiscoporum nostrorum perferri facias notionem, & non solum eorum qui in tua sunt Diocesi constituti, sed etiam ad universos Carthaginenses, Bæticos, Lusitanos, atque Callaicos, vel eos qui vicinis collimitant hinc inde Provinciis, hæc quæ a nobis sunt salubri ordinatione disposita, sub litterarum tuarum prosecutione mittantur. Et quamquam statuta Sedis Apostolicæ,*

Stolica, vel Canonum venerabilia definita, nulli Sacerdotum ignorare sit liberum, utilis tamen & pro antiquitate Sacerdotii tui dilectioni tuae admodum poterit esse gloriosum, si ea quae ad te speciali nomine generaliter scripta sunt, pro unanimi tui sollicitudine in universorum Fratrum nostrorum notitiam perferantur; quatenus & quae a nobis non inconsulte, sed provide & sub nimia cautela & deliberatione sunt salubriter constituta, interiecta permanent, & omnibus in posterum excusationibus aditus, qui apud nos nulli patere poterit, obstruatur.

Sane adeo erat necessaria decretorum Siricii per Provincias promulgatio, inquit Marca, in eo saltem jure quod novum condebat, nempe de Sacerdotum dejectione qui ab uxoribus non abstinebant, ut Innocentius de hoc capite ab Exuperio Episcopo Tolosano consultus, rescriptis disparem esse conditionem illorum ad quos pervenit forma Ecclesiasticae disciplinae, quae ab Episcopo Siricio per Provincias committitur, & eorum qui formam vivendi a Siricio missam icivisse deteguntur: Illis enim, inquit Innocentius Epist. ad Exuperium, *ignorantis venia remittitur, ita ut de cetero penitus incipiant abstinere, hi autem sunt omnibus modis submovendi.*

Ad hac consuetudinem apud Romanos Pontifices usitata manat, quod Zozimus scribit Epistola ad Episcopum Arelatensem; cum enim statuisset ut sine illius Episcopi formata Epistola nullus Clericorum e Galliarum Provinciis Romanam veniens in communionem Romani Pontificis susciperetur, decretum suum publice per Provincias proposuit his verbis, *quam auctoritatem ubique nos misisse manifestum est, ut cunctis regionibus innotescat, id quod statuimus omnimodis esse servandum.*

Item S. Leo Romanus Pontifex sic ad Theodorum Forojuliensem scribit Epistola quae est 82. *Hec autem quae ad interrogationem tuam respondi, ne aliquid*

contrarium sub ignorantia excusatione generetur in Metropolitani tui notitiam facias pervenire, ut si qui forte sunt fratrum, qui de his antea putaverint ambigendum, per ipsum de omnibus quae ad te scripta sunt, instruantur. Quibus, ut ego quidem exultimo, nihil ad praesentem controversiam accommodatius adduci potest.

Ad cujus tamen veritatis confirmationem merito subjungimus in omni Imperio hanc fuisse Principum curam & sollicitudinem ut per omnia tuarum ditionum loca leges a se latas publice proponerent; eo praecise quod satis non sit eas tantummodo in aula promulgari; neque enim gravius est atque molestius jugum Ecclesiae quam Principum secularium, cum Christus dixerit, *Jugum meum suave est, onus meum leve.* Id porro ubique semper in more positum fuit. Apud Graecos leges conditae a Principibus publice proponebantur, & tabulis columnisque affigebantur. Quoad Romanos attinet extat apud Justinianum novella Constitutio quae est 66. modumque praescribit legum publicandarum, earumque vim cohibere, donec per promulgationem omnibus innotuerint.

Atque idem plane mos nunc obtinet in hocce nostro Galliarum regno quoad Regum nostrorum edicta, quae primum ad varia regni Parlamenta mittuntur, & deinde ad Seneschallos, qui promulgationi promovendae in minoribus Civitatibus quibus praesunt, incumbant; eo nimirum animo, quod qui legum sententiam ignorant, nulla religione ad earum observationem teneri possint.

Objicies: Multa sunt quae in Galliis vim legis obtinent, tamen non fuerint promulgata; sic, v. g. Decretum Gratiani; libri quinque Decretalium a Gregorio nono collectarum; Sextus Bonifacii, Clementinae, Extravagantes Joannis XXII. ex quibus simul consiliis componitur Jus Canonicum; quin & ejus-

Pp modi

Tom. V.

modi decretales in Scholis publice leguntur, & in disputationibus etiam apud Theologos citantur tanquam vim & pondus habentes; unde sequitur manifeste eas vim legis obtinere.

Respondeo ejusmodi collectiones quibus novum comprehenditur Jus Canonicum, neutiquam legis loco haberi apud nos, nisi forte, ex iis monumentis nonnulla in regno propter aliquam peculiarem causam de mandato Principis & publica auctoritate promulgata fuerint; quid enim tandem sit hæc collectio & qua ratione velut sui quoddam novum prodierit, nullus plane ignorat. Post varias Canonum Ecclesiasticorum tum in Oriente tum in Occidente in variis ætatibus adornatas, Gratianus circa annum 1150. collectionem tam Dionysii Exigui quam Ildori, & Ivonis in partes dissectam in unum corpus compiegit, novisque Pontificum Constitutionibus, cum multis & Patrum & Conciliorum locis propria auctoritate amplificavit; idque appellatur Decretum Gratiani. Successit Gregorius Papa IX. qui circa annum 1236. alias Epistolas summorum Pontificum ab ætate Gratiani scriptarum simul collegit divisiq; in quinque libros. Gregorium imitatus Bonifacius VIII. sextum addit librum Decretalium, qui propterea dici solet Sextus Bonifacii. Clementinæ sunt decreta Concilii Viennensis, sic dictæ quia potissimum factæ a Clemente V. hujus Synodi Præside. Denique est alia collectio Extravagantium, quæ sic dicuntur quod sint extra Gratiani Decretum & sex libros Decretalium, duplicique sunt generis, alie Joannis XXI. alie communes, quia non unius sed & aliorum sunt summorum Pontificum.

Ex his facile colligitur quo quidem in pretio habeantur ejusmodi collectiones, quamve auctoritatem obtineant in regno nostro; scilicet, quoniam a regula nostra non deflectimus, vim legis sortiuntur ex Constitutionibus, & statæ col-

lectionis, quæ cum moribus nostris consentientes auctoritate Principis in varias regni partes promulgatæ sunt. Quocirca Auctorum testimonia quæ in *Decreto* collecta reperiuntur privato Gratiani studio, non aliam auctoritatem habere possunt quam apud proprios Scriptores. Quo quidem inniti fundamento singularem fateamur Extravagantium esse rationem, cum a Pontifice Gallo Clementis V. successore editæ sint, Avenione promulgatæ, atque ut plurimum a Gallis acceptæ, quod idem ferri potest judicium de Clementinis, quæ quidem editæ sunt in Concilio Viennensi, a Gallis proinde, apud quos Vienna sita est, promulgatæ & acceptæ.

Hæc porro regula quæ certa & inconcussa tenetur in Regno, ut scilicet nullæ Romanorum Pontificum Constitutiones vim legis obtineant apud nos, quin prius publica Principis auctoritate fuerint promulgatæ, sit vero in potestate Principis eas non approbare, nec sinere ut publicentur; eo maxime nomine justa & legitima reputari debet; quod aliter plerisque his Curie Romanæ Constitutionibus multa Regis & Regni, vel etiam Ecclesiæ Gallicanæ jura violarentur. Unde, inquit Suarez lib. 4. de Legibus, quia scientia universalis Papæ non potest ad particularia cujusque Regni extendi, cum serrat a Pontifice Constitutio, quæ cum patrii legis non consentiat, commonefactio de re decerni debet ad Pontificem.

Neque est quod mos iste ab omni ævo in Gallis usitatus quemquam moveat Curie Romanæ plus æquo additum; siquidem hujus publicæ & authenticæ promulgationis defectu nec ipsa Conciliorum generalium decreta loco legis admittuntur, in quem sensum Concilium Tridentinum dici solet nondum a Gallis receptum, quia nimirum ea qua polleant auctoritate, noluerunt Reges Christianissimi, ut illius Synodi decreta, ad negotium discipline Ecclesiasti-

eæ pertinentiâ, in Regno promulgarentur.

Est tamen notatu dignum pleraque & præcipuas Concilii Tridentini Sanctiones, etiam apud nos observari & vim legis obtinere, non quod a Concilio Oecumenico manaverint, sed quia eadem leges in Regis Constitutionibus latæ sunt, quale est quod in Blesensi contractum matrimonii spectat; sicut & alia capita quæ Gallicanæ Ecclesiæ receptos mores & jura antiqua non infringunt.

Atque hoc non ita interpretari oportet, ac si contumaci animo Concilii Tridentini decreta respiciant Principes nostri, cujus nempe placita & auctoritatem religiosissime colunt; quin potius ita se gerere voluerunt in regno, ne quid introduceretur quod cum libertatibus Gallicanis coherere non posset. Quocirca, inquit Marca, Concilii Tridentini publicatio dilata est ad concordiam alendam, quæ si alia ætate alios mores possidet, integrum erit Regibus nostris ea de re, quæ usui futura erunt, decernere.

Hujus Regum nostrorum consensus necessitas tum prius agnita fuerat occasione decretorum Concilii Basileensis, quod apud Gallos Concilii generalis nomine censetur; siquidem nostros Episcopi Carolum VII. de recipiendis Synodi decretis vehementissime sollicitaverunt; ea vero post maturam deliberationem, & cum intellexisset Rex Christianissimus ejusmodi sacra cum Gallicanæ Ecclesiæ libertatibus recte coherere posse, celebri illa *Pragmatica Sanctione* confirmavit, quæ Concilii Basileensis capitibus vim legis publicæ addidit.

Ad hanc demum disputationem illustrandam adduci merito potest, quod anno 1629. die Decemb. 1. a sacra Facultate Parisiensi statutum est, ut initio cujuscunque actus jurejurando quilibet propugnaturus sese obstringeret, nihil unquam se dicturum aut scripturum adversus Conciliorum & summorum Pon-

tificum decreta; sed cum ejusmodi sacramentum visum esset nonnullis eo nomine molestum, quod plura sunt sacra tum Conciliorum tum Pontificum in Galliis minime recepta, ut religio hæc subduceretur, declaratum est hoc juramento ea non comprehendendi quæ Ecclesiæ nostræ nondum probavit.

At, inquit, Jus illud Canonicum ex summorum Pontificum Decretalibus compactum, ut & ipsum Gratiani Decretum in multis hujus Regni Scholis prælegitur, in publicis disputationibus ab unoquoque in præsidium suæ causæ adducitur, tum denique & frequenter apud summa Curiarum Tribunalia laudatur a Causidicis; ergo pondus & auctoritatem in Regno vimque legis obtinet.

Nego consequ. Esto enim qualecunque pondus habeat aliqua Romani Pontificis Constitutio, cum de aliquo Ecclesiasticæ disciplinæ capite asserendo agitur; adeoque citari possit nonnunquam in alicujus veritatis confirmationem, quo fere pacto auctoritas divi Thomæ vel alterius similis solet plerumque in rebus Theologicis proferri; Negamus tamen ejusmodi Constitutionem, antequam publica Principis auctoritate promulgetur, vim legis in regno obtinere posse. Hæc porro Decretales publice leguntur in Scholis, non quod ut veræ leges habeantur, sed ut plenius uberiorque omnia quæ ad Jus Canonicum pertinent, studiosis subministrantur, ut olim significavit Rex Christianissimus Philippus Pulcher, in Epistola qua Aurelianensi Academiæ doctores nonnullas impertit: *Non putet aliquis, inquit, nos recipere vel progenitores nostros recepisse consuetudines quaslibet sive leges, eo quod in diversis locis & studiis Regni nostri per Scholasticos legi sinuntur; hæc namque eruditioni & doctrinæ proficiunt, licet receptæ non fuerint.*

Instabis: Cum summus Pontifex sit in universa Ecclesia caput & supremus rector, non videtur quo fundamento ipsi denegetur potestas condendi leges, quæ

universum orbem Christianum ligare possint, in rebus nimirum Ecclesiasticis. Adde quod illa sententia, quæ ad præsentas libertates Gallicanas conservandas constanter a Gallis propugnatur, neuti-quam ipsis Romanis Pontificibus probatur.

Respondeo abunde, ut puto, superius ostensum esse & demonstratum invictissimis argumentis, hanc supremam cœdendi leges auctoritatem non competere summis Pontificibus, quæ nimirum obligent ante publicam promulgationem Regis nomine factam: unde nihil est quod nobis hæc summa Pontificis auctoritas obtrudatur; ita enim summa est, ut non sit plane immensa, aut nullis circumscrip-ta limitibus; quin potius ea vel maxime antiquorum Conciliorum statutis, & uniuscujusque Regni receptis moribus finita.

Neque ab illa, quæ apud nos fundatissima est, doctrina, semper recesserunt summi Pontifices, quin potius huic ultro astipulatus est Leo X. qui Concordata cum Francisco primo inita non nisi post publicam promulgationem & Parliamentorum acceptionem, vim suam habitura consensit, specialiter *Regia acceptionis* mentione habita. Quibus adde invaluisse ante pacta illa publica hanc opinionem in Regno, ut gravissimum in Theologia tum in Jure Scriptores profiteantur, qui nulla unquam censura hac in parte perstricti sunt, atque insuper ut colligitur ex conventu Bituricensi & Pragmatica Sæctione.

Instabis: Nonnulla sunt, quæ quoniam a Concilio Tridentino definita fuerunt, observantur in Regno vimque legis habent, quantumvis auctoritate regia non fuerint promulgata; ejusmodi sunt ea quæ spectant reductionem impedimentorum matrimonii, quæ quidem ad numerum longe minorem & arctiorem contraxit Synodus; tum vero ea quæ ad irregularitates, suspensiones, & casus reservados attinet, ubi

videlicet facultas de illis dispensandi conceditur Episcopo; igitur necessaria non est promulgatio.

Respondeo universam populorum acceptionem, quæ scilicet tacitum involvit Principis consensum, vel locum tenere promulgationis, vel saltem pariter esse cum promulgatione roboris; cum præsertim agitur de statutis Conciliorum quæ legem onerosam revocant, juriq; communi restituendo consulunt; unde fluxit commune illud effatum in Jure, In favorabilibus necessaria non est promulgatio. Jam vero capitibus mox laudatis, & leges onerosas revocavit Synodus Tridentina, ut per se patet, & jus commune Episcopis antea subductum restituit.

Instabis: Romæ solum, nec in alia orbis Christiani Civitate promulgatur celeberrima illa Constitutio quæ dicitur *Bulla in Cæna Domini*, quod in die Cœnæ Domini quotannis Romæ publicetur; hæc autem Bulla anathemati subjiciuntur, quicunque rerum Ecclesiasticarum jurisdictionem ad se trahunt, etiam prætextu *gratiarum illis concessarum*; Igitur cujuslibet legis Ecclesiasticæ necessaria non est promulgatio.

Respondeo illam *Constitutionem* nullius plane roboris esse in hoc regno propter rationes superius adductas, quibus nempe ostendimus nullam legem apud Gallos vim obtinere, quin prius Regis auctoritate fuerit promulgata. Quibus addo nimis probare, ut ajunt, qui hujus Bullæ auctoritatem vindicare conantur; inde enim sequeretur & nostros Reges anathemate percelli, si in jurisdictionem Ecclesiasticam vel ad minimum involent; quod quidem privilegia Regum nostrorum & ab ipsa Romana Sede concessa & longo usu firmata penitus evertit: Scilicet Galliam diserte excipit Clemens V. a qualibet excommunicationis sententia, nisi ea nominatim designetur.

Obji-

Obijcies: Nunc invaluit Ecclesie consuetudo, ut qui ab aliqua privata Ecclesie communione pulsus fuit, habeatur pro excommunicato ubique & in omnibus Provinciis, ut traditur Decreti 2. p. causa 11. q. 3. cap. *Si quis*, ubi sic habetur: *Si quis a proprio Episcopo excommunicatus est, nec eum debere ab aliis suscipi, nisi a suo fuerit receptus Episcopo*. Ad cujus consuetudinis probationem adduci potest quod scribit Innoc. III. de postulat. Prælat. cap. 1. lib. Decret. 1. titul. 3. cum lex solemniter promulgata fuerit, non esse necesse, ut speciali mandato auribus singulorum insinuetur.

Respondeo vitari non posse semel excommunicatos privata alicujus Episcopi sententia, nisi ab iis qui de hac excommunicatione certiores facti sunt; quapropter ea semper viguit in Ecclesia consuetudo, ut si quis a communione Ecclesiastica ejiceretur, Episcopus a quo pulsus fuerat, alios per litteras admoneret, ut patet ex Concil. Ephes. Can. 1. ex Concil. Araus. an. 441. Can. 11. ex Turonensi 2. an. 567. Can. 8. Quin etiam, ut observat doctissimus Marca, tempore Ivoonis excommunicatus ab uno Episcopo, a cæteris Episcopis erat excommunicandus, ut omnibus nota esset lata in reum sententia: *Sic enim*, inquit. Ivo Ep. 76. *antiquius est institutum, & nuper in Arvernensi Concilio omnium Episcoporum qui aderant consensu confirmatum, ut ab uno Episcopo quolibet pro injuriis Ecclesiasticis excommunicatum vicini quoque Episcopi excommunicent*.

Tantum abest vero, ut adversus nostram sententiam quidquam habeat virium Innocentii III. testimonium, quin potius omnino & aperte nobis faver; ait enim cum lex solemniter promulgata fuerit, necesse non esse, ut speciali mandato auribus singulorum insinuetur. Ubi duo sunt apprimè notanda, 1. de singulis hominibus loquitur non autem

de Provinciis, nemo vero nostrum docuit unquam eam legis promulgationem esse necessariam quæ omnium & singulorum aures tangeret. 2. manifeste supponit Innocentius legem solemniter promulgatam fuisse.

Quibus & alia duo minime spernenda subjungi possunt, 1. Nimis probari hoc argumento adversus nostram conclusionem, probaretur enim neque etiam exigi promulgationem quæ fiat Romæ, quod quidem nec ipsi volunt adversarii. 2. Quæstionem hic propositam esse solummodo de legibus Ecclesiasticis quæ ad universam Ecclesiam dirigantur, qualis profecto non est privata quædam censura ab aliquo Episcopo facta.

Utrum per Leges Ecclesiasticas actus interni præcipiantur.

INter Theologos affirmant nonnulli leges humanas perinde præcipere & prohibere posse actus internos, qui scilicet interius in corde & animo consummantur, ut & externos qui exterius manifestantur; unde, inquit, per legem humanam Ecclesiasticam præcipitur attentio in recitandis Horis Canonicis; hanc sententiam, ut refert Vasquez in 1. 2. disput. 160. docuerunt Adrianus quodlib. 8. art. 1. Albertus Pighius lib. 6. Hierarc. Ecclesiast. cap. 26. & Joannes Medina c. de Oratione qu. 15.

Verum opposita sententia ab aliis universim defenditur, qui oimrum dicunt nullum legislatorem etiam Ecclesiasticum potestatem habere in actus omnino internos, si nempe in se, directe, & præcise spectentur, prout interni sunt; ita S. Thomas q. 91. art. 4. & q. 100. art. 9. Durandus in 4. dist. 17. q. 8. & dist. 15. q. 12. Palud. in 4. dist. 17. q. 7. & dist. 15. q. 5. art. 2. Gabriel in Can. lect. 62. Gerion. lect. 4. de vita spiritali coroll. 1. & 2. Anton. 3. p. tit. 24. Angelus verbo hæreticus. Syl.

Sylveſter verbo *excommunicatio*. Joannes Driedo lib. 3. de libert. Chriſt. cap. 3. Cajetanus in ſumma verbo *hæreſis*. Alphoſus de Caſtro. Dominicus Sotus & Navarrus qui ab eodem Vaſquezio citantur, & quorum ſententiam nos amplectimur.

CONCLUSIO.

Actus interni, qui nempe interius in mente & corde conſummantur, ſi per ſe & præſe ut interni ſpectentur, non eadum ſub lege humana.

Et ratio eſt quia legiſlator non poteſt præſcribere aut prohibere actus, de quibus ſententiam ferre non poteſt: atqui homo ſententiam ferre non poteſt de actibus internis: de iis enim homo iudicium ferre non poteſt quæ ſcire nequit, nec vel minima conjectura inveſtigare: ſed ejuſmodi ſunt actus interni, ſeu ſenſus interiores cordis humani, quando nempe nullo ſigno ſenſibili manifeſtantur; non eſt enim hominum, ſed ſolius Dei ſcrutari corda & renes; unde fluxit vulgare iſtud axiomata, De internis non iudicat Prætor: igitur lex humana vel etiam Eccleſiaſtica non fertur de actibus internis prout interni ſunt.

Objicies: Lex Eccleſiaſtica præcipitur fidelibus, ut quotannis confeſcantur omnia peccata mortalia etiam occulta & ſolius cordis & cogitationis: Sed ejuſmodi lex, ut per ſe patet, ad actus pure internos dirigitur, nempe ad peccata cordis: Igitur lex humana quandoque decerni poteſt de actibus pure internis.

Neg. min. Lex quippe Eccleſiaſtica de confeſſione annua id unum præcipit per ſe & directe quod exterius manifeſtatur, puta ut unusquiſque inter Chriſtianos ſemel in anno peccata ſua confeſſetur coram Sacerdote, unde obſectum proprie loquendo huius legis eſt exterior peccatorum confeſſio; ſint au-

tem ex illis peccatis declarandiſ quædam pure interna, in corde ſcilicet hominis commiſſa, nihil omnino refert, quia non ſunt obſectum legis Eccleſiaſticæ, ſed ipſa exterior peccatorum declaratio, hæc ſola ex jure humano pendet. Scilicet id ſolum ab hominibus cognoſci poteſt, an Chriſtianus peccata ſua confeſſus fuerit, ſciri vero a nemine poteſt an quædam peccata cordis omiſerit; quo fit ut nulla poena pro peccatis cordis in confeſſione Sacramentali minime declaratiſ inſigi poſſit. Quibus adde nec ipſam confeſſionem Sacramentalem, in ſe præſe, ut confeſſio eſt peccatorum, pertinere ad legem Eccleſiaſticam, ſed tantum ut annua eſt; Chriſtus enim inſtituit confeſſionem, & Eccleſia præſcripſit ut quotannis fieret; ut ſuſius oſtendetur in Tractatu de Sacramentis.

Objicies: Sunt leges Eccleſiaſticæ, quibus præcipitur attentio in recitandiſ Horis Canonicis, id legitur in cap. *Dolentes*, de celebratione Miſſarum; ſed ejuſmodi attentio eſt actus internus; igitur actus interni plerumque præcipiuntur lege humana.

Diſt. maj. Quibus præcipitur attentio in recitandiſ Horis Canonicis conſequentur ad præceptum divinum & virtute ipſius præcepti divini, C. quaſi virtute ipſius legis humanæ & Eccleſiaſticæ præcipitur, N. ſcilicet præcipitur attentio interior in recitatione Horarum, quia nimirum jure divino præcepta eſt oratio; & iterum jure divino attentionem expoſcit oratio; quare cum Eccleſia præcipit orationem anteriorem, conſequentur ad jus divinum injungit eam debere fieri cum attentione.

Huic autem dudum trix apud Theologos difficultatiſ reſpondent alii, virtute præcepti humani prohiberi ſolam diſtractionem externam, & præcipi contra anteriorem & modeſtam attentionem; unde ſequitur lege humana &c.

Ec-

Ecclesiastica primo per se & directe non præcipi actum interius.

Objicies: Ecclesia dispensare potest a votis interius emissis; ergo versari potest circa actum internum.

Respondeo leges Ecclesiæ cadere posse in vota interius emissæ, si exterius prodeant, uti reapse prodeunt quando proponuntur & explicantur, non autem si omnino interius maneant; sic enim de iis Ecclesiæ judicare non potest, nec ad ea cogere.

Respondet Valquez posse similiter Ecclesiam dispensare a voto aut illud commutare, quando omnino interius manet: Potest enim, inquit, Superior sub conditione dicere, Si tale votum emisisti, ego dispenso tecum aut illud commuto. Ratio autem discriminis inter hæc duo est, quia dispensatio fit ab eo qui habet potestatem nomine Dei remittendi verbum promissionis; hoc autem fieri potest etiam si votum non innotescat, veluti quisque posset juramentum factum in suam utilitatem ab altero ei remittere, etiam si omnino interius & in corde factum esset, neque enim ut Superior votum impediat vel immutet, necesse est ut prius illud votum sciat: at vero ut jubeat actum, & de illo legem ferat, oportet ut de illo possit judicare & ad illum cogere; & ideo irritare seu commutare potest interius votum; at vero præcipere aut vetare nequit opus interius, quia nec de illo judicare, nec ad illum cogere potest.

Objicies: Plurimis Conciliorum definitionibus anathematizantur, qui crediderint contra id quod ibi definiunt; ergo pro solo peccato interius admissio infligitur excommunicatio. Quamobrem si quis corde tantum habuisset hæresim & illam deinde ore confiteretur, profecto puniretur tanquam hæreticus, proindeque lex humana potestatem habet in actus interiores.

Respondeo in illis Canonibus & De-

cretis Conciliorum, in quibus sententia excommunicationis fertur in eos qui contrarium crediderint, non pronuntiarī sententiam in hæreticos, qui corde solum & interius conceperunt, sed in eos tantum qui aliquo signo aut opere animum infidelitatis manifestaverint, is enim tanquam hæreticus poenam excommunicationis incurrere non potest, qui non cognoscitur esse hæreticus: sed nisi quis hæresim suam aliquo signo externo manifestaverit, non cognoscitur esse hæreticus; ergo tanquam hæreticus poenam excommunicationis incurrere non potest.

Quamobrem falsum est eum tanquam hæreticum esse puniendum, qui hæresim suam in solo animo retinuerit, nec ullo unquam opere externo manifestaverit. Nam confiteri se in hæresim incidisse, non est peccare peccato hæresis interiori, nec hæresim profiteri.

Objicies: In cap. *Commissa cæterum, de Election. in 6.* statuitur, ut ille qui susceperit beneficium parochiale sine intentione suscipiendi debitum Ordinem intra annum, nisi revera postea mutata voluntate susceperit illum, debeat resignare beneficium & restituere fructus illius anni; ergo præcipit Ecclesia affectum omnino internum, scilicet intentionem suscipiendi sacros Ordines.

Respondeo hanc beneficii parochialis ejusque fructuum privationem, quæ pendet ex intentione Parochi nominati non fieri proprie, per se, & directe lege humana & Ecclesiastica, sed jure naturali declarato & determinato per Ecclesiam, quatenus omne beneficium ex natura sua datur propter officium, officium autem Parochi in administratione Sacramentorum positum, non fit nisi a Presbytero; & similiter dicitur jus naturale, stipendium non mereri qui non laboraverit, adeoque qui intentionem non habuerit accipiendi Presbyterium, quo possit hoc suum munus exercere, quæ cum jure naturali præ-

fcri-

scripta sint, eadem suis legibus renovat, statuit & confirmat Ecclesia; quo fit ut Ecclesia per se, proprie, & directe non præcipiat actum internum.

An liceat Clericis ditiones seculares possidere.

EPiscopis vel aliis quibuscunque viris Ecclesiasticis licitum non esse, jure saltem humano divitias, agros & principatus possidere, clamant olim Waldenses seu pauperes de Lugduno, ut refert Æneas Sylvius in lib. de origine Bohemorum cap. 35. Dehinc in omnes Ecclesiarum Præpositos vehementer insurrexit Joannes Wiclephus, quod nempe opimas possiderent ditiones ipsi Sacerdotio conjunctas, ex quibus fluxerunt demum insolita quædam sæcularis pompa, stipatus magnifici, Episcoporum palatia, &c. ut videre est apud Thomam Waldensem lib. 4. doctr. fidei art. 3. his adjungere possumus recentiores hæreticos qui contendunt non licuisse summo Pontifici aliisque Episcopis accipere temporale dominium, sæcularem potestatem; ita Calvinus lib. 4. instit. cap. 11. n. 8. 9. & sequentibus. Petrus Martyr in c. 13. Epistolæ ad Rom. tum vero Magdeburgenses centur. 1. lib. 2. cap. 4. in quos omnes sit

CONCLUSIO.

Et ditiones sæculares & potestatem temporalem iuste & legitime possident viri Ecclesiastici.

Ac primo quod attinet ad ditiones sæculares, hæc disciplina quæ nunc viget in Ecclesia, merito colligitur ex veteri Testamento, siquidem licitum fuit Sacerdotibus & Levitis, urbes, agros & vineas possidere, Num. 35. cap. hæc locutus est Deus ad Moysen: *Præcipe filiis Israel, ut dent Levitis de possessionibus suis urbes ad habitandum &*

suburbana earum per circuitum, ut ipsi in oppidis maneant & suburbana sint pecoribus ac jumentis... Ipsæque urbes quæ dabantur de possessionibus filiorum Israel, ab his qui plus habent, plures auferentur, & qui minus, pauciores. Singuli juxta mensuram hereditatis suæ dabunt oppida Levitis. Quod quidem impletum fuisse legimus Josue c. 21.

Non me latet quod dicit Lyranus in hunc locum Num. 35. eas urbes solummodo datas Sacerdotibus quoad usum, non autem quoad dominium; quod quidem probat de Hebron quæ data est Sacerdotibus, ut legitur Josue 21. cuius tamen dominus erat Caleb de Tribu Juda, Josue 14. Verum saltem Lyranus, constat enim ex Levit. c. 25. sempiternas fuisse Levitarum possessiones quas potuerunt vendere & redimere, sicut alii sæciebant Israelitæ. *Ædes Levitarum quæ in urbibus sunt, semper possunt redimi, si redempta non fuerint, in jubileo revertentur ad dominos, quia domus urbium Levitarum pro possessionibus sunt inter filios Israel.* Suburbana autem eorum non veneant, quia possessio sempiterna est. De Hebron porro legitur Josue 21. solos agros & vineas illius territorii fuisse Caleb; urbem autem & suburbana Sacerdotum. Item Levit. ultimo præcipitur, ut si quis agrum Domino voverit, eum Sacerdotes possideant. Et Jeremias qui Sacerdos fuit & Propheta testatur cap. 32. se emisse agrum.

Atque hoc idem licitum esse Sacerdotibus novi Testamenti, ex eo vel maxime intelligitur, quod ipsis Apostolorum temporibus pecunias suas Ecclesiæ Ministris deferre solebant, act. 4. cap. Neque enim quisquam egens erat inter illos. Quotquot enim possessores agrorum aut domorum erant, vendentes afferebant pretia eorum quæ vendebant & ponebant ante pedes Apostolorum. Dividebatur autem singulis prout cuique opus erat. Unde Ananias & Saphira agro diven-

divendito pretii partem sibi servantes subita morte percussi sunt, act. c. 5.

Favet insuper quod I. ad Corinth. cap. 9. scribit Apostolus æquum esse, ut qui Evangelium annuntiant, ex Evangelio vivant. *Nunquid non habemus potestatem manducandi & bibendi? Quis militat suis stipendiis unquam? quis plantat vineam, & de fructu ejus non edit? quis pascit gregem, & de lacte gregis non manducat? nunquid secundum hominem hæc dico? An & lex hæc non dicit? Scriptum est enim in lege Moisi: non alligabis os bovi trituranti. Nunquid de bobus cura est Deo? an non propter nos utique hæc dicit? Nam propter nos scripta sunt, quoniam debet in spe qui arat arare, & qui trahit, in spe fructus percipiendi. Si nos vobis spiritualia seminavimus, magnum est si nos carnalia vestra metamus Nescitis quoniam qui in sacrario operantur, quæ de sacrario sunt edunt, & qui altari deserviunt, cum altare participant? Ita & Dominus ordinavit iis qui Evangelium annuntiant, de Evangelio vivere. Ubi Apostolus sex argumentis probat licere sibi alique ministris verbi divini stipendium laboris accipere, 1. Exemplis aliorum Apostolorum; 2. Similitudinibus militum, Pastorum, & Agricolarum; 3. Ex lege Moisi; 4. Ex exemplo Sacerdotum & Levitarum veteris Testamenti; 5. Ex Dei & Christi ordinatione; 6. Ex ipsa rei natura quæ dicitur omni laboranti deberi ex justitia stipendium.*

Quamobrem in decursu temporum vel donationis titulo, vel emptionis seu cessionis nomine, aut demum proprio labore agros, vineas, domos & alia bonorum genera obtinuerunt Clerici, quorum certe & recta esse potest administratio, & legitima est possessio; quidni enim opes terrenas his præfatis titulis possidebunt Clerici, ut & ipsi possident Laici?

Addimus secundo nec quidquam cum

Tom. V.

lege divina vel jure humano pugnare, quod Ecclesiæ Prælati non modo spiritualia, sed temporalia tractent suprema cum auctoritate, adeo ut unus idemque homo sit Princeps Ecclesiasticus & politicus simul. Id nimirum demonstrant Sanctorum exempla tum e veteri, tum e novo Testamento deprompta.

In veteri quidem Testamento Melchisedech fuit Rex simul & Pontifex, ut patet ex Genes. 14. cap. & Hebr. 7. Moyses fuit quoque & Princeps temporalis & summus Pontifex; nam Exodus 18. Judicabat populum. Et cap. 40. Adolevit Domino incensum. Unde Philo lib. 3. de vita Moysi sic de eo loquitur: *Hæc est vita, hic exiit Moyses Regis, Legislatoris, Pontificis, Prophetæ.* Et S. Augustinus quæst. 23. in Levit. *Ambo summi Sacerdotes erant Moyses & Aaron.* De ejus principatu prius dixerat quæst. 68. in Exod. *Sedebat, inquit, judicaria sublimitate solus, populo universo stante;* quibus adde Machabæos ulque ad Herodem fuisse simul & Sacerdotes & populi Judaici duces.

In novo autem Testamento certum est tanquam piissimos & sanctissimos celebratos fuisse, qui Episcopis, ac præsertim Romano Pontifici Principatum temporalem concesserunt. Item constat ejusmodi donationes ex Regum & Imperatorum munificentia factas, ab Episcopis vitæ sanctitate conspicuis acceptas fuisse; scilicet ad supremum Episcopatum rite gerendum interdum necessariam esse potestatem temporalem utrique intellexerant.

Obijcies hæc verba S. Pauli ad Timotheum qui Episcopus erat, Epistola nempe secunda cap. 2. *Nemo militans Deo implicat se negotiis secularibus, ut ei placeat cui se probaverit.* Sed qui temporalia tractat, quippe magnas opes & ditaciones possidet, necessario implicatur negotiis secularibus; ergo ex Apostolo

Qq

nec

nec ditiones nec dignitates temporales habere debent Ecclesie Prælati.

Respondeo mentem Apostoli esse Episcopum Deo & rebus divinis occupatum, debere quantum fieri potest, & prout exposcit bonum Ecclesie, ab omnibus negotiis secularibus immunitatem esse, præsertim si a muniis Ecclesiasticis obtundis eum avocent illa negotia temporalia; sed non ita demum intelligi debet Apostolus, quasi ab omni negotio seculari, quodcumque tandem illud sit, abstinere debeant Episcopi; si nempe illud vergat in bonum & utilitatem Ecclesie quam gubernant. Observant insuper quidam Interpretes in hunc divi Pauli locum, vocem Deo non reperiri in Græco nec in quibusdam latinis versionibus, unde accipi deberet hæc sententia tanquam generaliter pertinens ad omnes & quoslibet milites.

Obijcies hæc verba Christi, Luc. 22. cap. *Reges Gentium dominantur eorum, vos autem sic*. In quæ verba sic disserit Calvinus lib. 4. Instit. c. 11. n. 8. *significavit Dominus, inquit, non modo Pastoris officium distinctum esse ab officio Principis, sed res esse magis separatas, quam ut in unum hominem coire queant*.

Respondeo id unum his verbis monere Christum Dominum, non debere Apostolos, qui ad Ecclesie gubernationem vocati sunt, Gentilium Principum dominationem æmulari, qui nempe magis ambiciosi & crudeliter esse solebant, quam Judæorum Principes qui religione & timore Dei in officio continebantur; quapropter non quoslibet, sed Gentium Principes nominavit, *Reges Gentium dominantur eorum*. Id insuper ex eo maxime confirmant Interpretes quod Matthæus utitur verbo κατ' ἐξουσίαν quod quidem significat *violenter dominantur*, non autem dominantur simpliciter.

Obijcies illud Lucæ 12. Christus ait;

Homo, quis me constituit Judicem aut divisorem inter vos? Ubi scilicet Dominus respuit munus judicandi tanquam minus consentaneum muneris Pastorum; unde Apostoli dicunt Act. 6. c. Non est æquum nos relinquere verbum Dei & ministrare mensis.

Respondeo in utroque testimonio admoneri duntaxat Ecclesie Præpositos, ne vilibus officiis ita occupentur, ut majora omittere cogantur, quomobrem in hunc finem Apostoli ita curam ministrandi mensis detulerunt septem Diaconis, ut majoribus vel etiam gubernandis incumbere, ut supra ostendimus.

Appendix de Consuetudine.

TRactatui nostro de legibus brevem hanc de consuetudine subnectimus appendicem, quia consuetudo plerumque vim legis obtinet.

Sumitur quandoque consuetudo pro crebro, frequenter ac familiari usu, vel pro re, tempore ac frequenti hominum usu confirmata, quo sensu consuetudo maximam vim habet & difficulter tolli potest: unde Israelitæ quæ ex Ægypto egressi manna habebant, fruebanturque libertate, tamen in Ægyptum redire cupiebant ut servirent Ægyptiis, nempe propter consuetudinem, quia in Ægypto affueverant aliis & servituti.

Hic vero nomine consuetudinis intelligitur, jus quoddam usu & moribus stabilitum, tamen nulla lege sit sancitum: 1. Dicitur *jus quoddam*, quia ut mox ostendemus, vim legis nonnunquam obinet consuetudo; 2. Additur *usu stabilitum*, ut differat a lege, quæ ferri debet a legislatore, cum e contra consuetudo solis locorum moribus introducat; unde & subjungitur in definitione, tamen nulla lege sit sancitum. Hæc porro definitio & alia quæ ad consuetudinis notionem & doctores pertinent, longe melius patefient, si ad

fi ad nonnullas, quæ super ea re institui possunt quæstiones, quoad fieri poterit, responderimus.

Quæres primo, utrum aliquid conferat consuetudo ad propugnanda fidei dogmata.

Respondeo consuetudinem nonnullam aliquid conferre ad fidei defensionem. Id potissimum constat ex controversiâ, quæ tertio sæculo de baptismo ab Hæreticis collato emerit in Ecclesia: tunc enim utrinque Stephanus, scilicet summus Pontifex, & SS. Cyprianus & Firmilianus in confirmationem suæ sententiæ consuetudinem acriter protulerunt. Sic enim v. g. loquitur Stephanus in hoc celeberrimo Decreto quod tunc temporis emisit, *si quis a quacunque hæresi venerit, nihil innovetur nisi quod traditum est, &c.* Non scripto, sed usu & consuetudine. Item S. Cyprianus quæ in contraria sententia versabatur, suæ similiter Ecclesiæ consuetudinem obtendit, Ep. 73. quæ est ad Jubaianum. *Apostolus enim, inquit, non nova aut repentina res est, ut baptizandos censuimus eos qui ab Hæreticis ad Ecclesiam veniunt.*

Ac denique Firmilianus Epistola quæ est inter Cyprianicas 75. Caterum, inquit, nos veritati & consuetudinem jungimus, & consuetudini Romanorum consuetudinem, sed veritati opponimus, ab initio hoc tenentes quod a Christo & ab Apostolis traditum est. Næc meminimus hoc apud nos aliquando cepisse, cum semper istic observatum sit, ut non nisi unam Dei Ecclesiam nossemus, &c. Ex quibus palam sit illos scriptores ex utraque parte usum & consuetudinem suarum ecclesiarum loco probationis adhibuisse ad fidem propugnandam.

Dicam tamen, ut res est, omnino non videntur utrinque in illa materia consuetudinem accipere, quomodo hic sumitur pro jure quodam moribus utentium stabilito in re plane indifferenti, sed consuetudinem usurpare videntur pro

traditione quæ initium haberet ab ipsis Apostolis; quo censu certum est apud omnes consuetudinem ad propugnanda fidei dogmata perutilem esse.

Neque obijci debent hæc Tertulliani verba lib. de velandis virginibus c. 1. *Veritati nemo præscribere possit, non spatium temporum, non patrocinia personarum, non privilegium regionum, ex his enim scire consuetudo initium ab aliqua ignorantia vel simplicitate sortita in usum per successionem corroboratur, & ita adversus veritatem vindicatur. Sed Dominus noster Christus veritatem se, non consuetudinem cognominavit, quasi aperte doceat consuetudines in auctoritatem adduci non posse.* Etenim Tertullianus eo loci de iis consuetudinibus loquitur, quas veritati oppositas supponit; ait enim veritati neminem præscribere posse, quod idem docet & ipse S. Cyprianus Ep. 74. his verbis: *Consuetudo sine veritate vultus erroris est.*

Quæres utrum in rebus quæ ad mores pertinent, consuetudo vim legis obtineat.

Respondeo affirmative. Id quippe expressis verbis testatur S. Augustinus Epist. 36. olim 86. ad Casulanum cap. 1. *In his enim rebus de quibus nihil certi statuit Scriptura divina, mos populi Dei vel instituta majorum pro lege tenenda sunt.* Eandem doctrinam tradiderat Origenes Homil. 5. in Leviticum, his verbis: *Sed & in Ecclesiasticis observationibus, inquit, sunt nonnulla hujusmodi, quæ omnibus quidem facere necesse est, nec tamen ratio eorum omnibus patet.* Nam quod, v. g. stetit de Eucharistia & de caeremoniis Baptismi, &c. Item S. Epiphanius Epist. 197. ad Diodorum duas sorores successive matrimonio sibi conjungi non posse probat ex Ecclesiæ consuetudine, quam legis vim

vim obtinere docet : Principio igitur , inquit , quod in ejusmodi rebus maximi momenti est , morem , qui apud nos est , obijcere possumus , quod is legis vim habeat ; propterea quod sanctiones ista a sanctis viris sunt nobis tradita quare etiamsi nihil aliud dici posset , sufficeret nos isto ad cavendum hoc malum . S.c. porro loquuntur & alii Patres .

Quares tertio quæ consuetudines & & in quibus circumstantiis admitti debeant , vel omnino improbari ; quando sint tolerandæ , vel omnino eradicandæ .

Respondeo in ordine ad varias & diversas consuetudines , tum vero & ad varias circumstantias in quibus versatur , hominem debere se diversimode gerere ; in his porro explicandis unum sequemur ducem Augustinum , quo quidem nemo alius præcæntes difficultates enucleatius aperuit .

I. igitur privatas consuetudines , de quibus nunc sermo est , ab Apostolicis Constitutionibus & Conciliorum Decretis , vel potius ab illis consuetudinibus quæ universæ Ecclesiæ auctoritate fulciuntur , aperte distinguit , Epist. 54. olim 118. aitque ejusmodi privatas regionum consuetudines ab iis hominibus qui in illis commorantur , servandas esse , sed sine scrupulo & vitata omni superstitionis obstinatione : Illa autem , inquit , quæ non scripta , sed tradita custodimus quæ quidem toto terrarum orbe servantur , datur intelligi vel ab ipsis Apostolis , vel plenariis Conciliis , quorum est in Ecclesia saluberrima auctoritas , commendata atque statuta retineri . Sicuti quod Domini Passio , & Resurrectio , & Ascensio in Cælum , & Adventus de Cælo Spiritus anniversaria solemnitate celebrantur , & si quid aliud tale occurrit quod servatur ab universa , quacunque se diffundit , Ecclesia . Alia vero quæ per loca terrarum regionesque variantur , sicuti est quod alii non , alii quotidie communicant Corpori & Sanguini Domini ; alii certis diebus accipiunt & alibi nullus dies prætermittitur ,

quo non offeratur ; alibi Sabbato tantum & Dominico , alibi tantum Dominico ; & si quid aliud hujusmodi animadverti potest , totum hoc genus rerum liberas habet observationes , nec disciplina ulla est in his melior gravi prudentique Christiano , quam ut eo modo agat , quo agere viderit Ecclesiam , ad quam forte deveneris . Quod enim neque contra fidem , neque contra bonos mores esse convincitur indifferenter est habendum , & propter eorum inter quos vivitur societatem , servandum est . Ecce quo pacto censet Augustinus liberas esse eorum observationes , quæ pro diversitate locorum diversæ sunt .

Addit tamen paulo infra morem Ecclesiæ in qua vivitur servandum esse : Sensi enim , inquit , sepe dolens & gemens multas infirmorum perturbationes fieri , per quorumdam fratrum contentiosam obstinationem , vel superstitionis timiditatem , qui in rebus hujusmodi , quæ neque Scripturæ sanctæ auctoritate , neque universalis Ecclesiæ traditione , neque vitæ corrigende utilitate , aut certum possunt terminum pervenire (tantum quia subest qualiscunque ratiocinatio cogitantis ; aut quia in sua patria sic ipse consuevit , aut quia ibi vidit , ubi peregrinationem suam , quo remotiorem a suis , eo doctiorem sanctam putat) tam litigiosos excitant questiones , ut nisi quod ipsi faciunt , nihil rectum existiment .

Et cap. 5. eisdem Epistolæ sic de utroque observationum genere disserit , similiter etiam si quid bonum tota per orbem frequentat Ecclesia . Nam & hinc quin ita faciendum sit , disputare insensibilissima infania est . Sed neque hoc neque illud inest in eo quod tu queris . Restat igitur ut de illo tertio genere sit , quod per loca regionesque variatur . Faciat ergo quisque quod in eâ Ecclesia , in quam venit , invenit . Non enim quidquam eorum contra fidem sit , aut contra mores hinc vel inde meliores . His enim causis , id est , aut propter fidem , aut propter

nee .

mores, vel emendari oportet quod perperam fiebat, vel institui quod non fiebat. Ipsa quippe mutatio consuetudinis, etiam quæ adjuvat utilitate, novitate perturbat.

II. Mens fuit S. Augustini, aliarum, in quibus vita non agitur, regionum observationes non obligare, ut constat ex Epist. 36. olim 86. ad Casulanum, ubi totus est S. Doctor, ut quemdam Urbicum refellat, qui universos fideles per totum orbem terrarum teneri jejuniio Sabbati ex eo contendebat, quod jejunare solebant Romæ: Sed quoniam, inquit S. Augustinus in fine Epistolæ, contingit, maxime in Africa, ut una Ecclesia, vel unius regionis Ecclesiæ alios habeant Sabbato prædantes, alios jejunantes, mos eorum mihi sequendus videtur, quibus eorum populorum congregatio regenda commissa est.

III. Docet aliquando tolerandas esse nonnullas consuetudines, quantumvis saluti hominum inutiles, quæ nimirum sine perturbatione evelli non possent, Epistola 54. iam citata cap. 5. Ipsa quippe mutatio consuetudinis, etiam quæ adjuvat utilitate, novitate perturbat. Quapropter quæ utilis non est, perturbatione infructuosa consequenter noxia est.

Sed insigne potissimum est quod scribit S. Doctor de variis consuetudinibus Epist. 55. cap. 18. Miror sane, inquit, quid ita velueris, ut de iis quæ varie per diversa loca observantur, tibi aliqua scriberem; cum & non sit necessarium, & una in his saluberrima-regula retinenda sit, ut quæ non sunt contra fidem, neque contra bonos mores, & habent aliquid ad exhortationem vite melioris, ubicunque institui videmus, vel instituta cognoscimus, non solum non improbemus, sed etiam laudando & imitando sectemur, si aliquorum infirmitas non ita impedit, ut amplius detrimentum sit. Si enim eo modo

impediat, ut majora studiorum lucra speranda fini, quam calumniarum detrimenta metienda; sine dubitatione faciendum est, maxime id quod etiam de Scripturis defendi potest, sicut de Hymnis & Psalmis canendis, cum & ipsius Domini & Apostolorum habeamus documenta, & exempla, & præcepta, &c.

Cap. 19. Quod autem instituitur præter consuetudinem ut quasi observatio Sacramenti sit, approbare non possum, etiam si multa hujusmodi propter nonnullarum, vel sanctarum, vel turbulentorum personarum scandala devianda, liberius improbare non audeo. Sed hoc nimis doleo quod multa quæ in divinis libris saluberrime præcepta sunt, minus curantur, & tam multis præsumptionibus sic plena sunt omnia, ut gravius corripitur, qui per ocellas suas terram nudo pede tetigerit, quam qui mentem vinolentia sepeliserit. Omnia itaque talia quæ neque sanctarum Scripturarum antiquitatibus continentur, nec in Conciliis Episcoporum statuta inveniuntur, nec consuetudine universa Ecclesiæ roborata sunt, sed pro diversorum locorum diversis moribus innumerabiliter variantur; ita ut vix aut omnino nunquam inveniri possint causæ, quas in eis instituendis homines secuti sum, ubi facultas tribuitur, sine ulla dubitatione resacanda existimo. Ubi docet August. eas consuetudines abrogandas, quæ nec Scripturis, nec Ecclesiæ universæ auctoritate fulciuntur, hac tamen adhibita cautione, si commode & sine detrimento rescindi possint.

Ex quibus etiam merito colligitur nullas induci debere novas consuetudines; tum quia ex ejusmodi consuetudinum institutione fit, ut multa quæ in divinis libris saluberrime præcepta sunt, minus curentur; tum quia, ut ait, Epist. 54. iam citata, ipsa consuetudo quæ adjuvat utilitate, novitate perturbat.

INDEX QUÆSTIONUM, & conclusionum quæ in his duobus Tractati- bus continentur.

IN TRACTATU DE ACTIBUS HUMANIS.

Q uid sit actus humanus, & quo- tuplex.	Pag. 1
De principiis actuum humanorum.	4
De beatitudine hominis.	ibid.
De beatitudine objectiva.	5
Conclusio. Solus Deus est objectum nostræ beatitudinis.	ibid.
De beatitudine formali.	11
Prima Conclusio. Beatitudo formalis non est posita in actione increata.	12
Secunda Conclusio. Beatitudo forma- lis non consistit in speciali quodam il- lapsu Dei in animam beati.	13
Tertia Conclusio. Beatitudo formalis essentialiter posita est in visione Dei intuitiva simul in amore fructivo.	14
De beatitudine corporis.	18
De resurrectione corporum.	19
Conclusio. Certum est atque indubita- rum corpora nostra aliquando resurre- ctura.	ibid.
De affectibus seu proprietatibus resur- rectionis.	23
An perennis futura sit Sanctorum bea- titudo.	24
An beati peccare possint.	25
Quanam sint dotes corporis gloriosi.	27
Nonnullæ de resurrectione proponuntur questiones.	28
De principiis congenitis actuum hu- manorum.	32
De intellectu morali.	ibid.
De opinionum probabilitate.	34
Quid sit opinio probabilis.	ibid.
An licitum sit sequi opinionem mi- nus probabilem relicta probabili- ori.	35

Conclusio. Non licet tuta conscientia sequi in praxi opinionem minus pro- babilem relicta probabiliori.	38
Solvuntur Objectiones.	55
An liceat aliquando operari secundum opinionem probabilem.	69
Conclusio. Ut quis licite operetur & sine peccato, non requiritur ut per- fectam certitudinem habeat de veri- tate sententia quam sequitur.	70
De voluntate morali.	77
De voluntario & involuntario.	79
De involuntario per vim.	ibid.
De involuntario ex metu.	80
De involuntario per concupiscentiam.	ibid.
De involuntario per ignorantiam.	81
Utrum juris naturalis ignorantia in- vincibilis excuset a peccato.	82
Conclusio. Quæcunque ignorantia in- vincibilis vel etiam juris naturalis hominem eximit a culpa.	83
An detur ignorantia juris naturalis quæ sit invincibilis.	108
Prima Conclusio. Nec prima principia juris naturalis, nec conclusiones pro- xime ex eo sequentes invincibiliter ignorari possunt.	109
Secunda Conclusio. Jus naturale in- vincibiliter ignorari potest quoad cer- tas conclusiones a primis principiis longe remotiores.	115
Utrum juris positivi ignorantia invin- cibilis excuset a peccato.	116
Conclusio. Ignorantia juris divini, modo sit omnino invincibilis, ex- cuset a peccato.	ibid.
Utrum ignorantia sit peccatum forma- liter.	118
Conclusio. Ignorantia eorum quæ quis scire debet, speciale quoddam pec-	

vatum est.	ibid.
De libertate hominis.	122
An datur in homine liberum arbitrium.	123
Conclusio. Est in homine, etiam post Adæ peccatum, libertas arbitrii, liberum arbitrium.	124
De natura & essentia libertatis humana.	231
Conclusio. Libertas quæ ad meritum desideratur, consistit in indifferentia activa cujuslibet necessitatis ex parte.	232
De proprietatibus actuum humanorum.	160
An dantur actus indifferentes.	ibid.
Conclusio. Omnis actus humanus in individuo spectatus, vel bonus est vel malus moraliter, adeoque nullus datur plane indifferens.	161
Unde repetatur bonitas & malitia actuum humanorum.	167
Conclusio. Bonitas & malitia moralis actuum humanorum repeti debet ab objecto, sine & circumstantiis.	ibid.
Utrum ad peccandum requiratur advertentia ad malitiam peccati. Ubi & de peccato philosophico.	163
Conclusio. Ad peccandum formaliter & Theologice non requiritur advertentia actualis & expressa ad malitiam actionis & ad divinam offensam, imo nec requiritur virtualis, quæ posita sit in aliquo scrupulo vel dubitatione.	177
IN TRACTATU DE LEGIBUS.	
Definitio & divisio legis.	186
Utrum lex sit actus intellectus, an voluntatis.	187
Conclusio. Lex proprie est actus voluntatis.	188
Utrum lex omnis feratur in bonum commune.	189
Cujus sit legem ferre.	191
An promulgatio sit essentialis legi.	192

De interpretatione legis.	193
Conclusio. In legem tum naturalem tum divinam non cadit Epistola.	194
De lege æterna.	196
De lege naturali.	198
Quid sit lex naturalis, & quæ sint ejus præcepta.	299
Utrum lex naturalis e cordibus hominum deleri possit.	202
Utrum lex naturalis mutari possit.	204
An Deus dispensare possit a lege naturali.	205
Conclusio. Nequidem Deus dispensare potest a præceptis legis naturalis.	206
De lege positiva.	217
De lege divina veteri.	ibid.
Qua fuerit lex vetus, quæque ejus præcepta.	ibid.
Utrum lex vetus fuerit bona.	219
Conclusio. Lex vetus fuit bona.	ibid.
An lex vetus fuerit imperfecta.	226
An lex vetus a Deo data fuerit.	230
Conclusio. Lex vetus est a Deo data.	ibid.
An lex vetus data fuerit per Angelos.	232
Conclusio. Lex vetus data fuit per Angelos.	235
Utrum lex vetus solis Judæis data fuerit.	236
An jure lex vetus abrogata fuit.	238
Conclusio. Lex vetus jure merito fuit abrogata.	ibid.
An statim post Christi mortem legalium observatio morifera.	241
Conclusio. Morifera non fuit legalium observatio statim ab ipsa Christi morte.	ibid.
An sincero animo legalia servaverint Apostoli, ubi & de reprehensione S. Petri.	243
Prima Conclusio. Post Christi mortem legalia servaverunt Apostoli sincere, non simulate.	ibid.
Secunda Conclusio. S. Paulus vere & sincere reprehendit Sanctum Petrum.	247

<i>Quoniam precise tempore salutis noci-</i>		<i>An leges Ecclesiasticas condere com-</i>	
<i>ua fuerit legalium observatio.</i>	253	<i>petat laicis.</i>	ibid.
<i>De lege nova.</i>	258	Prima Conclusio. <i>Non licet secula-</i>	
<i>De lege humana.</i>	261	<i>ribus Principibus novas ferre leges</i>	
<i>An sit in hominibus potestas conden-</i>		<i>de iis qua ad Religionem Chri-</i>	
<i>di leges qua obligent in conscien-</i>		<i>tianam pertinent.</i>	293
<i>tia.</i>	ibid.	Secunda Conclusio. <i>Licium est Prin-</i>	
Conclusio. <i>Est in hominibus aqua</i>		<i>cipibus laicis leges ferre que ad</i>	
<i>& legitima potestas condendi leges</i>		<i>legum tum divinarum tum Eccle-</i>	
<i>qua obligent in conscientia.</i>	262	<i>siaficarum executionem promoven-</i>	
<i>Sententia Gersonii.</i>	270	<i>dam dirigantur.</i>	ibid.
<i>Utrum leges penales obligent conscien-</i>		<i>An & quomodo promulgari debeant</i>	
<i>tiam.</i>	279	<i>leges Pontificia.</i>	295
Conclusio. <i>Sunt quadam leges pura</i>		Conclusio. <i>Leges Pontificia, ut &</i>	
<i>penales qua in foro interiori con-</i>		<i>alia quacunque per singulas orbis</i>	
<i>scientiam non obligant.</i>	280	<i>universi Provincias publicari de-</i>	
<i>Utrum lex humana obliget etiam cum</i>		<i>bent.</i>	ibid.
<i>vita periculo.</i>	ibid.	<i>Utrum per leges Ecclesiasticas actus</i>	
<i>An iusti & perfecti subjiciantur le-</i>		<i>interni precipiantur.</i>	301
<i>gibus.</i>	283	Conclusio. <i>Actus interni qui nempe</i>	
Conclusio. <i>Iusti & perfecti subji-</i>		<i>interius in mente & corde consum-</i>	
<i>ciuntur legi.</i>	284	<i>mantur, legibus humanis non pra-</i>	
<i>An & quomodo lex humana mutari</i>		<i>ciuntur.</i>	302
<i>possit.</i>	286	<i>An liceat Clericis ditiones seculares</i>	
<i>De lege civili.</i>	290	<i>possidere.</i>	304
<i>De acceptatione legis civilis.</i>	ibid.	Conclusio. <i>Et ditiones seculares, &</i>	
Conclusio. <i>Leges civiles populorum</i>		<i>potestatem temporalem iuste & legiti-</i>	
<i>acceptationem non exigunt.</i>	291	<i>me possident viri Ecclesiastici.</i>	ibid.
<i>De lege Ecclesiastica.</i>	292	<i>Appendix de consuetudine.</i>	306

F I N I S.

I N D E X

RERUM ET MATERIARUM LOCUPLETISSIMUS.

ORDINE ALPHABETICO DIGESTUS.

A

Actus humanus quid sit & quod duplex . . . pag. 3

Quinam actus humani spectent finem & quinam media . . . ibid.

Series & ordo humanorum actuum in prosecutione boni . . . 4

Quenam dicantur principia humanorum actuum . . . ibid.

Quid sint principia interna & externa eorum . . . ibid.

Horum principia congenita; sunt intellectus voluntas & libertas . . . 32

Ad actum humanum licitum & sine peccato non requiritur perfecta certitudo, sed sufficit certitudo moralis . . . 70

Actus humani facti per metum absolute, & simpliciter, censeri debent involuntarii . . . 80

Actus humanus vel considerari potest in specie, vel in individuo . . . 160

Quid uterque sit . . . 160

Omnis in individuo spectatus vel bonus est, vel malus moraliter, adeoque nullus datur plane indifferens . . . 161

Tenetur homo lege naturali & positiva omnes suos actus & singulos ad Deum referre . . . 163

Non quidem semper ex intentione actuali & expressa, sed ex intentione virtuali . . . ibid.

Hoc non obstat quod in aliquibus actibus humanis possimus licite habere finem aliquem creatum, . . .

Tou. V.

sed intermedium . . . 165

Actus humani unde dicantur morales . . . 167

Bonitas & malitia moralis actuum humanorum repeti debet ab objecto, fine, & circumstantiis. ibid.

Ad bonitatem moralem tria hæc debent confluere juxta illud bonum ex integra causa, ad malitiam vero quod unum ex his tribus sit malum sufficit juxta illud malum ex quocumque defectu. 168

Ad malitiam moralem actus humani non requiritur advertentia vel expressa vel virtualis . . . 171

Actus interni per se & præcise ut tales non cadunt sub lege humana . . . 302

Advertentia quid sit . . . 168

Alia actualis & expressa, alia virtualis & interpretativa . . . ibid.

Non omnes conveniunt Theologi in explicanda posteriori advertentia . . . 169

Qui docent advertentiam requiri ad peccandum formaliter, ut plurimum intelligunt de actuali, vel de virtuali, quæ coincidit cum actuali. 170

Ad malitiam prout adversatur recte rationi facit per hos auctores peccatum philosophicum, prout legi Dei, Theologicum . . . ibid.

Ad peccandum formaliter & Theologicè non requiritur actualis advertentia & expressa ad malitiam actionis, & ad divinam offensam . . . 171

R. Immo.

Immo nec requiritur virtualis, quæ
posita sit in aliquo scrupulo, vel
dubitatione. *ibid.*
Varia absurda recensentur, quæ ex
opposita sententia sequerentur. *175*
Multi sunt qui reapse peccare cen-
sentur, licet nullam habeant ad-
vertentiam ad malitiam peccati. *177*
Actualis est circumstantia, non ef-
fentialis, sed accidentalis pecca-
to. *184*
Agilitas = in quonam sit sita agilitas cor-
porum Beatorum. *27*
Alexander VII. 45. propositiones dam-
navit ex probabilismi fonte deductas. *46*
Amor Dei fructivus in Patria, non est
tota Beatitudo formalis Sanctorum, ut
volunt Scotistæ. *16*
Amor voluntatis in objectum quid sit. *3*
Differt a gaudio, seu voluptate. *18*
Apostoli sincero animo legalia observa-
runt post Christi mortem. *243*
Cur legem statuerint de abstin-
entia a suffocato. *254*
S. Augustinus quomodo explicet corpora
nostra esse resurrectura in die iudicii,
etsi plures contigerint corruptiones &
dilapsiones corporum mortuorum in
alia. *29*
Aliquando affirmavit homines, qui
vivi reperientur in die iudicii non
esse morituros, sed cum cæteris
resurgendis accensendos. *31*
Sed hanc sententiam postea retra-
xit. *ibid.*
Probabilismi Patronum nunquam se
exhibuit. *57*
Sæpe sumit opinionem in malam
partem, seu pro errore cum A-
cademicis. *74*
Proferri hoc principium in moralibus
decanatur: non tibi deputatur
ad culpam quod invitus ignoras. *84*
Quo sensu reprobaverit in Pelagia-
nis hoc eorum dogma oblivionem

& ignorantiam non subjacere pec-
cato. *93*
Cum de ignorantie peccatis disputat
contra Pelagianos semper disputat
de ignorantia in se vincibili. *96*
Quam probat perperam ab ipsis vo-
cari vincibilem & gratiæ necessi-
tatem, & ob difficultatem occur-
rentem ex concupiscentia. *99*
De qua ignorantia loquitur dum sæ-
pius dicit peccata omnia partim
ex infirmitate, partim ex ignoran-
tia contingere. *104*
De libertate a peccato loquitur cum
dicit Arbitrium post peccatum ex
libero factum esse Servum. *143*
Docet post peccatum arbitrium ho-
minis tantum labefactum, non
tamen amissum. *145*
In quonam consisteret ejus consi-
stus cum Juliano quoad liberta-
tem. *147*
Vult inductam tamen per peccatum
peccandi necessitatem, sed mora-
lem non physicam. *149*
Solum necessitatem consequentem
putavit non repugnare libertati. *151*

B

Beatitudo quid sit. *4*
Alia naturalis, alia supernatura-
lis, alia objectiva, alia forma-
lis. *5*
Varie Gentilium opiniones circa
Beatitudinem objectivam. *ibid.*
Solutus Deus est objectum nostræ bea-
titudinis. *5*
Ostenditur Beatitudinem objectivam
hominis non esse in divitiis, &
bonis fortunæ, nec in voluptati-
bus corporeis. *6*
Nec in Dignitatibus mundanis, nec
in ipsa virtute. *7*
Nec in cumulatissima complexione
omnium bonorum. *8*
Vera & perfecta Beatitudo solum
in

in Patria potest haberi. 11
Beatitudo formalis Patrie posita est in
aliqua operatione. ibid.

Varie Theologorum opiniones in
hac statuenda operatione. ibid.

Non est posita in actione increata. 12

Nec in speciali quodam lapsu Dei
in animam Beati. 13

Sed essentialiter in visione intuitiva
Dei, & amore fructivo. 14

Ex quo sequitur gaudium tanquam
proprietas beatitudinis. 18

In quo proinde Beatitudo formalis
non consistit. 18

Fides Catholica docet SS. Beatitudi-
nem fore perpetuam. 24

Contrarium sensit Origenes. ibid.

Impeccabilitas erit proprietas Bea-
titudinis Sanctorum. 25

Beatus erit impeccabilis. 25

Quas dotes habebit ejus corpus. 27

Beguardi docuerunt omnes justos a lege
humana esse liberos. 283

S. Bernardus nunquam docuit Deum pos-
se dispensare a preceptis legis natura-
lis. 214

Nunquam docuit solam necessita-
tem, quæ sit violentia, vis, &
coactio repugnare libertati. 153

Sumit coactionem hæc pro qualibet
necessitate. 154

Liberum confundit cum voluntario. 155

Ad summum docet libertatem non
esse positam in indifferentia con-
trarietatis. 156

Bonitas moralis actuum humanorum de-
sumitur ab objecto moraliter spectato.

Non Physice, a fine & circumstantiis. 167

Ita ut hæc tria simul debeant con-
fluere juxta illud: *Bonum ex in-
tegra causa.* 168

C

Arthusiani, horum constitutio de ab-
stinencia ab esu carnum, an obli-
get etiam in Articulo Mortis. 281

Certitudo perfecta non requiritur, ut quis
licite, & sine peccato operetur. 70

Certitudo moralis sufficit. ibid.

Quot modis ex S. Antonino colli-
gatur certitudo moralis. 71

Christus Dominus jure merito abrogavit
legem veterem. 239

An ab ejus morte fuerit statim mor-
tifera. 241

Claritas, quænam erit claritas Corporum
Beatorum. 27

Clerici (vide Ecclesiastici)

Coactio, Libertas a coactione quid sit. 131

An hæc sola sit in homine post pec-
catum Adæ. ibid.

Apud Patres sæpe sumitur pro qua-
libet necessitate. 153

Concupiscentia quomodo accipitur in
moralibus. 80

Quid sit concupiscentia antecedens,
& quid consequens, neutra tollit

voluntarium dummodo antecedens
advertentiam rationis non impe-
diat. 80

Confessarius non potest licite contra
propriam opinionem absolvere peniten-
tem utentem opinione probabili, quam
ipse Confessarius judicat minus proba-
bilem. 68

Conscientia est judicium practicum in-
tellectus distantis hoc vel illud in par-
ticulari esse agendum, vel non. 32

Distinguitur a ratione, a lege na-
turali, a prudentia, & quomo-
do. 33

Est alia habitualis, actualis altera,
utraque aut vera, aut erronea:

& erronea aut vincibilis, aut in-
vincibilis; aut scrupulosa, vel
remissa. 33

Iterum est vel certa, vel dubia,

R r 2 vel

vel probabilis. ibid.
Est primaria in agendis regula. 48
Quomodo differat a lege naturali. 200

Consuetudo quid sit. 306
Aliquid nonnunquam confert ad
propugnanda Fidei dogmata. 397
In rebus, quæ ad morem pertinent
vim legis obtinent. ibid.
Quæ consuetudines, & in quibus
circumstantiis admitti debeant,
vel omnino improbari, quando
tolerandæ, quando eradicandæ. 308

Corpus: Certum est ac indubitatum Cor-
pora nostra aliquando resurrectura. 19
De dotibus Corporum Beatorum. 27

Corpora resurgentium eadem omni-
no futura sunt, quæ fuerunt in
terris. 28

Quid respondeat Augustinus corru-
ptionibus, & dilapſionibus cor-
porum mortuorum. 29

Singula Corpora resurgent in pro-
pria sexu. 30

Augustini opinio videtur probabilis,
Corpora resurrectura in ætate vi-
rili matura & robusta. 30

Et quidem omnia simul, non alia
prius, alia posterius. 31

Etiā illorum, qui vivi reperien-
tur in die iudicii, postquam prius
gustaverint mortem. ibid.

D

D^Eus solus est objectum nostræ bea-
titudinis. 5

Inter Deum & hominem datur pro-
portio entitatis, sed generica &
imperfecta, non specifica, & per-
fecta. 8

Hæc proportio posita est in con-
venientia immaterialitatis, vi
cujus habet homo, quod sit in-
tellectivus, sicut Deus est intel-
ligibilis. 10

Non cogit voluntatem nolentem &
inovitam, ut contra suam inci-
nationem agat, cum eam per gra-
tiam valet. 80

Haber vere liberum arbitrium re-
spectu illorum, quæ non neces-
sitate vult. 158

Non est tamen liber in productione
Filii. ibid.

Fuit vere indifferens ad mundum
creandum. ibid.

Tenemur lege naturali, & positi-
va omnes & singulos actus no-
stros referre ad Deum, intentio-
ne saltem virtuali, & expressa. 163

Nequidem Deus potest dispensare a
præceptis legis naturalis. 306

Non dispensavit Abraham ab homi-
cidio in iis circumstantiis, in
quibus vetitum est lege naturali. 207

Divitiæ non sunt beatitudo objectiva ho-
minis. 6

Diospolitana Synodus reprobatit Cælestii
propositionem, ignorantiam &c. 95

Dispenſatio præceptorum naturalium ne-
quidem a Deo fieri potest. 207

An Deus dispensavit Abrahamum,
& Judæos a quibusdam præceptis
naturalibus. 208

In legem humanam cadit dispenſa-
tio, sed dari non debet sine cau-
sa, & quid dicendum de dispen-
sationibus Pontificiis. 290

Dotes quænam erunt Corporis gloriosi. 27

Dubitatio non est admixta omni opinio-
ni, sed tamen opinioni imperfecta. 75

E

E^Cclesiastici: Ad ipsos solum spectat
leges condere de iis, quæ ad Reli-
gionem Christianam pertinent. 293

Et diſtiones Sæculares, & potesta-
tem temporalem iuste & legi-
time possident. 304

Fa-

F

Facultates hominis quamnam habeant proportionem habitudinis cum Deo ut objecto. 8

Esti finitæ intrinsece, sunt tamen infinitæ extrinsece & objective. 10

In operatione utriusque facultatis intellectivæ & volitivæ reponi debet Beatitudo formalis hominis. 14

Quamnam facultates sint principia congenita actuum humanorum. 32

Utrum, & quomodo in omnes facultates hominis imperium exercet voluntas. 27

Formido unius partis non excludit assensum determinatum alterius. 75

In quo posita sit, hæc est semper cum opinione licet perfecta, ibid.

G

Gaudium quid sit. 18
Differt ab amore, & non est ipsa beatitudo formalis. ibid.

Sed potius proprietas quamdam beatitudinis formalis. ibid.

Genethiaci per Syderum influxum fatalem quamdam necessitatem hominibus imponi credebant. 125

Non quod inviti agerent, sed quod ingenta propensione ad actiones necessario inclinarentur. 138

Geosonius ab errore vindicatur, quem ipsi tribuunt, quod docuerit leges humanas, seu ecclesiasticas, seu civiles, quatenus humanæ sunt non obligare in conscientia, & sub pæna peccati mortalis. 270

H

Henricus Gandavensis affirmare videtur beatitudinem hominis consistere in quodam ilapso Dei in essen-

tiam animæ Beatæ. 12
Rejicitur tanquam ficticius iste ilapso. 13

S. Hieronymus oppugnavit in Pelagianis quod dicebant ignorantiam quamcumque universaliter excusare a peccato. 96

Cur ad compescendas Pelagianorum querimonias ad ignorantiam vincibilem non confugiat, sed ad profunditatem iudiciorum Dei. 101

Honor mundanus non est obiectum Beatitudinis hominis. 6

Hugo a S. Victore docuit animas Sanctorum esse beatas formaliter per actionem increatam. 11

Rejicitur hæc sententia. 12

I

Iansenius docuit ignorantiam invincibilem juris naturalis non excusare a peccato. 82

Discrimen statuit inter ignorantiam juris naturalis invincibilem, & juris positivi relate ad excusandum vel non a peccato; sed perperam. 90

Absurda quæ ex ejus doctrina consequerentur. 91

Errat in excusanda ignorantia invincibili quam admitterebant Pelagiani excusantem a peccato. 93

Docet hominis voluntatem in presenti statu naturæ lapsæ necessitari ad agendum, & perisicere per peccatum Adæ indifferentiam ad bonum. 131

Doctrinam quæ libertatem statuit in indifferentia, docet esse Philosophicam, quin potius Pelagianam. 133

Solvuntur ejus objectiones contra libertatem indifferentiæ. 141

Ignorantia juris positivi divini modo sit invincibilis excusatur a peccato. 117

Ignorantia eorum, quæ quis scire de-

debet, speciale quoddam peccatum est, si nempe sit voluntaria & vincibilis. (Vid. Peccatum.)

118

Quomodo transeunte reatu remaneat ignorantia, secundum quam peccatum est.

120

Quomodo ignorantia quæ peccatum est opponatur virtuti morali.

ibid.

Ignorantia non est confundenda cum inadvertentia.

168

Ignorantia est ignoratio rei, quam scire debemus.

81

Alia est facti, alia juris.

ibid.

Facti dividitur in antecedentem, concomitantem, & consequentem, quæ omnes definiuntur.

ibid.

Quæ sunt ex ignorantia antecedente, & concomitante non sunt voluntaria, sed quæ sunt ex consequente.

82

Alia est vincibilis, alia invincibilis.

ibid.

Certum est ignorantiam vincibilem non excusare a peccato.

ibid.

Quæcumque invincibilis vel etiam juris naturalis hominem eximit a culpa.

83

Contrarium docet Janfenius.

ibid.

Qui falso jactitat Augustinum suæ sententiæ Patronum.

84

Probat assensio etiam ex D. Thoma.

86

Invincibilis vel etiam juris naturalis reddit actionem involuntariam.

88

Quæ militat pro ignorantia invincibilis juris positivi ad excusandum a peccato, militat etiam pro ignorantia invincibilis juris naturalis.

89

Solvuntur Janfenii rationes contentis discrimen esse relate ad hoc inter utramque ignorantiam.

90

Ex doctrina Janfenii sequeretur ho-

minem debere agere contra propriam conscientiam.

91

Esse in continua conscientie perplexitate.

ibid.

Et onus gravissimum iis imponi.

ibid.

Quo sensu Pelagiani dixerint oblivionem & ignorantiam non subiacere peccato.

95

Quomodo explicabant ignorantiam invincibilem, quam volebant hominem excusare a peccato.

98

Quo sensu Diospolitana Synodus, Augustinus & Hieronymus repronaverint, in Pelagianis hanc sententiam.

94

Solvuntur Argumenta Janfenii contentis ignorantiam invincibilem non excusare a peccatis, quæ sit juris naturalis.

93

Loca a Janfenio ex Augustino adducta explicantur.

103

Ubinam locum habeat illa juris regula: ignorantia facti, non juris excusat.

107

Ignorantia invincibilis non est sufficiens voluntaria in Adamo, ejusque voluntate.

ibid.

Nec prima principia juris naturalis, nec conclusiones ex eo sequentes invincibiliter ignorari possunt.

109

Bene vero jus naturale invincibiliter ignorari potest quoad certas conclusiones a primis principiis longe remotas. Vide Jus naturale.)

113

Impassibilitas quomodo conveniat Corpori glorioso.

27

Impeccabilitas erit proprietas animæ Beatorum.

25

Imperium voluntatis aliud est politicum, seu civile, aliud dispositivum, seu herile.

77

Utrumque vel directum, vel indirectum.

ibid.

Infideles: Opera eorum ut plurimum sunt mala ex pravo, quem habent finem.

165

Inno-

Innocentius XI. damnavit **65.** Propositiones ex Probabilismi doctrina desumptas. **46**

Intellectus moralis quid sit. **33**

Ad ipsum spectat synderesis & conscientia. **ibid.**

Quid utraque sit, & quotuplex. **33**

Movet voluntatem tum ad speciem, tum ad exercitium. **78**

Quotuplex sit actio intellectus. **ibid.**

Per quamnam actionem moveat voluntatem. **79**

Quotuplex iudicium intellectus. **ibid.**

Intentio boni quid sit. **3**

Involuntarium non est quod fit per concupiscentiam etiam antecedentem, dummodo hæc advertentiam rationis non impediat. **ibid.**

Involuntaria sunt, quæ sunt ex ignorantia antecedente, & comitante. **82**

Quod sit ex ignorantia quacunque invincibili est involuntarium. **88**

Involuntarium negative, & positive quid sint. **79**

In quo differat involuntarium a violento. **ibid.**

Quænam sint causæ involuntarii. **ibid.**

Actus interiores & proprii voluntatis non possunt esse involuntarii, per vim absolute loquendo. **80**

Bene vero aliqui actus qui dicuntur imperati a voluntate. **ibid.**

Actiones factæ per metum sunt partim voluntariæ partim involuntariæ. **ibid.**

Sed quæ sunt ex metu gravi absolute & simpliciter censi debent involuntariæ. **ibid.**

Judæi an pro solis Judæis lata fuerit lex vetus. **238**

Judex quando opiniones versantur circa jus, tenetur in conscientia judicare secundum sententiam probabiliorum. **50**

Id tradunt plures ex Probabilioribus. **45**

Judicium intellectus aliud speculativum, aliud practicum generale, aliud practicum particulare, sed hypotheticum, aliud practice practicum. **78**

Per quodnam ex his potissimum moveatur voluntas. **72**

Jus divinum positivum. hujus ignorantia invincibiliter excusat a peccato. **116**

Sive juris sit, sive facti. **117**

Qui ignorant invincibiliter jus divinum citra contemptum legis valent, & dicere possunt non vidimus, non audivimus. **89**

Jus naturale - ejus prima principia, nec conclusiones proxime ex eo sequentes possunt invincibiliter ignorari. **109**

Sola peccata desiderii & voluntatis ignorabantur ante legem Moysis. **110**

Potest in jus naturale invincibiliter ignorari quoad certas conclusiones a primis principiis longe remotiores. **113**

Quomodo hoc non obstante mandata Dei interdum non sint impossibilia. **115**

Juris naturalis ignorantia hominem eximit a culpa. **83**

Contrarium sentit Jansenius, cujus argumenta solvuntur. **ibid.**

Opposita propositio damnata ab Alexandro VIII. **88**

Nec Augustinus, nec Jansenius favent opinioni Jansenii. **93**

Disputatio horum cum Pelagianis non fuit de ignorantia invincibili juris naturalis, sed de alia. **97**

Qui errant ignorantia invincibili juris naturalis legem nunquam contempserunt, & merito dicere possunt non vidimus, non audivimus. **89**

Esti ignorantia juris naturalis sit poena

posna peccati Originalis, non
tamen habet rationem peccati.

Quæ sunt contra jus naturale, sunt
intrinsicè mala, sed in peccatum
non imputantur independentè a
cognitione legis naturalis.
Quomodo sit accipienda illa juris
regula - Ignorantia facti, non
juris excusat.

I.

Legalitas, horum observatio statim a
Christi morte mortifera non fuit.

Ea sincere observantur Apostoli.
Quo tempore præcisè nociva fuerit
illorum observatio.

Lex - unde ejus nomen.
Duæ definitiones legis traditæ a S.
Thoma expenduntur.

Quotuplex sit.
Prout est actus legislatoris pertinet
simul ad intellectum & ad vo-
luntatem.

Sed magis proprie est actus volun-
tatis.

Lex omnis fertur in commune bo-
num.

Explicantur leges nonnullæ, quæ
ad sola privatorum commoda pri-
ma fronte referri videntur.

Quid sint leges quas Justinianus ap-
pellat personales.

Quid in jure canonico sit lex pri-
vata.

Leges ferre solius est personæ pub-
licæ, quæ communitatis curam
gerit.

An promulgatio sit essentialis legi.

Quæstio non est de æterna lege,
nec de naturali.

Bene vero lex omnis positiva pro-
mulgari debet, ut vim obligandi
obtineat.

Declaratur id inductione facta cu-

juslibet legis positivæ.

Legis interpretatio quid sit.

Quid simplex Interpretatio, & quid
Epiikia.

At in legem tum naturalem, tum
positivam non cadit Epiikia.

Unde petenda interpretatio legum.

In utroque jure haberi potest etiam
ratio consuetudinis receptæ, &
gravitatis poenarum, quæ infliguntur,
ex quibus repeti potest
legum humanarum sensus.

Lex æterna quid sit ex Augustino.

Differt a Providentiâ, ab ideis di-
vinis, a lege naturali, & a le-
ge divina.

Dici potest fons & origo, a qua de-
ducuntur ceteræ leges.

Quomodo leges humanæ inter se op-
positæ ab æterna deriventur.

Omnia creata subjiciuntur legi æter-
næ, quia subjiciuntur Dei domi-
nio.

Lex naturalis in Deo est lex æterna.

Definitur ratio ipsa hominis per
quam boni & mali discernendi est
capax.

Parum, aut nihil omnino differt a
conscientiâ.

Omnes Patres uno ore testantur eam
esse innatam legem, quæ ad bo-
num moveat, & a malo avo-
cet, aut saltem quod interius
quoddam lumen sit, quo unus-
quisque novit quid rectum, quid
pravum.

An sit actus vel habitus.

Dupliciter sumi potest, & in actu
primo, & in actu secundo.

Quomodo differant lex naturalis,
synderesis & conscientia.

Ad legem naturalem proprie loquen-
do pertinent primaria præcepta,
& ad summum conclusiones quæ-
dam ex illis proxime sequentes.

Lex naturalis est una in omnibus
si formatur ratione primorum
principiorum. *ibid.*

Deleri non potest e cordibus homi-
num quoad eadem principia. *202*

Nec deleri quoad secundaria præce-
pta. *203*

Quot modis possit mutatio accidere
alieni legi. *ibid.*

Lex naturalis potest mutari per ad-
ditionem. *ibid.*

Sed mutari non potest quoad prin-
cipia primaria per derogationem,
neque abrogationem, neque irri-
tationem. *ibid.*

Varia Theologorum placita circa
questionem, an possit Deus dis-
pensare in lege naturali. *204*

Firme tenendum nequidem Deum
dispensare posse a præceptis le-
gis naturalis. *206*

Quomodo Deus non dispensaverit
cum Abrahamo super homicidio.

207
Explicantur alia exempla ex Scri-
ptura desumpta. *ibid.*

Non adversatur assertioni S. Bernar-
di. (*Vide Jus naturale*) *214*

Lex - vetus quid ejus nomine intelliga-
tur. *217*

Ejus præcepta fuisse triplicis generis,
moralia, & caeremonialia & judi-
cialia. *ibid.*

Quot fuerint Sacrificia veteris legis,
quot Sacramenta, quot festivitates. *219*

Fuit bona, etsi contrarium docuerint
Marcionites & Manichæi. *ibid.*

Horum Argumenta solvuntur. *220*

Lex vetus non tulit præcepta justitiæ,
& æquitati contraria. *222*

Aut vindictam vel crudelitatem a-
perte spirantia. *223*

Ejus caeremoniæ cum summa sapien-
tia institutæ. *225*

Patriarcharum flagitia si quæ fuerunt
non approbantur a Scriptura, &
in aliis locis apertissime condem-
nantur. *226*

Tom. V.

Quamvis fuerit lex vetus bona, &
in suis principiis sancta, fuit ta-
men imperfecta. *ibid.*

Non tamen simpliciter, & quoad
omnia, sed secundum quid ta-
men, & quoad aliqua. *227*

Continebat æternæ vitæ & mortis
doctrinam etiam ex S. Augusti-
no. *229*

Fuit a vero Deo instituta. *230*

Nec a Deo tanquam a malo Prin-
cipio, cui Christus adversus fue-
rit in nova lege. *231*

Nec est attribuenda partim Moyli,
partim Senioribus. *ibid.*

Legis repudiū Moyses fuit tantum
prætor, non auctor. *232*

Solvuntur Cerdonis, & Ptolemai
argumenta. *ibid.*

Lex vetus olim datā fuit Moyli
non per Deum ipsum, sed per
Angelos. *233*

Quod potissimum ex novo Tella-
mento deducitur. *ibid.*

Solis Judæis data fuit. *236*

Cæteri in Orbe Universo ea lege
quoad caeremonialia, & judicia-
lia non tenebantur. *ibid.*

Poterant tamen æternam salutem
consequi per fidem in Christum
venturum mediatorem. *237*

Licet fuit Gentilibus fides Judæ-
orum suscipere, & Judæis il-
los suæ legis participes facere. *ib.*

Convenienter data fuit tempore
Moylis. *238*

Jure merito fuit a Christo abroga-
ta. *238*

Quo sensu dixerit Christus se non
venisse ut legem solveret. *240*

In morte Christi omnino desinit, ut
non amplius ad sui observantiam
Christianos obstrinxerit. *241*

Mortifera tamen non fuit legalium
observatio statim ab ipsa morte
Christi. *ibid.*

Post Christi mortem legalis serva-
runt

runt Apostoli sincere non simulate. **243**
 S. Paulus vere & sincere non simulate reprehendit S. Petrum. **247**
 Legalia observavit Paulus in diversis circumstantiis, ac Petrus. **249**
 In hac controversia non est pugandum auctoritate. **252**
 Notatur oscitantia Baronii in hac quaestione. **253**
 Probabilius videtur legem veterem saluti Christianorum nocivam fuisse, ubicumque facta fuerit sufficiens Evangelii promulgatio. **254**
 Cur lex de abstinence a suffocato lata fuerit ab Apostolis, & diutissime in nonnullis Ecclesiis retenta. **255**
 Lex nova utrum sit lex scripta, & iustificet homines. **258**
 Non debuit dari a principio Mundi triplici ex causa. **259**
 Duratura est usque ad finem Mundi. **ibid.**
 Si spectetur quoad finem non differt a veteri, bene vero quoad modum. **ibid.**
 In veteri continetur implicite. **260**
 Vetus fuit gravior nova, Præceptorum multitudine. **ibid.**
 Sed nova est gravior veteri quoad exercitium interiorum Actuum virtutis. **ibid.**
 Simpliciter tamen est levior. **ib.**
 Decuit Actus exteriores Sacramentales institui ad gratiæ susceptionem tum exteriores actus virtutum præcipi, & vitiorum prohiberi. **ibid.**
 Sufficienter lex nova exteriores actus Sacramentales & morales ordinavit, sicuti & interiores. **260**
 Convenienter etiam in lege nova determinata quædam consilia proposita fuere. **ibid.**
 Lex humana duplex est, alia Ecclesiastica, alia civilis. **261**

Est in hominibus æqua & legitima potestas condendi leges seu civiles, seu Ecclesiasticas, quæ obligent in conscientia. **262**
 Solvuntur Calvinii objecta. **265**
 Et quidem tam civilis quam Ecclesiastica quandoque adstringit conscientiam etiam sub peccato mortali. **269**
 Examinandum vero ex materia, & ex circumstantiis, quando obligant sub mortali, an sub veniali. **ibid.**
 Vindicator tamen doctrina Gersonii, & quomodo. **270**
 Quædam cum vitæ periculo obligant, sed paucissime & raro. **281**
 Constitutio Carthusianorum de abstinence ab esu Carnium non obligat sub gravi in Articulo mortis. **281**
 Iusti & perfecti omnes quando hanc mortalem vitam agunt subijciuntur legi. **284**
 Sunt quædam leges quibus non subijciuntur ipsi Legislatores, sunt quædam aliz quibus subijciuntur quoad vim directivam, non quoad coactivam. **286**
 In leges humanas cadit non solum interpretatio simplex, sed Epikia. **ibid.**
 Non solum pia, sed & prudens & necessaria est tolerantia in lege humana. **287**
 Quæ potest mutari per derogationem, per irrationem. **ibid.**
 Concedi potest dispensatio proprie dicta a legibus humanis. **ibid.**
 Sed tamen a Superioribus qui communitatis curam gerunt. **288**
 Quibus tamen licitum non est dispensare sine causa, sicut nec subdito uti dispensatione data sine causa. **ibid.**
 Aliiter dicendum de dispensationibus Pontificiis, & cur. **289**
 Quoddam discrimen inter dispensationem

fationem & privilegium. 290

Leges humanæ mutari possunt per contrariam consuetudinem. *ibid.*

Leges civiles popularem acceptationem non exigunt, si latæ sint in regimine aut Monarchico, aut Aristocratico. 291

Non licet Sæcularibus Principibus novas ferre leges in iis quæ ad Religionem pertinent, adeoque nec de fidei Quæstionibus, nec de Sacramentis. 295

Licetum tamen in iis quæ ad legum divinarum & ecclesiasticarum pertinent executionem. 293

Leges Pontificiæ debent publicari per totum Orbem, nec satis est publicatio in Curia Romana. 295

Actus interni qui, & cur non cadant sub lege humana. 302

Ecclesiastici iuste & legitime possident ditiones sæculares, & potestatem temporalem. 304

Legislator utrum & suis legibus subiciatur & quomodo. 285

Libertas quid generatim sit, & quomodo distinguatur. 122

De qua Libertate potissimum agendum sit. *ibid.*

Libertatem hominis penitus everterunt Stoici, & alii hæretici. 123

Est in homine etiam post Adæ peccatum libertas Arbitrii seu naturæ. 124

Scripturæ & Patrum auctoritatibus probatur assertio. *ibid.*

De natura & essentia libertatis humanæ. 131

Quid sit libertas à coactione, & quid à necessitate. *ibid.*

Janſenius solam libertatem à coactione in homine recognoscit post Adæ peccatum. *ibid.*

In quo consistat Libertas quæ ad meritum desideratur. 132

Probatur ex Scripturâ & ex SS.

Patribus. *ibid.*

Quibus consentiunt omnes Doctores Scholastici. 133

Hæc fuit Doctrina Theologorum Conc. Tridentini cum de libero Arbitrio edita sunt decreta. 136

Definita a pluribus Conciliis præsertim a Tridentino. 138

Quam libertatem homini eripiebant hæretici. *ibid.*

In eodem sensu damnatæ a Pontificibus Bæii & Janſenii propositiones. 140

Sine indifferentia activa meritum, & meriti appendices nec esse, nec concipi possunt. *ibid.*

Ad libertatem meriti non sufficit voluntarium perfectum. 141

Si per peccatum Adæ periisset in homine vera libertas indifferentiæ, inutiles forent præceptiones & hortationes ad bonum. *ibid.*

Solvuntur quæ ex Augustino obijciunt Janſenius: nimirum arbitrium voluntaris post peccatum ex libero factum esse servum. 143

Modo amissum liberum arbitrium. *ibid.*

Modo in statu hominis vel sub lege, vel ante legem non esse homini libertatem ad resistendum concupiscentiæ, & faciendum bonum. 146

Modo necessitatem peccandi indutam esse peccato primi Parentis. 149

Modo simplicem necessitatem non repugnare libertati. 151

Apud Patres coactionis nomen sumitur pro qualibet necessitate. 154

Non consistit Libertas in indifferentia contrarietatis, sed contradictionis. 157

Nostra Libertas non differt ab illa Adami, nisi accidentario. 159

M

M Alitia Moralis actuum humano-
rum, a quo repeti debeat. 167

Satis est ut unum ex tribus prin-
cipiis sit malum, juxta illud :
malum ex quocumque defectu. 168

Ad malitiam moralem non requiri-
tur advertentia actualis, nec vir-
tualis, quæ posita sit in aliquo
scrupulo vel dubitatione. 171

Manichæi non coactionem & violentiam
ab extrinseco humanæ voluntati in-
ductam dicebant, sed solum quandam
necessitatem, & ad unam determina-
tionem. 125. 138

Manichæi idem docuerunt ac Marcioni-
tæ, sed omnes confutantur. 219

Marcionitæ legem veterem in se malam,
& a malo principio latam docuerunt.
ibid.

Medicus in applicandis remediis debet
sequi opinionem probabiliorē, re-
liet minus probabili. 51

Sustinent id plures ex Societatis Je-
su Fratribus. 45

Meritum morale quænam libertas ad il-
lud desideretur. 140

Sola libertas a coactione non suffi-
cit. 141

Metus gravis reddit actiones hominis
absolute & simpliciter involuntarias.
80

Minister Sacramentorum juxta omnes
non potest in administratione sequi pro-
babilem, relicta probabiliori. 45

Moyse qui Moyse apparuit cum legem
accepit non fuit Deus, sed Angelus.
233

N

Necessitas, alia Moralis, alia Physi-
ca. 149

Prima libertati non opponitur, be-
ne vero secunda. ibid.

Solam moralem necessitatem per

peccatum induciam Augustinus
dixit. ibid.

Consequens ex Augustino libertati
non repugnat, bene vero ante-
cedens. 151

Nunquam docuit Bernardus solam
necessitatem quæ sit violentia,
vis & coactio repugnante liberta-
ti. 153

Novatores solam libertatem a necessi-
tate seu indifferentia homini denega-
runt. 125

Sicuti esse in Ecclesia potestatem
condendi leges. 261

Docent justos & perfectos legibus
divinis proprie non esse manci-
pato. 283

O

Opinio probabilis quid sit. 34

Duplex est, alia perfecta, alia
imperfecta. 75

Posterior importat æterminatum as-
sensum. ibid.

Excludit dubitationem, sed impor-
tat formidinem. ibid.

De hac agitur contra rigidiores Ca-
sualistas. ibid.

Origenes docuit, teste Hieronymo & Au-
gustino, Beatitude Sanctorum non
fore perpetuam. 24

P

S. Paulus vere & sincere non simula-
te reprehendit S. Petrum. 247

Hieronymi objectiones contra S. Au-
gustinum solvuntur. 249

Baronii oscitantia notatur. 253

Peccatum - quo sensu omne peccatum
debeat esse voluntarium. 180

An debeat esse tale semper directe,
an vero indirecte volitum. ibid.

Quid sit esse indirecte volitum. 187

Advertentia actualis non est circum-
stantia essentialis, sed accidentalis
peccati. 184

Ad

Ad peccandum formaliter & Theologicè non sequitur advertentia actualis & expressa ad malitiam actionis, immo nec virtualis, quæ consistit in aliquo scrupulo vel dubitatione. 170

Absurda quæ sequerentur ex opposita sententia. 175

Multi censentur peccare, & si non habeant advertentiam ad malitiam actionis. 177

Sufficit ad peccatum formale, quod sit advertentia ad actum, & cur. 187

Sufficit quod sit voluntarium si non directe, saltem indirecte &c. 181

Sufficit quod agens cognoscat singula in quibus est actio. 183

Solvuntur objecta ex D. Thoma, quæ huic sententiæ non adverfatur. 180

Quid sit peccatum Philosophicum, quid Theologicum. 170

Nullum datur peccatum Philosophicum, quod non sit Theologicum. 171

An leges humanæ obligent aliquando sub peccato, & quando. 269

Peccatum - quænam peccata doceat Paulus homines non cognovisse ante legem Moysi. 110

Id solum habet rationem peccati, quod voluntarium est, vel etiam liberum. 88

Ignorantia iuris naturalis etsi peccati sit, non habet rationem peccati. 90

Quid sint peccata contra legem naturalem. 91

An definitio Augustini de peccato sit accurata. 119

Quomodo ignorantia, quæ peccatum est, sit in voluntate. 121

An peccatum ex ignorantia sit duplex. ibid.

An per peccatum Adæ sublatum fuerit liberum arbitrium, ut consistit in indifferentia activa. 132

Ad peccatum formale, & Theologi-

cum non requiritur advertentia nec actualis, nec expressa, nec virtualis. 171

Pelagiani generatim dicebant oblivionem & ignorantiam non subjacere peccato. 95

Colligitur id ex Synodo Palestine, ex Hieronymo, & Augustino. 95

Eam ignorantiam appellabant invincibilem, quæ vinci non posset solis naturæ viribus, & ad quam superandam requirebatur gratia, vel quæ facile non erat vincibilis propter aliquam agendi difficultatem. 99

Præceptum - tenetur homo præcepto naturali & positivo referre omnes & singulos actus ad Deum. 162

Non quidem intentione actuali, & expressa, sed virtuali. 163

Hoc præceptum est affirmativum, quod obligat semper, non absolute loquendo, sed hypothetice. 164

Pontifex Romanus an possit dispensare sine causa. 290

Princeps an ipsi competat condere leges Ecclesiasticas. 292

Probabilis, quando sequenda est opinio mere probabilis. 70

Contrarium sentire nonnulli rigidiore, & qui. 69

Hæc propositio - non licet sequi opinionem probabilem, vel inter probabiles probabilissimam damnata fuit ab Alexandro VIII. 72

Non tenetur homo sequi semper opinionem tutiorem. 73

Sententia adversariorum secum adfert onus nimis grave. ibid.

Opinio vere probabilis nullam ple- rumque includit dubitationem de malitia operis, sed solum aliquam formidinem. 74

Probabilis opinio quid sit. 34

Probabile quid secundum nominis æthimon. ibid.

Sumitur pro eo, quod verosimile est, 161

etfi non cognoscatur ut verum .
ibid.

Aliud probabile intrinsece , aliud extrinsece .
ibid.

Probabilitas est respectiva ad opinionem .
35

Probabilis opinio vel est subjective talis , vel objective .
ibid.

Aliud est opinionem aliquam esse tutiorem altera , aliud esse probabilior .
ibid.

Questio agitur inter Theologos , an licitum sit sequi opinionem minus probabilem relicta probabiliori .
ibid.

Non potest tuta conscientia sequi minus tutam opinionem , si altera tutior sit probabilior .
36

Probabilistica opinio ad finem Sæculi xvj. incipit .
37

Non est dicenda peculiaris Jesuitarum , vel Casuistarum .
ibid.

Non licet tuta conscientia in praxi de rebus ad fidem & mores ex præcepto spectantibus sequi opinionem minus probabilem , relicta probabiliori .
38

Ostenditur Scripturis & SS. Patribus .
38

In Probabilismum vix emergentem insurrexere omnes Theologi melioris notæ .
45

Quid sentiant etiam Probabilistæ recentiores .
ibid.

Quas Propositiones & quot damnavit Alexander VII .
46

Quas ex Probabilismi fonte deductas damnavit Innocentius XI .
ibid.

Gallicani Præfules quem Librum damnarunt .
ibid.

Probabilismi doctrina facit hominem agere imprudenter , & quomodo .
47

Opinionem falsam sequitur qui relicta probabiliori minus probabilem amplectitur .
48

Quenam certitudo requiratur , ut honeste agat .
ibid.

Probabilismi doctrina inutile redditur studium Theologiæ moralis .
ibid.

Quinam errores ex hac sequuntur .
49

Innumera sententiæ referri possunt quibus tota Moralis Christiana perturbatur .
51

Cum nimirum quisque possit , quam velit tuto amplecti Religionem .
53

Jugum Christi suave dici non faveat hæc doctrinæ .
55

Nec Augustinus , nec S. Leo , nec S. Antoninus Probabilismi Patroni .
58

Pontifices in Praxi dispensationum non docent hanc doctrinam .
60

Non sequitur ex refectione Probabilismi hominem sequi debere tutiorem , relicta minus tuta .
65

Quando locum habeat illud Axioma in dubiis seligendum tutius .
37

An Subditus possit licite sequi minus probabilem opinionem cum Superiori obtemperat .
66

Quomodo Confessarius gerere se debeat cum Pœnitente opinionem probabilem tenente , quam ipse judicat minus probabilem .
68

Quid agendum sit cum proponuntur duæ opiniones contrariæ æque probabiles .
68

Falsum & periculosum est systema eorum , qui contendunt aliquam opinionem libertati faventem contra præceptum esse probabilem ob unius Doctoris tantum auctoritatem .
69

Probabilismus non est peculiaris solum Jesuitis vel Casuistis .
37

Quonam tempore cæperit .
45

In ipsum insurrexere Theologi omnes melioris notæ .
ibid.

Quenam absurda ex ipso consequantur in regulis morum .
47

Promulgatio est essentialis cuilibet legi positivæ ut vim obligandi obtineat .
192

Pro-

Pro legibus humanis non sufficit promulgatio quæ fiat in urbe Roma.

295

Proportio habitudinis quænam requiratur inter facultatem & objectum.

8

Quenam detur inter facultates hominis & Deum.

10

Prudentia, quomodo distinguatur a conscientia.

33

An habeatur in sequente opinio minus probabilem in conflictu probabilioris.

47

Quid ipsa sit.

ibid.

An revera detur in eo qui sequitur opinionem probabilem quam aperte videt oppositam probabiliori, etsi perfecta certitudine non cognoscat illam esse veram.

73

R.

Resurrectio corporum, certum est & indubitatum Fidei Catholice dogma.

19

Ostenditur ex Scripturis, Patribus, & ratione.

ibid.

Facienda est in eadem carne, in qua vivimus.

29

In eodem quoque sexu.

30

& probabilis in ætate virili, & matura juxta S. Augustin.

ibid.

Omnium simul est facienda, nec contrarium docuit Apostolus.

31

Homines qui vivi reperientur in die Judicii prius sunt morituri, postea resurrecturi.

31

Hæc est Augustini sententia, qui contrariam retractavit in Epistola ad Mercatorem.

ibid.

Rex non potest etiam secundum Probabilioristas bellum indigere, si pro utraque parte sint opiniones probabiles,

& longe minus si contradicat opinio probabilior.

43

S

Saducei negarunt Corporum resurrectionem.

19

Stoici Libertatem hominis per divinam præscientiam eventi putarunt.

125

Non tamen ut induceretur coactio, sed solum agendi necessitas.

138

Subditus, an licite possit & debeat sequi opinionem minus probabilem, cum Superiori obtemperat.

66

Subtilitas Corpori beato conveniet, & in quonam consistet.

28

Synderesis est cognitio primorum, bene vivendi principiorum.

32

Duplex est, alia habitualis, alia actualis, & quid utraque sit.

ibid.

Quomodo differat a lege naturali.

200

T

Tutus - potest quis tanta conscientia sequi opinionem tutam, si altera tutiori sit, probabilior.

37

Quando locum habeat illud axioma in dubiis, *selegendum esse tutius*.

ibid.

Ex rejectione Probabilismi, non sequitur semper nos debere sequi tutiorem.

65-73

V

Volentus, in quo differat ab involuntario.

79

Vis non potest inferri actibus voluntatis propriis & interioribus ab ea elicitis.

80

